





MAG 3315





Q. HORATII FLACCI
CARMINA







Q. HORATIVVS FLACCVS

ex antiquo desumptum

QVINTI
HORATII FLACCI
CARMINA

EX RECENSIONE

FRID. GVIL. DOERING.



TOMVS PRIMVS.



AVGVSTAE TAVRINORVM
EX TYPIS IOSEPHI POMBA
ANNO MDCCCXXX.



TYPOGRAPHVS TAVRINENSIS

L. S.

Quum ex omnibus latinis poëtis ingenio et urbanitate praestiterit Horatius, haud mirum, si et romanis temporibus, et post restituta bonarum artium studia, qui in his literis essent acutiöres plurimum

sunt quæ passim habet ad declarandam Venusini rationem, quæ quum ubique, tum in Graecorum imitatione præsertim elucet. Vt autem hac in re a superioribus et aequalibus differat, nemini vel mediocriter in latinis versato, obscurum videbitur. Nam quum Ennius, homo Rudius, et graecae adeo originis, omnium primus coagmentata Graecorum verba et homericas formas in Latium voluisset inducere, quod nimius in eo fuerat, eandem, quam deinde Ronsardus in Gallia, vicem expertus est, cuius fama expolitior iam lingua, postmodum consenuit. Idem de Lucilio dicendum, quem comica vi et acerbitate nemo fortasse posteriorum aequavit, qui tamen adeo hiulcum ac paene agrestem se praebet, ut inde multo

gratior Terentii in scribendo lenitas, quae a Laelii ore profecta dicebatur, romanis auribus debuerit accidere. Post Terentium, ne singulos recenseam, duo praecipue, Lucretius et Catullus, graeca secuti sunt. Sed prior ille, quod philosophica tractaret, propter verborum vel aeruginem vel novitatem durior videri potuit; alter contra in amatoria levitate nulli secundus, verissimae latinitatis auctor et omnium suavissimus habitus est. Ac nescio, an quisquam alius Graecorum festivitatem melius expresserit, aut castrensem illam patriae linguae asperitatem dulciorem reddiderit. An vero cum Horatio idcirco erit comparandus? annon potius, quum hunc numero et poëticis illecebris facile vincat, ipse vicissim subtilitate ab eodem

superatur? Equidem sic existimo, si alterutrius poëtae libri interiissent, ingens damnum latinas literas in Catullo facturas fuisse, cuius tamen iactura lenius ferri posset prae illa Horatii, qui primus stilum sic adhibuit, ut cum Atticis de urbanitate contenderet. Hoc autem consecutus est, nescio quid argutum verbis indendo, quo vix conspicienda rerum confinia et repugnantias posset exprimere. Hinc Quiritium sermo, non tam vocibus quam coloribus adauctus, versutam plane celeritatem et urbanos sales ab eo habuit, quibus antea caruerat. Qui enim ultimam, ita dixerim, manum accepisset, vel in antiqua vitae simplicitate, vel in bellicis expeditionibus, vel demum inter tribunicios clamores et vulnera, quae rempu-

blicam exhausserant? At ubi imperium sub unius dominatione quievit, et per otia pacis graeca elegantia animadverti coepta est, mirum quantum immutati civitatis mores in linguam influxerint. Et iam Plautinae Musae in calumniam inciderant, quiddam autem summe expolitum et philosophia plenius tinctum in poëtis requirebatur, quod priorum spiritus et recentioris aetatis cultum referret. Eum porro fuisse Horatium, qui seculo apprime satisfaceret, nemo iam, ut opinor, negaverit. Certe ut diviniore natura fuit, sic etiam rara felicitate usus est, quum Virgilium artis aemulum habuerit, et acrem suorum poëmatum aestimatorem in Augusto invenerit. Tunc igitur, ille conscripta Aeneide, hic satyra et

lyricis carminibus, ultimos romanae
poëseos fines utrique posuerunt,
quos qui transiliret, vel in hispa-
niensem Lucani tumorem, vel in
acuminatos Statii et Iuvenalis sa-
pores incideret.

Scio nonnullos hunc nostrum
arguere, quod in Graecis defixus,
Archilochi aut Sapphonis versus
suis interdum adperserit, unde il-
lud Didymi Clerici, vel potius no-
bilis nuper Corcyrensis dictum, qui
horatianum carmen museum quod-
dam opus affabre expolitum, at ex
Pariis et Lesbiis lapillis composi-
tum, solebat appellare. Sed quorsum
haec pertinet reprehensio? An quod-
vis prorsus imitationis genus da-
mnandum censebimus, isque tan-
tummodo erit poëta, qui sponte
veluti e terra enatus, omnia na-

turae, nihil aliis debeat? Si hoc semel placuerit, vereor sane, ut quisquam recentiorum poëtae nomine sit donandus. Quid enim si linguae, literae, ipsa etiam humanitas externis plerumque originibus permixta, vel acerrimum quemque ad imitationem fingunt? Quid si poëtica materia iam paene a vetustioribus exhausta, vix aliquis inveniendi locus relinquitur? Hoc adeo verum est, ut, comica fabula excepta, quae tota Atticorum vel Siculorum fuit, neque Graeci post Ionios et Doricos, qui epicam et lyricam creaverant, quidpiam novum reperisse videantur. Nec plura certe invenerunt Romani, in eo tamen laudandi, quod Graecorum vestigia secuti, vernaculum plane morem et vultum in scribendo servarunt. Quod volo notari, sive ut

appareat quemadmodum uniuscuiusque naturae locus in imitatione sit, sive ut romanae literae melius aestimentur. Frustra enim sunt, si qui similitudine quadam decepti, contentionem inter utriusque gentis scriptores nimis diligenter persequuntur. Nemo latinorum, praeter comicos, graecum exemplar studuit exprimere, ut statuarius statuarium. Nervosior Xenophonte Caesar, nitidior Thucydide Sallustius, intentior Herodoto Livius. Itaque ut in Graecis praestantioris cuiusdam indolis mobilitatem, sic in Romanis aliquid bellicosius, fortasse etiam sapientius invenias. Quod si iam ad Horatium redimus, etsi Graecorum fuit studiosissimus, unde tamen romuleam plane vim et splendidam hausit brevitatem, qua in gravioribus ar-

gumentis Pindari magnificentiam feliciter compensavit? Et multi quidem graeci nunc scriptores desiderantur, quos ille prae oculis habuit, sed in celebrandis domesticis factis tam propriis coloribus usus est, ut ab eorum nemine sumi potuerint. Ex quo iam, puto, intelligitur, cur summus poëta, qui aliis operibus effigiem ingenii sui penitissime inculpserat, unum aut alterum postea graecum versiculum quasi aliud agendo latine converteret. Quis dubitet in perdifficili re quid arte posset ostendere voluisse? Quum autem id commode admodum praestiterit, magnam profecto ab istarum elegantiarum arbitris gratiam inivit, qui nativas utriusque linguae proprietates inde melius perspicerent. Quod si ex dictis confecerim, huius-

modi imitationem neque obscuram, neque arguendam in Horatio fuisse, omnes puto mihi esse assensuros.

Sed de his hactenus. Restat, candide lector, ut librum diu versando, ingeniosum poëtam arctissima tibi familiaritate devincias. Est quippe aulicus vir, nec primo statim aditu se hospitibus praebet. Quot mihi copia esset memorandi satis latine doctos, qui neque in ipsius odis venustatem, neque fallentem in satyris ironiam nunquam persenserunt! Tu vero, candide lector, si aequo Iove natus es, mirificam ex eo voluptatem hauries; indeque poteris certissimum futuri in literis profectus augurium capere. Interea vale.

Dabam Taurini iv Kal. Mart.

An. MDCCCXXX.



Q. HORATHI FLACCI

VITA

xx

SVETONIO TRANQVILLO.

Q. Horatius Flaccus, Venusinus, patre, ut ipse quidem tradit, libertino, et exauctionum coactore, ut vero creditum est, salsamentario, cum illi quidam exprobrasset in altercatione: *Quotiens ego vidi patrem tuum brachio suo se emungentem?* Bello Philippensi, excitus a Marco Bruto imperatore, tribunus militum meruit; victisque partibus, venia impetrata, scriptum quaestorium comparavit; ac primo Maecenati, mox Augusto in gratiam insinuatus, non mediocrem in amborum amicitia locum tenuit. Maecenas quantopere eum dilexerit, satis demonstratur illo epigrammate:

*Ni te visceribus meis, Horati,
Plus iam diligo, tu tuum sodalem
Ninnio videas strigosior.*

Sed multo magis extremis iudiciis, tali ad Augustum elogio:


Horatii Flacci, ut mei, esto memor.

Augustus Epistolarum quoque ei officium obtulit, ut hoc ad Maecenatem scripto significat: *Ante ipse suf-*

faciebam scribendis epistolis amicorum: nunc occupatissimus et infirmus, Horatium nostrum te cupio adducere. Veniet igitur ab ista parasitica mensa ad hanc regiam, et nos in epistolis scribendis adiuvabit. Ac ne recusanti quidem aut succensuit quidquam, aut amicitiam suam ingerere desiit. Exstant epistolae, e quibus, argumenti gratia, pauca subieci: sume tibi aliquid iuris apud me, tanquam si convictor mihi fueris: recte enim, et non temere feceris: quoniam id usus mihi tecum esse volui, si per valitudinem tuam fieri possit. Et rursus: Tui qualem habeam memoriam, poteris ex Septimio quoque nostro audire. nam incidit, ut illo coram fieret a me tui mentio. Neque enim, si tu superbus amicitiam nostram sprevisi, ideo nos quoque ἀνθυπερβονοῦμεν. Praeterea saepe eum inter alios iocos purissimum penem, et homuncionem lepidissimum appellavit, unaque et altera liberalitate locupletavit. Scripta quidem eius usque adeo probavit, mansuraque perpetuo opinatus est, ut non modo Seculare carmen componendum iniunxerit, sed et Vindelicam victoriam Tiberii Drusique privignorum suorum; eumque coegerit propter hoc, tribus carminum libris ex longo intervallo quartum addere: post Sermones vero lectos quosdam, nullam sui mentionem habitam ita sit questus: Irasci me tibi scito, quod non in plerisque eiusmodi scriptis mecum potissimum loquaris. An vereris, ne apud posteros infame tibi sit, quod videaris familiaris nobis esse? expressitque eclogam, cuius initium est:

*Cum tot sustineas et tanta negotia solus,
 Res Italas armis tuteris, moribus ornes,
 Legibus emendes: in publica commoda peccem,
 Si longo sermone morer tua tempora, Caesar.*

Habitu corporis brevis fuit atque obesus: qualis et a semet ipso in Satyris describitur, et ab Augusto hac epistola: *Pertulit ad me Dionysius libellum tuum, quem ego, ne accusem brevitatem, quantuluscunque est, boni consulo. Vereri autem mihi videris, ne maiores libelli tui sint, quam ipse es. Sed si tibi statura deest, corpusculum non deest. Itaque licebit in sextariolo scribas, cum circuitus voluminis tui sit ἐξωδέστας, sicut est ventriculi tui.* Ad res Venereas intemperantior traditur. Nam speculato cubiculo scorta dicitur habuisse disposita, ut quocunque respexisset, ibi ei imago coitus referretur. Vixit plurimum in secessu ruris sui Sabini, aut Tiburtini: domusque eius ostenditur circa Tiburtini luculum. Venerunt in manus meas et elegi sub eius titulo, et Epistola prosa oratione, quasi commendantis se Maecenati: sed utraque falsa puto. Nam elegi vulgares, epistola etiam obscura: quo vitio minime tenebatur. Natus est sexto Idus Decembres, Lucio Cotta et Lucio Torquato Consulibus. Decessit quinto Kalendas Decembres, Caio Marcio Censorino, Caio Asinio Gallo Consulibus, post nonum et quinquagesimum annum, herede Augusto palam nuncupato, cum urgente vi valetudinis non sufficeret ad obsignandas testamenti tabulas. Humatus et conditus est extremis Esquiliiis, iuxta Maecenatis tumulum.



NOTITIA LITERARIA

DE

Q. HORATIO FLACCO

II

IO. ALB. FABRICII BIBLIOTHECA LATINA

A IO. AVG. ERNESTI AVCTIVS EDITA

TOM. I, CAP. XIII.

HORATII Actas.

Q. Horatius Flaccus,¹ Venusii Apuliae natus est VI Id. Decembr.² L. Aurelio Cotta et L. Manlio Torquato Coss. anno V. C. 689. ante Christum 65. *Lyricorum fere solus legi dignus*, iudice iam olim Quintiliano, cum plures huius generis poëtae³ exstarent, Titius, Caesius, Bassus et alii, quorum scripta quod abolita sint, huic Quintiliani censurae tribuendum putant Barthius LVI, 11. Advers. eiusque familiaris Christ. Daumius libro erudito de amissione latinarum radicum p. 61. Vita decessit Horatius Epicuri favens⁴

¹ *Θάλασος ὁ ποταμὸς* Plutarcho in Lucullo, pag. 518. ubi respicit haec Horat. L. I. Ep. VI.

— *chlamydes Lucullus, ut aiunt,*

Si posses centum scenas praebere.

² Vide antiquum vitae Horatii scriptorem, quae ad Suetonium auctorem vulgo refertur. *Venusia τῶν ἱερῶν*

dicitur Polybio III. 90. *Venusium* vocat scholiastes Horatii velus ad lib. 2. Sat. 1. alii *Venusiam*.

³ De his aliisque Lyricis latinis Vossius III. 45. Institut. Poëtic.

⁴ Addictus nolui dicere, quia lib. I. Ep. 1. se ipse dicit Nullius addictum iurare in verba Magistri. Conf. D. Rappoltum in Horat. p. 27. 39. etc.



dogmatis, at non ineptus morum scriptorumve Censor, Maecenati atque inde Augusto mire probatus, eodem quo Maecenas¹ anno V. C. 746. C. Marcio Censorino et C. Asinio Gallo Coss. anno aetatis 57. ante Christum 8. viginti ante mortem Augusti Imp. Sed de universis Poetae rebus carminumque plerorumque, quo scripta sunt tempore, accuratiorem notitiam lector petet ex Horatii vita chronologica, quam in lucem dedit antiquitatis ac rei chronologicae, ut insignibus speciminibus demonstravit, haud vulgariter peritus Io. Massonus, praemissa Horatii effigie, quam exhibet quoque Iac. Gronovius T. 3. thesauri Antiqu. Gr. Liter. sss. Exstat quoque effigies Horatii in duplici nummo apud Sigebertum Havercamp. diss. de numis contorniat. p. 152. Vitam Horatii, quae Suetonio auctori tribuitur, ex Codice MS. vulgavit Pet. Nannius cum castigationibus suis Miscellaneor. III, cap. 2. (Tom. 1. Lampadis Artium Gruterianae pag. 1261.) Vita Horatii a Io. Masson² scripta prodiit Lugd. Bat. 1708. 8. Videndus etiam de Horatio Tan. Faber lib. 2. Epist. 47. Idem Massonus in Hist. critica Reip. Literar. quam Gallice edidit Tom. V. p. 51 seq. defendit carmina in libris Odarum, Satyras et Epistolas singulas ab Horatio, prout ferret occasio, fuisse scriptas vario tempore separatim, et deinde ab eodem in libros redactas: neque adeo videri credibile, quod eruditissimo Bentleio persuasum fuerit (v. praef. eius ad Horatium ab ipso curatum), nihil nisi satyras primo libro comprehensas scripsisse Horatium anno 26. 27. 28. aut

¹ Maecenas decedens prior Horatium Augusto commendavit his verbis: *Horatii Flacci, ut mei, est mentior.*

² History of the works of the learned a. 1708. p. 280. Bibl. choisie de M. le Clerc Tom. XIV. pag. 223. Boeksaal van Europe 1707. II. p. 288.

librum secundum satyrarum anno 31. 32. 33. Epodon librum anno 34. 35. librum primum Odarum a. aetatis 36. 37. 38. secundum 40. et 41. tertium anno 42. 43. Epistolarum librum primum, anno 46. 47. librum quartum Odarum Carmenque seculare 49. 50. et 51. librum secundum Epistolarum et Artem poeticam nulli certo tempori idem Bentleius assignavit.

De Philosophia Horatiana exstant diatribae Io. Guil. *Bergeri*, Viteb. 1704. 4. et *Henningi Forelii*, Vpsal. 1706. 8. Dan. *Heinsii* de Satyra Horatiana liber saepius editus: nec minus dignae lectu et amoenae Io. Iac. *Mascov* exercitationes binae ad Satyras Horatii, Lips. 1714. 1716. 4. Ad locum vero Odae 34. libri I, ubi palinodiam canentis in modum, Epicuro videtur renuntiare, et retrorsum vela dare ab insanientis illius sapientiae erroribus, conferre licebit dissertationem Georgii R. Icti adversus Massonum, insertam Novae Bibl. librorum Halensi P. 19. p. 789 seq. Horatius dulci maiestate sua Pindari¹ imitator, unde *Pindaricum* appellat Venantius Fortunatus lib. 5. carminum cap. 6. Idem IX, 7. *Pindarus Graius meus*, inde *Flaccus*. Iulius vero Caesar Scaliger VI. Poetic. p. 811. 812. Horatium praefert Pindaro, et aliquas illius Odas (ut lib. 4. Od. 3.² et libri 3. 9.) ita miratur, ut malit tales a se compositas, quam Pythionicarum multas Pindari et Nemeonicarum: *quarumque similes*, inquit, *malim composuisse, quam esse totius Tarraconensis Rex*. Confer Menagii Anti-Bailletum cap. 27. et Pet. Francii Orationes p. 601. ubi Horatium Iuvenali prae-

¹ Vide infra, ubi de Francisci Blondelli et Hudarti de la Motte scriptis, quibus Pindarum cum Horatio conferunt.

² In libri IV. Oda 3. sonus mutis

piscibus dandus intelligendus est de testudine, ut probe observavit Thom. Molyneux, Medicus Dublinensis, Novell. Reip. literar. a. 1703. mensae Sept pag. 256 seq.

fert. Is. Casauboni liber *de Persiana Horatii imitatione*, commentario eius in Persium subiicitur, Paris. 1605. 1615. 8. Franciscus Petrarcha,¹ vir sui seculi doctissimus, dicere solitus est, se ex nullo Poëta Latino evasisse meliorem, quam ex Horatio.

*Horace² nous instruit comme un ami commode,
Sans trop s'assujettir à l'art, à la méthode.
Son tour vif et naïf enchante ses lecteurs.
Et leur fait mépriser ses fades traducteurs.*

*Qu' Horace³ connut bien l'élégance Romaine!
Il met le vrai dans tout son jour,
Et l'admiration est toujours incertaine
Entre la pensée et le tour.
Sublime, familier, solide, enjoué, tendre,
Aisé, profond, naïf et fin,
Digne de l'Univers, l'Univers pour l'entendre
Aime à redevenir latin.*

Horatii⁴ carminum lectione delectati sunt duo Imperatores sapientissimi, Augustus et Severus. Est vero, in Odis praesertim, elaboratissimus, sublimis, suavis, emendatissimus, et in epithetis deligendis, ut Petronii verbo dicam, curiosa eius felicitas: praecipuus in satyra, doctor in poëtica arte unice audiendus: eximius philosophus in Epistolis. In carmine elegantiam et peritiam numerorum ei tribuit Ovidius, in argumentis sapientiam et calliditatem Persius, diligentiam elucubratorum Iuvenalis, sublimitatem auctor vetus sed non nominatus, iucunditatem, gratiam, varietatem Quintilianus, sollertiam Apuleius, in sermone puritatem et nitorem idem Quintilianus: in Saty-

¹ Georg. Fabricius praefat. ad Ilor.

³ Poésies de M. Houdart de la Motte
Tom. II. p. 82.

² M. Pope, Essais sur la Critique,
chant. 3.

⁴ Biblioth. Schraderiana n. 1085.
in fol.

ris eum esse emendatissimum Lactantius. Imitatus est in Odis potissimum cum Pindaro Alcaeum et Sapphonem: epitheta sumpsit ab Homero et Sophocle. In libro Epodon secutus est Archilochum, in Satyris Romanos illos Ennium et Lucilium. Sed Horatio[†] nihil hoc in genere praestantius est, qui ut omnes vitae rationes in Satyris suis complexus fuit, ita flosculos supeditat, quibus mirum in modum ornare sermonem nostrum possumus. Ego certe Satyras eius omnes memoriae mandari velim, tum in vita ipsa, tum in sermone usui futuras. Elegantissima omnia sunt, dictio nitida, et, si numeros tollas, sermoni soluto apta. Urbanitas in eo mira, sales candidi, ex abdito erutae sententiae, argutiae non coactae, merae Charites, omni occasione aptae. Summum in illo viro ingenium fuit, nec immerito Augusto et Maecenati in deliciis, cuius genium satyricum nemo ex antiquis, nemo e recentioribus, ulla imitatione assecutus est. Io. Casellius in Nea suo, Horatium vitae magistrum commendans, *Affirmare non dubitem, inquit, qui in hoc poeta multum operae posuerit, cumque ita perdidicerit, ut eius versus non in ore natos aut extemporales, ut putatur, non memoria teneat (nec vero non sunt, qui hoc praestiterint) sed probe intellectos ad usus vitae transferat: hunc posse rebus suis suorumque recte in omnibus aliquid boni consilii invenire: nec minus idem patriae recte consulat, praesertim si et ad historiam se conferat, spectans id, quod potissimum ostendimus.* Bentleio in notis p. 64. Horatius dicitur magnus novator, quod ex Graecis in Latinam linguam felici audacia alia transtulit, alia, ut *male feriati* vocabulum, ipse primus effinxit. Confer Iac. Frid. Rei-

[†] Morhof. Polyhist. I. 3. c. 6. p. 634. Tom. I.

manni historiam vocabulorum Linguae Latinae p. 43 seq. Alius Horatius, de quo Martialis IV, 2. Sed longe plures hoc nomine commemorat Io. Glandorpius in Onomastico Romano p. 402. seq. De *Titio* poeta Lyrico Broukhusius ad Tibullum p. 92. seq. De *Caesio Basso* Scholiastes Persii ad Sat. VI, 1.

POEMATATA.

Scripta Horatii ita recenset Sidonius Apollinaris Carmine IX, v. 218.

*Non quod per Satyras Epistolarum
Sermionumque sales, novumque Epodon,
Libros Carminis ac Poëticam artem
Phoebi laudibus et vagae Dianae
Conscriptis voluit sonare Flaccus.*

Haec universa Horatii hodie exstant:

Carminum sive Odarum libri IV ad C. Cilnium Maecenatem, licet primam Odam libri primi (uti non paucos Virgilii versus) pro spuria habuit Franc. Guyetus, doctus, sed nimis delicati fastidii Aristarchus. Librum quartum ex longo intervallo addere inssit Augustus, ut in vita Horatii Suetonius memoriae prodidit.

Epodon liber unus, perinde ut libri carminum, vario genere versuum proodico et epodico scriptus, de quibus consulendus Aldi Manutii tractatus de XIX generibus metrorum Horatii.

Epodon libro subiicitur *Carmen seculare*, quod Horatio componendum iniunxit Augustus anno V. C. 736. aetatis Horatii 40. Meminit auctor vitae, et Sidonius innuit per *Phoebi laudes et vagae Dianae conscriptas*. Sunt quibus carmen seculare videtur

etiam lib. I, Oda 21. et lib. IV, Oda 6. Vide Petri Taffini lib. 1. de ludis secularibus cap. 16. et 17. in Tomo 8. thesauri Antiquitt. Romanarum.

Sermonum libri IV ad eundem Maecenatem, epico carmine conscripti, quorum duo priores complectuntur *Satyras*¹ ab argumento, posteriores duo ad docendum et instruendum facti, *Epistolarum* vulgo veniunt nomine, quorum in altero Ethicum Philosophum, in altero Criticum profitetur. Alter constat Epistolis viginti, alter vero tribus, una ad Augustum² de Poëtis, praecipue Romanis: secunda ad Iulium Florum, tertia ad Pisones patrem et filios a Charisio diserte Epistolae nomine memorata, quae vulgo, ut Sidonii etiam aetate factum, seiuncta a reliquis, Fabii auctoritate III, 8. Inst. Or. inscribitur *Liber de arte poëtica*, in quem Porphyrio observat, Horatium congressisse praecepta Neoptolemi Pariani de arte poëtica, non quidem omnia, sed eminentissima. Haec Epistola si cum duabus prioribus iungatur, mole et versuum numero fere aequabunt priorem Epistolarum librum, aut certe parum inter se uterque different, ut pridem notavit Dan. Heinsius. Horatii *Satyras* Fulvius Vrsinus in Virgilio cum Graecis scriptoribus collato p. 3. veteris Codicis Vaticani fidem secutus, *Eclogas* appellat. Sic quoque Cruquius, haud improbane Barthio ad Statium T. I. p. 351. Liber

¹ Nonnullas Satyras ante Carmina quaedam in Epodon libro, scriptas ab Horatio esse disputat Sam. Petitus lib. I Observat. cap., IX.

² Sueton. in Horatii vita: post Sermones vero lectos quosdam, nullam nam mentionem factam ita est questus

Augustus: Iratum me tibi scito, quod non in plerisque ejusmodi scriptis mecum potissimum loquaris. An vereris, ne apud posteros infame tibi sit, quod videaris familiaris nobis esse? *Expressitque eclogam*, cujus initium est: Cum tot sustineas et tanta negotia solus.

satyrarum secundus Trebatio in quibusdam Codd. inscribitur. Compositae sunt carmine epico, sed sermoni propiore, ut ipse lib. I, Sat. IV, 41. scribit:

—————neque si quis scribat, uti nos,
Sermoni propiora, putes hunc esse poetam.

Ab his Satyris *mordacem* vocat Flaccum Sidonius: Petrus Blesensis subinde *Ethicum*, ut Epist. 150. et alibi. Quid ecloga, quid satyra exigat, eleganter tradit Io. Antonius Campanus lib. V, Epist. 24. Versus quatuor et quinquaginta ex Epistola ad Florum a versu 87. ad 140. in alteram ad Augustum transferendos, non post v. 219. ut Dan. Heinsius, sed post 117. collocandos esse, singulari diss. in Acad. Inscriptionum Paris. a. 1702. 15. Nov. probatum ivit Io. Boivinius. Versus octo in quibusdam Codd. et editionibus praefixi lib. I, Satyrae X, et a Gyraldo dialog. IV de poetis, Guil. Cantero aliisque pro Horatianis habiti: *Lucili, quam sis mendosus teste Catone* etc. tanquam spurii a Criticis reiiciuntur. Vide H. Stephanum, Laevinum Torrentium, alios. In libri secundi Epistola II transpositi versus a 87. ad 140. ut praeter Dan. Heinsium in notis, Io. Boivinius diss. in memoriis literariis Trevoltinis a. 1703. Sept. p. 268 sqq. Salmasius in Solinum p. 5. Horatii nomine laudat hunc versum:

Nulla dies abeat, quin linea ducta supersit.

sed non est Horatii, nec alterius veteris poetae Latini, ut notatum Carolo Dati in vita Apellis p. 107, bibl. Aprosiana p. 273. Sermonum libros, Horatii exemplo, praeter alios scripsit Pet. Scholirius, eques et sena-

tor Antverp. a. 1635. defunctus, quos commentariis etiam illustravit Albertus le Roy,⁴ Eremita Augustinianus, Herbipoli, 1683. 8.

Ars Poëtica scripta ad Pisones, patrem et filios: hos enim alloquitur versu 24.

———*Pater, et iuvenes, patrè digni.*

Suetonius in vita testatur, venisse in manus suas et *Elegos* sub Horatii titulo, et *Epistolam* prosa oratione, quasi commendantis se Maecenati. *Sed utraque*, inquit, *falsa puto. Nam elegi vulgares, Epistola autem obscura; quo vitio minime tenebatur.* Auctor libri de Orthographia, qui Bedae vulgo tribuitur p. 2800. edit. Putschii: *Nonnulli veterum ipsa carmina soles nominare, sicut Horatius in principio cuiusdam voluminis, quod ita exorsus est: Soles meos omni Ecclesiae (Barth. LII, 4. legit Etesiae) vestrae commendo. Et Maro: saepe ego longos cantando puerum memini me condere soles.*

SCHOLIASTAE veteres.

Multos Grammaticos veteres interpretes nacta sunt Horatii Carmina, sed quorum aetas definiri non potest. Primo loco ponitur in edd. *Acron*, cui praeferunt interpretandi solertia *Porphyriionem* Vavassor de vi et usu verborum quorundam. H. Stephanus testatur in MS. *Pomponium Porphyriionem* appellari. Ceterum sunt magis excerpta ex eorum commentariis, quam commentarii ipsi, iique etiam, ut in aliis quoque factum, interpolati ab iis, qui ista excerpserunt. Porphy-

⁴ Acta Erud. 1681. pag. 262.

rionis quidem Scholia se longe pleniora habere scripsit Emendationum lib. I, c. 14. eaque se editurum promisit. Scholia autem Anonymi edidit primus Cruquius in sua Horatii editione. Ea similia ceteris iudicat Barthius Advers. XLII, 22. nec magni faciebat T. Faber Epp. I, 2. II, 54. habent tamen non parva, quae in ceteris scholiis antiquis non reperiuntur, et tamen ad intelligendum Horatium utilia. Scholia inedita exstant in Bibl. Franequerana, teste Gutherletho de Saliis pag. 9. Graevius etiam in Lect. Hesiod. c. 17. affert locum e Scholiaste suo inedito. Quae in edd. Basil. addita sunt veterum Grammaticorum Scholia, ea sunt excerpta et collecta e libris Grammaticorum superstitum.

CODICES

Codices MSSi Horatiani non tam insignes quidem et clari exstant, quam Virgiliani; sed tamen non pauci, aut contemnendi. Codicem optimae notae commemorat Barthius Adv. XXXV, 2. Bentleius Reginensem p. 13. 16. etc. Leidensem 800. annorum, Cantabrigiensem 600. item alium Galei, v. et Burmanni praef. ed. 1713. 12. MS. Biblioth. Hannov. scripturae Longobardicae minoris, item Goettingensis recentiorrem habent. Habent et Bibl. Lips. Sen. et Vinar. MSSos, quorum omnium, aliorumque excerpta Gesnerus habuit. Plures reperiet, qui volet, in Montefalconi Bibl. MSS. etc. Vide et Cl. Iani edit. Horat. T. I, Vol. I.

SCRIPTA Horatio lucem afferentia.

In *Artem Poëticam* separatim scripsere plurimi,

quorum nonnullos annotavit etiam Adrianus Bailletus, in iudiciis eruditorum de scriptoribus huius argumenti, singulari volumine recensitis, Vitus *Amerbachius*, Argent. 1543. 8. Franc. *de Cascales*, Valentiae 1639. 8. Nic. *Colonus*, Bergomi 1587. 8. Thom. *Corraeus* Lusitanus, Venet. 1587. 8. *Trypho Gabriel*, Paris. 1544. 8. Henr. *Glareanus*, Paris. 1533. 4. ap. Rob. Steph. Jac. *Grifolus*, Florent. 1550. Paris. 1552. et Venet. 1562. 8. cum apologia adversus Iasonem de Nores: Franc. *Luisinus*, Vtinensis, Venet. 1554. 4. apud Ald. Manut. Vicentius *Madius* Brixianus, Venet. 1550. fol. cum commentario eiusdem et Barth. Leonhardi in Poeticam Aristotelis: Aldus *Manutius* iunior ibid. 1576. 4. Hercules *Manzonius*, Bergomi, 1604. 4. Pet. *Naunius*, ad calcem edit. Horatii cum Torrentii commentario, Antv. 1608. 4. Iason de Nores, Cyprius, 1544. 8. Venet. 1553. Ianus *Parrhasius*, Neap. 1531. 4. Paris. 1553. Lugd. 1536. Venet. 1553. Io. *Piscator*, Spirae, 1595. 8. Franc. *Robertelli* commentaria cum eius explicationibus de Satyra, Epigrammate, Comoedia, salibus et Elegia, Florent. 1548. fol. Franc. *Sanchez* annotationes, Salmanticae 1591. 8. Antverp. 1592. 8. Achillis *Statii* notae, Antv. 1553. 4. Io. *Sturmii* commentarius, Argentor. 1576. 8. quem Io. Henr. Ackerus iterum subiici praelis curavit Rudolst. 1716. 8. Iod. *Willichii*, Francof. 1539. Io. Bapt. *Pignae* poetica Horatiana, Venet. 1561. fol. etc. Princeps et novissimus interpres est R. *Hurdus*. Omisimus Analyticos, Rhetoricos et Paraphrastas, ut in ceteris partibus: quos nemo hodie quaerit.

In *Epistolas* Claudius *Minos*, Paris. 1584. 4. Io. *Amarito*, ibid. 1553. 12.

In *Satyris* Iac. *Cruquii* notae excusae separatim 8.

ap. Plantin. Iulii Aurelii *Haurechi* commentarius in Satyras duas primores, Antv. 1541. 8. P. *Oudini* in Satyram VI, lib. I. I. I. *Mascovii* exercitt. II in Hor. Satyras, Lips. 1714. etc.

In *Odas et Epodon librum*, I. M. *Brutus*, Herman. *Figulus*, Frcf. 1546. 4. *Bernhardin. Parthenius*, Ven. 1584. 4. Phil. *Eugentinus*, I. Th. *Freigius* etc. In lib. I. Odd. Adr. *Turnebus*, Paris. 1577. et 1586. 8. una cum animadverss. ex eiusdem *Adverss.* in varia Horatii loca, notisque *Mureti* et *Manutii* in Horat. *Paulli Franci* commentarii Horatiani praemetium in I et II librum *Odarum*, Francof. ad Viadrum 1521. 8. Io. *Caesarius* in *Odas* triginta duas libri primi, Rom. 1566. *Hugolinus Martellus* Episcopus, in *Odam* 2. libri IV. de *Pindari* laudibus, Florent. ap. Iuntas, 1579. 4. *Iulianus Aurelius Lessigniensi* Belga, in *Odam* 1. et 2. cum paraphrasi earundem, Antverp. 1541. *Blasius Bernardus* de laudibus vitae rusticae ad Horatii 2. *Epodon*, Florent. 1613. 4. *Aldus Manutius* de eodem argumento, Venet. et Io. *Weitzius*, Francof. 1625. 8. Iac. *Cruquii* notae in *Epodon librum* excusae separatim apud Plantin. Phil. *Bebii* e Soc. Iesu commentarius in *Lyrica* Horatii ab obscoenitate expurgata, Colon. 1633. fol. *Christii* iuventus aquilae, ad carm. IV, 4. Lips. 1745. Cl. *Messerschmid* de *Genio*, Witteb. 1769. Cl. *Baueri* epistola de Horatii locis nonnullis, Laub. 1770. Cl. *Brieglebii* Vorlesungen über den Horaz (carm. I, 16.) Altenb. 1770. Cl. *Haymanni* vindiciae Hor. advers. *Perraultum*, Dresd. 1771. Cl. *Degen* specimen urbanitatis Hor. Erlang. 1774. Ill. C. H. *Schmidii* polemicae Horatianae specimina V, inde ab a. 1776. Cl. *Haberland* de carm. III. 3. Ien. 1775. Cl. *Wideburg* de nexu in odis Hor. ib. eod.

Carmen seculare, separatim cum aliis Odis quibusdam, velut, in iisdem ludis secularibus, distinctis temporibus dierum cum illo, quod carmen sec. vocamus, decantatis edidit sub titulo: *Partis sextae operum Horatii*, ex antiquissima recensione *Sidonii Apoll. Carm. IX*, 218. s. notisque criticis et philol. illustravit Io. Pet. *Anchersten*, Hafn. 1752. 8. Simile quid in mentem venerat ante *Sanadono*. vid. *Gesnerum* in praef. ad Carm. sec. cuius iudicium de eo invento probamus.

Christoph. Aug. *Heumannii* quaedam in Horatium observationes, insertae *Miscellaneous Lipsiensibus Pezoldi T. IV. p. 137 seq.* His iunge eius *Parerga crit. p. 138 sq.* et audaces Galli cuiusdam emendationes in Horatium, in *Memor. Trevoltinis a. 1715. p. 968.* et *Ephemer. literar. Paris. a. 1716. p. 515. seq.* Item observationes *Misc. Dorvill. Vol. II, p. 88 seq. 381 seq.* et *Vol. IV. G. Waddeli animadverss. crit. in loca quaedam Hor. Edimb. 1734. I. Ph. de Medenbach Wakker amoenitates literar. (Trai. ad Rh. 1770. 8.) I. Schraderi emendatt. liber (Leovard. 1776. 4.) Sulzeri theoria artium, (Herderi) Silvae criticae, Lessingii Laocoon, Kamesii (Homi) elementa critica etc.*

Ineditum Zach. *Lundii* commentarium copiosum in Artem Horatii, una cum aliis viri illius docti lipsanis servat Hafniae Frid. Rostgaard. In Odas quoque et Epistolas commentarius eiusdem Lundii venit una cum aliis quibusdam illius monumentis in biblioth. Io Moth, Regis Daniae a Consiliis. Io. *Vlrici* commentationes in Horatium memorat Io. Frid. Gronovius *Epistola ad Casp. Hofmannum a. 1633. inter Epistolas G. Richteri p. 563.* Commentarios suos ipsius Hadrianus *Iunius IV, 6. animadversionum.* Vide sis et eiusdem Iunii *Epistolas pag. 3 seq. et 280.*

Thom. Treteri Posnanensis index omnium vocabulorum in Horatio, prodiit Antv. 1576. 8. et Fref. 1600. 8. eum Romae in adornando Horatianor indice adiuvrat Polonus Stanislaus Drozinus in aedibus Hosii Cardinalis. Ille index ad paginas est editionis Lugd. 1576. adornatus. Io. Pet. Tanii, Romani, Soc. Iesu, index in Horatium et Boethium, Mediol. 1610. 8. Dan. Avemannii Brunopolitani Hodegeta Horatianus, non ad paginas singularis cuiusdam editionis, ut Treteri, sed ad libros et versiculos, atque adeo quascunque Horatii editiones accommodatum omnium vocabulorum *Indicem* exhibet, Brunsvic. 1667. 8. ex utroque compositus est in ed. Benteiana Horatii. Iodoçi Desmarez Horatius in usu, sive Horatianae phraseos puritas, copia, elegantia, Colon. 1648. 12. Andr. Crameri praxis Horatiana laudatur a Christ. Daumio in Epist. ad Graefium Rectorem Scholae Altenburg. Io. Bapt. Masculi Lyrica sive Odae cum argumentis odarum, et ideis Horatianis, Duaci 1635. 12. In locos communes Horatium, utili poëseos studiosis consilio, digessit Ios. Langius, Lugd. 1604. 12. uti Virgilium Mich. Coissardus e Soc. I. Paris. 1683. 12. Emblemata Horatiana cum elegantissimis iconibus aere descriptis edidit Otto Vaenius pictor ab a. 1610. frequenter recusa, nec Latine modo, sed Gallice quoque et Germanice edita, nec non Belgice et Hispanice, ac denique Italice, interprete Pet. de Benedictis, Ligure. Cum Pindaro Horatium contulit Franc. Blondellus singulari dissertatione vulgata Gallice, Paris. 1673. 12. Atque inde Amstel. docetque Horatium magis usum iudicio, Pindarum enthusiasmo poëtico plus indulsisse. Vide etiam, si placet, egregii poëtae de la Motte, dissertationem eodem idiomate editam, de ratione et virtutibus Odarum.

Parodias Horatianas ediderunt Casp. Cunradus, Io. Otto Mariana, Melch. Adamus, H. Meibomius, Thom. Sagittarius, et novissime Ioach. Henningius. E veteribus huc spectat aliquo modo *Metellus* Tegerseensis Monachus in Bavaria, qui circa a. C. 1160. metris Horatianis scripsit Quirinalia in laudem S. Quirini martyris, Episcopi Laureacensis; edita ab Henr. Canisio append. T. I, lect. antiq. T. III, edit. Basn. Laudat hunc scriptorem, pro saeculi, quo vixit, barbarie, non inelegantem, et Odas nonnullas ex eo refert Pet. Tassinus de an. Sec. P. I, c. 8. et P. II, c. ult. *Parodias* Horatianas praeterea vulgarunt Io. *Morellus*, Musei Rhemensis Parisini Gymnasiarcha, Paris. 1608. 8. Iustin. *Bertuchius*, Gymnasii Portensis, Rector, et Dav. *Hoppius* Scholae Regiomontanae Prorector, Brunsv. 1690. 8. In Io. Iac. *Hofmanni* Poëmatibus, excusis Basil. 1684. 12. liber primus integer Proteum Horatianum complectitur, sive Odas Horatii selectas, quas exhibet redditas vario carminis genere, Alcaico, Anacreontico, anapaestico, Asclepiadeo, choriambico, elegiaco, epico, iambico, Phalaecio, Sapphico. Paraphrasin heroicam aliquot odarum Horatii habes etiam in poëmatibus praeclaris Iac. *Wallii* S. I. Antv. 1656. 8. P. Aloysii *Hardevyst* Soc. Iesu Paraphrasis heroica odarum XXIV libri primi Ant. 1711. 8. Omitto Car. Ruæi, aliorumque similes venae poëticae exercitationes. Italice Laurentii *Matthaei*, Reatini, Metamorfosi lirica d'Orazio trasportato e moralizzato in tutte le sue Odi ed Epodi, con discorso proemiale di quanto sia difficultosa ed altrettanto profittevole l'imitazion Oraziana, a Rieti, 1679.

Metrorum Horatianorum rationem explicarunt, ex antiquis Diomedes III artis Grammat. pag. 517—528.

e recentioribus Nic. Perottus et Aldus Manutius; quos iam supra memoravi, tum Franc. Patricius, cuius liber scriptus fuit in bibl. Heinsiana, Th. Harsley, Lond. 1736. 8. ut Dan. Bambergium aliosque omittam.

Horatium a Iul. Caesaris Scaligeri censuris defendit Bernh. Parthenius Spielebergius in commentario ad Odas. Novo censori Anglico Horatii, qui dissertationes suas Poëtae illi parum aequas, quae vocat scrutinia, opposuit, respondit alius, nescio quis, eodem idiomate, an answer to the scrutiny etc. Lond. 1708. 8. Vide Ephemerides Paris. 1709. mense Febr. p. 256 seq. Consulenda etiam poëtae Galli insignis, Motti (de la Motte) dissertatio Odis ipsius praemissa de Poësi Lyrica, Paris. 1709. 12. et quam laudabam supra, exercitatio Io. Guil. Bergeri, Prof. Viteberg. de Philosophia Horatii, a. 1704. edita, qua Eclecticum etiam fuisse, et a quorumcumque Philosophorum disciplina, quae ipsi probarentur, cum iudicio delibasse disputat. *Lessingii* Rettungen des Horaz. Opp. T. III, Berol. 1754. C. A. Klotz. de felici audacia Horatii, Ien. 1762. Ei. vindiciae Horatii, Brem. 1764. Ei. Lectiones Venusinae, Lips. 1770. *Walchius* de philosophia Hor. Stoica, Ien. 1764. *Schirachii* clavis poët. latin. T. I. Hal. 1768. Cl. I. F. *Engeri* commentariol. in selecta Hor. loca, Vratisl. 1777.

Elenchus Editionum ac Versionum copiosissimus reperietur in editione Bipontina a pag. XXVII ad C.

Q. HORATII FLACCI

C A R M I N V M

LIBER PRIMVS.

CARMEN I.

AD MAECENATEM.

Maecenas atavis edite regibus,
 O et praesidium et dulce decus meum,
 Sunt, quos curriculo pulverem Olympicum
 Conlegisse iuvat, metaque fervidis

CARMEN I.

Carmina lyrica, quae tum ad umbilicum adduxerat Horatius, et quidem, quantum ex ultimo carmine libri tertii et primo libri quarti suspicari licet, collectionem eorum, quae in tribus libris prioribus continentur, patrono suo Maecenati una cum hoc carmine primo offert atque dedicat. Expressit autem in hoc carmine sententiam fere hanc: homines diversa studia sectari solent, alius victoris praemio in ludis Olympicis, alius summis honoribus, alius divitiis, alius patriorum agrorum possessione, alius mercatura, alius laetis conviviis, alius militia, alius venatione delectatur; me praeter ceteris lyricae poëscos trahit studium,

HOR. TOM. I

in quo si id impetravero, ut tibi; Maecenas, haud indignus, cui nomen lyrici poëtae tribuatur, videar, summum me attingisse felicitatis fastigium putabo. — De variis hominum studiis dignus est, qui cum hoc carmine comparetur, locus classicus apud Virgilium Georg. II. 502 seqq.

v. 4—6. *atav. edit. reg.* Maecenas ortus fuit e gente Cilnia, cuius atavi sive maiores idem vocantur *reges*, quia inter Lucumones sive duces Etruriae fuerunt. *dulce refer ad dulcem voluptatem*, quam poëta ex honorificentissimo Maecenatis favore capiebat. — *curriculo h. e. in stadio.* *pulv. Olymp. conlegisse h. e. certasse in ludis Olympicis*; certantes enim, dum velocissimo cursu vehuntur quadrigis,

A

Evitata rotis palmaeque nobilis 5
 Terrarum dominos evehit ad Deos.
 Hunc, si mobilium turba Quiritium
 Certat tergemini tollere honoribus:
 Illum, si proprio condidit horreo, 10
 Quidquid de Libycis verritur areis.
 Gaudentem patrios findere sarculo
 Agros, Attalicis conditionibus
 Nunquam dimoveas, ut trabe Cypria
 Myrtoum pavidus nauta secet mare.
 Luctantem Icaris fluctibus Africum 15

pulverem colligunt h. e. pulvere obtinentur, consperguntur, *metaeque* cett. iunge: *et quos evehit meta* cett. — *evitata*, ab arte enim metam ita ita evitandi curru celerrime circumacto, ne hic illi impingeretur, pendebat inprimis victoria. — *terrarum dominos* refer ad *deos*, quorum est in terras dominatio; inepte quidam de Romanis, qui alias *terrarum domini* vocantur, explicant; sermo est de ludis Olympiis.

v. 7—10. *Hunc* h. e. alium sc. iuvat. — *mobiliu* refer ad populi inconstantiam, cuius animus levi momento modo huc, modo illuc impellitur, modo huic, modo alii favet. v. 8. *tergemini toll. hon.* h. e. extollere ad summos et amplissimos honores; *honoribus* est casus tertius. v. 9. *Illum, si* cett. sensus: alium iuvat, si omnium, quae in Africa nascuntur, frugum est dominus, h. e. alius divitiarum (quae tum in latifundiorum inprimis cernebantur possessionibus) delectatur copia; *Libycis* h. e. Africae, et hoc pro: fertilibus; *verritur areis* fruges enim in areis (non, uti nunc, in horreis) tritae (Sat. I. 4. 45. *Millia frumenti*

tum triverit area ocium) verrendo colligebantur.

v. 11—14. *Gaudentem patrios* cett. sensus: alius, qui agrorum suorum, quos a patre accepit, cultu gaudet, et sorte sua contentus vivit, ne maximarum quidem divitiarum spe proposita, ut mercaturae operam det, adduci potest. v. 12. *Attaliis* pro: largissimis, amplissimis; Attalus enim, rex Pergami, immensas (quarum haeredem populum Romanum scripsit; Vid. Flor. III. 42.) possidebat divitias. 13. *dimoveas* h. e. abducas ab agro patris et permoveas, ut cett. *Cypria* pro: mercatoria mercatura enim Cyprus olim fuit nobilissima. 14. *Myrtoum mare*, ita pars maris Aegaei ab insula Myrto dicebatur.

v. 15—18. *Luctantem* cett. sensus: at alium iuvat esse mercatorem, qui, quamvis, saeviente in mari tempestate, nunc mercaturam damnet, et otium atque securitatem, qua in patria frui possit, laudet, mox tamen nova divitiarum cumulandarum cupiditate agitato fractam navem ad quaestum, in esteris terris faciendum, reficiendam curat. *Africus* ventus pro-

Mercator metuens, otium et oppidi
 Laudat rura sui; mox reficit rates
 Quassas, indocilis pauperiem pati.
 Est, qui nec veteris pocula Massici,
 Nec partem solido demere de die 20
 Spernit, nunc viridi membra sub arbuto
 Stratus, nunc ad aquae lene caput sacrae.
 Multos castra iuvant, et lituo tubae
 Permixtus sonitus, bellaque matribus
 Detestata. Manet sub Iove frigido 25
 Venator, tenerae coniugis immemor,
 Seu visa est catulis cerva fidelibus,
 Seu rupit teretes Marsus aper plagas.
 Me doctarum ederae praemia frontium
 Dis miscent superis: me gelidam nemus 30

cellosus sboccasu flans; (*West-Süd-West*) Graecis *Αἰψ*. cf. *Kupp.* ad Aristot. de Mundo, *Excurs.* III. de ventis § XVIII. p. 430 seqq. v. 18. *paup.* — *pauperies* vel *paupertas* apud Horatium (visi vel *dura*, vel *importuna*, vel similia adduntur) non est egestas et penuria, sed ea vitae sors et conditio, qua quis, quantum ad vitam sustentandam opus est, habet.

v. 19—22. *Est, qui* — *spernit*, pro vulgari: alius spernit. *Massici* vini generosioris, in Massico, monte Campaniae, nati. v. 20. *nec part. sol. dem. de d. sp.* h. e. nec sibi religioni ducit partem de die integro detractam potationi impendere. v. 21. *lene* ad aquam leniter ex fonte scaturientem referendum; *caput*, fons, ut saepe; *sacrae* diis agrestibus vel Nymphis fontes fuerunt sacri.

v. 23—28. *et lituo tub. permix. son.* — *lituus*, qui, ut vet. schol. observat, erat incurvus et sono acuto, fuit equi-

tum, *tuba*, quae erat directa et sono gravi, peditum. 25. *detestata* passivè. *manet*, — *manere* (uti apud nos: *bleiben*) pro: pernoctare, saepe apud Ciceronem et Livium; multa exempla dabit *Drakenb.* ad Liv. III: 45. § 7. Tom. I. p. 725. *sub Iove* sub caelo, ὑπὸ Διός. v. 28. *teretes* tereti filo confectas. *Marsus* pro: Marsicus; epitheton ornans; *aperis* nempe abundabat saltuosa Marsorum regio.

v. 29—34. *Me doct. ed. praem. fr.* *D. m. sup. h. e.* ego sum poëta et poëtarum praemio, corona ederaea, ciuctus deorum admittor concilio. — Poëtae enim divino, quo aguntur, furore pleni diis interesse, eosque *videre* (Od. II. 49. 2.) et *audire* (Od. III. 4. 6.) sibi videntur. *eder.* — *edera*. Baccho sacra, aeque ac laurus, poëtarum, praecipue Bacchi laudes canentium, praemium atque insigne. Virg. Ecl. VII. 25. *Pastorei edera*

Nympharumque leves cum Satyris chori
 Secernunt populo: si neque tibiae
 Euterpe cohibet, nec Polyhymnia
 Lesboum refugit tendere barbiton.
 Quodsi me lyricis vatibus inseris,
 Sublimi feriam sidera vertice.

35

CARMEN II

AD AVGVSTVM CAESAREM.

Iam satis terris nivis atque dirae

arcentem ornatę poetam. doct. front. doctorum poetarum; doctus (σὺς) solenne poetarum, doctrinae laudem sibi vindicantium, epitheton. Ceterum Wakefieldio: Te doctorum, ut ad Maecenatem referatur, pro Me doctorum cett. legendum esse contendenti nemo facili suffragabitur. v. 31. leves refer ad Nympharum cum Satyris saltantium agilitatem. 32. secernunt populo, possis explicare; adiungunt a consortio et consuetudine cum aliis hominibus, me in solitudine (quam amant poetae) delectant; sed cum accerunt populo τῷ dis miscent superis respondeat, malim explicare: me distinguunt a populo, ultra vulgarem hominum sortem extollunt, in societatem deorum me adducunt. — si pro: siquidem, quandoquidem. 33. Euterpe—Polyhymnia pro quavis Musa. cohibet retinet, denegat. 34. refug. tend. Lesb. barb. abhorret a tractando barbitō Lesbou, h. e. a carminibus lyricis, qualia olim Alcaeus Lesbicus, et Sappho Lesbia cecinerunt. tendere, quod proprie de chordis, quae lyrae intenduntur, dicitur, iam pro: moderari, temperare,

tractare. 36. Subl. fer. sid. vert. sublime caput ad sidera usque extollam, b. e. ad sidera usque nomen meum celebrabitur:

CARMEN II.

Cum exorta, quae nive, grandine et fulminibus deiectis praeter morem saevierat, tempestate ingens in agris Romanis facta esset Tiberis inundatio, et quidem, ut bene ad rem ex Dione Cassio Lib. LIV. (ab initio) probatum ivit Massonus Vrb. Cond. CCCXXXI, opportunam, qua Augustum, tanquam Deum civitatis Romanae tutelarem sive Averruncum, celebraret, occasionem sibi oblata esse putavit Horatius. Nam cum, quicquid in rerum natura praeter morem accidebat, pro ea, quae tum tenebat populi animos superstitio, prodigium haberetur; oblata illa per diram tempestatem et Tiberis inundationem prodigia, praeter Augustum, neminem esse, qui procurare Deorumque iram placare possit, poeta in hoc carmine ostendit. — Tantam vim aquarum, cauit poeta, e caelo

Grandinis misit Pater, et rubente
 Dextera sacras iaculatus arces
 Terruit urbem,
 Terruit gentes, grave ne rediret
 Saeculum Pyrrhae, nova monstra quetae,
 Omne quum Proteus pecus egit altos
 Visere montes,
 Piscium et summa genus haesit ulmo,
 Nota quae sedes fuerat columbis,

5

10

in terram demissam vidimus, ut Tiberis super ripas effusus timorem, ne Deucalionis diluvium rediret, liti-
 ceret. En Dii iram suam ob bella civilia patefaciunt, calamitatemque, quae reipublicae nostrae imminet, portendunt! Quem Deum, ut scelera nostra expiet, et haec mala a nobis avertat, invocabimus? Num Apollinem? an Venerem? an Martem? an te, qui Augusti personam in his terris induisti, Mercurium? Vtinam, Deus Auguste, diu sub nomine Patris et Principis apud populum Romanum commoreris, eiusque salutem externos hostes ulciscendo confirmes!

v. 4—4. *satis* nimis multum, *satis* superque. *nivis* de nive, quae solito copiosior ceciderit, explicant interpretes. Equidem nivis commemorationem ad ipsam tempestatem, quae hic describitur, pertinere puto, eum nix inter fulgura quoque nonnunquam decidere soleat. Sic apud Diotimum Epigr. X. (Anth. Graec. T. I. p. 186. edit. Iac.) oves, quarum pastor fulmine percussus fuerat, ad stabula *πολλὰ νερόμυξαι χίονι* redeunt, ubi vide, quae in hanc rem notavit amicissimus Iacobus in Comment. T. II. p. 167. — Quo rarius autem nix inter fulgura delabi solet, eo magis

illa pro prodigio haberi potuit. — Fieri quoque potuit, ut Horatius per *nivem* intelligere *grandinem*, nam particula *atque*, aequae ac *que* in verso 46 (ubi vide not.) passim vim explicandi habet. Et sic passim et. — *dirae* quod diri ominis erat. *misit* pro *immisit*. — *rubente* a repercussio fulminum rubentium fulgore puta. *sacr. iac. arc.* — *iaculari arces* pro: fulmen iaculando arces percutere; Ovid. Am. III. 3. 35. *Iupiter igne suo lucos iaculatus et arces*. Per *arces*, qua voce summa montium fastigia notantur, iam Capitolium, vel potius templa, in Capitolio posita, intelligenda esse, adiectum *sacrae* docet.

v. 5—8. *grave saec. Pyrrhae* foeda illa tempora, quibus Deucalion cum uxore sua Pyrrha oppressus fuit diluvio: *Pyrrhae* cum delectu pro: Deucalionis; multo graviore enim muliercularum in rebus trepidis querelae. Ceterum, quod Deucalionis aetate fuisse perhibetur diluvium, vel ex Ovid. Met. I. 260 seqq. satis notum. *nova monstra* h. e. inauditam in diluvio illo rerum permixtionem; vidit enim Pyrrha Proteum, phocas in altis montibus pascentem, vidit pisces, haerentes in arboribus,

Et superiecto pavidæ natarunt

Aequore damæ.

Vidimus flavum Tiberim, retortis

Litore Etrusco violenter undis,

Ire deiectum monumenta Regis,

15

Templaque Vestæ,

Ilia dum se nimium querenti

Iactat ultorem, vagus et sinistra

Labitur ripa, Iove non probante, u-

xorius amnis.

20

Audiet cives acuisse ferrum,

et damas, natantes inaequore. *Monstra* dicuntur, quæ a vulgari rerum ordine recedunt, quæ nunquam visa, nunquam audita sunt. — De *Proteo*, deo marino, Neptuni armenta, nominatim phocas, pascente, conf. Hom. Odys. IV. 386 seqq. et Virg. Georg. IV. 395 seqq.

v. 13—16. *flavum*, solemne Tiberis a flavo arenarum colore epitheton. *retortis* cett. litus nempe maris Etrusci sive Tyrrheni, in quod Tiberis effunditur, cum nimiam aquæ copiam non caperet, vi eam repellebat. *monum. Regis* i. e. Numæ Pompili; quæ fuerint autem illa a Numa extructa monumenta, statim subiicitur, nempe *templum Vestæ*; particula *que tñ templa subnexa* vim explicandi habet, ut sit: nempe. vid. *Drakenb.* ad Liv. VI. 16. § 8. T. II. p. 330.

v. 17—20. *Ilia dum* cett. sensus: dum amnis Tiberis, ut querelis uxoris suæ Ilia satisfaciat, immodicus exurgit ultor, et præter Iovis voluntatem sinistra ripa evagatur. *Ilia* sive *Rhea Silvia* ideo, quod ab Amulio vel in fluvium Anienem vel Tiberim

demersa dicitur, utriusque fluvii uxor ficta est. — *querenti* sc. necem Caesaris, cognati sui, cum ille, ut ipsa Ilia, ab Iulo sive Ascanio, Albæ rege, originem suam duceret. *nimium* non ad *querenti*, sed ad *ultorem* referendum esse puto; *nimius* enim fuit ultor Tiberis, sive modum in ulciscendo uxoris suæ dolore excessit, dum tantam ruinam Romæ aedificiis moliebatur. *sinistra ripa*, ubi Roma sita fuit. *Iove non probante*, Iupiter enim, in cuius praesidio Romæ fuit incolumitas, improbare debebat urbem perdendi consilium. *uxorius* dicitur, qui uxori deditissimus nihil non in uxoris gratiam facit. — Similiter Aeneas apud Virgil. Aen. IV. 266. et Vulcanus apud Claud. de Nupt. Honor. et Mar. v. 59. uxorii dicuntur.

v. 21—24. Nexus et sensus: portendunt autem hæc prodigia bella civilia, quod ita poëta extulit: posterius, quorum exiguus (*rara in-ventus*) maiorum culpa rextabit numerus, fama accipient, Romanos ferrum, quo hostes vincere debebant, contra semet ipsos acuisse, pugnasque commisisse.

Quo graves Persae melius perirent;
Audiet pugnas vitio parentum

Rara iuventus.

Quem vocet Divom populus ruentis 25
Imperi rebus? prece qua fatigent
Virgines sanctae minus audientem

Carmina Vestam?

Cui dabit partes scelus expiandi
Iupiter? Tandem venias, precamur, 30
Nube candentes humeros amictus

Augur Apollo;

Sive tu mavis, Erycina ridens,
Quam Iocus circumvolat et Cupido; 35
Sive neglectum genus et nepotes

Respicias, auctor,

graves, multum negotii Romanis facessentes, timendi; *Persae* h. e. Parthi. *perirent* pro: perituri fuissent. *vitio parentum* h. e. culpa parentum, quod bellorum civilium furore se corripi passi sunt.

v. 25—28. *Quem vocet Divom* cett. quem Deorum adesse precetur populus sustentando, quod ruinam minatur, imperio? *rebus* est casus tertius pro: ad res cett. *res imperii* pro ipso imperio; saepe enim *res* inservit periphrasi. *sanctae Vestales*, ob pudicitiae, cui se consecrarunt, sanctitatem. — *minus audientem*, quia de bellis civilibus et caede Caesaris irascebatur. *carmina*, solemnes precum formulas. *Vestam*, in cuius peculiari tutela posita fuit reipublicae Romanae salus. conf. Virg. Geor. I. 498.

v. 29—32. *scelus* (τὸ αἷος) bellorum civilium, scelesti, quae ad bella civilia spectant, consilia. *venias* ac.

ad scelera et vitia nostra expianda. *nube hum. amict.* νεφέλη σιλικήνους ὄμων Hom. Iliad. V. 186. dii nempe, ne mortalium oculis conspiciantur, nube circumfusi in terris apparent. — *candentes* h. e. nitentes, pulcros; *nube candentes* Cl. Mitsch. docte explicat pro: refulgentes nube s. nimbo lucido, qui deorum propitiatorum, uti ater iratorum, signum sit.

v. 33—36. *mavis* sc. venire ad scelera nostra expianda. *Erycina* Venus ita appellata ab Eryce, monte Siciliae, ubi templum ei exstructum fuit nobilissimum. conf. Virgil. Aen. V. 759. et Ill. Heynii Excurs. ad. h. l. — *ridens* (γέλομαιδὺς, μειδιῶσα) Veneris ingenio accommodatum epitheton. — *quam Ioc.* cett. cf. Anacr. LI. 24. Ovid. Fast. IV. l. *neglectum genus* stirpem tuam, Romanos, quos parum adhuc curasti. — *respicias* respicere et adspicere (Gr. ἐπιβλέπειν, σιτορᾶν) de diis propitiis. *auctor*, Mars, pater Romuli.

Heu ! nimis longo satiate ludo ,
 Quem iuvat clamor galeaeque leves ,
 Acer et Marsi peditis cruentum

Vultus in hostem ;

40

Sive mutata iuvenem figura
 Ales in terris imitaris, almae
 Filius Maiae, patiens vocari

Caesaris ultor :

Serus in caelum redeas, diuque
 Laetus intersis populo Quirini,
 Neve te nostris vitiis iniquum

45

Ocior aura

Tollat ; hic magnos potius triumphos ,
 Hic ames dici Pater atque Princeps ,
 Neu sinas Medos equitare inultos

50

Te duce, Caesar.

v. 37—40. *ludo* graviter pro: bello, quod, sicut gladiatorum fere ludus, iucundum Marti praebet spectaculum. *acer*, torvus, ferox. Pro *Marsi*, quod ex admodum probabili emendatione, *T. Fabri* iam ab aliis in textum receptum est, in Codd. et vet. Editt. *Mauri* exstat; sed cum *Mauri* populi imbelles fuerint, minimeque peditatu valuerint, adumbrata autem ab Horatio imago fortioris omnino militis representationem postulet, proposita sane illa lectio *Marsi* pro *Mauri*, si rem spectas, longe praeferenda est; Marsi enim Romanorum milites fuerunt longe fortissimi; conf. iufr. II. 20. 48. et III. 5. 9. *cruentum*, a se perfoissum et sanguine conspersum.

v. 41—44. *Siv. mut. iuv.* cett. sensus: sive tu, alate deus, Mercuri, qui caedem Caesaris ulciscendi consilium haud dissimulas, deposita divinae formae maiestate (*mutata* *figu-*

ra) sub iuvenis Augusti, quam induisti, persona in terris versaris. *ales*, Mercurius, alatos calceos, sive talaria (*πίδιλα πτενά*) gestans. v. 45. *Serus in cael.* red. comparant Lucret. I. 46. Ovid. Trist. V. 2. sed imprimis huc pertinet locus Ovid. Met. XV. 868. *Tarda sit illa dies, et nostro scior aevio, Qua caput Augustum, quem temperat, orbe relicto, Accedat caelo.*

v. 49—52. Honorifica *Patris Patriae* appellatio publice quoque postea V. C. DCCCLII. Augusto decreta est. *Princeps*, qui ob egregia, quibus ei- ves sibi devinxit, merita, et ob summam de reipublicae salute curam, primum locum inter cives occupat. *Principis* nomen, cum minus invidiosum esset, assumpsit Augustus V. C. DCCXXVI. vid. Dio LIII. II. — *Medos* h. e. Persas, Parthos. *equitare*, equitando nobis insultare et ferociter per terras nostras ruere; de voce *equitare* cf. infr. IV. 4. 44.

CARMEN III

AD VIRGILIUM.

Sic te Diva potens Cypri,
 Sic fratres Helenae, lucida sidera,
 Ventorumque regat pater,
 Obstrictis aliis praeter Iapyga,
 Navis, quae tibi creditum

5

CARMEN III.

Poëta cum amicum suum, Virgilium, iter Athenas facturum, navem conscendere videt, (V. C. DCCCXXXV. conf. *Heyn. Vit. Virgil. p. ann. dig.*) de periculo, cui ille in mari expositus sit, anxium perturbatumque in hoc carmine prodit animum. In hac igitur de amici vita sollicitudine usque eo progreditur, ut in istum durissimi animi hominem, qui primus navem mari committere ausus sit, tanquam in doloris sui auctorem graviter invehatur, et tam huic, quam similibus, quae hominum audacia tentaverit, facinoribus diutius immoretur. — Quae quidem poëtae nostri digressio cum ex summo, quem ille declaraturus erat, amore fluxerit, eam huic carmini accommodatissimam esse, facile apparet.

v. 1—8. Sensus: O navis, quae Virgilium fidei tuae commissum finibus Atticis debes, h. e. in fines Atticos deportare debes, reportes enim, precor, incolumentum, et animae meae dimidium serves; quod si feceris, vicissim opto, ut Venus, Dioscuri, et ventorum deus Aeolus cursui tuo faveant. — Secutus nempe sum unice veram huius loci interpunctionem,

quam iam *Vakefieldius* proposuerat. Sic, optandi formula, eum conditione, quae subiicitur; de qua cf. inprimis Virg. *Eclog. IX.* 30. et *X.* 5. *Tibull. t. 4.* 1. *Divā potens Cypri*, Venus; imperium suum in insula Cypri, tanquam sede propria, exerrens, sic *Neptunus maris potens* in *fr. 5.* 15. et *Diana silvarum potens* in *Carm. Saecul. I.* Venus autem ex mari orta (*ἀναδουμένη*) ut dea marina quoque colitur. *Musaens v. 284.* Κύπρις ἀνίστορος ἐστὶ θαλάσσης, καὶ κρατὶ πάντοιο. Hinc dicta quoque illa *Εὐνλοία*. *Fratres Helenae*, Dioscuri, Castor et Pollux, navigantibus propitii, ἀρωγοὶ αὐτῶν. *lucida*, obclarum eorum splendorem, navigantibus iucundissimum. *obstrictis*, vel in utre secundum *Homer. Odys. X.* 49 seqq. vel in antro secundum *Virg. Aen. t. 52.* aliis h. e. ceteris. *Iapyx*, ventus occidentalis, ab incolis Apuliae, qui Iapyges vocantur, ita dictus, ex Italia in Graeciam navigantibus secundus; *West-Nord-West*, Gr. Ἀργίουτης. cf. quae de hoc vento disputat *Kappius* ad *Arist. de Mund. Exours. III.* §. 48. pag. 432 seqq. *tibi creditum* tanquam pignus vel depositum aliquod, quod is, cui creditum est, debet, ut suo tempore

Debes Virgilium finibus Atticis,
 Reddas incolumem, precor,
 Et serves animae dimidium meae.

Illi robur et aes triplex

Circa pectus erat, qui fragilem truci
 Commisit pelago ratem

Primus, nec timuit praecipitem Africum
 Decertantem Aquilonibus,

Nec tristes Hyades, nec rabiem Noti,
 Quo non arbiter Hadriae

Maior, tollere seu ponere vult freta.

Quem mortis timuit gradum,

Qui rectis oculis monstra natantia,

Qui vidit mare turgidum et

reddat; veritas igitur *credere, debere, reddere* e re pecuniaria translata pulchre sibi respondent. *anim. dimid.* (ἡμῶν τῆς ψυχῆς) nota summi amoris declaratio.

v. 9—16. Locus, qui sequitur, ex re ipsa subnatus est. Nam cum poëta, nave, qua Virgilius vehebatur, soluta, reputasset secum subienda nunc amico suo in mari pericula, sponte in auctorem horum periculorum, navigationis quippe inventorem, convertitur, et loco suo locum communam de audacia hominum tractat. — Similia veterum poëtarum, a quibus primus navium inventor carpitur, loca collegit *Burm. Sec.* ad Lotich. II. 20. At Lotichius, contrariam sententiam secutus, laudatum carmen exorditur sic: *Qui primus latum subleavit poppibus aequor, Vtilis humanis usibus ille fuit.* cett. Quid per robur, qua voce, quicquid durum et firmum est, notatur, intelligendum sit, adiectis vocibus *aes triplex* magis declaratur. Fuit ille, ait, durissimus au-

dacissimusque, qui cett. — hominibus autem durissimis tribuitur pectus ferreum, Σιμὸς σιδηρεὺς, ἄτορ σιδηρεῖον. *praecipitem* praecipiti impetu ruentem. v. 14. *trist. Hyad.* Hyades, (Latino *Sudae*) stellae in fronte Tauri, quarum ortus et occasus *tristem* tempestatem praedicere credebatur. Ovid. *Fast.* V. 465. *Ora micant Tauri septem radiantia flammis, Navita quas Hyadas Graius ab imbre* (ὑετῖν, plueri) vocat. v. 15. Quo non arbiter cett. qui, quod attinet ad tempestatem tam couchandam, quam componendam, summam in mari Hadriatico exercet potestatem.

v. 17—20. *quem mortis gradum*, quam viam ad Orcum, h. e. quod mortis genus. 18. pro vulgari lectione: *siccis oculis*, quod, nisi pro: lento animo, vel duro pectore, expliueris, ineptum est, (nam quis bellicarum inarciarum adspecu, nisi admodum puer sit, effundat lacrimas?) elegantissimam *Beutlii* recepi emendationem: *rectis oculis*, h. e. oculis

- Infames scopulos alta Ceraunia ? 20
 Nequidquam Deus abscidit
 Prudens Oceano dissociabili
 Terras, si tamen impiae
 Non tangenda rates transiliunt vada.
 Audax omnia perpeti 25
 Gens humana ruit per vetitum nefas.
 Audax Iapeti genus
 Ignem fraude mala gentibus intulit.
 Post ignem aetheria domo
 Subductum Macies et nova Febrium 30
 Terris incubuit cohors:
 Semotique prius tarda necessitas
 Leti corripuit gradum.

non retortis, sed recta in monstra illa nantantia conversis. — *Vir doctus* quidem in *Novis Comment. Lips.* 1803. Tom. I. pag. 532. oculis sicca explicat *rigidis*, (ξηροῖς ἀκλύστοις ὀμμασι apud Aeschyl. Sept. c. Th. 698) ita ut oculi *sicci* iidem sint, qui *recti*; sed quis lectionem, quam usus loquendi confirmat, non praeferat ei, cuius explicatio dubia et incerta manet? v. 20. *infames* naufragiis nempe ibi factis; *alta Ceraunia* (ἄκρα Κεραύνια) montes in litore Epiri ioter mare Hadriaticum et Ionium promineotes, quos praetervehi debebant ex Italia in Graeciam navigantes.

v. 21—24. *dissociabili* activo sensu explicat: qui terras dissociaret, separaret, conf. *Gesner*. sed cum *dissociabile* dicatur, quod sociari nequit, insociabile, malim explicare: haud sociando sc. cum terris; perplacet autem a *Bentleio* proposita lectio: *dissociabiles* h. e. haud sociandas sc. cum Oceano. v. 24. *impiae*, sceler-

stae, dum audent, quod prudenti Dei consilio vetitum est; nos: *frevelhaft*, *frech*. *transiliunt* quasi res nullius fere momenti sit; *transilire* cum delectu pro: transire, superare, ad audaciam insolentiamque designandum; similiter dixit Tibull. L 3. 37. *contemnere undas* et Ovid. Met. I. 434. *insultare fluctibus*.

v. 25—33. *perpeti* h. e. suscipere, tentare, perpetrare, τολμα; *audax omnia perpeti*, ex Graeca loquendi ratione pro: ad omnia perpetienda. *gens* h. e. filius, nempe Prometheus. Sic apud Catull. LXL 2. Hymenaeus *Vraniae* *gens* dicitur, ubi conf. notata. *fraude mala* h. e. dolo pernicioso, τέχνη κακῇ; per fraudem designatur calliditas, qua ignem e caelo surripuit Prometheus. v. 34. *terris incubuit* h. e. in terras irruit, ingruit, terras obsedit. — Ignis nempe unius varias artes, hominum valetudini perniciosas, v. c. artem coquinariam, protulit. v. 32. *Semotique prius ceteri* h. e. et mortem hominum, qui diu

Expertus vacuum Daedalus aëra
 Pennis non homini datis. 35
 Perrupit Acheronta Herculeus labor.
 Nil mortalibus arduum est :
 Caelum ipsum petimus stultitia, neque
 Per nostrum patimur scelus
 Iracunda Iovem ponere fulmina. 40

CARMEN IV

AD L. SEXTIVM.

Solvitur acris hiems grata vice veris et Favoni ,
 Trahuntque siccas machinae carinas.
 Ac neque iam stabulis gaudet pecus, aut arator igni ;
 Nec prata canis albicant pruinis.

lius ante vivere solebant, acceleravit; expende dictionis ornatum!

v. 34—40. *Daed.* Daedali fabulam suaviter enarrant Virg. Aen. VI. 44 seqq. Ovid. Met. VIII. 483. et A. A. II. 24. *Expert. vac. Daed. aër. Penn. n. hom. datis*, eleganter pro: audacter Daedalus volatum per vacuum aëralis, quas hand concessi homini natura, tentavit. v. 36. *Acheronta*, Orcum, ut Cerberum inde extraheret. *Herculeus labor* h. e. vis, audacia Herenlis. v. 38. *Cael. ips. pet. stult.* stulto consilio deorum adeo conditionem affectamus, dii esse volumus. v. 49. *iracunda*, ab iracundo Iove missa.

CARMEN. IV.

Vere redeunte, cuius suavissimam in prima huius carminis parte descriptionem dedit poeta, Sextium moneri,

ut vitae brevitatis memor, quae nunc adsint et offerantur, perfruatür voluptatibus. Quo quidem praecepto, a vitae brevitate et mortis cogitatione petito, saepius Noster, ut amicos suos ad voluptates, dum licet, percipiendas exhortaretur, usus est. — Amicus autem Horatii, L. Sextius, videtur fuisse ille Bruti socius, quem Augustus, cum consulatu se abdicasset, in locum suum suffecit. — Ceterum quod ad veram descriptionem attinet, operae pretium facient, qui ad poetæ in eiusdem rei tractatione copiam et ubertatem perspiciendam hoc cum carm. L. IV. 7. et 42. comparabunt.

v. 4—4. *trahuntque sicco. m. ear.* h. e. et naves in litus, ut per hiemem in sicco starent, subductae, per *machinas*, (h. e. palangas, instrumenta lignea) in mare deducuntur. v. 4. *canis* epitheton ornans ad album ro-

Iam Cytherea choros ducit Venus, imminente Luna :

Iunctaeque Nymphis Gratiae decentes

6

Alterno terram quatunt pede, dum graves Cyclopum
Vulcanus ardens urit officinas.

Nunc decet aut viridi nitidum caput impedire myrto,

ris, qui frigidis noctibus inlicitur,
colorem designandum.

v. 5—8. Suavissima imago Veneris, sub veris adventu in terris, ubi omnia vi sua ad procreandum implet, (cf. Pervigil. Vener. v. 63—67.) Gratiarum et Nympharum saltantium choros moderantis! Vere autem inprimis terras invisere credebatur Venus. Lurret. V. 736. *It ver, et Venus, et Veneris praemuntius ante Pinnatus graditur Zephyrus vestigia propter.* Cytherea, ab insula Cythera in sinu Laconico, Veneris cultu inprimis celebrata. Gratiae, assiduae Veneris comites et ministrae, diruntur decentes, quia ad omne, quod pulcrum et decorum est, se componunt, et saltantes quoque huius amabilem decorem servant. — *iunctae Nymphis*, per manus nempe in saltatione. Cl. Mitsch. comparat Hom. H. in Apoll. v. 194. ἀλλήλων ἐπὶ καρπῷ χεῖρας ἔχουσαι. v. 6. *alt. t. qu. ped. ornate pro*, saltant; ad numerum enim saltantes alternis pedibus terram pulsant. *dum grav. Cycl. Vulc. a. ur. off.* dum Vulcanus Cyclopea in officinis suis exercet. — Vulcanus nempe, dum uxor eius tempore veris adest in terris, et omnia vi sua foerundat, non sedet interea in otio, sed suo quoque operi intentus est. — Non autem de officina, quam secundum Hom. Iliad. XVIII. 369. in Olympo habet Vulcanus, cogitandum est, sed de aliis officinis, quas poetae huic deo in insulis et montibus, igni

subterraneo inprimis, quem eiacularantur, notis, adsignarunt; de quibus conf. III. Heyn. ad Virg. Aen. VIII. 416. — Iam, si verum est, quod nonnulli suspicantur, Horatium in hac veris descriptione poetam quandam Siculum, cui mons Aetna obversaretur, expressisse, non dubitari potest, quin Vulcani officina in monte Aetna intelligenda sit. Fingigitur tibi Venerem in amoenissima circa Aetnam regione rhoeas cum Gratiis Nymphisque durentem, in eius vicinitate autem Veneris maritum Vulcanum operi suo insudantem, et sir animo concipies imaginem longe suavissimam. — Caeterum quaerenti, cur sub veris potissimum initio Vulcanus operi suo insudasse dicatur, ingeniose Vossius ad Virgil. Geor. I. 311 seqq. respondet: quod ille vere in primis, quo crebrae in Italia tempestates cum tonitru concipi in aëre soleant, fulminibus procedendis et suppeditandis operam dare debuerit. *graves*, ob graves Cyclopi ibi obeundos labores. *ardens*, h. e. flammis relucens, ut pulvre explicat Cl. Mitsch. quem vide. Fabri enim, dum ferrum candens procidunt, ipsi ardere videntur ignis fulgore et scintillis circumfusi: similiter sup. II. 2. dicebatur *dextera rubens*. *urit officinas* h. e. accendit officinas, paulo sublimius pro: ad flammam, quas in offirinis accendit, opus facit.

v. 9—12. *Nunc decet* rett. vidr, quam suaviter poeta vulgarem sen-

Aut flore, terrae quem ferunt solutae. 10
 Nunc et in umbrosis Fauno decet immolare lucis,
 Seu poscat agna, sive malit haedo.
 Pallida Mors aequo pulsat pede pauperum tabernas,
 Regumque turres. O beate Sexti,
 Vitae summa brevis spem nos vetat inchoare longam. 15
 Iam te premet nox, fabulaeque Manes,
 Et domus exilis Plutonia: quo simul mearis,
 Nec regna vini sortiere talis,

tentiam: nunc laetitiae, ad quam anni tempus invitat, indulgendum est, externa laetantium specie adumbrata, extulerit! diem laetum enim celebrantes capiti, unguentis delibuto (*nitido*), corollas e myrto (cuius usus fuit imprimis in computationibus, cf. infr. 38. 5. et II. 7. 25.) et aliis floribus nexas imponere solebant. *solutae*, a frigore, quo fuerunt constrictae, per Zephyri flatus et mitem solis calorem resolutae. *Fauno*, huic deo agresti, tanquam agorum et gregum custodi, bis quotannis, nempe Id. Febr. (Ovid. Fast. II. 193.) et Non. Dec. (huc pertinet carmen infr. Libr. III. 18.) sacra (*Faunalia* vulgo dicuntur) instaurari, et cum summa omnium laetitia celebrari solebant; hinc poeta ad laetitiam evocaturus Fauno immolandum esse dicit. *agna*—*haedo*—sc. sibi immolari.

v. 13—20. *Pallida Mors* cett. *Nexus* et sensus est fere hic: nunc, nunc, o Sexti, dum licet, perfrui vitae voluptatibus; nam mors, divitiibus aequae ac pauperibus instans, mox praeter opinionem te opprimit; post mortem autem neque comissionibus, neque amoris lusu indulgere licebit. *tabernas*, humiles casas, tu-

guria; *regum turres*, excelsa nobilium et beatiorum aedificia. *reges* saepe dicuntur beatiores, divites, potentes ob divitias; — eandem sententiam novo ornatu repetit Noster infr. Lib. II. 3. 25 seqq. et 14. II. et 18. 32. *beate* — beati dicuntur in laetam sortem nati, fortunati, qui iis, quas possident, beatam vitam sibi parare possunt. *vitae summa brevis*, exiguus dierum, qui ad vivendum nobis concessi sunt, numerus. *spem nos vet. inch. long. h. e.* monet nos, ne multa moliamur in longioris vitae spem, inbet nos *brevis spatio* (ut infr. L. II. 7. Noster loquitur) *spem longam rescire*. v. 16. *iam te pr. nox* cett. mors, manes et loca infera mox te prement b. e. tenebras tibi offundent; *fabulae* dicuntur *Manes*, quia, quae de iis circumferuntur, merae sunt fabulae. *exilis* dicitur domus Plutonis ob exilem levium et tenuium, quae ibi versantur, Vmbrarum formans; nisi quis *exilem domum* de inope et egena, ubi nihil reperitur, quo bene sit, cum *Bentleio* explicare malit; hoc sensu certe *domus exilis* dicitur infr. Ep. I. 6. 45. *nec regna vi. sort. tal.* nec regnum amplius in comissionibus talorum iactu tibi continget, h. e. nec amplius comissa-

Nec tenerum Lycidam mirabere, quo calet iuventus
Nunc omnis, et mox virgines tepebunt.

CARMEN V

AD PYRRHAM.

Quis multa gracilis te puer in rosa
Perfusus liquidis urguet odoribus
Grato, Pyrrha, sub antro?

beris; talorum nempe iactu creari solebant, qui praessent conviviis, legesque convivia scriberent; vocabantur ii *reges convivii*, βασιλεῖς τοῦ συμπόσιου, (hinc regna vini) *modimperatores, domini, strategii, dictatores, arbitri bibendi*; cf. notata ad Catull. XXVII. 3. *tener. Lycid. mirab.* pulcri Lycidae adaspectu delectabere, v. 20. *tep.* — *tepere* de amore, ut ἠδῆσθαι ἰσχυρῶς apud Graecos. — Ceterum in sententiam horum vv. Doctissimus Mitscherl. praeter Sapph. c. XI. (secundum Anal. Br. T. I. 57.) comparat Asclepiad. ep. 24. Anth. Gr. T. I. p. 448. (ed. Iac.) Strat. ep. 96. Anth. Gr. T. III. p. 90. et elegiam, quae est in Theognid. v. 951. (Gnom. Brunck. p. 39.)

CARMEN V.

Cum puerum quendam, quem Pyrrha in amorem suum pellexerat, delicias apud eam in antro quodam facere vidisset Horatius, hac arrepta perfidiam et levitatem, quam olim in eius amore expertus fuerat, Pyrrhae exprobandi occasione, saepe ex illa quaerit, quis sit ille miser puer,

quem nunc amore suo ludat fallatque? — Quo quidem novo Pyrrhae amatore cum nauta, cui horribilis in mari tempestas imminet, se vero, vetere eius amatore, cum homine, qui feliciter e naufragio servatus sit, comparato, tam illius in Pyrrhae amore periculum, quam suam, quae ex illo periculo amore evaserit, fortunam suaviter depingit.

v. 1—4. *Quis multa gracilis cett.* quis est, quæso, Pyrrha, ille iuvenis delicatior, qui rosis redimitus et unguentis delibutus assidue sub grato aptro te sectatur (*urget*) et nunquam a latere tuo recedit? *gracilis*, corporis gracilitas ad pulcritudinem, qua sibi placent iuvenes, pertinet. *te — in rosa*) *Iani* et alii explicant: te reclinantem in rosis, quibus humus constrata est; sed huic explicationi tam res, quam usus loquendi, repugnat; pueri enim delicatiores, qualem Noster describit, non unguentis tantum capillos saturare, sed rosis quoque caput impedire solebant. Huc accedit, quod Pyrrha, *munditiss simplex*, festo quodam die in amoeno illo antro, ubi plures haud dubie iuvenes

Cui flavam religas comam
 Simplex munditijs? Heu, quoties fidem 5
 Mutatosque Deos flebit, et aspera
 Nigris aequora ventis
 Emirabitur insolens,
 Qui nunc te fruitur credulus aurea;
 Qui semper vacuam, semper amabilem 10
 Sperat, nescius aurae
 Fallacis. Miseri quibus
 Intentata nites! Me tabulâ sacer

unguentis perfusi et sertis roseis coronati (cf. infr. L.II. II. 14 seqq.) laetitiae et potationi indulgebant, simul adfuisse videtur. Ex usu loquendi autem per dictionem *in rosa* non: in rosis cubans, sed: *rosis coronatus* designatur. Sic apud Cie. de Fin. II. 10. *potare in rosa* et Tuscul. V. 26. *esse in rosa*. Similiter apud Graecos Eurip. Herc. Fur. 677. (quem locum commode laudavit Cl. Mitscherl.) *ἐν σρεπάωνται σίραι* dicitur. *grato*, ob loci amoenitatem; fuit enim illud antrum laud dubie iucundum umbraculum sub spelunca, hilaritati, potationi, amorisque lussibus opportunum. v. 4. *cui*, in cuius gratiam; nos: *wem zu gefallen*. Tibull. IV. 6. 2. *Tota tibi est hodie, tibi* (dir zu gefallen) *se lactissima coomist. comam relig.*) Cl. Mitscherl. comparat Paul. Silentiar. ep. 22. *Anthol. Graec.* T. IV. p. 48. — *simplex munditijs*, cultus enim simplicitate magis saepe puellae, quam operoso et arte quaesito ornatu, placeant et placere student.

v. 5—8. *Heu, quoties fidem* etc. sensus: heu, quoties de mutata fide (tua perfidia) et mutatis diis (eius nempe amori, cui ab initio adspicere videbatur, nunc adversantibus)

querelas fundet, et in medio amoris cursu et tristi tempestate oppressum eum stupore animadvertet, h. e. se miserum sentiet. — Amatores, cuius laeta ab initio in amore spes repente puellae perfidia in tristitiam mutatur, comparat eum nauta, qui in mari, cui vento secundo et prosperissima navigationis spe confusus se crediderat, subita tempestate deprehenditur; — et in hac comparatione sive allegoria (nimirum quod ad decepti amatoris sortem attinet) acite poeta usque ad finem carminis persistit. — v. 7. *nigr. vent.* venti dicuntur *nigri* sensu activo, h. e. caelum nigrum reddentes, sive nubibus obscurantes; pari modo infr. 7. 15. *Notus* dicitur *albus* h. e. caelum album sive serenum reddens; et III. 7. 1. *candidi Favonii*. v. 8. *insolens*, qui tale quid non timuerat, stupens ob rerum insolentiam.

v. 9—16. *aurea* h. e. ob pulcros mores et firmam in amore fidem maxime amabili. Sic mores pulcri et honesti infr. IV. 2. 23. dicuntur *aurei*. *vacuam*, sibi soli, haud alii, in amore vacantem. v. 11. *nescius aurae fallacis*, ille ignorat, te in amore auras instar mutabilem et inconstantem esse. v. 13. *nites*, for-

Votivâ paries indicat uvida
Suspendisse potenti
Vestimenta maris Deo.

45

CARMEN VI

AD AGRIPPAM.

Scriberis Vario fortis et hostium

mae tuae nitore places. *Me tabula* sacer cell. me, ex naufragio servatum, madida vestimenta Neptuno (*potenti maris Deo*, conf. *supr.* ad 3. 4.) suspendisse, id testatur sacer in eius templo paries per votivam tabulam, sive, id docet, quam vovi, affixa in eius templo tabula; exprimere autem his voluit poeta fere hoc: ego perspecta tua perfidia ex laqueis, quibus in amorem tuum me irretiveras, deorum, quos grato animo veneror, beneficio feliciter expeditus sum. — De ritu, quem Noster tangit, ex quo, qui salvi ex naufragio enataverant, votas vestes cum tabula, in qua scripta vel picta fuit res, quae acciderat, in templo dei salutiferi (σωτήριος) tanquam ἀνάθημα suspendere solebant, cf. Virg. *Aen.* XII. 766 seqq. et Juvenal. XII. 47.

CARMEN VI.

M. Vipsanius Agrippa, dux ille egregius, et insignium victoriarum gloria conspicuus, haud immerito carmen ab Horatio in eius laudes bellicas compositum expectare poterat. Nec haec eum fefellerit expectatio. Nam quamvis Horatius Agrip-

pae in hoc carmine significat, se grandioris illius spiritus, quo poeta epici assurgunt, expertem, eius laudibus canendis plane imparem esse, tamen mira quadam arte, et spiritu, quem dissimulat, altissimè Agrippam, cum ipso Marte et clarissimis antiquitatis heroibus comparatum, summis in hoc ipso carmine extollit laudibus. — Comparanda sunt omnino cum hoc carmine *infr.* L. II. 42. et IV. 45. ubi per eandem artem et dissimulationem, quod se praestare posse negat poeta, vel maxime praestat. Non opus est, ut cum quibusdam interpretibus statuamus, Horatium se excusandi causa apud Agrippam, qui ei, quod nullo adhuc carmine res eius gestas celebrasset, exprobraverit, hoc carmen scripsisse; quidni enim, quod scripsit in hoc carmine: *Non ego, Agrippa, id mihi sumam, ut laudes tuas canam, hoc epici et sublimioris spiritus poetis, qualis est Varius, relinquendum est; ego lyra mea non gravioris sed levioris tantum argumenti res tractare possum, sponte scribere potuit?* Ceterum Agrippa, qui cum multarum aliarum, tum Actiacae imprimis victoriae non solum particeps sed praecipuus eius

HOR. TOM. I

B

Victor, Maeonii carminis aliti,
 Quam rem cumque ferox navibus aut equis
 Miles te duce gesserit.
 Nos, Agrippa, neque haec dicere, nec gravem⁵
 Pelidae stomachum cedere nescii,
 Nec cursus duplicis per mare Vlixei,
 Nec saevam Pelopis domum
 Conamur, tenues grandia: dum pudor
 Imbellisque lyrae Musa potens vetat 40

auctor fuisse perhibetur, Augusto tam gratus fuit, ut ei filiam suam Iuliam in matrimonium daret.

v. 1—4. *Serib.* *Var.* non a me, sed a Varro carmine celebraberis; *Varro* est casus tertius. *Varri*, ut insignis tum temporis poetae apici, tam Noster Sat. I. 10. 4. Art. P. 55. quam Virgilius Ecl. IX. 35. honorificam mentionem faciunt. Eundem nobilem fuisse poetam tragicum testatur Quintilianus, qui eius Thyesten cuilibet Graecorum comparari posse iudicat X. 1. 98. *Maeonii* h. e. Homeri, a patria Homeri Smyrna, Maeoniae sive Lydiae urbe. *Maeonii carminis aliti* h. e. canenti et in altum evolanti, ut cecinit et in altum evolavit Homerus, h. e. poetae epico, qualis fuit Homerus. *ales* pro cygno, ut *albus ales* infr. II. 20. 10. *cygnus* autem pro poeta, ut infr. IV. 2. 25. *cygnus Dircaeus. ales carminis* lyrica audacia, pro: poeta, qui canit carmen. v. 3. *quam rem cumque* h. e. quod attinet ad rem, quaecunque cett. *navibus aut equis* h. e. aut mari aut terra.

v. 5—12. *Nos, Agrippa, neque* cett. sensus: ego non magis res tuas gestas canere, quam Iliadem, aut Odysseam, aut tragoediam aliquam scribere audeo, sum enim poeta

tenuis, et illa carmina sunt grandioris spiritus. *gravem Pelidae stomachum* h. e. Achillis (Pelei filii) iram, (μῆνιν Πηλεΐδου Ἀχιλλεύου) quam cecinit Homerus in Iliade. — *ced. nescii*, qui a se impetrare non poterat, ut Agamemnoni ob ereptam sibi ab eo Briseidem cederet, inexorabilis, pervicacis. v. 7. *cursus Vlixei* errores Vlyssis, quos cecinit Homerus in Odyssea. *Vlixens* vetus forma pro: Vlysses, ut infr. 45. 34. *Achilleus* pro: Achilles, *duplic.* *duplic.* (διπλός) qui simulando et fictam speciem prae se ferendo fulsit, vaser, dolosus, varsipellis, (πρὸ λύτρου) homini simplici (qui Graecis est ἀπλοῦς h. e. candido vel sincero opponitur. v. 8. *Nec Saev. Pelop. dom.* h. e. nec saevas a Pelopis familia perpetratas caedes, quae Sophocli inprimis largissimam ad tragoedias scribendas suppeditarunt materiem. Oenomaus enim a genero Pelope, Thyestae liberi ab eius fratre Atreo, Atreus ab Aegistho, Agamemnon a Clytaemnestra, haec et Aegisthus ab Oreste, illius filio, occisi sunt, Orestes ipse furis agitat. v. 10. *imbellisque Musa potens* h. e. et ingenium non epicis, sed iocosis et amatoriiis carminibus canendis aptum; — *imbellis* h. e. a rebus

Laudes egregii Caesaris et tuas
 Culpa deterere ingeni.
 Quis Martem tunica tectum adamantina
 Digne scripserit? aut pulvere Troio
 Nigrum Merionem? aut ope Palladis 15
 Tydiden superis parem?
 Nos convivia, nos proelia virginum
 Strictis in iuvenes unguibus acrium
 Cantamus, vacui, sive quid urimur,
 Non praeter solitum leves. 20

CARMEN VII

AD MUNATIVUM PLANCUM.

Laudabunt alii claram Rhodon, aut Mitylenen,

bellicis abhorrentis, ludicrae, iocose.

v. 13—20. *Mart. tun. tect. adam.* Ducta haec Martis imago ab Homero, ubi ille dicitur χαλκοχίτων, χαλκοθήρηξ, χαλκός Αρης. Cl. Müsch. comparat Claud. in Cons. Prob. et Olyb. 99. *Mavors adamante coruscant.* — *adamans* de ferro durissimo praestantissimoque. *nigrum* significanter pro: obductum, conspersum. v. 15. *Merionem* nobilissimum apud Homerum Idomenei aurigam. *Tydidem* Diomedem, Tydei filium. v. 18. pro vulgari lectione: *sectis*, dedi *strictis*, quod eleganter reposuit *Bentleius*, qui locutionem: *ungues* vel *manus stringere* idoneis exemplis illustravit, Ovid. Am. I. 6. 14. Stat. Theb. III. 536. Nam primum vix dici potest: *ungues secare in* (contra) *aliquem*; deinde ridiculum fere est, si *virgines acres*, h. e. iratae, *unguibus sectis*, tanquam armis, in *iuvenes*

usae dicuntur. Quis enim accedat Interpretibus, qui ad defendendam lectionem *sectis* addunt: s. ne nimis laedantur vel foedentur ora iuvenum? — Caeterum adumbratum virginum, unguibus prae ira in amatorum vultum involantium, imaginem haud Romanorum urbanitatem offendisse, ex multis aliis poetarum, qui eiusmodi proelia amatoria describunt, iocis satis apparet. v. 19. *vac. sive quid urimur* sive liberi sumus ab amore, sive puellae vel pueri cuiusdam amore urimur; — particula *sive* vel *seu* priore loco passim omittitur, ut supr. I. 3. 16. *non praeter solitum* haud praeter consuetudinem nostram, ex more nobis proprio; *leves* ad levitatem et protervitatem proclives,

CARMEN VII.

L. Munatius Plancus, cum ob contractam sibi apud Augustum dubiae

Aut Epheson, bimariseve Corinthi
Moenia, vel Baccho Thebas, vel Apolline Delphos
Insignes, aut Thessala Tempe.

fidei et inconstantiae suspicionem non parum de salutis suae securitate esset sollicitus, sponte solum vertendi et in Graecam aliquam civitatem secedendi, quantum ex hoc carmine colligere licet, cepisse et cum amico suo Horatio communicasse videtur consilium. Poëta igitur, quid sibi videatur de hoc consilio, per ambages et paulo tectius in hoc carmine declarat. Vt ex urbe discedat Planus, haud quidem improbare videtur, sed, dum prae Graecis civitatibus (quo tum migrare solebant securitati suae timentes) Tiburtinae regionis amoenitatem commendat, quasi aliud agens, locum, ubi Planus Bacchi, laetitiae datoris, munere tristitiam et dolorem abstergere, et ad quaevis toleranda animum confirmare possit, longe opportuniorem innuit. — Nexus sententiarum, de quo adeo laborarunt nonnulli interpretes, ut hoc carmen ex duobus diversis conflatum esse opinarentur, est fere hic: s. clarissimas Graeciae civitates aliis laudandas relinquo; me praecipue delectat amoenissima Tiburai regio; tu quoque, Planus, in ea potissimum regione animi tui dolorem deponere poteris, (supplendum enim est, quod consulto praetermisit poëta) eo te confer, et cogita, non semper mala durare, sed post illa, sicut tempestatem excipere solet serenitas, laetorem sortem redire. Vbi cumque es, vel futurus es, vino curas dilue, et animum tuum exhilara. Exemplo in hac re tibi esse potest Teucer, qui, quamvis patriam suam fugere

debebat, tamen animum haud despondebat, imo ad vinum se sociosque suos ad melioris sortis expectationem excitabat. s. — Quam varius et inconstans fuerit Planus, tam ex diversis, quas in republica secutus est, partibus, quam ex mutuis eius et Ciceronis epistolis, quae extant in Cic. Ep. ad Div. L.X. intelligi potest. Conf. de eo Cl. Wetzelii Ind. Nom. p. 69.

v. 1—4. *Laudab. alii*, non deerunt alii, qui laudent, commendant; Cl. Mitsch. ad formam Graecam explicat: laudent licet, celebrent per me, extollant. *Rhod. claram*, mercatura, artibus et philosophia puta. — *Mitylenen*, hanc Lesbi urbem Cicero quoque in Orat. c. Rull. § 44. et natura, et descriptione aedificiorum, et pulchritudine inprimis nobilem vocat. *Ephesum*, urbem Ioniae maritimam, Dianae inprimis templo claram. *Bimaris*, oh duo maria, Ionium et Aegaeum, quibus *Corinthus*, ad Isthmum in Achaia sita, alluitur; epitheton *bimaris* factum est ad Graec. δι-δάσσοις, ἀμφιδάσσοις; opulentia inprimis et multarum rerum abundantia hanc urbem floruisse constant; Graeciae decus vocat *Corinthus* Flor. II. 16. v. 3. *Baccho*, Bacchi origine, educatione et culto. *Apoll.* Apollinis templo et oraculo. v. 4. *Thess. Tempe*, harum amoenissimarum inter Ossam et Olympum Thessalicae convallium, praeter Ovid. Met. I. 569 seqq. uberiorem descriptionem dedit Aelian. V. H. III. 1.

Sunt, quibus unum opus est, intactae Palladis arces ⁵.

Carmine perpetuo celebrare,

Indeque decerptam fronti praeponere olivam.

Plurimus in Iunonis honorem

Aptum dicit equis Argos ditesque Mycenae.

Me nec tam patiens Lacedaemon,

40

Nec tam Larissae percussit campus opimae,

Quam domus Albunae resonantis,

Et praeceps Anio, ac Tiburni lucus, et uda

v. 5—9. *intactae* h. e. indelibatae, castae. *arces* Athenarum nempe, quibus praesuit Minerva, unde dicta illa est *πολιοῦχος*, vid. *Cuper. Observ.* III. 16. et *Spanhem.* ad Callim. in Pall. v. 53. *arces Palladis* autem pro ipsis Athenis. v. 6. *perpetuo*, quod uno tenore omnes Athenarum laudes coniunctim tractat, cyclo. v. 7. *pro undique*, quod inde ab Erasmo plurimas editiones obsidet, Cl. *Mitsch.* recte in textum recepit, quod iam *Schraderus* coniecerat, *indeque*; sic enim omnis difficultas, qua in hoc loco explicanda misere se torserunt interpretes, remota est; *indeque decerptam* — *olivam* h. e. et quae sitam sibi ex hoc (*inde*) Athenas carminibus celebrandi studio laudem (*fronti praeponere*) publice prae se ferre, sive: in canendis Athenis laudem et famam sibi quaerere; nam qui in honorem Minervae canunt, eorum fronti *praeponitur* h. e. praefigitur corona oleagina, quia oliva Minervae sacra est; sicut proprie *lauro*, qui Apollinem, *hedera*, qui Bacchum, *myrto*, qui res Veneris vel amatorias canunt, coronantur. *olea* quoque fuit praemium victorum in certaminibus illis poeticiis, (*τετραλογία*) quae in Panathenaeis, ludis Minervae, instituebantur. v. 9. *Argos aptum*

equis (*ἱκποτρόφον, ἱκπόβοτον*) ob egregia, quae ibi fuere, pascua: *Argos* autem sedes Iunoni fuit gratissima, unde Pindaro Nem. IX. 3. dicitur *Ἥρας δῶμα θιοπριπής*.

v. 10—14. *patiens*, ob magnam laborum, quibus Spartani a teneris exercebantur, patientiam. *Larissae opimae campus*, ager circa Larissam, Thessaliae oppidum, fertilissimus. *percussit*, gravina pro vulgari: movit, cepit; nam qui vehementius aliqua re afficiuntur, ea *percuti* vel *ici* dicuntur. v. 12. *dom. Alb.* iam Tiburtini agri amoenitatem luculenta eius descriptione commendat; transit eum fluvius *Albula*, qui in fonte *Albunea* oritur, ubi eiusdem nominis Nympha sedem vel domum suam habet; *resonantis*, dulcis cum murmure prosilientis aquae sonitus suaviter ipsi Nymphae tribuitur. v. 13. *praeceps Anio* (*Anio* (nunc *Tevere*) qui per agros Tiburtinos in Tiberim decurrit, ideo dicitur *praeceps*, quod prope Tibur de scopulo triginta eirciter cubitos se praecipitans cataractam (nunc *la cascata* dictam) efficit. *Tiburni lucus*, memoriae vel cultui *Tiburni*, qui cum fratribus suis, *Casillo* et *Cora*, Tiburis conditor fuisse dicitur, haud dubie sacer.



Mobilibus pomaria rivis.

Albus ut obscuro deterget nubila caelo

15

Saepe Notus, neque parturit imbres

Perpetuos: sic tu sapiens finire memento

Tristitiam vitaeque labores

Molli, Plance, mero: seu te fulgentia signis

Castra tenent, seu densa tenebit

20

Tiburis umbra tui. Teucer Salamina patremque

Quum fugeret, tamen uda Lyaeo

Tempora populea fertur vinxisse corona,

Sic tristes adfatus amicos:

Quo nos cumque feret melior Fortuna parente,

25

Ibimus, O socii comitesque.

Nil desperandum Teucro duce et auspice Teucro;

Certus enim promisit Apollo,

Ambiguum tellure nova Salamina futuram.

v. 15—20. *Albus* — *Notus*, (*λευκός*) caelum album sive serenum reddens; sic *nigri venti* supr. 6. 7. ubi. ef. not. *niger Euris* infr. Epod. 40. 5. *clarus Aquilo* Virg. Georg. 1. 460. *candidi Favonii* infr. III. 7. 4. *deterget* a *detergeo*. v. 18. *molli* h. e. leni ob festivitatem. v. 20. *seu densa tenebit Tib. umb. t.* sive potius Tihur rusticalum ibis; hoc enim, ut diximus in Argumento, Planco suadere videtur Horatius. *tui* vel quod Tibur in deliciis fuit Plauco, vel quod villam ibi habuit.

v. 21—32. *Teucer Salam.* cett. Telamon, Salamine regnans, duos filios, Teucrum et Aiace, ea conditione in bellum Troianum proficisci passus erat, ut neuter sine altero rediret. Teucer igitur, cum, sine Aiace redux, pulsus esset a patre ex patria, ab Apolline monitus, in Cypro, quo exsulatum iverat, novam

Salamina condidit; vid. Vell. Pat. I. 1. Soph. Ai. 4036. Eurip. Hel. 94. et Heynii Excurs. XXIII. ad Virg. Aen. I. v. 22. *uda* (*βαβρυπύρα*), madida vino. v. 23. *populea corona*, vel tanquam heros, vel quod sacrificabat Herculi, cui *populus* sacra est. v. 24. *trist. adf. amic.* orationem Teucro ad socios habitam hausisse Nostrum vel ex Graeco aliquo poeta, vel ex Pacuvii tragoedia, quae tum exstabat, *Teucer* inscripta (cf. Cie. Orat. II. 46.), vix dubites. v. 25. *quo nos cumque fer.* cf. in hanc sententiam Virg. Aen. V. 709. *melior* h. e. benignior. v. 27. *Teucro duo. et ausp. Teuer.* b. e. ubi et dux est Teucer, et bonis ipsius Teucro auspiciis res geritur. Ad bona illa auspicia pertinet Apollinis oraculum. v. 28. *certus*, haud dubiae fidei. v. 29. *ambig. tell. nov. Sal. fut.* h. e. nova Salamine condita veteris Salaminis

O fortes, peioraque passi
Mecum saepe viri, nunc vino pellite curas:
Cras ingens iterabimus aequor.

20

CARMEN VIII

AD LYDIAM.

Lydia dic, per omnes
Te deos oro, Sybarin cur properas amando
Perdere? cur apricum
Oderit campum, patiens pulveris atque solis?

gloriam ambiguum fore, s. obscurum iri. v. 32. *cras ing. iter. aequor*, ergo, ut bene observat Cl. Mitsch., ad litus appulerant, sacra Herculi facturi.

CARMEN VIII.

Perdite amantis imaginem poeta in hoc carmine repraesentat, Sybaris exemplo proposito. Is enim, cum Lydiae amore, in cuius illecebras se irretiri passus fuerat, ita detineretur, ut, neglectis plane, quibus ante magna cum laude interfuerat, exercitationibus gymnasticis, molliter apud solam Lydiam lateret, quid sit morbi amor, et quantum ille homines immutet, satis ostendebat. — Videtur autem poeta eo consilio hoc carmen scripsisse ad Lydiam, ut, dum miser illius, quo nunc Sybaris peribat, amoris culpam ad eam transfert, inhonestam simul ei iuvenes in amorem pelliciendi artem exprobraret; quae quidem eo magia urere debebat Horatium, cum ipse Lydiae

(quaecumque demum sub eius nomine puella latet) amator esset. Obtrectionis igitur stimulo poeta ad hoc carmen scribendum incitatus fuisse videtur.

v. 4—7. *Sybaria* adolescentem ingenuum fuisse, ex gymnasticis exercitationibus, quibus ille ante deditus fuisse dicitur in campo Martio, apparet. *Syb. c. prop. ant. perd.* h. e. cur Sybarin amore, quo eum captum tenes, is perditam? cur tanto studio Sybarin per amoris tui nequitiam corrumpis? *cur apricum* cell. cur ille, (*patiens pulveris atque solis*) qui ferre ante poterat pulverem atque solem, nunc campum Martium aversatur atque vitat? sive: cur strenuus ante ille iuvenis nunc prae mollietate fugit gymnasticas exercitationes in campo Martio? Studia autem illa, quibus pueri ingenui *equitando, natando, lactando, discum et iaculum iaciendo* in campo Martio exercebantur, recenset ipse poeta. — *oderit* pro: odit. *apricum*, ubi aestus solis, cui campus Martius expositus est, ferendus

Cur neque militaris

5

Inter aequales equitat, Gallica nec lupatis
Temperat ora frenis?

Cur timet flavum Tiberim tangere? cur olivum
Sanguine viperino

Cautius vitat? neque iam livida gestat armis 10
Brachia, saepe disco,

Saepe trans finem iaculo nobilis expedito?
Quid latet, ut marinae

est.—v. 5. *militaris*, tanquam miles, more militari; milites nempe imitabantur pueri, et ludum militarem ludebant; sunt, qui Horatium equestre illud nobilium iuvenum Romanorum certamen, *ludum Troiae* dictum, respexisse arbitrentur, sed, ut bene observat Cl. Mitsch., *ludus Troiae* (de quo cf. Virg. Aen. V. 545. seqq.) erat sollemnis, et raro agebatur. v. 6. *Gallica* — *ora* h. e. os equi Gallici; ad optimos nempe referebantur a Romanis *equi Gallici* (cf. Tacit. Ann. II. 5.), sed ob insignem eorum ferociam domari debebant frenis *lupatis*, h. e. ferreis a-culeis, qui *lupi* (λύξαι) dicebantur, instructis.

v. 8—16. *Cur tim. fl. Tib. tang.* e-gregie ad Sybaris molliem notandam pro vulgari: cur non natat in Tiberi? molliores enim homines aquam ne tangere quidem audent, nedum ut in illa natando se exerceant. *cur olivum* cett. cur a palæstra magis quam a veneno praesentissimo sibi cavet? *olivum* pro palæstra, quia luctaturi ibi artus suos oleo, ne facile teneri possent ab adversario, inungere solebant: *sanguis viperinus*, venenum efficacissimum, ut infr. Epod. 3. 6. *crux viperinus*.

—v. 10. *livida* — *armis* h. e. livore notata ex armorum, disci et iaculi, pondere. v. 11. *disc.*) *discus* fuit massa plumbea vel ferrea, in disci speciem rotundam conformata, quam iuvenes in exercitationibus gymnasticis, virium tam exercendarum quam augendarum causa, ad certam metam proiciebant; descripsit hunc ludum Hom. Odyss. VIII. 486 seqq. — v. 12. *expedito*, significanter pro: misso, proiecto; inest enim tō *expedito* notio facilitatis, qua Sybaris discum et iaculum trans metam proicere valuerat.—v. 13. *Quid latet*, ut *mar.* cett. sensus: Quid latet Sybaris apud te, Lydia, sicuti Thetidis filium, Achillem, sub funesti belli Troiani initio latuisse narrant, muliebri quippe veste indutum, ne virili cultu proditus ad caedem contra Troianos proficisci cogeretur. — Nimirum cum fata, ex quibus constitutum fuit, ut Achilles, si in bellum Troianum proficisceretur, ibi periret, haud fallerent eius matrem Thetidem; horum eludendorum causa illa filium suum apud Lycomedem in Scyro sub cultu muliebri occultasse dicitur, unde is deinde, cum Deidamia, cuius amore captus fuerat, se virum prodidisset, ab Vlisse in

Filium dicunt Thetidis sub lacrimosa Troiae
 Funera, ne virilis 45
 Cultus in caedem et Lycias proriperet catervas?

CARMEN IX.

AD THALIARCHVM.

Vides, ut alta stet nive candidum
 Soracte, nec iam sustineant onus
 Silvae laborantes, geluque

bellum Troianum protractus est. Fusi-
 us hanc rem tractavit Statius in
 Achilleide. cf. Bion. Id. VI. — v. 44.
sub lacri. Tro. fun. — cum Graeci
 ad bellum funestissimum se accinge-
 rent; *funera* pro bellō, funerum
 causa. v. 46. *Lycias* h. e. Troianas;
Lycii enim, Sarpedone et Glaucō
 ducibus, Troianorum fuerunt socii.

et, inveni, dum licet, aetate fruen-
 tem, amoribus, saltationibus et lu-
 sibus indulgere iubet. — Cum ini-
 tium huius carminis ex Alcaei Fragm.
 apud Athen. X. 8. quod Cl. Mitsch.
 ita constituendum videtur:

Υαί μὲν ὁ Ζεὺς, ἐν δ' οὐρανῷ μέγα
 Χαιμῶν, πεπύλασεν δ' ὕδατων βοάι.

CARMEN IX.

Vitae illud praeceptum, tam saepe
 a Nostro repetitum, ut de rebus fu-
 turis parum solliciti unumquemque
 a Fortuna nobis concessum diem hi-
 lariter transigamus, in hoc quoque
 carmine Thaliarcho (cui aliquid ac-
 cidisse videtur, quod eius perturbaret
 tristitiaque afficeret animum) com-
 mendat. Erat tum hiems, sed nec
 hiemem vitae iucunditatibus obesse,
 ostendit. Montium igitur, silvarum
 et fluminum nive et glacie obecto-
 rum suaviter adumbrata imagine,
 Thalarchum lignis, super foco ac-
 censis, frigus discutere, vinum vetu-
 stum depromere, sortem futuram
 diis committere, quicquid boni quis-
 que dies offerat, cupide amplecti,

Κάβαλε τὸν χαιμῶν', ἐπὶ μὲν τιθεῖς
 Πῦρ, ἐν δὲ κινῶς οἶνον ἀπειδίως
 Μελιχρὸν, αὐτὰρ ἀμφὶ κόρσῃ
 Μαλθακὸν ἀμμιτῖθαι γυνάγαλλον.

aperte expressum sit, fortasse in re-
 liqua quoque huius carminis parte
 Noster eiusdem poetæ vestigiis in-
 stitit. Nisi Thaliarchus nomen fictum,
 et totum carmen mera Alcaei imita-
 tio est, Horatium, cum hoc carmen
 scriberet, in Thaliarchi, nobilioris
 cuiusdam fortasse iuvenis, villa non
 procul monte Soracte in Faliscis fuis-
 se, probabile est.

v. 4—4. *stet* h. e. se attollat, immi-
 neat, pro vulgari: sit. *Soracte* in
 agro Faliscorum, nunc Monte di S.
Silvestro. *laborantes* eleganter di-

Flumina constiterint acuto.
 Dissolve frigus, ligna super foco 5
 Large reponens; atque benignius
 Deprome quadrimum Sabina,
 O Thaliarche, merum diota.
 Permite Divis cetera: qui simul
 Stravere ventos aequore fervido 10
 Deproeliantes, nec cupressi
 Nec veteres agitantur orni.
 Quid sit futurum cras, fuge quaerere: et
 Quem Fors dierum cumque dabit, lucro
 Adpone: nec dulces amores 15
 Sperne puer, neque tu choreas;
 Donec virenti canities abest
 Morosa. Nunc et Campus et areae,
 Lenesque sub noctem susurri
 Composita repetantur hora: 20

euntur silvarum arbores, quae nivis
 onere ita deprimuntur, ut ei susti-
 nendo vix pares sint, ei succum-
 bant: sic *Atlas*, vix humeris susti-
 nens caelum, *laborare* apud Ovid.
 Met. II. 296. et *respublica Romana*,
 prae nimia magnitudine vix amplius
 se tenens, *magnitudine sua laborare*
 Livio in Prooemio dicitur. *constiterint*,
 glacie nempe per acre gelu adstricta.

v. 5—8. *benignius* h. e. largius,
 liberalius, ἀπιδέως. *benigne τῷ μα-
 ligne*, h. e. parce, opponitur. *Sa-
 bina*—*diota*, in qua vinum Sabinum
 conditum est; *diota* vasculum, duas
 aures (ῥῶα) h. e. ansas habens, an-
 setum, quo ad vinum e cadis in po-
 cula minora transfundendum ute-
 bantur.

v. 9—12. *qui* cett. sensus: qui
 composita tempestate omnia tran-
 quilla reddunt; *qui sim. str. vent. arg.*

ferv. deproel. h. e. simulac illi ven-
 torum in concitato mari contra se
 pugnantium impetum prostraverunt,
 contunderunt, domuerunt.

v. 13—16. *fuge quaerere*, noli aci-
 citari; in sententiam, qua ridetur
 de crastini diei sorte sollicitudo, lau-
 dat Cl. Mitsch. Grot. Excerpt. p. 875.
 ubi Philetaerus iubet haud sic αἰρίων
 ῥῥονίζεσθαι, τὶ ἂν ἔσται. *puer*, donec
 in flore aetatis constitutus es.

v. 17—20. *virenti* significantius
 pro: tibi. *camp. et areae* intellige
 ambulationes in campo Martio et
arris h. e. locis puris in urbe, vel
 porticibus ad templa, ubi pueri puel-
 laeque frequenter amoris causa ver-
 sari solebant. *lenes susurri*, blan-
 dae et furtivae amantium confabu-
 lationes (ἄκριτοι, ψευδέρματα).—
composita, ex composito constituta;
 nos: verabrèdet. *repetantur* h. e. de

Nunc et latentis proditor intimo
 Gratus puellae risus ab angulo,
 Pignusque dereptum lacertis,
 Aut digito male pertinaci.

CARMEN X

AD MERCVRIVM.

Mercuri, facunde nepos Atlantis,

integrò vel saepius misceantur. — Ceterum in sententiam, amorì et voluptatibus, antequam iners aetas nos subrepat, indulgendum esse, comparat Cl. Mitsch. *Antiphan.* epist. 7. 3. *Anth. Gr. T. II.* p. 188. (edit. Iac.) et *Rufin.* ep. 10. 2 seqq. *Anth. Gr. T. III.* p. 101.

v. 21—24. Nunc et latentis cett. nunc tam risus, quo puella se ipsam in intimo angulo latentem prodit, quam pignus delectat, quod eius lacertis vel digito dereptum est; sive: nunc incandiasimus est ille lusus amatorius, quo puellae, quae se ipsam in intimo angulo latentem ridendo prodidit, vel annilla de eius lacertis, vel annulus de eius digito tanquam pignus amoris deripitur. *digit. mal. pert.* facete de puella, quae non vincere, sed vinci in lusu amatorio cupit; eius *digitus* igitur, haud ita compressus, ut aegre ex eo de-trahi possit annulus, est *male*, h. e. minus, *pertinax*. — Totum hunc locum, ut bene observat Mitsch., imitatus est Auctor *Elegg.* quae sub Corn. Galli nomine circumferuntur, I. 67. *Et nunc subridens latebras fugitiva petebat, Non tamen, effugiens, tota* (ut bene pro *tale* emendat Cl.

Mitsch.) *latere volens, Sed magis ex aliquo cupiebat parte videri; Lactior hoc multo, quod male tecta foret.*

CARMEN X.

Cum totum hoc carmen secundum Porphyriionis scholion: « *Hymnus in Mercurium ab Alcaco lyrico poëta* » ex Alcaco expressum sit, poëta in illo componendo nihil aliud, nisi ut ex Graeco carmen Latinum faceret, spectasse videtur; quod quidem, quamquam lyrico more breviter tantum Mercurii laudes attingit, ad hymnorum tamen, qui in deorum origine, muneribus, virtutibus, meritis et inventis celebrandis versantur, genera recte referri potest. Iam vero cum Mercurio tribuntur imprimis ingenium prudens, sollers atque callidum, laus quonque eius in rebus, prudenter, sollerter et callide ab eo factis, continetur. Itaque in hoc carmine Mercurii prudentia et sapientia, qua non solum hominum animos dicendi arte imbueret, sed eorum corpora quoque gymnasticis exercitationibus corroborare studuerit; eius in explendis nuntiis apud Iovem et ceteros deos partibus dexteritas, et,

Qui feros cultus hominum recentum
Voce formasti catus, et decorae

More palaestrae:

Te canam, magni Iovis et Deorum
Nuntium curvaeque lyrae parentem;
Callidum, quicquid placuit, iocoso

Condere furto.

Te, boves olim nisi reddidisses
Per dolum amotas, puerum minaci

5

10

qua lyram invenerit, sollertia; eius porro, qua tam Apollinem, sagitta illi iocoso furto surrepta, luserit, quam vigiles in castris Gracorum, Priamum per ea ad Achillem ducendo, scelerit calliditas; eius denique, quo animas ad inferos deducat, ministerium laudatur atque celebratur; breviter: celebratur Mercurius in hoc carmine tanquam Deus λόγος, ἐναργώνιος, ἄγγελος ἀθανάτων, αἰμυλόμυτις, ψυχροπομπός.

v. 1—4. *facunde*, (λόγος) facundiam enim inprimis postulabat legati sive nuntii apud deos munus; — hinc eloquentiae pater habitus est Mercurius; λόγου προφήτης dicitur Orph. H. 27. 4. *nepos Atlantis*, filius nempe Iovis ex Maia, Atlantis filia, Pleiadum una. *fer. cul. h. res.* rudes et incultos olim homines; *recentes*, recens olim nati, primigenii, antiquissimi, πρωτότοκοι. v. 3. *voce*, loquela, sermone, animi sui sententiam cum aliis communicandi facultate. *catus*, vox Sabina, pro: catus, i. e. prudens, sapiente consilio praestans; sapienter enim ludicavit Mercurius, rudes et feros hominum mores nulla re magis cultiores reddi posse, quam communi sermone usu sive eloquentia; hinc Cicero

Orat. I. 8. da eloquentia: quae vis alia potuit aut dispersos homines unum in locum congregare, aut a fera agrestique vita ad hunc humanum cultum civilemque deducere? dec. more palaeat. h. e. institutis, quae corpus ad decentiam componerent, certaminibus palaestricis.

v. 5—8. *Deor. nuntium*, ἄγγελλον ἀθανάτων, διάκτορα. *curv. lyr. parentem*, intensis curvae testudini ovium nervis primus lyrae auctor fuisse perhibetur Mercurius. cf. Hom. H. in Merc. 40 seqq. et Lucian. D. D. VII. *callidum condere*, Graeco pro: callidum ad condendum.

v. 9—12. Sensus: dum olim Apollo tibi adhuc parvulo, poenas minando, ni absctas per fraudem ab eo boves redderes, terrorem incutit, ecce! eo ipso momento eius ira, pbaretra, dolose a te surrepta, se privatum animadvertentis, in risum vertitur. *puerum*, Mercurius, vix trium dierum puerulus, boves ex Admeti armentis, quae Apollo pascebat, clam avertisse, (Hom. H. in Merc. 49.) et simili furandi dexteritate arcum et sagittas Apollini abstulisse dicitur. Lnc. D. D. VII. — Haec duo furta, diversis temporibus facta, lepide Alcaeus, quem Noster

Voce dum terret, viduus pharetra
Risit Apollo.

Quin et Atridas, duce te, superbos,
Ilio dives Priamus relicto,
Thessalosque ignes et iniqua Troiae
Castra fefellit.

15

Tu pias laetis animas reponis
Sedibus, virgaque levem coerces
Aurea turbam, superis Deorum
Gratus et imis.

20

CARMEN XI

AD LEUCONOEN.

Tu'ne quaesieris, scire nefas, quem mihi, quem tibi

sequitur, coniunxit. *viduus*, Graeco, viduum se sentiens.

v. 13—16. Sensus: imo Priamus, Ilio (ad corpus Hectoris ab Achille redimendum) profectus, cum te duce callido uteretur, neque ab Atridis, Agamemnone et Menelao, neque a vigilibus copiarum Achillis in castris Graecorum conspectus et detectus est. — Rem narrat Hom. Iliad. XXIV. 336 seqq. *superbos* (μεγαθύμους, μεγαλήτορας) tam ob fortitudinis, quam ob summae, quae penes eos fuit, potentiae gloriam. *dives* (πλούχρυσος, πολύκτητος) auri simul, quod ad Hectoris corpus redimendum curru advehendum curaverat, respectu habito. *Thess. ign.* per ignes designantur vigiles, qui ignes in vigiliis accendere solent, et per *Thessalos* locus, ubi Achilles, Thessalus, in castris Graecorum tendebat.

v. 17—20. *Tu pias laet. an. rep.*

Sed. a munere pias animas in laetas sedes sive Elysium deducendiet compellendi Graecis dicitur Mercurius ψυχωμπός, ψυχωγωγός, de quo vid. inprimis *Hemsterhusius* ad Luc. Contempl. c. I. *virga aur.* (ῥάβδος χρυσείη, unde Mercurius χρυσόραπς) qua, velut pastor ad gregem cogendum, utitur. Virga autem illa Mercurii (ῥάβδος) antiquitus nihil a caduceo diversa fuit; vid. Cl. *Ilgen.* ad Hom. Hymn. in Merc. v. 528. et *Amicius. Baetig. in den Vasengem.* I. 2. p. 96. *levem turbam*, exiles animas, εἴδωλα. *superis Deorum*, Graeco, pro: superis diis.

CARMEN XI.

Cum Leuconoën (sub quo ficto nomine haud dubie amica quaedam Horatii latet) pro ea, quae tum ceperat hominum animos, superstitione, iam

Finem Di dederint, Leuconoe; nec Babylonios
Tentaris numeros. Vt melius, quicquid erit, pati!
Seu plures hiemes, seu tribuit Iupiter ultimam,
Quae nunc oppositis debilitat pumicibus mare

6

id agere, ut astrologos consulendo finem vitae sibi constitutum scisciteretur, intellexisset poeta; eam hoc carmine, tam fata futura, quae ignorentur, multo melius ferri, docendo, quam voluptatum, ob vitae brevitatem, dum licet, percipiendarum, fructum commendando, a stulto isto consilio avocare studet.

v. 1. ne quaerieris pro: cave quae-
ras, noli quaerere; commode in
hanc sententiam Cl. *Mitch.* laudat
Propert. II. 20. 60. *At vos incertam,
mortales, funeris horam Quaeritis, et
qua sit mors atenda via. Quaeritis
et caelo Phoenicum inventa sereno,
Quae sit stella homini commoda, quae-
que mala. — scire nefas, quem celt.
impium est scire vel sciscitari velle,
quem celt. nam prudens (ut Noster
infr. III. 29. 30.) futuri temporis exitum
Caliginosa nocte premit deus. Stat.
Theb. III. 562. quid crastinus volu-
ret aetas, Scire nefas homini. — quem
mihi, quem tibi F. D. d. Leuconoe
igitur, cum non solum de suae, sed
etiam de Horatii vitae exitu, esset
sollicita, intimo eum amore amplexa
esse videtur.*

v. 2, 3. nec *Babyl. tent. num.* —
cum Babylonii inprimis sive Chaldaei
(quorum urbs fuit Babylon) ex hora,
qua quis natus esset, sive horoscopo,
secundum constellationem sive stel-
larum, quarum cursum et coniunctiones
in ephemeridibus suis vel tabulis
astronomicis descriptas habebant, com-
putationes et numerum suae cuique
vitae exitum praedicendi artem professi
sint; *numeros Babylonios tentare erit*

ex subducto secundum Babyloniorum
artem stellarum numero, sive ex
Chaldaeis (ut Cicero loquitur de Div.
II. 47,) *rationibus* vitae exitum ex-
plorare et discere velle; h. e. consu-
lere astrologos. v. 3. *ut mel. quicq.
er. pati* i. e. quanto sapientius, quic-
quid sciderit, patienter ferre!

v. 5. *Quae nunc oppositis deb. pum.*
m. T. lyrico ornato pro vulgari: quae
nunc transit vel transigitur hiems.
quae nunc debilitat mare, pro vulgari:
quae nunc mare debilitatur h. e. fran-
gitur, repercutitur *oppositis pumicibus*,
pro: rupibus marinarum fluctuum
impetu, pumicum instar, exesis et
ravatis. Sic *pumex* pro rupe caver-
nosa apud Virg. Aen. V. 214. *Qualis
spelunca subito commota columba, Cui
domus et dulces latebroso in pumice
nidi, Fertur in arva volans celt. et
XII. 587. Inclusus ut eum latebroso in
pumice pastor Vestigavit apes celt.
Voigtius, matheseos Doctor in Aca-
demia lenensi celeberrimus, ex phy-
sicis rationibus (ut ex Cl. *Mitch*
Anal. ad Hor. T. II. p. 677. intellexi)
hunc locum explicandum esse existi-
mat. Putat nimirum per *oppositos
pumices* massam ardentem sive lapideas
igne peresos intelligendos esse, quos
mons ignivornus in Aeoliarum insula
una, Strongyle, eiaceletur et in
mare Tyrrhenum deiciat. Itaque
hunc locum ita fere vertendum esse
arbitratur: *Oder esmag dieser winter
der letzte seyn, der jetzt oden drang
des Tyrrhenischen meeres durch glü-
hende lavaströme zu brechen strebt.* —
Sed hanc explicandi rationem neu-*

Tyrrhenum. Sapias, vina liques, et spatio brevi
Spem longam reseces. Dum loquimur, fugerit invida
Aetas. Carpe diem, quam minimum credula postero.

CARMEN XII

AD AUGVSTVM.

Quem virum aut heroa lyra vel acri

tiquam usus loquendi admittit. Nam massa illa ardens a. igne adesi lapides *cicci* quidem ex monte ignivomo, et in mare *deici*, sed non sicut rupes, vel vasta quaedam moles, quae fluctibus marinis resistit, mari *opponi* recte dicuntur; nec tanta via ardenti illi massae et lapidibus igne peresis tribui potest, ut mare, sicut rupes quaedam *debilitent* h. e. fluctus maris frangant et retundant.

v. 6—8. *Sapias* cett. sensus: ne stulto igitur de vitae exitu sciscitando animum tuum maeares; quin, cogitans de vitae brevitate et fugientis aetatis velocitate, vinoque indulgens, sapienter praesentis vitae fructus carpe. *vin. liq.* — *vinum liquare* est vinum percolando liquidius et sic bibendo aptum reddere; nos: *den wein filtriren, durchsiehen*; Graecia dicitur: *ὑλκίζεν, σακκίζεν, ἐξηπιάζειν*; cf. Cl. *Schneid.* ad Colum. XII. 19. 4. — utebantur veteres ad vinum liquandum colo, (*ἄδυφος, ὑλίσθηρος*, b. e. sacco linteo, tenui vimine rarius in conis inversi formam contexto) ut vinum per illud transmissum defaecarent; vel potius, ut mihi videtur, a flore vel mucore (*kahn*) purgarent. — Ceterum poetam ideo Leuconoeon *vinum liquare* iubere, ut

illud bibendo hilaritati indulgeat, vix monendum videtur. *spatio brevi spem long. reseco.* b. e. spem in longioris vitae tempus productam a brevioris vitae spatio rescindas et disiungas; noli sperare, quae ob vitae brevitatem assequi nequias. — Alio verborum ornatu eandem sententiam extulit Noster supra l. 4. 15. *Vitae summa brevis spem nos vetat inchoare longam.*

CARMEN XII.

Quo magis poetae consilium, quod in hoc carmine componendo secutus est, dissimulavit, eo magis aum illius finem attingisse animadvertes. Laudes enim Augusti celebraturus baud secundum vulgarem rationem fusius iis enarrandis immoratur, sed eas, alia quasi agendo, cum Deorum, Heroum at maximorum, quos Roma tulit, virorum laudibus mira quadam arte consociat. — Postquam nempe poetae, grandioris argumenti carmen molientis, et ex Musa, quem virum aut heroa deumve sibi celebrandum summum defaecant; vel potius, ut mihi videtur, a flore vel mucore (*kahn*) purgarent. — Ceterum poetam ideo Leuconoeon *vinum liquare* iubere, ut

Quo magis poetae consilium, quod in hoc carmine componendo secutus est, dissimulavit, eo magis aum illius finem attingisse animadvertes. Laudes enim Augusti celebraturus baud secundum vulgarem rationem fusius iis enarrandis immoratur, sed eas, alia quasi agendo, cum Deorum, Heroum at maximorum, quos Roma tulit, virorum laudibus mira quadam arte consociat. — Postquam nempe poetae, grandioris argumenti carmen molientis, et ex Musa, quem virum aut heroa deumve sibi celebrandum summum defaecant; vel potius, ut mihi videtur, a flore vel mucore (*kahn*) purgarent. — Ceterum poetam ideo Leuconoeon *vinum liquare* iubere, ut

Quo magis poetae consilium, quod in hoc carmine componendo secutus est, dissimulavit, eo magis aum illius finem attingisse animadvertes. Laudes enim Augusti celebraturus baud secundum vulgarem rationem fusius iis enarrandis immoratur, sed eas, alia quasi agendo, cum Deorum, Heroum at maximorum, quos Roma tulit, virorum laudibus mira quadam arte consociat. — Postquam nempe poetae, grandioris argumenti carmen molientis, et ex Musa, quem virum aut heroa deumve sibi celebrandum summum defaecant; vel potius, ut mihi videtur, a flore vel mucore (*kahn*) purgarent. — Ceterum poetam ideo Leuconoeon *vinum liquare* iubere, ut

Arte materna rapidos morantem
 Fluminum lapsus celeresque ventos, 10
 Blandum et auritas fidibus canoris
 Ducere quercus.
 Quid prius dicam solitis Parentis
 Laudibus? qui res hominum ac Deorum,
 Qui mare ac terras, variisque mundum 15
 Temperat horis?
 Vnde nil maius generatur ipso,
 Nec viget quidquam simile aut secundum:
 Proximos illi tamen occupavit
 Pallas honores. 20

temere h. e. confuse et sine ordine, praeaudiendi cupiditate ruebant. v. 9. *arte* sc. canendi, *materna*, cui nutritus fuit Orpheus a matre sua Calliope. *morantem* h. e. sistentem. v. 11. *blandum* — *ducere*, Graece pro: blande ducentem, h. e. tam blande canentem, ut duceret. *quercus* audacter, sed apposite dicuntur *auritae*, quia audiendi nunc iis tribuitur facultas; cum dilectu autem posuit *quercus*, ut, cum illae arbores, alias durissimae, iam Orphei carminibus percussae et delinitae esse dicantur, quanta vis eius carminibus fuerit, vel quantum in universum poësis valeat, eo magis appareat. — Imitatus est h. l. Sidon. c. II. 71. *Qui cantu flexit scopulos, digitisque canoris Compulsi auritas ad plectrum currere silvas; Quum starent Hebrati, cursuque ligato Fluminis attoniti carmen magis unda sitiret.*

v. 13—16. *Solitis* h. e. quas vulgo poëtae carminum suorum principium facere solent; Virg. Eclog. III. 16. *Ab Iove principium, Musae, Iovis omnia plena. res hom. h. e. fata,*

fortunam hom. *mundum*, h. e. caelum, (*κόσμος*) designatur autem per *mare, terras, et caelum* universa rerum natura. Catull. LXIV. 205. *Quo nunc et tellus atque horrida contrinuerunt Aequora, concussitque micantia sidera mundus*, ubi vide, quae de voce *mundus* notata sunt. *variisque mund. temp. hor. h. e. moderatur siderum cursum in caelo* ita, ut variae *horae* h. e. anni vicissitudines existant.

v. 17—20. *Vnde nil. mai. gener. ips. h. e. a quo nihil, quod ipso maius sit, procreatur*; nam qui sequuntur, quos generavit Iupiter liberos, Minerva, Bacchus, Diana et Phoebus, longe patre minores vel inferiores sunt; nolim igitur *unde* ad prosaicae orationis indolem cum Cl. Mitsch. pro: *quare* explicare. *viget* pro vulgari est, existit. *aut secundum*, aut quod secundum statim ab eo locum occupet. *Proxim. ill. tam. oco. Pall. honores*, nimirum, si nemo secundum tertiumve ab aliquo locum occupat, primum locum tenenti proximus quoque est ille, qui quartum

Proeliis audax, neque te silebo
 Liber, et saevis inimica Virgo
 Belluis: nec te, metuende certa
 Phoebe sagitta.

Dicam et Alciden, puerosque Ledaë, 25
 Hunc equis, illum superare pugnis
 Nobilem: quorum simul alba nautis
 Stella refulsit,

Defluit saxis agitated humor;
 Concidunt venti, fugiuntque nubes; 30
 Et minax, nam sic voluere, ponto
 Vnda recumbit.

Romulum post hos prius, an quietum

quintumve ab eo locum obtinet. Minerva igitur, quamvis longe a Iovis maiestate distabat, prae ceteris tamen diis deabusque honoratissima fuit. Plut. Sympos. I. p. 617. ἡ δὲ Ἀθηνᾶ φαίνεται τὸν πλεῖστὸν ἀπὸ τοῦ Διὸς τόπον ἔχουσα. cf. Callim. H. Lav. Pall. 131. et, quem Cl. Mitsch. iam laudavit, Spanhem. ad Call. H. Apoll. 29.

v. 24—24. *Prael. aud. Lib.* bellicosa Bacchi virtus vel ex triumpho de victis Indis ab eo acto satis nota. Hinc Orpheus de illo H. 44. 3. ὅς ξίφισιν χεῖρες, ἢ δ' αἶμασι. *saevis inimica Virg. bell.* Diana (Ἐρηνοτόμος, ἰοχέαιρα) certa, nunquam a scopo aberrante. Sic Hercules apud Catull. LXVIII. 113. *Tempore quo certa Stymphalia monstra sagitta Perculit.* et sic passim certus de arcu, nervo, ictu, hasta, dextra dicitur.

v. 25—32. *Alciden*, Herculem Alcaei nepotem. *pueros Ledaë*, Castorem et Pollucem, Iovis et Ledaë Tyndari uxoris, filios, unde illi *Dioscuri*, *Tyndaridae*. — *hunc*, Ca-

storem, *illum*, Pollucem, *nobilem superare*, Graece pro: nobilem superando alios *equis*, in certamine equestri, *pugnis*, in certamine caestuum, (*πυγμαχίῃ*) quo Pollux Amycum prostravisse dicitur. v. Apollod. I. 9. 20. v. 27—32. *quorum simul celti.* sensus: quorum aidus propitium simulac nautis exortum est, tempestas statim saeviro desinit, et concitatum mare, quo nautas perituri videbantur, illorum outo componitur; *alba* vel lucida, clara, (vocantur certe Dioscuri supr. 3. 2. *lucida sidera*) vel, quod magis placet, *album* h. e. purum et serenum caelum reddens, ut *albus Notus* supr. 7. 15. *Defluit saxis celti.* commode cum hac desaevientis tempestatis descriptione comparant Theocrit. XXII. 19. ἄλλ' ἔμπης ὑμεῖς τε καὶ ἐκ βοθροῦ ἔλαττε νῆας αὐτοῖσιν ναύταισι ριζομένοις θανάσθαι. Αἶψα δ' ἀπολήγοντ' ἄνιμοι, λιπαρὰ δὲ γαλήνη ἀμπίλαγος, νεφέλαι τε διέδραμον ἄλλυδις ἄλλας.

v. 33—36. *quietum Pompil. regnum.* Liv. I. 24. *maximum eius operum fuit*

Pompili regnum memorem, an superbos
Tarquini fasces, dubito, an Catonis

35

Nobile letum.

Regulum, et Scauros, animaeque magnae

tutela per omne regni tempus pacis.
Ita duo deinceps reges, alius alia via,
ille (Romulus) bello, hic (Numa)
pace civitatem auferunt. v. 31. *superbos Tarquini fasces*, non Tarquinium Superbum, cui nullus omnino in hoc carmine locus sit, sed Tarquinium Priscum intelligendum esse, contendit ad h. l. Cl. Mitsch. Itaque *superbos* iam: splendidos esse, et ad magnificum regis apparatus pertinere existimat. At mihi secus videtur. Ex mea enim sententia imprudenter plane nunc epitheton *superbus* in ea, quam alias habet, significatione posuisset poeta, cum quemque illud non ad Tarquini Prisci sed Superbi imperium relatum esse, ipse facile intelligere posset. Nec video, cur Tarquinus Superbus indignus plane, quem inter insignes Romanorum viros commemoraret poeta, habendus sit, praecipue cum Virgilius quoque Aen. VI. 819. non Tarquinium Priscum tantum, sed etiam Superbum ad *illustres* animas, quarum Anchises in campis Elysii recensum habet, retulerit. Nam si Horatius dicit: *an superbos Tarquini fasces*, neque de Tarquini Superbi virgibus, neque de singulis eius virtutibus, v. e. virtute bellica (Ovid. Fast. II. 683. *Ultima Tarquinius Romanae gentis habebat Regna, vir inustus, fortis ad arma tamen*) neque de singulis aliis rebus praeclare ab eo gestis vel institutis, sed potius de insigni illa sub fine eius imperii per Brutum inprimis facta rerum publicarum conversione cogitandum est,

quae sane largissimam Horatio ad carmen, de Tarquini Superbi rebus et aliorum simul magnorum virorum virtutibus componendum, suppeditare potuisset materiem. Hanc autem rerum conversionem respexisse poetam, probabile sit inde, quod ad aliam statim insignem rerum conversionem transit, quam per *nobile Catonis letum* designat; *nobile* illud dicitur, quod Cato, cum mori, quam Caesari se dedere mallet, ipse, non in eius potestatem veniret, Uticae, unde *Uticensis* dictus est, munus sibi intulit. cf. Cic. Offic. I. 31. Hinc ipse Caesar dixisse fertur: *Invideo morti tuae, Cato*. Itaque haec honorifica inter viros illustres Catonis commemoratio vix Augustum (ut opinabatur, et ex hac opinione hunc locum corrigere tentabat Bentleius) offendere poterat; alias Virgilius quoque Aen. VIII. 670. ne offenderet Augustum, huius magni viri laude abstinuisset.

v. 37—40. *Regulum*, exemplum, quod de summo patriae amore Marcus Atilius Regulus edidit, illustrissimum fusiis Noster enarrat infr. III. 5. *Scauros*, gens Scaurorum plures, qui egregie de republica meruerunt, prohulit; praeceteris eminet M. Aemilius Scaurus, vir amplissimus, et princeps senatus (dicebatur ita proprie is, quem censor, senatum recensens primum legerat, v. *Wasseling*. Observ. I. 8.) eiusque filius M. Scaurus, aedilitatis magnificentia clarus: v. Plin. II. N. XXXV

Prodigum Paullum, superante Poeno,
Gratus insigni referam Camena,
Fabriciumque.

40

Hunc, et in comitis Curium capillis,
Vtilem bello tulit, et Camillum,
Saeva paupertas et avitus apto
Cum lae fundus.

15. *Paul.* — L. Aemilius Paullus, Consul, cum in proelio, Varronis, alterius consulis, temeritate ad Cannas commisso, insignem eladem expertus esset exercitus Romanus, ne tantae ignominiae superstes esset, aponte se trueidandum hostibus obtulit. Liv. XXII. 49. Flor. II. 6. 16. hinc *prodigum magnae animae* dicitur, h. e. vitam, pro patria deponendam, magno animo contemnens, sive: vitam, tantis meritis conspiciam, prodigiorum more, tamquam rem vilem, profundens. Esquisitiorem locutionem *prodigum animae* plures imitati sunt; cf. *Drakenb.* ad Sil. Ital. I. 225. ubi de militibus Hispanis; *Prodiga gens animae, et properare facillima mortem.* Similiter fere Cie. de Off. I. 24. *vitam profundere.* — *Inventi autem multi sunt, qui non modo pecuniam, sed vitam etiam profundere pro patria parati essent.* v. 39. *insigni Camena*, carmine sublimi, versante nempe in celebrandis virorum insignium laudibus. *Fabric.* — C. Fabricius Lucellus, vir honestissimus, neque legatus magna a Pyrrho, rege Epirotarum, ad quem de recuperandis captivis missus fuerat, oblati muneribus ad perfidiam, neque deinde consul; contra Pyrrhum bellum gerens, a proditore quodam, qui Pyrrhum mercede accepta se interfectorum esse promiserat, ad fraudem pellici potuit; hinc ipse Pyrrhus:

Fabricius difficiliter ab honestate, quam sol a cursu suo averti potest, dixisse traditur. cf. Cie. Off. III. 22. Val. Max. IV. 3.

v. 41—44. *Hunc, et cett.* sensus: Hic Fabricius, et Curius, vir antiquis moribus, atque Camillus, quamvis ad duriorem sortem nati nil nisi exiguum cum exigua domo fundum a maioribus acceptum possidebant, viri tamen fortes et rei militaris peritissimi evaserunt. *Curium* — De Curio Dentato, quem Samnitum legati, de pace cum eo acturi, ligneo scamno iuxta focum sedentem et totius rapis vescentem invenisse dicuntur, cf. Val. Max. IV. 3. *incomitis capillis*, Curius enim non venustiorum et elegantiorum hominum more comabat capillos, sed, ut solent viri severiores, exterum corporis cultum negligebat. Similiter Cato, antiquum morem servans, haud se tonderi passus est; unde ille *intonus* infr. II. 45. 44. — *Camill.* de Marco Furio Camillo, liberatore illo urbis, a Gallis captae, cf. Liv. V. 46 seqq. et Flor. I. 43. *saeva paupertas*, cum paupertas hoc quoque loco dicatur de conditione eorum, qui, quantam ad vitam sustentandam opus est, habent, haud nimis urgendum est epitheton *saeva*, quod praecipue referendum videtur ad duram illam saevamque quasi sortem, qua vulgo pauperibus, beatiorum po-

Crescit, occulto velut arbor aevo,
Fama Marcelli: micat inter omnes
Iulium sidus, velut inter ignes

Luna minores.

Gentis humanae pater atque custos,

45

tentia depressis, via ad meritos honores intersepta est. *apto*, pro fundi, quem possidebant, modulo.

v. 45—48. Poëta, praeteriectus quasi longam magnorum, qui eius animum advertere poterant, virorum seriem, subito iuvenis Marcelli, tanquam novi nobilissimae olim stirpis surculi, admiratione percellitur. Sensus: per iuvenem Marcellum antiqui Marcelli fama atque gloria, velut arbor, occulte crescit; ille iuvenis enim tanquam novum gentis Iuliae sidus prae ceteris omnibus, velut Luna inter stellas minores, effulget atque eminet. *fama Marcelli* uon cum Cl. Mitsch. ad iuvenem Marcellum, qui per *Iulium sidus* designatur, sed potius ad M. Clandium Marcellum, qui quinquies consul in bello Punico secundo floruit, et primus Hannibalem ad Nolam vinci posse docuit, refertur debet; huius *fama* igitur *crescebat*, dum iuvenis Marcellus, tanquam novus ex antiqua stirpe surculus, efflorescens, novum ei honorem conciliabat. Exsplendescabant autem in iuvene Marcello, Octaviae, Augusti sororis, filio, et Iuliae, Augusti filiae, coniuge, licet vix septemdecim annos tum nato, tot tantaque virtutes, ut non solum Augusto (qui enim adoptasse et successorem sui in regno destinasse dicitur, cf. Dio LIII. 30), sed etiam omnibus Romanis in summis esset deliciis; hinc tantus omnium in eisd, immatura morte crepti, (Vrb. Cond.

DCCXXXI) funere, ingenti cum apparatu in campo Martio facta, dolor atque luctus fuisse perhibetur. Dio I. 4. et Vell. II. 93. — Comparandus autem cum toto hoc loco Virgil. Aen. VI. 856 seqq. ubi is iuvenem Marcellum, quem in illustrium animarum recensu antiqui Marcelli comitem facit, eadem, qua Noster, arte in Augusti gratiam carmini suo intexit; ex qua quidem Virgiliani loci comparatione, ea, quam ad h. l. attulimus, vel maxime confirmatur explicandi ratio. *velut arbor* ducta haec comparatio e Pind. Nem. 7. 68: αἰθέριαι δ' ἀπερὶ χλωπαῖς ἱέραις, ὡς ὅτε δένδρεον αἰσται—πρὸς ὕψος αἰθέρα. cf. Virg. Ecl. X. 73. *occulto aevo*, ipsum aevum paulo sublimius dicitur *occultum*, quod arbores sensim sensimque cum aevo tam occulte crescent, ut earum incrementa animadverti nequeant. *inter omnes* sc. alios Romanorum iuvenes. *Iulium sidus*, iuvenis Marcellus, sideris instar virtutum suarum splendore gentem suam Iuliam illustrans, spes ac decus gentis Iuliae. Sic Drusus et Germanicus, Tiberii filii, dicuntur *sidus iuvenile* Ovid. Tr. II. 467. et Fabius Maximus *Fabiae gentis sidus* Ovid. Pont. III. 3. 2.

v. 49—52. Iam ad splendidissimum gentis Iuliae lumen, Caesarem Augustum, adeoque ad ipsum Carminis finem transiturus, non, quod quis ex vulgari ratione expectaverit, ipsum Augustum appellat, sed su-

Orte Saturno, tibi cura magni 50
 Caesaris fatis data, tu secundo
 Caesare regnes.
 Ille, seu Parthos Latio imminentes
 Egerit iusto domitos triumpho,
 Sive subiectos Orientis orae 55
 Seras et Indos,
 Te minor latum reget aequus orbem :
 Tu gravi curru quatiens Olympum ;
 Tu parum castis inimica mittes
 Fulmina lucis. 60

blimiore conatu praeter opinionem ad Iovem conversus pro divina Augusti in his terris dignitate vota nuncupat. *cura* h. e. tutela. *fatis* h. e. a fatis, per fata. *tu secundo Caes. regnes* h. e. regna, precor, ita, ut Caesar a te secundus sit, ille te minor (ut magis explicatur v. 57.) in terris, tu in caelo imperium teneas.

v. 53—56. *Parthos Latio imminentes*, si verum est, quod in Argumento monuimus, Augustum tum temporis bellum contra Parthos, populum Romanis infestissimum, apparasse; poeta eo simul consilio, ut de novis terrarum domini victoriis vaticinium cderet, hoc carmen scripsisse videtur. *eger. iust. domitos triumpho*, ornate pro vulgari: vicerit, domuerit. *iust. triumph.*) *iustus triumphus*, qui de hostibus plane devictis agitur; nos: ein völliger, förmlicher triumph. Sic iusta victoria apud Cic. ad Div. II 40. *Seras et Indos*, extremos Asiae populos; *subiectos Orient. orae* h. e. habitantes sub plaga Orientali.

v. 57—60. *Te minor lat. reg. aequ. orb.* similiter de bipartito Augusti in terris et Iovis in caelo imperio Ovid. Fast. II. 434. *Hoc tu per terras, quod in aethere Iupiter alto, Nomen habes; hominum tu pater, ille Deum.* et Met. XV. 858. — *Iupiter arces Temperat aetherias, et mundi regna triformis: Terra sub Augusto, pater est et rector uterque.* aequus, aequitatis, ut deum decet, amans, mitis, propitius. *Tu gravi cett.* pro vulgari: tu regnabis in caelo, ponit ea, quae Iovem in caelo regnare declarant, fulmina nempe, quae Iupiter ex curru, quo cum tonitru in caelo invehitur, in terras deiecit; infr. III. 5. 4. *Caelo tonantem credidimus Iovem regnare.* Lucan. III. 320. *deorum Ignarum mortale genus, per fulmina tantum Sciret adhuc caelo solum regnare Tonantem.* cf. *Burmanni Iupiter Fulger.* c. 9. pag. 292. *gravi* h. e. graviter per tonitrua minante, tremendo. *parum castis*, flagitiis et adulterio pollutis et profanatis; ex hac enim causa demitti a Iove irato in lucos credebantur fulmina.

CARMEN XIII

AD LYDIAM.

Cum tu, Lydia, Telephi
 Cervicem roseam, cerea Telephi
 Laudas brachia, vae ! meum
 Fervens difficili bile tumet iecur.

CARMEN XIII

Vi Lydiae, quam amabat poëta, animum a Telephi, simul eam sectantis, amore avertat, primum intimum, quod ipse eam deperat, amorem in hoc carmine declarat; deinde, Telephi amore in suspicionem vocato, summam eorum, quos indissolubile usque ad mortem amoris vinculum teneat, felicitatem praedicat.

v. 1.—4. Vulgarem sententiam: « simulac, Lydia, Telephi nomen pronuntias, eiusque pulcritudinem laudas, ira atque indignatione exardesco, » splendide expressit. v. 2. *roseam* h. e. pulcram; sic Veneri *roseam* cervicem tribuit Virg. Aen. l. 402. *cerea*, tam candorem, quam splendorem cerae referentia; nam cum *alba* cera veteribus atque ac nostratibus nota fuerit, cf. Plin. H. N. XXII. 24 (*λευκὸν κηρὸν* apud Theocritum VIII. 19.) ex meo sensu *cerea* multo simplicius et aptius ad album brachiorum colorem et carae similem lavorem, quam secundum alios, qui *cereus* in vitium flecti ex Ar. Poët. 163. huc trahunt, ad molles et flexibiles brachiorum motus refertur. *Telephi*. consulto repetit nomen *Telephi*, quia Lydia quoque, ut

male ureret Horatium, cuiusque ardorem magis accenderet, identidem formosi Telephi nomen repetere et in ore habere solebat. Tenebat nempe praeceptum illud, quod ad eum, a quo amari cupimus, pungendum et lacessendum apud Terentium (Eunuch. III. 1. 46 seqq.) Thrasoni dat Gnatho, ubi hic: *immo auge magis suspicionem. T. cur? G. rogas? Scin? si quando illa mentionem Phaedriae facit, aut si laudat, te ut male urat. T. sentio. G. Id ut ne fiat, haec res sola est remedium. Vbi nominabit Phaedriam, tu Pamphilam continuo; si quando illa dicet, Phaedriam intromittamus commissatum: tu, Pamphilam cantatum provocemus; si laudabit haec Illius formam: tu huius contra. — meum ferv. diff. bil. tum. iec. h. e. ego graviter irascor et commoveor; expende verborum ornatum. fervens iecur tumet* h. e. iecur effervescit et tumet, *bile* pro ira, ut saepe; *difficili*, gravi, non facile compescenda, *ἀπρᾶκτον χόλην* Homer. II. XVIII. 419. nimirum cum iecur vel hepar prima sanguinis, unde ille per totum corpus dimanet, sedes haberetur; non solum mentis, prudentiae et omnis cogitandi facultatis, sed etiam irae, et omnium animi affectionum atque cupiditatum sedes in eo posita est.

Tunc nec mens mihi, nec color 5
 Certa sede manet: humor et in genas
 Furtim labitur, arguens,
 Quam lentis penitus macerer ignibus.
 Vror, seu tibi candidos
 Turparunt humeros immodicae mero 10
 Rixae; sive puer furens
 Impressit memorem dente labris notam.
 Non, si me satis audias,
 Speres perpetuum, dulcia barbare
 Laedentem oscula, quae Venus 15

v. 5—8. *Tunc*, in hac graviore animi affectione, *nec meus mihi cett.* h. e. tam mens mea huc illuc agitur, quam os, modo pallore, modo rubore, obducitur. — Similiter os Medaeae, eodem zelotypiae furore percitae, varios colores induit Senec. Med. 858. *Flagrant genae rubentes, Pallor fugat ruborem, Nullum vagante forma Servat die colorem*; in eandem rem Cl. Mitsch. comparat Apoll. Rh. III. 296. *hum. et in gen. furt. lab.* h. e. et labens ex oculis lacrima, quam, ipso non sentiente, (*furtim*) dolor expressit, genas humectat: cf. infr. IV. 1. 33. *arguens*, prodens, manifestans. cf. infr. V. 11, 12. Similiter apud Graecos *μυώτις*; vid. *Iacobs* in Animadv. ad Asclepiad. X. T. II. p. 29. *qu. lent. ign.* — *lenti ignes* eleganter dicuntur, qui occulte serpunt, et sensim sensimque amantium pectora peredunt; nos: *das langsam verzehrende Liebesfeuer*; sic *ignes lenti* apud Ovid. A. A. 573. et *lentus amor* apud Tibull. I. 4. 81. et infr. III. 19. 28. *lentus Glycerae amor*.

v. 9—12. *Vror*, seu cett. Sensus: urit et cruciat animum meum,

sive per rixam, super mero immodice sumto exortam, candidi tui humeri livoris maculis turpati sunt, sive Telephus, nimio amore ardens, tam cupide te osculatus est, ut eius dentis, labris tuis impressi, vestigia appareant. *turparunt*, rixas nempe, cum vino incaluisset Telephus, miscendo eum Lydia, tam rustice eam attrectasse videtur, ut eius candidi humeri livorem inde traherent, et turpiores fierent; ad ipsa verbera, quamvis, Romanorum mores parum saepe in amore urbanos fuisse, ex multis poetarum locis constat, referre equidem nolum. *immodicae mero rixae*, ex immodico vini potu ortae. — *memorem* su. viter: in rei factae, osculi nempe impressi, memoriam exstantem, sive, quid factum sit, doceantem. Sic infr. III. 17. 4. *fasti memores*, qui, quae olim gesta sunt, docent et memorant.

v. 13—20. *Non — speres perpetuum*, (*οὐκ ἐμπέτειας αὖ*) hand a te impetrare poteris, ut speres, eum constantem in amore fore. *oscula*, labella; *barbare*, nulla in amoris aestu tenelli oris ratione habita, crudeliter, *laedentem*, dentem nempe us inipri-

Quinta parte sui nectaris imbuit.
 Felices ter et amplius,
 Quos irrupta tenet copula, nec malis
 Divulsus querimoniis
 Suprema citius solvet amor die.

20

CARMEN XIV

AD REMPVBLICAM.

O navis, referent in mare te novi

mendo. quae Ven. qu. p. s. nect. imb. quae Venus bona sui nectaris parte h. e. multo nectare (in numero enim quinta haud argutandum est) rigavit et perfudit; hinc basiorum quoque, quae ab eiusmodi ore imbibuntur, dulcedo cum nectaris vel ambrosiae dulcedine comparari solet. Cl. Mitsch. laudat ex Anthol. Graec. in Adispor. ep. LV. T. IV. pag. 429. (edit. Iac.) Κούρη τίς μ' ἔφλησεν ὑγέσπαρα χιλιᾶσιν ὕπποισι. Νέκταρ ἦν τὸ φῶμα. τὸ γὰρ στόμα νέκταρος ἔπει. et Melag. ep. XXI. 3. (X. 3. edit. Iac.) ubi poeta ex pueri osculo se tantam suavitatem percepisse ait, ut Iovem non nectar, sed oscula de Ganymedis ore bibere, et Ganymedem propterea Iovis pocillatorem vocari, suspicetur. — Catull. XCIX. 2. Suaviolam dulci dulcius ambrosia. v. 19. malis — querimoniis h. e. male exorto dissidio. — citius suprema die, priusquam diem supremum obierunt, ante mortem.

CARMEN XIV.

Cum Romani magna illa, quam iam per bella civilia experti fuerant,

calamitate se deterreri non paterentur, quia nova de iis redintegrandis agitarent consilia; Horatius, labefactum reipublicae statum cum male affecta et lacerata nave comparans, ab isto furore eos revocare studet. Navem igitur, quam, licet tempestate fractam, tamen novum per mare iter nunc ingrediendum cum maxime molientem, oculis suis observari fingit, alloquitur, eamque, non in hoc temerario iterum se mari periculoso committendi consilio persistat, sed ad damna potius, quae perpessa sit, reparanda otio et securitate in portu perfruatur, diligenter singulas, quibus laboret, partes secum reputare iubet. Iam vero cum ipsius reipublicae consulto, ne forte sibi conflaret invidiam, nullam in toto hoc carmine mentionem iniecerit, et institutam navis cum ea comparisonem, haud inusitatum sane (cf. infr. II. 7. 15. Cic. ad Div. XII. 25. quam ob rem, mi Quinte, conscende nobiscum, et quidem ad puppim; una navis est iam bonorum omnium. et IX. 45. scdebarus in puppi cett. cf. quae de republica a potentioribus occupata leguntur in Theognideis 679 aeqq.)

lectoribus ad rem, quam in animo habuit, transferendam reliquerit, recte hoc carmen meram *allegoriam* dixeris. Hinc Quinetil. Instit. Or. VIII. 6. 44. *At allegoria, quam inversionem interpretamur, aliud verbis, aliud sensu ostendit; ac etiam interdum contrarium. Prius, ut: O navis referent in mare te novi fluctus celti, totusque etiam ille Horatii locus, quo navim pro republica, fluctuum tempestates pro bellis civilibus, portum pro pacis atque concordia dicit. Existere tamen, quorum princeps fuit Muretus, qui, cum partim subtilitatem illam, qua poeta singulas navis cum angulis reipublicae partibus comparaverit, nimiam et putidam esse iudicaret, partim, quomodo vv. 47, 48. ad reipublicae statum accommodari possint, non viderent, haud allegoricè sed proprie hoc carmen interpretandum esse contenderent. Itaque hoc carmen scriptum esse arbitrati sunt in navem, qua poeta post cladem Philippensem V. C. DCCXIII. cum amicis in Italiam venerit, male ad Palinurum promontorium tempestate afflictam. Hanc igitur nunc poetam, de amicis, quos, ex Italia ubi parum benigne exceperit fuerant iam recessuros, eandem consensisse vidisset, sollicitum, simili modo, ut supr. c. 3. navem, qua Virgilius Athenas navigaturus erat, in hoc carmine alloqui. Sed haec ingeniose magis, quam vere, prolata esse, facile apparet. Nam sic, ut nihil de aliis rationibus dicam, huius totius carminis, in hae tantum humiliore sententia: « nolite, quæso, amici, cum nave, cuius omnes ac singulae partes (quasi hoc ipsi non videre potuissent) fractae sunt, novum iter parare a tam operose versantis, vel maxime in reprehensionem incurrec-*

retieiunitas. Vix igitur de allegoria, prudenter in hoc carmine a poeta adhibita, dubitari potest, modo teneamus illud, quod in multis aliis poetarum comparationibus tenendum est, ne, nimis anxie omnia in illa ad vivum rescentes, ea, quae ad exornandam imaginem pertinent, ad rem per eam expressam referamus, b. e. ne paulo argutius, quas potissimum reipublicae partes singularum navis partium enumeratione designare voluerit poeta, quæramus, sed eum id tantum, ut totam navem male tempestate adfectam cum tota per bella civilia male adfecta republica compararet, spectasse, nobis persuadeamus. — Habuit autem, quem Horatius in hac allegoria sequeretur, Alcaëum, plurimum iu tyrannos carminum allegorieorum auctorem, cuius in hanc rem fragmentum apud Heraclidem Pont. de illegor. Homer. p. 43. ed. Schow. sic legitur:

Τὸ μὲν γὰρ ἔνθεν κύμα κλύειται,
Τὸ δ' ἔνθεν ἄμμος δ' ἂν τὸ μίσσον
Ναὶ φορέμεθα σὺν μαλαίᾳ,
Χιμῶνι μοχλούμεντες μεγάλας καλὰς
Πᾶρ μὲν γὰρ ἄνθρωπος ἰστοπέδῳ ἔχει
Λαίρος δὲ πᾶν ἄσθλον ἦδη
Καὶ λακίδας μεγάλας κατ' αὐτὸ
Χαλᾶσι δ' ἄγκυραι

Ceterum, cum scriptum sit hoc carmen eo tempore, quo novorum bellorum civilium metu terrebantur Romanorum animi, non male illud ad annum DCCXXII. referunt, quo Octavianum et Antonium inter se dissidentes atrocissimum bellum apparasse constat. cf. Virg. Georg. I. 509. seqq.

v. 4.—8. *O nav. ref. in m. te nov. fluct.?* Tunc, o navis, iterum te

Fluctus? O quid agis? fortiter occupa
 Portum. Nonne vides, ut
 Nudum remigio latus,
 Et malus celeri saucius Africo
 Antennaeque gemant? ac sine funibus
 Vix durare carinae
 Possint imperiosius
 Aequor? Non tibi sunt integra lintea,
 Non Di, quos iterum pressa voces malo:

5

10

fluctibus in mare referendam com-
 mittes? iterumne tempestatis peri-
 culo in mari te expones? si ad rem-
 publicam transtuleris, erit: Tene, o
 respublica, novus furor ad bella ci-
 vilia abripit? *quid agis?* haec for-
 mula, qua quis, quam temere agat,
 secum regulare iubetur, saepe apud
 scriptores Comicos obvia; sic Pam-
 philus apud Terent. Andr. I. 1. 107.
 cum Glycerium suum imprudens
 ad rogi flammam accessisse vidisset:
Mea Glycerium, inquit, quid agis?
cur te is perditum? fortiter refer
 ad consilii, quo navis in portu se te-
 nere debebat, constantiam; iam cum
 per portum pax et otium designetur,
 fortiter occupa portum, demto rei
 involucri, erit: salutem tuam, o
 respublica per bella civilia labefa-
 ctata, in pace fortiter et constanter
 tuenda quaere. v. 4. *ut nud. remig.*
lat. ut navis latus remorum ordine
 denudatum sit, ut remis, fractis
 illis et perditis, navis careat. v. 5.
saucius h. e. laesus, laceratus; imi-
 tatus est Nostrum Claudian. de Cons.
 Honor. VI. v. 138 seqq. *missis ve-*
lorum debilis alis, Orba gubernaculis,
antennis saucia fractis, Ludibrium
pelagi vento iactaretur unda.—gemant

h. e. stridorum edant. *ac sine funi-*
bis cett. atque ut carina, funibus
 (h. e. navis retinaculis, ancoris)
 privata, vix saevi maris impetum
 sustinere possit; *carinae* (pluralis ex
 more poetarum pro singulari) h. e.
 navis alveus, unde retinacula demit-
 tuntur, sive ancorae iaciuntur.

v. 9—16. *Lintea* h. e. vela. *Non*
Di, intellige deos tutelares, quo-
 rum simulacra in puppe cum ara col-
 locari solebant; diversum autem ab
 hac tutela navis (ut proprie vocabatur
 illud deorum tutelarium in puppa
 sacrarium) fuit *παράσημον*, insigne,
 quod, super rostro navis in pro-
 ra appictum, vel dei cuiusdam, vel
 animalis, vel alius rei imaginem re-
 praesentabat, unde ipsi navi nomen
 indi solebat; cf. *D. Heius. et Dra-*
kenb. ad Sil. Ital. XIV. 843. et *Pet.*
Burm. ad Petr. c. 405.—Similiter
 autem de navis diis tutelaribus, tem-
 pestate deiectis, Pers. VI. 30. *iacet*
ipse in litore et una Ingentes de puppe
dei. *pressa*, h. e. oppresso, deprensa,
 malo tempestate.—Ceterum poetam
 horum deorum tutelarium, a nave
 tempestatis vi deiectorum, comme-
 moratione ad deos, ob bella civilia
 a Romanis averios, respexisse sponte

Quamvis Pontica pinus,
 Silvae filia nobilis,
 Iactes et genus et nomen inutile.
 Nil pictis timidus navita puppibus
 Fidit. Tu, nisi ventis
 Debes ludibrium, cave.
 Nuper sollicitum quae mihi taedium,
 Nunc desiderium, curaque non levis,

45

apparet. v. 44—43. *Quamvis Pontica pinus* cett. sensus: quamvis tu, ex Ponticae silvae pinu fabricata, originis tuae gloria et nobilitate nitaris, vana scilicet illa, et nihil plana utilitatis ad salutem tuam allatura. *Pontica pinus*, naves enim, e ligno, quod in pinifera Ponti reginne natum erat, confectae, in optimis nobilissimisque habebantur; cf. Catull. IV. 9. et ibi notata. *silv. fil. nob. h.* e. arbor in silva nobili prugnata; arbores enim, quis stirpem suam propagare dicuntur, tam *matrum* (Virg. Georg. II. 49. *Parnasia laurus Parva sub ingenti matris se subiicit umbra*) quam *filiarum* (Mart. XIV. 90. *Non sum Maurae filia silvae*) nomine a poetis insigniuntur; *genus h. e.* stirpis nobilitatem; sic Phaeus apud Catull. I. I. v. 45. *ae ultima ex origine* in caeu mine Cytori *stetisse* nit. *nomen h. e.* gloriam; *inutile*, epitheton tam imagini, quam rei per imaginem expressae, accommodatissimum; quemadmodum, poeta vult dicere, tibi, O navis, si iterum tempestatis in mari periculum subieris, nihil ligni, ex quo fabricata es, proderit nobilitas, ita nec Romanis, bella civilis reintegrare ausis, nobilissima gentis suae, a Marte et Venere deductae, profutura est origo atque gloria. *Nil pictis* cett. nexus

sententiarum est fere hic: nihil enim iuvat in tempestate navis nobilitas, nihil exterius navis splendor, in quo timidus nauta nullam minime ponit fiduciam. *pictis*, ad externum enim navium splendorem pertinebant picturae, quibus puppes imprimis decorari solebant. Laudant Seec. Epist. LXXVI. *Navis bona dicitur, non quae pretiosis coloribus picta est, — nec cuius tutela ebore caelata, — sed stabilis et firma.* *nisi ventis deb. ludibr. h.* e. nisi ventis, ut iis sis ludibrio, te exponere vis; loquendi ratio: *ludibrium alicui debere h. e.* ludibrio alicuius se obnoxium facere, attemptata esse videtur ad exemplum Graecae locutionis: ὄφλειν vel ὀφλίσκειν γίνεσθαι apud Aristoph. Nub. 4034. Euripid. Med. 4049. *rimum debere h. e.* risui se obnoxium offerre, se ipsum deridendum propinare.

v. 46—20. *Nuper sollicitum quae mihi* cett. sensus: O navis, quae nuper in naufragii periculo mihi sollicitudini eras atque taedio, nunc vero, servata nempe ab interitu, voluptati et magnae curae, vites, quaeso, maris loca navigatinni infestissima. — Haec extrema sententia paulo apertius prodit animum poetae, haec fere expressuri: O respublica, quae nuper, bellis civilibus aevientibus, caecabas mihi sollicitudinem atque taedium,

Interfusa nitentes
Vites aequora Cycladas.

29

CARMEN XV

NEREI VATICINIUM DE EXCIDIO TROIAE.

Pastor quum traheret per freta navibus
Idaeis Helenen perfidus hospitam,

nunc vero, reducto otio, et desiderio tui renovato, vel maxime mihi curae cordique es, cave, ne, motis de integro bellis civilibus, praeceps ruas in perniciem. *aequora interfusa Cycladas*, h. e. fusa, labentia inter Cycladas. *nitentes*, ob marmoris ibi nascentis nitorem; similiter infr. III. 28. 14. *fulgentes* dicuntur.

CARMEN XV.

Nereus, deus marinus, Paridem in mari cum rapta Helena cursum in patriam accelerantem conspicatus, compresso statim ad audientiam sibi faciendam ventorum murmure, triste, quo ingens Graecorum exercitus raptae Helenae repetendae causa Troiam oppugnaturus atque everurus esset, bellum cecinisse fingitur. — Poëtam Graecum in hoc carmine expressisse Horatium, cum ex ipso eius argumento, frequenter a poëtis Graecis tractato, tum ex Porphyrii evincitur testimonio, qui: *haec ode, inquit, Bacchylidem imitatur; nam ut ille Cassandram facit vaticinari futura belli Troiani, ita hic Proteum (scribere voleit Nereum)*. — Iam vero cum vaticinium edituri altiore spiritu exurgere, et rerum futurarum

imaginem sublimiore quasi anlimo concipere soleant; facile, cur poëtae, ad sublimitatem aspirantes, vatis saepe personam induerint, intelligi potest. Quo magis autem hoc de excidio Troiae vaticinium accommodatum esset carmini lyrico, eo cupidius illud sibi tractandum sumit Horatius, quem quidem eo, quod Nereo inprimis, sedem suam in mari Aegaeo, quod Paridi transeundum erat, habenti, vaticinantis partes delegaverit, egregie argumento suo consuluisse, quilibet animadvertet. Compara, qui Nostrum imitatus est, Stat. Achill. I. 20 seqq.

v. 3—4. *Pastor*, Paris, qui in monte Ida et educatus est a pastori-
bus, et ipse puer adhuc vitam pastoritiam ibi degit, *pastor Phrygius* dicitur Virg. Aen. VII. 363. et *pastor Dardanus* Stat. Ach. I. 20. cf. Apollodor. III. 42. 5. Hygin. Fab. 94. — *traheret* h. e. ut raptam secum abduceret; sequitur Noster eos, qui Helenam invitam secutam esse Paridem tradunt; hinc ipsa ad Paridem apud Ovid. Her. XVII. 24. sic scribit: *An, quia vim nobis Neptunius attulit heros, Rapta semel, videor bis quoque digna rapi?* — *Idaeis*, fabricatis ex ligno in monte Ida exciso. *perfidus*, violata

Ingrato celeres obruit otio
 Ventos, ut caneret fera
 Nereus fata: Mala ducis avi domum,
 Quam multo repetet Graecia milite,
 Coniurata tuas rumpere nuptias
 Et regnum Priami vetus.
 Eheu, quantus equis, quantus adest viris

5

hospitii fide et sanctitate; hinc Helena apud Ovid. l. l. v. 4. *Aunus es, hospitii temeratis, advena, sacris, Legitimam nuptas sollicitare fidem?* — *Ingrat. cel. obr. ot.* h. e. Nereus, ut auribus percipi posset, quod caneret vaticinium, silentium imposuit ventis, non sine eorum indignatione compressis; *ingrato*, molesto nempe ventis, qui sunt (ut eos vocat Aesch. Agam. 204.) *κακὸς λόγος*, et strepitum facere, quam silere, maluit; hinc dicuntur etiam *otio obrui* h. e. gravari, deprimi. (* Mirus quidam homo vanae gloriolae captandae causa de hac explicatione sive de levi errore clamorem sustulit satis rusticum. *Otium* enim *ingratum* de eo, quod Graecis fuerit *ingratum*, explicari posse, et *πρωὶς κακοσχηλον* apud Aeschylum dici ventos, qui Graecis, navigata cupientibus, *ingratum otium* fecerint, facile concedo.) Ceterum non solum vaticinandi facultas Nereo, (Hesiod. Theog. 233. Eurip. Hel. 45.) ut aliis diis marinis, v. c. Proteo, (Hom. Odys. IV. 384 seqq. Virg. Georg. IV. 387.) Glaucō, (Apoll. Rhod. l. 4310.) sed etiam ventos comprimendi potestas pariter, ac Neptuno, apud Virg. Aen. l. v. 431 seqq. recte tribuitur. *fera* h. e. saeva, tristia; similiter apud Ovid. Met. XIII. 454. *saeva et horrenda fata* (al. *sacra*) dicuntur *fera*.

v. 5—8. *Mala avi* h. e. infausto omine, ut infr. Epod. X. l. *mala alite* et Od. III. 3, 61. *alite lugubri*. v. 7. *coniurata rumpere* Graece pro: quae coniuravit, se rupturam esse; respexisse putant poetam illud iusiurandum, quo Graecorum principes, se non nisi Troia eversa et Helena recepta in Graeciam redituros esse, fidem sibi invicem in Aulide dedisse dicuntur. — *regnum vetus* h. e. vetustate nobile. Similiter Virg. Aen. l. 375. *Troiam antiquam* et Ovid. Fast. III. 423. *veterem* appellat. — Ceterum cum tō *rumpere* uni tantum nomini *nuptias* accommodatum sit, ad alterum *regnum* ex nota zeugmatis figura aliud verbum, v. c. *evectere*, *delere*, vel simile supplendum est.

v. 9—12. Iam rerum futurarum imaginibus ita impellitur vatis divino furora correpti animus, ut, fervente quasi iam bello futuro, Minervam et viros Graecorum fortissimos, ob raptam a Paride Helenam ad Troiam pugnaturos; se oculis conspiciere credat; de quo poetarum, sub vatis cuiusdam persona res futuras tanquam praesentes ad oculos vocantium, more plura exempla adduxit diligentia Cl. Mitsch. *Eheu, quantus equis* cett. Cl. Mitsch. comparat Hom. Il. 44. 388 seqq. Nostrum imitatus est Stat. Theb. III. 210. *Quantus equis quantisque viris in pulvere*

Sudor ! quanta moves funera Dardanae

10

Genti ! iam galeam Pallas et aegida

Currusque et rabiem parat.

Nequidquam, Veneris praesidio ferox,

Pectes caesariem, grataque feminis

Imbelli cithara carmina divides :

15

Nequidquam thalamo graves

Hastas, et calami spicula Gnosii

Vitabis, strepitumque, et celerem sequi

crasso Sudor, id quantum crudele ru-
bebitis omnes. quanta mov. fun. —
funera movere paulo audacius pro:
bellum movere, quod funerum sive
caedis causa est. *Dardanae* h. e. Tro-
ianae, a rege Dardano, Iovis ex Ele-
ctra filio, sic appellatae. *Iam ga-*
leam cett. Iam galeam Minerva capiti
imponit, iam aegidem arripit, cur-
rusque, e quibus pugnet, conscendit,
et ad iram contra Troianos effun-
dendam se parat; — expende, quam
breviter et graviter id poeta uno ver-
bo parat expresserit; *aegida* h. e.
clypeum, nam *aegis*, qua voce pro-
prie denotatur clypeus, quem Iupiter
ex pelle caprae (quae Graecis αἰγὴ
dicitur) Amaltheae, nutricis suae,
sibi confecisse perhibetur, passim
quoque de Minervae clypeo cum Mo-
dusae capite instructo; cf. infr. III.
4, 57. Virg. Aen. II. 615. et VIII. 354.
rabiem iram et furem, tanquam
arma, vel maxime hosti timenda,
suaviter poeta ceteris, quibus Minerva
ad pugnam se instruebat, armis
subiungit. — Ceterum pugnans con-
tra Troianos Minerva ex Homero
satis nota est.

v. 13—20. *Nequidq. Vener. praes.*
cett. Similiter Paridis, externo for-
mae suae cultu et dulcium carminum
cantu feminis placere studentis, mol-

litiem, ut parum ad caedem vitan-
dam ei profuturam, apud Homer. II.
III. 54, 55. carpit Hector: Οὐκ ἄν τε
χραιομένη κλέαρ, τά τε δῶρ' Ἀρροδύ-
της, ἢ τε κόμη, τό τε σῖδος, ὅτ' ἐν
κονίῳι μύσῃς. *ferox*, nimis et
ferociter confusus. *grata* h. e. dul-
cia, amatoria nempe, hinc *cithara*,
qua res amatorias canebat Paris, con-
tentim vocatur *imbellis*; cithara qui-
dem Achilles quoque cecinisse dicitur
apud Hom. II. IX. 189. sed is αὐτὸς
δ' ἄρα κλέα ἀνδρῶν. Itaque Alexander
M. non Paridis, sed Achilles cithara
videre voluisse dicitur. *carm. divid.*
fem. — carmina dividere feminis est:
modo huic, modo alii feminae car-
men canere; simili modo oscula divi-
dere infr. I. 36. 5. v. 16. *thalamo*
h. e. in thalamo, ubi Venus Paridem,
quem ipsa ex pugna eripuerat, tutum
a caede praestare volebat secundum
Hom. II. III. 382. *graves* h. e. timen-
das, ut supr. 2. 22. *Persae graves.*
— *calami spicula*, sagittas, tela. *Gno-*
sii pro: Cretici, a satis nobili Cretae
urbe Gnosio; sagittae scilicet, e canna
Cretica factae, in praestantissimis
habebantur, et ipsi Cretes, quos con-
tra Troianos duxit Idomeneus (Hom.
II. II. 645.) optimi sagittarii suisae
perhibentur; hinc infr. quoque *arcus*
Cydonius IV. 9. 17. v. 18. *strepit-*

Aiacem: tamen, heu, serus adulteros

Crines pulvere collines.

20

Non Laërtiaden, exitium tuae

Gentis, non Pylium Nestora respicis?

Vrgent impavidi te Salaminius

Teucer, te Sthenelus sciens

Pugnae, sive opus est imperitare equis,

25

Non auriga piger. Merionen quoque

Nosces. Ecce furit te reperire atrox

Tydidēs, melior patre:

Quem tu, cervus uti vallis in altera

tum, tumultum bellicum, armorum sonitum; *celerem sequi* Graeco pro: *celerem in persequendo hoste.* *tamen, heu, serus* cett. cum particulae nequidquam — vitabis — tamen — collines parum sibi respondeant, tamen refer ad omissam particulam quamvis, et iunge: quamvis serus, tamen — collines. Simillima orationis structura est apud Virg. Eclog. I. 28. *Libertas, quae, sera, tamen respexit inertem*, ubi pariter ad *sera* supplendum est: *quamvis, adult. erin. pulv. coll.* h. e. pulvere foedabis crines eleganter adulterorum more comtos, i. e. trucidaberis et morte adulterii poenam lues. Virg. Aen. XII. 99. *Da sternere corpus* — *Semiviri Phrygis, et foedare in pulvere crines.*

v. 21—28. *Non Laërtiaden* — *respicis?* annon te fugientem persequi animadvertis Vlysem, Laërtis filium? — Vlyses autem, quia partim Palladio surrepto, partim consilio, de illo equo ligneo aedificando dato, exitium paravit genti Troianae, ipse nunc graviter gentis Troianae exitium vocatur. Nostrum imitatus est Ovidius

Met. XIII. 500. ubi Hecuba Achillem exitium Troiae appellat; et sic apud Senec. Herc. Fur. 358. Megara de Lyco: *Quidnam iste, nostri generis exitium ac lues, Novi parat?* simili loquendi genere *Thais* apud Terent. Eunuch. I. 4. 34. dicitur *fieri calamitas*; itaque non opus, ut in nostro loco pro *gentis* cum quibusdam legatur *genti*, quae loquendi ratio paulo durior videtur. *Pylium Nestora*, Pyli, antiquae civitatis in Peloponneso, regem. *Salaminius Teucer*, Telamonis, regis Salaminis, filius. *Sthenelus*, Capanci filius: *sciens pugnae* (ιδὼς μάχης, Hom.) pro: fortis. *non auriga piger*, fuit nempe Sthenelus auriga Diomedis. v. 26. *Merionen*; cf. supr. ad I. 6. 45. *Nosces* h. e. virum fortem esse senties et experieris. *furit te reperire* h. e. furit praecipuitate te reperiendi et tecum congregiendi. (Hom. μαχαιὸς κηλεύ.) *atrox*, ut: *saevus, cruentus* cett. pro: fortis. *Tydidēs*, Diomedes, Tydei filius. *melior patre* h. e. fortior (κατὰ δύναμιν, κατὰ δύναμιν.)

v. 29—36. *Quem tu, cervus uti vallis* cett. sensus: quem simulac procul conspexeris, eadem statim, ut homo

Visum parte lupum graminis immemor, 30
 Sublimi fugies mollis anhelitu;
 Non hoc pollicitus tuae.
 Iracunda diem proferet Ilio
 Matronisque Phrygum classis Achillei:
 Post certas hiemes uret Achaius 35
 Ignis Pergameas domos.

CARMEN XVI

PALINODIA.

O matre pulkra filia pulcrior,

mollis et ignavus, celeritate fugies, qua fere cervus, simulac lupum in altera vallis parte prospexit, e pascuis statim (*graminis immemor*) fugere solet. *graminis immemor*—sic vacca apud Virg. Eclog. VIII. 2. a gramine depascendo ad carmina pastorum audienda subito conversa, *immemor herbarum* dicitur. *sublimi anhelitu* h. e. graviter anhelans, dum spiritus ex alto et sublimi pectore attrahitur; similiter *curnus exanimis* apud Stat. Theb. XI. 239. v. 32. *Non hoc*, non hanc animi molliem et ignaviam, sed eam, quae virum fortem decet, virtutem, *tuae*, Helenae. v. 33. *Iracunda*—*classis Achill.* h. e. iracundus ob ereptam sibi ab Agamemnone Briseidem Achilles; *Achilleus* antiqua forma, ut supr. 6. 7. *Fluxus* pro: Vlises. *diem*, fatalem exidii diem, excidium. *Matronisque*, ad miserationem movendam mentionem facit *matronarum*, quibus inprimis ob timendam sibi servitutem horribile esse debebat Troiae exci-

dium. *post certas hiemes*, post certum annorum, a fato constitutorum, numerum.

CARMEN XVI.

Amantium iras, quod Terentius ait, *amoris redintegrationem* esse, id poeta in hoc carmine satis luculenter exemplo suo probat. Vix enim ille irae furore abreptus pulcræ quidam puellae, iambis criminosis ei missis, bellum indixerat, cum statim ad illud componendum ipse mollissimas pacis condiciones ferret. — Iam cum omnis poetae apud puellam de misso carmine ignominioso excusatio petita sit ab irae, cui ille resistere non potuerit, vehementia; plurimam huius carminis partem in gravissimae Illius animi affectionis vel vitii humani descriptione, quam locum classicum de *ira humana* dixeris, versari nemo facile mirabitur.—Ad quam puellam, utrum ad Tyndaridem, an ad Gratiadam, aliave puellam hoc carmen

HOR. TOM. I

D

Quem criminosis cunque voles modum
 Pones iambis; siue flamma,
 Sive mari libet Hadriano.
 Non Dindymeno, non adytis quatit
 Mentem sacerdotum incola Pythius,

5

scriptum sit, id cum veteribus et recentioribus quibusdam interpretibus exquirere velle, vix operae pretium est. — Imitatus est Noster, ut observat Acron, Stesichorum, qui, cum ob carmen probrosum, in Helenam scriptum, privatus esset oculorum lumine, recantatis opprobriis sive palinodia visum recepisse traditur; exstat huius palinodiae initium apud Platonem in Phaedro (Opp. T. III. p. 243.)

v. 1—4. *Quem crim. cunq. vol. cett. h. e. dele, quaeso, quocunque modo tibi placebit, criminosos iambos, sive eos in ignem, sive in aquam, proicere mavis. iamb. crim.*—*iambi*, quibus primus eorum auctor Archilochus (A. P. 79. *Archilochum proprio rubies armavit iambo*) ad alios traducendos usus est, et post eum alii poetæ, dicuntur *criminosi*, quia res turpes puellae criminabantur, i. e. contumeliosi; in hoc sensu apud Suet. Octav. 75 *liber criminosisissimus*, h. e. maledicentissimus, dicitur. — *quemcunque modum iambis ponere*, est sortem, quamcunque libet, iambis decernere. *mari Hadriano* pro: Hadriatico, ornate, pro: aqua quacunque. — Pari modo, quae frustra in laudem amicae suae cecinerat carmina, deleri cupit Tibullus l. 9. 49. *Ille velim rapida Vulcanus carmina flamma Torreat, et liquida delectat amnis aqua.*

v. 5—12. Locus, si quis alius, mira sublimitate insignis. Irac furo-

rem, cuius vim modo senserat poëta iam descripturus, novo quasi, quo poëtae agitari solent, furore ita incallescit, ut furor furorem peperisse videatur. — Nexus et sensus h. l. est fere hic: Indomita autem, qua ad istos iambos scribendos abreptus sum, me apud te excusare debet irae vehementia; nam neque Cybele, si eius sacra instituuntur, neque Apollo, si in templi auspentalibus sacerdotum pectora occupat, neque Bacchus, si in eius honorem celebrantur orgia, neque Corybantes, si aerea cymbala iteratis ictibus pulsant, tantam animia furorem iniciunt, quantum saevae irae, quae nulla omnino vi et periculi timore, neque ense, neque mari, neque igni, neque fulminibus domari et compesci possunt. — *Dindymene*, Cybele, appellata ita a *Dindymo* vel *Dindymis*, Phrygiae monte, eius cultui sacro; *Dindymena domina* dicitur Catullo LXIII. 43. De Cybeles sacris, in quibus huius deae sacerdotes, Galli vel Corybantes, tympanorum, cymbalorum et tibiarum sonitu ad eundem, quo ipsi agitabantur, furorem alios rapere studebant, res nota; cf. Lucret. II. 616 seqq. Catull. LXIII. et Virg. Aen. IX. 617. *adytis*, interiore et secretiore templi parte, quam praeter sacerdotes nemini intrare fas fuit; *quatit*, agit, concutit; *mentem sacerdotum*, intellige inprimis Pythiam et Sybillas. *Pythius*, Apollo Delphicus, a Pythonē serpente occiso

Non Liber aequae, non acuta
 Si geminant Corybantes aera,
 Tristes ut irae: quas neque Noricus
 Deterret ensis, nec mare naufragum,
 Nec saevus ignis, nec tremendo
 Iupiter ipse ruens tumultu.
 Fertur Prometheus, addere principi

10

hic dictus; *incola* h. e. habitans quasi in pectore, in quod se ipsum deus immisit, vel, quod numine suo occupavit: hinc Sibylla apud Virgil. Aeneid. VI. 77. *At Phoebi nondum patiens immanis in antro Bacchatur vates, magnum si pectore possit Excussisse deum*, cett. nisi fortasse *incola* rectius ad adytis retuleris, ut simpliciter sit: qui in illa habitat. — *Liber*, de furore illo, quo Bacchae et Maenades celebrare aolebant orgia, omnia in vulgus nota. *non acuta* *Si gem.* *Cor. aera.* iunge: non *Corybantes* (sc. quatuor) aequae mentem), *si acuta aera geminant*; nimirum ipsa dea *Dindymene* ministros suos *Corybantes* sive *Curetes* in furorem mittit, qui ad eundem, *aeris acuti* h. e. cymbalorum, acriter et acute sonantium, pulsu, stimulant alios. v. 9. *Noricus*, epitheton ornaans pro: praestantissimus, quia Noricum, pars Illyrici, praestantissimo, quod ibi effodiebatur, ferro nobile fuit. v. 40. *naufragum*, ob naufragii periculum timendum; *trem.* *Iupiter ip. ru. tum.* magnifice pro: Iupiter tonans et fulmina mittens; ex prisco enim loquendi genere Iupiter (h. e. aether) vel imbre, vel nive, vel tonitru et fulmine in terram descendere dicitur, unde ille Ζεύς καταβάντης; infr. Ep. 43. 4. *Horrida tempestas caelum con-*

traxit, et imbres Nivesque deducunt Iovem.

v. 43—46. *Fertur Prometheus* cett. Sensus: Prometheus, cum ob defectum materiae, ad fingenda cetera animalia iam dispensatae, cogeretur limo, e quo primum hominem formaret, particulam, (undique) ex ceteris animalibus decerptam, admiscere; (et) inter alias quoque particulas vim insani leonis stomacho nostro apposuisse traditur; — vulgaris sententia, quam tanta arte et doctrina exornavit poeta, fuit fere haec: eo magis autem irae, qua me abripi passus sum ad scribendos iambos, veniam dare debes, cum illa ad vitia, humanae naturae insita, pertineat. *Prometh.* — De *Prometho*, qui primus ex *luto*, vel, ut Ovid. Met. I. 82. loquitur, ex *tellure* — *mista fluvialibus undis* formasse hominem fingitur, res nota; apud Aristoph. Av. 637. homines e limo ficti dicuntur πολλοῦ πλάσματος; illud vero, quod de *vi insani leonis* vel *ira*, a *Prometho* hominum animis injecta, hic commemoratur, Stesichori, quem Noster imitatus sit, inventum esse, ex Fulgent. Myth. L. III. c. de *Peleo* colligi posse existimant. Simile commentum de diverso mulierum ingenio, ex diversorum animalium, suis, vulpis, asini, mustelae cett. cupiditatibus composito, laudant ex Frag-

Limo coactus particulam undique
 Desectam, et insani leonis 15
 Vim stomacho apposuisse nostro.
 Irae Thyesten exitio gravi
 Stravere, et altis urbibus ultimae
 Stetere causae, cur perirent
 Funditus, imprimeretque muris 20
 Hostile aratrum exercitus insolens.
 Compesce mentem: me quoque pectoris
 Tentavit in dulci iuventa
 Fervor, et in celeres iambos

mento quodam Simonidis *καθυπαυ-
 κόν*, quod separatim edidit *Kaehlerus*.
 Huc pertinet quoque, quod excitavit
 Cl. *Mitsch.* Fragment. Euripid. T. II.
 p. 196. (edit. Lips.) quod apud
 Stob. (Grot. Flor. p. 13.) Philemoni
 trihuitur.—*principi*, e quo primum
 fluxit hominem Prometheus: de pri-
 maria materia equidem explicare no-
 lum. v. 15. *et insani leonis* cett. cum
 particula *et* perperam pro copula ha-
 beretur, in expedienda orationis stru-
 ctura, quam *insolentiorcm* vocant,
 valde se torserunt interpretes; sed
 bene se res habet; *Fertur* enim non
 ad *addere*, quod a coactus pendet,
 sed ad *apposuisse* tantum referendum
 est; et igitur h. l. est: etiam, quo-
 que, inter alias quoque desectas un-
 dique particulas. *stomacho*, irae
 sedi.

v. 17—28. In sententiam, quam No-
 ster de *ira*, ut prima caedis et ma-
 ximarum calamitatum causa, h. l.
 tractavit, laudat Senec. de *Ira*. l. 2.
 —*Thyesten*, nam illud atrox Thyestis
 cum Atreo fratre de regno certamen
 ira exortum est; *exitio gravi*, cogitā
 de Thyestis liberis, quos Atreus ei

epulandos apposuit, et de eius morte
 in exilio, quo pulsus est ab Atrei oc-
 cisi filii, Menelao et Agamemnone.
 — *stravere*, perdidere, *ultimae*, pri-
 mariae. v. 19. *Stetere*, exquisitius
 pro: fuere, existere. Virg. Aen. VII.
 553. *Stant belli omniae*. v. 20. *impr-
 meretque mur. host. arat. exere*, haec
 explicant magis *et funditus*, quod
 praecessit; nam solum urbium *funditus*
dalendarum aratro vertebatur;
 Propert. III. 7. 41. *Moenia quum
 Graio Neptunia pressit aratro Victor
 Polladiae lignus arcis equus. inso-
 lens*, insolenter saeviens. v. 22.
Compesce mentem, iram, quam iam-
 bis meis excitavit, reprime; *tentavit*,
 agitavit, abripuit. v. 24. *celeris*;
 nolim (quamvis Ovid. Rem. Am. v.
 378. de iambo: *Seu celer, extremum
 seu trahat ille pedem*) cum Cl. *Mitsch.*
 ad metri rationem referre; *celeris
 iambi* haud dubie sunt: qui nimio
 fervore praecipitanter (nos: *aus ue-
 bereitung, in der hitze*) scripti sunt;
 similiter *consilia celeriora* dicuntur
 apud Liv. II. 51. *quamvis in praeci-
 pitia, dum celeriora escut, agebat
 consilia. misit in iambos*, concitavit

Misit furem : nunc ego mitibus
Mutare quaero tristia : dum mihi
Fias recantatis amica
Opprobriis, animumque reddas.

25

CARMEN XVII

AD TYNDARIDEM.

Velox amoenum saepe Lucretilem

ad scribendos iambos. v.25. *mitibus mutare tristia*, ea, quae te tristitia et indignatione affecerunt, remunerari iis, quae tibi suavia atque iucunda sunt. *recant.* *opprob.* — *recantare opprobria* est : opprobria cantata, quasi non cantata, revocare, falsa et ficta fuisse cantata opprobria declarare ; similiter apud Virg. Aen. XII. 44. *retrahere dicta* pro : revocare, recantare. *animum reddas*, pristino amore me amplectaris, te mihi restituas.

CARMEN XVII.

Tyndaridem, ut in villam, quam in Sabinis habebat poëta, secum rusticatum veniat, dulcissimae, qua ibi frui possit, felicitatis descriptione permovere studet. Auctorem huius felicitatis inprimis facit Pannum. Nam cum ille deus regionis, in qua sita fuit villa Horatiana, amoenitate ita caperetur, ut relicto Lycaeo saepius eam inviseret, et dulcia carmina ibi fistula caneret (quo nihil ad loci amoenitatem commendandam fingi a poëta potuit apius) ; dignam

quoque, quam singulari tutela foveret, habuit. Hinc Pannus nimium solis aestum aequae ac nimiam pulviarum copiam a villa Horatii avertere, securitatem gregibus praestare, et agros pii poëtae quovis felicitatis genere mactare dicitur. — Promittit igitur poëta Tyndaridi, si ad se in villam suam venerit, primum omnium, quae in agris proveniunt, rerum abundantiam ; deinde otium, quo vacare ibi possit canendis carminibus, iucundissimum ; porro hilarem in locis umbrasis compositionem ; denique tutum ab importuno, cuius vim pnela timebat, amatore Cyro perfugium. — Ceterum Tyndaridem honestam, doctam et elegantioris ingenii fuisse puellam, ex v. 47 seqq. colligi potest.

v. 4—4. *Velox*, dii enim capripedes inprimis velocitate valent ; *saep.* *Lucret. mut. Lyc.* saepe ex Lycaeo transit in Lucretilem ; est enim Faunus deus ὄπισθαρχος qui, ut Ovidius (Fast. II. 285.) de eo loquitur, *discurrere gaudet in altis montibus. Lucretilem*, montem in Sabinis, villas

Mutat Lycæo Faunus, et igneam
 Defendit aetatem capellis
 Vsque meis, pluviosque ventos.
 Impune tutum per nemus arbutos
 Quaerunt latentes, et thyma, deviae
 Olentis uxores mariti:
 Nec virides metuunt colubras,
 Nec Martiales haeduleae lupos:
 Vt cunque dulci, Tyndari, fistula
 Valles et Vsticae cubantis
 Levia personuere saxa:
 Di me tuentur: Dis pietas mea

5

10

Horatii imminet. *Lycæo*, monte in Arcadia, Fauno et Pani sacro; Ovid. Fast. II. 424. *Faunus in Arcadia templa Lycæus habet.* — *def. aet.* cap.) defendere aetatem capellis est: arcere, avertere capellis aetatem, prohibere aetatem a capellis; sic apud Virg. Eclog. VII. 47. *solutum pecori defendite*; similiter apud Graecos ἀρκίην, ἀρκύην, ἀλλοκίην, ἀμύνειν; — *pluv. vent.* itaque villa Horatii, cum neque aestu, neque pluviis laboraret, tam salubritate quam fertilitate gavisus est.

v. 5—12. *Impune*, sine ullo periculi timore, securae. *olentis uxores mariti*, faceta caprarum circumscriptio; caper enim est maritus vel vir gregis, ut vocatur apud Virg. Eclog. VII. 7. secundum imitationem Theocriti VIII. 49. τράγας λαυκῶν αἰγῶν ἄνερ. *haeduleae*, proles caprarum, parvae capellae. *Martiales lupos*, *Martialis* vel *Martius* (apud Virg. Aen. IX. 566.) dicitur qui Marti sacer est. *Vt cunque dulci fistula* celt. dum Faunus dulcia carmina canit fistula, quae in valle sa-

xosi montis Vsticae resonant, pro vulgari: dum Faunus praesens numine suo greges tuctur. — iam Faunus, similiter ut Pan, quocum plurima communia habet (utriusque enim dei mythus in unum confluit, conf. Voss. ad Virg. Ecl. VI. 27.) fistula canens (σφυρίων) inducitur. — *Vsticae cub. lev. saxa* Vstica fuit parvus mons prope villam Horatii, qui, quia leniter assurgebat, vel, ut Virgilius loquitur (Eclog. IX. 8.) *molli clivo iugum demittebat*, *cubans* dicitur; quemadmodum enim altius adsurgentes montes stare (supr. 9. 4. *Vides, ut alta stet nive candidum Soracte*) ita molliter in planitiem vel vallum se demittentes cubare dicuntur; hinc *colles impius* apud Virg. Georg. II. 276. *levia* qualia sunt, super quae rivuli decurrunt; πέραις λισσώδης. — Comparat Cl. Mitsch. cum h. l. Anytes Epigr. VIII. Anth. Gr. T. I. p. 131.

v. 13—16. *Di me tuentur* celt. Sen- sus: hanc securitatem diis acceptam refero, quibus pii et innocentis poetae, qualis ego sum, placent carui-

Et musa cordi est. Hic tibi copia
 Manabit ad plenum benigno 15
 Ruris honorum opulenta cornu.
 Hic in reducta valle Caniculae.
 Vitabis aestus : et fide Teïa
 Dices laborantes in uno
 Penelopen vitreamque Circen. 20
 Hic innocentis pocula Lesbii

na; — veni igitur, et largissimis ruris muneribus mecum frui. *Hic tibi copia cett.* iunge: *hic opulenta copia honorum ruris manabit tibi benigno cornu ad plenum.* *benigno cornu*, tanquam e divite Amalthææ cornu; (de quo vid. Ovid. Fast. V. 424 seqq.) similiter ad illud cornu copiarum respexit Noster infr. Carm. Saec. 59. *appareatque beato Copia cornu*; et Epist. I. 42. 28. *auræa fruges Italiae pleno defudit copia cornu.* — *manabit ad plenum* largiter adfluet; sic *ad plenum* pro: abundanter, apud Virg. Georg. II. 244. *dulcesque a fontibus undæ Ad plenum calcescunt.* — *ruris honor.* intellige fruges, pomæ, flores cett.

v. 17—20. *reducta*, sinuosa, curva. — *Caniculæ vit. aest.* ab aestu solis, quando Sirius aëvit, te defendes; similiter Tibull. I. 4. 27. *Sed canis æstivos ortus vitare sub umbra Arboris, ad rivos prætereuntis aquar.* — *fide Teïa*, lyra Anacreontis, Teïi. — *Dices labor.* in un. *Pen. vitr. Circ.* canes amorem, quo Circe simul cum Penelope unum Ulyssem deperit; — haud dubie huic ipsi argumento carmine Anacreontico pertractando iam antea manus admoverat docta Tyndaris, ad quod absolvendum nunc otii iucundissimi copiam ei facit in villa sua Horatius; *laborantes*

in uno, graviter pro: amantes unum eundemque; *tò laborare* enim complectitur simul notionem sollicitudinis et curarum, quibus amantes cruciari et laborare solent; sic *πόνος* de amoris cruciatibus; conf. *Iacobs.* ad *Ant. Græc. Rufin.* XVIII. 4. — dictum autem est *laborare in uno* (h. e. ob unum) ut *aestare*, *flagrare*, *ardere in aliqua* (i. e. ob aliquam). — *vit. Circ.* Circe, ex Homero satis nota, vel, ut Nympha, a colore maris, veteris vitri colorem fere referentis, dicitur *vitrea*, ut sit *marina*, *catrula*, vel, quod magis respondet usui loquendi, a vitri splendore, ut sit: *splendida*, *pulcra*; sic *pulcra Galatea* apud Ovid. Met. XIII. 792. dicitur *vitro splendidior*; et sic *vitreus* sæpe est: *splendidus*, *perlucidus*. Ovid. Her. XV. 457. *Est nitidus, vitæque magis perlucidus anni, Pons sacer.* — Sic infra Sat. II. 3. 222. *soma splendida dicitur vitrea*; de simili usu τοῦ ὀπίωνος, ὀπίωνος apud Græcos præter *Mitsch.* ad h. l. exempla conduxit *Iacobs* ad *Anthol. Græc.* Vol. II. P. III. p. 422.

v. 21—28. *innocentis* h. e. haud ebrietate mentem obruentis, lenioris (ἀπύρονος); de præstantia vini Lesbii conf. Aul. Gell. XIII. 5.

Duces sub umbra : nec Semeleius
 Cum Marte confundet Thyoneus
 Proelia : nec metues protervum
 Suspecta Cyrum , ne male dispari
 Incontinentes iniiciat manus ,
 Et scindat haerentem coronam
 Crinibus , immeritamque vestem.

CARMEN XVIII

AD VARVUM.

Nullam , Vare , sacra vite prius severis arborem ,

— *duces* , largius bibes ; uti *ducere* et *trahere pocula* (infr. Epod. 14. 4. *pocula* — *arente foveae traxerim*) pro : largius bibere , apud Latinos , ita ἔλκευν , σπᾶν , apud Graecos ; Euripid. Cyclop. 416. ἰσπρῶς τ' ἄμυστον ἔλκεσς ; conf. Bergler ad Alciphron. I. 34. p. 149. *nec Semeleius* cett. nec Bacchus hilares iecos et lusus cum Martis proeliis miscebit , h. e. nec inter vina rixa orietur. — *Thyoneus* a matre Thyone , ut *Semele* quoque vocabatur , Bacchus dictus est. v. 25. *Suspecta* , ipsi Cyro , nempe ob amoris perfidiam. *male dispari* tibi , non sine malo tuo viribus ei dispari , vel : tibi admodum imbecilliori. — *incontinent. iniiciat manus* , haud dubie similem , ubi in convivio quodam inanibus non temperaverat Cyrus incontinentior , iam semel Tyndaris experta fuerat petulantiam , quam Noster respicere videtur. — *haerent. coron. crinibus* , coronam convivalem inhaerentem crinibus , capiti impositam ; — *im-*

meritam ad vestem refert poeta , quod ad Tyndaridem referendum est , quae tale quid non meruerat.

CARMEN XVIII.

Cum Varus (Epicureus ille , ut videtur , et Caesaris amicus , cuius mentionem Quintil. VI. 3. 78. facit) iam segrendis in agro Tiburtino arboribus cum maxime intentus esset ; poeta , praë ceteris arboribus omnibus vitis serendae curam ei commendaturus , breviter hoc carmine vini , ut efficacissimi curarum et aegritudinis remedii , laudes complectitur. Sed prudenter has laudes temperat adiectis malis , quae vinum immodice sumtum aequi solent , et sic a nimio simul vini potu , quem ipse abominatur , detertere studet. — Nisi totum , certe initium huius carminis , expressum est ex Alcaeo , cuius fragmentum apud Athenaeum X. 8. sic habet : Μινθὲν ἄλλο φυτόν-σιν : πρότερον δὲνδρον ἀμπέλην.

Circa mite solum Tiburis et moenia Catili.
 Siccis omnia nam dura Deus proposuit; neque
 Mordaces aliter diffugiunt sollicitudines.
 Quis post vina gravem militiam aut pauperiem crepat? ⁵
 Quis non te potius, Bacche pater, teque, decens Venus?
 At ne quis modici transiliat munera Liberi,
 Centaura monet cum Lapithis rixa super mero

v. 1—6. *sacra*, Baccho nempe. — *aire. mit. sol. Tib. et moen. Cat.* circa agrum Tiburtinum, sub mitioris aëris temperie situm, et quidem (particula et vim explicandi habet, conf. supr. ad I. carm. 2. v. 4.) circa ipsa Tiburis moenia. *moenia Catili, Tibur*, ab uno eius conditorum Catillo; nam tres Catilli filii, Coras, Catillus et Tiburnus, hanc urbem condidisse traduntur; conf. Heyne ad Virg. Aen. VII. 674. Excurs. VIII. Sil. Ital. VIII. 366. *Tibur, Catille, tuam*. Noster mediam in *Catilas*, elisa littera *l*, corripuit. — v. 3. *Siccis omnia nam dura cett.* nam, qui vino abstinent, ad vitam duricorem, bilaritatis quippe, quae vino debetur, expertem, a sorde destinati sunt. *sicc.* *siccum*, qui opponitur *vino madido, uvido* (infr. IV. 5. 39.) *βαβρυγμίνης*, cum Ovidio Met. XV. 223. dixeris, qui *Vina fugit, gaudetque meris abstentius uvida*. neque aliter, neque alio remedio nisi vini potu; similiter Euripides Bacch. v. 283. de vino: *οὐδ' ἐστ' ἄλλο φάρμακον πόνον*. *mordaces*, macerantes, pungentes animum, (*θυμολόγοι, θακύνμοι, θυμολογῆς*) similiter infr. II. 44. 47. *edaces curas* dissipare Bacchus dicitur. *gravem militiam aut pauperiem crepat?* h. e. crebras de dura militia et paupertate querelas iacit? *crepare aliquid*,

(*πρωτῶν, κομπᾶζειν*) saepe aliquid in ore habere et repetere, et hinc passim de hominibus, qui multa verba de una* eademque re magno cum strepitu effutiendo aliis molestiam creant; cf. infr. Ep. I. 7. 84. Sermon. II. 3. 33. et A. P. 247. — *Quis non te potius sc. crepal*, et hoc iam pro: iterum iterumque laudat. — *decens*, ad amabilem, quae Venerem componit et subsequitur, gratiam et decorem refer.

v. 7—10. Senectotium nexus est fere hic: sed quemadmodum vinum modice sumtum dulcissimum curarum humanarum lenimentum est, ita idem, immodice sumtum, maximorum malorum causa fieri solet; bellum enim Lapitharum cum Centauris super vino exortum, et crudelae Thracum inter computationes caedes, unumquemque, ne modum in bibendo vino excedat, adhortari debent: *modici transil. mun. Liberi*, paulo sublimius pro: modum, qui tenendus est in percipiendis Bacchi muneribus, h. e. in vino bibendo, excedat. — *modici*, modice bibendi; Bacchus enim non ebrietati et rixis, quae inde oriuntur, sed modestiae favet; hinc infr. 27. 3. *verecundus* dicitur; *transilire*, notionem proterviae et temeritatis habet; conf. supr. 3. 24. — Cl. Mitsch. comparat Theogn. v. 474. *Ὅς δ' αὖν ὑπερβάλλῃ πόσιος*

Debellata; monet Sithoniis non levis Evius,
 Quum fas atque nefas exiguo sine libidinum 40
 Discernunt avidi. Non ego te, candide Bassareu,
 Invitum quatiā: nec variis obsita frondibus
 Sub divum rāpiam. Saeva tene cum Berecynthio
 Cornu tympana, quae subsequitur caecus Amor sui,

μέτρον, οὐκ ἔτ' ἐκείνος τῆς αἰσῶς
 γλώσσης καρτερὸς οὗτος νόου. *Cen-
 taurea*, pugnae illius, inter Cen-
 tauros et Lapithas super mero in
 nuptiis Pirithoi exortae, suavissimam
 descriptionem dedit Ovid. Met. XII.
 219 seqq. *Sithoniis*, Thraciae po-
 pulo, pro ipsis Thracibus, quibus
 ob ebrietatem, cui illi dediti sunt,
 vel ob barbara, quae vino graves
 committunt, facinora, Bacchus non
 levis, sed gravis et infestus deus est;
 de Thracum violentia conf. infr. 27.
 1 seqq. *Evius*, Bacchus, ab illa
 bacchantium acclamatione *Evae* (εὐ
 αἰ) sic dictus. v. 40. *fas atq. nefas*,
 honestum et inhonestum, pulcrum
 et turpe. — *exiguo sine*, nullo fere
 limite constituto, pro vulgari: pa-
 rum. *avidī libidinum*, libidinibus,
 vino excitatis, indulgentes.

v. 41—46. *Non ego te*, cett. Vul-
 garem-sententiam: s. equidem a fu-
 rore illo ebrietatis, quae tibi, Bac-
 che, displicet, diligenter mihi ca-
 vebo, s. egregie sequentibus exorua-
 vit poeta. — *Ex nefandis sceleribus*,
 quae ab hominibus temulentis com-
 mittit solent, unum, quod ad Bac-
 chum proxime spectat, commemorat,
 iuriam nempe eius mysteria evul-
 gandi temeritatem. *Non ego te* cett.
 cavebo mihi ab ista temulentia, quam,
 ut nefandorum scelerum causam,
 abominaris. — *candide*, formose,
 pulcer, ob perpetuam Bacchi juven-

tam, cf. Broukhus. ad Tibull. III. 6.
 4. *Bassareus*, Bacchus, a voce Thra-
 cia vel Afra βάσσαρος vel βασσαρίς,
 quam Suidas et Etym. M. explicant
 ἀλώπεξ, quia non hinnulorum tan-
 tum, sed etiam vulpium pellibus se
 texisse dicuntur Bacchae, quae inde
 dictae sunt βασσαρίδες. Hesych. Βά-
 σσαραι χιτῶνες, οὓς ἐφόρου αἱ Θράκιαι
 Βάκχαι. — *invitum quatiā* h. e. more
 tibi displicentē sacra tua movebo. *qua-
 tere Bacchum* idem esse videtur, quod
 Bacchi sacra commovere apud Virgil.
 Aen. IV. 304. *qualis commotis exalta
 sacris Thyias*; inprimis autem τὸ *qua-
 tere* vel *movere* ad sacrorum vasorum,
 sub initio ceremoniae et templis subla-
 torum, isctationem referendum vi-
 detur. *neo var. obsita frondibus* s.
div. rāpiam, nec sacra occulta vel
 mysteria, variis frondibus oblecta,
 protraham in publicam lucem; pu-
 blice enim in orgiis res quaedam
 mysticae in cista quadam vel arcula,
 hedera et pampinis obvelata, circum-
 ferri solebant a cistophoris. Catull.
 LXIV. 260. *Pars obscura cavis cele-
 brabant orgia cistis*, *Orgia, quae
 frustra cupiunt nudare profani*. τὸ
variis paulo argutius vel ad foliorum
 colorem, vel ad eorum vento agita-
 torum motum referunt; equidem
 simpliciter *frondes varias* de hede-
 raceis, pampineis, et aliis accipio.
 — *Saeva tene cum Berecynthio Cornu
 tympana, quae subsequ.* retine et

Et tollens vacuum plus nimio Gloria verticem, 45
Arcanique Fides prodiga, perlucidior vitro.

CARMEN XIX

DE GLYCERAE.

Mater saeva Cupidinum,

comprime saevum tympanorum et cornu Phrygii clangorem; fac, ne ad aures meas accidat horribilis tympanorum et Phrygii cornu sonitus; averte a me saevum istum, qui tympanorum et Phrygii cornu strepitu excitatur, furorem, quem subaequitur cett. et hoc pro: tutum me praesta ab ebrietatis furore, quem subsequitur cett. *saeva*, ob saevum, quem iniciunt, furorem, vel: sonoribus saeva, h. e. terribiliter sonantia; Virgilius certe Aen IX. 654. *saeva sonoris arma* pro: terribiliter sonantia dixit. *Berecynthio* h. e. Phrygio, a Phrygiae monte Berecyntho, ubi colebatur Cybele, in cuius sacris iisdem, quibus in orgiis, ad furorem excitandum usi sunt instrumenta musicis; conf. supr. 46. 45 seqq. — *cacetus Amor sui*, stulta superbia et arrogantia. *Et toll. vac. pl. nim. Glor. vert.* iactantia, qua nimis se extollunt homines vani; *vacuum* significanter pro: vanum, nihil habentem nempe, quo se extollere possit. *Arcani Fid. prod.* loquacitas, inconsideranter res arcanas, quae fido pectore tegi debebant, effluens; ea suaviter dicitur *vitro perlucidior*, quia, quae gerit homo loquax in animo, valuti per vitrum elucetia, facile perspiciuntur. Laudat in hanc

rem Cl. Mitsch. ex Gnom. Gr. Brunck. p. 234. Κάτωπρου αἰδους χαλκός ἐστ', αἶνος δὲ νοῦ.

CARMEN XIX.

Poëta, qui iam satis sibi in amoris aestu defervuisse videbatur, novis repente Veneris, Bacchi et protervae Licentiae stimulis se agitari sentit. Novum igitur, quo Glycerae pulcritudine et eius lenociniis captus sit, amorem libere in hoc carmine futeatur, tantamque eius vim esse ait, ut totus in eo occupatus iam nequiquam canendis gravioris argumenti carminibus vacare possit; immo relictis rebus omnibus sacrificium, quo Venerem placet, sibi parandum esse existimat. Quod alii ex v. 10 seqq. suspicati sunt, poëtam delatam sibi vel a Maecenate, vel ab alio, ut res, contra Scythas et Parthos praedare ab Augusto gestas, carmine celebraret, hac novi amoris sui excusatione detrectasse provinciam, id ad ea, quae paulo argutius poëtae affinguntur, pertinere vidatur. — Ceterum de novo, quo reses et iam desuetus eius animus locaverit, amore, similiter Noster ludit infr. Libr. IV. 4.

v. 4 — 4. *Mater Cupidinum*, Venus, infinitae Amorum, quae in eius

Thebanacque iubet me Semeles puer,
 Et lasciva Licentia,
 Finitis animum reddere amoribus.
 Vrit me Glycerae nitor,
 Splendentis Pario marmore purius:
 Vrit grata protervitas,
 Et voltus nimium lubricus adspici.

5

comitatu sunt, multitudinis mater;
 cf. Stat. Silv. I. 2. 63. Claud. Nupt.
 Honor. 47 seqq. *Saeva* (χαλπῆ,
 δεινὴ) ob graves, quos *saevo cum*
ioco (ut infr. I. 33. 42. dicitur) in
 amantium animis excitat, dolores;
saeva iam inprimis fuit Horatio, quod
 sopitos in eius animi ignes resuscitabat.
Theban. iub. m. Sem. puer
 Bacchus, adsiduus Veneris comes,
 quod, ut Ovidius Rem. A. v. 805.
 canit: *Vina parant animum Veneri*;
 οἶνος γὰρ (Ach. Tat. II. 3.)
 ἔρωτος τροφή, vel quod *Venus* (O-
 vid. Art. Am. I. 244) *in vinis*, ut
ignis in igne, esse solet, at *sine Li-*
bero (Terent. Eunuch. IV. 5. 6.)
Venus friget. *Licentia*, ad ea, quae-
 canque libido anadeth, instigans, apte,
 ut Veneris et Bacchi πάρεδρος, in
 eorum comitatu apparet. *Finit.*
anim. redd. amoribus, h. e. iterum
 dedere animum amoribus, quibus
 iam mihi solutus esse videbar; ite-
 rum servire amori, cuius iugum
 iam me excussisse putabam.

v. 5—8. *Glyc. nit.*) *nitor* et *ni-*
teus passim de formae pulcritudine:
 Ovid. Met. XII. 405. *Hylonome*, qua
 nulla nitentior h. e. formosior; —
splend. Par. mar. por. refer ad splen-
 dorem coloris candidi, quo *marmor*
Parium inprimis insignis fuit; hinc
 passim *marmoreus* pro: candidus,

pulcer; *cervix marmorea* apud Virg.
 Georg. IV. 523. *collum marmoreum*
 apud Ovid. Fast. IV. 435. et *pedes*
marmorei apud eundem Amor. II.
 44. 45. *grat. proterv.* explicant de
 illo in amorem pelliciendi studio,
 quod Galli: *la coquette* vocant;
 equidem *gratam protervitatem* de
 iocosa illa petulantia (nos: *leicht-
 fertigkeit*, *malice*) accipio, quae
 haud displicet in puellis, immo eas
 iucundas atque amabiles reddit. *et*
volt. nim. lubr. adsp. h. e. et oculi
 nimium mobiles et lascivi, quam ut
 eorum aspectus non quemque in
 amorem rapiat. *vultus lubricus*
 est Graecorum βλέμμα ὑγρόν, h. e.
 oculi petulanter et lascive mobiles,
 nantes, paeti, voluptate suffusi,
 et fere Veneris, quales in amicis
 suae imagine pictorem exprimere
 iubet Anacreon Od. XXVIII. 21. τὸ
 δὲ βλέμμα νῦν ἀληθῶς ἀπὸ τοῦ πυρὸς
 ποίησον· Ἀμα γλαυκόν, ὡς Ἀθήνης·
 Ἀμα δ' ὑγρόν, ὡς Κυθήνης. ubi τὸ ὑγρόν
 bene vertit Barnesius *lubricum*. cf. Hh
 Fusch. et Bergler. ad Alciphron. I. 28.
 p. 417. eiusmodi oculos Catellus
 XLV. 41. vocat *ebrios*, ubi cf. notata.
 τὸ *adspici* possis quidem explicare:
 si *adspiciuntur*, adspicu, sed hoc
 ne opus quidem est, nam plane illud
 Graeco more abundat, ut infr.
 L. IV. 2. 59. *niveus videri* pro *sim-*
plici: *niveus*.

In me tota ruens Venus

Cyprum deseruit; nec patitur Scythas, 10

Et versis animosum equis

Parthum dicere, nec quae nihil attinent.

Hic vivum mihi cespitem, hic

Verbenas, pueri, pōnite, turaque,

Bimi cum patera meri: 15

Mactata veniet lenior hostia.

v. 9—12. *In me tota ruens Vc. Cypr.* des. Venus ex insula Cypro emigrasse et toto numine suo in pectus meum emigrasse videtur, pro vulgari: ego summa Veneris potentis exerceor, summo amoris aestu agitor. Comparant, unde hausisse videtur Horatius, fragmentum Alemanis apud Eustath. ad Hom. p. 305. C. et apud Steph. Poët. Lyr. p. 628. Κύπρου ἱμερόεντος λιποῖσιν καὶ Πάρου περιόδοιται. Laudant quoque in hanc sententiam Euripid. Hippol. 443. Κύπρις γὰρ οὐ παρτός, ἣν πολλὰ βύβη. Plura vide apud Mitsch. *Scyt. et vers. animos. equ.* Parth. dicere, rem gravioris argumenti carmine epico celebrare, Augusti nempe laudes de Scythis et Parthis bello victis canere; Parthus dicitur *versis equis animosus*, quia in arte sua *versis equis* h. e. retro e fuga tela in hostes iaciendi, magnam ponebat fiduciam; hinc Virg. Georg. III. 34. *Fidentemque fuga Parthum versisque sagittis*; res nota, vide Interpret. *attinent* sc. ad me; mihi enim, ut Veneris ministro, res iocosa tantum et amatorias mollioribus citharae modis aptare licet.

v. 13—16. *Hic vivum mihi cespitem.* Venerem potius sacrificio sibi placandam esse ostensurus, subito ad aram, qua illud Deae offerat, construendam appellit animum, et ser-

vos, quae ad rem sacram pertinent, sine mora adferre iubet; quae quidem conversio vehementiores, quibus relevari cupit, amoris cruciatus egregie exprimit. *vivum cespitem*, ad aram nempe graminea es more antiquissimo castruendam; cf. Theocrit. XXVI. 3. Ovid. Met. IV. 762. Virg. Aen. XII. 449. *verb. verbenas* modo de quavis e sacro et secreto loco petita herba, modo de certo quodam, cuius in sacris usus fuit, herbae genere; cf. Interpretes ad Virgil. Ecl. VIII. 64. ubi in sacris magicis, amoris causa institutis, *verbenas* et *tura* ministras adolere iubet *venefica*. — *bimi*, infra quoque I. 34. 2 in libatione *novi liquoris*, h. e. vini, sit mentio. — *mactata hostia*, quamvis sanguinem arae Veneris offundere vetitum fuit, ut Tacitus Hist. II. 3. in narratione de templo Veneris Paphiae refert, (hinc Catull. LXVI. 94. *Placatis festis luminibus Venerem Sanguinis exportem*) hostias tamen in honorem Veneris, extorum imprimis inspiciendorum causa, mactatas fuisse, cum aliunde, v. c. Martial. IX. 94. 16. tum ex Tacito l. l. constat, ubi ille: *hostiae, ut quisque vovet, mares deliguntur, certissima fides hoc odoribus fribis*; itaque *mactata hostia* proprie accipi posse existimo; alii, de hostiarum sanguine in sacris Veneris

CARMEN XX

AD MAECENATEM.

Vile potabis modicis Sabinum
 Cantharis, Graeca quod ego ipse testa
 Conditum levi, datus in theatro
 Cum tibi plausus,

solliciti, pro: transacto sacrificio,
 positum esse autumant; venit lenior,
 placabitur et amoris mei cruciatus
 lenitum veniet.

CARMEN XX.

Maecenati, qui Horatio, se proxime cum invisurum esse, promississe videtur, ne vana forte vini generosioris, quale ipsi sit, expectatione eludatur, nil nisi vile Sabinum supeditatum iri, breviter significat. Sed dum hoc vile vinum in memoriam illustris illius diei, quo Maecenas publica acclamatione in theatro exceptus fuerat a populo, se condidisse ait; mira sane urbanitate illud a re commendat, quae Maecenati debebat esse iucundissima. Quod de occasione, qua hoc carmine scripserit poeta, Cruquius et codice suo Divaei attulit: *Maecenatem, in Apuliam iturum, Horatio significasse, se in itinere in ipsius villam Sabinam deversurum, utrum verum sit nec ne, in haud magno ponendum esse videtur discrimine. Ceterum hoc carmen brevius in censum eorum retulerim, quia poeta subito et αὐτοσχεδιαστί exarasse videtur.*

v. 1—4. *Vile Sabinum*, parvi nempe pretii fuit *vinum Sabinum*, quod Plin. II. N. XIV. 2. *crulum* et *austum* vocat; *mod. canth.* — *cantharus*,

vas vinarium, ansatum, et paulo capacious, e quo in pocula minora vinum transfundi solebat, dictum fortasse ita, quod ad formam *scutubaei*, qui Graecis *κάνθαρος* dicitur, efflatus esset; sacer imprimis *cantharus* fuit Baccho; iam hi *canthari*, ea quibus apud Horatium pro re eius modica modice bibendum esset, ipsi dicuntur *modici*. ut infr. Epist. I. 5. 2. *modica patella*. Quamquam nihil impedit, quo minus *cantharos modicos* de modicae magnitudinis sive paulo minoris formae cantharis explicemus, et, grandioris formae cantharos apud ditiores in usu fuisse, statuamus. *Graeca testa* Romani, ut satis notum, condere vinum solebant in vasis fictilibus, quorum praestantiora fuere Graeca, sive quod terra et materies, e qua in nonnullis Graeciae civitatibus conficiebantur, esset melior, et eorum bonitati et firmitati convenientior, sive quod artifices ibi in iis fingendis excellerent; ad nobiliora imprimis pertinent *vasa Cumana*, quae vulgo inter vasa Campana Etruscis accenseri solent, cf. Tibull. II. 3. 28. et ibi Heyne. *levi* hoc est oblevi (ἡλεψεν) sc. pice vel cera, quibus cortex oblinebatur; Colmell. XII. 48. hinc infr. III. 8. 40. *corticem adstrictum pice demovere* et apud Tibull. II. 4. 28. *vinacula cado Chio solvere* dicitur. *datus in theatro* c. tibi plaus. eo die,

Intonsum, pueri, dicite Cynthium :

Latonamque supremo

Dilectam penitus Iovi.

Vos laetam fluviis et nemorum coma,

5

poëta instante die, qui publico Dianae et Apollinis cultui sacer esset. Iam vero, cum more receptum esset, ut die illo solemnī puerosum puellarumque chorus carminibus celebraret numina illa salutaria; apte iam Horatius, ut notus poëta, et Apollinis quasi sacerdos, huius chori se magistrum et moderatorem profitetur, et pueros puellasque, ut rite partes suas explant, exhortatur. Compara in primis Carmen Saeculare et Catulli Hym. in Dianam Carm. XXXIV. Argutias interpretum, qui hoc carmen vel religioso usui, ut alternis caneretur a puerorum puellarumque choro, destinatum esse contenderent, vel illud, modo ad ludos Apollinares, modo ad ludos Saeculares, traherent, imo partem carminis Saecularis facerent, vel utriusque infausto illo anno DCCXXXI. cum fame ac pestilentia Roma laboraret, scriptum esse statuerent, bene in Argum. h. c. refutavit Cl. *Mitcherlichius*.

v. 1—4. Quo spectaveris communis Apollinis et Dianae religio, id optime ex Carmine Saeculari cognosci potest. Nimirum cuni soli et lunae, a quibus salubris aëris temperies, adeoque tam agrorum fertilitas, quam corporum sanitas, pendet, divinam Apollinis et Dianae personam indueret antiquitas; habitus illi sunt dii salutis, publicae salutis auctores, σωτήρες, vel dii averrunci, ἀλεξίπικτοι, ἀλεξίμοιροι, ἀποτροπήσιοι, qui famem, pestilentiam, et publicam calamitatem avertere possent; et hinc iidem sunt dii socii, πάρεδροι, σύμμαχοι,

eiusdem religionis in eodem templo participes. v. 2. *Intonsum*, ἀκίρην-κόναν. Tihol. l. 4. 36. *Solis aeterna est Phoebus Bacchoque iuventus*, Nam decet intonsus erinis utrumque deum.

— *Cynthium*, a Deli monte, Cyntho. *Latonam*, iure matri locus suus assignatur in hymno, in quo incluta eius proles celebratur; hinc Callimachus Hym. in Apoll. 14: χαῖρε μά-
καρ ὦ Δητοῖ, ἱπταί τίνας ἀγλαὰ τέκνα.

v. 5—12. *Sensus*: vos, puellae, dicite Dianam gaudentem fluviis et nemorum frondibus, quaecumque supereminet aut in Algido, aut in Erymanthi et Cragi silvis. *laetam* (χαίρονσαν, τριπομένην) *fluviis*, hinc apud Catull. Carm. lud. v. 12. *am-
nium sonantum domina* dicitur. *nem-
or. com.* quaec. *prominet*, pro vulgari: nemoribus, quae sunt celti. Qui in locutione: *nemorum coma prominet in silvis* tautologiam vix ferendam sibi deprehendisse visi sunt, diversam nemoris et silvae notionem parum perspectam habuere; *nemus* enim est pars silvae, vel locus amoenus et reconditus in silva; Ovid. Met. l. 568. *Est nemus Haemoniae, praerupta quod undique claudit Silva* celti. Ars Amat. III. 689. *Silva nemus non alta facit*, celti. Iucunda igitur in silvis Dianae fuerunt *nemora*, h. e. loca amoena et recondita, recessus, praecipue in montium iugis, quo spectare videtur τὸ prominet; possis haec *nemora* vocare *saltus reconditos*, Catullus certe l. l. v. 9 seqq. *Montium domina ut fores, Silvarumque virentium, Sal-
tuumque reconditorum*. Cl. *Mitch.* in

Quaecunque aut gelido prominet Algido,
 Nigris aut Erymanthi
 Silvis, aut viridis Cragi:
 Vos Tempe totidem tollite laudibus,
 Natalemque, mares, Delon Apollinis 40
 Insignemque pharetra
 Fraternaue humerum lyra.
 Hic bellum lacrimosum, hic miseram famem
 Pestemque, a populo, principe Caesare, in
 Persas atque Britannos 45
 Vestra motus aget prece.

CARMEN XXII

AD ARISTIVM FVSCVM.

Integer vitae scelerisque purus

Anal. T. II. p. 688. apposite cum h. l. comparat Orph. Hym. XXXI. 4. 5. *Algido*, monte prope Romam, in in via Appia. *Erymanthi*, montis in Arcadia, ubi imprimis venationis studium exercere solebat Diana; Hom. Odys. VI. 403. *Cragi* Lyciae montis; *viridis* consitus igitur hic mons fuit arboribus, quarum frondes non nigro, ut silvae Erymanthi, sed viridi colore fuere conspicuae. v. 9. *Tempe*, buius amoenissimae in Thessalia vallis, ubi Apollo suaviter interdum cum Musis delitescere solebat, descriptionem dedit Aelianus Var. Hist. III. 4. *fraterna—lyra*, lyram enim Apollo debebat fratri suo Mercurio, qui sup. I. 40. 6. *lyrae parens* dicitur.

v. 13—16. *Hic*, Apollo, deus averruncus, *bellum lacrimosum*, triste, exitiosum: Hom. πόλεμον δακρυόεντα, *bellum lacrimabile* dixit Vir-

gilius Aen. VII. 604. v. 15. *Persas* h. e. Parthos, Romanis infestissimos. — *Britannos*, ut populum remotissimum, *orbis* (ut dicuntur infr. I. 35. 29.) *ultimos*. aget propulsabit. Cum fine huius carminis Cl. Mitsch. comparat Philippi Thessal. Ep. XLVII. Anth. Gr. T. II. p. 208. Ζηνός καὶ Ἀητοῦς Δημοσκόπει τοξότι κύρη, Ἀρτεμις, ἢ Σαλάμους τοὺς ὄρεων ἑλαχίς, Νοῦσον τὴν στυγερὴν αὐθιμῆρόν ἐκ βασιλῆος, Εὐδοκιάτου πέμψαις ἀχρεὺς ὑπερβορέων.

CARMEN XXII.

Poëtas pietate et innocentia sua multo fortius, si in vitae periculum adducti fuerint, quam ceteris armis omnibus, defendi, id se ipsum nuper, cum horrendae magnitudinis lupus sponte eum in silva Sabina,

HOR. TOM. I

E

Non eget Mauris iaculis, neque arcu,
Nec venenatis graviora sagittis,

Fusce, pharetra:

Sive per Syrtes iter aestuosas,

Sive facturus per inhospitalem

Caucasum, vel quae loca fabulosus

Lambit Hydaspes.

Namque me silva lupus in Sabina,

Dum meam canto Lalagen, et ultra

ubi deficius in meditatione carminis amatorii ultra terminum progressus esset, inermem adeo fugerit, expertum esse, cum amico suo Fusco in hoc carmine communicat. Qua quidem experientia adeo in persuasione de singulari, qua pii poetae fruuntur, deorum tutela se confirmatum esse ait, ut nullus dubitet, quin tutus ab omni periculo, ubique terrarum, securus animo amoribus suis canendis vacare possit. — Simile vitae periculum, quod iam olim a se puero, ut futuro poeta, singularis deorum cura averterit, narrat infr. III. 4. 9. seqq. — Ceterum ad eundem *Aristum Frosone*, grammaticum et rhetorem, et Horatio amicissimum, scripta quoque est Epistola decima Lib. I. cf. Sat. 4. 9. 61.

v. 4—8. *Integer vitae*, pro vulgari; *vir integrae vitae*. sic infr. Sat. II. 3. 200. *integer animi* et apud Ovid. Met. IX. 440. *integer aevi* pro: vir aetatis adhuc integre. *Mauris iaculis* h. e. Mauretaniciis, quibus Mauri ob pericula a feris bestiis, quibus scatebat eorum regio, sibi timenda instructi esse debebant; *graviora*, sublimius pro: plena, referta; sic Graecis ἐν-χύμων, ἐνόςμωτος. v. 5—8. vulgarem sententiam: quamvis iter ei faciendum sit per loca periculosissima,

docte exornavit. *Syrtes*, loca Syrtibus (h. e. vadis illis arenosis in mari ad extremae Africae littus, hodie: *Golfe de Sidra et de Gabes*) adiacentia; similiter Nostrer infr. II. 20. 15. per *Syrtes Gaetulas* et Virgil. Aen. IV. 41. per *Syrtem inhospitam* extremae Africae oras designat; *aestuosas*, ob arenam a solis aestu ibi ferventem; sic Iupiter Hammon ab arenae aestu in Libya, ubi eius templum fuit, apud Catull. VII. 5. *aestuosus* dicitur; et sic apud eundem XLVI. 5. *Nicoea aestuosa*. *inhosp. Caucasum*, montem inter Caspium et mare Nigrum situm, qui, quia ob ferarum, quae ibi latibula sua habent, immanitatem et locorum vastitatem inhabitabilis est, eleganter *inhospitalis* ὀξεύος, ἀβάρος, ἀνέσθωτος, Aeschyl. Prom. 49.) dicitur. — *fabulosus Hydaspes*, Indiae fluvius; et *fabulosus* referunt ad miras narrationes, quae de immanibus eius bestiis et monstria, uti de tota India, circumferuntur, respexit nempe poeta fabulas, quas nunc ignoramus; *lambit* exquisitis pro: alluit.

v. 9—16. *ultra terminum* h. e. extra terminum, intra quem alias circumvagari solebat in silva Sabina; animum enim, qui iam totus in meditatione carminis erat, ad viam non

Terminum curis vagor expeditis,
Fugit inermem.

Quale portentum neque militaris
Daunias latis alit aesculetis,
Nec Iubae tellus generat, leonum
Arida nutrix.

Pone me, pigris ubi nulla campis
Arbor aestiva recreatur aura;
Quod latus mundi nebulae malusque
Iupiter urget:

Pone sub curru nimium propinqui
Solis, in terra domibus negata:

15

adverterat; *curis expeditis*, exquisitius pro vulgari: animo curis soluto et expedito; sic apud Catull. XXXI. 7. *O quid solutis est beatius curis!* pro: animo curis soluto, ubi cf. quae de hoc loquendi genere notavimus; adde Mitsch. ad h. l. v. 13. *Quale portentum*, qualem monstrosam belluam. *Daunias* sc. terra (γῆ) Apulia, quae infr. IV. 14. 26. *regna Daunii Appuli* vocatur; *militaris*, bellicosa, nam et Appuli et Marsi inprimis inter milites Romanos virtute bellica insignes fuisse; cf. infr. III. 5. 9. *latis aesculetis* h. e. vastis et late porrectis aesculorum nemoribus. *Iubae tellus*, Mauretania, quae Iubae ditioni subiecta fuit. *leonum arida nutrix* h. e. arida illa regio, quae leones inprimis nutrit; tō *arida* referendum ad terrae naturam, quae solis ardore exusta, torrida et siticulosa; ut infr. Epod. 3. 16. *Appulia* vocatur, fuit; *nutrix leonum* similiter Phrygia *Ἰππία λεόντων* appellatur in Anth. Graec. Epigr. Ἀδίστ. CLXXIV. 4. T. IV. p. 152.

v. 17—24. Nexus et sensus: certissime igitur de singulari, qua dū me pium et innocentem poetam tuentur, cura persuasus in desertissimis terrae regionibus, sive in zona frigida, sive in zona torrida, securo animo, amoribus meis vacare potero. — *pigr. ubi nulla campis* cett. sequitur primum *frigidae*, deinde *torridae* zonae descriptio, quarum altera ob nimium frigus, altera ob nimium solis ardorem ab hominibus non habitari posse putabatur. Veterum de quinque zonis opinionem ad elegantissimam earum descriptionem apud Virg. Georg. I. 233. docte et accurate exposuit Vossius; cf. Tibull. IV. 1. 153. Ovid. Met. I. 46 seqq. — *pigr. camp.*) *pigri campi* sunt steriles, ubi omnia torpent; similiter *pigra hiems* apud Ovid. Am. III. 6. 94. et *inera bruma* apud Nostr. infr. IV. 7. 12. *aestiva aura*, mitioris, qualis aestate spirare solet, aerae adflatu. *malus Iupiter*, spissus et frigidus aër; *urget*, tanquam onus premit, incubat. v. 22. *domibus* ne-

Dulce ridentem Lalagen amabo,
Dulce loquentem.

CARMEN XXIII

AD CHLOEN.

Vitas hinnuléo me similis, Chloe,
Quaerenti pavidam montibus aviis
Matrem, non sive vano
Aurarum et silvae metu.
Nam seu mobilibus vepris inhorruit
Ad ventum foliis, seu virides rubum

5

gata pro vulgari: inhabitabili. *Dulce*
rid. *Lalag. am.* *Dulc. loqu.* ibi quoque
in amore, quo dulcissimam Lalagen
amplector, securitatem mihi praesta-
bit pietas mea et innocentia; *dulce*
ridentem — *dulce loqu.* Graecorum
ἡδὺ γελᾶν, ἡδὺ λαλεῖν.

Ἀτὰρ νεβρὸν νοσθιλέα γαλαθινόν,
ὃς ἐν ὕλῃ
Κερόεσσης ἀπολαίγθεις ὑπὸ μητρὸς
ἐπτοῖσθαι.

CARMEN XXIII.

Chloen, quam, viro licet iam tem-
pestivam, delicias tamen, quas poëta
in amore apud eam facturus erat,
trepido animo refugientem, nec a
sinu matris se avelli patientem, sua-
viter cum hinnulo, qui levissimo
quoque strepitu exterritus anxie ma-
trem in silvis quaerere soleat, com-
parat, ut, relicta tandem matre, se,
a quo nihil crudelitatis ei timendum
sit, sequatur, permovere studet. —
Graeci cuiusdam poëtae imitationem
cum totius carminis color prodit, tum
fragmentum apud Athenaeum IX.
42. (quod Anacreonti vulgo tribui-
tur) sic a Bentleio relictum:

v. 4—4. *Hinnul.*) *hinnulus*, pro
hinnulus, ut supr. I. 47. 9. *haedulcae*
pro haeduli. *pavidam*, iam non sua
tantum, sed pulli quoque pericula
paventem. *non sine van. aur. et silv.*
metu, dum per levissimum quemque
ab aura in silvis excitatum strepitum
vano timore percellitur.

v. 5—8. Vulgata lectio: *Nam seu*
mobilibus veris inhorruit Adventus fo-
liis, servata et defensa a novissimis
editoribus, sane, quod attinet dictio-
nis elegantiam et doctam orationis
inversionem: *adventus veris mobilibus*
foliis inhorruit pro: mobilia folia
inhorruerunt adventu veris (h. e.
venti vernalis, Zephyri, flatu), Ho-
ratio dignissima est, sed, si rem
spectas, difficultatibus illa laborat,
quas non tam facile expedias. Nam
primum arbores novum sub veris

Dimovere lacertae,
 Et corde et genibus tremit.
 Atqui non ego te, tigris ut aspera,
 Gaetulusve leo, frangere persequor.
 Tandem desine matrem
 Tempestiva sequi viro.

40

CARMEN XXIV

AD VIRGILIUM.

Quis desiderio sit pudor aut modus

adventu induerunt folia, quae ventus movere et impellere possit; deinde hinnuli non sub veris adventu, sed sub eius fine, mense Iunio demum, quo nascuntur, matres suas sequi solent; alunt quidem, plurimas in Italia esse arbores silvestres, v. c. laurum, myrtum cett. quae hieme non priventur foliis, vel per folia mobilia ea, quae in terram deciderint, intelligi posse, cervas autem et capreas per duos et tres annos secum ducere hinnulos; sed illas arbores vel arida folia, humi iacentia, potestam respexisse, vix probabile, et alterum de hinnulis falsum est; caprearum enim et cervarum pulli, iam unum annum nati, neque amplius sunt hinnuli, neque matribus amplius adhaerent, multo minus eas pavidas in silvis quaerunt; itaque cum omnes has difficultates removeat plane ingeniose et levissima mutatione a Bontleio constituta lectio, ubi *vepris* et *rubus* egregie sibi respondent, eam, in textum receptam, secutus sum. — *mobit. foliis inhorrat, ἀπλῶς*, leni mobilium foliorum horrore h. e.

agitatione impelli solet. *ad ventum* h. e. flante vento; Ovid. Trist. I. 10. 3. *Sive opus est velis, minimam bene currit* (sc. navis) *ad auram* h. e. minima aura flante.

v. 9—12. *Gaetulus leo*, leo Africanus, pro quovis alio, quia leonum parens et nutrix est Africa, cuius pars Gaetulia. *te frangere persequor*, Graeca pro: te frangendam, vel ut te frangam; *frangere*, de belluis immatioribus pro: discerpere, dilaniare, ἀγνύω. *tempestiva viro* h. e. nubilis, ὡπρὶς γάμων. Suaviter puellam nubilem Virg. Aen. VII. 53. describit sic: *Iam matura viro, iam plenis nubilis annis.*

CARMEN XXIV.

Virgilium, graviter de morte Quintilii dolentem, consolaturus, consolandi rationem init longe prudentissimam. Non enim, quae sapientes de supprimendo dolore iactare solent, praecepta repetit, sed iustum piisque de carissimi amici morte dolorem probat, immo mollissimo animi

Tam cari capitis? Praecepte lugubres
Cantus, Melpomene, cui liquidam Pater
Vocem cum cithara dedit.

Ergo Quinctilium perpetuus sopor
Urget? cui Pudor, et Iustitiae soror,
Incorrupta Fides, nudaque Veritas
Quando ullum inveniet parem?
Multis ille bonis flebilis occidit:

affectu in eius societatem venit, et, laudatis singulis Quinctilii virtutibus, eum, qui non solum a Virgilio, quamquam ab eo praecipue, sed etiam ab omnibus bonis delectatur, dignissimum esse ait; et sic ad patientiam, qua levius feratur, quicquid mutari nequit, Virgilio commendandam, egregie sibi viam munit. — Scriptum hoc carmen esse ad magnum illum poetam, Maronem, eum ex summa, quae inter utrumque poetam viguit, amicitia, tum ex vv. 3. 44. colligi potest. — *Quinctilius* autem idem esse videtur, cuius *iudicium acutum* et *severum* infr. A. P. 438. laudatur, de quo Hieronymus Chron. Euseb. ad Olymp. CLXXXIX. 1. (V. C. DCCXXIX.) haec notat: *Quinctilius Cremonensis, Virgillii et Horatii familiaris, mortuus*.

v. 4—4. *Quis des. sit pud. aut mod. tam car. cap.* quam pulcre et breviter pro vulgari: Cui, quæso, dedecori sit desiderium, quo tam carus amicus efflagitur, vel quis modum in eo tenere, h. e. ab eo sibi temperare, valet? *tam car. cap.* tam boni et dilecti amici, φίλος ἀγαπῶν. *Praecepte* h. e. doce me canere, præcine. *Muse* igitur delegat partes, quas pro doloris gravitate se ipsum sustinere posse desperat; et sic passim poetæ

res gravioris momenti Musis memorandas demandant; cf. Catull. LXVIII. 45. Virgil. Eclog. VIII. 63. *translatum* autem est τὸ *praecipere* e re scenica, ubi chori magistri carmina choro canenda *praecipiant* h. e. praecinent. *Liquidam* h. e. claram, sonoram, dulcisonam; sic apud Ovid. Am. I. 43. 8. *liquidam cantare* dicuntur aves, quibus Lucretius V. 1378. *vores liquidas* tribuit. *Pater* h. e. Iupiter, qui Musas et Mnemosyne procreasse dicitur.

v. 5—8. *Ergo Quinct. perp. sop. urg.* pro vulgari: ergo Quinctilius mortuus est? — *perp. sopor* *sopor* vel *somnus*, qui *Leti consanguineus* (Virg. Aen. VI. 278), *modo perpetuus*, ἀείπων, *modo longus*, μακρός, ὡς γῆρας, *modo ferreus*, χάλκτος, dicitur, sexcenties de morte. Virgil. Aen. IX. 745. *Ille dura quævis oculos et ferrens urget Somnus, in aeternam clauduntur lumina noctem.* cf. ad Catull. V. 6. *cui Pud. et Iust. sor. cett.* quo quis unquam reperiri poterit modestior, iustior, sanctior, et candidior? observent tirones in magnifico huius simplicis sententiae ornata poetæ artem. *Pudor*, de *Pudore*, ut Deo; Cf. *Misch.* laudat Euripidis *Fragn.* Hippol. apud Stob. t. 31. *incorrupta*, corrupti ne scia, sancta, intacta.

Nulli flebilior, quam tibi, Virgili.
 Tu frustra pius, heu! non ita creditum
 Poscis Quinctilium Deos.
 Quod si Threicio blandius Orpheo
 Auditam moderere arboribus fidem,
 Non vanae redeat sanguis imagini,
 Quam virga semel horrida,
 Non lenis precibus fata recludere,

10

15

v. 11—12. *Tu frustra p. h. non ita credit. posc. Quinct. deos.* sensus, docta loquendi breuitate paulo impeditior, est fere hic: tu susceperas quidem pia vota pro vita Quinctilii, sed frustra, haec eheu! nunc poscis a diis, ut reddant tibi Quinctilium, quem (non ita) longe alia conditione, non, ut eum mori paterentur, sed ut eum servarent, eorum fidei credideras. *creditum*, nimirum ex prisco et priscis opinioibus accommodato loquendi usu, qui vota suscipiunt, diis aliquid credere, et dii, quod sub votorum conditione iis creditum est, debere dicuntur.

v. 13—20. *Sensus:* Quamvis dulcis caneres Orpheo, cui arbores adeo aures praebuere, Quinctilii tamen animae, semel inexorabilis Mercurii virga ad inferos compulsa, nunquam in corpus redibit, h. e. Quinctilium semel mortuum haud in vitam revocabis. Nuperrime prolata in edit. *Vanderburgii* lectio: *Quid? si Threicio — Num vanae redeat — gregi?* quam tantopere aliis placere video, mihi quidem parum placet. Immo haud temere sollicitandam esse particulam *non*, cum gravitate positam, satis de cent alia loca, huius nostro similima; infr. IV. 7. 23. *Quam semel occideris; et de te splendida Minos fecerit arbitria, Non, Torquate, ge-*

mus, non te facundia, non te Restitue pietas. et II. 14. 5. *Non si trecentis, quotquot eunt dies, Amice, places il-lacrimabilem Plutona tauris.* et sic passim. *moder. fidem*) fidem moderari, ut lyram temperare, propulsare. — *auditam arboribus* cf. supr. 1. 12. 11. *arboribus* est casus tertius. *Non van. red. sang. imag.* vana imago, h. e. anima sine corpore, non redeat in corpus, quod vim vitalem a sanguine accipit, h. e. in vitam humanam. *Animae mortuorum*, quia externam speciem corporis, quod in vita habuerunt, repraesentare putabantur, dicuntur *imagines* (*σινδύματα*), sed *vanae* et *inanes*, sanguine quippe, carne et ossibus h. c. vero et solido corpore destitutae; — in sententiam commode Cl. *Mitsch.* laudat Aeschyl. Agam. 1026. sequi τὸ πρῶτον δ' ἀπαξ ἐπὶ γὰρ Προπάποθ' ἀνδρὸς Σαρδάσιον Μέλαν αἶμα τίς ἂν Πάρις ἐγκαλέσται ἐπασίδων; *horrida* hortorem ineu-tiente, nisi potius ad significationis proprietatem de virga aspera, ramulis nempe sursum erectis, compacta, explicandum sit; *aurea virga* tribuitur Mercurio ψυχροτόμῳ supr. 1. 10. 48. ubi cf. not. *non len. prec. fata reclud.*, non audiens preces, ut viam, qua, qui ex fato ad Orcum destinati sunt, in vitam redeant, recludat et aperiat; nam, ut Oppian. Halicut.

*

Nigro compulerit Mercurius gregi.
 Durum! Sed levius fit patientia,
 Quidquid corrigere est nefas.

CARMEN XXV

AD LYDIAM.

Parcius iunctas quatiunt fenestras
 Ictibus crebris iuvenæ protervi,
 Nec tibi somnos adimunt: amatque
 Ianua limen,

IV. 394. ἀνέκβρατος αἶθερς εὐνὴ, ubi plura exempla in hanc sententiam conegessit Rittersh. *fata* igitur recludere docta brevitate pro: viam ex Orco in vitam redituris oclusam recludere. *lenis fata recludere* Graece, ut saepe apud Nostrum, ut *fata recludat*, ad *fata recludenda*. *nigr. comput. gregi.* similiter Mercurius animas, ut pastor gregem, virga sua compellens inducitur apud Lucian. Catapl. § 3. πλεσιὼν αὐτὸς οὗτος (Mercurius), ὡς ὀρεῖς, πολλοὺς τινας ἡμῖν ἄγων, μᾶλλον δὲ, ὥσπερ τι αἰπόλιον, ἀθρόους αὐτοὺς τῇ ῥάβδῳ σοβῶν.

CARMEN XXV.

Lydiam, iam senescere, et ab amatoribus, quos superbe forma adhuc potens tractaverat, deserui incipientem, petulantē hoc carmine exagitat Horatius. Auguratur nempe poeta, fore, ut Lydia, quae tanto fastu amatores reiecerit, fiat in posterum prostibulum. — Graecum quendam poetam,

tam, quem Noster expressisse videtur, totum carmen spirat. — Ceterum compara infr. III. 45 et IV. 43. ubi Chloridem et Lyeen, ut vetulas, similiter fere traducit.

v. 4—8. *iunc. quat. fen.) fenestrae iunctae*, sunt valvae, *fenestris* (h. e. parietum foraminibus, quibus lux immittebatur) iunctae; nam tum temporis fenestrae, nondum ex vitro factae, valvis inprimis muniri solebant; hinc *fenestrae bifores* apud Ovid. ex Pont. III. 3. 5. et Amor. I. 5. 3. *Pars adaperita fuit, pars altera clausa fenestrae*; itaque *fenestrae iunctae* valvis, vel valvae iunctae fenestris, iam sunt, *clausae*. — *protervi* (ἀπειθεῖς) refert ad lascivam petulantiam iuvenum, qui iteratis ictibus fenestras quatiendo admitti cupiunt. *Nec tibi somnos adimunt.* vim sarcasmi quis non sentit? laudant Propert. II. 16. 5. ad Cynthiae rus profectam: *Nulla neque ante tuas orietur rixa fenestras, Nec tibi clamiquae somnus amarus erit. amatque Ianua lim.*

Quae prius multis facilis movebat
Cardines. Audis minus et minus iam :

Me tuo longas pereunte noctes,

Lydia, dormis !

Invicem moechos anus arrogantes

Flebis in solo levis angiportu :

Thracio bacchante magis sub inter-
lunia vento :

Cum tibi flagrans amor, et libido,

Quae pr. m. fac. mov. card. et ianua, cuius cardines saepe multumque antea movebantur, nunc amanter quasi limini suo adhaeret; suaviter pro vulgari: et nunc raro amatores intrant ianuam, quam prius celebrabat amatorum frequentia; *ianua amat* (φιλά) *limen*, amanter quasi consuescit cum limine; h. e. raro aperitur. cf. infr. II. 3. 40. *multum facilis*, facilissima, paratissima, pro saepissime. — *Me tuo celi*. sunt verba iuvenis, noctu ante aedes, puellae porrecti (ὑπαυλόντες) et carmen flebile (παρὰ λανθάνον) quale est infr. III. 10. ut intromittatur, canentis. — *pereunte*, frigore nempe et imbris, ut infr. I. 4. 4—7. *longas noctes*, notissimus in hanc rem est versus infr. Epp. I. 4. 20. *Vt nox longa, quibus mentitur amica, diesque Longior*. Comparant Asclepiadis Ep. XXIII. Anthol. Graec. T. I. p. 448. Νύξ μακρὴ καὶ χεῖμα, μέσην δ' ἐπὶ Παύσας δύνει, καὶ γὰρ πᾶρ προθύροις νύκτωρ αὐτὸς, Τρωθίς τῆς θαλάσσης Ἑλένης πόθω.

v. 9—12. *Invicem celi*, sensus: tu vicissim mox anus levis, sub interlunia, ubi multo magis et vehementius furere solet Boreas, in viis solis

et angustis copiam tui factura, moechos adeo arrogantes esse et te contemnere dolebis. *angip.*) *angiportus* et *angiportum* via angusta et parum ab hominibus frequentata; hinc dicitur *solus* h. e. desertus; Terent. Eunuch. V. 2. 6. *ubi vidi, ego me in pedes, quantum queo, in angiportum quoddam desertum*; prostare autem ibi solebant scorta, ut eum Catullo loquar, *semitaria*. *Thracio vento* h. e. Borea; sic infr. Epod. 43. 3. *Threicius aquilo*, Graecis enim ex Thracia, ventorum patria, flabat Boreas. *bacch. mag.* *to magis* ad *bacchante* referendum esse puto, cum vere venti *sub interlunia* h. e. eo temporis intervallo, ubi hec vetus, nec nova luna conspicitur, vehementius, ut tradit Veget. IV. 40. saevire soleant. — Cl. *Mutsch.* sublata post *vento* interpunctione *to magis* ad *saeviet* in v. 15. trahit, et verba ita inter se conciliat: *quoniam tibi amor et libido circa iecur saeviet magis quam Threicius ventus, qui sub interlunia bacchatur*. sed, ut fatear, haec ratio nimis dura mihi videtur.

v. 13—20. *Cum tibi flagrans celi*, quam graviter! pro vulgari: cum libidinis explendae eris cupidissima?

Quae solet matres furiare equorum,
Saeviet circa iecur ulcerosum;

45

Non sine questu,
Laeta quod pubes hedera virenti
Gaudeat pulla magis atque myrto:
Aridas frondes Hiemis sodali

Dedicet Euro.

20

CARMEN XXVI

DE AELIO LAMIA.

Musis amicus, tristitiam et metus

matres fur. equor. Graecorum inpro-
priet. circa iecur, ut irae et cupi-
ditatum, ita et libidinis sedem; cf.
supr. I. 43. 4. Apposite Cl. Mitsch.
laudat Theocrit. XI. 46. ἔχων ὑποκάρ-
θον ἔλκος Κύπριδος ἐκ μεγάλης τὸ οἶ
ἤπατι πᾶσι βέλεινον. et XIII. 71.
χαλιπὸς γάρρ' ἐσσι Διὸς ἤπαρ ἀμύσσειν.
Hinc Macedon. Epigr. VIII. Anth. Gr.
T. III. p. 83. Ἀἴξον ἔρωι κραδίης τε
καὶ ἤπατος. ubi cf. Jacobs. in Com-
ment. *ulcerosum*, libidinibus foede
laceratum, gravius pro simplici: li-
bidinosum. *Laeta quod pubes* cett.
quod laeta iuventus magis delectetur
virente hedera atque pulla myrto,
at frondes aridas ventis dissipandas
tradat; suavisima allegoria! pro:
quod iuvenes magis delectentur puel-
lis aetate florentibus, et vetulas faces-
cere iubeant. *hedera virente*, cum
hedera passim puellae tenerae com-
parantur; cf. infr. I. 36. 20. Et Epod.
45. 5. *pulla*, nam myrti frondes,
tenerae imprimis et recens efflorescen-
tes, subnigri et fusi fore coloris

suut; cum myrto Manlii aponsam,
Iuliam, comparat Catull. LXI. 24.
*Floridis velut enitens Myrtus Asia ra-
mulis.* *aridas frondes*, similiter ve-
tulas per *quiescent aridas* designat No-
ster infr. IV. 43. 9. Cl. Mitsch. com-
parat in hanc rem Aeschyl. Agam. 79.
et Macedonii Epigr. XVI. 7. 8. Anthol.
Graec. T. IV. p. 83. *Hiemis sodali
Euro*, similiter infr. IV. 42. 2. Ze-
phyri *veris comites* dicuntur.

CARMEN XXVI.

Musis, quibus se cordi esse ait,
vacaturus, et carmen in Lamium
suum compositurus, tristitiam, me-
tum, et quicquid curarum publica-
rum aliorum animos laceret, procul
a se abesse iubet. Sed dum canendis
Lamiae laudibus se imporem esse
sentit, eum Musarum uni, quam ap-
pellat, celebrandum commendat; qua
quidem ad Musam conversione poetam
Lamiae suo plus dignitatis et hon-
oris, quam longis verborum laudis-

Tradam protervis, in mare Creticum .

Portare ventis : quis sub Arcto

Rex gelidae metuatur orae ,

Quid Teridatem terreat, unice

Securus. O , quae fontibus integris

6

que strophis, conciliasse, suus quemque sensus docebit.—Fuit autem poetae nostri amicus Q. Acilius Lamia tam generis antiquitate (cf. infr. ad III. 47. 4.) quam doctrina et rebus bello Cantabrico gestis clarus et nobilis.—Ceterum hoc carmen V. C. DCCXXX. scriptum esse, ex rei de Teridate facta mentione colligi potest.

v. 4.—12. *Musis amicus*, ego, qui Musas amo, et ab iisdem vicissim amor, pro vulgari: ego poeta, et hoc iam pro: ego, dum carmen in Lamiam meum meditor; comparant Virgil. Aen. IX. 774. *amicum Crethea Musis, Crethea Musarum comitem*, cui carmina semper Et citharae cordi, numerosque intendere nervis. Similiter *ῥῖος Μοισῶν* apud Theocr. VI. 95. —*trist. et med. trad. prot.* cett. omnes curas et sollicitudines ex animo dimittam; — nam poetarum animus omni sollicitudine liber et vacuus esse debet; hinc Ovid. Trist. I. 4. 39. *Carmina proveniunt animo deducta sereno.* cf. eundem Trist. V. 12. 3. et Enripid. Suppl. 180 seqq. *trad. prot. vult.* *ventis aliquid tradere* nota loquendi apud poetas ratio de rebus, quas vel procul a nobis avertere cupimus, vel parum curamus et leviter ex animo dimittimus; sic Graecis *ἀρπάζει* vel *ἀρπάζειν* dicitur. Anacr. Fragm. II. 9. 10. *Ἐπὶ τὸν ῥῖον πᾶν ἀρπάζει* *Θέλειν ἰδῆναι δέον*; Plura in hunc rem loca enotavit Cl. Schenck ad h. l. et Corda ad Virg. Aen. IX.

373. *protervis* h. e. petulanter insultantibus; similiter *Austros procaes* dixit Virgil. Aen. I. 536. et Eurns *petulantes* Lucret. VI. 410. *Creticum*, epitheton ornans, pro quovis alio; *tradam portare Graece* (*πίπτειν δίδωμι*) pro tradam portandos, *quis s. Arct.* *R. g. m. or. Qu. Ter. ter. un. Sec.* poeta volebat subiicere: a curis, quibus alii terrentur, alienissimus. Iam vero cum eo ipso tempore vel maxime de rebus suis sollicitus esset Teridates, eius timorem, tanquam illustre, et tum omnibus notum, exemplum ponit. Teridates nempe, iam semel a Phraate a regno Partiorum pulsus, sed deinde, vicissim Phraate a populo eiectione, eidem praefectus, iam nuncio allato, regem Scytharum Phrantis in regnum restituendi causa magnum contra se ducere exercitum, novis terrebarum periculis; — *quis* quibus, cui populo, Parthis nempe, *rex gelidae orae sub Arcto* regionis Arctoe, borealis, rex Scythicus; *quid*, quale periculum; *unice*, proinus, plane. v. 6. *O, quae font.* — *Pimplei dulci* iam carmen in Lamiam suam exornatus repente se convertit ad Musam, quasi ei soli carminibus tantum virum aeternitati commendandi data sit facultas; *fontibus integris*, a nemine adhuc tactis; *fontes integri*, per quos designatur poetis lyrica, respondent novis fidibus. v. 10. et *Laobio plectro* v. 11. Horatius nempe prius ex fontibus, quos nemo adhuc Romanorum teti-

Gaudes, apricos necte flores,
 Necte meo Lamiae coronam,
 Pimplei dulcis; nil sine te mei
 Possunt honores: hunc fidibus novis,
 Hunc Lesbio sacrare plectro,
 Teque tuasque decet sorores.

CARMEN XXVII

AD SODALES.

Natis in usum laetitiae scyphis

gerat, hausit, h. e. primus Romanorum possin lyricam tentavit; *apric. nect. fl. Nect. m. La. cor.* pro vulgari carmine Lamiam meum celebra; *corona*, quem nectere et capiti alicuius imponere dicuntur poetæ, passim de carmine, quo laudes alicuius celebrant; sic apud Virgil. Eclog. VIII. 42. de carmine Asinio Pollioni sacro: *atque hanc sine tempora circum Inter victrices ederam tibi serpere lauros.* et sic apud Pind. Nem. XII. 443. *στεινὰ νοῦς ἔργον* et Olymp. VI. 447. *ὑμνοῦς πλέκτον*. plura dabit Cl. Mitsch. — *Pimplei*, Πιμπληϊ, Musa, a Pimpla, vel Pimplea, Thraciae fonte, Musis aëro. *dulcis*, a cantus dulcedine, *ἡδυμενής*. *honores*, carmina, sic τιμαὶ κλυταὶ apud Pindar. Nem. IX. 24. cf. Mitsch. *fidibus novis*, earmine novo, h. e. lyrico, quale nemo apud Romanos ante Horatium cecinit, vel, ut ipse ait infr. III. 30. 43. quod *princeps ad Italos modos deduxit*. *Lesbio plect.* cf. *supr.* I. 4. 34.

computatione versantem, et streant ibi modimperatoris partes agentem. Vix enim sodales, qui nimium vino incaluerant, rixantes, tumultuantes, et poculis invicem se petentes videt, cum statim non sine indignatione exsurgit, eos graviter increpat, et non solum sublato barbarorum inter vina more se quietos tenere iubet, sed eorum animos quoque re, multo magis computationi conveniente, occupare, et sic a rixa et clamore incondito ad iocum et hilaritatem avertere studet. Appellat igitur rixantium unum, quocum haud alio pacto, nisi is statim puellae, quam amet, nomen sibi indicaverit, se bibiturum esse ait; ille primum recusare et tergiversari; Horatius eo acrius instare, et tam laudando eius in amore honestatem, quam fidem et taciturnitatem suam promittendo, ei tandem persuadere, ut clam puellae nomen sibi in aures inusurret. Quo audito, sodalis amorem, e quo, cum semel ille a puellae istius illecebris in eum se irretiri passus sit, expediri omnino nequeat, exhorrescit, et miseram eius sortem dolet. — Compara similis co-

CARMEN XXVII.

Conspicimus iam poetam in media

Pugnare, Thracum est: tollite barbarum
 Morem, verecundumque Bacchum
 Sanguineis prohibete rixis.
 Vino et lucernis Medus acinaces
 Immane quantum discrepat! impium
 Lenite clamorem, sodales,
 Et cubito remanete presso.
 Vultis severi me quoque sumere

loris carmen Anacr. LVII. 7 seqq. et Theogn. v. 485 seqq.

v. 1—4. *Natis* h. e. factis, effictis. Martial. XIV. 402. *Accipe non villi calices de pulvere natos.*—*in unum laet.* in eum finem, ut essent laetitiae instrumenta. — *scyph.*) *scyphus*, qui proprie ut *cantharus* (cf. supr. I. 20. 2.) Baccho sacer (Macrob. V. 24.) iam pro quovis poculo. — *Thracum est* sc. mos. cf. supr. ad I. 48. 9. — *ver. Bacch. sangu. proh. rix.* h. e. et a compotatione, ubi modeste et verecunde percipi debent Bacchi muna, procul abesse iubete rixas *sanguineas* h. e. ad vim et caedem spectantes. — *verecundus Bacchus* ut supr. I. 48. 7. *Bacchus modicus*, de verecundo et modico, qualis Baccho placet, vini usu. *Bacchum prohibere rixis* pro: rixas removere et arcere a Baccho; sic apud Liv. XXXI. 25. *agros sociorum populationibus prohibere* pro: populationes arcere ab agris sociorum.

v. 5—8. *Vin. et l. M. ac. im. qu. discr.* dici enim vix potest, quantum caedes a nocturnis compotationibus discrepet. *Medus acinaces*, gladius, quem Medi, h. e. Parthi (cf. supr. I. 2. 54.) gestare solebant, iam pro

quibusque armis, quibus caedes perpetratur. *immane quantum* pro vulgari: mirum quantum, h. e. longissime. *impium* h. e. insanum, quo praeter pietatem et amicitiam sodales contra sodales assurgunt. *et cubito remanete presso*, neque ex lectis vestris ad rixam surgite; *accumbentes* enim apud veteres *se reponebant* (ut infr. Nost. loquitur Sat. II. 4. 39.) *in cubito*, nempe sinistram. *presso* h. e. impresso, vel innixio sc. pulvillis substratis. Opportune in sententiam comparat Cl. Mitsch. Phocyl. (Brunck. Gnom. p. 92:) *Fr. VII. χρὴ δ' ἐν συμποσίῳ κυλίκων περινισσομένων ἡδέα χωτῶντα καθήμενον οἶνοποτάζειν.*

v. 9—12. Sodales obiurgationem magistri bibendi haud iniquo animo accepisse, imo cum, ut una secum biberet, amice provocasse videntur; hinc dicit: vos me invitatis, ut partem vini Falerni vobiscum bibam? agetum bibam, sed frater Opuntiae Megillae antea nomen puellae, quam amat, mihi significet. *severi*, austeri, amari; nam grata amaritudo pertinet ad virtutem vini Falerni; hinc Catullus XXVII. 4. *Minister vctuti, puer, Fulerni, Inger mi calices ama-*

Partem Falerni? dicat Opuntiae 10

Frater Megillae, quo beatus

Vulnere, qua pereat sagitta.

Cessat voluntas? non alia bibam

Mercede. Quae te cunque domat Venus,

Non erubescendis adurit 15

Ignibus, ingenuoque semper

Amore peccas. Quidquid habes, age,

Depone tutis auribus. — Ah miser

Quanta laboras in Charybdi!

Digne puer meliore flamma? 20

riores. *Opun. Meg.*) *Megilla* dicitur *Opuntia*, ab eius patria, Opunte, Leontidis oppido; fuit autem haec puella haud dubie pulcritudine sua tam nobilis, ut omnibus esset notissima; — in *beatus*, *vulnere*, et *perire* observent tirones suave nymorum; simili suavitate *Amor* Posidippo Epigr. XI. 4. Anth. Graec. T. II. 49. dicitur γλυκύτιμος, et apud Catull. LXIV. 95. *Sauerte puer*, *auris hominum qui gaudia uiuaces*, ubi cf. quae in hanc rem notatissimas.

v. 13—20. *alia mercede* h. e. alio pacto, alia conditione; *quae te cunque domat*, *Ven.* cett. quaecunque te captum tenet puella, non est, quod eius amoris te pudeat, nam tu semper eiusmodi sectaris amores, qui iuveni ingenuo haud dedecori sunt. — *amore peccare* simpliciter pro: amare, ut infr. I. 33. 9. et sic saepe alibi, praecipue de amore haud legitimo. — *Quidquid habes*, quamcunque demum amas puellam; similiter Catullus VI. 45. *Quare, quicquid habes boni malique*, *Dic nobis.* — *depone tutis auri-*

bus, committe mihi, cui tulo, et sine omni metu, ne exulgetur, committere potes. *quanta lab. Charyb.* pro *laboras in Charybdi* vulgè legitur: *laborabas Charybdi*, quod explicat: huc usque laborabas et adhuc laboras; sed *Bentleius*, cum neque hunc imperfecti usum in hoc loco conquire posset, neque praepositionem in ad locutionem *laborare* facile considerari posse existimaret (aliud enim esse *laborare morbo*, *frigore*, *inopia* cett., aliud *laborare in itinere*, *in silva*, *in mari*, *in puella*, ut supr. I. 47. 49.) egregie pro *laborabas* ad orationis simplicitatem iuvandam dedit: *Quanta laboras in Charybdi* h. e. quam periculosam tibi puellam amas! Visa igitur mihi est haec lectio, quam in textum reciperem, dignissima. — Suaviter autem meretrix, rapaciter amatorum bona absorbens, notae illi inter Italiam et Siciliam voragini, Charybdi comparatur; cf. Cl. *Mitsch.* qui Graecorum in hac rem exempla suppeditat: hinc Sidon. Ep. IX. 6. meretricem domesticam Charybdim vocat.

Quae saga, qui te solvere Thessalis
Magus venenis, quis poterit Deus?
Vix illigatum te triformi
Pegasus expedit Chimaera.

CARMEN XXVIII

ARCHYTAS.

Te maris et terrae numeroque carentis arenae

v. 21—24. *Thessalis venenis*, herbis potentibus (φαρμάκους) quarum in artis magicae usum feracissima fuisse dicitur Thessalia. *quis poterit Deus?* de hac proverbiali locutione in rebus perditis et desperatis vide, quae ad h. l. Cl. Müssöb. attulit. *Vix illig. te trif. Peg. expedit Chim.* pro vulgari: nullus omnino ab amore, quo ista te vinetum tenet, dissolvere poterit. — Meretrix illa, raptante sua iuvenum bonis infestissima, comparatur cum triformi illo monstro, Chimera (de quo Hom. Il. VI. 181. Πρόσθε λίων, ὄπιθεν δὲ δράκων, μέσση δὲ χίμαιρα.) quam, Lyciae regionis infestissimam, Bellerophon, Pegasi, a Minerva in hanc rem e traditi, ope, occidisse dicitur; Hesiod. Theog. 325. τῶν μὲν Πήγασος εἶλε καὶ ἐσθλὸς Βελλεροφόντης. *illigatum Chimaerae*, annexum quasi Chimaerae, h. e. amoris laquei ab hac meretrice irretitum. Bene in hanc sententiam attulit Cl. Müssöb. Epigr. XXXII. Ἀδελφ. in Anth. Graec. Tom. IV. p. 124. Παιδίω, Θρασύβουλε, σπυγνευθεὶς ὑπ' ἔρωτι Λαομαίνει, δειλὸς ὥς τις ἐν' αἰγιαλῷ Κύματος λυγρῶν δρέπανον δὲ σοι οὐδὲ τὸ Περσέως Ἀρεὶ ἀποτραῖξει

δράκων, ᾧ δίδραμι. cf. Lucill. Epigr. LXXXVIII. in Anth. Graec. T. III. p. 46.

CARMEN XXVIII.

Architas Tarentinus, Pythagoreus, profunda geometriae et astronomiae scientia pariter ac morte, qua, naufragio prope Apuliae litus facto, perisse traditur, notus, iam in hoc carmine, quod totum sententiae: *de communi moriendi necessitate*, tractandae destinatum est, cum nauta quodam loquens inducitur. Pingitur nempe nauta quidam, cum forte in Archytae corpus, fluctibus prope litus Matinum eiectionum, incidisset, mirabundus eum ita ferre allocutus esse: Ergo ne tu quidem, Archyta, mortem effugere potuisti, et nunc, qui antea immensa maris, terrae et caeli spatia emensus es, tam exiguum terrae spatium corpore occupas? cui Archytae manes inde a v. 7. usque ad carminis finem: non est, quod me occidisse mireris; Tantalus quoque, Tithonus, Minos et Pythagoras occiderunt, nec ullus quisquam moriendi necessitate exemptus est; sed diverso modo et di-

Mensorem cohibent, Archyta,
 Pulveris exigui prope litus parva Matinum
 Munera: nec quidquam tibi prodest
 Aërias tentasse domos, animoque rotundum
 Percurrisse polum, morituro.
 Occidit et Pelopis genitor, conviva deorum,

versa aetate moriuntur homines; alius in bello, alius in mari, alius in iuventute, alius in senectute morti succumbit; equidem naufragio perii; inhumato igitur mihi particula terrae iniecta lusa persolve; quod si feceris, secundam et quaestuosam navigationem tibi apprecor; et si me neglexeris, iusta huius sceleris te tuosque nepotes manebit poena,—quamvis festinas, hoc tamen pietatis officio, quod brevissimum temporis spatium exigit, antequam ulterius navigas, defungi poteris — Vestigia Graeci cuiusdam poetae, quibus Noster insisterit, ubique in hoc carmine expressa animadvertes.

v. 4—6. Nauta usque ad vers. 7. loquitur. *maris et terrae mensorem*, geometram; *numer. car. aren. mens. arithmeticae*, qua infinitum arenae numerum subducere didicerat, peritum; exstabat olim de arenae numero Archimedis liber Ψαμμίτης inscriptus. — *parva munera exigui pulveris*, ornate pro: pulvis exiguus, exigua pulveris pars; *munus*, ut saepe, inservit periphrasi. *cohibent*, apposite et cum delectu iam pulvis exiguus vel spatium arctissimum cohibere h. e. capere, retinere, coërcere, dicitur Archytam, cuius animus amplissima maris, terrae, et caeli spatia antea complexus et emensus fuerat; infr. II. 20. 8. *nec Stygia cohibebor unda*. III. 4. 80. *trecentae Pirithoum cohibent outenae*. *Litus Matinum*, de ora

Calabriae occidentalis, a Calabriae promontorio *Matino*. — *aërias tentasse domos, animoque rot. percier. pol.* pro vulgari: astronomiae operam dedisse. Similiter forte in Epigram. II. Ptolemaei Reg. Anthol. Gr. T. II. p. 65. Οὐδ', ὅτι θνατός ἐγὼ καὶ ἐρᾶμαρος ἀλλ' ὅταν ἄστρον Μαστωῖω πνευνὸς ἀμυδρόμονος ἔλκας, Οἷα εἴ' ἐπιφαῖω ποτὶ γαίης cett. *tentare aërias domos*, quod adiecta locutio *animo rotundum polum percurre* magis explicat, iam est: caelum vel caeli sidera explorare, perscrutari, emetiri; sic passim *tentare* simpliciter pro: *explorare* dicitur; Virg. Aen. III. 32. *causas penitus tentare latentes*, et supr. I. 14. 3. *Babylonios numeros tentare*. Itaque τὸ *tentare* ad impium ausum, quo Archytas, ut philosophus, in naturam deorum inquisiverit, cum Cl. Müsch. referre nolim. *animo percurre polum* dictum est, ut *mente animoque omne immensum peragere*, apud Lucret. I. 73.

v. 7—16. *Occidit et Pelopis cett.* Archytas iam nautae usque ad carminis finem respondet. — Sensus et nexus huius paulo impeditoris loci est ferre hic: Noli, quaeso, O nauta, mirari, quod ego occiderim; occidit quoque Tantalus, quamvis deorum epolis admixtus est, et Tithonus, quamvis ab Aurora in caelum raptus est, et Minos, quamvis cum ipso Iove familiariter versatus est; Pythagoras adeo, qui iam seculi Troiani belli

Tithonusque remotus in auras,
 Et Iovis arcanis Minos admissus: habentque
 Tartara Panthoiden, iterum Orco
 Demissum; quamvis, clypeo Troiana refixo
 Tempora testatus, nihil ultra

10

temporibus sub Euphōrbī, Panthoi filii, persona se vixisse refixo acuto testatus est, quamvis tum non plane morte extinctus est, quia non ipsam animam, sed nervos atque eulem tantum Morti concesserat, h. e. corporis exuvias tantum deposuerat, Pythagoras inquam, qui vel te ipso iudice magnus philosophus fuit, iterum ad Orcum demissus est. — De moriendi necessitate Archytas acquiecit in solatio, quod alii quoque viri nobiles a nobillorum ante se mortuorum exemplo petierunt. Sic Achilles apud Hom. II. XVIII. 447. Οὐδὲ γὰρ οὐδὲ βῆν Ἡρακλῆος φύγῃ Κῆρυα, ὅσπερ φιλότατος ἔσται Διὶ Κρονίωνι ἀνακτι. cf. eundem Lib. XXI. 407. Lucret. III. 4038. et 4055. Virgil. Aen. X. 469. seqq. et Noster infr. II. 46. 29. IV. 7. 44. *Pelopis genitor*, Tantalus, rex Lydiae, qui, cum esset opulentissimus, ipsos deos ad convivia vocasse, et ab iisdem vicissim eorum mensis adhibitus fuisse dicitur; cf. Euripid. Orest. 9. Pind. Olymp. I. 86. Ovid. Met. VI. 473 seqq. hinc *conviva deorum*. — *Tithonus*, Laomedontis, regis Troiani, vel frater vel filius, ob insignem corporis pulcritudinem ab Aurora in auras quidem remotus h. e. in caelum raptus, (ὃν ἀστέρων ut, Euripid. Troad. 855. loquitur, τῶριππος ἔλαβε κρόσσος ὄχος ἀναπνέας) sed longa senectute (cf. infr. II. 46. 30.) quam ab immortalitate, a love ei concessa, deprecari Aurora neglexerat, consumtus esse fingitur; cf. Hygin. Fab. 270. *Iov.*

arc. Min. admiss. Minos, rex ille Cretae, quia ad leges, quas tulit, sanctiores et augustiores reddendas, se Iovis consortio, familiaritate et consiliis uti calide iactaverat, *Iovis arcana* (sc. colloquiis, consiliis) *admissus* dicitur. Hinc ille apud Hom. Od. XIX. 179. Διὸς μεγάλου ὀφραρχῆς audit, de quo Pausan. III. 2. 207. βουλευσασθαι ὑπὲρ τῶν νόμων οὐκ ἀνευ Διὸς τὸν Μῖνον. *habentque Tart.* *Panth.* Archytas iam pio gratoque animo in virorum nobilissimorum censum refert quoque magnum suum praeceptorem Pythagoram, qui positam de metempsychosi sive animarum migratione doctrinam, cum non solum se Troiani belli temporibus *Panthoidem*, Panthoi filium, Euphorbum, fuisse affirmasset, sed id quoque *clypeo*, quem se Euphorbum gestasse aiebat, in templo lunonis haud procul Mycenis, ubi ille inter alia ἀναθήματῃ affixus esset, *refixo* (h. e. detracto) et vere Euphorbi nomine, uti praedixerat, inscripto, comprobasset, suo ipsius exemplo stabilivisse dicitur; v. Ovid. Met. XV. 160 seqq. cf. Interpp. ad Aelian. V. H. V. 26. et ad Diog. Laërt. VIII. 5. *iterum Orco demissum*, h. e. iterum mortuum, nam semel, necatus nempe, cum Euphorbus esset, a Menelao, ad Orcum demissus erat, ubi tamdiu eius anima latuit, usque dum in novum corpus ei migrare liceret. *quamvis*, cum haec particula non ad *testatus* sed ad con-

HOR. TOM. I

F

Nervos atque cutem Morti concesserat atrae;

Iudice te non sordidus auctor

Naturae verique. Sed omnes una manet nox, 15

Et calcanda semel via leti.

Dant alios Furiae torvo spectacula Marti:

Exitio est avidum mare nautis:

Mixta senum ac iuvenum densentur funera; nullum

Saeva caput Proserpina fugit. 20

cesserat referenda ait, distinctionis signum post eam posui. *Iudice te*, ut tu ipse iudicabis; nam cum in inferiore Italia, haud dubie huius nautae, h. e. mercatoris, patria, Pythagorae nomen celebratissimum esset, sane de iudicio, quod ille de Pythagora laturus esset, certius esse potuit Archytas; itaque lectio *Iudice me*, quam ex conjectura aliorum in textum recepit *Iam*, neutiquam probanda est, praecipue cum Pythagorae commune et publicum de eo iudicium longe honorificentius ait privato. Erudite et copiose de hoc loco disputat Celeberr. *Wolffius* in *Opusculis sive: Vermischte Schriften und Aufsätze*, (Halt. 1802.) p. 431—452.—non sordidus, haud contemnendus per latinitatem pro: magnus, gravis; — auctor naturae verique, doctoreorum, quae in rerum natura latent, et quae vera aut falsa sunt, vel: qui in rerum naturam penetrare, et vera a falsis discernere docet, hoc est philosophus. Sic auctor pariter de philosophiae doctore apud Cic. Off. II. 2. *quamquam in antiquissima philosophia, Cratippo auctore, versaris.*—Sed omnes una mo. nox cett. cf. in hanc sententiam supr. I. 4. 19. infr. II. 3. 24. et 44. 11. Propert. III. 20. 21. *Sed tamen huc omnes, huc primus et ultimus ordo, Est mala, sed omnetis ista terenda via.*

v. 17—22. Diversa mortis genera latius exsequitur Stat. Silv. II. 4. 240 seqq. et alii, quos ad h. l. laudavit Cl. *Mitsch.*—Qui in bello pereunt sublimiore imagine a *Furiis Marti spectaculo dari* dicuntur; scilicet *Furiae*, quae in proeliis adsunt (cf. Virgil. Aen. VII. 324 seqq.) instigant et in furorem conciliunt pugnantes, quos immitis, qui et ipse adest, Mars saevo cum ioco caedi videt. *avidum*, omnia absorbens et deglutiens. *densentur*, conservantur, a *densere*, verbo Lucretiano. — *null. saeva cap. Proserp. fugit*, inversa constructio pro: nullum caput fugit saevam Proserpinam; h. e. nullus adhuc aspitis crisis saevae Proserpinae manibus se subducere potuit.—Datum nimirum est Proserpinae id negotii, ut morti destinatis crinem de vertice abscinderet. Virgil. Aen. VI. 698. *Nondum illi flavum Proserpina vertice crinem Abstulerat.* *Stygioque caput damnaverat Oreo.* Scilicet ut victimae, pilis in fronte evulsis et in ignem coniectis, (cf. Virg. Aen. VI. 245. quod proprie *κατάπυστος* dicebatur) diis superis, ita morti destinati, crine abscisso, tanquam victimae, diis inferis consecrabantur.—Eandem sententiam Noster infr. Sat. II. 6. 94. ita variavit: *neque ulla est Aus. magno aut parvo leti fuga.* — *Me quo-*

Me quoque devexi rapidus comes Orionis
Illyricis Notus obruit undis.

At tu, nauta, vagae ne parce malignus arenae
Ossibus et capiti inhumato

Particulam dare: sic, quodcunque minabitur Eur²⁵

Fluctibus Hesperii, Venusinae

Plectantur silvae, te sospite, multaque merces,

Vnde potest, tibi defluat aequo

Ab Iove, Neptunoque sacri custode Tarenti.

que celt. ergo ego quoque perii, ei quidem naufragio. *Notus, rapidus comes devexi Orionis*, orname pro vulgari: tempestas. Nam sub occasu Orionis (Virg. Aen. VII. 719. *Saevus ubi hibernis Orion conditur undis*) furere et tempestatem ciere solent venti. (Hesiod. Epy. 621. Δὴ τότε παντῶν ἀνέμων ὄρουσιν ἀήται.) Hinc *Notus* (quo non arbiter Hadriae Maior, tollere seu ponere vult freta supr. I. 3. 45.) dicitur comes Orionis *devexi* h. e. occidui vel proni, ut infra III. 27-47, ad occasum se vergens Orion appellatur.—*obruit* Virg. Aen. VI. 336. *Obruit Auster, aqua involvens navesque virosque.*—*undis Illyricis*, fluctibus maris Illyrici, h. e. Adriatici.

v. 23—29. *ne parce malignus ar.* cell. noli, quaeso, tam maligno et inhumano in me esse animo, ul operue parcas, vel graveris, particulam levis pulveris (ψαμάδου μόριον βραχὺ in simili re apud Diodor. Zon. Ep. IX. 7. Anth. Graec. T. II. pag. 70.) inhumato meo corpori iniicere; nam cum veteres teneret opulio, animam insepulti corporis non posse quieti dari, sed caelum annos circa Stygem vel circa corpus errare, ni-

hil inhumali corporis sorte cogitari iis poluil atrocius. Haec cogitatio misere quoque cruciabat Ariadnen, a Theseo in sola insula Naxo derelictam, dum dicit apud Catull. LXIV. 453. *neque iniecta tumulabor mortua terra.* conf. Virg. Aen. VI. 365. Apposite cum Nostro Cl. Mitsch. comparavit Iuliani Aegypt. Ep. LdV. Anth. Gr. T. III. p. 207. Πλώσις ναυηγόν με λαβών, καὶ σήματι χρώσας; Πλώσις, Μαλειάων ἀκρα φυλασσόμενος. Αἰτί θ' εὐπλοῖτην μετέποις φλοῖς; ἦν δὲ τι ῥέξη ἄλλο τύχη, τοῦν ἀντιόσας χαρίτων. — *sic, quodcunque* cell. quod si feceris, opto, nl, quaecunque libi in mari Italo naviganti tempestas imminibil, te sospite, in silvas Venusinas avertatur; de usu particulae *sic* conf. supr. ad I. 3. t. *merces*, lucrum, quaestus. unde h. e. a quo, sc. Iove, *potest* sc. defluere. *tibi defluat*, affatim tibi affluat, largiter in te effundatur (ἐς τὴν παραρρέει Theocrit. I. 5.) *Neptun.* *sacr. cust. Tarent.* cum Tarentini Neptunum, ut deum tutelarem (ἐγχώριον) ad cuius filium, Tarantem, urbis suae primordis adeo referebant, singulari cultu venerarentur, Archytas sane, ut Tarentinus, multo magis sperare poterat, fore, ul deus patrius precibus eius locum relinquat.

Negligis immeritis nocituram
 Postmodo te natis fraudem committere? Fors et
 Debita iura vicesque superbae
 Te maneat ipsum: precibus non linquar inultis;
 Teque piacula nulla resolvent.
 Quamquam festinas, non est mora longa, licebit
 Iniecto ter pulvere curras,

CARMEN XXIX

AD ICCIVM.

Icci, beatis nunc Arabum invides

v. 30—36. *Negligis* — *committere*? an parum curas scelus committere, nepotibus tuis, qui nihil tale meruerunt, expiandum? — Nam quicumque in corpus mortui incidit, nec illud sepeliendum curaverat, is secundum antiquissimorum populorum opinionem deos contra se irritasse (Homer. Odys. XI. 73.) et hoc gravius quasi scelere (ἄγχι) non solum se, sed etiam nepotes suos, eorum itae atque vindictae obstrinxisse putabatur; de qua re vide, quae praeter Valcken. ad Euripid. Phoen. 441. et ad Hippul. 826. Cl. Mitsch. ad h. l. attulit. *postmodo te natis*, nepotibus, τοῖς ἐκνομῶν παῖσιν. — *te* aptius in casu secundo pro *ex te*, ad *natis*, quam in casu quarto ad *committere*, refertur; *natis aliquo* pro: *ex aliquo*, sexcenties apud poetas. *debita iura*, poena, quam quis dabet, cui quis obstrictus est, poena merita. *vices superbae* h. e. superbiae, quam quis vicissim ab aliis experitur, poena, ἀντιτάξις, ἀποτίσις; sic apud Propert. l. 43. 10. *vices exigere* pro: poena

vicissim exigere, iniuriam remunerari, ulcisci. *prec. non linquar inultis*, haud inultae et irritae erunt meae imprecationes, si insepultum me hic reliqueris. *resolvent*, sc. a poena, cui scelere tuo te obligasti. — *iniecto ter pulvere*, nam ad iusta inhumati corporis persolvenda parva iniectae terrae vel pulveris particula sufficiebat, quod Graeci γῆν vel ἄβιν ἰταμίζεσθαι dicebant; vid. Dornill. ad Charit. p. 422 seqq. edit. Lips.

CARMEN XXIX.

Cum Iccius, ex umbra et otio, ubi ac totum huc usque philosophiae abdidit, nunc in solem, quod aiunt, et pulverem proditurus, nomen suum praeter expectationem omnium professus esset apud exercitum, quem Augustus, duce Aello Gallo, in Arabiam Felicem, dilationi suae subiciendam, missurus erat; (de qua, quamvis parum prospero successu V. C. DCCXXX. suscepta expeditione vid. Dio LIII. p. 723. Strabo XVI.

Gazis, et acrem militiam paras
 Non ante devictis Sabaeae
 Regibus, horribilique Medo
 Nectis catenas? Quae tibi virginum
 Sponso necato barbara serviet?
 Puer quis ex aula capillis
 Ad cyathum statuetur unctis,

5

pag. 780. et Plin. VI. 28.) Horatius, de hoc incredibili amici sui consilio certior factus, facete eum, ut novum et timendum, si Diis placet! regum Sabaeorum domitorem deridet atque traducit. — Observent tirones, qua arte et elegantia poeta simplicem sententiam: « Quis putasset, fieri potuisse, ut tu, Icci, ex philosophiae studioso miles fieres? » exornaverit!

v. 1.—10. *beatus n. Arab. invides gaz.* quasi compulerit Iccium ad militiam divitiarum in Arabia Felice sibi colligendarum cupiditas. Nunc, cum vi, tu, qui ante, ut philosophus, a divitiarum quærendarum studio alienissimus fueras. *beatae gazae* aunt, quibus censeantur beatiores, quae sunt beatorum; sic apud Catull. LXVIII. 14. *dona beata petere* pro: dona, quae sunt beatorum, petere. — *et cor. mil. par. n. a. dev. Sab. reg.* quasi summa belli posita sit in hoc novo ex philosopho facto milite, qui solus et unus non ante devictos Sabaeae reges devincere possit; quam solse! — *Sabae. reg.* Sabaea, Arabiae Felicis pars, pro totis eius finibus; habebat autem utraqueque Arabiae Felicis pars suum regulum. *non ante devict.* nondum enim usque ad Arabiam Felicem, quam philosophus noster nunc perdomiturus erat, Romanorum arma penetraverant. *Horribil.* Medo exercitum enim illum, quem secuturus erat Iccius, ad Par-

thos Indosque simul debellandos destinatum fuisse, ex locis supr. l. 12. 56. et infr. l. 35. 34. colligere licet. — *horribili*, hosti vel maxime fortitudine sua Romanis timendo. *nectis catenas?* scilicet ut iis constringantur captivi ante Iccii victoris currum triumphalem ducendi. *Quae tibi virginum cett.* Sensus: quam magnificus tibi victori accedet honor, quando regia virgo, cuius sponsum necasti, tibi aerva, et puer regius, bene in sagittarum faciendarum arte exercitatus, pincerna erit? *quae virginum barbara* pro vulgari: quae virgo barbara, vel: quae barbararum virginum; per *virginem barbaram* intelligo *regiam*, quae infr. III. 2. 8. ubi pariter de Romanorum fortitudine, sponsis barbararum virginum infesta, sermo est, plenius *adulta bellantis tyranni virgo* dicitur, — *puer quis ex aula* sc. Arabum vel Parthorum regis cuiusdam, h. e. puer regius. *ad cyathum statu.* sc. ut vinum infundat et ministret, h. e. pocillatoris munere fungatur. *statui* pro: stare. Cl. Mitsch. laudat Auson. Idyll. de Hist. 19. *Stat Iovis ad cyathos, genuit quem Dardanius Tros.* — *capill.* mot. nam ad conviviorum magnificentiam et splendorem pertinebat quoque pincernarum tam formositas, quam externus eorum cultus, inter alia in crinibus eleganter comendis et unguendis positus. —

Doctus sagittas tendere Sericas
 Arcu paterno? Quis neget arduis 10
 Pronos relabi posse rivos
 Montibus, et Tiberim reverti;
 Cum tu coemtos undique nobiles
 Libros Panaeti, Socraticam et domum
 Mutare loricis Iberis, 15
 Pollicitus meliora, tendis?

CARMEN XXX

AD VENEREM.

O Venus, regina Gnidi Paphique,

Doct. sag. tend. Ser. arc. pat. non cum interpretibus haec adiecisse poetam puto, ut puerum ab ingenuis, quibus ille imbutus fuerit, artibus commendaret, sed ut Iccio eum, ut sagittarum inciendarum peritissimum, redderet terribilem; hinc *Medus* quoque ab Iccio vincendus paulo ante *horribilis* dicebatur. His omnibus autem magnum, in quod Iccius temere se adduci pateretur, discrimen innui, sponte apparet. *tendere sagittas arcu*, paulo audacius pro: sagittas ex arcu tento iacere; nisi quis *tendere* simpliciter pro: dirigere, dictum putet. Similiter *telum tendere* dixit Virgil. Aeneid. V. 508. *Post acer Mnesteus adducto constitit arcu Alta petens, pariterque oculos telumque tetendit.* — *Sericas*, ab Orientis populo, Seribus, iaculandi arte nobilissimis; est igitur *Sericus*, nisi forte ipsam gentem, Seres, ab Iccio domandos, poeta reapererit, epitheton ornans, ut paulo post v. 15. *loricae Iberae* et IV. 9. 17. *Cydonius arcus*. I. 15. 17. *Guosius calamus*. I. 27. 5. *Medus acinaeae*. I. 16. 9. *Nortus enis* et eiusmodi generis

alia; *paterno*, a patre, qui eo usus fuerat, accepto.

v. 10—16. *ard. pron. relab. poss. riv. mont. h. e.* fieri posse, ut rivi sursum pariter ac deorsum prono cursu ad arduos montes relabantur; *montibus* est casus tertius. Ceterum fluviorum ad fontes recursus saepe de rebus ἀννύσας, vel de verso rerum ordine; vid. Interpr. ad Ovid. Her. V. 30. — *Panaet.* Panaetius, Rhodius, Stoicorum princeps, Antipatri discipulus, Posidonii doctor (Cic. Divin. I. 3.) Scipionis, Africani Maioris, familiaris (Vell. Pater. II. 13. 3.) multis, quos scripsit, libris, praecipue περὶ τοῦ καὶ ἀκρίτου, nobilitatem nactus; cf. Cic. de Offic. I. 2. et III. 2. *Socratic. dom.* intellige libros philosophorum e familia h. e. secta vel schola Socratis, v. c. Xenophontis, Platonis, Aeschini cett. — *Iberis*, ex ferro optimo, Hispano nempe, confectis.

CARMEN XXX.

Dum Glycera, haud dubie puella formosior, sacra in domo sua parat

Sperne dilectam Cypron, et vocantis
Ture te multo Glycerae decoram

Transfer in aedem.

Fervidus tecum Puer, et solutis
Gratiae zonis, properentque Nymphae,
Et parum comis sine te Iuventas,
Mercuriusque.

5

CARMEN XXXI

AD APOLLINEM.

Quid dedicatum poscit Apollinem

Veneri; hanc, ut dextra atque propitia cum toto comitatu suo illi adesse velit, piis precibus posita implorat.— Similitudinem quamdam cum hoc carmine κλητιζῶ habet Fragm. XXIX. apud Anacr. edit. Fisch. p. 271.

v. 1.—*A. regina Gnidī*, sic vocatur Venus, quia, ut dea tutelaris Gnidio praeerat, et imperium suum ibi exercebat; *Gnidus*, urbs Doridis in Caria, simulacro Veneris a Praxitele sculpto nobilissima. v. Pausan. Attic. l. 20. Plin. XXXVI. 5. *Paph. Paphus*, Cypri oppidum, Veneris cultu satis notum; cf. Virg. Aen. X. 54. et l. 415.—*Sperne*, pro vulgari: relinque, desere; sic supra l. 9. 9. Venus, cum tota in animum posita rueret, *Cyprum deseruisse* dicitur; *spernere* nempe hactenus iam debebat Venus Cyprum, ut, quamdiu in domo Glycerae ei sacra fierent, tamdiu illam propriae suae sedi anteponeret. Plures urbes Veneri sacras recenset Catull. XXXVI. 41 seqq. *vocantis te ture multo* h. e. advocantis et invitantis te ad laetiora tibi adolenda sacrificia. *decoram*, refer ad munditiem et nitorem, quo, ut decebat die festo, domus splenduit.

v. 5.—8. *Fervidus tecum Puer* cett. sensus: et quidem cum dulcissimis, qui assidue tibi adhaerere solent, comitibus, Amore, Gratia, Nymphis, Iuventate et Mercurio. *fervidus*, est enim *Amor* animosus et fervidioris ingenii puer. *Gratiae*, perpetuae Veneris comites et ministrae, cf. supr. l. 4. 5. et Homer. Hym. in Ven. v. 64. Claud. de Nupt. Honor. v. 400. *solutis zonis*, discinctae, sine zonis; quod ad gratam Gratiarum negligentiam referendum. *Iuventas*, Ἡβη, quae pariter in Veneris comitata apparet apud Homer. Hym. in Apoll. 495. *par. com. sine te*, a Venere enim inventas lenocinia sua accipit, h. e. Amor inventam amabilem reddit; *Mercuriusque*, qui adest Veneri facundia sua (est enim deus λόγιος, conf. supr. l. 40. 3.) ut amantes inter se conciliet. Hinc ipsa Venus apud Apul. Met. VI. pag. 93. (Plant.) *Scis, sororem tuam Venerem sine Mercurii praesentia nil usquam fecisse*.

CARMEN XXXI.

Cum die solemnī, quo Augustus Apollinis templum in Palatino rite

Vates? quid orat, de patera novum
 Fundens liquorem? Non opimas
 Sardiniae segetes feracis;
 Non aestuosae grata Calabriae
 Armenta; non aurum, aut ebur Indicum,
 Non rura, quae Liris quieta
 Mordet aqua taciturnus amnis.
 Premant Calena falce, quibus dedit

5

dedicaverat (V. C. ut tradit Dio LIII. 4. DCCXXVI.), nemo non, tam publicae, quam privatae, vota nuncuparet; Horatius secus in his votis a vulgo sentiens, neque opes, neque latifundia, neque alia, quibus vulgo censetur humana felicitas, sed res tantum ad vitam sustentandam necessarias, tum animi corporisque sanitatem, honestam denique et poëtae studio exhibendam senectutem ab Apolline sibi expetit.

v. 1—4. Finge tibi Horatium ex media quasi turba precantium et certatim variis votis Apollinem fatigantium in haec, quibus carmen exorditur, verba erupisse: *Quid dedicatum possit Apollinem vates?* h. e. at quid ego peto ab Apolline, cui hodie templum consecratum est? Pro ego significanter posuit *vates*, ut ostendat, se pro eo, quod sibi poëtae insit, ingenio longe distare ab humiliore sentiendi ratione populi, rebus vanis atque inanibus felicitatem humanam metientis. *de pat. nov. fund. liqu.* h. e. novum vinum libans; novum enim vinum adhiberi solebat in libationibus, hinc *supr. XIX. 15. potera limi meri.* *opimas segetes* h. e. pingues agros (*πράγας ἀγροῦς* Hom.) sic *seges* pro agro apud Tibull. I. 2. 61. *Fert casiam non culta seges;* sed recte quoque *opimae segetes* explicari

possunt de ubertate frugum, quae ex opimis segetibus colliguntur. — *Sard. Ferae.* de Sardiniae fertilitate vid. Mel. II. 7. Val. Max. VII. 6. — In sententiam Cl. Mitsch. comparat Pind. Nem. VIII. 63.

v. 5—8. *grata se. dominis*, quos suaviter delectat magnorum armentorum possessio. *Calabriae*, ob egregia enim huius regionis pascuaalebant ibi beatiores armenta et greges; conf. *infra* Epod. I. 27. *aestuosae*, calidioris, mitioris. *ebur Indicum*, ad magnificentiam apud veteres pertinebat inprimis suppellex aslabe ex ebore facta; in summo autem pretio fuisse *ebur Indicum* operose docet *Cerda* ad Virg. Georg. I. 57. *Liris* (nunc *Garigliano*) fluvius Latium et Campaniam dividens, cuius utraque ripam agri fertilissimi ambiunt. — *mordet*, exquisitius pro: alluit, ut *supr. I. 22. 6. lambit*, et *infr. II. 3. 18. lavit.* *taciturnus*, similiter hic leniter et quiete fluens fluvius apud Sil. Ital. IV. 352. *tacitas ripas perstringere* dicitur.

v. 9—16. *Prem. Cal. falce. qu. ded.* *Fort. vit.* alii in Campania possideant colantque vineas. *falce premere vitem* est: iuviles vitis ramulos amputare, quod dicebatur *putoria*; unde *falz* ipsa dicta est *putatoria* apud Pallad. I. 43. 4. cf. *Voss.* ad Virg.

Fortuna, vitem : dives et aureis
 Mercator exsiccet culullis
 Vina Syra reparata merce,
 Dis carus ipsis; quippe ter et quater
 Anno revisens aequor Atlanticum
 Impune. Me pascant olivae,
 Me cichorea, levesque malvae.
 Frui paratis et valido mihi,
 Latoe, dones, et, precor, integra
 Cum mente; nec turpem senectam
 Degere, nec cithara carentem.

40

15

20

Georg. II. 362. Similiter *falce premere* pro: amputare, dixit Virg. Georg. II. 401. *Calena*, quod ex vulgari ratione ad *vitem* referri debebat, doctiore ratione ad *falce* poeta retulit, plane ut supra I. 20. 9. *praelum Calenum* et infr. III. 46. 34. *amphora Laestrygonia*. *exsiccet* h. e. ebi-
 bat; sic infr. I. 35. 27. *culi siccati* pro: epoti. *culullis* (*culullis*) *culullis* proprie, ut Acron ad h. l. docet, calix fictilis, quo Pontifices Virginesque Vestales in sacris utebantur; iam de poculo capaciore; *exsiccare vinu culullis* pro: culullos exsiccare vinis; *reparata*, pro verbo simplice *parata* h. e. emta. *Syra merce*, intellige aromata, unguenta cett. ex India et Arabia in Syriam, et inde Romam deportata; mercator nempe, cum mercatura apud veteres in mercibus praecipue permutandis (nos: *tausch-kandel*) versaretur, pecuniae loco mercem pro vino dedit. *Dis carus ipsis*, ipsorum deorum praesidio atque tutela fruens; *aequor Atlanticum* ad insanam quaestus faciendi cu-

piditatem designandam posuit tanquam remotissimum. *cich.* *cichoreum* (*κίχουριον* sive *κίχουριον*) nos: *endivie*; *leves*, quia alvum adstrictionem levant; nam *malvae* (ut infr. Epod. II. 57.) *gravi corpori salubres*.

v. 47—20. *Frui paratis* h. e. iis, quae mihi iam parata sunt, quae ego possideo; *et valido mihi*, opportune in hanc sententiam Cl. Mitsch. affert locum ex Menandri *Κόλακι* (apud Athen. XIV. 22. p. 659.) *εὐχόμεθα Ολυμπίοισι πάντι, πάσαις — διδόναι σωτηρίαν, ὑγίαν, ἀγαθὰ πολλὰ, τῶν ὄντων τε νῦν ἀγαθῶν ὄνησιν.* — *Latoe* (*Λατώε*) Latonae filii, Apollo; *integra* Cl. Mitsch. explicat de animo ab omni scelere puro; equidem malim referre ad integrum mentis usum, sive mentis sanitatem, ad illud *lucenat*. X. 356. *Orandum est, ut sit mens sana in corpore sano.* *nec turp. senect. deg. n. cith. carentem.* Cl. Mitsch. in hanc sententiam attulit Euripid. Herc. Fur. 676 seqq. et e Theogaideis v. 769 seqq.

Sive iactatam religarat udo
 Litore navim,
 Liberum et Musas; Veneremque, et illi
 Semper haerentem Puerum canebat,
 Et Lycum, nigris oculis nigroque
 Crine decorum.
 O decus Phoebi, et dapibus supremi
 Grata testudo Iovis, O laborum
 Dulce levamen, mihi cunque salve
 Rite vocanti.

10

CARMEN XXXIII

AD ALBIVM TIBVLLVM.

Albi, ne doleas plus nimio, memor

Bacchum, vel Musas, vel Venerem,
 vel Amorem, vel pulcrum, quem
 deperibat, puerum Lycum canebat.—
iactatam navem litore religare est:
 navem tempestate in mari iactatam
 ad litus appellere et ibi alligare; sic
pinus in litore religata pro: alligata
 apud Ovid. Met. XIV. 218. et passim
 alibi. *Liberum*, cecinit enim Al-
 caeus ἀσπάρτα παρσίωια, quorum fra-
 gmenta quaedam exstant apud Athe-
 naeum IX. 8. p. 430. *Lycum*, quem,
 sui delicias, ut Anacreon Bathyllum,
 carminibus celebravit Alcaeus.

v. 13—16. *decus Phoebi*, insignia
 et ornamentum Apollinis. *et dap.*
supr. gr. test. Iov. ipse Iupiter enim
 inter dapes lyrae ab Apolline pulsa-
 tae cantu deliniri solebat; vid. Hœm.
 Iliad. I. 603. Hinc φάρμαξ δακτύ-
 λιστον. *O lab. dulce. len.* O lyra,
 quae cantus tui dulcedine animum

laboribus fessum recreare soles.—
mihi congu. salu. rit. voc. sis mihi
 propitia, quandocunque, ut mihi ad-
 ais, te rite rogavero, h. e. benignam
 et facilem te mihi praebe, quando-
 cunque te, ut decet, tractare animus
 est. *cunque* pro: quandocunque.—
salve, χαῖρε, vox sollemnis tam in
 appellandis diis hominibusque, quos
 nobis propitios atque benevolos esse
 cupimus, quam in aliis rebus, quas
 nobis gratissimas iucundissimasque
 accidere significamus.

CARMEN XXXIII.

Albium Tibullum, graviter do-
 praelato sibi ab Glycera iuniore ama-
 tore dolentem, communem illam
 fortunam, qua parum saepe in amore
 conspirant animi, secum reputare
 iubet, eique tam aliorum, qui can-

Immitis Glycerae, neu miserabiles

Decantes elegos, cur tibi iunior

Laesa praeniteat fide.

Insignem tenui fronte Lycorida

Cyri torret amor, Cyrus in asperam

Declinat Pholoen: sed prius Appulis

Iungentur capreae lupis,

dem in amore experti fuerint sortem, quam sui ipsius exemplum solatii loco proponit. Scriptum hoc carmen esse in nobilissimum poetam Tibullum, ne dubita, nam is, si quis alius, decantavit elegos *miserabiles*, h. e. mollissimi animi sensus egregie exprimentes, et querelas passim de perfidia vel Deliae, vel Nemesis, vel Neerae, vel Pholoës (quarum nram sub ficto nomine *Glyceræ* latere magis, ut credam, adducor, quam ut *Glyceram* in perditis Tibulli carminibus fortasse celebratam esse existimem) continentes. — Tibullum autem pariter ac Virgilium dignum a Nostro, quem singulari amore complecteretur, habitum fuisse, quis sibi non persuadeat? Ad eundem scripta est infr. Epist. 4. lib. prim.

v. 4—4. *mem. immit. Glyc.* h. e. cogitatione de perfidia, quam immiti pectore in te commiserit *Glycera*, animum tuum crucians. — *miserabiles*, flebiles et miserationem moventes; sic *philomela*, de pullis sibi detractis querens, carmen *miserabile integrare* dicitur apud Virg. Georg. IV. 514. et sic *miserabiliter* (h. e. flebiliter) scriptae litterae apud Liv. XXVI. 3. — *cur*, propterea quod, ut infr. Epist. 4. 8. 10. — *tibi praeniteat*, pro tenui: tibi praerferatur, te potior sit apud *Glyceram*, *laesa fide*, quae datam tibi in amore fidem laesit. — Ceterum fuerunt, qui, cum non satis asse-

querentur, quomodo Tibullo poetae, qui iam aetatis anno XXXI. aem supremum obierit, iunior a puella praerferri potuerit, vix ad illum hoc carmen scriptum esse, autumarent. Sed quam saepe accidere solet, ut puellae vel viginti quatuor annos nato iuveni alium eo iuniorem praerferant!

v. 5—12. Nexus et sensus: Non tibi soli, sed aliis idem in amore accidere solet. Lycoris quoque amat Cyrum, at Cyrus sectatur Pholoën, ab eius amore vel maxime abhorrentem. Scilicet sic res in amore constituta est ex decreto Veneris, quae ex amantium, neque forma neque animis sibi respondentium, coniunctione duro pectore voluptatem capiti — Comparant in hanc sententiam Mosch. Idyll. VI. 1 seqq. Ἥρα Πᾶν Ἀχῶς τὰς γαίτορας, ἔπατο δ' Ἀχῶ Σικυτηνὰ Σατύρω, Σάτυρος δ' ἐπεμήνατο Λύδαν. cett. adde Callimach. Epigr. XXXIII. 5. — *ten. fronte* in tenui enim et angusta fronte pars venustatis spectari solebat apud veteres; hinc puellae, ut observat ad h. l. Mitsch. comam in frontem usque eo demittebant, ut βραχὺ τῷ πρῶτῳ μεταίχμιον relinqueretur. Lucian. T. II. p. 441. edit. Reitz. Martial. IV. 41. 9. *declinat* sc. animum a Lycoride aversum. *sed prius Appulis* cett. laudant Aristoph. Pac. 1076. πρὶν πρὶν λυκος οἶν ὑπαναοῖ. et Virg. Eclog. VIII. 27. *Iungentur iam Gryphes equis*

Insanientis dum sapientiae
 Consultus erro, nunc retrorsum
 Vela dare, atque iterare cursus
 Cogor relictos. Namque Diespiter
 Igni corusco nubila dividens

5

here statnerent, sapientiam secutus esset, audito repente in caelo sereno tonitru se adeo perculsum esse narrat, ut divinitus quasi monitus statim ab impia ista animi perversitate ad mentem saniozem redire coeperit. In hac nova igitur, deos omnino esse, qui omnia gubernent, persuasione, sententias de divina in res humanas potentia attingit gravissimas. — Lam vero cum Horatius, quamvis in nullius magistri verba (ut ipse fateatur infr. Epist. I. t. 43.) iuraverit, h. e. nulli philosophiae sectae unice addictus fuerit, Epicureorum tamen placita, ad vitae iucunditatem et voluptatem spectantia, studiose amplectens sit; equidem illum non tam abiurare Epicuream philosophiam et ad Stoicam se convertere, vel adeo Stoicorum disciplinam traducere (quod nonnulli, ut aliorum argutias taceam, opinati sunt), sed gravem illum Epicureorum errorem, *deos nihil curare homines*, hoc praecipue argumento, quod horrendum in caelo puro auditum sit tonitru, quale in caelo puro audiri posse ipsi quoque Epicurei (Lucret. VI. 245. et 399.) negabant, refellere voluisse existimo.

v. 4—8. Sensus: Ego, qui Deorum cultum adhuc neglexeram, falsa scilicet Epicureorum opinione, *deos nihil curare res humanas*, deceptus, nunc meliora edoctus, in viam rectam, a qua aberraveram, redire cogor. *Parvus deor. cult. et infrequ.* qui raro deos colit, nec eorum tem-

pla frequentat; *res parvas* ad munera, quae parca manu diis offerantur, referre nolim. — *insan. sap. consultus* imbutus praeceptis sapientium, h. e. Epicureorum, in iis, quae contra divinam providentiam disputant, insanientium; *insanientis sapientia* pertinet ad oxymora, de quibus ingentem exemplorum copiam congestit diligentia *Ritterhusii* ad Oppian. p. 29—32. adde *Iena.* ad Lucian. Merc. Conduct. T. I. p. 698. et quos laudat *Albert.* ad Hesych. T. I. p. 275. n. 4. — *retrorsum vela dare*, retro navigare; *iterare cursus relictos*, redire in viam relictam, ἀναπλῆναι. Vulgata lectio cum sensum commodum fundat, nec mihi sollicitanda videtur. Sed qui immoderatos risus tollunt, quod iam a *N. Heinsio* ad Ovid. Met. VII. 473. propositam lectionem *relectos* pro *relictos* tam opereose defensum iverit *Bentleius*, nae illi a doctrina, quae passim fraudi fuit *Magno Bentleio*, mirum quantum discrepant! Nam *iterare cursus relectos* profecto non est, ut isti carpunt, *cursus iteratos iterare*, sed *cursus relegendo repetere*, ut *flexos arcus incurvare* apud Virg. Aen. V. 500. pro: *flectendo arcus incurvare*; de locutione proba et usitata *relegere campos, vias, iter, spatium, aequora*, *cursus* multa exempla in medium protulit *Bentleius*. Recto igitur et eleganter Horatium atque *iterare cursus Cogor relectos* scribere potuisse, nemo, qui Latinae linguae indolem penitus

Plerumque, per purum tonantes
 Egit equos volucremque currum :
 Quo bruta tellus, et vaga flumina,
 Quo Styx et invisi horrida Taenari
 Sedes, Atlanteusque finis
 Concutitur. Valet ima summis
 Mutare, et insignem attenuat Deus,
 Obscura promens. Hinc apicem rapax

10

perspectam habet, dubitat. — *Dicapi-*
ter, Iupiter, diei vel lucis pater, ut
 Varro de L. L. IV. 10. explicat. —
plerumque, more solito, alias, vulgo.
 — *per pur. ton. eg. equ. voluc. curr.*
 tonuit sive movit in caelo sereno
 tonitru, quod currus, quo per aërem
 invehī putabatur Iupiter Fulgurator,
 strepitu et equorum χαλκονόδων ei
 iunctorum pulsu moveri sinxit sibi
 prisca antiquitas. *per purum* sc. cae-
 lum, δι αἰθέρας; *tonitru* in caelo se-
 reno auditum ad res a naturae legi-
 bus recedentes sive prodigia relatum
 fuisse satis constat. cf. Lambin. ad h.
 l. et *Iul. Obsequens* c. 83. 107. 122.
volucrem h. e. alatum, ad summam
 eius celeritatem designandam; lau-
 dant Platonis locum ex Phaedro T.
 IX. p. 324. Bip. ὁ μέγας Ζεύς, πτηνὸν
 ἄρμα ἑλάντων. cf. *Mitsch.*

v. 9—16. Quo sc. curru, h. e.
 moto per currum tonitru. *bruta* h.
 e. immobilis, *invisi*, ut iofr. III. 4.
 45. vocatur. Senec. Thyest. 1020.
Immota tellus pondus ignavum iaces?
 — *inv. horrid. Taen. sed.* h. e. squali-
 da loca diis hominibusque abomi-
 nabilis Tartari. Colores in foedi Tar-
 tari adumbranda imagine duxisse
 videtur ex Hom. II. XX. 64. 65. Οἰκία
 δὲ θνητοῖσι καὶ ἀθανάτοισι φανείη
 Σμερδαλέῃ, ὑπέρθεντα, τὰ τε στυγέουσι
 Στοί περ. Hinc Virg. Aen. VIII. 245.

regna pallida, dis invisa. Taen.)
Taenarus, specus in Laconica ad Tae-
 narum, per quem ad Tartarum de-
 scendi posse credebatur (Virg. Geor.
 IV. 467.), iam pro ipso Tartaro. —
Atlanteus finis, pro locis terrae ulti-
 mis vel remotissimis; nam Atlas,
 mons illis in Africa, antiquitus pro
 ultimo terrae occidentalis termino
 habebatur. *Valet ima summis* cett.
 Nexus et sensus: Hoc igitur prodigio
 monitus non amplius de divina re-
 rum humanarum administratione du-
 bito, imo deus, ut nunc mihi per-
 suasissimum habeo, ex infimo quem-
 que ad summum locum extollere,
 et eum, qui summum locum tenet,
 ad infimum detrudere valet; nam vis
 fati potentissima imperium, quod
 huic eripuit, pro lubitu ad alium
 transferre solet. — *ima summis mutare*,
 similiter supr. l. 16. 26. *mutibus mu-*
tare tristia. insignem sc. imperio,
 honoribus; *attenuat*, deprimit ad te-
 nuitatem vel obscuritatem; *Deus*,
 Iupiter. *obscura promens*, ex obscu-
 ritate protractos gloriae splendore
 illustrans; *iusolentior* generum per-
 mutatio in *ima, insignem, obscura*,
 permovit *Bentleium* et *Cuningamium*,
 ut ille pro *insignem* legendum esse
 censeret *insigne*; hic *insignia*; sed
 cum in hac quoque re, ut erudite ad
 hunc locum docuit *Mitsch.* secutus sit

Fortuna cum stridore acuto
Sustulit, hic posuisse gaudet.

45

CARMEN XXXV

AD FORTVNAM.

O Diva, gratum quae regis Antium,

Noster exemplum Graecorum, neutri emendationi locus relinquendus videtur; in sententiam laudant Hea. Epy. 5—7. *Ραῖα μὲν γὰρ βραίαί, βέλα δὲ βράκοντα χαλάντει, Ραῖα δ' ἀριζήλον μινύθει* (*insignem attenuat*) καὶ ἀθῆλον ἀλῆει, *Ραῖα δὲ τ' ἐθύνει σχολιὸν καὶ ἀγῆνορα κάρρη Ζεὺς ὑψιβρεμέτης.* — *Hinc apicem* cett. quos designaverit poeta in antecedentibus (reges nempe et principes) in his adiectis magis declarat. *apicem*, intellige tiaram, sive pileum cum apice eminente, regum barbarorum inprimis insigne, iam (ut apud nos fere corona) proprio imperio. *Fortuna*, dea, cuius munus versatur in exsequendis et perficiendis iis, quae ex summi dei consilio cuique homini decreta sunt; — *rapax*, refer ad huius deae violentiam. — *cum stridore acuto*, praeclara imago deae cum impetu advolantis et alarum agitatione gravem stridorem edentis; de *Fortuna*, *dea alata*, vid. Comment. de alat. imaginibus p. 30. — *sustulit* (*ἀπορίπτως*) auferre solet; *posuisse* pro: imposuisse,

similibus Horatii carminibus optime intelligi potest. — Conscripserat Augustus V. C. DCCXXVI. duos exercitus eo consilio, ut alterum ipse contra Britannos duceret, alterum, duce Aelio Gallo, in Arabiam mitteret. Horatius igitur iam preces in hoc carmine pro felicissimo utriusque expeditionis eventu facturus vulgarem sententiam: *O Fortuna, serva Caesarem cum exercitu contra Britannos profecturum*, et *fac*, ut *arma a bellis domesticis ad domandas gentes barbaras convertantur*, Fortunae potentiam celebrando ita amplificavit, ut carmen exiret splendidissimum. — Si quis cogitaverit, quam saepe felix bellorum exitus a Fortunae favore et arbitrio pendeat, is, poetam in coacervandis summae huius Deae potentiae imaginibus tam multum et copiosum fuisse, non adeo mirabitur. — Optime autem totius huius carminis finem ita conatui posse pto, si illud dixeris *Hymnum in Fortunam, quem ad huius deae favorem, Augusto contra Britannos profecturo conciliandum, pia mente occinerit*. Sic argutiis, quibus orarunt hoc carmen nonnulli interpretes, facile supersedere possumus.

v. 4—8. *grat. quae reg. Antium* h. e. quae imperii tui sedem habes Antii, urbe prae ceteris tibi cara; quemad-

CARMEN XXXV.

Quantum ars et ingenium magui poetae in simplice aliqua sententia exornanda valeat, id ex hoc et huic

Praesens vel imo tollere de gradu
 Mortale corpus, vel superbos
 Vertere funeribus triumphos:
 Te pauper ambit sollicita prece
 Ruris colonus; te dominam aequoris,
 Quicumque Bithyna lacessit
 Carpathium pelagus carina.

modum nempe Venus ob praecipuum, quo in insula Cypro gaudebat, cultum supr. I. 3. t. *potens Cypri* et I. 30. I. *regina Gnidii* appellatur, ita *Fortuna*, Antii inprimis religiosissime culta, *Antium regere* dicitur. Fuit autem *Antium* (nunc *Anso Rovinato*) oppidum Latii maritimum, Fortunae templo nobilissimum; cf. *Torrent.* ad h. l. et *Phil. a Turri Monumenta vet. Ant.* c. I. — *praesens*, quae statim potes; *dii praesentes* dicuntur, qui praesentia sua statim potentiam suam declarant, potentes; passim quoque, qui praesens, h. e. celerimum, auxilium ferunt. — *im. toll. de gr. mort. corp.* h. e. mortales ex infimo ad summum gradum extollere. *superb. vert. fun. triumph.* splendidam victoriam mutare in cladem. Cl. *Mitsch.* explicat: «pompam triumphalem in funebrem mutare, ut pro triumpho, quem victor acturus erat, funus eius ducatur.» in quam rem ille laudat exemplum Drusi. Auct. *Consol.* ad Liv. 27. Sed quanto maior et potentior apparet Fortuna victoriam in cladem mutando, quam triumphum triumphantis morte funestando! — *Te pauper ambit* cett. numen tuum omnes homines, et pauperes et divites, et populi barbari, et nos, et tyranni venerantur atque metuunt. *ambit*, cum delectu pro: adit, habet enim notionem verecundiae. *sollicita*, quom sollicito pectore

pro agrorum suorum incolumitate fundit ruris colonus. — *domin. aequ.* in Fortunae enim potestate positi sunt casus, quibus navigantes in mari se exponunt; Cl. *Mitsch.* rem bene illustrat loco *Pind. Ol. XII. 3* seqq. Reperisse autem poeta videtur in hoc cultu, a ruris colono et navigantibus Fortunae exhibito, antiquam huius deae imaginem, qua illa in vett. monumentis altera manu *cornucopiae*, altera *gubernaculum* tenens conspicitur; vid. *Reines. Emendat.* II. 24. — *Quicumque Bithyn.* cett. quicumque quaestus causa per mare Carpathium Bithyniam navigat. *Bithyna*, h. e. mercatoria; nam mercatores Romani e Bithynia inprimis merces suas petebant; similiter supr. I. 4. 43. *trabs Cypria.* *Carpathium pelagus*, procellosum et Bithyniam petentibus transendum, ab insula *Carpatho*, (nunc *Scarpanto*) inter Rhodum et Cretam, ita dictum. *lacessit.* h. e. tentat; rō *lacessere* explicant: remis impellere, movere, ferire. Equidem adiunctam audaciae notionem habere, et de iis dici existimo, qui, dum nihil maris minas timent, sed temere et audacter ei se committunt, illud quasi ad iram et saevitiam provocant; similiter fere *insultare fluctibus* apud Ovid. *Met.* I. 434. *contemnere undas* apud Tibull. I. 3. 37. et *transilire vada* supr. I. 3. 24. nos: dem meere *trotzen*.

Te Dacus asper, te profugi Scythae,
 Vrbesque, gentesque, et Latium ferox, 10
 Regumque matres barbarorum et
 Purpurei metuunt tyranni,
 Iniurioso ne pede proruas
 Stantem columnam, neu populus frequens
 Ad arma cessantes ad arma 15
 Concitet, imperiumque frangat.
 Te semper anteit saeva Necessitas,
 Clavos trabales et cuneos manu

v. 9—16. *Dac. asper*) Daci, populi trans Istrum, Romanis nb crebras, quas in eorum fines faciebant, incursiones infestissimi; *asper*, lustin. II. 3. *gens laboribus et bello aspera*. *Scythae*, nb sedem eorum vagam et instabilem, dicuntur profugi, nam erant, ut infr. Noster III. 24. 9, *eampestres*. *Quorum plaustra vagas rite trahunt domos*; ἀμαλῶσις, ἀμαλῶσις. *Latium ferox*, bellicosum. *regumque matr. barb.* nam regiae matres vel maxime de filiorum regni incolumitate sollicitae sunt; Cl. Mitsch. comparat Aeschyl. Pers. 160. *barbarorum*, intellige reges in Asia minore; cogitavit fortasse poëta de Parthorum rega Phraate. *purpurei*, purpura induti, purpurati. *Iniurioso ne pede pror.* sensus: na violenter imperium de eo, quo se nunc extollit, statu delicias, neve populus ad seditionem concitatus illud evertat. *iniurioso* h. e. violento; sic venti *iniuriosi* infr. Epod. 17. 34. *proruas*, active: deturbes, delicias. *Stantem columnam*, stans et florens adhuc imperium, quod cum stante columna comparatur; hinc passim reipublicae status *concuti*, labi, factari, cett. di-

citur. — Cl. Mitscherl. in hanc sententiam laudat Pind. Pyth. IV. 484. et Pausan. III. 7. *cessantes*, moras necantes nec statim arma arripientes; *ad arma*, cum vi repetit voces *ad arma*, *ad arma*, quas, qui in repentino tumulto ad arma evocant, identidem repetere solent. Ovid. Met. XII. 244. *Certatimque omnes uno ore, arma, arma loquentur*; cf. Virg. Aen. II. 668.

v. 17—20. Sententiam a potentias tuas cedere debent omnia s. lyrica sublimitate expressit per adumbratam imaginem *Necessitatis*, quae *Fortunae*, ut eius ministra, cum instrumentis ad res indissolubili firmitate munieudas validissimis, praecedere fingitur. Cum *Necessitas* *Fortunae*, ut ita dicam, sit attributum, apte iam illa personam induit. — *saeva*, dira, inexorabilis, δεινὴ, ἀπαρσιπῆ. — *clav. trabal.* quibus ad aedium trabes firmissime copulandas utimur utebantur; eum eiusmodi *clavo trabali* sistitur *Fortuna*, ut observat ad h. l. Iani, in *Causae Museo Rom.* T. I. p. 72. Tab. XXVIII. et apud Spens. Tab. XXIII. n. 5. p. 154. hinc apud Cic. Verr. V. 24. ut *beneficium, quemadmodum dicitur, trabali clavo*

Gestans aena, nec severus
 Vncus abest, liquidumque plumbum. 20
 Te Spes et albo rara Fides colit
 Velata panno: nec comitem abnegat,
 Vtuncque mutata potentes
 Veste domos inimica linquis.
 At vulgus infidum et meretrix retro 25
 Periura cedit: diffugiunt cadis
 Cum faece siccatis amici
 Ferre iugum pariter dolosi.

figeret, h. e. firmissimum efficeret. Petron. c. 75. *Nosti, quod semel destinavi, clavo trabali fixum est*, h. e. immutabile est. *Mitsch.* in hanc rem laudat Aeschyl. Suppl. 949. — *cuneos manus Gestans*, — iam non ad diffindendum, sed ad compingendum et firmiter coagmentandum. *uncus*, hamus ferreus (nos: *klammer*), cuius usus fuit in lapidibus firmiter iungendis, adfuso *liquefacto plumbo*, ne uncus inde dissolvi posset; *severus*, horrendus, saevus; sic *Eumenidum amnis* apud. Virg. Aen. VI. 374. *severus* dicitur; cf. Georg. III. 37. His omnibus autem instrumentis, quae non sine animi quodam horrore *Necessitatem* prae se ferre conspicimus, nil nisi vim Fortunae indomitae et insuperabilem designari, vix est, quod moueam.

v. 24—28. Sensus: *Spes* et *Fides* te *adversam* quoque colunt, nec a te recedunt, quando ex *secunda* in *adversam* mutata potentiorum domos relinquunt; sed ceteri, qui tibi *secundae* tantum adhaerent, vulgus infidum, meretrices, parasi, te *adversum* fugiunt; h. e. veri amici in for-

tuna adversa fidem, falsi perfidiam probant. *Spes*, quae adest Fortunae adversae, ut miseros melioris sortis solatio recreet; hinc *Ελπίδες Τύχης* *ἰσχυροί* apud Macedon. XXXIX. t. in Anthol. Graec. T. IV. 92. *rara*, quia raro amici in utraque fortuna fidem praestant, significanter ipsa dea dicitur *rara* h. e. raros cultores habens. *albo*, ad candorem animi designandum; — *abnegat*, sc. se. *utuncque*, quandocumque, tum quoque, quando. — *mutata veste*, finge tibi Fortunam secundam splendidam, adversam sordida veste indutam; mutat igitur vestem splendidam cum sordida, quando ut dea adversa apparet. *cadis cum faece siccatis*, postquam ad faecem usque vinum ebiberunt, h. e. omnes opes consumerunt et devorarunt. *dolosi ferre*, Graece, pro: astutiores, quam ut ferant; sic infr. Sat. I. 4. 42. *piger ferre* pro: nimis piger, quam ut ferat. *iugum* h. e. inopiam, tanquam iugum est onus. — Comparant Pind. Nem. X. 447. *ταῦροι δ' ἐν πόνῳ πιστοὶ βροτῶν, καμάρου μεταλαμβάνειν*.

Serves iturum Caesarem in ultimos	
Orbis Britannos, et iuvenum recens	30
Examen Eois timendum	
Partibus, Oceanoque rubro.	
Eheu cicatricum et scel̄eris pudet	
Fratrumque. Quid nos dura refugimus	
Aetas? quid intactum nefasti	35
Liquimus? unde manum iuventus	
Metu Deorum continuit? quibus	
Pepercit aris? O utinam nova	
Incude diffingas retusum in	
Massagetas Arabasque ferrum,	40

CARMEN XXXVI

AD PLOTIVM NUMIDAM.

Et ture et fidibus iuvat

v. 29—40. iam, captata quasi Fortunae per hymnum, in eius potentiam decantatum, benevolentia, subiungit preces pro Caesare. *ultimos Britanni*. Sic ex veteri opinione, ultimam orae occidentalis insulam esse Britanniam, apud Catullum quoque *Britanni* dicuntur *ultimi*; et *extremi*. Virg. Aen. VIII. 727. Luc. VII. 541. — *examen*, apposite a nova apum sobole translatus ad exercitum recens ex iuvenibus conscriptum. — *Eois partibus*, terrae orientali, Arabiae Felicis populi, cf. Arg. supr. ad Carm. XXIX. *Oceano rubro*, maris Indici, ab artu solis rube-scentis, accolis. — v. 33. *Eheu cicatricum*, et *scel̄*, ceti. haec subita ad bella domestica conversio, et dira malorum, quae illa protulerunt,

exsecratio, ad ventum, ut bellum a patria ad barbarorum vincendorum terras avertatur, egregie ducit. — *sceleris* conf. supr. I. 2. 29. — *Fratrumque*, copiosius in hanc sententiam Lucan. II. 286. *domini per viscera ferrum Exegit famulus; nati maduere paterno Sanguine — in fratrum occiderunt praemia fratres.* — *intactum*, impollutum. *nefasti*, scelesti. *diffingas*, recudendo in aliam formam fingas, retracta. — *Massagetas*, nobilem Scythiae gentem, Parthis conterminam.

CARMEN XXXVI.

Cum redux factus esset Plotina Numida ex Hispania (V.C.DCCXXX.), ubi cum Augusto in bellum Cantabrico

Placare et vituli sanguine debito
 Custodes Numidae Deos,
 Qui nunc, Hesperia sospes ab ultima,
 Caris multa sodalibus, 5
 Nulli plura tamen, dividit oscula,
 Quam dulci Lamiae, memor
 Actae non alio rege puertiae,
 Mutataeque simul togae.
 Cressa ne careat pulchra dies nota: 10
 Neu promptae modus amphorae,
 Neu morem in Saliûm sit requies pedum:

tres annos abfuerat; poeta eius sodales, praecipue autem intimum eius amicum et aequalem Lamiam, diem festum secum celebrare, et, mactata ante omnia ex voto, pro felici Numidae reditu suscepto, hostia, potationi, saltationi, amoribus, et omnibus, quibus iucundissimi dies transigi solent, liberius indulgere iubet laetitia. — Quam egregie poeta in hoc carmine, prae laetitia de recepto amico exsultans, mollissimi in amicitia amoris sensus expresserit, quivis ipse sentiet. — Compara cum hoc carmine Catull. IX. et Iuvenal. XII.

v. 1—9. *fidibus*, inter sacrificandum enim ad tibiam et lyram cani solebat; infr. IV. 1. 24. *Illic plaurinta naribus Duces thura, lyraeque et Berecynthiae Delectabere tibiae Mistis carminibus, non sine fistula.* — *vituli sanguine debito*, hostia, quam poeta ex voto, quo diis pro felice Numidae reditu se obligaverat, nunc debebat. *custodes*, tutelares; — *Numidae*, cognomen nobilis gentis Plotiae et Aemiliae, quod maiorum aliquis ob rem quandam in Numidia praeclare gestam accepisse videtur.

— *ultima*, remotissima, ut infr. II. 18. 3. *ultima Africa. divid. oscul.*) *oscula dividere*, modo huic, modo alii osculum dare, ut supr. I. 15. 15. *carmina dividere. memor aut. non al. reg. puer.* suaviter recordans, se una cum eo sub unius eiusdemque magistri vel custodia auspiciis pueritiam transegisse, et simul cum eo togam virilem induisse; — a teneris igitur Numidae et Lamiae amicitia coaluerat. *mutatae*, praetextae nempe in puram.

v. 10—16. *Cress. ne car. pul. di. not. dies*, quem hodie celebramus, laetissimus nota alba insigniatur, h. e. in numerum felicissimorum dierum referatur; dies feliciores apud Romanos nota alba, vel albo lapillo, infeliciores autem nota nigra vel atro lapillo notatos fuisse, satis notum est; cf. *Bentl.* *Cressa* h. e. alba a creta, quae ex insula Creta vel apportata, vel pro Cretica terra habita fuit. *neu promptae mod. amph.* neve modus in promendis ex cella vinaria ampharis servetur h. e. largius hodie vinum afferatur. *Saliûm*, Saliorum, Martis sacerdotum, qui ex Numae instituto secundum

Neu multi Damalis meri
 Bassum Threïcia vincat amystide :
 Neu desint epulis rosae,
 Neu vivax apium, neu breve lilium.
 Omnes in Damalin putres
 Deponent oculos : nec Damalis novo
 Divelletur adultero,
 Lascivis hederis ambitiosior.

45

20

Liv. l. 20. *per urbem ire canentes carmina tripulit* solemnique saltatione iussi sunt. multi *Damalis meri*, puella, quae largiter vino se ingurgitare solebat, ut apud Ovid. Met. XIV. 452. *nimique Elpenora vini*; fuit Damalis haud dubie libertina vel puella inhonestior, quia honestioribus vel ingenuis virginibus haud interesse licebat potationibus. *Bassum*, insignem inter sodales potatorem; — *amystide* h. e. uno spiritu et haustu poculum exhauriendo: *amystis* est vox Graeca, Hesychio interprete: συντυχής πόσις, hinc apud Anacr. XXI. 2. πίνων ἀμυστί; vocatur haec avidius uno haustu vinum absorbendi ratio *Thracia*, a nota Thracum vinolentis; laudant Callimach. Fragm. (Bentl. CIV. p. 481. edit. Ernest.) Καὶ γὰρ ὁ Θρηάκιον μὲν ἀνήγατο χανθὸν ἀμυστικὴν ζωποπότιν. *apium vivax*, diu viridem colorem suum servans; *breve*, breve tempus florens, ut *brevis rosa* infr. II. 3. 43. Ceterum florum usus in laetis conviviis notissimus; cf. infr. carn. XXXVIII. et multa in hanc rem congesta a Fulv. *Vrsin.* in *Ap-*

pend. ad Ciaccon. de Triclin. p. 263 seqq.

v. 47—20. *Deponent*, suaviter amantes, qui obtutum in puella figunt, vel uno obtutu in ea haerent, *deponere in puellam* dicuntur oculos, et quidem *putres* h. e. amore tabescentes, libidines natantes, lascivos, cf. supr. ad I. 19. 8. Comparant Theocrit. I. 96. Καὶ τὸ δ', ἐπὶ κ' ἁσπορῆς τὰς παρθένους, οἷα γελῶντι, τὰ καὶ ὀρθαλμοῖς. — *nec Dam. nov. divell. adul. lasc. hed. ambitios.* nec Damalis ab novi amatoris (haud dubie Numidae) amplexibus, quibus arctius hedera se implicabit, per alium se divelli patietur. *lasciv. heder.* similiter Noster arctos complexus cum hedera ubique se implicante comparat infr. Epod. 45. 5. *Arctius atque hedera procrea adstringitur illex, Lentis adhaerens brachiis.* cf. Catull. LXI. 34. 35. *hedera* autem, ob eius amplexus cum lasciviorum amplexibus comparata, ipsa suaviter dicitur *lasciva*, quod respondet fere nostro: *buhlend. — ambitiosior*, magis brachiis suis ambiens, h. e. arctius et tenacius inhaerens atque se implicans.

CARMEN XXXVII

AD SODALES.

Nunc est bibendum, nunc pede libero
Pulsanda tellus; nunc Saliaribus
Ornare pulvinar Deorum
Tempus erat dapibus, Sodales.

CARMEN XXXVII.

Quo gravius fuit periculum, quod Romano Imperio moliebatur Cleopatra, eo laetior Romanis allatus de morte, quam, cum anno post pugnam Actiacam (DCCXXIV.) capta esset ab Augusto Alexandria, aspidis ad corpus admotae morsu, ne in triumphum duceretur, sibi consciverat Cleopatra, debebat esse nuncius. — In buius publicae igitur laetitiae societatem dum posita sodales suos evocat, et, quomodo Cleopatra, ad Actium primum ab Augusto victa, deinde usque eo redacta fuerit, ut violenta morte periret, sublimiore spiritu enarrat, alia quasi ageos Augusti, ut Romani imperii statoris, laudes in hoc carmine celebrat. Compara cum hoc carmine infr. Epod. 9. Virg. Aen. VIII. 675. et Propert. III. 41. et IV. 6.

v. 4—4. *Nunc* cum vi ter repetitum; — hoc die, si quo alio, ubi laetissimus de Cleopatrae morte nobis accidit nuncius, potationi et saltationi iodulgeodum est; — imitatus est Noster, ut observant interpretes, similis argumenti carmen Alcæi, cuius primos versus servavit Athen. X. 8. Νῦν χρὴ μεθύμεν, καὶ τινὰ πρὸς βίαν πίνειν, ἐπειδὴ κάρθαιε Μύρσιλος. *nunc Saliaribus* cett. hic

dies, si quis alius, lautas epulas, diis in templis apponeodas, h. e. lectisternium sive supplicationem exigebat. — In supplicationibus enim, ubi diis vel ob res praeclare io bello gestas, vel ob felicem quandam rerum eventum publice gratiae agebantur, lautiores epulae in eorum templis apponi, et circa eas strati lecti sive pulvinaria, quibus dii ad cibos capieodos discumberent, collocari solebant, quod dicebatur *lectisternium*; itaque *ornare pulvinar deorum Saliaribus dapibus* iam erit: magnificas epulas diis in eorum templis apparare; *pulvinar* pro templo, ubi pulvinar positum est; sic apud Ciceronem in Cat. III. 40. *quia ad omnia pulvinaria supplicatio decreta est*. et sic Livius XXIV. 40. s. fin. *et supplicatio omnibus Deis, quorum pulvinaria Romae essent, indicta est*. — Peculiarem libellum de sacris pulvinaribus scripsit I. David Ellrod *Altorf*. 1726. 4. *Saliaribus dapibus* de epulis lautis et epiparis, quibus se iovitare solebant Martis sacerdotes, Salii, hinc *παραποιμαχός* apud Cic. ad Attic. V. 9. *epulari Saliarem in modum*. *Tempus erat*, explicant pro: tempus est; quod oon opus videtur; cogita, positam iam initio supplicationis facto sodales suos allocutum esse: *nunc tempus erat*, nunquam magis fas fuit, quam nunc, cett.

Antehac nefas depromere Caecubum
Cellis avitis, dum Capitolio

5

Regina dementes ruinas

Funus et Imperio parabat

Contaminato cum grege turpium

Morbo virorum, quidlibet impotens

10

Sperare, fortunaque dulci

Ebr̃ia. Sed minuit furorem

Vix una sospes navis ab ignibus:

Mentemque lymphatam Mareotico

v. 5—12. *Caecubum* pro vino generosiore, cf. supr. ad l. 20. 9. — *avitis*, ubi ab avis vinum conditum fuit, h. e. vinum vetustum vel *avium* (ut vocatur ab Ovid. Art. Am. II. 695.) servantibus. Similiter *testam paternam* dixit Tibull. I. 10. 48. — *dementes*: dementia et insanum furorem eius, qui eas parat, prodentes. *Funus* h. e. interitum; rem Horatius, ut poeta, auget; non proprie enim imperium Romanum ad interitum vocatur, sed imperii Romani tantum sedem Alexandriam translatam erat Cleopatra; Propert. III. 11. vs. 34. 32. *Coniugii obsceni pretium Romana poposcit Moenia, et adlictos in sua regna patres*. cf. Dio L. VII. *Contam.* c. gr. turp. morb. vir. in comitatu suo habens catervam virorum turpi morbo infamium; intellige spadones sive ennuchos, cf. infr. Epod. IX. 43. — cum contemptu autem istam catervam vneat gregem el quidem *contaminatum* h. e. impurum vel foeda libidine pollutum; *virorum morbo turpium* h. e. turpiter eviratorum, nam *morbis*, ut *vóros* apud Graecos, passim de corporis vitiis, nisi quis morbum de eo, quo libidinosi laborant, accipere

malit; hinc apud Catull. LVII. *Mamurra et Caesar, pathici, dicuntur morbos*; cf. Bentl. ad h. l. *quidlibet impotens sperare* impotente animo (h. e. praeter modum, temere) sperans omnia; *impotens*, animi cupiditati temperandae impar; Livius VI. 41. *animi ingenio vehemens et impotens*. — *dulci* refer ad dulcem illam spem, quam de Romano imperio, tamquam amoris mercede, ab Antonio accipiendo (Flor. IV. 11.), fovebat Cleopatra; *ebria*, quia spes, quam imbiberat, dulcissima, eius mentem, ut nimius potus, perverterat; nos similiter: *berauscht*; Graeci: *μεθύων*, v. c. Theocrit. XXII. 98. *μεθύων ἵππῳ*.

v. 13—21. *Vix un. sosp. nav. ab ign.* hoc intelligendum est de classe Antonii, quam totam paene in pugna Actiaca combustam esse constat; ipsa Cleopatra enim vano timore exsternata sub pugnae statim initio cum sexaginta navibus aufugerat, quam mox navi praeloria (ad quam spectare videtur *una navis sospes ab ignibus*) secutus est Antonius; vid. Dio L. XXXIII. p. 439. Flor. IV. 11. 8. *Mentemque lymphatam Mareotico* — *remis adargens*: sensus: et

Redegit in veros timores
 Caesar, ab Italia volantem
 Remis adurgens: accipiter velut
 Molles columbas, aut leporem citus
 Venator in campis nivalis
 Haemoniae: daret ut catenis
 Fatale monstrum; quae generosius
 Perire quaerens, nec muliebriter

Caesar celeri cursu ab Italia fugientem Cleopatram persecutus, vanum eius timorem, quo pugnae se subduserat, in verum ad Alexandriam mutavit; *vanum timorem*, qui vero opponitur, expressit Noster per *mentem lymphatam Mareotico*. — *lymphatus* (νυμφεληπτός) proprie dicebatur, qui Nympham aquaticam conspicatus aquam timeret; (nos: *wasserscheu*) unde deinde de eo, qui vel subito terrore offusus, vel mente alienatus, vel furore correptus esset, vid. *Cuper. Observ.* III. 42. Iam vero cum Cleopatra vix pugna navali ad Actium commissa ita alienata esset animo, ut nulla adhuc urgente necessitate statim fugam ex-pesseret; ille terror vanus saepe ad eius vitam luxuriosam simul notandam *menti lymphatae Mareotico* h. e. offusae et externatae vino Mareotico, sive eius ebrietati, tribuitur; cf. *Bentl. Mareoticum*, vinum nobilissimum, ad Mareotidem paludem super Alexandria natum; cf. *Heyn.* ad Virg. Georg. II. 94. *ab Italia*, quo tetenderat Cleopatra; *remis adurgens*, primum nempe Caesar Liburnas naves fugientem Cleopatram premere iussit, deinde post aliquod temporis intervallum ipse eam ad Alexandriam usque persecutus est.

— *accipiter velut* sc. premere solet. — *molles, timidas*; primas lineas huius comparationis duxit Homerus II. XXII. 439. Πηλεΐδης δ' ἐμόρουσε — ἦντι κίρκος ὄρεσσιν, θλαπτότατος πετηνών, Πηδῶς οἴμασε μετὰ τῇ πόλει πλεόν. cf. Virgil. Aen. XI. 724. ubi plura tam Graecorum quam Latinorum poetarum in hanc rem exempla conduxit *Cerda*. *nivalis Haemoniae*, Thessaliae, ab antiquo rege *Haemone*, quae nunc a tempore, quo lepores in campis venator indagare solet, *nivalis* dicitur. — *daret ut catenis*, eo scilicet consilio, ut ex more solenni *catenata* ante currum triumphalem duceretur. — *Fatale monstrum*, horrendae et insudatae cupiditatis mulierem, fato quodam a diis iratis Romano imperio immissam, quam graviter! Similiter Cicero Catilinam ob dira eius consilia *monstrum* et *prodigium* vocat in *Cat.* II. 4. *Dedecus Aegypti, Latii ferulis Erymis* audit Cleopatra apud Lucan. X. 59. *generosius*, nobiliore et honestiore mortis genere, quam quod se captivam maneat. *expavit eam*, arreptum enim telum, quo vim sibi illatura erat Cleopatra, cum Proculeius eam ad Caesarem abductum venisset, vix vi ex eius manibus extorqueri potuit, ut nar-

Expavit ensem, nec latentes
 Classe cita reparavit oras;
 Ausa et iacentem visere regiam 25
 Vultu sereno, fortis et asperas
 Tractare serpentes, ut atrum
 Corpore combiberet venenum;
 Deliberata morte ferocior:
 Saevis Liburnis scilicet invidens 30
 Privata deduci superbo
 Non humilis mulier triumpho.

rat Plutarch. in Vit. Anton. p. 952. — *nec lat. class. cit. repar. or. h. e.* nec, ut mortem effugeret, occultiora, quibus lateret, loca cita classe parare h. e. assequi studuit. *reparare* pro *simplice parare*, ut supr. l. 31. 42. *vina reparata* pro *parata*. In quo quidem verbi *reparare* usu cum essent qui non acquiescere possent, emendando locutionis insolentiam tollere studuerunt; *Bentleius* quidem ingeniose tentabat *penetravit oras*, ut *Illyricos sinus penetrare* pro: in ain. *Illyr. penetrare* apud Virg. Aen. l. 443. — *Lambert Bos* in *Animadv.* p. 36. *ire paravit oras*, ut *ire Afros* pro: in Afros apud Virg. Ecl. l. 65. — Nostra denique aetate satis audacter *Wakefield*: *repedavit oras*.

v. 25—32. *iacentem*, periculi imminenti metu delectam, afflictam: *sic iacentem* (h. e. afflictum, miserum) *solari* apud Ovid. Trist. l. 8. 43. et Pont. III. 3. 77. et saepe alibi; — *tractare* sc. manibus ut ad morsus lacesseret; *asperas* refer ad asperam serpentum iram et saevitiam; sic infr. III. 2. 40. hostis timendus, et saevius cum *aspero tactu* *leone* comparatur. — Serpentes autem sive aspidem illas fixisse dentes suos venenatos in Cleopatrae brachio, ex adumbrata cum

aspidibus eius brachio implicitis imagine, quam Augusto, in triumphum invecto, praeportatam esse tradunt, intelligi potest; v. Propert. III. 9. 53. et ibi *Burm.* — Ceterum mortis per aspidum morsus conscitae genus apud Aegyptios haud infrequens; sic Demetrium Phalerum in Aegypti regno, aspidem ad corpus admota, vita privatum esse narrat Cicero in Orat. p. C. Rabir. Post. c. 9. *Saevis Lib. so. invid. Priv. ded. sup. N. hum. mul. triumpho*, h. e. invidens scilicet hostibus hanc gloriam, ut *mulier non humilis* (h. e. modo regina) nunc privata in splendidum triumphum deduceretur. *Saevis Liburnis*, navibus illis parvis et velocioribus, quilibet Liburni inprimis piratae mare olim infestaverant; iam vero cum Augustus vel potius Agrippa egregia earum opera non solum Antonii classem, ex grandioribus et ob molem suam minus agilibus navibus instructam, vicisset, sed iisdem etiam ad persequendam Cleopatram usus esset, cum dilectu pro: hostibus infestissimis, ponuntur. *privata deduci* ut privata (h. e. perditio regiae dignitatis honore) deduceretur; opportune Cl. *Mitsch.* affert locum e Zenob. Cent. V. p. 424. edit. Schott. q. 86 K).

CARMEN XXXVIII

AD PVERVM.

Persicos odi, puer, adparatus;
 Displacent nexae philyra coronae;
 Mitte sectari, rosa quo locorum
 Sera moretur.

Simplici myrto nihil adlabores
 Sedulus curae; neque te ministrum
 Dedecet myrtus, neque me sub arta
 Vite bibentem.

5

αἰρουμένη μᾶλλον ἐντίμους ἀποθανόντων,
 ἢ ἐν ἰδιωτικῇ τάξει ἐπὶ θεάτρῳ ἀπα-
 μασθῆναι, ἀνελὼν αὐτὴν ἐμύλησεν.

CARMEN XXXVIII.

Vt ostendat posita, se conviviorum simplicitate magis quam splendido eorum apparatu delectari, puerum, cui convivii apparandi curam demandaverat, coronam convivalem haud ex floribus undecunque studiosè conquisitis, sed ex simplice myrtonectere iubet.

v. 1.—1. *Persicos odi adparat.* De Persarum luxu et magnificentia in apparandis conviviiis vid. Athen. IV. 40. et 42. Val. Max. IX. 4. Aelian. V. H. XIV. 34. — *nexae coronae* convivales ex variis floribus per philyram connexae, quae inde dicebantur *antiles*; de *philyra* Plin. H. N. XVI. 14. s. 25. *Inter corticem ac lignum tenues tunicae multiplici membramula, e quibus vincula,*

tiliae (lindenbast) *vocantur, tenuissimae earum philyrae, coronarum lemniscis celebres, antiquorum honore.* — mitte noli. *sera moretur* serioris anni tempore, quo ceterae deflorescunt, adhuc floreat. *exquisite!*

v. 5—8. *Simpl. myrt. nih. adl. sed. curae*, sensus: nolo, ut ex sedulitate et ex ministerii tui bene perfungendi cura alios flores simplici myrto adiungas; pro *sedulus curae* vulgo legitur: *sedulus curo*; sed cum cura loquendi ratio: *curo nihil adlabores*, indigna esse videatur Horatio, dedi, quod Bentleius ex Cod. Bodleiano protulit: *Sedulus curae*, pro: *sedulus in rebus*, quae curae cordique alicui sunt, sive, pro: *sedula cura. ministrum* sc. vini. — *dedecet myrtus*, nam pocillatores quoque sertis coronari solebant. *sub arta vite*, sub denso umbraculo e vitibus contexto; sic apud Virg. Eclog. IX. 42. *lentae vites umbracula texere* dicuntur.

Q. HORATHI FLACCI
C A R M I N V M

LIBER SECVNDVS.

CARMEN I

AD ASINIVM POLLIONEM.

Motum ex Metello consule civicum,

CARMEN I.

In nullis, quantum equidem animadverti, Horatii carminibus magis hallucinati sunt interpretes, quam in diiudicandis iis, ubi excelsiore spiritu poeta exsurgit, et lyrica arte, hoc est liberiore vinculo sententias inter se coniunxit. Itaque super huius quoque carminis, sublimitate sua eminentis, consilio mirae prolatae sunt argutiae, quas repetere et refellere cum molestum, tum ab instituto nostro alienum est. — C. Asinius Pollio, vir consularis, quem belli pacisque artibus pariter, ac litterarum ingenique, quo praeclarum tragoediarum scriptorem se praestitit, gloria inter Romanos excelluisse satis constat, cum iam eo contulisset studia sua, ut belli civilis historiam scriberet, Horatius cum in hoc carmine ad illud opus strenue perficiendum non sine magna eius laude adhortatur atque excitat. Sententiarum nexus est fere hic: bellorum civilium

originem, ab eo inde tempore, quo Metellus consul fuit, repetendam, et rationem, qua illa gesta sunt, enarrare aggressus es, Pollio. Est sane tanti, ut tamdiu, usque dum ultimam manum suscepto operi imposueris, animum paulisper a tragoediarum scribendarum studio avertas. Quam vivis coloribus omnia in illa bellorum civilium descriptione expressa erunt! Iam nunc ipsis pugnis, quas descripturus es, interesse mihi videor! iam nunc adumbrata fortissimorum ducum imago animo meo obversatur! Iam nunc mente percipio, quomodo totus terrarum orbis praeter atrocem animum Catonis subactus, et quanta strages in Africa edita sit! Quis campus enim Romanorum civium sanguine non pollutus est? In quam terram famam de bellorum civilium calamitate non penetravit? Quem gurgitem, quem fluvium, quod mare non commaculavit civium caedes? Sed quo me abripi patior ego, qui non gravioris sed levioris tantum ar-

Bellique causas, et vitia, et modos,
 Ludumque Fortunae, gravesque
 Principum amicitias et arma,
 Nondum expiatis uncta cruoribus,
 Periculosae plenum opus aleae,
 Tractas, et incedis per ignes
 Suppositos cineri doloso.
 Paullum severae Musa tragoediae
 Desit theatri: mox, ubi publicas

5

10

gumenti carmina canere possum! — Ceterum cum bellorum civilium historiae, in XVII libris a Pollione expositae, alii quoque scriptores (e.g. Tacit. Ann. IV. 34. Sueton. Caes. 30. et de Cl. Gramm. 10. Appian. de B. C. p. 479.) tam honorificam mentionem iniecerint; profecto eam non aetatem tulisse maxime dolendum est. — Pollionis autem laudes inprimis complectuntur quarta et octava Ecloga Virgilii, cui ille aequae atque Horatio amicus et patronus existit.

v. 4—8. *Mot. ex Met. c. civ.* Pollio nempe, cum a societate illa, quam V. C. DCXCIV. Q. Caecilio Metello Celere, Lucio Afranio Coss. tres viri principes, Caesar, Pompeius et Crassus, contra rempublicam inierunt, primam bellorum civilium originem repeteret, inde quoque eorum historiam detexere exorsus est. *motus civilis*, seditio, quae inter cives movebatur, iam pro initio belli civilis. — *bellique causas*, poeta ipse eas v. 4. subiicit, *graves* scilicet *principum amicitias*. *vitia*, temere, a Pompeianis inprimis, capta consilia. *modos* refer ad omnem rationem, qua bellum pro cuiusque partis consilio et viribus gestum est. *Ludumque Fortunae*, fortunae vicissitudines. *gra-*

ves, exitiosas. *uncta* h. e. polluta, ut infr. Epod. 5. 49. *ova turpis ranae sanguine uncta*. — *nond. expiatis cruor.* perpetrata enim in bello civili civium caedes ad graviora et piaculis expianda referebatur scelera; hinc supra Noster de bellis civilibus I. 2. 29. *Cui dabit partes scelus expiandi Iupiter?* — *Pericul. plen. opus aleae* explicant: opus periculosissimum, rem magnam et arduam moliris; eundem per opus plenum periculosae aleae simpliciter designatum esse puto *bellum civile*, quia in eo, sicut in alea, plurima a fortunae favore pendent; et sic *incedere per ignes suppositos cineri doloso* erit: versari in describendo bello civili, ubi inopinata mala et pericula, sicut ignis cineri doloso suppositus, subito prorumpunt; eleganter autem *cinis* dicitur *dolosus*, sub quo ignis dolose quasi latet.

v. 9—16. *Paul. sev. Mus. trag.* *Des. theatr.* sileat interea Musa tua tragica, cesset et intermittatur paululum, quo tragoediis describendis de theatri egregie meres, studium. — *ubi res publicas ordinari*, ubi res, quae ad bella civilia spectant, digesseris, et earum nexum ex ordine descriperis; vel ad exquisitius loquendi genus: postquam rempubli-

Res ordinaris, grande munus
 Cecropio repetes cothurno,
 Insigne moestis praesidium reis,
 Et consulenti Pollio curiae,
 Cui laurus aeternos honores 15
 Dalmatico peperit triumpho.
 Iam nunc minaci murmure cornuum
 Perstringis aures: iam litui strepunt:
 Iam fulgor armorum fugaces
 Terret equos equitumque vultus. 20
 Audire magnos iam videor duces

cam composueris, h. e. postquam
 historiam tuam ad illa usque tem-
 pora produxeris, quibus respublica
 est composita. Facere enim dicun-
 tur poetae et historiarum scriptores,
 quod describunt. *grande mun. Cecr.*
repet. cothurn. tragici poetae partes de
 integro sustinebis; *repetere grande*
munus: ad grave tragoedias scribendi
 studium redire, *Cecropio* — *co-*
thurno, sublimiore, quem illud exi-
 git, spiritu. *Cecropius*, Atticus;
 fuerunt autem nobilissimi tragoedia-
 rum scriptores Attici sive Athenien-
 ses, Thespis, Sophocles, Aeschylus,
 Euripides. *cothurnus*, calceus altior,
 quo in tragoediis utebantur, pro ipsa
 tragoedia, vel sublimiore scribendi
 genere, uti *saeculus*, calceus humilior,
 pro comoedia, vel humiliore scribendi
 genere; conf. infr. A. P. 89. Hinc
 Virgilius, Pollionem Sophocli acqui-
 parans, eius carmina sola *Sophocleo*
cothurno digna esse ait. *Insigne moe-*
stis — *peperit triumpho*, pro vulgari:
 O Pollio, vir consultissime, et victo-
 riarum gloria clarissime. *consulenti*
curiae, senatui de rebus gravioribus
 deliberanti. *Dalmat. triumph.* de
 Parthis proprie, populo Illyrico,

contra quos missus fuerat ab Antonio,
 triumphum egit Pollio. Dio XLVIII.
 41. Appian. de B. C. V. 75. p. 1135.
 qui quidem triumphus honorificen-
 tiore nomine dictus est *Dalmaticus*.

v. 17—24. Sequitur locus longe
 pulcherrimus. Iam nunc oculis suis
 subiecta esse ait poeta, quae Pollio
 pro insigni, qua polleat, diceodi arte
 adumbraturus sit. Tribuit igitur ei
 laudem, in qua summa historiarum
 scriptoris virtus cernitur. *perstrin-*
gis, feris, impellis. Terret equos
equitumque vultus, equi nempe ar-
 morum fulgore consternantur et equi-
 tum vultus periculo imminente pal-
 lescit. *Audire magnos iam videor*
duces cett. sensus: iam auribus perci-
 pere mihi videor voces et iussa,
 quibus magni et egregii duces mili-
 tes ad pugnam exhortantur, et sic
 praesens quasi cognosco, quomodo
 praeter invictum Catonia animum to-
 tus terrarum orbis subactus sit. —
Aud. mag. iam vid. duces. explicant
 fere: iam audire mihi videor te reci-
 tantem de magnis ducibus cett. sed
 sic omnis huius loci vis tollitur; le-
 ctor enim Pollionis de bellis civilibus
 historiae non legere de pugnis, sed

Non indecoro pulvere sordidos,
 Et cuncta terrarum subacta
 Praeter atrocem animum Catonis.
 Iuno et Deorum quisquis amicior
 Afris inulta cesserat impotens
 Tellure, victorum nepotes
 Retulit inferias Iugurthae.
 Quis non Latino sanguine pinguior

25

in ipsa pugna simul versari sibi videtur; audit cornuum murmur et lituorum strepitum, videt consternatos equos; auribus igitur percipere quoque sibi videtur ipsas ducum militibus imperantium voces. *Non indec. pulv. sord.* decori enim est viro forti pulvis in pugna collectus; hinc *supr. l. 6. 15. Meriones pulvere Troio niger* dicitur. *Et cuncta* cett. verbum *audire* iam non in propria significatione repetendum, sed vel pro: *cognoscere, intelligere, videre*, accipiendum, vel eiusmodi verbum ex noto loquendi genere, quod *zeugma* dicitur, supplendum est. *praeter atroc. anim. Cat.* praeter Catonem, virum perviciacissimum, qui, cum mori, quam tyranni vultum adpicere, mallet (Cic. Offic. I. 31. Vell. II. 49. Senec. de Provid. II. et Epist. 95.) manum sibi Vitiae intulit; itaque eius animi constantia et pervicacia cum atrocitate coniuncta fuit.

v. 25—28. Iam causa, ex qua Cato mortem sibi conscivit, subicitur; vulgarem autem sententiam a postquam Romani in bello Africano occisione paene a Caesare occisi sunt egregie ad veteris religionis doctrinam adumbravit; Iunonem enim et ceteros Africae deos *ἐπιχθονίους* sive tutelares, qui cedere olim debuerant cladibus, quas Romani in bello Iu-

gurthino et bellis Punicis Afris intulerant, iam auctores facit insignis illius cladis, qua collectus a Q. Scipione exercitus, ultimum libertatis defendendae praesidium, ad Thapsum (Byzacii oppidum) ad internecionem caesus est; olim quidem, ait, Iuno et ceteri dii Afris propitii *impotentes* (quia fati necessitati resistere non poterant) *inulta* terra excedere coacti sunt; sed nunc *nepotes victorum*, tamquam piacula, Iugurthae et ceterorum Afrorum manibus obtulerunt, h. e. nunc avorum poenas a nepotibus expetierunt. *cesserat*, loca enim vastata vel captas urbes dii deserere putabantur; vid. *Cerda* ad Virgil. Aen. II. 351. *retulit*, significanter pro: obtulit; *referre* enim notionem vicis reddendae simul complectitur, uti *gratiam referre* in malam partem pro: vicem reddere, dici solet. *inferias* refer ad inhumanum illum praeae antiquitatis morem, ex quo captorum sanguine placari solebant in bello caesorum manes; de quo vid. ad Virg. X. 519.

v. 29—36. *Quis non Lat. sangu.* cett. vulgarem sententiam: ulinam est in toto terrarum orbe locus, quem Romani clves non sanguine suo maculaverint? splendide exornavit poeta, *sanguine pinguior camp.*

Campus sepulcris impia proelia 30
 Testatur, auditumque Medis
 Hesperiae sonitum ruinae?
 Qui gurgēs, aut quae flumina lugubris
 Ignara belli? quod mare Dauniae
 Non decoloravere caedes? 35
 Quae caret ora cruore nostro?
 Sed ne, relictis, Musa procax, iocis,
 Ceae retractes munera Naeniae:
 Mecum Dionaeo sub antro
 Quaere modos leviori plectro. 40

CARMEN II

AD CRISPVM SALLVSTIVM.

Nullus argento color est, avaris

similiter apud Virgil. Georg. I. 491. de bellis civilibus campi pinguescere dicuntur; conf. Mitsch. audit. Med. Hesp. sonit. ruin. et quis non percepit (quod ex verbo testatur eliciendum est) fragorem corruentis imperii Romani, Medis adeo (h. e. Parthis, Romano nomini infestissimis) auditum? quae flumina, fluvii enim passim a poetis proeliorum testes adhiberi solent; conf. infr. IV. 4. 38. Catull. LXIV. 358. Tibull. I. 7. 11. Virg. Eclog. V. 21. cogitare autem licet de proeliis ad Rhodanum, Padum et Iberum commissis. Daun. caedes h. e. sanguis caesorum civium Romanorum; Daunia sive Apulia pro tota Italia.—Terras, quae bella civilia senserunt, recenset Florus IV, 2. § 6. Si locum et spatium (sc. inopietas, quod ex antecedentibus repetendum), ubi commissum est, intra Italiam; inde se in Galliam Hispaniamque deflexit,

reversumque ab occasu, totis viribus in Epiro Thessaliaque consedit; hinc in Aegyptum subito transiit; inde respexit Asiam; inde Africæ incubuit; postremo in Hispaniam regeravit, et ibi aliquando defecit.

v. 37—40. ne numeru Ceae Naeniae retractes, ne canas naenias, Σπῆνους, carmina lugubria et miserationem moventia, qualia olim cecinit Simonides Ceus (insula Cea oriundus).—Simonideas lacrimas flebiles illos et miserabiles Simonidis elegos vocat Catull. XXXVIII. 8.—De laudibus, quae Simonidi, ut poetæ, tribuuntur, vid. Wesseling. ad Diodor. Sic. T. I. p. 412. munera naeniae, pro: naeniam vel naenias; numerus, ut saepe, inservit periphrasi.

CARMEN II.

Agit poeta in hoc carmine de vera, quae ex divitiarum vel contentu vel liberali earum usu com-

Abdito terris, inimice lamnae
 Crispe Sallusti, nisi temperato
 Splendeat usu.
 Vivet extento Procleius aeo
 Notus in fratres animi paterni :

5

paretur, gloria eo consilio, ut eam Crispo Sallustio, sapientius, quibus ille abundabat, divitiis uso, vindicaret. Proculeii igitur, immortale liberalitate sua in fratres nomen nacti, laudato in hanc rem exemplo, tam miseram conditionem eorum, quorum plura habendi cupiditas in dies, ut hydrops, crescat, quam suam felicitatem et potentiam eorum, qui extirpata plane ex animo plura habendi cupiditate sibi imperare et fortuna sua uti didicerint, describit. — Fuit autem Crispus Sallustius, clarissimi historicarum scriptoris ex sorore nepos, non solum a divitiarum augendarum (nam vivebat splendidissime), sed etiam honorum (noluit enim ultra ordinem equestrem assurgere) studio alienissimus. Nobilissimi in primis sunt *horti Sallustiani*, quos praeclaris antiquitatis monumentis instructos Imperatores postea obtinuisse constat. — In sententiam huius carminis comparant Theocrit. XVI. 22 seqq.

v. 1—4. Sensus: Nullum pretium habet argentum, quod avaris hominibus abdūm est in terra; hinc invis tibi est, Crispe Sallusti, pecunia, quae non sapienter in usum convertitur. *null. arg. ool. est.* splendore suo h. e. pretio caret argentum. *tō avaris* omnes, quos vidi, interpretes ad *terris* trahunt, et *avaram terram* explicant de ea, quae avari instar argentum conditum custodiat; equidem *avaris* in

casu tertio ei *terris* in casu sexto positum esse arbitror, ita, ut *argentum avaris abdūm terris* sit, argentum, quod avaris hominibus abdūm est, vel quod avari abdere in terra solent. *Avaris* scilicet opponitur Crispus Sallustius, qui, ut paulo post dicitur, *avidum spiritum domare* dilicerat. *inimicus lamnae*, qui nihil curat pecuniam; — *lamna* pro *lamina*, argentum in laminas procusum, iam cum contentu quodam pro: pecunia. *temperato* sc. ad eum, qui tenendus est, modum, h. e. recto. Commode cum sententia huius loci contendunt Pind. Nem. I. 44. Οὐκ ἔραμαι πολὺν ἐν ψυᾷ ἀργυρίου κατὰ κρύφας ἔχειν. Ἀλλ' εὖ τινος καὶ τοῦτο καὶ ἀκούσαι, φίλοις ἑκατέων.

v. 5—8. Itaque gloria, quam liberalitate in fratres sibi comparavit Proculeius, semper vigeat et apud posteros celebrabitur. *Notus — paterni animi* pro vulgari: notus paterno animo. *C. Proculeius Varro Muraena*, eques Romanus, et intimus Augusti amicus, tam pio liberalique in fratres (L. Licinium Varroem Muraenam et M. Terentium Varrohem Muraenam, secundum Masson. VII. Horat. p. 304.) bonis suis in bellis civilibus exutos animo fuisse dicitur, ut patrimonii sui partem de integro aequis partibus cum illis divideret. *extento aeo*, pro vulgari: apud posteros; extendit enim aevum, quā gloriam virtute

Illum aget penna metuente solvi

Fama superstes.

Latius regnes avidum domando

Spiritum, quam si Libyam remotis

10

Gadibus iungas, et uterque Poenus

Serviat uni.

Crescit indulgens sibi dirus hydrops,

Nec sitim pellit, nisi causa morbi

Fugerit venis, et aquosus albo

45

Corpore languor.

partam ad posteros propagat; similiter Virg. Aen. X. 468. *famam extendere factis* et Aen. VI. 807. *virtutem extendere factis* dixit. aget, extollet, evehet; *penna metuente solvi Fama*, ad famae aeternitatem designandam tribuuntur Famae, ut deae alatae, *pennae metuentes solvi*, quae sibi cavent, ne solvantur; h. e. quae nunquam solvuntur, nunquam languescunt, nunquam volatui deficiunt; sic passim *metuere*, ut Graecorum *φολέττοςθαι*, periphrasi τοῦ non veluvvnam inservit. Virg. Georg. I. 246. *Arctos Oceano metuentes aequore tingi*. *superstes* ad Famam refertur, quod proprie ad Procleiuna referri debebat.

v. 9—12. Sensus: Si animum tuum a maiorum divitiarum cupiditate domas, et iis, quae habes, recte uteris, non scio, an latiores possessiones tibi habere videaris, quam si Africae et Hispaniae agros simul possideas, et Carthaginenses tam in Africa quam in Hispania tibi uni serviant; brevius: sapiente autem divitiarum tuarum usu longe eris potentissimus. *lati. regn.*) *regnum* et *reguare* passim de agrorum possessionibus; Virg. Eclog. I.

70. *Post aliquot, mea regna vident, mirabor aristas?* conf. Georg. III. 476. *Lybiam*, Africam, ubi latifundia sua habebant Romanorum ditissimi. *remotis Gadib.*) *Gades*, insula prope fretum Gaditanum, pro Hispania, vel Hesperia, quae terra Romanis fuit remotissima; hinc supr. I. 36. 4. *Hesperia ultima iungas*, simul possideas; eandem sententiam variavit Noster infr. III. 46. 39 seqq. *Contracto melius parva cupidine Veetigalia porrigam, Quam si Mygdonius regnum Alyattei Campis continuum*. *Vterque Poenus*, Afer et Hispanus, veteris et novae (in ora Hispaniae maritima) Carthaginis incolae.

v. 43—46. Avarus enim, qui semper plura appetit, similis est hydropico, cuius sitis, quamdiu causa morbi in venis sedet, nunquam expleri potest. Similiter crescentem avarorum cupiditatem cum hydropice comparat Ovid. Fast. I. 211. *Cervent et opes, et opum furiosa cupido; Et, cum possideant plurima, plura volunt*. Sic quibus intumuit *suffusa venter ab unda, quo plus mit potae, plus sitiuntur aquae*. cf. Mitsch. — *aquosus alb. corp. langu.* aqua

Redditum Cyri solio Phraatem
 Dissidens plebi numero beatorum
 Eximit Virtus, populumque falsis
 Dedocet uti
 Vocibus; regnum et diadema tutum
 Deferens uni propriamque laurum,
 Quisquis ingentes oculo irretorto
 Spectat acervos.

29

CARMEN III

AD DELLIVM.

Aequam memento rebus in arduis

intercus, qua corpus tam pallore
 quam languore afficitur.

v. 17—24. Sapiens longe aliter, ac
 plebs, de felicitate, quae virtute
 paritur, iudicat; nec Phraatem ideo,
 quod in regnum Parthicum restitutus
 sit, in censum beatorum refert;
 idemque, probans, solum enim re-
 cte dici posse regem, et summis
 virtutis praemiis dignum esse, qui
 nulla plane divitiarum cupiditate et
 invidia tangatur, rectius populum
 de humana felicitate iudicare docet.—
Reddit. Cyri solio Phraat. Phraates,
 rex Parthorum, cum insolentius et
 crudelius se gessisset, a suis expulsus,
 sed idem deinde, Scytharum
 auxilio, quod imploraverat, susten-
 tatus, V. C. DCCXXX, in regnum
 restitutus est; v. Dio. LI. 48. cf.
 supr. ad I. 26. 5. *Cyri solio*, im-
 perio Persico, pro Parthico, ut saepe
 Persae pro Parthis; supr. I. 2. 22.
 et 21. 45. *beatorum.* Senec. Epi-
 st. 45. *beatus non is est, quem vulgus
 appellat, ad quem magna pecunia
 confluit; sed ille, cui bonum omne*

*in animo est, erectus, excoltus, et
 mirabilia calcans.* *Virtus* perso-
 nam doctoris, sive sapientis, virtu-
 tis praeceptis imbuti, induit. *popu-
 lumque falsis.* *ded.* uti *vocibus*, et
 populum deponere iubet falsas, quas
 de felicitate humana imbiberit, sen-
 tentias. *diadema*, insigne regii ho-
 noris; *tutum*, quod eripi nequit.—
propriam, perennem, aeternam; Cic.
 post Red. in Senat. *¶ Si illud—pe-
 renne ad proprium manere potuisset;*
 et sic perennes et aeternae deorum
 voluptates *propriae* dicuntur apud
 Terent. Andr. V. 5. 4. *oculo ir-
 retorto* h. e. recto, ὁμωπρὸν ὁρῶντες,
 ἀσχετὰ μύκτοις, ἀμετασχηστί, non
 invidorum more, qui rem, cui in-
 vident, laud rectis, sed ad eam vel
 ab ea retortis h. e. limis et invidia
 oculis adspiciunt.

CARMEN III.

Dellio, qui tum ob praesentem
 ferum suorum statum tristitiae se
 tradidisse videtur, animum in ultra-

Servare mentem, non secus in bonis
 Ab insolenti temperatam
 Laetitia, moriture, Delli,
 Seu moestus omni tempore vixeris,
 Seu te in remoto gramine per dies
 Festos reclinatum bearis
 Interiore nota Falerni.
 Qua pinus ingens albaque populus
 Vmbram hospitalem consociare amant

5

10

que fortuna sibi constantem commendat, eumque monet, ut, communi moriendi necessitate ante oculos sibi posita, vitae iucunditatibus, dum licet, sapienter perfruat. — De quo quidem ad iucundioris vitae fructum spectante praecepto, saepius nova arte a Nostro repetito, compara supr. lih. I. carm. 4. et 9. — Fuit autem Q. Dellius homo varius et inconstans, *bellorumque civilium*, ut vocatur a Messala apud Senec. Suas. I. 6. *deudtor*; de quo vid. Vell. Patere. II. 84. et Dio XLIX. 39. ibique *Fabricium*.

v. 1—8. *Aequa. mem. cett. mens aequa*, quae fortuna adversa haud de statu suo deiecit, sed in ea sibi constat, eamque patienter fert. — *rebus in ard.*) *res arduae*, quae difficultatibus haud facile superandis nos impediunt, res dubiae et periculosae. *ab insol. temper. laetit.* h. e. ita ratione se regi patientem, ne insolentius in re secunda se regat, nimiaeque se dedat laetitiae. Cl. *Mitsch.* comparat Grotii Excerpt. trag. p. 909. ubi Incertus: *Ἀγαθὸς ἀνὴρ λήγουσ' ὁ φέρων εὖ τ' ἄγαθὰ, Ἀγαθὸς δὲν εἴη καὶ ὁ φέρων καλῶς κακὰ.* . Seu moest. omni temp. cett. conf. allatum in hanc sententiam a

Mitsch. epigramma IV. Antiphanis in Anthol. Gracc. Tom. II. p. 488. et Epigr. Incert. DXXVI. Anth. Gr. T. IV. p. 229. *in remoto gramine*, in prato a conspectu hominum remoto, h. e. secreto. *bearis inter. nota Fal.* exhilaraveris optimo Falerno. *nota*, de cado, notam sive titulum, quale vinum contineat, prae se ferente; qui quidem nunc dicitur *interior*, quia vinum nobilius et praestantius continebat, idenque in interiore cellae vinariae parte, ut festis tantum diebus inde promeretur, reconditum atque repositum fuit.

v. 9—16. Sensus: Vbi pinus et populus hospitaliter communem umbram sufficiunt, rivusque, ut ex flexuosis anfractibus se expediat, concitatore quasi cursu festinat; eo affer vina, unguenta et rosas, ibique, dum fata sinunt, indulge laetitiae. — Fuit autem hic locus, quem tanta arte Noster descripsit, amoenissimus haud dubie in villa Dellii, cuius mentio fit v. 15. *alba*, nos *silber-pappel*. — *hospitalem*, benigno quasi eos, qui illuc veniunt, hospitio excipientem; cf. Virg. Georg. IV, 24. *consociare amant ramis*, implicitis invicem ramis ex mutui quasi amoris affectio-

Ramis, et obliquo laborat
 Lympha fugax trepidare rivo:
 Hue vina, et unguenta, et nimium brevis
 Flores amoenos ferre iube rosae,
 Dum res et aetas et Sororum 15
 Fila trium patiuntur atra.
 Cedet coemtis saltibus et domo,
 Villaque, flavus quam Tiberis lavit,
 Cedet, et exstructis in altum
 Divitiis potietur haeres. 20
 Divesne prisco natus ab Inacho,
 Nil interest, an pauper et infima
 De gente, sub divo moreris,
 Victima nil miserantis Orci.

ne iungunt; similiter fere supr. l. 25. 4. *amat ianua limen* pro: ianua amanter quasi cum limine consuescit, amanter limini adhaeret. *laborat trepidare*, cum labore et intentiore nisu per tortuosos rivi sinus flexusque festinat. *trepidare simpliciter* pro: festinare; cf. infr. Epist. l. 10. 21. et sexcentis alibi. *brevis rosae* h. e. breve tempus florentis, ut supr. l. 36. 16. *breve lilium*. *res*, praeseus rerum conditio; *sorum*, Parcarum; quae simpliciter *sorores* dici solent; cf. *Mitsch.* *atra*, ornat, ut rerum infernarum epitheton; nihil amplius.

v. 17—24. *Cedet coemt. salt.* morte tibi recedendum erit a coemtis saltibus cett. *saltibus* h. e. pascuis in quorum possessione spectabantur antiquitus divitiae; sic *saltus* (h. e. pascuis) depascere apud Ovid. Fast. V. 283. cf. infr. Epist. II. 2. 177. — *villaque*, intellige cetera aedificia et possessiones, quae praeter *domum*, ubi habitabat dominus, ad villam pertine-

bant. *lavit, oluit.* *lavere* antiquae, ut infr. III. 4. 61. et 12. 9. *prisco nat. ab Inacho*, antiquissima stirpe oriundus. *Inachus*, antiquissimus Argivorum rex. *sub divo moreris*, in terra sub caelo degas, pro simplice: vivas; cum delectu autem posuit *morari*, ad vitae brevitate designandam, quia breve tantum tempus in hac vita commorantur homines. *Victima nil mis. Orci*, es et manes tamen victima immisericordiae Orci; vel: destinatus tamen es Orco inexorabili; morti enim destinati, tanquam victimae, crine abscisso, diis inferis consecrabantur; vid. supr. ad l. 28. 20. — *Rex Orci*, Pluto, apud Homerum quoque Iliad. IX. 458. audit *ἀνάλκκος ἰδὲ ἀδάκρυτος*, unde Virg. Georg. IV. 470. eidem corda tribuit *nescia humanis precibus mansuescere*; — pro *moreris* ingeniose *Wakelfeldius* tentat *moraris*, quod deleta distinctione cum *Victima* coniungit, ut sit; vivis tamen victima nil miserantis Orci.

Omnes eodem cogimur : omnium 25
 Versatur urna serius ocius
 Sors exitura , et nos in aeternum
 Exsilium impositura cymbae.

CARMEN IV

AD XANTHIAM PHOCEVM.

Ne sit ancillae tibi amor pudori,
 Xanthia Phoeu ! Prius insolentem

v. 25—28. Expende ornatum vulgaris sententiae : moriendum est sine discrimine omnibus hominibus. *Omnes eodem cogimur*, aurea nempe virga Mercurii *ψυχροπομποῦ*; cf. *supr.* I. 10. 8. et 24. 16 seqq. — *omn. sors versatur*, quatitur (*πάλλεται*) in urna; cogita de urna illa fatali, quam *Necessitas* (*Ανάγκη*, *Μοῖρα*) eo consilio in Orco versare atque concutere fingitur, ut, cuiuscunque hominis sors inde exsiliat, ei moriendum sit; *vid. Gronov. ad Herc. Fur. 494.* Sic *infr.* III. 1. 14 seqq. *aequa lege Necessitas Sortitur insignes et imos*; *Omne capax movet urna nomen.* — *serius ocius*, similiter *Propert. II. 28. 58. longius aut propius.* *exitura* *exire* (*ἔξορεύειν*, *ἐκθροεῖν*) proprie de sortibus, quae excidunt, vel exsiliunt. *impositura cymbae* sc. Charontis, in aeterna. *exsilium*, ut avehamur illuc, unde (*Catull. III. 42.*) *negant redire quemquam*; vel, ut *Virgil. Aen. VI. 425.* loquitur, in *ripam irremediabilis undae.*

CARMEN IV

Turpitudinem, quam ancillarum a more contrahere sibi apud Romanos

putabantur homines ingenui, elevare studet Horatius in hoc carmine. Tantum enim abest, ut amorem, quo Xanthiam Phoeceum ancillam suam Phyllidem sectari inaudiverat, turpem et pudendum habeat, ut potius laudatis summorum virorum qui ancillas amaverint exemplis, Xanthiae amorem vel maxime probet; praecipue cum Phyllidem nobili loco natam esse, tam ex illis, quae ipse profiteatur, quam ex eius ingenio et moribus, liberalem educationem prodentibus, satis colligi possit. — Denique ne forte laus, quam Phyllidi tribuit, suspicionem aliquam apud Xanthiam moveat, se iam in ea aetate constitutum esse ait, ubi juvenilis ille in amore aestus deferbuerit. — Similiter fere ancillariolorum causam perorat Ovidius *Am. II. 8. 9* seqq.

v. 1—4. *ancillae*, servae, haud dubie in bello captae, ut suspicari licet ex v. 15. *Xanth. Phoc.* hominem Graecum eius nomen prodit. — *prius insolentem* ceti. iam olim et antiquitus ferocem Achillis animum cepit et vixit servae Briseidis venustas; alii *τὸ prius ad insolentem trahentes* explicant: invictum et indo-

Serva Briseis niveo colore

Movit Achillem :

Movit Aiace Telamone natum

5

Forma captivæ dominum Tecmessæ :

Arsit Atrides medio in triumpho

Virgine raptâ,

Barbaræ postquam cecidere turinae

Thessalo victore, et ademptus Hector

10

Tradidit fessis leviora tolli

Pergama Graiis.

Nescias, an te generum beati

Phyllidis flavae decorent parentes :

mitum adhuc amore; sed sic nullus huius sententiae cum praecedente est nexus. Horatius voluit dicere; Non est, quod ancillae amoris te pudeat; haud *novus* enim ille est, immo *antiquissimus* heroes iam ei indulserunt.— *involens* bene designat immunem nec facile pervincendum Achillis animum.— *Briseis*, quae capta in praedae sortitione Achilli contigerat; res notissima, vid. Hom. *Iliad.* II. 690.— *niveo colore*, pulchra, formosa; *movit*, ita affecit, ut amoris resistere non posset. Terent. *Eunuch.* III. 5. 49. *in hac commotus sum* pro: eius forma captus sum.

v. 5—12. *Tecmessae*, Teuclantis sive Teuthrantis, regis Phrygii, filiae, ab Aiace in expeditione quadam captae; *arsit* ardere aliqua pro: ardere ob aliquam saepius; *infr.* III. 9. 5. IV. 44. 33. et sic. *supr.* 4. 4. 49. *calere aliquo*. *Atrides*, Agamemnon. *medio in triumpho*, in ipso Troiae excidio, cum victor urbem ingrederetur; vocem *triumphus* paulo audacius ad gloriosum victo-

ris in urbem expugnatam ingressum transtulit. *virgine raptâ*, capta Cassandra. *Barbaracturinae*, Phrygiae sive Troianae copiae; *barbarus* et *barbaricus* saepe apud poetas pro: *Phrygius*; vid. Cerd. ad Virg. *Aen.* II. 504. et quos ibidem laudat *Burmannus*. *Thessalo victore*, intellige Achillem, a cuius fortitudine, qua praeter multos alios Hectorem, summum Troianorum praesidium, morti dedit, pendebat Graecorum victoria. *ademptus*, e medio sublatus, occisus. *leviora tolli*, Graece pro: ad tollendum, ut leviori opera tolli possent; obversatus Nostro videtur Homerus, ubi II. XXIV. 243. Priamus ad Troianos: Πῆτροι γὰρ μᾶλλον Ἀχαιοῖσιν ὃν ἐπείθε, Κτενευ τεθνῆωτος. *fessis* sc. bello, in decem annos extracto. Virg. *Aen.* II. 409.

v. 13—20. *Nescias, an*, pro vulgari: fortasse. *beati*, potentes, nobiles. *flavae* pulchrae, a parte pulchritudinis, in flavis crinibus positae; *te gen. decor.* honore te generum ornent atque mactent.—

Regium certe genus et penates 15
 Moeret iniquos.
 Crede non illam tibi de scelesta
 Plebe dilectam; neque sic fidelem
 Sic lucro aversam potuisse nasci
 Matre pudenda. 20
 Brachia et vultum teretesque suras
 Integer laudo: fuge suspicari,
 Cuius octavum trepidavit aetas
 Claudere lustrum.

CARMEN V

Nondum subacta ferre iugum valet

iniquos refer ad iniquam et indignam sortem, qua nobilioris gentis puella ad servilem conditionem detrusa fuerat. v. 17. *scelesta*, ad quodque scelus perpetrandum proclivi, infima, abiecta. v. 20. *pudenda*, inhonesta, cuius sors et conditio proli est pudori et dedecori.

v. 24—24. *teretesque suras*, earum enim forma apud servas imprimis, brevioribus tunicis usas, in oculos incurrebat. *integer*, omnis amoris expertus, ab omni amore liber et vacuus; nos: *unbefangen*, ut infr. III. 7. 23. — *fuge suspicari* sc. me tibi in hoc amore esse rivalem; *cuius octav. trepid. aet. claud. lustr.* qui iam quadraginta annos natus sum: *trepidavit*, festinavit.

CARMEN V.

A Lalages, nimis adhuc tenerae et immaturae puellae, amoribus poëta in hoc carmine hominem quendam,

qui illam sectabatur, advocare studet. *Vsus* autem est ad Lalagen, ut crudam adhuc marito, describendam duplici comparatione, altera, ab iuvenca adhuc indomita et cum vitulis in pascuis ludente et exultante; altera, ab immutibus uvis petita; in quarum quidem posteriore, ut multo honestiore, sola poëtam acquievisse, malit fortasse is, qui rem ad nostros mores diiudicat. Sed cum totum hoc carmen ex poëta quodam Graeco, quem satis prodit colorum, quibus illud obrutum est, diversitas, expressum videatur, ea, quae a praeceptis pulcri, recti et honesti in eo recedunt, non Horatio, sed ei, quem expressit, vel aetatis, qua illud scriptum est, ingenio tribuenda sunt.

v. 4—4. Puella, nondum libidini exercendae matura, comparatur cum iuvenca, tam iugum, quam libidinem tauri in se ruentis adhuc detrectante. *ferre iugum*, iugum nempe ferunt boves adultiores, et quia los

Cervice, nondum munia comparis
 Aequare, nec tauri ruentis
 In Venerem tolerare pondus.
 Circa virentes est animus tuae
 Campos iuvencae, nunc fluviis gravem
 Solantis aestum, nunc in udo
 Ludere cum vitulis salicto,
 Praegestientis. Tolle cupidinem

vel iuvenca, quae iugum fert, coniugatum sibi socium habet, id translatum est ad amantes, qui amoris vinculo rite coniuncti inde dicti sunt *coniuges* (σύζυγες), et eorum coniunctio sive societas *coniugium*; hinc supr. l. 33. 44. *Venus animos sub iuga aenea mittere*, pro coniungere, dicitur. *cervice subacta*, adacta, ut iugum subeat, h. e. domita; inde puella quoque nullius adhuc amore se vinci passa, vel nullum adhuc virum experta, dicta est *indomita*, *πρῆλος ἀβμή* Hom. Odys. VI. 409. et 228. Hinc apud Catullum LXVIII. 448. *Protesilaus cum Laodamia*, puella adhuc integra, primum coniugio coniunctus, *indomitam iugum ferre docuisse* dicitur; *munia comparis aequare*, eodem in opere faciendo praestare, quae praestat eadem iugo submissis. *tauri ruentis*, hinc Graecis, quorum sensum et ingenium haud offendeant hae a bobus ad amantes translatae locutiones, puella coniugii adhuc experta dicta est *ἀταύρωτος*, Aristoph. Lysistrat. 247. Aeschyl. Agam. 254. *in Venerem*, συνουσίαν.

v. 5—8. Imago iuvencae, in pascuis lascivientis et cum vitulis ludentis, mores certe fenerae puellae, unice adhuc lusbis cum aequalibus suis deditae, suaviter exprimit.—

Colorem Nostrum duxisse aiunt ex Anacr. LXI. Πῶλε θρηϊκή — Νῦν δὲ λιμῶνάς τι βόσκειαι, Κοῦρά τι σκυρῶσα παίζεις. Similiter Theocrit. XI. 24. *Galateam μόσχῳ γαυροτέρῃαν* vocat. cf. infr. III. 2. 9. *iuvencae*, puellarum comparatio cum iuvenca saepe apud Graecos obvia: conf. Euripid. Hec. 526. Androm. 711. 4467. pariter infra II. 8. 21. *iuvenae* de adolescentibus. *solantis* pro: refrigerantis, exstinguentis; Cl. Mitsch. affert locum Claudiani XVII. 496. *Ille vel Aethiopum pluvius solabitur aestus*; scilicet *solari* ponitur pro: levare, quia, quos solamur, levare studemus.

v. 9—12. *Tolle cupidinem* cett. Sensus: abstine a puella immatura, et cupidinem usque ad eius maturitatem, quae non procul abest, comprime. — Non perstat, ut debebat, poeta in una allegoria, sed ad novam ab immitibus uvis ductam transit; quae quidem colorum varietas et imaginum in una eademque re adumbranda diversitas displicere omnino debet rem ad normam recti pulcrique aestimantibus. — Ceterum puellarum, viro nondum tempestivarum, vel in amore adhuc crudarum, cum immaturis fructibus comparatio haud infrequens est apud veteres poetas. Theocrit. XI. 24. de Galatea *παρωτέρα*

Immitis uvae: iam tibi lividos

40

Distinguet Auctumnus racemos

Purpureo varius colore.

Iam te sequetur; currit enim ferox

Aetas, et illi, quos tibi demserit,

Adponet annos: iam proterva

45

Fronte petet Lalage maritum,

ἄμπατος ὠμάς; contra puellae viro maturaе et plenis annis nobiles cum *uvis maturis* comparantur; sic Catullus XVII. 16. puellam adultiorem *uvis ἄγεραις* (h. e. maturis) *diligentius adservandam* esse ait, et hinc puellae nondum nobiles Graecis ἄμπατος, *nobiles πέντατοι* dictae sunt; plura in hanc rem collegit diligentia Cl. Mitsch. iam tibi lividos distinguet cett. pro vulgari: brevi maturescet. — Auctumnus dicitur varius, quia et ipse variis coloribus distinctus est, (repraesentatur ille infr. Epod. II. 17. *capite mitibus pomis decoro*) et variis coloribus fructus distinguit. — *distingn. livid. racem. purpur. color.* h. e. variabit et imbuet iam nigrescentes racemos purpureo colore; sive: purpureum colorem iam nigrescentibus uvis inducet. *lividos*, subnigrum enim colorem habent uvae maturescences. Sil. Ital. VII. 208. *liventes sole racemos*. Propert. IV. 2. 13. *Prima mihi variat viventibus una racemis*.

v. 13—20. Sensus: Brevi non amplius Lalage te fugiet, sed sponte te sequetur; nam aetas, ubi illa adhuc ferocem se praebet, celeriter transit, et quos de tuorum annorum serie demserit, eos illius annorum summae explendae adicet; brevi amplexus tuos ultro petet, et quidem tantum tibi amata, quantum nunc nec aspera

Pholoe, nec pulchra Chloris, nec Gnidius Gyges ab aliis amatur. *currit enim* — *aetas*; Anacreon IV. 8. τρόχος ἄμπατος γὰρ οἷα βίος τρέχει καλῶσις. *aetas ferox* b. e. aetas ferocis puellae, aetas, qua ferociter adhuc se gerit puella; fateudum tamen est, valde mihi arridere coniecturam Wakefieldii, epitheton *ferox* cum *fugax* in v. 17. permutandum esse consentis; uti enim rectius et usitatius *aetas fugax* dicitur, ita τὸ *ferox* melius ingenio puellae Pholoēs convenit; et illi, quos tibi *dens. appon. an.* et anni, qui currente aetate de vitae tuae summa decedent, illius vitae summae accedent, hoc est, et sicut tu aetate proveleris, ita illa quoque aetatem amoribus maturiorem consequetur; in locutione: *aetas annos alii detrit, alii apponit*, id tantum discriminis interesse videtur, ut illud dicatur de eo, qui iam ad certum quandam vitae terminum pervenit; hoc de eo, qui hunc terminum nondum attingit; *demit* nempe aetas annos eos, quos quis iam egit, *apponit*, quos quis nondum assecutus est; sic fortasse lis, quae copiose et argute ad h. l. ab interpretibus disputata sunt, supersedere possumus. — *iam proterva fronte petet marit.* hoc ad iuvencae imaginem, quam primum puellae induerat poeta, referendum; *maritus*, pro quovis

Dilecta, quantum non Pholoe fugax,
 Non Chloris, albo sic humero nitens,
 Vt pura nocturno renidet
 Luna mari, Gnidiusve Gyges;
 Quem si puellarum insereres choro,
 Mire sagaces falleret hospites
 Discrimen obscurum solutis
 Crinibus, ambiguoque vultu.

20

CARMEN VI

AD SEPTIMUM.

Septimi, Gades aditure mecum, et

amatore. *dilecta* sc. tantum. — *fugax* insolenter dictum pro: quae fugit amatores, aspera est, multo aptior igitur, ut iam monuimus, est lectio *ferox*. — *albo sic hum. nit.* ut *pura* cett. cuius humeri ita candore nitent atque splendent, uti nocte sublustri imago lunae in mari repercussa splendere solet. Exspleudescentis autem pulcritudinis, praecipue in albo colore spectatae, cum lunae in aquis repercusso fulgore comparatio passim apud veteres poetas obvia; vid. quae in hanc rem notavimus in Eclog. Vett. Poët. ad Val. Flacc. III. 558. p. 222. *Gnidius*, ab eius patria, Gnido, vel Cariae, vel Cypri urbe, sic dictus.

v. 24—24. *Quem si puellarum choro* cett. Sensus: quem si puellarum turbae immisceres, eius a puella discrimen, quod soluti crines et vultus venustas obscurum et ambiguum reddunt, ne sagacissimi quidem (*mire sagaces*), qui eum nondum norunt (*hospites*), animadvertent.

discrimen me fallit, exquisitius pro: ego non animadverto discrimen. — *obscurum*, haud facile oculorum acie assequendum. *solut. crin.* crines enim solvere solebant cum pueri, tum puellae delicatiores; cf. infr. III. 20. 14. IV. 10. 3. Epod. XI. 28. — *ambiguo* h. e. dubitationem, utrum puer, an puella sit, movente. Similime autem, ut iam observavit Cl. Mitsch., Hermaphroditum describit Lucian. D. D. XXIII. ὁ δὲ θεὸς, καὶ ἡμίανδρος, καὶ ἀμφίβηλος τὴν ὄψιν οὐκ ἂν διακρίναις, εἰτ' ἀνήβος ἐστίν, εἴτε καὶ παρθένος.

CARMEN VI.

Septimum, quem, ut spectatae fidei amicum, remotissima quaeque secum loca aditurum esse sibi persuasum habet, rogat poeta, ut nunc in agrum Tiburtinum vel Tarentinum, ubi reliquam vitae partem transacturus sit, se comitetur, et, si supremum diem ibi obierit, pia

Cantabrum indoctum iuga ferre nostra, et
Barbaras Syrtes, ubi Maura semper

Aestuat unda:

* Tibur, Argeo positum colono,
Sit meae sedes utinam senectae;
Sit modus lasso maris et viarum

5

Militiaeque.

Vnde si Parcae prohibent iniquae,

lacrims cineres spargendo iusta sibi
persolvat. — Omnis igitur huius car-
minis finis in rarae, quam Septimius
poëtae probaverat, amicitiae laude
ponendus esse videtur. — Eundem
Septimium, equitem (ut probatum
habet Porphyrio) Romanum, Tiberio
V. C. DCCXXXI. in Orientem pro-
fiscienti commendat Noster infr. Ep.
I. 9.

v. 4—4. *Gades* (nunc *Cadix*) cf.
supr. ad II. 2. 11. *aditure mecum*,
ad fidem enim in amicitia probandam
referebatur paratus amici amicum in
remotissimas terrae partes comitandi
animus; Catull. XI. 4. *Furi et*
Aureli, comites Catulli, Sive in ex-
remos penetrabit Indos cett. cf. infr.
Epod. II. 11 seqq. et laudata in hanc
rem a Cl. Mitsch. exempla. *Canta-*
abri.) *Cantabri*, populus Hispaniae
Tarracensis bellicosissimus (infr.
II. 11. 1. *Quid bellicosus Cantaber* cet.)
iam semel ab Augusto Vrh. Cond.
DCCXXIX. et iterum DCCXXXI. vi-
ctus, denique ab Agrippa DCCXXXIV.
perdomitus; vid. Dio LIV. 44. hinc
Cantabrum Noster dixit *indoctum iuga*
ferre nostra, non ita se domari pa-
tientem, ut iuga nostra ferre discat;
h. e. ditioni nostrae se subicere no-
lentem; quapropter infr. III. 8. 22.
Cantaber, sera domitus catena. —
Barb. Syrtes cf. supr. ad I. 22. 5. —

barbaras refer ad feros accolarum
mores. *Maura unda*, mare Afri-
cum ab extrema Africae regione,
Mauritania (nunc *Morocco*).

v. 5—8. *Argeo posit. colono* a Ti-
burno, Catillo et Cora, fratribus,
qui coloniam Argivam eo deduxerunt,
conditum, cf. supr. ad I. 18. 2. *ponere*
pro: condere, fundare, passim; sic
urbs alieno loco posita apud Liv. IV.
48. cf. Virgil. Aen. IV. 212. *modus*,
locus, ubi modus ponitur, terminus;
lasso maris et vi. milit. mili iti-
nerum maritimarum et terrestrium,
adeoque ipsius militiae, pertaeso;
lassus alicuius rei Graece pro: aliqua
re. — Sane, si verba Horatii spectas,
eum in armis consensuisse putes,
quamvis breve tantum tempus ea sub
Bruto (cf. carm. seqn.) secutus est.
Sed poëtae, ntio et inollioris vitae
generi adueto, brevis quoque mi-
litia debebat esse molestissima.

v. 9—12. *Vnde si Parcae* cett. sen-
sus: quodsi autem sors iniquior ab
agro Tiburtino me prohibet, in agrum
Tarentinum me conferam; *ager Ta-*
rentinus primum designatur per Ca-
labriae fluvium *Gulaesum* (nunc
Gulao), Tarentum praeterfluentem,
deinde per *Phalantium*, quem colo-
niam *Parthensiarum* (h. e. hominum
vago concubitu ex innuptis matribus
prognatorum, vel potius, ut eru-

Dulce pellitis ovibus Galaesi
Flumen et regnata petam Laconi
Rura Phalantho.

40

Ille terrarum mihi praeter omnes
Angulus ridet, ubi non Hymetto
Mella decedunt, viridique certat

15

Bacca Venafro.
Ver ubi longum tepidasque praebet
Iupiter brumas: et amicus Aulon

dite docet Cl. Manso (*Sparta* Vol. I. Pars I. p. 229. et P. II. p. 270 seqq.) ab muliebri ignavia, qua militiam contra Messenios detrectaverant, opprobrii causa sic dictorum) e terra Laconica Tarentum deduxisse, et pulsis veteribus incolis ibi regnasse tradunt; Iustia. III. 4. Strabo VI. p. 426. *flumen dulce ovibus*, cum propter laeta ad utramque fluminis ripam pascua, tum propter umbrarum incunditatem. *oves* dicuntur *pellitiae*, quia oves in his regionibus, ne sentibus et dumetis corrumpere turum lana praestantior, pellibus velari solebant; Columell. VII. 2. Varro R. R. II. 2. Idem adhuc fieri solet in his regionibus, ubi lana praestantior gignitur. — Ceterum similiter Tarentum describit Martialis. VIII. 28. 4. *tibi floruit herba Phalanti, Qua saturat Calabris culta Galaenus agros.*

v. 43—46. *Ille terrarum angulus*, illa terra, ubi quis suaviter delitescere potest in otio et securitate. — *mihi ridet*, mihi placet. Infr. Epist. I. 7. 44. *mihi iam non regia Roma, Sed vacuum Tibur placet aut imbelles Tarentum.* praeter omnes, sc. ter-

ras sive terrarum angulos, h. e. loca secretiora et a strepitu hominum remotiora. *ubi non Hymett. mella deced.* ubi mella non cedunt iis, quae apes in monte Hymetto colligunt; ubi aequae bonum atque in monte Hymetto mel conficitur; de mellis Tarentini bonitate vid. Varro apud Macrobi. Satir. II. 42. conf. infr. III. 46. 33. *decedere*, ut passim concedere, pro simplice: cedere. — *virid. cert. bacca, Venafro.* et ubi oliva certat cum bonitate olivarum in Campaniae urbe, Venafro, nascentium. *certare alicui* pro vulgari: *certare cum aliquo* passim. — *Venafrum* pro olivis Venafranis, ut *Hymettus* pro melle Hymettio; — *viridi*, apte ad terram, ubi olivae virent, designandam.

v. 47—20. *tepidas mites*; infr. Ep. I. 40. 45. *Est, ubi plus tepent hie-mes?* Iupiter, qui ut supr. I. 2. 45. dicitur, *variis Horis mundum temperat*; Aulon, moos agri Tarentini, ubi vinum optimum nascebatur; Mart. XIII. 425. *Nobilis et lavis et felix vitibus Aulon, Det pretiosa tibi vellera, vina mihi*; hinc dicitur amicus

Fertili Baccho minimum Falernis

Invidet uvis.

20

Ille te mecum locus et beatae

Postulant arces: ibi tu calentem

Debita sparges lacrima favillam

Vatis amici.

CARMEN VII

AD POMPEIUM.

O saepe mecum tempus in ultimum

Deducte, Bruto militiae duce,

fertili Baccho h. e. favens vini fertilitati.
— *min. Fal. invid. uvis*, vineae nempe,
quas Aulon gignit, quia nihil a Falernarum uvarum bonitate recedunt,
minime opus habent, ut iis invidcant.
Imitatus Nostrum est Statius Silv. II.
2. 4. *Qua Bromio dilectus ager, collesque per altos Vritur, et praelis non invidet uva Falernis.*

v. 21—24. *beatae arces*, colles tam amoenitate, quam fertilitate sua beantes; *postulant* impellere omnino nos debent, ut eo secedamus; gravius igitur pro vulgari: vocant, invitant. — *calentem favillam*, cineres cremati corporis adhuc tepidos. *debita lacrima*, non unguentis, ut alias mos ferebat (vid. Tibull. I. 3. 7.), sed piis amici lacrimis cineres suos spargi cupit; *vatis amici*, significantius pro vulgari: meam. Cl. Mitsch. comparat Iuscr. apud Fabrett. p. 64. et Flett. p. 320. sed vitiose scriptam. Extendatius hoc Epigramma exhibuit Jacobs in Anthol. Graec. DCCXV. 6. 7. T. IV. p. 273 sic: Μέμνηο καὶ ζωῆς

ἐμθην, καὶ πολλάκι τὸ μὲν Σπίῃσιν ἀπὸ βλεφάρων δάκρυ ἀποικομένην.

CARMEN VII.

Quo gravior fuit sollicitudo, qua Horatius de Pompelo sibi amicissimo, qui post proelium Philippense novis belli tempestatibus se exposuerat, perturbatus fuit, eo maior fuit laetitia, qua ille de insperato primi sodalium reditu perfusus est. Cui quidem poeta nunc liberius indulturus diem festum, tam sacris, quas Iovi Pompeius voverat, epulis, quam hilaripotatone celebrandum, hoc carmine indicit. — De Pompelo Grospho equite Romano, Pompeii Magni, ut videtur, liberto, copiose egit ad h. I. *Sanadonius*. — Similiter fere laetitiam suam de felici Plotii Numidae reditu expressit Noster supr. I. 36.

v. 4—8. *tempus in ultimum*, ubi, ut Livius IX. 39. loquitur, *ad ultimum periculi ventum est. redonavit*, redonantur enim quasi, quos iam

Quis te redonavit Quiritem
 Dis patriis Italoque caelo,
 Pompei, meorum prime sodalium?
 Cum quo morantem saepe diem mero
 Fregi, coronatus nitentes
 Malobathro Syrio capillos.
 Tecum Philippos et celerem fugam
 Sensi, relicta non bene parmula;

5

10

perditos putabamus. *Quiritem*, omnis, quo ante civis Romanus gaudebas, iuris de integro participem; in ius Quiritium restitutum. *Cum quo morant*, saep. di. mer. fregi cett. h. e. cum quo saepe tempus fesselli in computationibus; — pro vulgari: tempus inter vina fallere, gravius dixit: *morantem diem mero frangere* h. e. computationi indulgendo tardius euntis diei moras vincere. — Sed Cl. Mitsch. diem mero frangere paulo subtilius explicat: partem de die gravibus et seriis rebus destinatam demere, deintamque computationi dare; decurtare diei spatium, noctique illud adicere, quod sit computatione tempestivius instituta; ut supr. l. 4. 20. partem de die solido demere. *malobathro*, unguento e malobathri foliis expresso; *malobathrum* proprie frutex odoratus, in Indiae paludibus nascens, ex cuius folio convoluta conficiebatur unguentum nobilissimum, quod et ipsum *malobathrum*, Latinis *foliatum* (Mart. XI. 28.) dictum est; vid. Plin. XII. 26. XIII. 4. *Syrio*, ex India in Syriam, et inde a mercatoribus Romanam deportato; fuit igitur, ut supra l. 34. 12. dicebatur, *merx Syra*.

v. 9—12. *Tecum Philip. et cel. fug. Sensi*, quale fuerit illud summum vitae discrimen, quod se una

cum Pompeio subiisse versu primo ait, disertius nunc poëta declarat. — Expertus sum, inquit, una tecum infelicem illam ad Philippos (Macedoniae urbem) pugnam, ubi, cum fortiter pugnantes non amplius sustinere possent vim hostium, et vultus in terram prostratorum minas adhuc et iram in hostem exprimerent, mihi, ut salutem in celeri fuga quaererem, parmula parum honorifice abiicienda fuit. *Sentire* passim de calamitatibus sive malis, quibus bello graviter afficimur. Liv. IX. 37. *Vastationem sub Ciminii montis radicibus iacens ora senserat*, et XLV. 28. *quae quisque Persei bello privatim ac publice sensit*. Senec. Oedip. 472. *Sensere terrae te Dactyl ferocem*. cf. infr. III. 4. 43; IV. 4. 25; IV. 6. 3. *et celerem fugam*, ad mala nempe, quae in pugna Philippensi senserit, celeriter inde aufugiendi necessitatem refert; rei igitur magis describendae haec adiecta esse puta. *non bene*, non sine pudore; quamquam, ut expeditior esset fuga, scutum abiicere debebat. *parmula* de scuto brevior. — Sunt, qui rem de abiecto scuto ideo Nostrum sinxisse existiment, ut factis quoque imitatus esse videretur Alcaicum et Archilocum, quorum uterque se arma in proelio amisisse fatetur; de Alcaeo vid. Strab. XIII. p. 600. Herod.

Quum fracta Virtus, et minaces
 Turpe solum tetigere mento.
 Sed me per hostes Mercurius celer
 Denso paventum sustulit aëre;
 Te rursus in bellum resorbens
 Vnda fretis tulit aestuosius.
 Ergo obligatam redde Iovi dapem,
 Longaque fessum militia latus
 Depone sub lauru mea, nec
 Parce cadis tibi destinatis.

15

20

V. 95. de Archiloco attem versus in hanc rem exstant apud Sext. Empir. Pyrrh. hypot. II. 24.—*fracta Virtus*, fortitudo, quae vi maiore ita deprimatur et contunditur, ut resistere ei non valeat. *sol. tetig. mento* pro vulgari: ceciderunt, ad terram prostrati sunt; ducta videtur haec loquendi ratio ex Homer. II. II. 418. Πρηνής ἐν κονίῳσι ὅθ' ἔλ' λαζοίατο γαῖαν, et passim alibi. *turpe*, sanguine turpiter pollutum. *minaces* bene pingit milites, qui forti animo ceciderunt, et caesi adhuc vultum torvum et minacem prae se ferunt; Cl. Mitsch. in h. r. affert locum Flori I. 48. ubi de Romanis in bello cum Pyrrho occisis omnium in manibus enses, et relictæ in vultibus minae, et in ipsa morte ira vivebat; nisi forte minaces simpliciter de militibus fortioribus, mortem hosti minantibus, explicare praestet.

v. 13—16. Sensus: Sed me tum bona fortuna ex medio belli periculo eripuit; te vero in idem vehementior impetus abripuit. Quod bona fortuna factum est, id tribuit Mercurio, cum propter eius in huius muneris vici-

bus obtundis dexteritatem et celeritatem (hinc dicitur ἀκρόπους apud Euripid. Hel. 247.), cf. supr. I. 10. 13. tum, quia virorum Mercurialium (infr. II. 47. 29.), h. e. poetarum, custos est. — Poëta autem satis magnifice se adsimulat heroius Homericis, qui passim vel a deo vel a dea quapiam denso aëre h. e. nube circumfusi et sic proeliis erepti esse finguntur. *resorb. und. fret. aest.* belli impetus comparatur eum impetu undae marinae, omnia fluctibus aestuosius secum abripientis; *resorb. fret. aest.* h. e. iterum maris aestu sorbens, quod iam semel sorpserat; Cl. Mitsch. eum Nostro contendit Eurip. Heracl. 428.

v. 17—20. *obligatam* h. e. debitam; nam vota, quibus Iovi, si salvus ex hoc bello evaderet, se obligaverat, nunc solvere debebat; *dapem* antiquae pro: dapes, h. e. sacras epulas. — *sub lauru mea*, quae haud dubie in impluvio, vel quod Virgil. Aen. II. 512. et VII. 59. de eiusmodi lauru ait, *acribus in mediis*, ubi seri et nutrirī antiquitus solebant arbores, consita fuit.

Oblivioso levia Massico
 Ciboria exple: funde capacibus
 Vnguenta de conchis. Quis udo
 Deproperare aplo, coronas
 Curatve myrto? quem Venus arbitrum
 Dicet bibendi? Non ego sanius
 Bacchabor Edonis: recepto
 Dulce mihi furere est amico.

25

CARMEN VIII

AD BARINEN.

Vlla si iuris tibi peierati

v. 21—28. *lev. cibor.*) *ciborium* genus poculi, speciem fere eorum, quibus Aegyptii usi esse dicuntur, referentis; Aegyptiis nempe calyx fabae cuiusdam (quam *colocynthis* sive *cyamum* fuisse aiunt) poculorum, quae *ciboria* appellabant, usum praestabat; cf. Schol. ad h. l. Paulo capacious illud poculi genus fuisse, ex usu, cui id potia nunc destinat, facile apparet, *levia*, polita, adeoque splendidia; *exple Massico*, imple vinn Massico, cf. supr. ad l. 4. 19.—*oblivioso*, curas abigente et oblivioni tradente; hinc Alcaeo apud Vrsin. p. 404. vinum dicitur *οἶνος λαθηνόης*, et *λαθην ὀδύνης* apud Incert. Auct. Ep. LXXIX. 8. in Anthol. Graec. T. IV. p. 133. *conchis*, vasis unguentariis, ad formam conchae effictis. — *Quis sc. convivarum. quem Ven. arbitr. dno. bib.*? per *Venerem* intellige talorum iactum optimum; iactus optimus nempe, cum unusquisque quatuor talorum, quibuscum ludebatur, aliud latus ostenderet, *Vener-*

reus; *pesimus* contra, cum omnes tali idem latus ostenderent, *Canis* dicebatur; legant tirones, quae accurate de talorum lusu exposuit *Ernesti* in *Clav. Cic.* s. voce *talus. arbitr. bibend.* cf. supr. ad l. 4. 17. *Edonis*, Thraciae populo, pro ipsis Thracibus, effrenata in comotationibus licentia satis notis; cf. supr. ad l. 18. 9. — *dulce mihi furere est*, expressit notissimum illud Anacreontis XXXI. *ἄδω ἄδω μανῆνα*.

CARMEN VIII.

Haud nescium poeta in hoc carmine se profitetur aurae fallacia, quae varia et mutabilis puella *Barine* in amore nunc sibi adspiret. Quamvis igitur *Barine* iureiurando tandem firminem ei in amore constantiam promiserat, tamen, cum illa iam saepe peieraverit, nec ulla usquam adhuc corporis parte periurii poenam dederit, immo, quasi per sanctissimas oblationes fefellisse ei prosit, nova

Poena, Barine, nocuisset unquam;
Dente si nigro fieres vel uno

Turpior ungui:

Crederem. Sed tu simul obligasti

5

Perfidum votis caput, enitescis

Pulchrior multo, iuepumpque prodis

Publica cura.

Expedit, matris cineres opertos

Fallere, et toto taciturna noctis

10

Signa cum caelo, gelidaque Divos

Morte carentes.

insuper formae lenociniis aucta multo plures, quam ante, in amorem suum pelleterit, se nullo modo, ut eius verbis fidem habeat adduci posse ait. — Quod sub fine addit, matres et patres ob filios suos, novas coniuges autem ob maritos suos de Barine esse sollicitos, id sane ad iocunditatem illius venustatis laudem plurimum valet. — Ceterum non poenitet me eorum sententiae esse, qui totum hoc carmen ex Graeco quodam poeta expressum esse statuunt. — Nostrum de periuriorum in amore impunitate imitatus est Ovidius Am. III. 3.

v. 1—8. *iuris peierati* h. a. periurii; quemadmodum enim *iuratum* apud Eonium pro iureiurando, ita *iuris peieratum* pro periurio ponitur; scilicet *iuris peieratur* ab eo, qui, quod iuris vel officii sibi impositum est, perfide, se id executurum esse, iuravit. — *Dente si nigro* cett. nam secundum religionem, quae veterum animis insidebat, vitia, quae quis corpore transisset, vel morbi, vel alia repentina mala ad mendaciorum, periuriorum vel fraudis cuiusdam commissae poenas referebantur; vid. Casaubon. *Lect. Theocrit.* cap. X. —

crederem sc. fidei iureiurando interposito mihi datae. — *Simul oblig. perfid. vot. cap. h. e.* simulac iurasti; nam, qui iurat, obligat, obstringit, obnoxium facit *caput suum* h. e. se, votis, execrationibus, in se ipsum, si fallat, iactis: *perfidum*, appositum pro tuum, *perfidum caput* autem pro te. *enitescis*, ut versu sequente: *prodis*, significatius pro: es. — *iuepump publica cura prodis*, brevi gravitate pro: tam pulchra et venusta appares, ut, quicumque te incidentem conspiciunt invenies, statim curam tui sive amoris flammam animo concipiant; scilicet *puellae* dicuntur *curae*, quia curas incipiunt. Sic, ut unum saltem ex multis ponam exemplum, Propertius II. 25. 1. Cynthiam suam *pulcherrimam curam dolori suo natam* appellat.

v. 9—12. *matris cineres opertos fulgere*, falso iurare per conditos matris cineres; de more per parentum ossa iurandi cf. Propert. II. 16. 15. et ibi Burman. Peierantes igitur per rem, quae maxima pietate et religione ab iis coli debebat, gravius sceleris culpam sibi contrahabant. — *gelida morte carentes*, immortales.

Ridet hoc, inquam, Venus ipsa, rident
Simplices Nymphae, ferus et Cupido,
Semper ardentes acuens sagittas

Cote cruenta.

Adde, quod pubes tibi crescit omnis,
Servitus crescit nova; nec priores
Impiae tectum dominae relinquunt

Saepe minati.

20

Te suis matres metuunt iuencis,
Te senes parci, miseraeque nuper
Virgines nuptae, tua ne retardet.

Aura maritos.

v. 13—16. *Ridet hoc, inquam*, Venus eest. nihil, inquam, nocent tibi periuria, nam ipsa Venus, Nymphae et Cupido ea rident. Positam igitur ab initio sententiam, impare peierare amantes, ad quam *te inquam* referendum est, ulterius exsequitur. — *Ridet hoc* (eiusmodi periurium) Venus, apud Tibullum III. 6. 49. ipse Iupiter: *periuria ridet amantem Iupiter*, et ventos irrita ferre iubet. Ceterum in sententiam τοὺς ἐν ἱερῷ Ὀρκῶς μὴ δύναι εὐχεῖ ἐς ἀθανάτων (ut apud Callimach. Eplgr. XXVI. 3. dicitur). cf. Ovid. Art. I. 631. et plura ad h. l. ab interpretibus allata exempla. *simplices*, non ad externum Nympharum cultum, sed ad nativam earum animi simplicitatem retulerim, nos: *gumliethlg.* *ferus*, saevus, ἄγριος. — *semp. ard. acu. sag. oot. orient.* de hac Cupidinis, sagittas acuentis, in gemmis quoque expressa imagine laudant Lippert. *Daactyl.* Mill. I. 798. *sagittae* dicuntur *ardentes*, quia ignem, quo imbutae sunt, spirant. Τόξα ἱερῶν, πυρίπνοα, πυριπνεύοντι; ὁστροί; cf. Cl. Mitsch. *acuens*,

sic apud Philodemum Epigr. XV. 3. in Anthol. Graec. T. II. p. 74. Ἀλλ' ἤδη τοὰ τόξα νείη δήγουσιν Ἐρωτες. — *cote cruenta*, cogita Cupidinem sagittas acuire obtusas, et sanguine, in cotem destillaute, adhuc madentes; nisi *cruentus*, ut saepe alibi, iam est saevus, crudelis, atrox.

v. 17—20. *Adde, qu. pub. t. cr. omni.* *Serv. cr. nov.* Quid, quod plures, quam ante, ex omni iuventute ad te confluunt, et sic novorum, qui tibi serviant, amatorum numerus augeatur. *servitus*, hinc Barine vers. sequ. *domina* dicitur; apposite autem iuvenis, qui totum se puellae calidam emancipat, ei *servire* dicitur, ut apud Graecos δουλεύειν, vid. Dorvill. ad Charit. II. 17. p. 349. edit. Lips. *impius*, perjurae, perfidae.

v. 21—24. *iuencis suis*, filiis suis: *iuencus* de adolescente, ut supr. II. 5. 5. *iuvenca* de puella, ubi vide notata. *te senes parci*, sc. ne formae tuae illecebris eorum filios capias, et sic fundi illorum fias calamitas. *miserae* h. e. misere et perditae amantes, δυσέρωτες. eodem sensu infr. III. 7. 10. Chloe *misera*

CARMEN IX

AD VALGIUM.

Non semper imbres nubibus hispidos
Manant in agros : aut mare Caspium

dicitur. *tua ne retard. mor. maritos*, h. e. ne formae tuae lenociniis maritos ad libidinem tecum exercendam pellicias. *Aura* de odore, quem iuvencae, equae (Virg. Georg. III. 250. *Nonne vides, ut tota tremor percontet equorum Corpora, si tantum notas odor attulit auras*) et alia animalia, ad libidinem proclivia, emittunt, et sic mares ad coitum alliciunt. Quemadmodum igitur Noster paulo ante adolentes appellavit iuencos, ita nunc Barinen comparat cum iuvenca (cf. supr. 5. v. 6.) et, quod iuvencae proprium est, ei tribuit. — Quam quidem inhonestioris rei imaginem non ex nostrae aetatis ingenio diiudicandam esse, iam supra l. l. monuimus.

CARMEN. IX.

T. Valgium Rufum, immodicas de amatisimi sibi Mystae morte querelas dies noctesque repetentem, duabus praecipue rationibus, ut tandem illis modum ponat, permovere studet. Primum enim reputare eum secum iubet, quomodo in rerum natura quoque non semper mala tempestas, vel hiems, vel venti saeviant; deinde ante oculos ei ponit exemplum Nestoris et Priami, qui, quamvis eundem de carissimorum filiorum morte dolorem susceperint, tamen non semper, ut ille, in eo

defixi permanserint. — Tum, ut habeat, quo animum suum cum maxime ex hilarare possit, novas Augusti victorias, carminibus secum celebrandas, tamquam optimum tristitiae remedium ei proponit; quae quidem ingeniosa ad Augusti laudes canendas conversio efficacissima sane ad eius gratiam captandam esse debuit. — De *T. Valgio Rufo*, poeta epico, quo non alterum aeterno *Homero propiorem* fuisse Tibullus IV. 4. 180. ait, copiose ad hunc ipsum Tibulli locum egit *Brouhnsius*. — *Mysten* autem eius filium fuisse, inde, quod Valgii de adempto *Myste* sors cum simili Nestoris et Priami sorte comparatur, satis probabiliter colligi potest.

v. 1—8. *Non semper*, ad vim, quam particula *semper* in hoc carmine habet, praecipue advertendum est: poeta enim ideo tantum carpit Valgii luctum, quod assidue et *semper* ei huc usque indulserat; hinc *non semper*, *non usque*, *non menses per omnes*, *non omnes annos*, et *tu semper*, sibi respondent. *Non semp. man. imbres nubibus* pro: e nubibus; in eandem sententiam supr. l. 7. 16. *Notus non imbres perpetuos parturire dicebatur; hispidos* h. e. squalidos, uti agri sunt tempore pluvioso. — *inaequales*, quia procellae inaequaliter, h. e. vario, turbido et inconstante impetu, deci-

Vexant inaequales procellae
 Vsque; nec Armeniis in oris,
 Amice Valgi, stat glacies iners 5
 Menses per omnes; aut Aquilonibus
 Querceta Gargani laborant,
 Et foliis viduantur orni.
 Tu semper urges flebilibus modis
 Mysten ademtum; nec tibi Vespero 10
 Surgente decedunt amores,
 Nec rapidum fugiente Solem.
 At non ter aevo functus amabilem
 Ploravit omnes Antiochum senex

dunt; at Cl. Mitsch. *procellas* dictas esse putat *inaequales*, quod mare inaequale reddunt. *vexant*, perturbant, concitant; Ovid. Her. XIX. 426. *An mare, ab invaso privignae nomine dictum, Vexat in aequorcam versa noverca deam?* *Armeniis in oris*, mari Caspio vicinis. *iners*, immobilis, apposite ad glaciei unturam designandam; *iners* enim dicitur, quod torpet, sine motu et actio incet; hinc *bruma* quoque *iners* infr. IV. 7. 42. *terra iners* Ill. 4. 45. — *Gargani*, Apuliae montis (nunc Monte S. Angelo in Capitanata) qui crebris tempestatibus infestari solet; cf. infr. Epist. II. 4. 202. — *Aquilonibus laborant*, ita Aquilonibus impelluntur, ut vix se tenere possint; *laborare* eleganter dicitur, qui vim, impetum, onus cell. vix sustinere potest; sic supr. 4. 9. 4. *silvae*, nivis oneri sustinendo impares, *laborantes* dicebantur; ubi cf. not.

v. 9—12. *urges* gravius pro vulgari: prosequeris; similiter *lucrimis urgere* dixit Propert. IV. 44. 4. *De sine*, *Paulle*, *meum* *lucrimis urgere*

sepulcrum. *flebilibus modis* h. e. *miserabilibus* (quales supr. I. 33. 2. Tibullus decantasse dicitur) *elegis*; fuit igitur Valgius non solum poeta epicus, sed etiam elegiacus. *Vespero surgente* — *fugiente Solem*, *Veneris* stella sub vespere surgente, solis ortu occidente, h. e. vespere et mane, noctu dieque; nam *sidus Veneris*, quod vespere *Hesperus*, idem mane mutato nomine *Lucifer* vocatur; vid. Wernsdorf. ad Poët. Minor. T. III. Excurs. V. p. 508. 9. — *rapidum*, ad celerem et rapidum solis cursum referendum. *decedunt amores*, ex animo Mysten tuum, quem in deliciis habebas, dimittis; *amores* passim in honestiore sensu de iis, quos pie amamus et in deliciis habemus; Virg. Eclog. VII. 24. *Nymphae, noster amor, Libethrides cell.* h. e. quas pie colimus. cf. ad Catull. X. 5.

v. 13—16. *senex ter aevo* (h. e. tribus aetis, *γρῶναι*) *functus*, qui tres hominum aetates vixit, nempe Nestor; *aevo*, *γρῶναι*, hominum aetas, triginta ferme annorum spatium circumscribi solet; scriptores tamen

Annos; nec impubem parentes 15
 Troilon, aut Phrygiae sorores
 Flevere semper. Desine mollium
 Tandem querelarum: et potius nova
 Cantemus Augusti tropaea
 Caesaris, et rigidum Niphatein, 20
 Medumque flumen, gentibus additum
 Victis, minores volvere vortices;
 Intraque praescriptum Gelonos
 Exiguis equitare campis.

in constituendo annorum, quibus γυναικῶν absolvatur, numero inter se discrepant; vid. quos laudat *Alberti* ad Hesych. T. I. p. 814. n. 48. — de *Nestore* vid. Hom. Il. I. 250. — *Antiloohum*, filium Nestoris, in pugna ad Troiam, dum patrem praesenti vitae periculo ereptum venerat, occisum; cuius caedem, breviter Homero Odys. III. 3. IV. 487. commemoratam (cf. Pindar. Pyth. VI. 28 seqq.) celebrarunt poëtae, qui plura ad bellum Troianum spectantia, latius post Homerum exsecuti sunt, nominatim Quint. Calab. II. 243 seqq. *amabilem*, filius enim, cui pater vitae a se salutem acceptam refert, profecto *amabilis* est. — *parentes*, Priamus et Hecuba. *Troilon*, in pugnis illis Troianis, quas in tabulis depictas non sine magna admiratione Carthagine deprehendisse Aeneas dicitur apud Virgilium, repraesentata quoque fuit caedes Troili, infelici conatu et imparibus viribus cum Achille congressi; vid. Virg. Aen. I. 474 seqq. ubi lege, quae Illustriss. *Heyne* in Excurs. XVII. eruditè de *Troilo* diasserit. — *Phrygiae sorores*, *Cassandra*, *Creusa*, *Polyxena*.

v. 47—24. *Desine querelarum* —

Graeco (ἀπα γυναικῶν, ἀδύνατον, vid. Lambin.) pro: desine queri, vel (ut Ovid. Met. VI. 215. dixit) *desine querelas*. *mollium*, mollioris animi dolorem experientium; et *potius*, particulam et putide h. l. abundantem equidem deleverim. — *nov. August. Caes. tropaea*, et *rigid. Niph.* cett. novas, quas Augustus ab Armenia, Parthis et Gelonis reportavit, victorias. — Rem, ut poëta, auget. Iusto bello enim nullum horum populorum proprie perdomuit Augustus, sed *Armenius*, qui per *rigidum Niphaten* designantur, V. C. DCCXXXIV. misso in eorum terram Tiberio duce exercitu, regem tantum Tigranem, pulso Artaxiae, praeposuit, vid. Dio LIV. 9. Sueton. Tib. e. 9. Vellei. II. 49. Tacit. Annal. II. 3. a *Parthorum* (pro quibus *Medum flumen* positum est) rege autem, Phraate, eodem anno signa, Crassi clade amissa, recepit, vid. Dio LIV. 8. *Gelonos* denique, gentem Sarmaticam, cum in Romanorum fines trans Istrum incursionem fecissent, misso Lentulo, trans flumen repulsi; vid. Flor. IV. 42. — *Niphatein* montem Armeniae, qui vel a saxis et rupibus, quibus cinctus est, vel a duro accolarum in-

CARMEN X

AD LICINIUM.

Rectius vives, Licini, neque altum
Semper urgendo, neque, dum procellas
Cautus horrescis, nimium premendo
Litus iniquum.

genio (ut supr. II. 6. 3. *barbarae Syrtis*, infr. IV. 5. 26. *Germania horrida*) *rigidus* dicitur. — Sed Cl. *Mitscherlichus* proclivior est *Niphates* explicare de fluvio, cuius nomen, licet nulli veterum Geographorum commemoratum, Tigris fortasse in ea Armeniae parte, ubi mons *Niphates* situs fuit, gesserit; quae quidem opinio seniorum certe posteriorum, qui *Niphatis* fluvii mentionem faciunt, testimonio nititur. vid. *Mitsch.* — *Medum flumen*, *Euphraten* puta; *minores volvere vortices*, minus, ut dormitum, se extollere, lenius et moderatius fluere; huc pertinet, quem laudant, locus *Virgil. Aeneid. VIII. 726. Euphrates ibat iam mollior undis*: — *Parthi* nempe, huius fluvii incolae, desinebant hoc anno altiores spiritus trahere. *intra praescriptum*, intra praescriptos terminos. *equitare*, pro vulgari: se tenere, moris, quo Geloni equis vecti circumvagari et incursiones facere solebant, respectu habito.

CARMEN X.

Cum Horatius Licinium Varronem Muraenam, Proculeii (de quo vid. supr. ad II. 2. 5.) ac Terentiae fratrem, hominem varium, ambitionum, seditiosum, et, quicquid suaderet vehementioris animi impetus,

cupide appetentem, iam id agere intellexisset, ut non solum meliorem sortem (nam bonis suis proscriptioe exutus fuerat) sibi pararet, sed etiam ad honores altissimos adscenderet; praeceptis saluberrimis ei in hoc earum consilere, eumque a temerariis istis ad rectiora consilia avertere studet. Itaque primum ei auctor est, ut inter altiora et humiliora viam mediam, eamque ad felicioris vitae fructum tutissimam, ingrediat; deinde eum eiusmodi animo, qui in rebus adversis meliorem sortem speret, in secundis iniquiorem timeat, adeoque adversam fortunam fortiter feral, in secunda autem minime se effera, sapienter se munire iubet. — Sed Licinius, uti ex *Dione LIV. 3. Vellei. II. 94.* discimus, amicorum consiliis haud se regi passus, detectis, quae cum Fannio Caepione ad Augustum opprimendum iuerat, consiliis, temeritatis suae poenas tandem dedit gravissimas.

v. 1—4. *Rectius*, prudentius, adeoque felicis. *neque altum semper urg. cell.* dum neque in altum semper navis tuae cursum dirigis, neque securitatis causa littoei, ipsi non satis fido, nimium adhaeres; h. e. de re rei imagine: si neque nimio animi fervore ad altiora abreptus, neque nimio timore ad humiliora depressus, mediam inter utrum-

Auream quisquis mediocritatem

5

Diligit, tutus caret obsoleti

Sordibus tecti, caret invidenda

Sobrius aula.

Saevius ventis agitatur ingens.

Pinus: et celsae graviore casu

10

Decidunt turres: feriuntque summos

Fulgura montes.

Sperat infestis, metuit secundis

Alteram sortem bene praeparatum

Pectus. Informes hiemes reducit

15

Iupiter, idem

Submovet. Non, si male nunc, et olim

que viam ingressus fueris; *semper*, refer ad ferventius, quo quis semper agitatur, studium.

v. 5—8. *Auream quisquis mediocrit.* in hanc sententiam Cl. *Mitsch.* comparat Loll. Bass. Epigr. VI. 3. in Anthol. Graec. T. II. p. 148. Αἱ μεσότητες ἀρισταί, ὅπη δὲ γι' πράξις ἀνδρῶν. Καὶ μᾶλλον μέτρον ἐγὼ τάρκιον ἡσπασάμην. Τοῦτ' ἀγάπα, φίλε Λάμπι, κακὰς δ' ἐχθαρε θυλῆας. *tutus sc.* ab egestate, *caret obsolet. sord. tect.* non opus habet habitare in domo sordida et longioris temporis iniuria male adfecta; *sobrius, νήπιον*, continens, prudens.—*invidenda*, ubi invidia, cui expositi in aula sunt homines, evitari omnino nequit. Cl. *Mitsch.* comparat Solad. apud Stob. in Floril. Grot. p. 427. Ο πένης εἰσεῖται, ὁ δὲ πλούσιος φθονεῖται, ὁ μίσος δὲ βίος πεπραμένος δόκιμος ἐστίν. Αὐτάρκεια γὰρ πρὸς πᾶσιν ἡδονὴ δικάζει. cf. Pallad. Ep. CXXIV. in Anthol. Graec. T. III. p. 140.

v. 9—12. Vulgarem sententiam: a noli igitur ultra mediocritatem as-

surgere; nam quo quis in altiore loco est positus, in eo maiore periculo versatur = allegoricis imaginibus pulere exornavit. *Saevius*, saeviore et vehementiore impetu.—*Vulgaris lectio saepius* friget. *cels.* *grav. cas. decid. tur.* Claud. in Ruf. l. 22. tolluntur in altum, Ut lapsi graviore ruant. cf. *Mitsch.* *summos montes*, summa montium cacumina, τὰ ἄκρα.

v. 13—20. *Sperat infest. met. secund.* cett. Sensus: animus virtutis praeceptis bene munitus et confirmatus neque in rebus infestis desperat, neque in secundis, timeas quippe fortunae inconstantiam, insolentius se gerit, scit enim, utriusque fortunae eandem, ac tristioris et laetioris anni, vicissitudinem esse cett. *alteram*, contrariam, *informes*, quia tristem formam naturae inducunt. *Iupiter*, cf. supr. l. 12. 15. et II. 6. 17. *idem submov.* Cl. *Mitsch.* affert locum ex Fragm. Comici apud Grot. in Exc. p. 913. χειμῶν μεταβάλλει βᾶδιως τίς εὐδίαν. *Non, si male nunc, et ol. sic. er.* notissimi

Sic erit : quondam cithara tacentem
Suscitat Musam, neque semper arcum
Tendit Apollo.

20

Rebus angustis animosus atque
Fortis adpare : sapienter idem
Contraheis vento nimium secundo
Turgida vela.

CARMEN XI

AD QVINCTIVM.

Quid bellicosus Cantaber, et Scythes,

in hanc sententiam sunt verius Theocriti IV. 41. et 43. *Θρασύν χρῆ, φῦλα Βάττε. τάχ' αὐρίον ἴσσαν' ἀμεινον. Χὼ Ζεὺς ἄλλοκα μὲν πῖλαι αἰθρίας, ἄλλοκα δ' ὕει.* *quondam cithar. tac. nescit. Mus. cell. non semper tendit arcum Apollo, sed idem citharam quoque interdum pulsat, h. e. non semper tristem ei iratum, sed serenum quoque placidumque nonnunquam vultum prae se fert Apollo. Tendere nempe arcum Apollo fingitur, quando ira commotus sagittis suis pestem et calamitatem immittit; Hom. Hym. in Apoll. 3. et Iliad. I. 59. at arcum suum, ut in Carm. Saecul. 33. dicitur, condit, quando mitis placidusque apparet. tacentem Musam suscitare pro vulgari intermissa carmina retractare; de Graeco loquendi genere Musam suscitare, ἐγείρειν, ἐπιθάλειν cell. vid. Mitsch.*

v. 21—24. *animosus adpare*, bene praeparatum pectus, ut v. 44. dicebatur, ostende, animi robor et constantiam proba. *contraheis* *venit*.

nim. sec. turg. vel. Carminis exitus bene eius initio respondet; nam vulgarem sententiam: *fortuna secunda tibi ariditate compesce animum tuum* pariter imagine a navigatione dueta extulit. Nam nautae quoque, si prohibere volunt, ne longius auferatur uavis secundi venti adlatu, contrahere debent vela nimium vento surgentia; τὸ *nimium* aptius ad *turgida* quam ad *secundo* refertur. Exempla de locutione nautica *vela contrahere*, ad impetum animi cohibendum translata, ex utriusque linguae scriptoribus collegit Mitsch.

CARMEN XI.

Quinctio Hirpino, variis, ut videtur, curis se maceranti, eandem, quam saepe aliis amicis, consilii sui medicinam posita offert. Monet enim eum, ut vanas, tam de bellis externis, quam de rebus in futurum usum necessariis, curas ex animo eiiciat, vitaeque potius brevitate ante

Hirpine Quincti, cogitet, Hadria
 Divisus obiecto, remittas
 Quaerere: nec trepides in usum
 Poscentis aevi pauca. Fugit retro
 Levis Iuventas, et Decor; arida
 Pellente lascivos Amores
 Canitie facilemque Somnum.
 Non semper idem floribus est honor

oculos sibi posita una secum, dum licet, hilaritati et potationi indulgeat. Quod quidem ut eo magis fiat, ipse statim consilio, quod dedit, perficiendo instat. Locus amoemus, quo potent, deligitur; vinum Falernum affertur; et psallia Lyde, facilitate sua in amore satis nota, accessitur. — Audimus igitur Horatium non solum inter ambulandum cum Quinctio in loco amoeno canentem, sed eundem inter caesendum quoque videmur agentem; quod quidem totius rei scenam ita ante oculos ponit, ut suaviter delusi ei interesse videamur. — Ad eundem Quinctium, de quo nihil alimde constat, scripta quoque est infra Epistola decima sexta libri primi. — Ceterum poëtae cum artem tum ubertatem in unius eiusdemque sententiae pertractatione admiraturnum comparasse iuvabit sup. L. I. carm. 4. e. 9. e. 41. Lib. II. e. 3. Infr. L. IV. e. 7. Epod. e. 43.

v. 1—8. *Quid bellieos Cantaber*, vid. sup. ad II. 6. 2. *cogitet*, molitur, minetur; scriptum igitur hoc carmen est ante annum DCCXXXIV. qui demum Cantabri ab Agrippa, et Scythiae a Lentulo perdomiti sunt. — *divisus*, seiunctus et interclusus ab Italia; *obiecto*, tanquam obice et propugnaculo: Virgil. Aen. X. 377.

Ecoe maris magna claudit nos obice pontus; significantius igitur pro: interiecto; *remittas quaerere*, cave quaeras, omitte et fuge, ut alibi Noster, *quaerere*; noli eiusmodi curis te cruciare; *nec trepides in usum poscentis aevi pauca*. vulgo inungunt: *nec trepides aevi*. (quod explicant: aevi causa) *pauca poscentis in usum*; equidem malim: *nec trepides in usum*, nec sibi sollicitus, quod attinet ad res, quae sint in usum, h. e. quod attinet ad res necessarias aevi, vitae, *pauca poscentis*; et sic *trepidare in usum* eodem modo dictum esse videtur, ut infr. II. 43. 44. *cavere sibi in horas*, ubi vid. — De locutione in *usum* et *ad usum esse*, de rebus, quibus vita sustentatur, vid. Burm. ad Quinctilian. Decl. 138. p. 284. et Gronov. de Pee. Vet. II. 7. p. 105. *Fugit retro*, pro vulgari: recedit; *levis*, levioribus jociis et amoribus apta, proterva. *decor*, juvenilis nitor, honor, vel ut Virgil. Aen. IV. 558. loquitur, *membra decora iuventutis*; *arida pell. lasc. am. can.* Tibull. I. 4. 74. *Iam subrepet iners aetas, nec amare docuit*, *Dicere nec cano blanditias capite* — *facilem*, ut infr. III. 21. 4. quem dormiturus facile caput.

v. 9—12. *Non semp. id. flor. est hon. vern.* hanc sententiam copio-

Vernis; neque uno Luna rubens nitet

40

Vultu; quid aeternis minorem

Consiliis animum fatigas?

Cur non sub alta vel platano, vel hac

Pinu iacentes sic temere, et rosa

Canos odorati capillos,

45

Dum licet, Assyriaque nardo

Potamus uncti? Dissipat Evius

Curas edaces. Quis puer ocius

Restinguet ardentis Falerni

Pocula praetereunte lympa?

20

sus, ut ferebat carminis pastoritii indoles, exsecutus est Theocritus Idyll. XXIII. 28 seqq. Καὶ τὸ ῥόδον καλὸν ἐστὶ, καὶ ὁ χρόνος αὐτὸ μαρμαίνει. Καὶ τὸ τὸν καλὸν ἐστὶν ἐν εἴρει, καὶ ταχύ γηρά. Λευκὸν τὸ κρίνον ἐστὶ, μαρμαίνεται δ', ἀνίκᾳ πίπτει. — Καὶ κάλλος καλὸν ἐστὶ τὸ παιδικόν, ἀλλ' ὀλίγον ζῇ. Cl. Mitsch. comparat Strat. Epigr. LXXIII. 3. 4. in Anth. Graec. T. III. p. 85. Ἀνθος γὰρ καὶ κάλλος ἴσον χρόνον ἐστὶ λαχόντα. Ταῦτα δ' ὁμοῦ θορόντων ἐξισμάρανε χρόνος. ubi plura in hanc sententiam suppeditat Jacobs. in Animadv. V. II. P. III. p. 444. *rubens*, lucens, *rubens nitet* ornatus pro simplice: *lucel. rubere* de lunae splendore passim; infr. Sat. I. 8. 35. Propert. I. 40. 8. *aetern. min. consil. anim.* h. e. animum ad brevioris temporis spatium tibi concessum, quam ut ille aequare vel ad exitum perducere possit consilia *aeterna*, h. e. in remotissima tempora, quasi aeternum victurus sis, praecepta.

v. 43—20. *sic temere*, hic, ubi forte fortuna in hanc pinum, sub qua considerare licet, incidimus, nullo altius arboris delectu habito. Simili-

ter apud Virgil. Aen. IX. 329. tres famuli, cum in loco, qui ante pedes fuerat, sorte fortuna procubuis-
sent, *temere inter tela iacuisse* dicuntur, et sic *temere sub armis strati* milites apud Liv. X. 43. *canos*, canescere certe incipientes, adeoque de fugientis aetatis usu utrumque eo gravius momentes. Comparant Anacr. XXXVI. 9. Πολυαὶ στέφουσι κάραν. Δὸς ὕδωρ, βαλ' οἶνον, ὦ παῖ. — *odorati*, significanter de his, qui serto, suaves odores spirante, capillos coronant. *Assyria* v. supr. ad I. 34. 42. et ad II. 7. 8. *Evius*, Bacchus, v. supr. ad I. 48. 9. *dissip. curas*) Cl. Mitsch. offert locum ex Athenaeo II. 4. p. 35. (est ille ex Cyprii carminibus οἶνόν τοι, Μασέλατ, θιοὶ ποίησαν ἀριστον (quam vocem omisit Mitsch.) θνητοῖς ἀνθρώποισιν ἀποσκηδάσσει μελιθῶνας. *edaces*, γυνικάρους μελιθῶνας, quae, ut Catullus LXVI. 23. loquitur, *penitus medullas exedunt. restinguet*, temperabit. *ardentis* h. e. fervidioris, ut infr. Epod. XI. 44. nos *fewrig*; nam φλόξ οἶνου (ut Euripid. Alc. 764. loquitur) διαρμαίνει. Huc pertinet locus Meleagr. Ep. CXIII. 3.

Quis devium scortum eliciet domo
Lyden? eburna, dic age, cum lyra
Maturet, incomtam Lacaenae
More comam religata nodo.

CARMEN XII

AD MAECENATEM.

Nolis longa ferae bella Numantiae,

in Anthol. Graec. T. I. p. 33. Τοῦ-
νικα σὺν Νύμφαις Βρόμος φίλος. ἦν δὲ
νιν εὐργεῖς Μίσγισθαι, δίδει πῦρ ἵτι
καίμινον.

v. 21—24. *devium*, in urbis recessu
vel angiportu, ubi meretrices latere
solebant, habitans; hinc apud Ovi-
dium quoque Trist. III. 7. 30. *devia*
femina de meretrice. *eliciet domo*,
domo evocatam arcesset. Eadem
fere, quae Noster, iussa dat Ana-
creon IV. 43 seqq. Εμὲ μᾶλλον, ὡς
ἔτι ζῶ, Μύριτον, πόδοις δὲ κρᾶτα
Πύκασον, κάλει δ' ἐταίρην. *eburn.*
cum lyra, leviores enim puellae sub
causa psallendi computationibus in-
teresse solebant. *incomtam comam*
religata nodo, non ante se comens,
sed incomtam comam negligenter
nodo religans et coercens. Dedi
nempe lectionem a Bentleio propo-
sitam, tam rei, quam Latinitati ma-
gis vulgatā in *comum comam* *re-*
ligata nodum, ut mihi videtur, fa-
ventem. *more Lacaenae*, ad mo-
rem puellae Spartanæ; quamvis hic
puellarum Spartanarum crimem in
nodum colligendi mos solius Horatii
testimonio nititur.

CARMEN XII.

Rogatus a Maecenate, ut carmine
epico Augusti celebraret victorias,
se, ut poetam, rebus ludicris tan-
tummodo tractandis aptum, has par-
tes sibi demandatas sustinere posse
negat. Itaque, non dubitans, quin
ipse Maecenas multo melius res ge-
stas Augusti pedestri oratione enar-
raturus sit, nunc canit, quas Musa
cum canere iubet, laudes Licymniae.
— Compara omnino supr. I. 6. ubi
pariter, dum Agrippae et Augusti
laudibus canendis se iniparem esse
simulat, eas hac ipsa simulatione
vel maxime extollit. Eadem arte in
celebrandis Augusti laudibus usus
est Propertius II. 4.

v. 4—12. Sensus et sententiarum
nexus est fere hic: Quemadmodum
vix cupias, ut vel bellum Numanti-
num, vel bella Punica, vel Lapi-
tharum cum Centauris pugnam, vel
Gigantonachiam, poeta tenuis canat,
ita nec cupere potes, ut ego simili-
mum argumentum, res gestas nempe
Augusti, lyra mea, mollioribus mo-
dis tantum apta, celebrem; tu ipse

Nec durum Hannibalem, nec Siculum mare
Poeno purpureum sanguine, mollibus

Aptari citharae modis:

Nec saevos Lapithas, et nimium mero

Hylaeum: domitosve Herculea manu

Telluris iuvenes, unde periculum

Fulgens contremuit domus

enim multo melius soluta oratione tam proelia Augusti, quam eius triumphos expones. — Expende, qua arte simplicem sententiam: « nolis Augusti victorias a poeta tenui celebrari » exornaverit; pro ipso argumento, ad quod tractandum a Maecenata evocatus fuerat, ponit ei simillima, quorum cum illo comparatione ad ipsius gravitatem designandam simulque ad Augusti laudes extollendas nihil a Nostro sublimius excellentiusque fingi potuit. — *long. bella Num.*) *Numantia*, Hispaniae Tarraconensis urbs olim nobilissima, quae, cum plures annos (in annorum numero scriptores inter se discrepant) fortissime Romanis restitisset, tandem a Scipione Africano minore deleta est; vid. Flor. II. 48. Vellei. II. 4. 2. Strabo III. p. 246. — *ferae*, referendum fortasse eo, quod eius incolae, ut tradit Florus l. l. in ultimam rabiem furoremque conversi, duces suos seque patriamque, ferro et veneno subiectoque undique igne, peremerunt. *durum*, laboris, famis, caloris frigorisque patientissimum; de Hannibalis ingenio est locus classicus apud Liv. XXI. 4. designatur autem per Hannibalem bellum Punicum secundum. *Siculum mare Poeno purpur. sangu.* intellige tres nobilissimas illas pugnas navales, quibus Carthaginienses in

bello Punico primo ad Siciliam victi sunt a Romanis. C. Duillio, Regulo et Luctatio Catulo ducibus. *mollibus aptari cithar. modis*, cani ad citharam, qua molliores modi tantum (carmina amatoria puta) deducuntur, h. e. cani a poeta, res levioris argumenti tractare solito. *Nec saev. Lapith.* argumentis, in insigni Romanæ virtutis gloria versantibus, adeoque recentioribus, subiungit antiquiora, fabulas nempe, non nisi a sublimioris spiritus poetis tam olim pertractatas, quam adhuc pertractandas. Fabula de Lapitharum cum Centauris pugna vel ex Ovid. Met. XII. 220 seqq. satis nota; conf. Virg. Georg. II. 457. Apollod. II. 2. 4. et ib. *Hylæc.* — *nim. mero Hylæum*, Centaurum, qui, cum nimium vino accensus Hippodamiam attraxisset, pugnae auctor fuisse traditur. *Telluris iuvenes* (γίγαντες) Gigantes, roelum et Iovem adortos, sed Hercule in partes vocato domitos (Apollodor. I. 6. 1. cf. infr. II. 49. 24.) *pule*, a quibus, quorum conatu. *contremuit*, cum tremore timuit. *fulg. dom. Saturn.* Olympus, caelum; veteris, πτερύγας μακρὰς, ut Cronus appellatur ab Orph. Lapid. XVIII. 31. — Bene cum Nostro Cl. *Mitoh.* comparat Virg. Cul. 26 seqq. tibi namque canit non pagina bellum, Phlegrea Giganteo sparsa est quo sanguine tellus;

Saturni veteris. Tuque pedestribus
 Dices historiis proelia Caesaris, 10
 Maecenas, melius, ductaque per vias
 Regum colla minantium.
 Me dulcis dominae Musa Licymniae
 Cantus, me voluit dicere lucidum
 Fulgentes oculos, et bene mutuis 15
 Fidum pectus amoribus:
 Quam nec ferre pedem dedecuit choris,
 Nec certare ioco, nec dare brachia
 Ludentem nitidis virginibus, sacro
 Dianae celebris die. 20

Nec Centaureas Lapithas compellit in enses, — Mollia sed tenui percurrere carmina versu. Tuque cell. Cl. Mitsch. haeret in subnexa particula *que*, eamque orationis nexum turbare putat; sed bene se res habet; *que* — *que*, ut saepe alibi, pro: *tam—quam* ponuntur; iunge igitur: *Tu melius, Maecenas, historiis pedestribus tam proelia Caesaris, quam colla regum minantium per vias ducta* (h. e. eius triumphos) *dices. historiis pedestribus*, Maecenatem vere conscribendae Augusti historiae manum imposuisse, fidem facit Plin. VII. 45. *ducta regum colla*, pro vulgari: reges collo (h. e. catenis collo annexis) ductos; *minantium*, praecclare ad rem! de publica ignominia iram et indignationem vultu praeferebant.

v. 13—20. *lucidum fulgentes*, ὀμπατα μαρμαρίζοντα, in quibus, ut eiusmodi oculos describit Tibull. IV. 2. 6. *Accendit geminas lampadas acer Amor.* *lucidum* pro: lucide, ut dulce vel perfidum risens (intr. III.

27. 67.) et plura eiusmodi. v. 17 —20. sequitur pulcherrima puellae mira cum suavitate et concinnitate saltantis descriptio; — *quam nec dedecuit*, per λιτότητα pro: quam egregie decuit; de eiusmodi puella suavissime Tibullus IV. 7. *Illam, quidquid agit, quoque vestigia movit, Componit furtim, subsequiturque decor.* *ferre pedem*, saltantium enim ars praecipue in scito concinnoque pedum motu vel incessu cernitur. *certare ioco*, varii cogitari possunt lusus, quibus saltantes invicem se excipiunt et iocose inter se certant; *dare brachia*, quod quoque, cum saltantes brachia inter se neclunt, vel manus invicem sibi porrigunt, eum lepore quodam fieri debet. *ludentem* h. e. saltantem; *ludere*, ut παίζειν apud Graecos, saepe pro: saltare, sive choreas ducere; *sacro Dianae celebris die*, plures quotannis dies, Dianae sacri, a virginibus, praecipue choreas ducebant (Propert. III. 28. 60.) tam in urbe, quam in agris, magna cum laetitia celebrari solebant.

Num tu, quae tenuit dives Achaemenes,
Aut pinguis Phrygiae Mygdonias opes,
Permutare velis crine Licymniae?

Plenas aut Arabum domos,
Dum flagrantia detorquet ad oscula 25
Cervicem, aut facili saevitia negat,
Quae poscente magis gaudeat eripi,
Interdum rapere occupat?

CARMEN XIII

AD ARBOREM.

Ille et nefasto te posuit die,

v. 24—28. Sententiarum nexus, in quo constituendo prava interpunctione decepti valde se torserunt interpretes, est fere hic: Quid dicam de crine Licymniae! num tu eum cum Achaemenis opulentia vel Phrygiae opibus permutare velis? Quid dicam de summa, quae ex eius in amore lusibus percipitur, voluptate? num tu eam, quando illa vel sponte osculum offert, vel facili saevitia denegat, permutare velis cum Arabum divitiis? — Signum interrogandi, quod post *Licymniae*, re ipsa flagitante, posui, in omnibus, quas inspezi, editionibus post *domos* demum positum est, et sic verba: *Plenas aut Arabum domos*, quae cum sequente sententia iungi debent, perperam cum antecedente iuncta sunt. Quam quidem vitiosam interpunctionem a nemine adhuc sublatam esse, eo magis miror, cum sic particula *dum*, quo referatur, plane non habeat, nisi eam inepte ad *crinem Licymniae* retuleris. *dives Achaemenes*, prius Persarum rex, in universum pro regum Per-

sarum opulentia. — *pingu. Phryg. Mygdon. opes* h. e. opes, quas Mygdones in opimia Phrygiae campis possident. *Mygdones*, antiquus Thraciae populus, qui Phrygiae partem occupavit. Ad septentrionalem Phrygiae plagam Mygdones collocat Strabo XII. p. 864. *permutare crine opes*, exquisitiore ratione pro vulgari: crinem permutare opibus, vel cum opibus; — cum Nostro Cl. Mutsch. comparat Pallad. Epigr. I. v. 1 seqq. in Anthol. Graec. T. III. pag. 444. *Plenas aut Arabum domos* ac. permutare velis Licymniae osculo; pro simplici *osculo*, quatuor versibus mellitissimis ipsius Licymniae osculantis imaginem expressit. — *plen. Arab. domos*, intellige *beatas*, ut supr. l. 20. 4. Noster loquitur, *Arabum gazas. facili*, facile se vinci patiente. *rapere* occ. prius ipsa rapit.

CARMEN XIII.

Quid senserit et cogitaverit Horatius, e praesente vitae periculo, quod

Quicumque primum, et sacrilega manu
 Produxit, arbos, in nepotum
 Perniciem, obprobriumque pagi.
 Illum et parentis crediderim sui
 Fregisse cervicem, et penetralia
 Sparsisse nocturno cruore
 Hospitis; ille venena Colcha,
 Et quidquid usquam concipitur nefas,
 Tractavit: agro qui statuit meo

et in villa sua forte ambulanti ab inopinato arboris casu imminuerat (conf. infr. II. 17. 27. III. 4. 2. III. 8.) feliciter servata, id enarrat in hoc carmine. Primum igitur, quo sapere in eiusmodi casu homines solet affectus vehementior, ei, qui istam arborem tam infausto crimine posuerit, tanquam homini omnium sceleratissimo diras imprecatur; deinde, quod res ipsa iam suggererat preceptum, neminem ab improvise mortis genere satis sibi cavere posse, graviter exemplo suo confirmat; denique Orci, ad quem poene delatus fuisset, imaginem, mira arte ad Alcaei et Sapphus ioprimis laudes celebrandas adumbratam, animo suo repraesentat. Fingit nempe, Alcaicum et Sappho apud inferos quoque ita placere carminibus suis, ut non solum omnes Umbræ ad ea audieoda catervatim confluent, sed eorum dulcedine Cerberus ideo et Furis susviter demulcesatur, damnatique intermisso interea labore suo cupidi ab ore cantantium pendesant, quo nihil profecto eum ad utriusque gloriam, tum ad universam poëseos laudem celebrandam flogi a Nostro potuit sublimius.

v. 1—4. *Ille et nefasto* cett. iunge: *Quicumque te, arbor, primum posuit,*

HOR. TOM. I

ille te posuit et die nefasto, et manu sacrilega produxit cett. *nefasto* infausto. *posuit*) *ponere arborem* (placez nti nos: einen baum setzen) pro: serere, plantare, passim apud scriptores rusticos; apud Ovidium quoque Fast. III. 439. sic *posita arbor* dicitur; et sic *statuere arborem* vers. 40. *Quic.* — *produxit*, pro educavit, vel, quod idem, eduxit. *obprobrium*, dedecus; nos: *schandfleck*; sic *approbria Romuli Remique* apud Catull. XXVIII. 45. conf. *Bentleius* supr. ad I. 37. 9.

v. 5—12. *Illum et parentis* cett. Imo, qui te mole ominatam arborem plantavit, ut in immerentis domini caput aliquando caderes, is vel patrem occidias, vel nocturna hospitii caede domum suam polluisse, vel venena miscuisse, vel, quod usquam gentium nefandum scelus concipitur, perpetrasse videtur, pro simplice: is gravissima quoque commisisse videtur scelera. *cervicem fregisse* sc. laqueo; similiter *gulam laqueo frangere* dixit Sallustius Cat. c. 35. — *nocturno cruore*, sanguine tempore noctis hausto, pro: caede nocturno tempore insidiose perpetrata; de hospitii, cui tuendo Iupiter ξένος præerat, sanctitate res nota. *Colcha* pro: Colcluca, Medese Colchicacina-

K

Te triste lignum, te caducum
 In domini caput inmerentis.
 Quid quisque vitet, nunquam homini satis
 Cautum est in horas. Navita Bosporum
 Poenus perhorrescit, neque ultra
 Caeca timet aliunde fata;
 Miles sagittas et celerem fugam
 Parthi; catenas Parthus et Italum
 Robur: sed improvisa leti
 Vis rapuit rapietque gentes.
 Quam paene furvae regna Proserpinae,
 Et iudicantem vidimus Aeacum:
 Sedesque discretas piorum, et
 Aeoliis fidibus querentem

15

20

primis beneficiis, ut longe efficacissima, nobilitata. *caducum* pro cadentem, vel casurum, ut infr. III. 4. 44. *fulmen caducum*, quod decidit, vel deiectum est; et sic saepe alibi.

v. 13—20. *in horas*, in tempus futurum, vel de tempore futuro, h. e. quod attinet ad pericula, quavis hora, quovis temporis momento, nobis imminet; in ut supr. II. 2. 4. positum fere pro: *quod attinet ad—horas*, fata quavis hora nobis instantia. —*Navita Poenus*, mercator Phoenicius. *Bosporum*, Thracium nempe, per quam navigantes in Pontum Euxinum deferuntur. —*perhorrescit*, praecipue ob petras Cyaueas, a Bosporo Thracio exeuntibus magna circumspeditione, ne naufragium ibi patiantur, evitandas. *neque ultra caeca tim. al. fata* neque praeterea, quae in aliis locis (*aliunde*) ei imminet pericula, timet, quia caeca sunt, h. e. latent, nec praevideri possunt. Cic. Agr. II. 14. *cur hoc est tam obscurum et caecum*, celer.

fug. Parthi, Parthus enim in celeri, quam simulabat, fuga, cum telorum, equo repente verso (conf. supr. I. 19. 41), in hostem iaciendorum esset peritissimus, vel maxima timendus fuit. —*robur*, intellige locum in carcere trabibus roboreis contextum, ubi supplicium de captivis vel maleficus sumi solebat; unde postea *roboreis* nomen carceri mansit. Tit. Livius XXXVIII. 59. *Vt in carcere inter fures nocturnos et latrones vir clarissimus Scipio includatur, et in robore et tenebris exspiret.*

v. 21—28. Expende ornatum, quem simplici sententiae: « quam paene ego arboris ictu perlassem, vel: quam paene arboris ictu delatus fuisset ad inferos, » paravit poetæ ingenium. —*furvae*, ut *luridus, niger, pallidus* cett. rerum infernarum epitheton. —*regna Proserpinae videre*, ut *nigrum Tartarum videre*, apud Virgil. Aen. VI. 134. et apud Hom. II. XV. 252. *ὄψεαι καὶ δῶμα' Ἀΐδαο ὄψουσαι*, — iudic. vid. *Aeac.*) Mitsch. comparat

Sappho puellis de popularibus; 25
 Et te sonantem plenius aureo,
 Alcaeae, plectro dura navis,
 Dura fugae mala, dura belli.
 Vtrumque sacro digna silentio
 Mirantur Vmbrae dicere; sed magis 30
 Pugnas et exactos tyrannos
 Densum humeris bibit aure vulgus.

Antip. Sid. I. 4. Anthol. Graec. T. II. p. 5. Μίση δ᾽αὖτον ἐποφύμεθα.—*sed discer. prior. campos Elysios.*—*Sappho quer. puell. de popul. sensum amoris, quo puellas populares deperiit, mollioribus carminibus exprimentem, h. e. carmina anastoria, ἄσπορα, canentem; ad haec Sapphus carmina spectare videtur* Fragn. apud Hephaest. p. 24. et apud Athenae. XII. p. 571. At qui Sappho ideo de puellis popularibus nunc queri contendunt, quod hae Phaonem ab illa misere amatum in amorem suum pellexerint, ipsi, quam apto hoc argumentum nunc apud inferos tractaverit Sappho, viderint. *Aeoliis* h. e. Lesbii, nam Lesbos tota fere ad Aeoliam pertinet. Similiter infr. IV. 9. 12. *Sappho puella Aeolia* dicitur.—Ceterum ut Noster Sappho, ita Simonides XLIX. 9. 10. (Anthol. Graec. T. I. p. 69.) Anacreontem apud inferos canentem inducit. *Et te son. pl. aur. Alc. pl.* et te, Alcaeae, graviore carminis genere cantantem duos labores, quos in navigatione, exilio et bello exantlaveris.—Tangit igitur argumenta ab Alcaeae in carminibus suis tractata.—*sonare plectro mala*, facere, ut sonent vel resonent plectro mala, pro simplice: mala cavere. *plenius*, gravius, fortius. Ipsa Sappho apud Ovid.

Heroid. XV. 30. *ae cum Alcaeae, patriae lyraeque consorte, comparans, illum grandius sonare, at se blandissima carmina dicere ait. aureo* epitheton ornans; sic, ut observat. Cl. Mitsch. Pindar. Pyth. I. 4. χρυσίας πόρμυγχα, et Nem. V. 44. χρύσειον κλέκτρον Apollini tribuit. *dura navis mala*, intellige tempestates marinas. *fugae*, exsili, in quod a civitatis suae tyrannia, Myrsilo et Pittaco, expulsus fuerat Alcaeae—*dura belli*, bellum Mitylenaeis cum Atheniensibus gestum puta, quod Alcaeae inprimis, qui ex eo male abiectis armis an fugisse perhibetur (Herodot. V. 95.), plenum periculosae aleae opus fuisse videtur.

v. 29—32. *Mirantur utrumque dicere*, cum admiratione tam Sappho quam Alcaeae audiunt canentes;—*digna sacro silentio*, carmina tam egregia, ut digna sint, quae summo silentio auscultentur; *sacro*, tanquam in re sacra, ubi, quicumque adsunt, linguis favere debent. *densum humeris vulgus*, en praeclaram rei imaginem! omnes ac singulae Vmbrae (hinc *vulgus* dictae sunt) undique accurrunt, et tam aetate turba circa Sappho et Alcaeae prae cupiditate eorum carmina audiendi condensantur et glomerantur, ut humeris invicem se premant torantque. cf.

Quid mirum? ubi illis carminibus stupens
Demittit atras bellua centiceps

Aures, et intorti capillis

Eumenidum recreantur angues;

Quin et Prometheus et Pelopis parens

Dulci laborum decipitur sono:

35

Virgil. Georg. IV. 473 seqq.—*auro bibit*, cupide audit. Propert. III. 6. 8. *suspensis auribus ista bibi*. *magis*, grandioris enim spiritus carmina magis percellunt audientium animos. — *pugnas* h. e. Alcaeum, pugnas, quibus tyranni exacti sunt, canentem;—cecinit igitur bella civilia, a Mitylenseis contra tyrannos mota, quorum ipse dux factus est; *exactos tyrannos*, ad eos praeter Pittacum et Myrsilum plures, qui summi rerum domini esse cuperent, pertinuisse, ex Strab. XIII. p. 917 intelligi potest.

v. 33—40. Quid mirum? Vmbrae delectari carminibus, quibus Cerberus adeo et Furiae delectantur! Comparo omnino cum Nostro Virg. Georg. IV. 471 seqq. ubi eadem vi apud inferos canens inducitur Orpheus: nec utriusque poetae imitatores Ovid. Met. X. 41 seqq. Senec. Herc. Oet. 1065 seqq. et Boëth. Consol. Philos. III. metr. 12. 29 seqq. contulisse pigebit. — *centiceps*, in capitum, quae Cerbero affinxit antiquitas, numero discrepant poetae; vulgo tria tantum et capita tribuuntur, ut infr. II. 19. 31. sed πεντακεφαλῆς ille appareret apud Hesiod. Theog. 312. Noster Cerberum sistit ἑξακεφαλῆς, haud dubie Graeci cuiusdam poetae exemplum secutus; Cl. Mitsch. opportune haec rem affert verba Tzetzae ad

Lycophr. 678. ὁ κίων τοῦ Αἰδου, ὃς ἔχει ἑξατὸν κεφαλὰς. itaque τὸ *centiceps* malim equidem proprie accipere quam contra usum loquendi cum alijs ad anguim, quibus Cerberi cervix horruisse dicitur, capita referre. *stupens illis carminibus*, cum stupore admirans illa carmina; observa vim in *illis* h. e. tam praeclaris, divinis; *demittit aures*, uti enim canes minaces et stomachabundi aures arrigere, ita iidem eas, quando suaviter afficiuntur, demittere solent. *et intort. capill.* *Eumen. recre. angu.* angues, quos Furiae capillis implexos gestant, graviter pro ipsis Furiis dulci cantu deliniri dicuntur. In eiusdem rei imagine Virgil. I. 4. 483. *Eumenides dixit aeruleos implexas crinibus angues.* — *Prometheus*, ergo secundum antiquiorem, quam Noster secutus est, fabulam, Prometheus in Orco quoque aeternis laboribus exerceri fectus est. v. Aristot. Poët. c. 17. nam vulgo cum Caucaso affixum, ubi aquila continuo cor eius renascens exedat, sceleris, quo ignem caelo subduxisset, poenam luere tradunt. *Pelopis parens*, Tantalus, de quo omnia in vulgus nota. — *dulc. lab. decip. sono*, cantus dulcedine ita se decipi et abripi patitur, ut laborum suorum immemor sit. *decipitur laborum*, Graece dictum (κλέπεται τῷ πόνῳ) pro: deca-

Nec curat Orion leones
Aut timidos agitare lyncas.

40

CARMEN XIV

AD POSTVMVM.

Eheu fugaces, Postume, Postume,
Labuntur anni: nec Pietas moram
Rugis et instanti Senectae
Adferet, indomitaeque Morti,
Non, si trecentis, quotquot eunt dies,
Amice, places inlacrimabilem

5

ptus obliviscitur laborum.—Orion, is enim venationem, cuius studiosissimus in vita fuerat, apud inferos quoque (quia, ut dicitur apud Virg. Aen. VI. 655. *cura—eadem sequitur tellure repostos*) exercebat; Orionis, apud inferos venantis, imaginem iam adumbravit Homerus Odyss. XI. 571 seqq. Quo magis autem Orion venatione delectabatur, eo maior carminum, quibus audiendis ab ea se detineri passus est, vis esse debuit.

CARMEN XIV.

Vitae praeceptum, ab ejus brevitate ductum, quod ad bona, quae cuique contigerint, sapienter, dum licet, percipienda iterum iterumque amicis suis commendat Horatius (ut *Dellio* supr. II. 3. *Quinctio* II. 44. ubi cf. argum. et *Torquato* infr. IV. 7.) *Postumo* quoque impertit. Itaque eum ad celerem temporis fugam animum advertere, moriendi necessitatem, nulli omnino homini neque sa-

crificiis avertendam, neque prudentia evitandam, secum reputare, bonisque, quae haeres profusus absumenturus sit, ipsum perfrui iubet.—Quis fuerit Postumus, vix certis argumentis evincas; nam neque *Iulius Florus*, ad quem infr. duae epistolae L. I. 3. et II. 2. scriptae sunt, neque ille Postumus, ad quem apud Propertium III. 42. elegia exstat, idem fuisse videtur.

v. 4—42. *labuntur*, celeriter fluminis instar (quod proprie *labi* dicitur) currunt.—*nec Pietas* cett. nec sacrificiis efficere poteris, ut rugae et instans senecta atque mors tardius te occupent atque opprimant.—De senecta nos opprimente Cl. *Mitsch.* comparat *Mimnerm.* IV. 4. *Anal.* Brunck. T. I. p. 61. *indomitae*, nullo pietatis genere se mitigari patienti, saevae, inexorabili; similiter Graecis θάνατος vel Αἰδης ἀδάμαστος, ἀμείλιχος. *trecentis* *annis*, tribus hecatombis. *inlacrimabilem*, ad lacrimas h. e. ad miserationem se

Plutona tauris; qui ter amplum
 Geryonem Tityonque tristi
 Compescit unda, scilicet omnibus,
 Quicumque terrae munere vescimur, 10
 Enaviganda, sive reges
 Sive inopes erimus coloni.
 Frustra cruento Marte carebimus,
 Fractisque rauci fluctibus Hadriae;
 Frustra per auctumnos nocentem
 Corporibus metuemus Austrum: 15
 Visendus ater flumine languido
 Cocytos errans, et Danaï genus
 Infame, damnatusque longi
 Sisyphus Aeolides laboris. 20

permoveri non patientem, ἀδάρην; in sententiam loci Cl. Mitsch. comparat Aeschyl. Fr. Niob. p. 642. *Stand.* — *ter amplum Geryon.* τριπλάσιον vel τριπλάσιον; nam Iria capita sive Iria corpora Geryoni, Chrysaoris et Callirrhoeis filio, ab Hercule perdomito, ad insignem eius corporis molem designandam, tributa esse satis notum est. *Forma tricorporis Umbrae* dicitur Virgilio Aen. VI. 289. *Tityonque.* Terrae filium, ob vim, quam Latonae inferre ausus est, vel Iovis fulmine, vel Apollinis sagittis confixum, ei ad Tartara, ubi ei, ut Virgil. Aen. VI. 596. canit, per tota novem iugera corpus porrigitur, detrusum; ponit autem Geryonem et Tityon, vastissimi corporis homines, tanquam illustria humanae fragilitatis exempla. *unda, Stygis nempe.* quicumque terr. mun. vese. pro vulgari mortalibus. Nota est Homerica mortalium circumscripcio: εἰ ἄποιεν; κχαπὸν ἔδουσι. — *Pro munere* *Hæc* fœdalius dedit mœra; non raro

certe casus quartus rō vesi iungi solet; vid. *Broukhus.* ad Tibull. II. 5. 64. nec negari potest, pluralem sententiae accommodatiorem esse singulari — *reges*, divites, beati, potentes; cf. supr. I. 4. 43. et infr. II. 48. 32.

v. 43—24. Mortis fugiendae causa frustra bello et navigatione abstinemus, frustra auctumni tempore gravem aërem, morborum causam, evitabimus; pro vulgari: a morte nulla nos tutos praestabit prudentia. — *Marte cruento*, μαρτυρὸν αἱματότερον. — *per auctumn. noc. corp. met. Austr.* hinc infr. Sat. II. 6. 49, *Auctumnusque gravis*, *Libitinae quartus acerbae*; et eadem de causa infr. III. 23. 8. auctumni tempus grave. h. e. valetudini perniciosum, dicitur. Hue pertinet Bion VII. 43. Ὅζα ἰθὺς φθινόπωρον, ἐπὶ νότον ὄπισι τέχεται. — *flum. langu. err.* lente circa Tartarum fluens. — *Danaï gen. infame*, filiae Danaï sponsorum caede infames, res nota. *Sisyph. Aeol.* notissimam Sisyphi, apud inf. ros ingens

Linquenda tellus, et domus, et placens
 Vxor: neque harum, quas colis, arborum
 Te, praeter invisae cupressus,
 Villa brevem dominum sequetur.
 Absumet haeres Caecuba dignior
 Servata centum clavibus: et mero
 Tinguet pavementum superbum
 Pontificum potiore coenis.

15

CARMEN XV

Iam pauca aratro iugera regiae

saxum in verticem volventis, fabulam enarrat Hom. Odys. XI. 592 seqq. *placens* sc. morum suavitate, amabilis, dulcis; comparant Lucret. III. 907 seqq. *At iam non domus accipiet te laeta, neque uxor Optima, nec dulces occurrent oscula nati Praeripere — omnia ademisti Vna dies infecta tibi tot praemia vitae. invisae*, ob tristem earum in tumulis positarum aspectum; *brevem*, brevis vitae, *ὀλγοχρόνιον, μινυδάδιον*, ut *brevis rosa, breve lilium* cet.

v. 25—28. *Absumet haeres* cell. Eandem sententiam expressit Noster infr. Sat. II. 3. 422. *Filius aut etiam haec libertus ut ebibat haeres, Dis tuimice senex, custodis? — dignior* sc. vini Caecubi possessione, quia illud non centum clavibus servaturus, sed bibiturus est. *centum clavibus* pro: diligentissime *et mer. tingu. pav. sup. Pontif. pot. coen.* et merum ipso illo, quod in coenis Pontificum bibi solet, praestantius, tam profusum apud eum bibetur, ut pavementum adeo eo madaet. *tingu. pavim.* de eiusmodi profuso vini non similiter Cicero

Philipp. II. 41. *natabant pavimenta mero, madaebant parietes. — superbum*, splendidum, magnificum, tessellato quippe opere in beatiorum domibus ex marmore factum; *potiore Pontificum coenis*, meliore et nobiliore, quam quod in coenis Pontificum bibitur; *sacrae epulae* enim, quas Pontifices apparabant, tam laetae et opiparae fuerunt, ut locum darent proverbio. Mart. XII. 48. 42. *Non Albani mihi sit commissatio tanti, Nec Capitolinae, Pontificumque dap.* cf. Macrob. II. 9.

CARMEN XV.

Ad luxum, qui tum Romam immigraverat, pertinebat ea inprimis magnificentia, quae ab hominibus privatis in amplissimorum aedificiorum, piscinarum, uemorum et aliarum rerum, non ad communem utilitatem, sed ad solam eorum voluptatem spectantium, usu atque possessione ponebatur. In hoc inanum igitur per luxum atque libidinem perundi perdendisque omnia studium

Moles relinquent : undique latius
 Extenta visentur Lucrino
 Stagna lacu : platanusque caelebs
 Evincet ulmos, tum violaria, et
 Myrtus, et omnis copia narium,
 Spargent olivetis odorem
 Fertilibus domino priori :
 Tum spissa ramis laurea fervidos
 Excludet ictus. Non ita Romuli
 Praescriptum et intonsi Catonis

nobiliore indignationis affectu Noster in hoc carmine invehitur, veterumque Romanorum severiore disciplina, frugalitate et continentia ante oculos posita, quantum a maioribus suis nunc degeneraverint Romani, ostendit.

v. 4—10. *Iam*, brevi inde tempore. *regiae moles*, amplissima et regio splendore in altum educta aedificia, qualia tum in villis suis exstruere solebant beatiores. Hinc illud, quod in villa sua habebat Maecenas, similiter quoque infr. III. 29. 40. vocatur *moles propinqua nubibus*. — *undique visentur*, ubique conspiciere licebit. *stagna*, intellige piscinas marinas, sive maris particulam, quam ditiores *iactis in altum molibus* (ut infr. III. 4. 33. dicitur) ideo a mari seduserant, ut quovis anni tempore piscium ibi haberent copiam; locus clausus de hoc luxu Romanorum genere est apud Varr. R. R. iii. 17. cf. Tibull. II. 3. 45. Cic. Att. I. 16. 17. — *latius extenta Lucrino lacu*, lacus Lucrini ad Baias in Campania magnitudinem superantia; — *platanusque carl. evinc. ulm. platanis*, non utilitatis sed voluptatis causa consitis, cedere debent ulmi; — scilicet ulmi ei praecipue in Italia

inserviebant usui, ut vites cum earum trunco iungerentur, unde vites *ulmo maritare* dicuntur; Columell. V. 6. Itaque *platanus*, quae non commode adhiberi posset iungendis cum ea vitibus (pulcre pro: inutilis) iam dicitur *caelebs*. *Tum—tum*, porro — porro. *violaria*, loca violis consita. *omnis copia narium*, quicquid est florum bene olentium. *spargent odorem*, eleganter pro vulgari: florebut, erunt, conspicientur; — *olivetis* pro: in olivetis. Nostrum, ut iam observavit Cl. Mitsch. ante oculos habuisse videtur Quinct. Instit. Orat. VIII. 3. *An ego fructum cultiorem putem, in quo mihi quis ostenderit lilia et violas — quam ubi plena messis, aut graves fructu vites erant, Sterilem platanum, tonsasque myrtos, quam maritam ulmum et uberes oleas praecoptaverim?* *Tum spiss. ram. laur. fervid. exclud. ictus*, porro lauri eo tantum fine ponentur, ut sub spissis suis ramis ambulantes a solis aestu defendant; h. e. lauretis porro delectabuntur homines. — *ictus sc. solis*.

v. 11—20. *Non ita Rom. Praeser. et int. Cat. Ausp. vet. nor.* huic quidem insano luxui secundum vivendi

Auspiciis, veterumque norma.
 Privatus illis census erat brevis,
 Commune magnum; nulla decempedis
 Metata privatis opacam
 Porticus excipiebat Arcton:
 Nec fortuitum spernere cespitem
 Leges sinebant, oppida publico
 Sumtu iubentes et Deorum
 Templa novo decorare saxo.

45

20

normam, a Romulo, Catone et aliis veteribus praescriptam, nemini olim indulgere licuit. — *Commode* autem ad priscos mores commendandos Catonis antiquioris, tam morum, quam censurae, severitate satis noti, mentionem facit, qui, quia priscorum morum observantissimus haud ad aetatis suae morem barbaram tonderi passus est, *intonsus* vocatur, ut supr. I. 12. 44. *Curtius*—*incomitis capillis*. — *Privatus illis census erat brevis* *comm. magn.* bonorum privatorum tum parva, sed communio magna fuit possessio; *census* pro bonis, quae censu aestimantur. *nulla decempedis* cett. non ampliores, ut nunc, a privatis hominibus ad decempedarum mensuram extrui solebant porticus, quae septentrionem exciperent, h. e. septentrionem versus sitae essent, scilicet ut solis aestum ibi vitarent molliores homines. *decempedis metata*, passive, ad mensuram decempedarum facta; *privatis* sc. hominibus; *tò privatis* haud cum aliis ad *decempedis*, in casu sexto positum,

referendum, sed in casu tertio accipiendum existimo. *opacam*, quia *Arctos* sive Septentrio loca ad se versa opaca reddit. *Nec fortuit. spern. cesp. leges sineb.* sensus: Nec secundum leges, quae tum vigeant, hominibus privatis domos in agris extruere licebat ex magnis lapidibus, quibus oppida tantum et deorum templa publico sumtu decorari iuebantur, sed casas ex cespite fortuito. — *fortuitum*, vulgarem quemque, in quem forte incidimus; ubique forte obvium. — *cespitum*, hinc apud Virg. Ecl. I. 69. de eiusmodi casa: *tuguri congestum cespite culmen*. *oppida*, intellige publica oppidorum aedificia, muros, et alia, quae ad externum oppidorum vel splendorem vel amplitudinem pertinent. *novo*, aliunde quaesito et recens exciso. *saxum novum* opponitur *cespiti fortuito*. Nimirum in agris Romanorum, ubi ante casae humiliores ex cespite constructae steterant, nunc amplissima ex lapidibus quadratis vel marmore surgebant aedificia.

CARMEN XVI

AD GROSPPHVM.

Otium Divos rogat in patenti
 Prensus Aegaeo, simul atra nubes
 Condedit lunam, neque certa fulgent
 Sidera nautis:

Otium bello furiosa Thrace,
 Otium Medi pharetra decori,
 Grosophe, non gemmis, neque purpura ve-
 nale, neque auro.

CARMEN XVI.

Scriptum hoc carmen eo praecipue consilio poeta, ut Grospphum a rerum, nunc animum eius perturbantium, sollicitudine ad tranquillitatis, in qua omnis vitae humanae spectanda sit felicitas, traduceret studium. Sententiarum nexus est fere hic: *Otium*, h. e. securitatem, quietem, et animi tranquillitatem, semper homines flagitant; securitatem quidem, qui in mari tempestatis periculo expositi sunt; quietem, populi bellorum laboribus fessi; animi tranquillitatem, neque purpura neque auro venalem, summis honoribus et divitiarum splendore conspicui. Verum enim vero animi tranquillitas iis tantum contingit, qui, modica, in qua nati sunt, sorte contenti, neque divitias appetunt, neque studiose eas in exteris regionibus quaerunt, adeoque curis, assiduis illis cupiditatum comitibus, vacui sunt. Annius tranquillus de iis, quae adsunt, laetatur, et sicut futura non curat, ita fortunam adversam moderate fert, cum, nihil ab omni parte beatum esse, vel Achilles et Tithoni exempla satis

doceant; alius hoc, alius alio felicitatis genere, gaudet; tu, o Grospphe, es dives, ego parvi agelli sum possessor, sed poeta, ultra vulgi invidiam elatus. — Sic equidem in hoc carmine, in cuius sententiis inter se nectendis valde laboratum est, omnia ad consilium, quo illud scriptum esse diximus, commode referri posse existimo. — De Pompeio Grosppo copiose egit Sanadonius *supr.* ad L. II. 7.

v. 4—8. *Otium* in latiore sensu, ut iam in Argumento ostendimus, tam de securitate, pace et quiete, quam de animi tranquillitate positum; itaque notio cuique sententiae apta inde elici debet. *prensus*) *prendi* et *deprendi* proprie de nautis, qui subita tempestate in mari opprimuntur; vid. *Benl.* *supr.* ad L. 44. 40. — *certa*, ad quae nautae navis cursum tuto dirigere possunt, tuta. Tibull. I. 9. 40. *Ducunt instabiles sidera certa rates.* *bello furiosa*, bellandi cupiditate, tanquam furor quodam, se agitari patiens, bellicosissima; hinc Euripid. *Heccub.* v. 4090. Thraces *Ἀπὲι χάροχου γένος* dixit. — *Medi*, Parthi, *pharetra decori*, sagittiferi. *non venale*, quod non parari

Non enim gazae, neque consularis
Submovet lictor miseros tumultus
Mentis, et Curas laqueata circum
Tecta volantes.

Vivitur parvo bene, cui paternum
Splendet in mensa tenui salinum:
Nec leves somnos Timor aut Cupido
Sordidus aufert.

Quid brevi fortes iaculamur aevo
Multa? quid terras alio calentes

potest; sed nunc intelligit per *otium* animi tranquillitatem, ut satis docent sequentia.

v. 9—12. *Non enim* cett. nam neque divitiae, neque honorum insignia curas ex animo pellere valent. — *consul. submov.* *lict.* suaviter lictor consularis, qui Consuli in viis praere, et plebis ibi tumultuantis turbam submovere solebat, iam non mentis tumultus submovere, h. e. non ea, quae turbas in animo movent, sive curas abigere posse dicitur. Cl. Mitsch. in hanc sententiam comparat Senec. Ep. 91. *Non est, quod tibi tranquillitatis tunc fastidium faciat ille, sub illis fascibus, purpura cultus: non est, quod feliciorum iudices, cui submoveatur, quam quem lictor semita deiecit.* — *Curas—volantes* de *Curis* alatis egimus in Comment. de alatis Imaginibus p. 29. (Goth. 1786.) *circum tecta laqueata*, intellige tricliniorum inprimis tecta, quae laqueata vel laquearia et lacunaria dicuntur, quod eorum lacus vel lacunae (*die füllungen der getäfelten felder*) antro, opere caelato et picturis exornatae atque distinctae fuerunt; eiusmodi tecti laqueati vel lacunaris descriptio est apud

Joseph. A. VIII. 3. 2. ubi tabulae tecti dicuntur fuisse *ἐξισμῆναι εἰς πατρὶμακα καὶ προσέσλησιν χρόνου*.

v. 13—16. *parvo*, re modica; — *paternum*, quam tanquam partem patrimonii a patre accepit, *splendet salinum*, ad externam enim mundi tiem talinorum inprimis bene politorum splendor pertinebat; vid. Meurs. ad Lycophr. v. 435. Comparant Pers. III. 25. *rure paterno Est tibi far modicum, purum et sine labe salinum.* — *in mensa tenui*, hinc *iafr.* Sat. I. 3. 43. *sit mihi mensa tripes et Concha salis puri* cett. *leves*, molles, faciles. *sordidus* refert ad sordidam avaritiam.

v. 17—21. *Quid brev. fort. iac. aev. multa?* graviter pro vulgari: cur tam multis rebus in brevioris vitae usum nobis parandis tanta omnium virium contentione unice intenti sumus? *iaculari aliquid* pro: orare studium in aliquid dirigere, ut Graecorum τοξεύειν τι, dictum est; vid. Mitsch. *Quid terr. al. cal. sol. mut. patria?* Cur terras sub alia caeli plaga sitas mutamas cum patria? h. e. cur quæstus causa in terras remo-

Sole mutamus patria? quis exsul

Se quoque fugit?

20

Scandit aeratas vitiosa naves

Cura: nec turmas equitum relinquit:

Ocior cervis, et agente nimbos

Ocior Euro.

Laetus in praesens animus, quod ultra est, 25

Oderit curare, et amara lento

tissimas e patria discedimus? *quis exsul se quoq. fug.* quis patriam fugiens animi simul curas fugit? h. e. quem discedentem e patria non curae animi comitantur? — Dedi nempe lectionem a *Viro Docto* quodam apud *Bentl.* et a *Wakefieldio* propositam; nam in vulgata lectione: *quid terras alio valentes Sole mutamus?* Patriae quis exsul cett. primum *mutare terras* simpliciter pro: ex patria in alias terras discedere, vel, ut *Cl. Müsch.* interpretatur, aliam ex alia terram adire, vix recte dici posse puto; deinde vox *patriae*, quam desiderabat locutio *mutare terras*, nova plane abundantia *exsul* additur; itaque non dubitavi lectionem in textum recipere, qua utriusque locutionis insolentia tollitur; *mutare* autem aliquid aliqua re pro: cum aliqua re, saepe dicitur, sic Noster plane, ut h. l. supr. l. 17. 1. *Velox amoenum saepe Lacretilen Mutat Lynceus Faunus.* cf. l. 16. 26.

v. 21—24. *Scandit aeratas* cett. nemo, cui semel adhaeret Cura, eam effugere potest; est enim velocissima, et ubique homines comitatur; si quis an fugere vult navi, navem simul conscendit, si quis equo, sedet illa post equitem. *aeratas*,

rostra navium aere inprimis munita fuisse constat. *vitiosa*, cum curae ad vitia humana pertineant, Cura quoque, ut persona, per epitheton *vitiosa*, talis, qualis est apud homines, designatur; similiter supr. l. 35. 24. *Fides*, ut persona, *rara* dicitur. *turmas equitum* explicant vel de militia, vel de itinere terrestri, navali opposito: equidem per navem et equites simpliciter celerrime fugiendi modum designari existimo; hinc infr. III. 1. 40. *atra Cura post equitem sedere* dicitur. *agente nimbo.* *Eur.* *Cl. Müsch.* comparat *Hom.* II. XII. 456. *νιράδες — ἄς τ' ἄνεμος ζαῆς, νέετα σκίοεντα δονήσας, ταρφεὶς κατίχενεν ἐνὶ χθονί.*

v. 25—28. *quod ultra est*, futuram sortem, τὰ πόρρω. *amar. lent. temp. ris.*) *amara lento risu temperare*, praesclare pro vulgari: tristitia moderate, vel lento aequoque animo, ferre; vir constans enim mediis in malis ridet, et dum hoc risu plauido animum lentum, h. e. qui malis haud allicitur, prodit, suaviter *amara risu lento temperare*, h. e. mitigare, dicitur. *Cl. Müsch.* Nostrum contendit cum ignoti cuiusdam poetae Epigr. DXXXI. Anth. Graec. T. IV. p. 230. Ο τὸν πολυστένακτον ἀνθρώπων βίον Γίονται κεράσας Νικαῖος Φιλιστίνου

Temperet risu. Nihil est ab omni

Parte beatum.

Abstulit clarum cita mors Achillem,

Longa Tithonum minuit senectus :

30

Et mihi forsán, tibi quod negarit,

Porriget Hora.

Te greges centum Siculaeque circum

Mugiunt vaccae ; tibi tollit hinnitum

Apta quadrigis equa ; te bis Afro

35

Muricae tinctae

Vestiunt lanæ : mihi parva rura , et

— *Nihil est ab omni. p. beat.* Laudant Theoguid. v. 4159. Οὐδεις γὰρ πάντ' ἐστί πανόλβιος. et Euripid. Fr. Sthe- nob. I. οὐκ ἐστὶν ὅστις πάντ' ἀνὴρ εὐδαίμωνι cett.

v. 29—32. *cita*, maturior, quae fuit Achilli a fato constituta ; unde illud apud Homerum μινυθάδιος, ὠκύμορος dicitur ; cf. Hom. Il. IX. 410 seqq. — *Tithonum* cf. de eo supr. ad l. 28. 8. — *Hora*, quae tempus futurum, et fata futuri temporis subministrat ; alias *Horae*, ut deae, anni vicissitudines dispensare finguntur ; cf. iufr. IV. 7. 8.

v. 33—40. *Te greges centum* cett. Tu es multorum gregum, armento- rum et equarum nobilium possessor, vestesque geris his colore purpureo tinctas ; h. e. tu es longe ditissimus ; antiquitus enim, ut satis constat, in magnorum gregum armentorumque possessione spectare imprimis solebant magnae divitiae, unde homines be- tiores dicuntur apud Homerum Il. IX. 154. ἀνδρες — πολὺβήνες, πολυβοῦτα. *Te circum mugiant*, ele-

ganter pro vulgari : tu habes, tu possides ; *Siculae vaccae*, Gros- phius, ut in armentis suis nobilioris stirpis vaccas haberet, haud dubie arceasi iusserat *Siculas*, praestantia sua ob egregia in Sicilia pascua insai- gnes ; *tibi tollit hinnitum* pro vul- gari : tibi est. *apta quadrigis*, tam generosa, ut quadrigis in certamine curuli aptari s. iungi possit ; *equa- rum* autem praecipuum in certamini- bus curulibus usum fuisse, vel ex Virg. Georg. I. 59. constat. *lanæ bis Afro murice tinctae*, his succo muricis infectae ; *murex*, e cuius succo inducebatur color purpureus, dicitur *Afer*, quod ille ad Africae, Phoeniciae, et Laconiae littora capi solebat ; hinc *murex Gaetulus* infr. Epist. II. 2. 481. *Tyrius* Epod. XII. 21. *Sidonium ostrum* Ep. I. 40. 26. — De vestibus his colore purpureo tinctis sive dibaphis vid. *Ruben. de Lat. Clav.* II. 44. *mihi parva rura* cett. obversatum Nostro esse Bacchy- lidæ carmen, cuius Fragm. servavit Athen. XI. p. 500. (Anthol. Graec. c. XIII. T. I. p. 85.) iam monuit Cl. Mit. — *parva rura*, intellige agellum

Spiritum Graiae tenuem Camenae
Parca non mendax dedit, et malignum
Spernere vulgus.

40

CARMEN XVII

AD MAECENATEM.

Cur me querelis exanimas tuis?
Nec Dis amicum est, nec mihi, te prius
Obire, Maecenas, mearum
Grande decus columenque rerum.

Sabinum. *Spirit. Grai. ten. Camen.* tennem ad modos Graecorum poetarum candidi facultatem; *Parca non mendax*, sors mihi nascenti a Parcis, veridicis illis deabus, assignata; Parcae enim nascentibus non solum sortem praedicere, sed etiam destinare dicuntur. Comparant cum Nostro Pind. Ol. VIII. 38. Nem. IV. 66. *et spernere* sc. dedit, h. e. concessit mihi hoc, ut spernerem.

CARMEN XVII.

Quanto amore Maecenatem complexus fuerit Horatius, tam expressus in hoc carmine ob iteratas eius de instante sibi morte querelas dolor, quam ratio, qua vanas istas querelas compescere studet, luculenter ostendunt. Itaque Maecenatem de vitae, nondum secundum deorum voluntatem exactae, fine eo magis desinere tandem queri iubet, cum ille utrique communis futurus sit; se enim post eius mortem diutius in hac vita morari nolle, sed pro sacramento, quod illi dederit, indissolubili plane societatis vinculo una cum eo mortis iter

ingressurum esse; huc accedere mirum quendam siderum, sub quibus uterque natus sit, consensum, summamque fortunae, qua iam semel uterque mortis periculo ereptus sit, similitudinem; non igitur nunc de morte, sed potius de votis, utrique pro vitae servatae beneficio reddendis, cogitandum esse.

v. 1.—4. *Exanimas*, gravius pro: crucias, maceras, ut alias *enecare*.—*querelis tuis* sc. de propinqua tibi morte. Constat autem, Maecenatem saepe multumque cum adversa valetudine conflictatum esse; Plin. VII. 52. *Quibusdam perpetui febris est, ut Cibiio Maecenati.* *Nec Dis amicum mihi, te prius* cett. nec diis, nec mihi placet, te prius mori; diis nempe displicere debebat maturius Maecenatis obitus, quod longiorem ei vitam destinaverant, et Horatio idem debebat esse tristissimus, cum tanta pietate eum amaret, ut ne morte quidem ab eo se disiungi passurus esset; *amicum est*, Graece: φίλον ἴσθι, placet, vid. Lambin. ad b. l. *columen*, ut Graecorum βάλανος, ἱερὸς οὖκος (vid. Hemsterhus. ad Lycion.

Ah! te meae si partem animae rapit 5
 Maturior vis, quid moror altera?
 Nec carus aequae, nec superstes
 Integer. Ille dies utramque
 Ducet ruinam. Non ego perfidum
 Dixi sacramentum: ibimus, ibimus, 10
 Vt cunque praecedes, supremum
 Carpere iter comites parati.
 Me nec Chimaerae spiritus igneae,
 Nec, si resurgat centimanus Gyges,

Timon. c. 50.) de eo, in quo omnis posita est spes et fiducia; cf. *Cerida* ad Virg. Aen. XII. 59.

v. 5—12. *partem animae* h. e. *dimidium animae*, ut supr. Noster l. 3. 8. vocat Virgilium. *maturior vis*, mors ante constitutum vitae terminum accelerata; ipsi enim dii, ut v. 2. dicebatur, Maecenatem ante diem mori nolebant. Videtur igitur posita maturioris mortis causam in nimiam, qua corporis sui vires conficiat Maecenas, sollicitudinem non sine reprehensione aliqua transferre. — *moror*, sc. in his terris. *altera*, ego animae pars altera. *Nec carus aequae*. Cl. Mitsch. et alii explicant: « siquidem non aequae, atque antea, cum tu, pars mei melior, superesses, carus mihi futurus sim, vitam non amplius iucundam ducam; » equidem malim: cum nemo in vita reatet, cui aequae ac tibi carus et dilectus sim; *nec superstes integer*, sublata nempe altera animae parte. — *utramque* (pro: utriusque) *ducet ruinam*, communi casu utrumque detruet ad inferos, pro vulgari: utrumque ex hac vita auferet, utrique parabit interitum. *sacramentum*, iusiuran-

dum, quod milites, se nunquam formidinis causa sigua deserturos esse, dabant, bene iam transferunt ad lidem, quam Horatius Maecenati, se eum, ne moriturum quidem, deserturum esse, dederat. *Vt cunque*, quodocunque, ut supr. l. 35. 23. — *suprem. carp. iter*, similiter, ut observavit Cl. Mitsch., loquitur Sophocles. Antig. 818. Ὅσον στείχουσιν, νεάτερος δὲ φίλος λείσσοιτο ἀλλόθεν. et Simmias Rhod. IV. 4. Anth. Graec. T. I. pag. 437. ὥστε γὰρ πυμάτην εἰς Ἀχέροντος ὁδόν.

v. 13—16. *Me nec Chimaer.* cett. nihil omnino, nec Chimaera, igneus spiritum efflans, nec Gyges centimanus (ἑκατόνχις) me te in Orcum comitantem a societate tua divellere poterunt. — Scilicet in Orcum descensuri incidere debebant in duo ista monstra, Chimaeram et Gygen, una cum aliis in Orci vestibulo stabulantia; vid. Virg. Aen. VI. 285 seqq. — de *Chimaera* vid. supr. ad l. 27. 24. — *resurgat*, mole sua se levet, et contra me assurgat; prostratus enim iacebat Gyges in Tartaro, quo cum aliis centimanis Iovis fulmine de-

Divellet unquam. Sic potenti
Iustitiae placitumque Parcis.
Seu Libra, seu me Scorpius adspicit
Formidolosus, pars violentior
Natalis horae, seu tyrannus
Hesperiae Capricornus undae:
Vtrumque nostrum incredibili modo
Consentit astrum. Te Iovis impio
Tutela Saturno refulgens
Eripuit, volucrisque Fati

20

ctus fuerat. *Sic potenti Iustit. plac.*
Parc. haec nostra, ne morte quidem
dirimenda, societas deorum volun-
tate decreta est. *Parc.* nascenti-
bus fata decernere et assignare, in
vulgus notum; conf. carm. antec. v.
39. Praeclare autem in Parcarum
consilii et societate, ut dea *πάροχος*,
apparet *Iustitia*, *Δίκη*, quae a summa,
qua res humanas moderatur, pote-
state *potens* dicitur.

v. 17—32. Sub quibuscunque tan-
dem, tam faustis quam infaustis,
sideribus ego natus sum, mirifice
certe illa cum iis, sub quibus tu na-
tus es, consentiunt; uterque enim,
iam semel ex praesente vitae periculo
servatus, simillimam sortem exper-
tus est; ergo (nam haec conclusio
inde elici debet) uno eodemque quo-
que die simul moriemur. — De ve-
terum superstitione vitae exitum ex
ea, quae sub hora cuiusque nascenti-
s esset, constellatione, sive ex horo-
scopo coniciendi cf. supr. ad l. 11.
2. — Consensus autem siderum, sub
quibus Horatius et Maecenas nati esse
dicuntur, ponendus est in singulari
stellarum tam faustarum quam in-
faustarum coniunctione, qua factum
est, ut vis salutaris unius vim no-
xiam alterius infringeret. *Libra*,

stella salutaris, at *Scorpius* et *Capri-
cornus* mali ominis sidera. *me ad-
spicit*, mihi nascenti radiavit et adhuc
radiat. *formidolosus*, cuius ipse
adspetus formidine implet. *pars*
viol. nat. hor. una infestiorum geni-
turae mese stellarum. *Capricor-
nus* dicitur *tyrannus Hesperiae undae*,
quod tam ortus quam occasus eius
procellas comparare putabatur; simi-
liter supr. l. 3. 15. *Notus* dicitur *ar-
biter Hadriae*. — *tutela Iovis*, sidus tu-
telare, Iupiter, *refulgens impio Sa-
turno te eripuit*, contra impii Saturni
sidus fulgens, periculo, quod illud
tibi portendebat, te eripuit; exitiosum
Saturni sidus apposite iam dicitur *im-
pium*, impiae nempe Saturni in libe-
ros saevitiae, adeoque causae, qua
ei adversetur filius, respectu habito.
Ceterum totum hunc locum expressit
Persius V. 45 seqq. *Non equidem hoc
dubites, amborum fœdere certo Con-
sentire dies, et ab uno sidere duci.*
*Nostra vel aequali suspendit tempora
libra Parca tenax veri, seu nata fide-
libus hora Dividit in Geminis concor-
dia fata duorum: Saturnumve* (ut bene
Mitsch. pro *Saturnumque*) *gravem
nostro Iove frangimus una. voluer.*
*Fat. tardav. al. ornat pro: Fatum
celeri volatu te petens repressit. —*

Tardavit alas, quum populus frequens 25
 Lactum theatri ter crepuit sonum :
 Me truncus illapsus cerebro
 Sustulerat, nisi Faunus ictum
 Dextra levasset, Mercurialium
 Custos virorum. Reddere victimas 30
 Aedemque votivam memento :
 Nos humilem feriemus agnam.

CARMEN XVIII

Non ebur neque aureum
 Mea renidet in domo lacunar :

quum pop. frequ. lact. theat. ter crep. son. publici illius plausus, quo Maecenas a gravi morbo recreatus, eum primum in theatrum prodiiisset, a frequente populo exceptus est, meminit quoque supr. I. 20. 3. *truncus* sc. arboris; cf. supr. II. 43. — *sustulerat* pro: sustulisset; sic passim indicativus plusquamperfecti pro coniunctivo in Latina lingua poni solet. — *Faunus*, villa enim Sabina, ubi Horatius extinctus paene fuisset arboris casu (conf. supr. II. 43 10.) in peculiari Fauni tutela fuit; vid. supr. I. 47. *viror. Mercurialium*, poetarum; Mercurius enim *curvae lyrae parens* supr. I. 10. 6. *humilem*, suaviter agna ab humilitate et tenuitate eius, qui eam offert, ipsa *humilis* dicitur.

CARMEN XVIII.

Dum poeta insanum illum luxum,
 HOR. TOM. I.

cui labente tum vetere disciplina in magnificis inprimis extruendis aedificiis indulgebant opulentiores, in hoc carmine ridet atque exagitat, ac, ut hominem paucis contentum et ingenii sui facultatibus aliis carum atque dilectum, multo divitibus feliciorum praedicat. Compara supr. II. 45. ubi eadem fere indignatione in aetatis suae luxum invebitur.

v. 4—8. Vulgarem sententiam: « Equidem non posideo, quibus divites superbiunt, » enumerando quaedam, quibus enormem opulentiorum luxum et magnificentiam sugillaret, egregie exornavit. *Non ebur*, ad externum enim in potentiorum domibus splendorem varia inprimis, ex ebore facta, utensilia pertinebant. — *aureum lacunar*, vid. supr. ad II. 16. 11. *renidet*, splendet, refulget. Obversatus Nostro videtur Bacchylides XI. 41. 42. Anth. Gr. T. I. p. 84. *Χρυσὸν δ' ἀλάφντι τε μαρμαίρουτιν*

L

Non trabes Hymettiae

Premunt columnas ultima recisas

Africa: neque Attali

5

Ignotus haeres regiam occupavi:

Nec Laconicas mihi

Trahunt honestae purpuras clientae.

At fides et ingeni

Benigna vena est; pauperemque dives

40

οἷζοι. trabes, intellige superiores columnae partes (das gebälk) nempe epistylum (unterbalken, architrab) xophorum (friess) coronam (kranz, karniess) columnae scapo (schaft) eiusquecapitulo incumbentes; Hymettiaeh. e. marmore Hymetti, montis Atticae, excisae; de Hymettii marmoris nobilitate vid. Strab. IX. pag. 613. quod primum a L. Crasso Romanam advectum esse narrat Plin. XXXVI. 3. Ceterum quod trabes, quae alias fuerunt lignae, nunc e pretiosio marmore factas esse memorat, id quoque ad Romanorum luxum, quem carpit, referendum. Laudant de his trabibus, lapideis quoque et marmoreis, Vitruv. III. 2. et 3. Plin. XXXVI. 8. Plin. Paneg. 51. premunt columnas, superimpositae sunt columnis. ultima recisas Africa, factas e marmore in remotiore Africae parte exciso, h. e. Numidico, subnigro et variis maculis distincto. regiam Attali, immensas Attali regis Pergamenorum divitias, pro quibusque aliis ingentibus divitiis; haeres ignotus, nemini, ut haeres legitimus, notus, alienus, haeredipeta, vulturinus; occupavi, iusto haeredi praeripui; carpit autem nefandam aetatis suae hominum, testamentorum subiectionibus aliisque

malis artibus aliena bona sibi vindicandi, cupiditatem. nec Lacon. mihi trah. honestae purpur. client. nec vestem e lana, purpura tincta, quam mihi clientae honestiores traxerunt, confectam gero, h. e. non purpura fulgeo, non summorum magistratuum insignibus ornatus incedo. honestae clientae, intellige matronas ingenuas, quae lamam patrono suo trahendo, tanquam officiorum quodam genere, eius gratiam sibi conciliare student; ceterum quod honestae vocantur, cum lanificium servarum alias opus esset, id ad patroni nobilitatem augendam vel maxime facit. — Laconicas, fuit enim purpura Laconica, h. e. e murice, prope oram Laconiae capto, infecta, ob eolorem lucidiorem inprimis nobilis; Plin. IX. 56. XXI. 8. XXXV. 6.

v. 9.—14. At fides, apud Bacchylid. l. I. ἀλλὰ θυμός εὐμνής, Μοῖρὰ τε γλυκυσία; vitae probitatem et integritatem, quam sibi, ut poetæ, alias quoque tribuit (conf. supr. l. 22. 4.) commodè nunc opponit, quam paulo post describit, divitum improbitati; ingeni benigna vena, ingenium ex fonte largo affluens, h. e. ingenii vis largior; vena passim pro fonte; similiter infr. Art. Poët. 409.

Me petit. Nihil supra
 Deos lacesso: nec potentem amicum
 Largiora flagito,
 Satis beatus unicus Sabinis.
 Truditur dies die, 15
 Novaeque pergunt interire Lunae:
 Tu secunda marmora
 Locas sub ipsum funus; et sepulcri
 Immemor, struis domos;
 Marisque Baiis obstrepentis urges 20
 Submovere litora,
 Parum locuples continente ripa.
 Quid? quod usque proximos
 Revellis agri terminos, et ultra

dives vena. supra, praeterea, ulterius. — *potentem amicum*, intellige Maecenatem.

v. 15—22. Nexus sententiarum est fere hic: dum enim considero, quomodo dies die trudatur, et novae semper Lunae intereant; nihil in futurae vitae usum molior; sive: reputans enim mecum cursum vitae humanae celerissimum, parum equidem de vita futura sum sollicitus. — Cl. Mitsch. comparat Ammian. XXVI. 12. Anth. Graec. T. III. p. 98. Ὡς ἐξ ἡοῦς παρὰ πικρὰται, εἴτ', ἀμελοῦντων ἡμῶν, ἐξαίρην; ἤξει ὁ πορρῦρος. conf. infr. IV. 7. 9 seqq. — *locus* sc. redemptoribus. * *Maris Baiis obstrep. urg. sub lit.* cett. et quasi tibi non sufficiant possessiones in terra continente, littori adeo maris, Baias alluentis, ulterius promovendo unice intentus es, h. e. in littore sinus Baiani mare adeo summo cum studio aedificiis occupas; *urges submovere*, pro summo cum studio submoves; *parum locupl. cont. rip.*

similiter fere infr. III. 4. 36. *dominus terrae fastidiosus*; notat autem, ut passim alibi, insigne illud luxus genus, quo Romanorum ditissimi tam voluptatis, quam possessionum suarum amplificandarum et prolatandarum causa, pretiosissima in ipso maris littore iactis in altum mobilibus exstruerent aedificia sive praetoria, quorum in ipso sinu Baiano exstructorum mentionem quoque facit Virgil. Aen. IX. 740 seqq. ubi conf. *Cerda* et *Heynius*; huc refer eorum piscinas vel vivaria, de quibus supr. II. 45. 3, infr. III. 4. 33 seqq.

v. 23—32. Locus sequens mira arte ad indignationem contra improbas divitum cupiditates excitandam adornatus. *Quid? quod*, pro vulgari: ino. *proximos revellis agri terminos*, terminos revellendo et ulterius promovendo praeter ius et fas vicini agri partem tibi vindicas, quod proprie *movere terminos* dicebatur;

Limites clientium

25

Salis avarus; pellitur paternos

In sinu ferens Deos

Et uxor, et vir, sordidosque natos.

Nulla certior tamen

Rapacis Orci fine destinata

30

Aula divitem manet

Herum. Quid ultra tendis? Aequa tellus

Pauperi recluditur

Regumque pueris: nec satelles Orci

Callidum Promethea

35

— *clientium*, indignum sane facinus, si patronus, quos defendere contra iniuriam debebat, ipse fallit; hinc iam in Legg. XII. Tabb. Si *patronus clientis fraudem furit, sacer esto*. — *salis*, pudendae audaciae et insolentiae notionem habet. *pellitur paternos* cett. imago pulsae divitum vi ab agello suo pauperis familiae, deos patrios et sordidos natos in sinu gestantis, egregie ad miserationem movendam adumbrata. Nostrum ante oculos habuit Quintilianus Decl. XIII. 2: *Postquam proximos quosque revellendo terminos ager locupletis latius imundavit; aequatae solo villae, et excisa patria sacra, et cum coniugibus parvisque liberis, respectantes patrium larem, migraverunt veteres coloni. sordidos, squalidos, quales Iere sunt, quorum parentes cum inopia consuetantur. Nulla certior tamen cett. Iunge: Nulla tamen aula manet divitem herum certior rapacis Orci fine destinata*, h. e. locorum inferorum destinatis enique finibus; pro vulgari: mors tamen divites istos et iniustos homines monet certissime. Pro *fine* tres Codd. *Cruquiani* et unus apud *Bentl. Zuliche-*

mianus offerunt *sede*. Sed haec lectio habuit fortasse auctorem, qui frustra de grammatica esset sollicitus. Nam *finis* non raro apud optimos quosque scriptores in genere foeminiuo ponitur. — Caeterum in eandem sententiam exstat Ammiani Epigr. XIV. Anth. Gr. T. III. p. 95. ubi avarus quidam, vicioorum terminos movere ausus, de futura eius apud inferos paupertate admonetur: *Κἄν μέχρις Ἡρακλέους στήλων ἔλθης παρορῶν* (h. e. quod Noster dixit, *proximos agri terminos revellens*), *Γῆς μέρος ἀνθρώποις πᾶσιν ἴσον σε μίπτ*. *rapacis*, sic apud Callim. Ep. II. 6. *Ἰδὼς ἀρπακτῆρ*.

v. 32—40. *Quid ultra tendis?* cur spem vanam ultra vitae terminum prorogas? cum rebus intentus es, quibustibi morituro frui non licet?— *Aequa tell. paup. reocl. reg. pueris*, aliter eandem sententiam expressit supr. l. 4. 13. *recluditur* sc. sepeliodis. *satelles Orci*, Charon, qui similiter Leonidae Tar. LIX. 4. Anth. Graec. T. I. pag. 169. *Αἰδῶς λυτὴρὸς δεικνούς* dicitur. *callidum*, *ποικῶλον*, *αἰμυλομήτην*. *Reve-*

Revexit auro captus. Hic superbum
Tantalum, atque Tantali
Genus coërcet; hic levare functum
Pauperem laboribus
Vocatus atque non vocatus audit.

40

CARMEN XIX

IN BACCHVM.

Bacchum in remotis carmina rupibus
Vidi docentem (credite posteri!)

xit aur. captus, fabulam de hoc calido, quo Prometheus Charontem, ut se reveheret, auro corrumpere tentavit, consilio, baud dubie tractavit poëta Graecus, quem Noster secutus est. *superbum*, divitem. — *Tantali genus*, Pelopem, Atreum, Agamemnonem, Orestem. *hic levare* cett. iunge: *hic vocatus levare*, h. e. ut levat. *vocatus atque non vocatus*, κῆκλήτος, ἀκλήτι.

CARMEN XIX.

Bacchi laudes carmine sublimiore celebraturus fingit rem ad altiore spiritum animo concipiendum aptissimam. In ipsum Bacchum poëta incidit; videt et audit eum in rupe remota Nymphis et Satyris carmina præcinentem; stupet attonitus, sentit dei præsentiam, eius nomine impletur, furit, et ipsius dei, qui in eius pectus descenderat, ut fas erat, laudes canit. Canit igitur primum tam summa, quibus ille pios sacrorum suorum cultores mactet, beneficia, quam graves poenas, quibus idem sacrorum suorum contemtores, ut

Pentheum et Lycurgum, afficiat; deinde maximam, qua saevissima quaeque domet, potentiam; tum insignem virtutem, qua Iovi in ancipiti contra Gigantes proelio adfuerit; denique divinum a Cerbero adeo ei apud inferos præstitum honorem. — Si varios huius carminis colores et sublimitatem, ad quam poëta in hoc hymno in Bacchum eniti studet, spectaveris, ei Graeci cuiusdam poëtae carmen ex genere dithyrambico, ut Infr. III. 25., observatum esse, vix dubites; hoc pertinere videtur Pratinæ ὑπόρχημα apud Athen. XIV. 2. p. 617. quod iam per partes cum Nostro comparavit Cl. Mitscherlichius.

v. 4—4. *rupibus remotis* sc. ab hominum conspectu et frequentia, solis; — *carmina docentem*, choragi quasi, carmina præcipientis, partes sustinentem. Sic Bacchus canens apparet apud Euripid. Bacch. 450 seqq. cf. Orph. II. LII. 5. et sic pariter Silenus præcinit apud Virgil. Eclog. VI. — *credite posteri!* quasi rei tam novae et inauditae fidem derogaturi sint

Nymphasque discentes, et aures
 Capripedum Satyrorum acutas.
 Evoe! recenti mens trepidat metu,
 Plenoque Bacchi pectore turbidum
 Laetatur! Evoe! parce, Liber!
 Parce, gravi metuende thyrsos!
 Fas pervicaces est mihi Thyiadas,
 Vinique fontem, lactis et uberes
 Cantare rivos, atque truncis
 Lapsa cavis iterare mella.
 Fas et beatæ coniugis additum

5

10

poster. *Nymphasque*, de Nymphis, ut Bacchi comitibus, plura Græcorum ποταμίων loca excitavit Cl. Müsch. hinc Bacchus infr. III. 25. 14. *Naiadum potens* dicitur. *capriped*, similiter Græcis Satyri dicuntur αἰγίποδες, τραγώνοδες. — *acutas*) acure enim quasi aures (nos: die ohren spitzen) dicuntur, qui cupide et magna cum attentione aliquid auribus imbibunt.

v. 5—8. *Evoe!* iam sentiens, se Bacchi numine agitari, exclamat, uti Bacchico furore correpti exclamare solebant; qua quidem exclamazione ad furentis speciem prae se ferendam nihil a Nostro nunc adhiberi potuit accommodatius. *recenti mens trep.* met. mens horrore recens immisso tremiscit et quatitur. *Plenoq. Bacch. pect.* infr. III. 25. 2. *Quo me, Bacche, rapis tui Plenum.* Ovid. Fast. VI. 535. *Fisque nū toto pectore plena dei.* *turbidum* pro turbide; mixta nempe lactitia fuit cum timore et animi perturbatione. *Evoe!* iam, cum vi maiore Bacchum in se ruentem sentit, iterum bacchantis more exclamat, deumque, quasi pectus

eum ferre et capere nequeat, ut sibi parcat, implorat. *grav. met. thyrsos*, iniecto enim thyrsos furem simul iniicere putabatur Bacchus; a qua graviore thyrsi vi ipse thyrsus nunc dicitur *gravis*; apposite in hanc rem Cl. Müsch. laudat Ovid. Amor. III. 4. 23. *Tempus erat thyrsos pulsum graviore moveri*; cf. eundem III. 45. 17. Trist. IV. 4. 43.

v. 9—12. *Fas* — est mihi *cantare*, pietas in deum, a quo agor, a me exigit, ut cantem, cett. *Thyiades pervicaces*, Bacchas pervicaciter in furore perstantes. *vinique fontem* cett. recenset quaedam munera, Bacchi beneficio sacra eius colentibus concessa, ex aureae ætatis, ad quam illa referebantur, ingenio aestimanda. Scilicet Thyiades thyrsis suis e terra aquam, vinum et hæc, ex arboribus autem mel eliciisse dicuntur; laudant in hanc rem Euripid. Bacch. 442 seqq. Πῦ δὲ γάλακτι πέδον, πέτ' ὀλίγω, πῦ δὲ μέλιτος ἔλκεται. *iterare*, iterum iterumque laudare, nihil amplius.

v. 13—16. *honorem*, insigne honoris, nempe coronam; *coniugis*,

Stellis honorem, tectaque Pentheï
 Disiecta non leni ruina, 45
 Thracis et exitium Lycurgi.
 Tu flectis amnes, tu mare barbarum:
 Tu separatis uvidus in iugis
 Nodo coërces viperino
 Bistonidum sine fraude crines. 20
 Tu, quum parentis regna per arduum

Ariadnes, *beatæ*, ut deæ; dii enim *beati*, *μάρτυρες*; de Ariadne inter dens relata vid. Propert. III. 45. 8. et ibi *Broukh.* additum stellis, de Ariadnes corona stellis inserta vid. Ovid. Fast. III. 459 seqq. Met. VIII. 480. Mœnil. Astron. I. 323. V. 252. et Hygin. II. 5. *tectaque Pentheï* cett. ad Bacchi potentiam, quam cantaturus est poëta, declarandam divinas illas poenas refert, quas ille sacrorum suorum contemtoribus, Pentheo et Lycurgo, expetiisse, et Pentheï quidem (Echionis et Agavas filii, regis Thebarum) domum, ruptis vinculis, quibus ibi constrictus tenebatur, disieciisse (conf. imprimis Euripid. Bacch. 633.), Lycurgum vero (Dryantis, Edonorum, Thraciæ gentis, regis, filium) quod Baccho infestissimus omnes vites per totum regnum excindi iusserat, in tantum furorem immisisse dicitur, ut filium suum Dryantem interficeret, et ipse sibi falce crura amputaret; vid. *Heyn.* ad Apollodor. III. 5. pag. 576.

v. 17—20. *Tu flectis amnes*, tu fluviorum cursum pro lubitu moderaris et cohibes; respicit autem Orontem et Hydaspem, quos Bacchus thyrao percussos retro flexisse et sicco pede transiisse traditur; vid. Nonni Dionys. XIII. 423 seqq. *tu*

mare barbarum sc. flectis, quod iam pro domas. *barbarum* h. e. Indicum, victoriarum ex India reportatarum respectu habito; hinc, ut iam observavit Cl. *Mitsch.* Bacchus apud Senec. Herc. Fur. 409. *domitor rubri maris* dicitur. *uvidus* sc. vino: ut *madidus* sæpius (*βασιγγυμένος, ὕγρὸς*); sic infr. IV. 5. 39. *dicimus integro Sicci mane die, dicimus uvidi.* *Separatis*, secretis, remotis. — *Tu nodo coërc. vip. Bist. s. fr. crin. in vipers sine fraude* (h. e. quas potentia tua reddit innoxias) mulierum bacchantium crinibus implicas; sive: tua potentia sit, ut bacchantes sine noxa tractent serpentes, eosque crinibus suis innectant; — *Bistonidum*, mulierum Thraciarum sive Baccharum; *Bistones* enim populus Thraciæ, ubi præcipue orgia celebrata esse satis constat. Ceterum de more, quo bacchantes tam comam quam corpus serpentibus incinxerint, vid. *Poss.* et *Muret.* ad Catull. LXIV. 259. ubi de bacchantibus: *Pars sese tortis serpentibus incingebant.*

v. 21—28. Sensus: Te quoque insignem fecit virtus bellica, cuius quidem, cum in pugna illa, qua Gigantes Iovis regnum affectabant, leonis forma indutus unum eorum Rhoetum de caelo deturbares, egregium documentum edidisti; quamvis

Cohors Gigantum scanderet impia,
Rhoetum retorsisti leonis

Vnguibus horribilique mala :

Quamquam, choreis aptior et iocis

25

Ludoque dictus, non sat idoneus

Pugnae ferebaris; sed idem

Pacis eras mediusque belli.

Te vidit insons Cerberus aureo

Cornu decorum, leniter atterens

30

enim eboreis, iocis et ludo aptior, quam pugnis, esse videbaris, idem tamen in pugna illa pacis bellicae arbiter exististi. *per arduum*, per aërem, *δι αἰθέρος*. *impia*, mor-

talis enim contra deum assurgens impium scelus committit. *leon, angu. horr. mala* sequitur Noster eos, qui Bacchum in leonem conversum contra Gigantes pugnasse tradunt. Similiter Bacchus contra latrones pugnans apud Hom. Hym. in Bacch. v. 44. leonis speciem induisse fingitur. — *chor. apt. et ioc. lud. declaratur*, ut bene observat Mitsch. Bacchus χορευτής, ἐγχευόμενος et φιλοζαίγμων. *sed pro tamen*, ut passim post *quomvis*. *Pacis eras med. belli* explicant fere: tam pacis et mollioris otii amans, quam bello strenuus; vel: utrique tempori aptus, aequè idoneus mollibus deliciis pacis ac tumultibus belli; — sed hinc explicationi rō *eras medius* necessario quoque ad ea, quae Bacchus in illa pugna praestitit, referendum sit; itaque Bacchum ideo *medium pacis bellicae* dictum esse arbitror, quod arbitrium pacis bellicae, h. e. pugnae illius tam componendae quam continuandae, a solo eius auxilio et in-

terventu pendebat; nisi Bacchus intervenisset, vult dicere, diutius illa pugna durasset; quo quidem nihil ad eius virtutem bellicam declarandam dici potuit gravius; *medius* igitur, ut apud Graecos μεσστής, est arbiter, vel, ut hac voce utar, mediator; vid Interpp. ad Val. Flacc. V. 500.

v. 29—32. Vulgarem sententiam: « Tibi, ut insigni deo, apud inferos adeo magnus honor statuitur » egregie exornavit. — Fingit nempe, Cerberum, belluam alias saevissimam, Bacchi ad inferos venientis ad aspectu adeo percussum esse, ut caudam atterendo comiter ei adblandiretur, et, eum ille inde recessurus esset, pedes et crura eius lambendo summae reverentiae amorisque signum ederet. — *Te vidit*, nimirum tum, eum Bacchus Semeles repetendae causa ad inferos descendisset; vid. Apollod. III. 5. 3. Hygin. Fab. 251. *insons*, iam innoxius et mitis, qui alias esset immitissimus. *aure. cornu decor.* de Bacchi cornibus, antiquo illo roboris insigni, praeter Spanhem. de V. et Pract. Num. Diss. VII. T. I. p. 392. et Burm. Sicul. T. II. t. 42. copiose disputavit Broukh. ad Tibull. II. 4. 3. — *aureo*, hinc Bacchus χρυσόπτερος.

Caudam, et recedentis trilingui
Ore pedes tetigitque crura.

CARMEN XX

AD MAECENATEM.

Non usitata, non tenui ferar
Penna biformis per liquidum aethera
Vates: neque in terris morabor
Longius: invidiaque maior

— *trilingui*, iam Cerberus est triceps, *τρίκεφαλος*, qui supr. II. 43. 34. dicebatur *centiceps*; ubi cf. not. *recedentis ore ped. tet. crur.* imago suavissima! Cerberus, qui alias ex Orco recessuros devorasse fingitur (Hesiod. Theog. 774.) nunc Bacchum inde recedentem lambit.

CARMEN XX.

Immortalem nominis sui gloriam (ut alii poetae, v. c. Ovidius Amor. I. 45.) vaticinatur in hoc carmine Horatius. Ornatum autem ad vulgarem sententiam: «*Nominis mei gloria per totum terrarum orbem semper celebrabitur*» efferebam ab egregie in hanc rem ficta imagine petiti. Non amplius, canit, in his terris morabor, nec, ut ceteri mortales, obibo, sed transformatus in alitem enitar ad aethera; iam sentio me fieri cyneum, iam totum terrarum orbem, ut remotissimi quique populi me noscant, pervolitabo; nolite igitur me, ut fato suo perfunctum, vel luctu persequi, vel vano sepulcri honore decorare. — Cum cyneus Apollini sacer sit, et ob eius cantum suavis-

simum (distinguendus enim est *cyneus canorus* ab *odore muto*, vid. not. ad Eclogg. Vett. Poët. p. 232.) ipsi poetae passim *cyneus* appellentur (cf. supr. ad I. 6. 2.) sane; cur prae ceteris alitibus in cyneum potissimum mutari voluerit poeta, nemo non intelligit. — Ceterum tam rei imaginem, quam altiore, quo Noster in hoc carmine assurgit, spiritum a poeta quodam Graeco traxisse videtur.

v. 4—8. *Non usitata penna* h. e. novis alis, quibus nec ego adhuc, nec quisquam alius ante me instructus fuit; *non tenui* h. e. non alis modicis, sed grandioribus, cyneis nempe. — De commento alarum usu gloriam per loca remotissima dissipandi commode afferunt locum Theognid. 234. *Σοὶ μὲν ἰγὼς πτέρ' ἔδωκα, σὺν οἷς ἐν' ἀπείρονα πόντον Περὶ ἡπείρου, κατὰ γῆν πάσαν ἀειρόμενος* Prilōws — πολλὸν χεῖμενος ἐν στόματι. — *biformis* — *vates*, ego, cui, ut poetae, binae formae, tam hominis, quam cyeni, concessae sunt. *invidiaque maior*, et maiore gloria elatus, quam ut invideri mihi amplius possit; ultra invidiam elatus.

Urbes relinquam. Non ego pauperum 5
 Sanguis parentum, non ego, quem vocas,
 Dilecte Maecenas, obibo,
 Nec Stygia cohibebor unda.
 Iam iam residunt cruribus asperae
 Pelles: et album mutor in alitem 10
 Superna: nascunturque leves
 Per digitos humerosque plumae.
 Iam Daedaleo ocior Icaro
 Visam gementis litora Bospori,
 Syrtesque Gaetulas canorus 15
 Ales Hyperboreosque campos.

— *Non ego paup. sang. parent.* non ego, qualis nunc sum, pauperum parentum filius; — patre enim libertino usus est Horatius. *sanguis*, de prole et propagine passim. Virg. Aeneid. VI. 836. *Proice tela manu, sanguis meus*, ubi vid. Cerda, cf. infr. III. 27. 63. *non ego, quem vocas, Dilecte Maecenas, obibo*, non ego, ut homo vulgaris, qualem tu me nunc appellas, dilecte Maecenas, et qualis tibi esse videor, morti ero obnoxius; *Nec Styg. cohib. unda*, nec a Styge traicienda me cohibebit Charon, h. e. nec ex hac terra migrabo ad inferos.

v. 9—12. *Iam iam resid. crur. asp. pell.* iam incipit corporis mei in cycnum mutatio, pellis fit aspera, et *residit cruribus* b. e. ita contrahitur, ut tenuiora tantum crura ambiat. — *album alitem*, cycnum; *superna*, quod ad superna corporis membra, ad superiorem corporis partem attingit; τὴ ἀνω, ἀνωθεν. *leves* refer ad splendidum pennarum cycnearum nitorem.

v. 13—16. Sensus: Iam summa

velocitate in terras longissime a nobis distantes volabo. *Iam Daedaleo ocior Icaro* h. e. iam ut versus ales et veris, non ut Icarus, Daedali filius, cereis alis instructus, multo velociore volatu celt. — Quod in multis aliis comparationibus tenendum est, ut ex re comparata id tantum, quod unice spectatum est, eliciamus, id quoque de hac cum Icaro instituta comparatione valet. Scilicet Horatius, ut se, in verum alitem conversum, multo velorius Icaro volaturum esse ostenderet, iam in illo, secum comparato, non tam ad infelicem eius casum, quam ad eius alas facticias, longe nativis postponendas, respexisse putandus est. Sic mihi quidem hic locus nec reprehendendus, nec emendandus cum *Bentleio* et aliis esse videtur. *gementis*, refer ad sonitum, quo fluctus ibi franguntur. *Bospori*, intellige Bospori Thracii accolae. *Gaetulas*, Libycas; *Gaetulia* enim pars interioris Libyae. *Hyperb. campos*, extremas Septentrionem versus terras; cf. Plin. IV. 12.

Me Colchus, et qui dissimulat metum
 Marsae cohortis Dacus, et ultimi
 Noscent Geloni: me peritus
 Discet Iber, Rhodanique poter. 20
 Absint inani funere naeniae,
 Luctusque turpes et querimoniae:
 Compesce clamorem, ac sepulcri
 Mitte supervacuus honores.

v. 17—20. *Marsae cohortis*, Marsi enim, cum fortissimis Romani exercitus militibus adnumofarentur, vel maxime hosti timendi fuerunt. — *Dacus* cf. supr. ad I. 35. 9. ubi *asper* dicitur. *Geloni* cf. supr. ad II. 9. 23. *Iber*, Hispanus, a fluvio Ibero. — *peritus* sc. literarum, in quarum studio Romanos imitabantur Hispani. — *discet*, cantibus meis attentas aures praebebit. *Rhodani poter*, Gallus; nam fluviorum accolae ita a poëtae designari solent, ut ex iis bibere dicantur; cf. infr. IV. 45. 24.

v. 21—24. *Absint inani fun. naen.*

cett. ad illud Ennii apud Cic. Tusc. I. 15. *Nemo me lacrimis decoret, neque funera stetu Faxit: cur? volito vivu' per ora virum. fun. inani*, ubi corpus in eycnaum mutatum non sepeliri potest. *turpes*, vultum deturpantes. Ovid. Art. Am. I. 535. 4. *Clamabat, flebatque simul, sed utrumque decebat; Nec facta est lacrimis turpior illa suis. sepulcri mitte supervacuus honores* noli cogitare de tumulto in honorem meum exstruendo, cum ille, quod corpus meum tegere nequit, supervaeus sit.



Q. HORATHI FLACCI

C A R M I N V M

LIBER TERTIVS

CARMEN I

Odi profanum volgus et arceo :
Favete linguis : carmina non prius

CARMEN I.

Praeceptum illud e philosophia Stoica depromptum: » *veram hominum felicitatem neque in potentia et honorum splendore, neque in magnarum divitiarum possessione, sed in animo tranquillo et in eo, quod satis est, acquiescente, ponendam metiendamque esse;* » iam nova in hoc carmine sententiarum gravitate, novaeque, quam sibi ut sacerdoti Musarum tribuit, auctoritate proponit atque commendat. Nexus sententiarum est fere hic: Gravioris argumenti carmen, quod ego cantaturus sum, attento animo percipite: Reges, divites, nobiliores, et alii vel gloria, vel gratia populi eminentes, male vulgo in censum feliciorum hominum referuntur: manet enim eos non solum aequa moriendi necessitas, sed iidem quoque, dum vivunt, miseris curis agitantur. Hinc

fit, ut medias inter curas nec lautissimarum epularum suavitate delectentur, nec avium citharaeque cantus ad somnum invitentur. Quanto maior igitur est nil, nisi quod satis est, desiderantis felicitas; is nec marinis tempestatibus, nec ortu casuve siderum minacium, nec grandine, nec nimia pluvia nimiove solis aestu, sterilitatis causis, perturbatur. Videmus nunc quidem divites immensis sumptibus magnifica in maris littore, ut ibi se recreent, exstruere aedificia, sed timor et tristes curae ibi quoque ab iis haud recedunt, imo eos, sive navi, sive equo vectos, ubique sequuntur atque premunt. Quodsi igitur nec praestantissimi marmoris, nec nobilissimae purpurae, nec vini optimi, nec unguentorum pretiosissimorum usus quicquam ad curas avertendas valet, cur ego tam stultus sim, ut villulam Sabinam cum sedificiis magnificis, vitae iucunditatem su-

Audita Musarum sacerdos

Virginibus puerisque canto.

Regum timendorum in proprios greges,

5

Reges in ipsos imperium est Iovis,

Clari giganteo triumpho,

Cuncta supercilio moventis.

Est ut viro vir latius ordinet

tem et tranquillitatem cum divitiarum molestiis curisque permitem?—Sic ea, quae super huius carminis sententiis, ut parum inter se cohaerentibus, a pluribus disputata sunt, vana et nihili esse facile apparet.

v. 1—4. Verbis solemnibus ad audientiam sibi faciendam exorditur poeta; argumenti nempe, quod in hoc carmine tractaturus est, gravitatem cum re sacra comparans utitur illis formulis, quibus alias sub sacerorum initiis uti solebant sacerdotes, profanis quidem, ut eos inde arceant, *ἐκς, βιβηλοι*! vel *ἐκς, ἐκς, ὅστις ἀνθρώπος* (Callim. H. Ap. 2.), *Procul, O Procul este, profani* (Virg. Aen. VI. 258.), pro quo Noster dixit: *Ordi profanum vulgus et arceo*, initiatis vero, ut sacro silentio his interessent, *ἐφημεῖς, Faveat linguis!* (linguas cohibendo, h. e. tacendo) acclamantes; apposite igitur ad has formulas iam se non vatem vel poetam, sed *Musarum sacerdotem* proficitur. *carmina non prius audita*, h. e. nova, quasi nemo ante eum praecepta tam salubria cecinerit; nisi forte haec quoque verba ad formulam quandam solemnem referenda sint, ubi *nova* mystis promittebantur praecepta, qualia nunquam fando audivissent. — *virginibus puerisque* sc. ut ea discant, et in cantibus solemnibus repellant; canebat enim puerorum virginumque chorus, quae chori ma-

gister (*Musarum sacerdos*) praecinerat.

v. 5—8. Reges quidem in his terris super alios elati sunt, et timentur ab iis, quibus imperant; sed iisdem timendus est Iupiter, qui eorum pariter, ut olim gigantum, frangere potest superbiam; errant igitur (nam hoc ad sententiam supplendum est), qui reges inter feliciores homines referunt, praecipue ob ea, quae v. 14 seqq. dicuntur. *in proprios greges* h. e. populum eorum potestati subiectum; locutio *grex* pro populo, ad antiquam illam, qua reges *ποιμένες λαῶν* dicuntur, attenuata est; in sententiam laudant Pind. Ol. I. 484. *τὸ ἰσχυρὸν καταρροῦται βασιλεῦσι*. — *Reges in ipsos*, comparant Call. II. in Iov. 75 et 79. 80. Philisch. in Thebanis apud Stob. Florileg. Grot. p. 233. *gigant. triumpho*, domitis enim gigantibus triumphans quasi Ζεὺς Γυγαντοκτόνος curru suo invectus dicitur; cf. Mitsch. *Cuncta supero, moventis*, primas lineas huius sublimioris ad summam Iovis potentiam designandam imaginis duxit Homerus Il. I. 528—30. in eadem exprimenda multos imitatores nactus; vid. ad Catull. LXIV. 204—6.

v. 9—16. Sunt porro alii, qui ve divitiis, vel gloria, vel gratia apud populum super alios se extollunt, sed omnes illi pariter, ut infini, ad mortem destituti sunt. *Est ut*,

Arbusta sulcis; hic generosior 40
 Descendat in Campum petitor;
 Moribus hic meliorque fama
 Contendat; illi turba clientium
 Sit maior: aequa lege Necessitas
 Sortitur insignes et imos; 45
 Omne capax movet urna nomen.
 Destrictus ensis cui super impia
 Cervice pendet, non Siculae dapes
 Dulcem elaborabunt saporem,
 Non avium citharaeque cantus 20

ἄρβυς ὡς, ἔρτυν ὅπως fieri solet ut, h. e. est sane haec humanae sortis diversitas, ut cett. viro vir lat. ordin. arbust. sulc. alius ampliora alio possideat latifundia. *arbusta sulcis ordinare* est: arbores, oleas, vites cett. eiusmodi intervallo inserere sulcia (ὄρυγες, vid. Hermann. in Comment. Soc. Phil. T. II. p. 259.) sive scrobibus, ut congruo ordine invicem se excipiant; serebantur autem arbores fere in *quincunem*, cuius adumbratam figuram vid. in *Gen. Thesaur. s. v. quincunx*, et apud *Foss.* ad Virg. Georg. II. 277. *latius*, ut iam explicuimus, ad latiores agrorum fines referendum. *generosior*, generis nobilitate clarior. *petitor* sc. honorum. *morib. hic mel. fama*, alius vitae honestate et meritorum gloria insignior; intellige hominem novum, qui *generoso* opponitur. — *contendat* explicant: certet cum reliquis de obtinendo magistratu: equidem *contendat* simpliciter pro petat (sc. magistratum) positum puto. Sic Cicero Verr. II. 43. *magistratus ille summa ambitione contenditur*. *Necessitas*, *dea* (Ἀνάγκη, Μοῖρα), quae apud inferos urnam capaciorem, in

quam uniuscuiusque hominis sors coniecta fuisse dicitur, eo consilio versare fingitur, ut cuius sors inter versandum exsiliat, ei statim moriendum sit; vid. Plato de Republ. X. T. VII. p. 336. edit. Bipont. — *insign. et im.* in hanc sententiam cf. supr. I. 4. 43; II. 3. 26; II. 48. 32.

v. 47—24. Huc accedit, quod homines potentiores ob assiduas, quibus anguntur, curas parum suavitatis e vitae suae deliciis percipiunt, imo ne quietum quidem somnum capiunt. *Destrict. ens. cui sup. imp. cerv. pend.* vulgarem sententiam: «qui semper de imminente sibi periculo trepidat, ei cett.» expressit imagine nudi ensis, cervici alicuius impendentis; de qua re nota est historia Damoclis, quam narrat Cic. Quaes. Tusc. V. 21. *Siculae dapes*, exquisitissimae, quilibet se invitare solebant tyranni Siculi; hinc epulae lautissimae proverbiali locutione dictae sunt *Siculae* seu *Syracusanae*; vid. *Mitsch. dulo. elab. sapor.* ita eius palatum afficere valebunt, ut earum suavitatem sapiat; quam pulcre et significanter *elaborabant* pro parabant, excitabant, positum sit, suus quem-

Somnum reducent. Somnus agrestium
 Lenis virorum non humiles domos
 Fastidit, umbrosamve ripam,
 Non Zephyris agitata Tempe.
 Desiderantem, quod satis est, neque
 Tumultuosum sollicitat mare,
 Nec saevus Arcturi cadentis
 Inpetus, aut orientis Haedi:
 Non verberatae grandine vineae,
 Fundusve mendax, arbore nunc aquas
 Culpante, nunc torrentia agros
 Sidera, nunc hiemes iniquas.

25

30

que sensus docebit. *Somnum reducent*, efficere poterunt, ut Somnus in domos potentiorum, unde recesserit, redeat, vel in eas se reduci patiatur. Cogitandum enim est de deo Somno. *Somnus agrestium* cett. iuuge: *Lenis Somnus humiles domos virorum agrestium* (b. e. casas rusticas) *non fastidit*, non transit, sed intrat. Nos: *verschmüht nicht die niedern wohnungen des landmanns*. In sententiam Clar. Mitsch. comparat Seec. Herc. Oet. 644—47. Epist. 90. et Menand. apud Stob. Florileg. Grot. p. 394.

v. 25—32. Qui nun plura, quam quibus ad vitam sustentandam opus est, desiderat, is omnibus illis curis, quibus divites, exempli gratia mercator, ob tempestatum in mari pericula, et arborum dominus, ob iniquam aëris temperiem, sollicitantur, liber atque vacuus est. *Nec saev. Arct. end. imp. aut cett.* nec inpetus h. e. vis vehementior saevae tempestatis, quae occasum Arcturi aut ortum Haedi (pro Haedorum)

sequi solent. *Arcturus*, stella in cauda Bootae, quae secundum vulgares rationes astronomicas IV. Cal. Nov. occidit; *Haedi*, duae stellae in laevo brachio Erichthonii, cuius ortus in prid. Non. Octobr. incidit. — *fundus mendax*, fidem fallens, non reddens, quod ei creditum est; similiter infr. Epist. I. 7. 87. *spem mentita seges*; cui opponitur *segetis certa fides* infr. III. 46. 30. de quo loquendi genere e re pecuniaria ad agriculturam translatum vid. Stat. et Broudh. ad Tibull. II. 6. 21. et *Hicins.* ad Val. Flacc. I. 69. *arbore nunc aqu. culp.* cett. dum arbor (intellige inprimis oleam, cf. infr. Epist. I. 8. 5.), quae lepide iam insimulatae perfidiae causam apud dominum perorare fingitur, sterilitatis culpam modo in nimias pluvias, modo in nimium aestum; modo in verni frigoris iniquitatem confert. *torrentia sidera*, intellige Sirii inprimis sidus, sub cuius ortu arbores nimio solis aestu torrerent; hinc vitium, quod inde trahunt arbores, *sideratio* (ἀστροβλία) dicitur. Plin. XVII. 24. *Proprium si-*

Contracta pisces aequora sentiunt
lactis in altum molibus; huc frequens

Caementa demittit redemptor

35

Cum famulis, dominusque terrae

Fastidiosus: sed Timor, et Minae

Scandunt eodem, quo dominus: neque

Decedit aerata triremi, et

Post equitem sedet atra Cura.

40

Quod si dolentem nec Phrygius lapis,

Nec purpurarum sidere clarior

derationis est, sub ortu oavis siocitatum vapor, cum insitae ac novellae arbores moriuntur. Comparant cum Nostro Philemon. apud Stob. Floril. Grot. p. 403. πάνυ μέλως, ὥσπερ τὸ κατὰ χροὺς καρπάλαιον, ἐκτίει (sc. ἡ γῆ) τὸ σπέρμα, τοὺς τέκους, ἀνυρίσκεινα' αἰσι προφασίν τιν' αὐγμὸν ἢ πύχνην, ἢ ἀποστέρει.

v. 33—40. Divites quidem, ut habeant, quo se recreent, magnifica in maris litore, dum vastis in altum demissis molibus fundamenta iaciunt, aedificia moliantur, et piscinas marinas cum iis iungunt cett. — Has piscinas egregie designat sic: *Contracta pisces aequora sentiunt*, h. e. pisces sentiunt, se in angustiore maris spatio inclusos esse; de quo lusus genere, in quod graviter invehitur Senec. Ep. 89. cf. supr. ad II. 18. 20. ubi divites domos struendo maris littora submovere dicuntur. *redemptor*, manceps (*entrepreneur*) frequens *cum famulis*, pro vulgari: cum frequente famulorum, h. e. operariorum turba; *per caementa* (dicta quasi pro *caedimenta*, a caedendo, ut *ramenta* pro *radimenta*, a radendo) intellige lapides caesos, sed rudcs et

informes; nos: *bruchsteine*, *schutt.* — *dominus*, qui simul adest, ut operi strenue perficiendo iacet, *terrae fastidiosus*, ita dicitur, quod possessionibus suis in continente non contentus est; ut supr. II. 18. 22. *parum locuples continente ripa.* *Minae*, quasi deae, quae periculorum minis vel malorum instantium terrore homines exagitant. *decedit triremi.* *Amiciis.* *Boettig.* bene cum Nostro comparat Menand. apud Plutarch. de Tranquill. p. 466. *aerata*, epaibeton ornans, ut supr. II. 16. 24. — *post equitem*, quausdo dives, aiunt, corporis animique recreandi causa equo circumvehitur; sed cf. supr. ad II. 16. 22. ubi *Cura turmas equitum non relinquere* dicitur.

v. 41—48. *dolentem* pro divitem curis se exeruciantem *Phrygius lapis*, marmor Synnadicum, ad Phrygiae oppidum, Synnada, excisum, de cuius praestantia et colore vid. Plin. XXXV. 4. Strab. IX. pag. 437. et XII. p. 865. *purpurarum sid. clar. unus*, doctiore ratione pro vulgari: usus purpurarum clariorum sidere, h. e. lucido colore siderum splendorem superantium; comparant

HOR. TOM. I

M

Delenit usus, nec Falerna

Vitis, Achaemeniumve costum:

Cur invidendis postibus et novo

45

Sublime ritu moliar atrium?

Cur valle permutem Sabina

Divitias operosiores?

CARMEN II

Angustam amice pauperiem pati

Lucret. II. 47—51. *Falerna vitis*, vinum Falernum; similiter supr. L. 40. 10. *vites Falernae* pro vino Falerno. — *costum* et *costus* eximii odoris unguentum, quod exprimebatur ab eiusdem nominis frutice, in Indiae insula, Patale, nascente; vid. Plin. XII. 12. *Achaemenium*, Parthicum vel Persicum (a Parthorum rege, *Achaemene*) ideo ita dictum, quod a mercatoribus ex India in terram Parthicam, et inde, ut merx Parthica, Romam advehebatur; similiter supr. I. 31. 12. unguenta Indica merx *Syra* dicta sunt. *invidendis*, tam superbis et magnificis, ut invidiam aliorum moveant; similiter fere *aula invidenda* supr. II. 10. 7. *novo ritu*, nos: *nach dem neuesten geschnack*. — *operosiores*, tantum curarum molestiarumque creantes, vel: cum tanta laborum curarumque molestia conjunctae. In sententiam commode Cl. Misch. comparat Menand. apud Stob. Flor. Grot. p. 289. *Κραίττον γὰρ ἐστὶν*. — *μή πᾶλλ' ἀπὸδῶς, εὐλόγα δ' ἡδύως ἔχιν, πνέιν δ' αὖλον μάλλον, ἢ πλοῦτον πικρόν*.

CARMEN II.

Cum Romani a priscae disciplinae

severitate paulatim in molliem, luxum et alia vitia degenerassent; poëta, prima huius mali labem a perversa educandi ratione repetendam esse censens, graviter populares suos monet, ut antiquas gentis Romanae virtutes recolendo pueros suos in primis fortitudinis, sapientiae et fidei, sanctissime in iis, quae taciturnitati alicuius commissa sint, servandae, mature adsuafaciant. Iam vero cum sententiae laxiore, ut carminis lyrici ferebat indoles, in hoc quoque carmine inter se nexae sint vinculo, id adeo nonnullis fraudi fuit, ut, cum ratio, qua eas inter se conciliaret, non suppeteret, hoc carmen ex tribus diversis aliis conflatum esse statuerent. Sed bene se res habet. Sententiae ita fere se excipiunt: Si antiquam gentis nostrae gloriam amplius tueri volumus, relictis rebus omnibus, pueros nostros mature in perferendis belli laboribus exercere, ad mortis pro patria susceptae decus inflammare, ab ignaviae autem dedecore detertere, et sic eos metuendos hostibus nostris reddere debemus. Sed praeter fortitudinem est alia, ad cuius studium mature adducendi sunt pueri, virtus, quae, cum minime ad aurae popularis arbi-

Robustus acri militia puer
 Condiscat; et Parthos feroces
 Vexet eques metuendus hasta:
 Vitamque sub divo trepidis agat
 In rebus. Illum ex moenibus hosticis
 Matrona bellantis tyranni
 Prospiciens, et adulta virgo,
 Suspiret: cheu! ne rudis agminum
 Sponsus lacessat regius asperum

5

10

trium se accommodet, sed semetipsam suo ipsius tneatur praesidio, neque in petendis honoribus ignominiosam repulsam fert, neque in his fungendis contumeliae cuiusdam nota contaminatur, imo immortalitatis praemio afficitur. Ad hanc accedat fidelis taciturnitas, quae pariter praemio suo gaudet; cum impia contra res arcanas evulgandi levitas sceleri se obnoxiam faciat, cuius poenam dii ultiores, quamvis aëro, repetunt. — In quarum virtutum commendatione quis non sentit generosiores gentis Romanae spiritum!

v. 1—6. *Robustus*, h. e. firmi robustique corporis, durus; opponitur puero molliter educato et ferendis laboribus impari; possis quoque iungere: *robustus acri militia*, h. e. factus per acrem et strenuam militiam robustior. *angustam pauperiem*, duriorem illam sortem, qua rebus in angustum contractis contentus esse debet miles. *amice pati*, Graece: ἀγχιπῆτος φίλον, h. e. lubenter sive prompto paratoque animo ferre; quod enim fit amico, id quoque prompto paratoque animo fieri solet. *vexet*, premat et fortiter invadat. *Vit.* s. *div.* cett. In omnibus Libb. MSS. et Editt. legitur: *Vitamque sub divo et trepidis agat* In rebus, nec ullus in-

terpretum particulam et ante *trepidis* superfluum plane esse, et orationis simplicitatem turbare, animadvertit. Verum enim vero, cum extrusa particula et sensus exeat multo concinnior: *s et vitam in rebus trepidis* (h. e. quando reipublicae periculum imminet) *sub divo agat*: haud mihi religioni duxi eam delere, nec ea deleta me vim fecisse poetæ putavi; caeterum quæ hic versus mensura versis est poetæ: *Vitamque sub di | vo trepidis agat*, eadem alibi quoque utitur; sic infr. IV. 14. 17. *Spectandus in oer | tamine Martio*.

v. 6—12. *lungra: Matrona* (honestius pro uxor) et *adulta virgo* (pro filia nubilis) *bellantis tyranni prospiciens illum* (h. e. tam egrégie fortitudinis militem) *suspiret* (suspirando in hæc verba erumpat): *cheu!* ne celt. *prospiciens*, ut Antigone e moenibus Thebania apud Euripid. Phoeniss. 90. cf. Hom. Iliad. III. 154. Hesiod. Scut. Hercul. 241. *rudis agminum*, pugnandi inter agmina sive artis bellicae imperitus. *asperum tactu leonem*, Romanum leoni accessu difficili in pugna simillimum; viri fortis autem cum leone comparatio frequentissima; sic apud Diotimum Ep. IX. in Anthol. Gr. T. I. p. 186. Οὐδὲ λέων ὡς διῶν; ἐν οὐρίσιν, ὡς ὁ

Tactu leonem, quem cruenta
Per medias rapit ira caedes.

Dulce et decorum est pro patria mori:

Mors et fugacem persequitur virum,

Nec parcit imbellis iuventae

15

Poplitibus timidove tergo.

Virtus, repulsae nescia sordidae,

Intaminatis fulget honoribus:

Nec sumit aut ponit secures

Arbitrio popularis aurae.

20

Μέτωρος cett. Cl. Mitach. laudat Sll. Ital. VII. 401. ubi de Hannibale: *Iam cernes Libyaum hunc vallo adscutire leonem. cruenta ira, saevus impetus; ira de rabie, qua firunt leones, passim; cf. supr. l. 16. 15. e Lueret. III. 297.*

v. 13—16. Nece sententias fere sibi sapienter autem faciunt, qui forti animo vitae periculum pro patria subeunt; dulcis enim at decora est mors pro patria suscepta. Comparant notissimum illud Tyrtæi: Τὸνδάμναται γὰρ καλὸν ἐπὶ προμάχοισι πτόνντα Ἄνδρ' ἀγαθὸν περὶ ἧ πατρίδι μαρναμένον. *Mors et fugacem persequitur virum*, ad illud Simonidis: Οὐδ' αὖ θάνατος ἐκίχη καὶ τὸν θυγέμαχον. — *Nec parcit poplitibus*, hostis enim, fugientem hostem persecutus, eius poplitibus in primis caedendis intentus fuit; hinc Numidae apud Livium XXII. 48. *terga ferientes et poplites caedentes stragem iugentem fecisse dicuntur*; cf. Virg. Aen. X. 699.

v. 17—20. Praeter virtutem bellicam est alla, qua imbuendi sunt pueri, ea nempe, quae *repulsae nescia sordidae Intaminatis fulget honoribus*; ad hanc virtutem, quam

civilem dixeris, refer vitae honestatem, integritatem, prudentiam, sapientiam et rerum civilium administrandarum scientiam; in quibus omnibus si quis factus est conspectior, is nunquam in petendis honoribus contumellosam repulsam fert, in his fungendis autem semper dignitatem suam tuetur (*intaminatis fulget honoribus*) quia neutiquam aurae popularis arbitrio, sed virtutis suae praesidio nixus tam suscipit quam deponit magistratus. Sic mihi quidem hic locus, in eius sensu explanando adeo laboratum est, satia expeditus videtur. *Sordidae*, ad vim huius epitheti maxime adverti debet; potest enim in petendis honoribus vir bonus quoque repulsam ferre, sed non *sordidam* et contumellosam, quam ii tantum ferunt, qui malis artibus ad summos honores enituntur; *sordida* igitur exempli causa fuit repulsa, quam in consulatus ambitu tulit vir pessimi ingenii Catilina, non *sordida*, quam Cato, vir iustissimus, tam in praeturae quam consulatus petitione expertus est. *secures* pro *finis*, et hoc pro summo magistratu.

Virtus, recludens immeritis mori
 Caelum, negata tentat iter via:
 Coetusque vulgares et udam
 Spernit humum fugiente penna.
 Est et fideli tuta silentio.
 Merces: vetabo, qui Cereris sacrum
 Volgarit arcanæ, sub isdem
 Sit trabibus, fragilemve mecum
 Solvat phaselon. Saepe Diespiter
 Neglectus incesto addidit integrum:

25

30

v. 21—24. Est haec illa virtus, quae cultores suos a terra in caelum evectos immortalitatis praemio afficit. — *negata tentat iter via*, plenius pro negatam viam vel negatum iter tentat, h. e. via, ceteris vulgaris conditionis hominibus haud patente, ad caelum enititur. cf. Virg. Aen. VI. 430. *Cartusque vulgares*, ignobilioris vulgi turbam. Cic. de Senect. 23. *O praeclarum diem, cum ad illud divinum animorum concilium coetumque proficiscor, cumque ex hac turba et colluvione discedam. udam*, humoribus squallentem, vel ndis nebulis obductam; hinc apud Val. Flacc. I. 40. *Eripe me populus et habenti nubila terrae. fugiente penna*, dum celeri volatu ad caelum tendit.

v. 25—32. Pueris denique nostris tam fidei praemia, quam poena perfidiae ante oculos poni debent. *Est tuta merces*, constitutum est certum praemium (*μισθός ἀπραγής*) *fideli silentio*, ei fidei, quam quis in rebus arcanis reticendis probat. Respexit fortasse poeta singulari huius virtutis commemoratione perfidiam aliquam, re quadam graviore momenti evulgata tum temporis commissam. — *Amicus meus Boettigerus comparat*

Gnom. edit. Brunck. p. 241. οὐδὲν σωπῆς ἐστὶ χρησιμώτατον. *vetabo, qui Cereris cell. cavebo mihi*, ne perfidus vel impiae istius in rebus arcanis enuntiandis levitatis homo, exempli causa, qui Cereris mysteria evulgarit, una mecum vel habitet, vel naviget; h. e. in perfidi vel periuri hominis societate equidem esse nolo. *Cereris arcanæ sacrum*, sacra Eleusinia; in quibus enim summa religione reticenda essent arcanæ, hominem temere res arcanas effluentem comparat poeta eum isto scelcato, qui aliquid ex illis sacris vulgaverit. — *nub isdem trabibus, ὁμοπόρος, ὁμοτοχός*; apposite in hanc rem Cl. Mitsch. laudat Callim. II. in Cer. 418. Δάμναρ, μὴ τῆνος ἐμοὶ φίλος, ὅς τοι ἀπεχθὴς ἔσῃ, μὴδ' ὁμοτοχός. *fragil. meo. solv. phas.*) *phaselus*, navicula, qua Aegyptii inprimis utebantur, longior et angustior, a *phaselo* (schwerelohne) cuius formam fere referebat; iam pro quovis navigii genere, epitheton *fragilis* phaselo inprimis, ex terra tota quippe confecto, bene convenit; hinc *phaseli fictiles* dicuntur Iuvenali XV. 127. In sententiam Cl. Mitsch. comparat Euripid. Electr. 4334. *Saepe Diesp. neglect. incest. add. integr.* Jupiter enim neglect.

Raro antecedentem scelestum
Deseruit pede Poena claudo.

CARMEN III

Iustum ac tenacem propositi virum
Non civium ardor prava iubentium,

etus, h. e. hominum impietate laesus, saepe innocentem scelesto addere, h. e. innocentem, si in societate scelesti est, una cum eo punire solet. Valuit haec de poenis divinis iam apud antiquissimos populos opinio, ideo inprimis, ut homines ob detestabile, quod scelesti apud alios sibi contrahunt, odium a sceleribus committendis deterrentur, propagata; locus classicus de communi illa veterum opinione est apud Euripid. Sept. c. Thebas 606 seqq. — *Diespiter*, Iupiter, cf. supr. l. 34. 5. — *Raro antec. scel. des. p. Paen. cl.* Vulgarem sententiam: a scelestus chiū iustam poenam effugere non potest s. suavissima imagine expressit; Poena nempe, ut Dea (Nemesis, Δίκη) tamdiu scelestum claudo vel tardo pede subsequi fingitur, usque dum eum assecuta est. Notissimum est illud Tibulli l. 9. 4. *Sera tamen tacitis Poena venit pedibus*; multa in hanc sententiam exempla e Graecis inprimis poetis congecit Cl. *Mitcherlichius*.

CARMEN III.

Iustitiam et constantiam, quae nulla omnino vi et potentia concuti et a proposito abduci potest, ut eas virtutes, quibus iam olim summa priscae aetatis heroibus, Dioscuris,

Herculi, Baccho et Romulo divinus in caelo honor partus sit, popularibus suis exercendas commendat. In qua quidem harum virtutum commendatione quamvis totius earminis summa ponenda est; poeta tamen, ut earmini suo maiorem cum dignitatem tum sublimitatem pararet, digressioni, quam Romuli suppeditabat exemplum, multo longius, quam ipsi argumento, immoratus est. Fingit nempe Iunonem, expiato tandem, quo illa gentem Troianam adhuc eiusque posteros persecuta fuerat, odio, cum Dii in solenni consilio de Romulo in coetum Deorum recipiendi deliberarent, in hanc fere sententiam ceteris Diis gratissima verba fecisse: a Troia, cuius perfidiam ulciscendi mihi atque Minervae partes datae sunt, versa est per Paridem et Helenam in pulverem, nec periura domus Priami amplius Graecis resistit; ipsum bellum denique, tam diu dissensu nostro extractum, compositum est; iam non amplius graves iras in Troianorum nepotes exercebo; iam in Martis gratiam concedam, ut Romulus, quem ille e Troianae originis sacerdote, Ilia, procreavit, deorum ordinibus adscribatur; imo concedam, ut Romani, dummodo eorum imperium per longum mare a terra Troiana seimetum maneat, et loca illa circa Priami et Paridis

Non voltus instantis tyranni
Mente quatit solida, neque Auster,

busum vasta et inculta iaceant, in quacunque alia regione beati regent, floreat, de victis populis triumphant, et nominis sui gloriam ad remotissimas terras extendant. Multo fortiores tamen illi se praebebunt, dum apertis divitiis paupertati et parimoniae apud eos honor fuerit. Na multa! totus terrarum orbis Romanorum subiciatur imperio, modo illi in aeternum veterem Troiam reparandi alicuius consilium! Troiam enim recidivam vel de novo surgentem iterum bello petam, eamque vel munitissimam funditus iterum evertam. » Hac Iunonis oratione exposita, poeta, percussus quasi audaciae, qua deorum sermones retulerit, cogitatione, repente carmen finit. — Quod ad longiorem poetae digressionem, male a nonnullis reprehensam, attinet, in ea ipsa, qui sensum pulcri habet, huius carminis excellentiam ponendam esse facile sentiet. Scilicet poetae, ut lectores suos in re sterili quoque dalectent, studiose ea, in quibus adumbrandis et exornandis ingenii sui vim artemque ostentare possunt, arripere carminibusque suis inserere, in primis vero quo nihil ad lectorum animos detinendos efficacius est, personas tam agentes quam loquentes inducere solent. Felicissime igitur poetam artificio illo in hoc carmine usum esse dixerim. Quis est enim, quem in eo non capiat gravissima Iunonis oratio? et quis in aliis poetae nostri digressionibus longioribus, v. c. infr. III. 5 et 27. ea, quae Regulus et Europa loquuntur, sine summa delectatione et admiratione legere potest?

Dicebam ab initio, hoc carmen in laudem iustitiae at constantiae scriptum esse. Quid? si totum hoc carmen poetam eo in primis consilio, ut *Augustum tanquam Deum Deorum ordinibus insereret*, scripsisse dicamus? Est enim haec poetarum lyricorum ars, ut saepius rem ipsam, quam carmine celebraturi sunt, breviter tantum et obiter quasi tangant, eam vero cum ceteris carminis sententis tam sollerter coniungant, ut eo magnificentius illa exsplendescat. Iam vero quid in Augusti laudem brevius simulque gravius et splendidius dici potuit, quam quod v. 11. 12. *Quos inter Augustus recumbens Purpureo bibit ore nectar*, de eius divinitate dictum est? Ampliores certe Augusti laudas na amplissimum quidem carmen complecti poterat?

v. 1.—8. *Iust. ac ten. propos. vir.* virum probum et in iis, quae semel bona at honesta esse intellexit, inconcussa animo persistentem; laudat igitur eam tantum constantiam, quam vir iustus in rebus iustis probat. — *ardor, furor.* *prava*, intellige res novas, seditioas, et quicquid pravi cives contra civitatis salutem et incolumitatem moliantur. *voltus*, minas nempe et torvus. *mente quatit solida*, ita impellere et concutere valeat, ut mens eius solida h. s. immobilis, e statu suo deiciatur. Bene ad rem comparant illud Iuvenal. VIII. 79. *Phalaris licet imperet, ut sis Falax*, et adnoto dicitur *periuria tauro*. *neque Auster, dux inquit, turb.* cett. nec rerum physicarum violentia, saevae tempestates, et

Dux inquieti turbidus Hadriae ,
 Nec fulminantis magna manus Iovis :
 Si fractus inlabatur orbis ,
 Impavidum ferient ruinae.
 Hac arte Pollux et vagus Hercules
 Enisus arces adtigit igneas :
 Quos inter Augustus recumbens
 Purpureo bibit ore nectar.

5

10

fulminum iactus. *turbidus*, sc. ira, h. e. truculentus. Sic Turnus apud Virgil. Aeneid. IX. 75. *Huc turbidus atque huc Lustrat equo muros*, et Aen. X. 763. Mezentius: *At vero ingentem quatens Mezentius hastam, Turbidus ingreditur campo*. Similiter Claudiano de Rapt. Proserp. II. 308. *Auster dicitur truculentior*. — nisi quis *turbidus* pro turbulentus, turbas concilians, explicare malit. *Auster dux Hadriae*, cf. supr. I. 3. 45. et sic *Capricornus* supr. II. 47. 49. *tyrannus Hesperiae undae* dicitur. *magna manus* h. e. valida, potens. Similiter de Iove Ovid. Met. I. 595. *Sed qui coelestia magna Sceptra manu teneo*; et Sil. Ital. VII. 374. de ipso Iove fulminante: *Caelone exoiderint, et magna fulmina dextra Torserit omnipotens*; plura vide apud Burmann. ad Ovid. Eleg. in Drus. 224. — *Si fractus inl.* cett. nec, si caelum ruat, eius ruina perterrebitur. Comparant Theogn. v. 849. et Strab. VII. p. 462. Ceterum hunc locum, ut observat *Mitsch.*, in suam rem vertit Seneca. Quaest. Nat. VI. 32. et Thyest. 358.

v. 9—16. *Hac arte*, hac inexpugnabili animi in proposito susceptoque consilio perseverantia. *Pollux sc.* cum fratre *Castore*. *vagus*, refer ad errores, quibus totum paene ter-

rarum orbem pervagatus esse Hercules dicitur. Euripid. Herc. Fur. 1196. *Οὐκ ἐν γ' αἰθέρις — Πολυπλάγκτοί τερον θνατῶν*. *enisus*) eniti proprie de iis, qui cum nisu ad altiora tendunt. *arces attingit igneas*, divini honoris in caelo particeps factus est; de Herculis divinitate vid. *Mitsch.* ad h. l. *Quos inter August. recumb.* cett. h. e. Inter quos Augustus, eadem arte ad caelum evectus, iam Deus et Deorum mensae consors, nectarque bibens, divino honore exsplendescit. *cum diis epulari*, vel *deorum mensae et epulis adhiberi* priscum loquendi genus pro *inter deos ut deum versari*, vel *deorum socium esse*; sic *Heraclides*, ut deus, infr. IV. 8. 30. *Iovis epulis interesse* dicitur; cf. Hom. Odys. XI. 603. Virgil. Eclog. extr. Aen. I. 79. Scite autem potest, ut Augusto divinitatem virtute partam adserat, eum inter eos deos epulari fingit, quos, ut prisco sermone apud Cicer. de Legg. II. 8. dicitur: *endo sacro merita locaverunt*; ad hos autem imprimis Hercules, Dioscuri, Bacehus et Quirinus referri solent; cf. infr. IV. 8. 30 seqq. Cicer. I. I. et Sil. Ital. XV. 77 seqq. *purpureo ore*, refer ad insignem, quem ut deus nunc vultu prae se ferebat, splendorem; sic Venus apud Virgil. Aen. I.

Hac te merentem, Bacche pater, tuae
Vexere tigres, indocili iugum

Collo trahentes. Hac Quirinus

15

Martis equis Acheronta fugit,
Gratum eloquuta consiliantibus
Iunone Divis: Ilion, Ilion

Fatalis incestusque iudex

Et mulier peregrina vertit

590. Aeneae, ut eum deo similem redderet, *purpureum iuventae lumen adflasse* dicitur. Scilicet *purpureus* passim additur rebus vel personis insigni pulcritudine vel splendore conspicuis. Cf. *Mitsch.* os *purpureum* de eo, cui nectaris purpurei color inter bibendum adfundatur, argute magis quam vere explicat. *te merentem*, dignum, qui in caelum eveharis, te praebentem; Ovid. Trist. V. 3. 49. de Baccho: *Ipse quoque aethereis meritis invecus es arces, Qua non exiguo facta labore via est. tuas tigres vexere*, Bacehus enim post Indiam perdomitam (conf. *supr.* II. 19. 47.) ut viator triumphans curru tigris iuncto ductus (Sil. Ital. XV. vs. 79—81. *Quid, cui, post Seras et Indos Captivo Liber cum signa referret ab Euro, Caucasaeae currum duxere per oppida tigres?*) et hac triumphali specie ad caelum quoque evectus esse fingitur. Similiter Ariadne apud Propert. III. 47. 8. *Bacchi lyncibus in caelum vecta* traditur. — *indocili*, beue ad tigridum, quas Bacchus condocesecerat, feritatem designandam. *Martis equis*. Ovid. Fast. II. 496. de *Romulo*, in caelum vecto: *Hinc tonat, hinc missis obrumpitur ignibus aether; Fit fuga: Rex patriis astra petebat equis.* cf. Met. XIV. 805—28. *Acheronta*

fugit, observent tirones poëtae artem et copiam, qua vulgare illud: *in caelum evehi et deum fieri* variaverit. Boettig. comparat Theocrit. XVII. 47. *Ἀχιρὸντα πολὺστονον οὐκ ἐνέπαυε*.

v. 17—24. Nexu: Romulus autem Deus factus est tum, postquam Iuno in consilio deorum haec ceteris diis grata verba pronuntiaverat: *Ilion, Ilion* cett. iunge: *Fatalis incestusque iudex et mulier peregrina Ilion, Ilion*, cum populo et duce fraudulento, mihi castaeque Minervae, ex quo Laomedon deos mercede pacta destituit, damnatum, vertit in pulverem; h. e. Troia, quae mihi et Minervae ad perfidiae a Laomedonte commissae poenam a populo Troiano et eius rege expetendam tradita et devota fuerat, nunc eversa et deleta est bello, quod Paris per raptum Helenae concitaverat. *Fatalis*, δῶντα-ρις, αἰνόνταρις, in fatum (h. e. perniciem) patriae electus; *incestus*, ob turpe, quo Helenae raptu tam hospitii quae coniugii sanctitatem polluit, flagitium; *iudex* invidiose pro Paris, nunquam enim ex Iunonis animo excidit, ut canit Virgil. Aen. I. 27. *Iudicium Paridis sperataeque iniuria formae. mulier peregrina*, contemnim pro Helena, quia male audire solebant mulieres peregrinae,

In pulverem, ex quo destituit Deos
 Mercede pacta Laomedon, mihi
 Castaeque damnatum Minervae
 Cum populo et duce fraudulento.
 Iam nec Lacaenae splendet adulterae 25
 Famosus hospes, nec Priami domus
 Periura pugnaces Achivos
 Hectoreis opibus refringit:
 Nostrisque ductum seditionibus
 Bellum resedit. Protenus et graves 30
 Iras, et invisum nepotem,
 Troia quem peperit sacerdos,
 Marti redonabo. Illum ego lucidas
 Inire sedes, ducere nectaris

ἐξ ἧς. ex quo destit. deus mero. pact. Laomed. de perfidia, qua Laomedon Neptunum et Apollinem mercede, quam iis de commodata sibi in reficiendis Troiae muris opera promiserat, defraudasse dicitur, res nota; vid. Homer. Iliad. XXI. 443 et seq. hinc Virgil. Aen. IV. 542. *Laomedonteae periuria gentis. destituit)* destituere eleganter de iis, qui fidem in re promissa fallunt, vel: qui non dant, quod se daturos esse promiserunt; Cie. p. Rosc. Amer. 40. *Roscus socios suos induxit, decepit, destituit. damnatum,* devotum, destinatum, sc. ad poenas, quibus se obligarant hac fraude Troiani, exigendas. Virgil. Aen. IV. 679. *Stygiunique caput damnaverat Orco.* — cum populo et duce fraudul. fraus enim aliqua commissa immeritis quoque nepotibus (ut supr. l. 28. 30. dicitur) nocere putabatur. *duce fraudulento,* rege Priamo, qui, quasi fraus, a patre admissa, ad filium quoque pertineat, *fraudulentus* dicitur.

v. 25—36. *splendet* sc. forma et externo cultu; Paris enim fuit admodum formosus, *δορυδης* (Hom. Il. III. 46.) *εἶδος ἀπαιτος* (Hom. l. l. v. 39.) et externi nitoris studiosior; hinc supr. l. 45. 44. eura inprimis in caesarie pectenda posuisse dicitur; cf. Hom. l. l. 54. 55. *Lacaenae adulterae* in casu tertio accipiendum. *Famosus,* nos *berühigt.* *Hector. opibus* Hectoris virtute; *Boetig.* comparat Senec. Troad. 424—429. *ductum,* extractum in decem annos; *seditionibus,* dissensus, discordia, scilicet aliis diis contra Troiam, aliis pro Troia stantibus; conf. Virgil. Aen. X. 7 seq. Ovid. Trist. l. 2. 5. *Protenus,* postea, deinceps; nos *forthin.* — *Troia sacerdos, Ilia.* *Marti redonabo* donabo et concedam Marti, h. e. ab ira et odio inveni mihi nepotis in Martis gratiam abistam; — Romulus autem Iunoni ex Marte nepos est. *lucidas sedes* Olympum, *δῶματα ἀγλαῖστα.* *ducere* cf. supr.

Succos, et adscribi quietis 35
 Ordinibus patiar Deorum.
 Dum longus inter saeviat Ilion
 Romamque pontus; qualibet exsules
 In parte regnanto beati:
 Dum Priami Paridisque busto 40
 Insultet armentum, et catulos ferae
 Celent inultae; stet Capitolium
 Fulgens, triumphatisque possit
 Roma ferox dare iura Medis.
 Horrenda late nomen in ultimas 45
 Extendat oras, qua medius liquor
 Secernit Europen ab Afro,
 Qua tumidus rigat arva Nilus:

ad I. 47. 22. *quietis ordin. Deor.* pro vulgari: *ordinibus deorum quietorum*; nam in quiete et tranquillo ntio pars divinae felicitatis spectari solebat; hinc apud Sil. Ital. XV. 57. *Atque idem (Deus) exemplar lenis mortalibus aevi, Inperturbata placidus tenet otia mente.*

v. 37—44. *Dum, modo, dummodo;* *longus*, epitheton noxans; *inter saev. Il. Rom. pont.* gravius pro vulgari: Romam ab Illo dividat, disingnat. *exsules*, posterius Troianorum a terra patria exclusi. *Dum Priam. Par. bust. insult. arm. cett.* vulgarem sententiam: «dummodo loca illa, ubi Troia stetit, sola et vasta maneant, vel; dummodo nemini ibi, ubi Troia stetit, novam urbem moliat, a egregia regionis incultae et desertae descriptione exornavit; qui enim in agris, ubi alta moenia et tecta antes surgebant, armenta errare conspiciunt, et in locis, hominum frequentia antea celebribus, ferarum latibulis animaverunt, eorum oculis viva sane peni-

tus eversae urbis imago obversatur; cf. Infr. Epod. XVI. 40 seqq. et *Mitsch.* ad h. l. iam vero, cum maximis contumelia affici pntarentur sepulti, si quis petulantius eorum sepulcris insultaret, facile apparet, quanto odio Iuno, optans, ut *Priami Paridisque busto insultet armentum*, cum in omnes veteres Troianos, tnm in Priamum Paridemque inprimis, flagra-verit. — Sic apud Euripid. Elect. 327. Aegisthus contumeliose Agamemnonis busto insultat (*ἐνθρόωνται τάφῳ*); cf. Hom. Iliad. IV. 177. *celent sc.* ibi. *inultae*, nullis hominum insidiis ibi expositae. *possit dare iura*, tam potens fiat, ut iura det; *triumphatis*, de quibus triumpharunt.

v. 45—52. *Horrenda*, fortitudine sua timenda; ut supr. I. 28. 4. *horribilis Medus* et infr. Sat. II. 5. 62. *horrendus Parthis iuvenis. medius liquor*, intellige fretum Gaditanum, Afriam Europamque interficiens. Laudant illud veteris poetæ apud Cic. de Nat. D. III. 40. *Europam Libyamque rapax ubi dividit unda.*—

Aurum inreperitum, et sic melius sitam,
 Quum terra celat, spernere fortior, 50
 Quam cogere, humanos in usus
 Omne sacrum rapiente dextra.
 Quicumque mundo terminus obstitit,
 Hunc tangat armis, visere gestiens,
 Qua parte debacchentur ignes, 55
 Qua nebulae pluviique rores.
 Sed bellicosas fata Quiritibus
 Hac lege dico, ne nimium pii,
 Rebusque fidentes, avitae
 Tecta velint reparare Troiae. 60
 Troiae renascens alite lugubri
 Fortuna tristi clade iterabitur,

tumidus, aple de fluvio nimia aquarum copia intumescente, et super ripas in agros se effundente. — Designat autem posita terras, ad quas usque tum temporis victricia Romanorum arma penetraverant, remotissimas, victoriarum inprimis, quas ex Hispania et Aegypto reportaverat Augustus, in eius laudem et gloriam respectu habito. *Aurum inreperitum* cett. lunge: *fortior spernere* (Graece pro: spernendo, dum spernit) *aurum inreperitum* cett. *quam cogere* (aurum cogendo) *dextra rap.* *omne sac.* in us. *hum.* h. e. Roma, fortiozem se praestitura, dum antiquae frugalitatis studiosa a divitiarum colligendarum cupiditate aliena erit. *inreperitum* ipse explicat, quod *terra celat.* *omne sacrum*, sanctissima quaeque. Teles quoque apud Stobaeum XCI. p. 510. 34. ad mala, quae divitiarum cupiditate proferuntur, sacrilegia refert, δὲ κέρδος, aliens, ἰερὰ σολᾶται. *humanos*, profanos.

v. 53—60. *Quicumque mund. term. obstat.* quicumque terminus orbi terrarum obiectus fuit, h. e. quaecunque in extremo terrarum termino posita est regio; *tangat*, attingat. — *Qua parte debacch. ign.* *Qua neb. cett.* regionem, ubi aut solis aestus, aut nebularum pluviarumque vis saeviat, h. e. regionem, aut zonae torridae aut zonae frigidae subiectam; de zona torrida et frigida cf. supr. I. 22. 47 seqq. ubi similiter fere de zona frigida: *Quod latus mundi nebulae malusque Iupiter urget.* — *nimium pii*, nitio pietatis in metropoli studio ducti; ad reparandas enim urbes eversas veteres earum incolae pietatis officio teneri putabantur; cf. Boettig.

v. 61—68. *Troiae renascens fortuna* exquisitius pro Fortuna Troiae renascentis; sensus: Quam sortem iam semel a Graecis experta est Troia, eandem illa infausto omine de integro exstructa iterum tristi clade experietur; *renascens*, ut Pergama re-

Ducente victrices catervas
 Coniuge me Iovis et sorore.
 Ter si resurgat murus aeneus, 65
 Auctore Phoebō; ter pereat meis
 Excisus Argivis; ter uxor
 Capta virum puerosque ploret.
 Non haec iocosae conveniunt lyrae:
 Quo Musa tendis? Desine pervicax 70
 Referre sermones Deorum, et
 Magna modis tenuare parvis.

CARMEN IV

AD CALLIOPEM.

Descende caelo, et dic age tibia

aediva apud Virg. Aen. IV. 344. — *ducente catervas*, similiter Iuno ferro accincta agmen vocare fingitur apud Virg. Aen. II. 643. *Coniuge me Iov. et sor.* laudant notissimum illud Virgilii Aen. I. 47. *Ast ego, quae dividam incedo, regina, Iovisque et soror et coniux*, ubi vid. *Cerda*. cf. Morn. Iliad. XVI. 432. *murus aeneus* firmissimus; firmissima quaeque enim poëtae *ferrea* vel *aenea* faciunt; similiter *moenia Cyclopium* educta *carminis* de regia Plutonis apud Virg. VI. 650. *auctore h. e. conditore*; Virgil. Georg. III. 36. *Troiae Cynthius auctor*; cf. sup. ad v. 22. *uxor capta* — *ploret* cf. Hom. Iliad. IX. 589 seqq.

v. 69—72. Subita poëtae ad se vel Musam suam conversio, et repente compressus impetus, quo se temere ut poëtam tenuem ad rem gravio rem enarrandam abripi passus sit, miri-

fice totius carminis sublimitatem auget. Similiter a gravioris rei tractatione Musam suam revocat supr. II. 4. extr. *pervicax*, ut supr. l. l. *proeaz* de Musa, quae temere et audacius aliquid molitur, et pervicaciter in proposito persistit. *magna mod. tenuare parvis*, sublimis carminis tenui ad humilitatem deprimere.

CARMEN IV.

Quod in Argumento carminis antecedentis monitum est de arte et solertia, qua poëtae lyrci sententiam, in qua totius carminis finis ponendus est, breviter tantum tangere, in ceteris vero ad eam accommodandis et referendis liberius exsultare solent, id in hoc quoque carmine recte diu dicando teneri debet. Nam, si quid video, totius huius carminis, ut ita dicam, cardo vertitur in laude, quam

Regina longum Calliope melos ,
 Seu voce nunc mavis acuta ,
 Seu fidibus citharaque Phoebi.
 Auditis? an me ludit amabilis
 Insania? Audire et videor pios

5

poëta Augusti ingenio litterarum studiis exculto tribuit. Iam vero cum poëtae Musas doctrinae magistras faciant, adeoque earum laus cum laude doctrinae arcto vinculo coniuncta sit; Horatius, Augusti doctrinam et sapientiam laudaturus, hanc opportunam in laudes Musarum excurrendi occasionem cupide amplexus est. Exordiens igitur hoc carmen incalascit statim Musarum cogitatione; advocat Calliopem, ut sibi carmen canat; sentit adpropinquantis Musae praesentiam, audit dulcissimos eius modos, et hac dulci insania plenus in ipsis Musarum lucis sibi errare videtur; — dum stupet attonitus, repente secum incipit, quae sibi prima pueritia Musae praestiterint; narrat igitur, quomodo non solum puer olim in monte Vulture dormiens defensus ab iis contra saevas bestias, sed ex tribus aliis quoque vitae periculis peculiari earundem tutela servatus fuerit. Quibus narratis animo adsurgit, et ubique vel apud quosque populos feros et barbaros se tutum ab omni periculo sub Musarum praesidio fore praedicat. Tum ad ea, quae Augustus Musarum favori debeat, transiens, quomodo ille militiae laboribus fessus non solum in earum consortio recreatur, sed ab iis quoque sapientiore consilii regatur et sustentetur, breviter exponit. Ut eo magis autem appareat, quantum praestet potentia consilio et prudentia temperata stultitiae et temeritati eorum, qui nimium viribus suis confisi prae se contemnunt

omnia, gigantum et aliorum, qui grave audaciae suae poenas dederunt, exempla proponit. — Sic in hoc quoque carmine, super cuius consilio tam multa disputata sunt, amice omnia conspirare existimo.

v. 4—8. *Descende caelo*, comparant Alemanis Fragm. apud Hephaest. p. 22. Μῶς' ἄγε Καλλιόπη θύγατερ Διὸς, Ἀρχ' ἑρατῶν ἐπέων, ἐπὶ δ' ἑμερὸν ὕμνῳ καὶ χάριν τε τιθεὶ χορὸν. — *caelo*, Musae enim in caelo quoque inter ceteros deos versari finguntur; hinc Ὀλυμπιῶδες dicuntur Hom. Il. II. 491. et Ennio: *Musae, quae pedibus magnum pulsatis Olympum*. — *Regina*, ut dea; Calliopem enim ideo regnam dictam esse, quod sit, ut illa Hesiodo Therg. vs. 79. dicitur, προπρεσβυτάτη ἀπασίνων, parum probabile est. *longum*, explicant: longe duraturum, aeternum; et sic fere *longus somnus* infr. III. 41. 38. sed nihil impedit, quo minus *longum melos* de carminae ampliore et copiosiore explicetur; quo longius enim et uberius Musa canebat carmen, eo maior poëtae illud audientis debebat esse delectatio. *acuta*, acutos et claros sonos edente, h. e. *clariora*, ut eiusmodi vocem appellat Catullus LXIV. 321. *Auditis?* poëta, quasi vocata e caelo iam ad eum descenderit Calliope, videt et audit, quae divino numine pleni audire et videre sibi videntur; quaerit igitur et circumstantibus *auditis?* scilicet canentem Calliopem. *amabilis insania*, dulcis furor. *pios*, piis novem soro-

Errare per lucos, amoenae
 Quos et aquae subeunt et aerae.
 Me fabulosae Volture in Appulo
 Altricis extra limen Apuliae
 Ludo fatigatumque somno
 Fronde nova puerum palumbes
 Texere: mirum quod foret omnibus,

10

ribus sacros, nec nisi piis earum alumnis adeundos; *amoenae quos et aq. sub. et aer.* ad locorum enim amoenitatem pertinent transeuntes aquae et aerae mitioris status.

v. 9—20. Ad nectendas inter se sententias supple fere haec: Scilicet a prima pueritia singulari ego fruor Musarum tutela et benevolentia, nam *fabulosae palumbes texere nova fronde me puerum ludo somnoque fatigatum in Vulture Appulo*, cum evagatus essem *extra limen altricis Apuliae*.—Rem narrat, quae sibi admodum puero acciderit. Cum lusisset nempe aliquando extra domum patriam in regione adiacente cum aequalibus; in monte Vulture, ubi prae lassitudine somno oppressus fuerat, inter medias saevas bestias salvus et incolumis inventus est. — Cum statim alia, quibus vere Horatium expositum fuisse constat, subiungantur vitae pericula, non totam rem, ut *Boettigerus* meus autumat, ad simile quoddam Pindari de pueritia sua commentum finxisse, sed ea tantum, e quibus se tum a Musis servatum esse appareat, affinis videtur. Rem veram igitur re ficta de palumbibus, quae Horatium, ut futurum poetam, lauro et myrto Musarum iussu contra saevas bestias texisse dicuntur, egregie in Musarum laudem exornat. *palumbes fabulosae*, de quarum ministerio saepe in

fabulis sit mentio; sic *columbae* Iovi ambrosiam attulisse finguntur apud Hom. *Odyss.* XII. 62. *Volt. in App. Altr. extra lim. Ap. ludo fat. som. h. e.* cum extra Venusiam, quae alma in Apulia mihi est patria, me ita fatigasset ludus puerilis, ut somno opprimerer in Vulture, monte Appulo. *Vultur* seu *Vulturinus mons* Apuliae in Lucaniam procurrens; adiecit autem poeta idem videtur *Appulo*, ut eam montis partem designaret, quae ad Apuliam referebatur. — *altricis Apuliae*, terrae patriae, *Venusiae*, inter Apuliam et Lucaniam sitae; *limen*, intellige eos natalis soli terminos, ultra quos, ut tenerae adhuc aetatis puer, non evagari debuerat; *ludo somnoque fatig.* proprie quidem non somno fatigamur, sed labore aliquo defatigati eo opprimimur; itaque *to oppressum*, quod simul in voce *fatigatum* latet, inde elici debet, ut apud Homerum II. XII. 98. *κακὰ τ' ἄδδ' ἔχ' ἡδὲ καὶ ὕπνῳ*. — *fronde* sc. lauri et myrti, ut ex v. 19. apparet; *nova*, recens nata, viridi; sic *novae frondes* apud Ovid. *Art. Am.* I. 299. *Fast.* III. 138. *etsi passim novi flores, nova herba, rosa cett.* *mirum quod foret omnibus cett.* quod omnes Vulturini accolae in stuporem dedit, cum viderent, ut, h. e. quomodo, dormire cett. testes autem huius rei facit incolae trium

Quicumque celsae nidum Acherontiae ,
 Saltusque Bantinos, et arvum
 Pingue tenent humilis Forenti;
 Vt tuto ab atris corpore viperis
 Dormirem et ursis; ut premerer sacra
 Lauroque conlataque myrto ,
 Non sine Dis animosus infans. 20
 Vester, Camenae, vester in arduos
 Tollor Sabinos; seu mihi frigidum
 Praeneste, seu Tibur supinum,
 Seu liquidæ placuere Baiae.
 Vestris amicum fontibus et choris, 25
 Non me Philippis versa acies retro,

oppidorum, in montis Vulturii vicinitate sitorum, *Acherontiae*, *Bantinae* et *Forenti*. *Acherontia*, quod in loco arduo, nidi instar in celsa arbore, exstructa fuit, *nidus celsae Acherontiae* vocatur; ad quam rei similitudinem Cicero quoque (Orat. I. 44.) *Ithacæ nidulum in asperniss axis affixum* appellat. *Salt. Bantini*. Bantiam, saltibus cinctam. *Forenti* (nunc *Forenza*) oppidi in valle siti, unde illud *humile* dictum est. ut *premerer* eleganter pro uti contegerer. *collata*, congesta: finge tibi palumbes lanrum et myrtum e locis remotioribus attulisse. *Non sine Dis (οὐκ ἀνεῖσι)* sub Musarum tutela. — *animosus infans*, significanter pro ego.

v. 21—28. Quocumque me confero, mihi adestis comites, et me ut vestrum alumnum et cultorem vestro fovetis et tegitis praesidio. — Ad quam quidem sententiam exornandam sponte Nostro nunc ea inprimis agrorum loca occurrere debebant, in quae saepius ex urbe animi recreandi causa secedere solebat. in arduos tollor Sa-

binos, ubi villam suam habebat Horatius; cf. supr. II. 18. 44. tollor significanter pro proficiscor, quia in loca ardua proficiscentes per acclivia tolli debent. *frigidum Praeneste*, hoc quoque Latii oppidum (nunc *Paestrina*) in loco edito situm fuit, unde illud *altum* dicitur Virgil. Aen. VII. 682. cf. Strab. V. p. 348. et ob id ipsum Nostro *frigidum*. *Tibur supinum* (nunc *Tivoli*) in colle leniter assurgente positum, vel (quod Livius I. 3. de Alba Longa dixit) in montis dorso porrectum; de voce *supinum* in hac significatione vid. Bentl. infr. ad Epod. I. 29. *liquidæ* refer ad naturam aquarum, quarum salubritatis causa Baia, oppido in Campania amoenissimo, Romani, ut satis constat, frequenter commorari solebant. *Vestr. amic. font. et chor.* pro vulgari: me poetam; ut supr. I. 26. 4. *Musis amicus* cett. *Philipp. versa acies retro*, clades illa fusi ad Philippos exercitus; servatam autem in pugna illa funesta vitam, quam supr. II. 7. 43. Mercurii tribuit custodiae, iam cruae suae inserviens

Devota non exstinxit arbor,
 Nec sicula Palinurus unda.
 Vtcunque mecum vos eritis, libens
 Insanientem navita Bosporum
 Tentabo, et arentes arenas
 Litoris Assyrii viator.
 Visam Britannos hospitibus feros,
 Et laetum equino sanguine Concanum;
 Visam pharetratos Gelonos
 Et Scythicum inviolatus amnem.

30

35

Musarum tutelae se debere aſt. — *devota*, execrabilis, *neſaſto* ſcilicet *die* (ut ſupr. II. 13. l. 2. dicitur) *poſita et ſacrilega manu producta*. — *Palinurus*, tempeſtas, qua olim ad promontorium Palinurum oppreſſus et ad ſummum vitae diſcrimen adductus fui. *Palinurus* notum in ora Lucaniae prope Veliam promontorium, naufragiis inprimis, quae crebro ibi ad latentes ſcopulos fieri ſolebant, infame, ab Aeneae gubernatore, *Palinuro*, ita dictum. Virgil. Aen. VI. 381. *Sicula unda* latiore ſenſu pro mari Tyrrheno, cuius pars certe Siciliam praeterlabebatur. Ceterum huius periculi, cui Noster in mari expoſitus fuerit, nulla alibi fit mentio.

v. 29—36. In vestro comitatu periculosiſſima quaeque loca tam mar quam terra ſecuro animo adibo, nec ullius barbarae gentis ſaevitiam timebo. *Vtcunque*, quodocunque, dum; *inſanientem*, ob ventorum furorem, quo mare ibi concitari ſolet; — *Bosporum*, de Bosporo Thracio, navigantibus infeſtiſſimo, cf. ſupr. ad II. 13. 15. *tentabo*, graviter pro adibo; *tentare* enim eleganter dicuntur, qui res periculoſas cum audacia et fiducia quadam ſuſcipiunt; —

arentes arenas, arenosa deſerta. *Lit. Aſſ. viator* h. e. iter pedestre faciens per arenarum acervos in Syria; *litus* enim iam, ut Graecorum *λίω*, de arenarum cumulis, ſive coacervata arenae copia; vid. Boettig. et Mitsch. ad h. l. *Assyrii* pro *Syrii*, ut ſaepe. Designari autem a Nostro putant *Syriae Palmyrenae ſolitudo*nes, de quibus vid. Plin. V. 24. 25. — *Britan. hospit. feros*, nam ſi verum eſt, quod Acron ad h. l. obſervat, Britanni immolare ſolebant hoſpites. — *laet. equ. sangu. Concan.* de hoc barbaro more, quo Concani, Cantabriae in Hispania Tarraconenſi populus, ſanguinis equini potu delectati eſſe dicuntur, nihil quidem aliunde conſtat; ſed cum Scythae, quibuſcum multa teſte Strabone III. p. 165. communia habuere Cantabri, ſecundum Virg. Georg. III. 464. *lac coactum cum ſanguine equino* potaverint, vel inde, quod Noster de Concanis memorat, admodum fit probabile. *Gelonos*, gentem Sarmaticam, amnem Boryſthenem accolentes, *pharetratos*, ſimiliter ad eorum feritatem designandam Virgilio Aen. VIII. 725. dicuntur *sagittiferi*. — *Scythicum amnem*, h. e. Tanaim, pro Scythia, eius accolis.

HOR. TOM. I.

N

Vos Caesarem altum, militia simul
 Fessas cohortes abdidit oppidis,
 Finire quaerentem labores,
 Pierio recreatis antro :
 Vos lene consilium et datis, et dato
 Gaudetis almae. Scimus ut impios
 Titanas immanemque turmam
 Fulmine sustulerit caduco,

40

v. 37—42. In vestro, O Musae, consortio Augusti quoque animus ex finiti belli laboribus reficitur; h. e. Augustus perfunctus belli laboribus animi recreandi causa litterarum studia tractat. De opera in litterarum studiis ab Augusto posita testis est Suetonius Oct. c. 84. 85. *altum*, longe super alios elatum, excelsum; Ovid. ex Pont. II. 3. 63. *oppidis* sc. coloniarum, quae praemii loco post bellum assignari solebant militibus; eleganter autem emeriti milites *oppidis abdi* dicuntur, quod ibi militiae officii liberi adeoque a publica quasi luce remoti in otio delitescunt; similiter infr. Epist. I. 4. 5. gladiator rude donatus *agro obditus latere* dicitur; nec dissimili ratione apud Ciceronem Arch. 6. *litteris se abdere* dicuntur, qui fugientes quasi lucem publicam, in umbra et otio litteris tantum sibi vivunt. — *Pierio antro*, quem Musae amant, et artibus suis erudiant, is una cum iis in amoenis recessibus (qualis inter alios Musis fuit in Antro quodam Pieriae, montis in Macedonia) versari et earum caotibus dalectari fingitur. *lene consilium*, respicitur clementia, qua post bella civilia inprimis prudenter Augustum potentiam suam temperasse constat. — *gaudetis*, dum Augustum studiose

quae datis ei consilia, exsequi videtis.

v. 42—48. Sententiarum nexu fere hic: Qui a Musis alieni sunt, insolentius se gerere et mitiora consilia spernere solent: satis enim constat (*scimus ut*) quam graviter impia Titaeum ausa ultus sit Iupiter, cett. Comparat cum h. I. Piodarum Pyth. VIII. de poenis, quae temeritatem et insolentiam maneant, pariter Gigantum exemplo usum; ioprimis autem huc pertinet Pind. Pyth. I. 25. Ceterum, quod Illustrissimus Hecynius in Not. ad Apollod. p. 67. observat, geminam de Titaeum et Gigantum pugna fabulam seriores inprimis potestas, ob magnam, quae inter utramque intercedit, similitudinem ita inter se confudisse, ut paene in unam conflueret, id in permixtis Titanum Gigantumque nominibus hic quoque tenendum est. *impios*, impio ausu contra deos adeo assurgentes; *immanem*, immani corporum mole se iactantem; *caduco*, decidente, de iacto, ut supr. lib. II. 43. 44. *lignum caducum*. — pro *caduco* praeter omnem quidem necessitatem et vet. Libb. auctoritatem, sed admodum ingeniose et praelare ad rei imaginem tantabat Bentleius *corusco*, proterve et indecenter hoc nomine a recentiore quodam Horatii editore derisus. —

Qui terram inertem, qui mare temperat 45
 Ventosum, et urbes, regnaque tristia,
 Divosque mortalesque turbas
 Imperio regit unus aequo.
 Magnum illa terrorem intulerat Iovi
 Fidens iuventus horrida brachiis, 50
 Fratresque tendentes opaco
 Pelion inposuisse Olympo.
 Sed quid Typhoeus, et validus Mimas,
 Aut quid minaci Porphyryon statu,

inertem, h. e. immobilem; similiter Noster terram *brutam* dixit supr. I. 34. 9. ubi conf. not. *regna tristia*, Tartara. *aequo*, miti et iusto.

v. 49—64. *terror. intul.* Supra II. 42. 7. unde *periculum Fulgens contremuit domus Saturni veteris. horrida*, refer ad externam Gigantum speciem, sive ad prodigiosa eorum corpora, multis brachiis horrentia; tribuuntur eolm iis vel centum, vel mille adeo manus (Ovid. *Past.* V. 37.) unde dicti sunt *πολυπῆχες, ἑκατόγχιπτες. fidens brachiis*, ut apud Homerum *Iliad.* XII. 435. *χίρσσι πεποιθότες. Fratresque*, Otus et Ephialtes, Aloidae, qui, ut Virgilius quoque *Georg.* I. 281. 2. de his *coniunctis fratribus* canit: *Ter sunt conati imponere Pelio Ossam Scilicet, atque Ossae frondem involvere Olympum*, cf. *Aen.* VI. 580. Adnumeratur autem nunc Otus et Ephialtes Gigantibus, quod his similia moliti sunt. Inter Gigantes Ephialtes quoque apparet apud Apollodor. I. 6. 2. — v. 53 seqq. *Sed quid Typhoeus celt.* Sed ne Gigantum quidem ferocissimi Typhoeus, Mimas, Porphyryon, Rheetus et Enceladus vim et potentiam Minervae, Vulcani, Iunonis et Apollinis sustinere potuerunt. *Ty-*

phoeus seu Typhon (horrendae figurae monstrum, vid. Hesiod. *Theog.* 824. Apollodor. I. 6. 3.), quem alii post Gigantomachiam demum a Iove, quem stolidè petierat, defectum, et, Sicilia ei imposita, perdomitum esse narrant, iam, uti apud Pindarum *Pyth.* VIII. 20. inter Gigantes apparet. *Mimas* inter Centauros quidem commemoratur apud Hesiod. *Scut. Herc.* v. 486. sed idem inter Gigantes quoque occurrit apud Euripid. *Ion.* 215. cf. Claud. *Rapt. Proserp.* III. 347. *Porphyryon*, Gigas, terribili forma et saevitia inter ceteros princeps, unde Pindarus l. l. v. 22. *Βασιλεύς Γυγάντων* appellatur; *minaci statu*, terribili, quo ad pugnam procedebat, gradu; *status* in re gladiatoria de gradu, vel eo pedes sistendi modo, quo quis in pugna se adversario opponit; *minaci* refer ad terribilem vastissimi, quoniam Porphyryon imminet, corporis aspectum. *Rheetus*, cf. *sopr.* ad II. 49. 23. *Enceladus*, diversus quidem a Typhoeo, sed cui pariter, ut illi, in pugna contra deos Sicilia sive Aetna superiniecta esse fingitur; Virg. *Aen.* III. 578. Quint. *Calab.* XIV. 582. Laus vero de hoc monstro devicto tribuitur Minervae; vid. Apollod. I.

Quid Rhoetus, evolsisque truncis 55
 Enceladus iaculator audax,
 Contra sonantem Palladis aegida
 Possent ruentes? Hinc avidus stetit
 Volcanus, hinc matrona Iuno, et,
 Nunquam humeris positurus arcum,⁶⁰
 Qui rore puro Castaliae lavit
 Crines solutos, qui Lyciae tenet
 Dumeta natalemque silvam,
 Delius et Patareus Apollo.
 Vis consili expers mole ruit sua: 65
 Vim temperatam Di quoque provehunt
 In maius, idem odere vires
 Omne nefas animo moventes.

6. 2. Eurip. Herc. Fur. 908. *evols.*
truncis iacul. audax, Cl. Mitsch. ex-
 plicat: s truncos arborum radicitus
evolsos ad caelum audacter iaculans, s
 quod paulo durius mihi videtur; im-
 mlium equidem iungere *audax evolsis*
truncis h. e. ferox novo telorum suo-
 rum genere, evulsis nempe arborum
 truncis. *sonantem aegida*, h. e.
 clypeum, cuius ipso sonitu terrorem
 incutiebat Minerva. *possent*, effi-
 cereut, valerent. *avidus* sc. pugnae;
 Aeneas quoque apud Virg. Aen. XII.
 430. pugnandi cupiditate flagrans
avidus pugnae dicitur. *matrona*, ad
 Iunonis digonitatem refer. *Qui rore*
 cett. iam Apollinem, ut eius laudem,
 sicut Iovis v. 45—48, amplificet, a
 locis, quibus ille praeerat, vel ubi
 praesens numen suum declarabat
 uberius, ut solent poet. ae, designat.
 i.—*Castal.* *Castalia*, fons in Parnassi
 fugo, Apollini sacer; fit autem huius
 ontis, ubi ut pulcer juvenis pro-
 missos crines lavisse dicitur, ideo
 inprimis mentio, ut simul cum Mu-

sarum praesidem celebret; similiter
 Apollo infr. IV. 6. 26. *amne Naxtho*
crines lavisse fingitur. *Lyciae dumeta*,
 intellige Pataram, oppidum Lyciae
 (unde statim ille *Patareus*), ubi Apollo,
 ut observat Servius ad Virgil. Aen.
 IV. 144. sex hiemalibus mensibus
 commorari solebat, uti sex mensibus
 aestivis in insula Delo, quae per *sil-*
vam natalem designatur, unde *Delius*.
 — Per *dumeta* autem intellige re-
 gionem saltuosam. Ceterum cum h.
 l. opportune comparant Pind. Pyth.
 I. 74.

v. 65—68. *Vis consil. exp. mol.*
ru. sua. Comparant in hanc senten-
 tiam Eurip. ap. Stoh. Floril. Grot. p.
 207. Πῶμιν ἀμαθὲς πολλὰν τῆς
 βλάβην. et Pindar Pyth. VIII. 19.
 Βία δὲ καὶ μεγάλουχον ἰσχυρὰ ἐν
 χρόνῳ. *temperatam* sc. coosilio.—
idem odere vires; Cl. Mitscherlichius
 comparat Eurip. Hel. 909. μὴ γὰρ
 εὖ Διὸς τὴν βίαν. cf. eundem Orest.
 705. *vires omne nef. anim. mov. h.*
 eos, qui vires haud consilio tem-

Testis mearum centimanus Gyges	
Sententiarum, notus et integrae	70
Tentator Orion Dianae	
Virginea domitus sagitta.	
Iniecta monstris Terra dolet suis,	
Maeretque partus fulmine luridum	
Missos ad Orcum: nec peredit	75
Inpositam celer ignis Aetnen;	
Incontinentis nec Tityi iecur	
Relinquit ales, nequitiae additus	
Custos: amatorem trecentae	
Pirithoum cohibent catenae.	80

perant, sed temere iis confisi nefanda quaevis moliantur.

v. 69—80. Sensus: Vera esse, quae dixi, probant exempla eorum, qui iam olim stolidae temeritatis et impiorum ausorum poenas dederunt, ut Gyges, Orion, Tityus et Pirithous. *mearum sententiarum* pro vulgari: eorum, quae dixit, et monui. — *Gyges*, centimanus, Caeli et Terrae filius, qui cum fratribus suis *Cotto* et *Briareo* a patre in Tartara detrusus, et inde a Iove reductus ei in perdomandis Titanibus auxilio adfuisse perhibetur (vid. Hesiod. Theog. 617 seqq.) iam, ut *Briareus* apud Virg. Aen. X. 565 seqq. cum Gigantibus permiscetur; cf. supr. ad v. 43 seqq. *Orion*, uotus venator (vid. supr. II. 43. 39.) qui, cum libidinose sollicitasset Dianae pudicitiam, ab ea sagittis confossus esse dicitur; vid. *Hygin.* Fab. 495. et *Heyn.* Not. ad Apollodor. p. 53. — *notus*, famosus. *tentator*, ut *tentare* (Graecis *ἡρπάζειν*, vid. *Hemsterhus.* ad Lucian. Dial. D. 6. T. I. p. 217.) de eo, qui pudicitiam puellis

eripere tentat. *iniecta monstris suis*, superiniecta monstrosis suis filiis; *partus*, eos, quos peperit; quod voces antecedentes *monstris suis* magis explicat; *luridum* perpetuum rerum infernarum epitheton; *nec peredit*, *imposit.* *ignis Aetnen* h. e. nec ignis (quem vel Typhoeus vel Enceladus ex Aetnae cavernis evomere credebatur) consumere valet Aetnen ei impositam, pro vulgari: nec unquam e locis, ad quae detrusi acclerum suorum poenas luunt, se expedire vel liberari possunt. *Tityi*, cf. supr. ad II. 14. 8. *incontinentis*, a turpi libidine haud se temperantis. *ales*, *nequitiae addit.* *ovis*, vultur, cui id datum est negotii, ut tanquam appositus custos admodum adsit Tityo, et eius iecur exedendo perpetratae nequitiae poenas ab eo exigat. *Pirithoum*, Ixionis filium, quem una eum Theseo ad inferos Proserpinae inde rapiendae causa descendisse, et ibi, ut temeritatis suae poenam exsolveret, a Plutone saxis alligatum esse narrat; vid. Apollodor. II. 5. 12. et ibi *Heyn.* cf. Diod. Sic. IV. 63.

CARMEN V.

Caelo tonantem credidimus Iovem
Regnare : praesens Divus habebitur

CARMEN V.

Laud Augusti, in qua extollenda hoc quoque carmen versatur, iam ea inprimis, quae V. C. DCCXXXIV. sub eius imperio facta sunt, complectitur. Illo anno scilicet Phraates, rex Parthorum, solo rumore, se bello ab Augusto petiitum iri, ita perterritus esse traditur, ut ad gratiam apud Augustum inendam captivos et signa militaria (quae Crasso et Antonio ducibus perdidierant Romani) iam saepius frustra repetita, nunc sponte remitteret. Quod cum Augusto esset gloriosissimum, et pro insigni de Partibus victoria tam ab ipso, quam ab omnibus Romanis haberetur, vid. Dio LIV. 8. Horatius Augustum, tanquam praesentem Romanae gentis deum, qui iam tum graves Persas imperio adiecerit, in hoc carmine celebrat. Iam vero cum simul Britannorum imperio adiectorum mentionem faciat, in eundem annum incidere videtur, quod de Britannia, iam tum maximam partem per dynastarum quorundam studia Romanorum imperio adiecta, scribit Strabo IV. p. 438. οὕτως αὐτὸν παριστάσαν τοῖς Ρωμαίοις εἶναι τὴν νῆσον, totam enim insulam sub Claudio demum in Romanae provinciae formam redactam esse satis constat. — Vnde ornatum et gravitatem carmini suo peteret, non longe circumspicendum fuit poëtae. Graviter enim, quod ipsius rei ferebat narratio, pudendam istam

militum Romanorum ignaviam et impietatem in patriam, qua non eripi sibi solum passi essent signa militaria, sed coniugio adeo in captivitate apud Parthos se iunxissent cum mulieribus barbaris, carpenti et abominanti sponte ea, quae Regulus olim de captivis iudicaverat, succurrere debebant. Itaque ut Reguli de captivis iudicium eo attentius ex ipsius quasi ore audiat, sistit cum in consilio senatus Romani praesentem, et ea ipsa, quae missus a Carthaginiensibus contra eos suasie dicitur, verbis gravissimis pronunciantem; quo nihil ad animos priscoe virtutis et patriae amore inflammandos fingi et adhiberi a Nostro potuit efficacius.

v. 1—4. Caelo tonantem cett. Sensus: Quemadmodum credere soleamus, Iovem regnare in caelo, quod ibi movet tonitrua; ita nunc Augustus, quod potentia sua Britannos et Persas Romanorum imperio adiecit, tanquam praesens deus regnum suum in terris habere credetur. — De eo, quod Noster ad Augusti maiestatem et potentiam magnifice extollendam bipartitum quasi ei cum Iove regnum, huic quidem in caelo, illi in terris assignat, cf. supr. I. 12. 57. 8. et ibi not. credidimus, ἀπλότως, pro credere solemus. — tonantem, per tonitrua enim regnum suum declarare putabatur Iupiter; hinc supr. Noster I. 1. Tu gravi curru quaties Olympum, pro vulgari: tu regnabis in caelo; praesens Div ut

Augustus, adiectis Britannis
Imperio, gravibusque Persis.

Milesne Crassi coniuge barbara

5

Turpis maritus vixit? et hostium—

Pro Curia, inversique mores!—

Consenuit socerorum in arvis,

Sub rege Medo, Marsus et Appulus,

Anciliorum et nominis et togae

10

qui se conspiciendum praebet in terris, qui praesentia sua in terris nummen suum declarat; opponitur enim Iovi in caelo regnanti. *adiectis Britann. imperio grav. Pers. rem auget, ut poeta; vid Argum. nam neque Britanni, neque graves Persae* (h. e. Parthi, Romano nomini infestissimi, cf. supr. l. 2. 22.) tum vere et plane in Romanorum potestatem redacti fuerant.

v. 5—12. Vix rem de remissis nunc a Phraate signis Romanorum militaribus et captivis tangere poterat poeta, quin etus animum simul de ignominia ista Romanae gloriae inde illata subiret indignatio. Huic igitur primum morem gerit, et postquam gravius in eos, quorum ignavia tam turpiter contaminata sit vetus Romanorum gloria, inveetus est, opportune in rem suam illustre Reguli exemplum tractat. — Haec omnia autem quo magis ad antiquae virtutis studium excitandum spectant, eo suavius Augustum, cuius gratiam satis aperte poeta in hoc carmine captat, delectare debebant. *Mil. Crassi coniuge barb. turpis mar. vixit?* Hocine a se impetrare potuerunt milites Crassi, ut in captivitate apud Parthos patriae suae plane obliiti ignominiosum cum feminis barbaris iocirent coniugium? Interpretes im-

gunt: *maritus barbara coniuge*, et explicant: *maritus barbarae coniugis*, vel ad *barbara coniuge* suppleunt ducta; neutrum fert Latinitas: iunge: *turpis coniuge barbara* h. e. infamis et ignominia affectus barbara coniuge; sic supr. l. 37. 10. viri foedo morbo infames dicuntur: *viri morbo turpes*. — *vixit*, observa huius verbi vim pro: vivere potuit, nec mortem potius eiusmodi vitae ignominiosae praetulit? *Pro Curia invers. mor.* Ah quam turpiter antiqua Senatus Romani auctoritas et antiquus Romanae virtutis honor pollutus est! — Cui non in mentem venit illud Ciceronis: *O tempora, O mores!* — *Consen. soc. in arvis*, en dedecus militis Romani, apud gentem barbaram in bono otio agrorum dotilium cultui, ut omnem vitam ibi consumat, intenti! *Medo, Parthico.* *Marsus et Appulus*, ergo ii adeo milites, quorum fortitudinis laus apud exercitum Romanum alias fuit maxima; hoc nomine supr. II. 20. 18. laudatur *Marsa cohors*; et Virgil. Georg. II. 467. *Marsos genus acre virum* vocat. *anciliorum*, h. e. imperii, quod *ancilia* aeternitatis suae pignora habet. t; e duodecim autem illis scutis, quae a Graeca voce ἀνέχλοσ ob incurvatam et sinuatam eorum formam dicta sunt

Oblitus, aeternaeque Vestae,
 Incolumi Iove, et urbe Roma?
 Hoc caverat mens provida Reguli,
 Dissidentis conditionibus
 Foedis, et exemplo trahenti
 Perniciem veniens in aevum,

45

anelyia, nnum inprimis, quod Numa ab Egeria sibi missum esse finxerat, ideo a Romanis religiosissime cultum esse constat, quod, ubi illud esset, ibi summa imperii fure putabatur.—*rogae*, quam antea ut Romanus, tanquam Romanae dignitatis et libertatis insigne, gesserat. *Incolum.* *Iove et urbe Rom.* praecipue cum sub Iovis tutela Capitolinum et urbs incolumitate sua adhuc gaudeat; — per *Iovem* designatur Iupiter Capitolinus, et is pro ipso *Capitolio* dictus est.

v. 43—24. *Hoc caverat mens prov. Reg.* cett. Sensus et nexus: Eiusmodi dedecus (hoc) quod nempe reductis in patriam ignavis militibus admittitur, prudenter olim averterat Regulus, dum captivos neutiquam in patriae damnum redimendos, sed sine omni miseratione hosti relinquendos esse censuit. — Rem notam de Regulo Cic. Offic. I. 43. breviter narrat sic: *Regulus primo bello Punico captus a Poenis cum de captivis commutandis Roman missus esset, iurassetque se rediturum; primum ut venit, captivos reddendos in senatu non censuit: deinde cum retineretur a propinquis et amicis, ad supplicium redire maluit, quam fidem hosti datam fallere.* Quod ad comparationem captivorum nunc sponte a Phraate remissorum cum iis, quorum vel commutandorum vel redimendorum causa Romam a Carthaginiensibus

missus fuerat Regulus, attinet, fuit quidem non una eademque utrorumque conditio, sed una eademque causa, qua iustam utrique contra se moverant indignationem. Neutri enim ut homines ignavi turpem captivitatem honestae morti, sed ut viri fortes honestam mortem turpi captivitati praefere debuerant. *Hos*, ne hoc fieret, scilicet ne pudendae ignaviae milites reducerentur in patriam. *mens provida Reguli*, prudens consilium Reguli, providentis nempe, quam perniciosa futura sit reipublicae ignavrum militum redemptio. *Dissent. condit. foed. et exempl.* cett. dum foedas de redimendis captivis conditiones dissuadebat, easque, tanquam exemplum, vim perniciosam apud posteros habiturum, reiiciendas esse censebat. *foedis.* aequiores quoque illas conditiones, quas de captivis vel commutandis vel redimendis Carthaginiensium nomine nunc ferebat Regulus, ideo vocat *foedus*, quod omnes, qui non mortem captivitati praetulerint, foedae ignaviae milites habet, et proinde quasque de his redimendis latas conditiones, ut rem foedam et pessimi exempli, damnat. — Sed ne forte Regulum foedae istius captivitatis, de qua sermo est, consortem ita loqui et suadere mireris, imperatoris fortunam non a sola ipsius, sed a communi militum virtute pendere, cogita. Nam si fortissimum du-

Si non periret in miserabilis
 Captiva pubes. Signa ego Punicis
 Adfixa delubris, et arma
 Militibus sine caede, dixit, 20
 Derepta vidi: vidi ego civium
 Retorta tergo brachia libero:
 Portasque non clusas, et arva
 Marte coli populata nostro.
 Auro repensus scilicet acrior 25
 Miles redibit. Flagitio additis
 Damnum. Neque amissos colores
 Lana refert medicata fuco,

cem Regulum secuti fuissent milites, quis eum non una eum illis in media hostium agmina irrupturum, et honestam pro patria mortem longe foedae captivitati antepositurum fuisse sibi non persuadeat? *Si non periret*, si redimeretur, nec potius *periret*, h. e. repudiata eorum redemptione hostium arbitrio relinqueretur. — *Signa et arma adfixa delubris*, veteres enim, ut satis constat, spolia hostium ut *advixata* in templorum fastigiis suspendere solebant. *sine caede*, graviter de militibus ignavis, qui nec hostem caedunt, nec ab eo caeduntur, sed sine caede statim hosti se dedunt. *civium tergo libero*, pro vulgari: tergo liberorum civium; quod autem Regulus se liberos cives Romanos manibus in tergum revinctis vidisse ait, id eum contumeliosissimum haberetur, ad Romanorum animos exacerbandos egregie accommodatum est. *Portasque non clusas. et arv. col.* Vulgarem sententiam: s et Carthaginenses, nihil Romanos curantes, in summa securitate vivere, s suavi securitatis imagine adumbravit; ubi e-

nim urbis alicuius incolae hostem non timent, ibi apertis portis libere et secure agris colendis operam dare solent. *populata Marte nostro*, Regulus enim ante ignominiosam illam eladem, quam militum suorum ignavia accepit, splendide Carthaginenses vicerat, et eorum agros usque ad Carthaginis fere muros depopulatus fuerat.

v. 25—36. *scilicet*, eleganter hae particula nituntur, qui, quod ita esse, vel futurum esse, vel fieri omnino posse negant, cum sarcasmo quodam adfirmant. *auro repensus*, exquisitius pro auro appenso redemptus. — *Flagitio additis damnum* h. e. flagitium ab ignavis militibus in patriam commissum augebitis damno, si eos redimitis; *damnum* autem tam in redemptionis pretio, quod perdat, quam in timenda ab hoc pravo exemplo antiquae virtutis corruptela ponendum est. *Neque amiss. col. Lana ref. med. fue.* Nec cett. Vulgarem sententiam: s Quomodo lanac tinetae non restitui potest pristinus color vel candor, ita nec virtus in animum semel corruptum redit;

Nec vera virtus, quum semel excidit,
Curat reponi deterioribus.

30

Si pugnat extricata densis

Cerva plagis: erit ille fortis,
Qui perfidis se credidit hostibus;

Et Marte Poenos proteret altero,

Qui lora restrictis lacertis

35

Sensit iners, timuitque mortem.

Hic, unde vitam sumeret, inscius,

Pacem duello miscuit. O pudor!

O magna Carthago, probrosis

Altior Italiae ruinis!

40

vel brevis: non elui potest ex animo vitium, quo semel ille imbutus vel infectus est, & egregie poetâ exornavit. *medicare*, ut *παράσσειν* apud Graecos, passim pro tingere, inficere; sic *medicatum vellus ahenis* apud Ovid. Rem. Arn.

707. *fuc.*) *fucus* (φύκος) herba marina, cuius succo lana, purpura tingenda, primum imbui (nos: *gegründet zu werden*) solebat, ut sic tam accipiendo quam firmiter tenendo color purpureo praepararetur; vid. Böttig. ad h. l. et quos laudat Gem. ad Quint. p. 634. et Beckmanni *Beyträge zur Geschichte der Erfind.* T. I. p. 336 seqq. *refert*, denuo ostendit, recipit. *amissos colores*, candorem puta. *curat reponi deterior*, redire cupit in pectora eorum, qui deteriores facti sunt; sententia: Qui semel a verae virtutis studio recesserunt, et ignavia se corrumpi passi sunt, li nunquam ad bonam frugem se recipient, sed pro perditis habendi sunt. *curat reponi*, pro vulgari: se reponi patitur. *Si pugnat extricata* cett. Sensus: Si fieri

potest, ut cerva retibus expedita timiditatem suam deponat, et forte animal evadat; tum fieri quoque posse crediderim, ut milites nostri ignavi, qui se capi et vinciri passi sunt ab hostibus, evadant viri fortes, et novo praelio Carthaginienses vincant. *se credidit hostibus* sc. deditione. *restrictis*, retortis (cf. v. 22.) et in tergum vinctis. *iners*, de homine lenti animi, qui contumelia non afficitur.

v. 37—40. *Hic, unde vit. sum. inscius*, ignavus iste, qui omnem salutis spem in sola virtute et armis ponendam esse haud didicerat. — Romanus enim miles sentire debebat, ut Aeneas apud Virg. Aen. II. 353. 4. *Moriamur, et in media arma ruamus; Vna salus victis, nullam sperare salutem. Pacem duello miscuit*, dum iste, ubi pugnare debebat, de vita sibi condonanda cum hoste egit. *probr. alt. Ital. ruin.* quae dum imperium Romanum probrosa militum ignavia destruitur, eo altius caput suum extollit.

Fertur pudicae coniugis osculum,
 Parvosque natos, ut capitis minor,
 Ab se removisse, et virilem
 Torvus humi posuisse voltum:
 Donec labantes consilio patres
 Firmaret auctor numquam alias dato,
 Interque maerentes amicos
 Egregius properaret exsul.
 Atqui sciebat, quae sibi barbarus
 Tortor pararet: non aliter tamen
 Dimovit obstantes propinquos,
 Et populum reditus morantem,

45

50

v. 41—48. *ut capitis minor*, ut homo, qui captivitate non solum liberi civis iura amisisset, sed servus adeo factus esset; dicebantur eiusmodi homines *deinudi capite* (vid. Liv. XXII. 60. ubi Manlius captivos, ut redimerentur, ab Hannibale missos, ut *deinudos capitis, abalienatos iure civium et servos Carthaginiensium*, haud redimendos esse censet) et ipsa eorum conditio *capitis deinutio*, quae fuit triplex, *maxima* quidem, ut Reguli nostri *capitis deinutio*, cum cives captivitate vel alio modo non solum civitatem et libertatem perderent, sed adeo servi fierent; *minor* vel *media*, cum civium tantum ius amitterent; *minima*, cum, pristinae familiae iure amisso, adoptione in aliam transirent; *ab se removisse*, ne ut servilis conditionis homines quasi contaminaret osculando vel contingendo. *viril. torv. humi pos. vult.* en praecellaram magni Romani imaginem! Regulus, ipse captivus, ne captivi redimantur, Senatui Romano auctor, cum senatores de capiendis consilio fluctare et cunctari videt,

generosius indignatur, et hanc indignationem iam non verbis, quod eum decebat, sed vultu humi deicere viriliter prodiit! *numquam alias dato*, quale nullus unquam in manu ipsius perniciem tam generoso animo dedit. *egregius* h. e. egregii et singularis exempli.

v. 49—56. *Atqui sciebat. quae sibi barb. tort. par.* Cic. Offic. III. 27. *Nec vero ignorabat, se ad crudelissimum hostem, et ad exquisita supplicia proficisci.* Respicit scilicet Noster crudelissima illa supplicia et tormenta, quibus Regulus, cum Carthaginem reversus esset, affectus et necatus esse traditur; quorum descriptionem lege apud Sil. Ital. VI. 539 seqq. — Existere autem post *Palmerium* in *Exercit. ad App.* (cf. edit. *Schweigh.* Vol. III. pag. 392.) plures, qui vulgarem de Reguli suppliciis narrationem in dubitationem vocarent, et totam rem ad invidiam contra Romanos augendam confictam esse contenderent; vide inprimis, quae nuperime docte et copiose de hac re disputavit Cl. *Ruperti* ad Sil. Ital. I.

Quam si clientum longa negotia
 Diudicata lite relinqueret,
 Tendens Venafranos in agros,
 Aut Lacedaemonium Tarentum.

55

CARMEN VI

AD ROMANOS.

Delicta maiorum inmeritus lues,
 Romane, donec templa refeceris,

l. p. 395 seqq. *Quam si client.* cett. quam si, ut causarum aliquis patronus, causa tandem, quam non sine magna molestia pro clientibus suis defendendam susceperat, diudicata, animi sui reficiendi causa in amoenissimam quandam regionem rusticatum iret. *longa* et proinde eo molestiora et maiore cum taedio coniuncta. *Venafran. in agros*, in Campania sitos, pro quaque alia amoeniore regione. *Lacedaem. Tarent.* cf. sup. II. 6. 44. 42.

CARMEN VI.

Ad licentiores, quibus tum temporis praecipites in perniciem agi coeperant Romani, mores, pertinebat imprimis deorum contemptus et vltia libidinosisior. Ab hac igitur perniciosissima morum corruptela dum populares suos avocare studet in hoc carmine posita, primum deos, quorum cultum adhuc neglexerint, non solum variarum, quas iam experti sint, calamitatum auctores fuisse, sed eosdem multo graviora mala, nisi refectis eorum templis ad pristinum pietatis exercitium redierint,

his immissuros esse ostendit: deinde, ut flagitiorum, quibus libere nunc polluantur, turpitudinem iis ante oculos ponat, tam inhonestas, quibus puellae a tenera inde aetate ad libidinem iuvenes pellicere soleant, artes, quam infamia, quae licentius nunc a nuptiis admittantur, describit adulteris; denique ut cum pudore intelligant, quantum a maiorum suorum indole et virtutibus degeneraverint, breviter, quales illi nati et educati fuerint, commemorat. — Augusti quidem in toto hoc carmine nulla facta est mentio, sed cum illud eo ipso tempore scriptum esse videatur, quo Augustus ad deorum cultum, qui tum frigeat, in civium animis refovendum aedes sacras, ut scribit Sueton. Aug. c. 30. *vetustate collapsas, aut incendio absumptas refecit*, et ad compescendam liberae Veneris licentiam legem *Iuliam de adulteris* et legem *Papiam Poppaeam de maritandis ordinibus* cett. dedit; Horatium, ut in aliis carminibus Augusti virtutem *bellicam*, ita in hoc virtutem eius *civilem* celebrare voluisse haud improbabile est.

v. 4—4. *Delicta maiorum*, ab im-

Aedesque labentes Deorum, et
 Foeda nigro simulacra fumo.
 Dis te minorem quod geris, imperas :
 Hinc omne principium, huc refer exitum.
 Di multa neglecti dederunt
 Hesperiae mala luctuosae.
 Iam bis Monaeses et Pacori manus
 Non auspicatos contudit inpetus

5

10

piis patribus, in bellis civilibus in-
 primis, contra deos et patriam per-
 petrata. *inmeritus* h. e. innocens,
 integer; nam *Diapiter neglectus*, ut
 supr. 2. 30. dicitur, *saepe incesto ad-*
didit integrum. ubi cf. not. et supr.
 I. 28. 30. *aedes deorum*, intellige
 delubra, quae passim cum templis
 coniungi solent. *labentes*, prae
 vetustate deidentes et ruinam mi-
 nantes, quoniam earum reficienda-
 rum nulla adhuc habita fuerat ratio.
 — *foeda nigro fum.* foede inquinata
 et decolorata fumo, sc. quem flamma
 thuris, quod in templis adolebatur,
 sursum mittebat; ritus igitur ille,
 quodeorum simulacra statim quotannis
 die lavari solebant, intermissus fue-
 rat; de quo *Spanhemius* ad *Callima-*
chi Inscript. Hymn. in Lavaer. Pall.
erudite more suo disputat.

v. 5—8. *Dis te min. qu. ger. imp.*
 nam tum deum, cum deorum po-
 tentiae te submittis, h. e. deos pia
 colis, firmum, quod tenes, erit im-
 perium; sententia gravissima! in
 quam *Cic. de Harusp. Resp. 9. Pietate*
ac religione, atque hac una sapientia,
qua Deorum immortalium numine om-
nia regi gubernarique perspeximus,
omnes gentes nationesque superavimus.
 et *Camillus* apud *Liv. V. 51. Intue-*
mini horum deinceps annorum vel se-
cundas res, vel adversas; invenietis

omnia prospero evenisse sequentibus
deos, adversa spernentibus. *Hinc*
omne princip. huc ref. exit. in omni-
 bus rebus tam auspiciendis quam
 perficiendis deorum habenda est ra-
 tio. *refer per xugma proximo*
nomini exitum accommodatum est,
ad principium supple: repete. ne-
glecti, cf. supr. 2. 30.

v. 9—12. *Iam bis Monaes. et Pa-*
cori man. cett. bis nempe Romani a
 Parthis fusi sunt; primum quidem,
 duce Crasso, quem maiore exercitus
 Romani parte interemta (vid. *Vell.*
Pat. II. 46.) vicit dux Orodis, *Mo-*
naeses, qui vulgo ab historicorum
 scriptoribus *Surena* appellatur; fuit
 scilicet *Surena*, ut recte hanc diffi-
 cultatem historicam iam expedierunt
Interpp., titulus, quo summus dux
 apud Parthos insigniri solebat; dein-
 de, duce Antonio, cuius exercitus,
 postquam eius legatus *Didius Saxa* a
 Pacoro, regis Orodis filio fortissimo,
 antea victus fuerat; vid. *Dio XLVIII.*
 24 seqq. sub ipsius deinceps imperio
 paene deletus est; vid. *Dio XLIX.*
 24 seqq. *Non auspic. cont. inpet.*
 temeritatem nostram, qua inauspicato
 et praeter deorum voluntatem *Par-*
thos aggredi ausi sumus, graviter
 ulta est; *inauspiciatos*, Crasso certe
 multa prodigia, quae funestas huius
 belli clades portenderent, oblata esse

Nostros, et adiecisse praedam
 Torquibus exiguis renidet.
 Paene occupatam seditionibus
 Delevit Urbem Dacus et Aethiops :
 Hic classe formidatus, ille 15
 Missilibus melior sagittis.
 Fecunda culpa saecula nuptias
 Primum inquinavere, et genus, et domos :
 Hoc fonte derivata clades
 In patriam populumque fluxit. 20

dicuntur; vid. Val. Max. I. 6. 2. Flor. III. 2. et *adiec. praed. torqu. exig.* *renidet*, et Parthus suum sui voluntatem, quod praedam Romanis destructam exiguis torquibus suis adiecit, laeto risu declarat; per *praedam* intellige torques simpliciores et pretiosiores, quales Romanos, equites imprimis, gestasse constat; conf. Sil. Ital. XV. 256. *renid.* verbum *revidere* hominis suaviter ridendo os deducantis speciem bene pingit; cf. ad Catull. XXXIX. 2.

v. 13—16. *seditionibus*, bellis domesticis. *Dacus*, refer ad bellum, quod Romano imperio, ad se et Cleopatram transferendo, paravit Antonius; in eius exercitu enim fuerunt, quos sibi adiunserat (vid. Dio LI. 22.) *Daci*, gens bellicosissima et Romania infestissima; cf. supr. l. 35. 9.—*Aethiops*, per Aethiopes (licet ad Aethiopiae quoque proprie sic dictae terminos potestatem suam prorogavisset Antonius; vid. Plutarch. in vit. Anton. pag. 945.) iam designantur Aegyptii, quod satis docent verba sequentia: *Hic classe formidatus*, h. e. timendus horrendae magnitudinis classe illa, quam contra Romanos Cleopatram instruxisse constat; conf.

Virg. Aen. VIII. 688 seqq. *melior*, exercitior, praestantior.

v. 17—20. Notat et perstringit nunc poeta libidinosam Romanorum vitam, ad quam perstringendam periculi, a flagitiosa Antonii et Cleopatrae consuetudine Romano imperio imminenti, commemoratione commode sibi viam inuenerat. *Fecunda culpa saecula*, aetas nostra tanquam fecunda flagitiorum mater, h. e. flagitia, aetate nostra increbescunt; similiter *sacculum bonis artibus ferax* dixit Plinius Ep. IV. 45. 8.—*nuptias*, matrimoniorum iura et sanctitatem. *genus*, h. e. liberos, qui quod parentes vitia sua iis inserunt, *inquinari* dicuntur; in sententiam, vitia parentum in liberos propagari, veterum scriptorum exempla congegit ad h. l. *Mitoch.* *domos*, familiarum propaginem, nepotes. Sic *domus Asaruci* apud Virgil. Aen. I. 284. de eius propagine, Romanis.—*in patriam populumque*, pro vulgari: in salutem cum publicam, tum privatam; sic *Bentlei*, de otiosa eiusdem notionis repetitione solliciti, correctio: *Inque patres populumque* haud necessaria est. *derivata fluxit* elegantius pro vulgari: *derivata est*.

Motus doceri gaudet Ionicos
 Matura virgo, et fingitur artibus :
 Iam nunc et incestos amores
 De tenero meditatur ungui.
 Mox iuniores quaerit adulteros
 Inter mariti vina : neque eligit,
 Cui donet inpermissa raptim
 Gaudia, luminibus remotis ;
 Sed iussa coram non sine conscio
 Surgit marito, seu vocat institor,

25

30

Ceterum de insigniter aucto apud Romanos moechorum numero queritur quoque Catullus Carm. CXIII.

v. 21—24. *Motus Ionicos*, b. e. lascivos. Iones enim cum ad vitam molliorem et libidinem procliviores essent, eorum protervi et ad libidinem excitandam compositi mores in proverbium abierunt; hinc *ιωτική ὀρχήσις*, b. e. lasciva saltatio, apud Athen. I. 49. p. 22. et *δισκοντιών ιωνικῶς* apud Aristoph. Concion. 943. et Thesmoph. 470. ubi Scholiast. τὸ *ιωτικῶς* explicat *ἄβρως, τρυφερώς*. — *doceri* sc. a pantomimis, histrionibus, vel *lateris artificibus*, ut eiusmodi nequitiae magistros appellat Ovid. Art. Am. III. 354. ubi vid. *Burm.* *gaudet*, vi libidinis nempe a parentibus insitae stimulante. — *fingitur artibus*, se componit ad eas artes, quibus libidinosos ad libidinis fructus apud se capiendos pelliciat. *artibus* est casus tertius. — *de tenero ungui*, *ἐξ ἀπαλῶν ὀνύχων*. Elegie ad rem Cl. Mitsch. cum Nostro comparat Epigramma Automedontis Anth. Graec. T. II. earm. 3. pag. 491. (edit. *Iacobz*.) ubi Asiatica saltatrix sic describitur: Τὴν ἀπὸ τῆς Ἀσίας ὀρχηστρίδα, τὴν χακατέχνοισ

Σχήματιν ἐξ ἀπαλῶν κινυμένην ὀνύχων, Αἰνέω, οὐχ ὅτι πάντα παθαίνεται, οὐδ' ὅτι βέλλει τὰς ἀπαλὰς ἀπαλῶς ὡς καὶ ὡς χέρας. conf. *Ani-mad. Iacobz*. Vol. II. P. II. p. 429.

v. 25—32. *Mox*, coniux nempe facta; *inter mariti vina*, incompotatione, cui maritus interest. *cui donet inperm. gaud.* qui furtim sui copiam faciat; *gaudia*, de libidinis fructu passim. *raptim*, raptim, ne maritus forte interveniat, commodo temporis momento utens. *luminibus remotis*, tenebrae enim alias furtivos amores celare solent. *coram non s. consc. mar.* coram convivis nec inscio marito; eiusmodi maritus apud Iuven. I. 55. *ad oalicem vigilantem stertere naso* dicitur. *institor*, cui a mercatore id datur negotii, ut merces ostiatim venales circumferat, mercatoris administer; iam vero cum temporibus liberae reipublicae ipsa mercatura honesto cive Romano indigna haberetur, nec nisi a faece plebis libertinisque exerceretur; mulier sane, institoris adeo libidini morem gerens, turpissimi flagitii culpam contrahere debebat; hinc Noster infr. Epod. XVII. 20. contumeliose de Cnidia: *Amata*

Seu navis Hispanae magister,
 Dedecorum pretiosus emtor.
 Non his iuventus orta parentibus
 Infecit aequor sanguine Punico,
 Pyrrhumque et ingentem cecidit 35
 Antiochum, Hannibalemque dirum:
 Sed rusticorum mascula militum
 Proles, Sabellis docta ligonibus
 Versare glebas, et severae 40
 Matris ad arbitrium recisos
 Portare fustes, sol ubi montium

multum navis et institutoribus. *Seu* *navis*. *Hispan. magister*, seu ipse mercator; ideoque sine omni discrimine, sive famulus, sive dominus se ei offerat adulterum; *magister navis* alias est navarchus, sed cum h. l. *institutori* opponatur, ipse dominus navis, naviculator vel mercator intelligendus est. *Hispanae*, pro quavis navi mercatoria; mercatores enim Romani in Hispania imprimis quaestum facere solebant. *dedecor. pret. emtor*, pretium pro turpi libidinis fructu solvens.

v. 33—44. Eiusmodi flagitiosis parentibus haud orta est olim illa pubes, quae in bello Punico primo mare Siculum Carthaginiensium sanguine infecit, et Pyrrhum, Antiochum, Hannibalemque vicit, sed prognata est ruri a robustis parentibus, qui tam mature duos in agris labores sustinere docuerunt ceteri. — *infeo. aequ. sangu. Punico*, tres nobilissimas illas pugnas navales respicit, quibus Carthaginienses in bello Punico primo a Romanis ad Aegates ducibus Duilio et Lutatio Catulo splendide victi sunt; cf. supr. II. 12. 3. *Pyrrhum*, Epirotarum regem, et

Tarentinorum socium, a Curio et Fabricio perdomitum. Flor. I. 48. *Antiochum*, regem Syriae, a Romanis, quos ab Hannibale sollicitatus bello petierat, primum mari duce Aemilio Regillo, deinde terra ab Acilio Glabrione et Corn. Scipione debellatum; *ingentem*, ad eius nominis et potentiae magnitudinem designandam. *Hannibalem dirum*, similiter infr. IV. 4. 42. Hannibal ob diras iras, quas contra Romanos conceperat, *dirus Afer* vocatur. *mascula*, robusta, valida. *vers. gleb. ligonibus*, ornate pro vulgari: fodere, quod Virgilius in loco illo de veteri Italiae disciplina anavissimo Aen. IX. 608. simili ornatu dixit *terram raris domare*. Opportune Cl. *Musch.* in *Analect.* ad Horat. p. 705. cum Nostro comparat Columell. de Re R. L. I. Praef. §. 47. *Sabellis*, h. e. Sabinis; apud Sabinos enim severa illa disciplina, de qua sermo est, vel maxime viguit; cf. Virgil. Georg. II. 167 seqq. *fustes*, arma. *sever. matr. ad arbitr.* en egregium severae disciplinae exemplum, ubi ad matris adeo nutum ita exercentur filii! *sol ubi mutaret umbras* ceteri. tempore ve-

Mutaret umbras, et iuga demeret
 Bobus fatigatis, amicum
 Tempus agens abeunte curru.
 Damnosa quid non inminuit dies?
 Aetas parentum, peior avis, tulit
 Nos nequiores, mox daturos
 Progeniem vitiosiore.

45

CARMEN VII

AD ASTERIEN.

Quid fles, Asterie, quem tibi candidi

apertino, nocte appetente; nos: *sum*
scyrabend; quod vulgare, ut decebat
 magnam poetam, suavissimis et dul-
 cissimos vitae rusticae sensus exci-
 tantibus adumbravit imaginibus; —
mutaret umbras, sole enim decedente
 umbrae, ut Virgilius loquitur, cre-
 scunt maioresque de montibus cadunt.
 — *iuga dem. bob. fatig.* hinc Grae-
 cis tempus vespertinum dictum est
βούλωνας, βουλότης; Theocrit. VII.
 56. Hom. II. XVI. 779. cf. *Mitsch.*
 — *amicum tempus agens abeunte curru*,
 h. e. iucundum, quando decedit curru
 suo, h. e. occidit, tempus adducens,
 sc. rusticis, a peracto opere diurno
 tum requiescentibus; *agens*, similiter
 apud Virg. Ecl. VIII. 47. *Lucifer al-*
munum diem agere pro adducere, *ἐλά-*
γειν, dicitur.

v. 45—48. *Damn.* quid non inmin-
uit dies? sed quid temporis processu non
 corrumpitur? *damnosa dies*, tempus
 iniuriosum, damno afficiens et atten-
 nuans omnia. *peior avis*, multo
 avorum aetate deterius; sic fere supr.
 l. 7. 25. *Fortuna melior parente pro*

melior parentis fortuna, sive beni-
 gnior illa fortuna, quam parens per-
 ferendam imposuit. *nequiores*,
 antiquissimam illam opinionem, ho-
 minum tam corporis robur, quam
 animi integritatem, magis magisque
 unaquaque aetate corrumpi, in sua
 tempora poeta accommodavit. Lau-
 dant in hanc sententiam Arat. Phaen-
 nom. 423. et Hom. Odys. II. 276.

CARMEN VII.

Asterien, de longiore amatoris sui,
 Gygis, quaestus faciendi causa in
 Asia peregrinantis, absentia, eiusque
 in amore perfidia misere se excru-
 ciantem, bono animo esse iubet in
 hoc carmine Horatius, dum ei non
 solum oppidum, ubi nunc ille deti-
 neatur, indicat, sed etiam summae
 eius in amore constantiae, quod ibi
 ab alia puella petitus ediderit, spe-
 cimen refert. Monet igitur eam, ut
 ipsa potius Gygi suo se in amore
 constantem praebat, nec fenestram
 ad nequitiam Enipeo cuidam, qui

HOR. TOM. I

O

Primo restituent vere Favonii,
 Thyra merce beatum,
 Constantis iuvenem fide,
 Gygen? Ille Notis actus ad Oricum
 Post insana Caprae sidera, frigidas
 Noctes non sine multis
 Insomnis lacrimis agit.
 Atqui sollicitae nuntius hospitae,
 Suspirare Chloen, et miseram tuis
 Dicens ignibus uri,
 Tentat mille vafer modis.

5

10

notae eam sectetur, aperiat. Tractavit fortasse hoc argumentum poeta quidam Graecus, quem Noster imitatus videtur.

v. 1—8. *Quid fies celt. iunge, quid fies Gygen* — quem celt. Sensus: Cur dolori adeo indulges, Asterie, ob Gygis tui absentiam, qui, simulac sub veris initio serenitatem redeuntes spirabunt Zephyri, usus in mercaturae suae negotiis successu prosperrimo, ut spectatae fidei amator in amplexus tuos rediit! *oandidi*, caelum candidum, h. e. serenum reddentes; sic *Notus albus* supr. I. 7. 15. ubi vid. not. *Iapyx albus* infr. III. 27. 19. *Thyna*, e Bithynia advecta; — *Thyni* et *Bithyni* antiquitus quidem ita inter se differabant, ut per illos, qui oram Ponto proximam, per hos autem, qui inferiorem Ponti regionem incolerent, designarentur; vid. Herodot. I. 28. sed deinde universi illi populi simpliciter *Bithyni* vocati sunt. *Bithynia* autem, cum et ipsa variarum rerum copia abundaret, et complures aliae merces ex tota Asia eo conveherentur, mercatura, quae ibi a multis populis exercebatur, maxime fuit no-

bilis; vid. Voss. ad Catull. XXIII. 7. et, quem laudat Cl. Mitsch., Eustath. ad Dionys. Perieg. 793. *fide*, antiquae pro *fidei*. *Notis*, tempestate. — *Oricum*, oppidum Epiri ad sinum Ionicum, portu instructum. *post sidera Caprae*, post ortum vel occasum sideris Caprae. Est autem *Capra* sidus in sinistro humero Erichthonii sive Aurigae, cuius tam ortus (IV. Cal. Octobr.) quam occasus (Cal. Jan.) tempestatem concitare putatur; hinc illud sidus dicitur *insanum*, h. e. tempestatum furorem portendens; similiter supr. III. 4. 27. *soevus Arcturi cadentis Impetus*, aut *orientis Haedi*. — *frigidus*, solas et viduas, ubi deest tori socia, quae membra frigida tepesciat.

v. 9—12. *Atqui sollicitae* celt. nexus: atqui ne opus quidem habet, ut frigidas noctes agat, nuntius enim hospitae celt. *sollicitae*, ut sunt, qui misere amant. Notum est illud Ovidii: *Res est solliciti plena timoris amor*. *nuntius*, rei cuiusdam administer, internuntius. — *suspirare*, vehementius et suspirando desiderare, sc. Gygen. cf. Illustr. Heynii Observ. ad Tib. I. 6. 35. *tuis ignibus*, Gyge

Vt Proctum mulier perfida credulum

Falsis inpulerit criminibus, nimis

Casto Bellerophonti

15

Maturare necem, refert.

Narrat paene datum Pelea Tartaro,

Magnessam Hippolyten dum fugit abstinens:

Et peccare docentes

Fallax historias movet:

20

Frustra: nam scopulis surdior Icari

Voces audit adhuc integer. At, tibi

Ne vicinus Enipeus

Plus iusto placeat, cave:

Quamvis non alius flectere equum sciens

25

Aequae conspicitur gramine Martio,

tuo, cuius amore tu terroris. *temptat mille modis*, quavis arte et quibusque machinis elus animum expugnare studet.

v. 13—20. Cum internuntius illa Gygen ad furtivos Chloë's amores non permovere posset pelliciendo, mutata ratione id efficere studet terrendo. Vt igitur eum doceat, quam graviter spreto amoris iniuriam ulcisci soleant mulieres, inter alia Antene sive Sthenobatae Hippolytesque ei ante oculos ponit exemplum, quarum illa Bellerophontem, haec Peleum paene ob spreto amoris pessumdederit. — *mulier perfida*, uxor in maritum suum perfida; fabulam narrat Hom. II. VI. 155 seqq. cui illa *Antea*, aliis *Sthenoboca*, appellatur. *inpulerit maturare necem*, Graece pro ut maturaret necem. *Hippolyten*, Acastl, Magnesia regis (onde illa *Magnessa*) coniugem, de cuius ira, qua Peleum, quod oblatam incesti amoris conditionem repudiaverat, perditum ixit, vid. Pind. Nem. IV. 92 seqq. ab-

stinens, castus. *historias movet*, eleganter pro excitat, laudat, profert; sic apud Ovid. Art. Am. II. 275. *Sol mala exempla movere*, pro: in lucem proferre dicitur. *peccare docentes*, quae doceant, ne quis oblatum a muliere adulterium repudiet.

v. 21—28. *scopulis surdior Icari* sc. maris. Cl. Mitsch. comparat Senec. Hippol. 580. ut dura cautes undique intractabilis Resistit undis, et laeessentes aquas longe remittit, verba sic spernit mea. Laudant quoque Euripid. Med. 28.—ὥς δὲ πέτρος, ἢ θαλάσσιος κλύδων, ἀροῦνι νοσητομένην φέων. Apposite inprimis Philodem. 20. 5. 6. Anthol. Graec. T. II. p. 75. Τοῦτ' ἐβόων αἰεὶ, καὶ προύλεγον· ἄλλ' ἰσα πόντῳ ἰονία μύθων ἔκλυες ἡμετέρων. Similla vide apud Valckenar. ad Eurip. Hippol. p. 196. C. integer sc. castitate sua; supr. II. 4. 22. *Brachia*, et vultum, teretesque viras, *Integer laudo*. *aeque sciens equum flectere*, qui aequae sciat equum flectere; ad gymnasticas exercitationes

Nec quisquam citus aequè
Tusco denatat alveo.

Prima nocte domum claude: neque in vias
Sub cantu querulae despice tibiae:

30

Et te saepe vocanti
Duram difficilis mane.

CARMEN VIII

AD MAECENATEM.

Martius caelebs quid agam Calendis,

quibus pueri ingenui operam dabant in Campo Martio, pertinebat inprimis studium in equitandi natandique arte atque scientia positum; cf. supr. l. 8. 6 seqq. *Tusco alveo*, Tiberi ab Etruria delabente.

v. 29—32. *Prima nocte dom. claude* idem praeceptum ad aditum amatoribus intercludendum inculcat Ovid. *Amor.* II. 49. 38. *Incipe iam prima claudere nocte domum. sub cantu querul. tib.* quando ad querulos tibiae sonos Enipeus παρακλαυσιδύρον canit, — *difficilis*, χαλεπή, aspera.

CARMEN VIII.

Maecenatem ad diem festum Calendis Martiis secum celebrandum invitat Horatius. Sententiarum nexus est fere hic: Invitatus ad diem festum Calendis Martiis apud me celebrandum miraris fortasse, doctissime Maecenas, quid sit, quod ego homo caelebs solemniter diem celebraturus sim, quo matronae tantum maritumque pro coniugii felicitate sacra instituere solent. Sed audi causam!

Hoc ipso die ego olim in villa mea arboris ictu paene extinctus fui. In memoriam igitur huius diei, quo singulari deorum cura servatus sum, quotannis ego ex voto suscepto sacram hostiam Baccho mactare, suaves epulas apparare, et interioris notae vino depromto liberius laetitiae indulgere soleo. Itaque veni, et in laeta comotatione, ad lucem usque producta, multos cyathos in salutem servati amici bibe. Graviore autem de rebus civilibus curas seponere, idque eo magis, cum domitis externis hostibus nihil amplius ab iis reipublicae timendum sit; imo abiectis curis omnibus laetum, quem sors tibi offert, diem carpe. Equidem hoc carmen eo tantum consilio a Nostro scriptum et missum ad Maecenatem esse puto, ut eum non vulgari modo, sed honorificentius et insignitius ad se vocaret, vel ut luderet, uti poetae, oblata eiusmodi rei opportunitate, ludere soleant. Sed longe aliter de eo statuunt Interpretes. Eos quidem, qui Horatium hoc carmen Maecenati, illius domum intranti et coq-

Quid velint flores, et acerra turis
 Plena, miraris, positusque carbo
 Cespitem vivo,
 Docte sermones utriusque linguae.
 Voveram dulces epulas et album
 Libero caprum, prope funeratus
 Arboris ictu.
 Hic dies anno redeunte festus

5

viii apparatum stimpenti, decantasse autumant, iam refutavit Cl. Mitsch. cuius tamen, quam ipse de hoc carmine avertit, non magis mihi probatur sententia. Putat nempe ille, Horatium ad hoc carmen scribendum impulsu esse eo, quod a Maecenate, ne celebrandis Calendis Martiis se deridendum propinaret, monitus, et de causis, ex quibus illae celebrari soleant, magno doctrinae apparatu (quem vera. quintus innuat) edoctus fuerit; Horatium igitur ei hoc carmine respondere, et veram, ex qua Calendae Martiae sibi sacrae sint, causam exponere. Ceterum hoc carmen V. C. DCCXXXIV. scriptum esse a vs. 17 seqq. colligi potest.

v. 1—8. *Mart. Cal.*) Martiae Calendae sacrae erant coniugiorum praesidi, Iunoni, quam pie hoc die matronae venerari, et pro coniugii felicitate sacra ei instituere solebant, unde hic dies sub *Matronalium* nomine celebrabatur. Locus classicus de *Matronalibus* est apud Ovid. *Fast.* III. 170 seqq. cf. *Tibull.* III. 1. 1. — *quid agam caelebs*, quid mihi coniugii experti in meum venerit, diem festum celebrare velle, quem non nisi coniugii consortes celebrare solent. — *Quid velint flores* cett. res singulas, quibus sacra solemnia apparabantur,

enumerando vulgarem sententiam: cur ego tam operose sacra parem, egregie exornat; *floribus*, florum in sacris usus notissimus; in *Matronalibus* quoque matronae flores Iunoni ferre, eiusque caput floribus cingere debebant; Ovid. *Fast.* I. 1. 253. — *acerra*, arcula, in qua tus adolendum condebatur; *cespite vivo*, in aragramea, qualis pro loco ignem recipiente a privatis exstrui solebat. — *Docte serm. utriusque linguae*, litterarum tam Graecarum quam Latinarum cognitione instructe; pro vulgari: Vir Eruditissime; nihil amplius simpliciter Maecenatem doctum appellat *infr. Epist.* I. 19. 1. placendi nempe studio saepius Noster doctrinae laudem Maecensti vindicat; cf. *supr.* II. 12. 10. *sermones* (λόγους, μῦθους) scripta, litteras. *Libero*, vitam e praesente mortis periculo servatam, quam *supr.* III. 4. 27. *Musarum* et II. 17. 28. *Fauni* tutelae tribnerat, nunc tribuit Bacco, ipsi quoque tam poetarum patrono, cf. I. 1. 29. quam agresti et hortorum pomorumque deo; vid. quem laudat Cl. Mitsch. in *Anal.* ad Horat. *Carm.* p. 705. Pindari locum apud Plutarch. *Sympos.* Qu. IX. 14. p. 745. A. (Fr. *Heyn.* p. 96). — *arbor.* cf. *supr.* II. 13.

v. 9—12. *Hic dies anno red.* cett. *Sensus:* Hoc die festo quotannis vini

Corticem adstrictum pice demovebit
Amphorae, fumum bibere institutae
Consule Tullo.

10

Sume, Maecenas, cyathos amici
Sospitis centum, et vigiles lucernas
Perfer in lucem: procul omnis esto
Clamor et ira.

15

Consule Tullo ronditi aperietur amphora, hoc est, hic dies festus quotannis inter vetusti vini pocula hilariter transigetur. *cortic. adstrict. pice demov.*) *corticem adstrictum pice demovere amphorae* est: corticem amphorae orificio inmissum at pice obturatum solvere; cf. supr. I. 20. 3. Laudant Theocrit. VII. 147. Τετραπύς δὲ πύθων ἀνέλετο κρατὸς ἄλκιφρον. cf. Archiloch. V. 2. Anthol. Graec. T. I. p. 41. — Pro vulg. lect. *dimovebit* cum Cl. Mitsch. dedi *demovebit*; *demovere* enim et *dimovere* ita fere inter se differunt, ut illud de rebus vel personis, quae loco suo moventur, singulis, hoc de pluribus dicatur, uti *deripere* et *diripere*, de quorum differentia adi Ernest. *Clav. Cic. s. v. diripere. amph.) amphora* sive *cahus*, vas figlinum, nre angustio. *institutae*, quae, in vini apotheca reposita, educta est vel didicit; paulo sublimius pro vulgari: quae coepit, *fumum libere*, fumum imbibendo maturitatem et amaritudinem trahere vel vetustescere; veteres enim, mellorem vini tractandirationem ignorantes, fumi ope maturitatem et vetustatem ei contrahere studebant; itaque, ut satis notum, vini apothecas habebant in superiore aedium parte, summo pervia; vid. Columell. de R. R. I. 6. §. 20. Accuratissime autem apothecarum vinariarum usum et situm descripsit Galenus de Audit. I. 3. cu-

ius de hac re verba ad Columellae I. I. apposuit Cl. Schneiderus in Comment. p. 44. 45. *Consule Tullo*, annus enim, quo vinum condebatur, ut satis constat, notari solebat in eado, inscriptis consulum eius anni nominibus; per *Tullum* autem intelligendus videtur *L. Volcatius Tullus*, qui V. C. DCLXXXVIII. cum *M. Aemilio Lepido* consul fuit. vinum igitur illud, si hoc carmen, ut in Argumento monuimus, ad A. Urb. DCCXXXIV. referendum est, vetustatem XLVII. annorum tum traxerat; nec haec vini vetustas nimia et insolita fuit; cf. infr. III. 14. 8. III. 21. 1. Epod. XIII. 6. ut visum est iis, qui aetatem huius vini ad eius *L. Volcatii Tulli* consulatum referunt, qui in annum DCCXXI incidit.

v. 13—16. *Sume, Maecenas, cyath. amic. sospitis cent.* veni et sume centum cyathos sospiti amico sacros, h. e. in salutem sospitis amici exhauriendos; *cyathos amici*, poculum enim, quod in alicuius salutem vel honorem exhauritur, eius poculum dici solet. *Cyathus* fuit vasculum, sextarii (qui nobis fere est naecl) partem duodecimam capiens, quo, in cochleari fere formam effiecto, vinum in grandiora pocula infundebatur, vel aqua per id adfusa vinum temperabatur. *vigiles lucernas*, eleganter pro nocturnam compotationem; *perfer*, protrahe, produc;

Mitte civiles super Vrbe curas :

Occidit Daci Cotisonis agmen :

Medus infestus sibi luctuosus

Dissidet armis :

20

Servit Hispanae vetus hostis orae,

Cantaber, sera domitus catena :

Iam Scythae laxo meditantur arcu

Cedere campis.

perferre respondet plane vernaculae in hac re locutioni, *anhaltend*; in *lucem* — dum rediens (ut Noster infr. III. 21. 24. loquitur), *fugat astra Phoebus*. *eato*, quasi in media computatione iam versetur, loquitur, ut bibendi magistri, leges convivis praescribentes, loqui solent. *ira*, altercatio, iurgia.

v. 17—24. *Mitte civil. sup. Vrbe cur.* hoc ipso anno enim (DCCXXXIV.) dum Augustus, in bellum ad Orientis populos debellandos profectus, ab vrbe aberat, Maecenas Vrbi Praefectus fuit; Tacit. Annal. VI. II. Dio XLIX. 16. *Occidit Daci Cotis. agm.* Dacorum copias, quas contra nos duxit eorum rex Cotison, fusae fugataeque sunt (nempe a Lentulo, vid. Sueton. Octav. 21. Flor. IV. 12.); de *Dacis* cf. supr. ad I. 35. 9. *Medus infest. sibi luct. dias. ar.* Parthus nomini Romano infestus domestica inter se dissidet seditione, quae ipsiluctus et doloris causa sit; *dissidet sibi* pro *dissidet a se*, ut supr. II. 2. 18. *dissidens plebi*; *arma luctuosa*, quae luctus causas fiunt; ut supr. I. 24. 13. *bellum lacrimonum*; dedit nempe lectionem, quam ex N. Heinsii conjectura in textum recepit Mitsch. Nec tamen displicet omnino vulgata

lectio: *Medus infestis sibi luctuosus Dissidet armis*, h. e. Medus non sine luctu et dolore hostiliter inter se dissidet. Medus enim pariter luctuosus dici potest, ut supr. III. 6. 8. *Hesperia luctuosa*. Respicit autem poeta crebras seditiones a Teridatis amicis contra Phraatem solo restitutum (vid. ad II. 2. 11.) motas. *Servit*, paret Romanorum imperio, *Cantaber*, Hispaniae septentrionalis gens ferocissima, post multas clades et pugnas ab Agrippa demum perdomita, vid. Dio LIII. 25. hinc: *sera domitus catena*, h. e. sero Romanorum ditioni subiectus; cf. supr. II. 6. 2. *Scythae*, intellige Istri accolae, qui supr. II. 9. 22. *Geloni* vocantur. *meditantur cedere campis* nunc id agunt, ut e nostris finibus in suos recedant; — *laxo arcu*, significanter, pro impetu eorum hostiliter nos infestandi represso, nempe a Lentulo; nam qui hostem telorum luctu petere desinunt, arcum *laxant* vel remittunt. Cf. Mitsch. comparat τὴν χαλασμένην apud Antip. Thessal. XX. 3. Anthol. Graec. T. II. p. 100. — Idem commode laudat Seneca Oedip. 469. *Laxavit viotos arcus Geticasque sagittas, Laetea Massagetes qui pondus sanguine misceat*, cf. Ovid. Fast. V. 593. Trist. II. 227.

Neglegens, ne qua populus laboret, 25
 Parce privatus nimium cavere :
 Dona praesentis cape laetus horae, et
 Linque severa.

CARMEN IX

CARMEN AMOEBAEVM.

HORATIVVS

Donec gratus eram tibi,
 Nec quisquam potior brachia candidae

v. 25—28. *Negligens*—*parce*—*nimium cavere*, iunge: *privatus parce* (noli) *nimium cavere*, *ne qua populus laboret* (ne qua forte re in discrimen vocetur populi salus), *negligens*, securo nec tale quid nunc curante animo; *privatus* iam pro Vrbi Praefectus; nam ii quoque, qui publicis muneribus vel summis magistratibus fuoguntur, cum principibus vel regibus opponuntur, *privati* dicuntur; vid. Ernest. Clav. Cic. s. v. *privatus*. *dona praes.* cap. *laet.* hor. laeto animo percipe bona, quae praesens tempus vel hodiernus dies tibi percipienda offert, vel, ut eandem sententiam brevius Noster supr. l. 44. 8. extulit: *carpe diem*.

* CARMEN IX.

Zelotypia sive obtreectatio inter Horatium et Lydiam gliscere coeperat. Ambo conveniunt. Horatius primum summam, quam, nullo alio adhuc sibi in amore a Lydia praelato, percepit felicitatem, mollissimi amo-

ris affectu laudare incipit. Respondet Lydia, nec minorem suam, dnm sola ab Horatio amata fuerit, felicitatem fuisse, graviter et luculenter ostendit. Tum Horatius, ut urat pungatque Lydiam, novi amoris, cui se nunc deditum esse simulat, mentionem facit. Par pari refert Lydia. Iam mutat rationem Horatius et poeis condiciones fert. Lydia statim eas accipit, et sic fit mollissimi firmissimique amoris redintegratio. — Cum scena, qua in gratiam cum Lydia redit Horatius, fere sit dramatica, suaviter colloquium inter se et Lydiam ortum ad carminis amoebaei formam et leges attemperavit, et sic. quod in hoc carmine dulcissimum est, iis, quae respondet Lydia, se superari passus est. — Ceterum lectores ipsi percipient huius mellitissimi carminis dulcedinem, quam certatim propinare studuerunt interpretes.

v. 1—4. *gratus eram tibi*, suavi simplicitate pro a te amabar. *potior*, mihi praelatus; eleganter enim, qui potiores vel priores partes apud

Cervici iuvenis dabat :
Persarum vigui rege beator.

LYDIA.

Donec non alia magis
Arsisti, neque erat Lydia post Chloen :
Multi Lydia nominis
Romana vigui clarior Ilia.

HORATIVUS.

Me nunc Thressa Chloë regit,
Dulces docta modos, et citharae sciens :
Pro qua non metuam mori,
Si parcent animae fata superstiti.

puellam aliquam habet, *potior esse* dicitur; infr. Epod. XV. 43. *Nam si quid in Flacco viri est, Non feret assiduas potiori te dare noctes.* cf. Br. ad Tibull. I. 5. 68. Sic *χραιοῦς* apud Callimach. Epigr. XXVI. 2. *vigui*, significanter pro tenui: fui, vixi. — *Persarum rege*, iam veteres summam felicitatem cum regum sorte comparare solebant. vid. *Mitsch.* Cum delectu autem posuit Persarum regem, quod Persarum reges opulentissimi, et omnium rerum, in quarum possessione vulgo censi solet humana felicitas, copia instructissimi fuere.

v. 5—8. *non alia magis arsisisti*, non aliam puellam ardentius amabas; — de locutione: *ardere aliqua* pro ardere ob aliquam, cf. supr. ad II. 4. 7. Ceterum observa, quomodo Lydia cum Horatio in eadem sententia gravius efferenda certat; Horatius dixerat: *Donec gratus eram, nec quisquam potior cett.* at Lydia multo fortius: *Donec non alia magis arsisisti.* — *neque erat Lydia post Chloën*, neque ego postponebar Chloë; Horatius

simpliciter dixerat: *Nec quisquam potior*, at Lydia ipso nomine appellat puellam in amore sibi praeferatam. *Multi Lydia nominis* ego puella nobilissima, a nobilissimo scilicet poeta amata, et ab eodem carminibus celebrata; Lydia autem his nomen suum pro ego, repetens, venuste et salse monere videtur Horatium, ut illius temporis, quo saepe Lydiae nomen in ore habuerit, et amatorum more identidem repetierit, memoriam recolat. *Romana Ilia*, in comparatione quoque Horatium vincit Lydia, quae cum Romae conditoris matre, Ilia, se comparans longe Horatio cum Persarum rege comparato apparet augustior.

v. 9—12. *regit*; suaviter regi dicuntur amatores, qui ad nutum dominae suae se componunt; *citharae sciens*. Graece: *κίθαρας εἰδύσα.* — *animae Chloëae, animae meae* (ut supr. I. 3. 8. Noster loquitur) *dimidio*; cf. supr. II. 17. 5. Eodem blandimento Cicero Ep. ad Div. XIV. 44. Terentiam et Tulliolam *animas suas* vocat.

LYDIA.

Me torret face mutua
 Thurini Calais filius Ornyti:
 Pro quo his patiar mori,
 Si parcent puero fata superstiti.

45

HORATIVS.

Quid? si prisca redit Venus,
 Diductosque iugo cogit aeneo?
 Si flava excutitur Chloe,
 Reiectaeque patet ianua Lydiae?

20

LYDIA.

Quamquam sidere pulcrior
 Ille est, tu levior cortice, et improbo
 Iracundior Hadria:
 Tecum vivere amem, tecum obeam libens.

v. 43—46. *Me torr. face mut.*)
 torreret, de gravi amoris aestu; cf.
 supr. l. 33. 5. infr. III. 49. 20. molto
 maior igitur Lydiae verbis vis inest,
 quam Horatii: *Me nunc Thressa Chloë*
regit. *Thurini*, Thurio, Lucaniae
 oppido, oriundi. *his mori*, Hora-
 tius simpliciter mori dixerat.

v. 47—20. *prisca Venus*, pristinus
 amor. *Diduct. iug. cog. aen.* pro
 vulgari: disunctos firmissimo vin-
 culo coniungat. *iug. cog. aen.* supra
 quoque l. 33. 40. *Venus animos sub*
iuga aenea mittere dicitur, ubi cf. not.
 et ad III. 5. 1. *flava*, pulchra, ut
 sexcenties.

v. 21—24. *sidere pulcrior* h. e. si-
 deris alicuius splendorem formae
 suae nitore superat; apud Hom. *Iliad.*
 VI. 401. *Astyanax ἀλκυνοῦ ἀντίπα*
καλῶ dicitur; cogitandum inprimis
 de Luna, cuius splendori passim pul-
 crarum formarum nitor aequiparatur;
 sic supr. II. 5. 48. de Chloride: *albo*
sic humero nitens, Vt pura nocturno
renidet Luna mari. *cortice*, subere,
 ut carm. antec. v. 40. *improbo*
iracund. Hadr. supr. quoque 4. 33.
 45. *Myrtales iracundia cum maris*
Hadriatici aestu comparatur.

CARMEN X

AD LYCEN.

Extremum Tanain si biberes, Lyce,
 Saevo nupta viro: me tamen asperas
 Porrectum ante fores obiicere incolis
 Plorares Aquilonibus.
 Audis, quo strepitu ianua, quo nemus

5

CARMEN X.

A Lyce, quam amabat, non admissus hoc carmen querulum ante ejus ianuam canit. Primum igitur, ut miseratione sui durum Lyces animum frangat et emolliat, saevae tempestatis, ante illius fores sibi porrecto perferendae, exponit iniuriam; deinde, ut ab invisâ Veneri superbia eam deterreat, subitas Fortunae vices ei ante oculos ponit; denique, iterum ei exprobrata summa animi duritie, se laboribus, quos eius causa subeat, tandem victum non amplius illam curaturum esse minatur. — Est totum hoc carmen *παρὰ λανθούρου*, h. e. carmen, ante puellae ianuam ab amatore non intromisso flebilibus modis decantatum, cuiusmodi carminis particulam iam supra Noster libri primi carmini vigesimo quinto (v. 8. 9.) intexuit; similia *παρὰ λανθούρου* exempla iam laudarunt alii, Plaut. *Curc.* I. 2. 60 seqq. Ovid. *Am.* I. 6. Propert. I. 46. 17 seqq. in Graecis Theocrit. III. et XXIII. et Aristoph. *Eccles.* 945—67. cf. Caspar. *Sagitt. de Ian. Vett.* c. 37.

v. 1—4. *Extrem. Tanain si biberes, Lyce*, cett. Sensus: Quamvis, O Lyce, ut mulier fera et barbara viveres

in Scythia, et timendae saevitiae marito ibi iuncta esses; tamen animum tuum mei, ante fores tuas prostrati, et ventorum violentiae expositi, subiret misratio. *Tanain*, notum flumen in Scythia. *extremum*, extremae, h. e. remotissimae regionis. Sic infr. *Epist.* I. 4. 45. *extremi Indi*. *Epist.* I. 6. 6. *extremi Arabes*. et *Od.* III. 41. 47. *extremi Nunidarum agri*; ut passim apud Nostrum *ultimus*; v. c. supr. I. 36. 4. *ultima Hesperia*; II. 18. 4. *ultima Africa*; I. 35. 29. *ultima Britannia*. *biberes*, populi enim a fluviis, quos accolunt, ita designantur, ut eos bibere dicantur; hinc supr. I. 20. 20. *Rhodani potor*; et infr. IV. 45. 21. *qui profundum Danubium bibunt*. *saevo*, cuius atrox tibi in furtivo amore forte depressae extimescendum esset ingenium. *asperas*, h. e. duras, significanter pro tuas. *plorares me obiicere*, exquisitius pro: non sine miseratione et dolore me obiiceres, h. e. me, cuius te misereret, intromitteres; *incolis*, perpetuo, tanquam in domicilio suo, in Scythia dominantibus.

v. 5—8. *nemus inter pulcra tecta satum*, intellige viridarium in tecti impluvio consitum, quale Noster de-

Inter pulcra satum tecta remugiat
Ventis? et positas ut glaciēt nives

Puro numine Iupiter?

Ingratam Veneri pone superbiam;

Ne currente rota funis eat retro.

40

Non te Penelopen difficilem procis

Tyrrhenus genuit parens.

scribit infr. Epist. I. 40. 22. *Nempe inter varias nutritur silva columnas.* cf. Tibull. III. 3. 45. et ibi *Heyn.* Laurorum imprimis in impluvio consitarum passim fit mentio. Virg. Aen. II. 512. et VII. 59. *pulcra, splendida;* unde Lycen honestam matronam et in re lanta constitutam fuisse probabile fit. *ventis*, ventorum, hunc strepitum excitantium, impetu; *et ut glaciēt*, et vides, vel sentis, ut glaciēt cett. nam verbum *audis* non in propria significatione repetendum, sed ex noto loquendi genere, zcugmate, aliud verbum rei accommodatum inde eliciendum et supplendum est. Apponam in hanc rem locum huic simillimum Nost. supr. II. 4. 24—4. *Audire magnos iam videor duces Non indecoro pulvere sordidos, Et cuncta terrarum subacta, Praeter atrocem animum Catonis*, ubi pariter ad et non *audire* in propria significatione, sed simile, v. e. *percipere*, cognoscere, suppleri debet. Nihilominus *Bentleius* sibi temperare non potuit, quin facta post *remugiat* interpunctione corrigeret: *Sentis et positas ut glaciēt cett.* ut nihil de aliorum super hoc loco argutis dicam. *positas*, pro vulgari iacentes. *puro numine Iupiter*, ornatus pro purus Iupiter, h. e. purus aër; puro enim aëre vis frigoris est aerior et vehementior.

v. 9.—12. *Ingrat. Ven. pone supr.*

de Venere, superbiae ultrice, vid. *Lambin.* ad h. I. Cl. *Mitsch.* laudat Agath. XIX. 7. Anth. Graec. T. IV. p. 40. *Ne currente rota fun. eat retro*, vulgarem sententiam: ne e summo loco retro veharis vel praiceps agaris ad infimum (h. e. ne superbiae tuae poenas des), funis, qui nimia eius intentione ruptus revolvitur, adumbravit imagine. Intelligendus autem funis eiusmodi, quo per machinam rota instructam, cui ille circumvolvitur, moles quaedam in altum attrahitur. Cum eiusmodi igitur fune, rupto nempe nimio rotae cursu et retro voluto, comparatur sors eorum, qui nimio nisu ad altiora tendentes subito casu ad inferiora retro feruntur. Hinc *funis rumpitur* vel *retro it* proverbiali locutione dictum est in homines superbos, quorum altiores, quos trahunt, spiritus subita fortunae conversione franguntur. Huic faciunt duo apprimae loca, a Cl. *Mitsch.* laudata, Lucian. Dial. Meretr. p. 286. edit. Gesn. *ὁ δὲ πᾶνυ χαλεπὴ ἀεὶ τῷ ἀνθρώπῳ γέγνηται. καὶ ὅρα, μὴ κατὰ τὴν παροιμίαν ἀπορροῆζωμεν πᾶνυ τείνουσαι τὸ καλῶδιον.* et Aristaeet. Epp. II. 4. pag. 72. Abr. *πειθῶν μοι καὶ τῆς ἀμετρίας ἀπόσχου. ὅρα, μὴ κατὰ τὴν παροιμίαν ἀπορροῆζωμεν πᾶνυ τείναντες τὸ καλῶδιον, μηδὲ λάθρῃ λοιπόν εἰς ἀγρωχίαν μεταβαλοῦσα τὸ φρόνημα. οἶσθα δὲ, ὅσον ἔρωσι ἀντιτρατεύειν τοῖς*

O, quamvis neque te munera, nec preces,
Nec tinctus viola pallor amantium,
Nec vir Pieria pellice saucius

Curvat: supplicibus tuis
Parcas, nec rigida mollior aesculo,
Nec Mauris animum mitior anguibus.
Non hoc semper erit liminis aut aquae
Caelestis patiens latus.

CARMEN XI

AD LYDEN.

Mercuri, nam te docilis magistro

ὑπερπαινοῦσι φίλῃ. Non te Penel.
diffic. proc. Tyrrh. gen. par. cum E-
truscae puellae alias leviores et a
castitatis illius, quam Penelope ma-
rito suo Ulyssi probavit, studio alie-
nae essent (Cl. Mitsch. in hanc rem
laudat Athenae. XII. 3. p. 517.) Ho-
ratius non sine causa Lycen Etruscae
originis esse commemorat. Pene-
loper. diffic. proc. tam castam, qualis
fuit Penelope.

v. 13—20. tinct. viol. pall. amant.
pallor, quo prae amore contabescen-
tium os obducitur, cum violarum
colore comparatur, luteo illo nempe
(unde infr. Epod. X. 16. pallor lu-
teus) vel albo; nam violarum, ut
Plin. XXI. 6. ait, plurima genera,
purpureae, lateae, albae; hinc pal-
lentes violae apud Virg. Ecl. II. 47.
Cl. Mitsch. comparat Calpurn. IX.
41. Pallidior buxo violaeque similli-
mus error. vir pellic. saucius,
maritus pellicis amore percussus;
scilicet sancti dicuntur amantes, sa-
gitatarum, quibus pectora amantium

a Cupidine sauciari dicuntur, respec-
ctu habito; similiter supr. l. 27. 12.
felix in amore beatus vulnere et in-
felix in amore perire sagitta dicitur.
— Pieria, Thessalia, a Pieria, Thes-
saliae regione. curvat, flectit,
pervincere potest, sc. ut amoris co-
rum, qui te sectantur, morem ge-
ras. supplicibus tuis parcas, noli
tamen committere, ut ego supplex
amator ante fores tuas prostratus
peream. nec rigid. moll. aesc. cett.
O tu, quae nunc es nec mollior ri-
gida aesculo, nec mitior animum
Mauris anguibus, h. e. O tu, quae
adhuc durissimo animo amorem
meum adspersuata es. Mauris,
saevioribus enim anguibus scatebat
inprimis Mauritania.

CARMEN XI.

Vt in carmine antecedente Lycen,
ita in hoc poeta Lyden, puellam pa-
riter adhuc asperam et ferocius ama-
torum blanditias respuentem, mi-

Movit Amphion lapides canendo,
 Tuque, Testudo, resonare septem
 Callida nervis,
 Nec loquax olim, neque grata, nunc et
 Divitum mensis et amica templis:
 Dic modos, Lyde quibus obstinatas
 Adplicet aures.
 Quae, velut latis equa trima campis,

5

tiorem et sibi proclivorem reddere studet. In partes igitur vocat tam lyrae inventorem, Mercurium, quam ipsam lyram, enarransque, quomodo dulcissimo eius cantu Orpheus non solum saevas bestias mitigaverit, arbores acciverit et fluviorum cursum inhibuerit, sed apud inferos quoque Cerberum adeo suaviter demulserit, et Ixionem Tityumque recreaverit, mira arte ad fabulam Danaïdum in hoc carmine sibi tractandam delabatur, utpote consilio suo Lyden ab animi duritie deterrendi et mollioris animi sensu imbuendi accommodatissimam. Cardio enim totius carminis vertitur fere in his: *O testudo*—*Dic modos, Lyde quibus obstinatas applicet aures, Audiât Lyde scelus atque notas Virginum poenas cetti.* Quod si tenemus, neutiquam de nexu huius carminis cum *Homio* et aliis laborabimus, imo poetæ in adornandis et scite inter se nettendis iis, quas primariae carminis sententiae egregie respondent, artem et ingenium admirabimur.

v. 1—8, *nam te docilis magistro mov. Amph. lap. can.* pro vulgari: namque potes (sc. modos dicere, quibus durissimi animi Lyde moveatur, ponit exemplum Amphionis, quem Mercurius, curvae lyrae (supr. I. 10. 6.) parcas, et lyra donasse, et

eius cantu lapides adeo movere docuisse traditur; hinc, cum ille in exstruendis muris Thebanis lyra caneret, lapides eius cantu moti sponte in ordinem suum se composuisse finguntur; vid. Apollod. III. 5. 5. Pansan. IX. 5. p. 921. cf. infr. Art. Poët. 294 seqq. *Testudo*, apposite pro lyra, quippe quam ita invenisse dicitur Mercurius, ut primum super testudine (h. e. testa, in quam testudo se recipit, concava) nervos intenderet; locus classicus in hanc rem est in Hom. Hym. in Mercur. v. 47 seqq. *callida*, quae calles; *res. sept. nerv.* hinc *λύρα ἐπτάχορδος, ἐπτάχοργος.* *Nec loquax olim, neque grata*, quae, cum olim nondum, nervos intentos haberes, neo garrulos sonos edebas, nec eniquum voluptatem creabas; *Divit. mens. et amic. templ.* hinc illa δατὸς ἱταίην et χοροῖςτονος Hom. II. in Merc. v. 31: De lyrae usu in sacrificiis Boettig. laudat Dionys. Halle. Ant. Rom. 7. p. 4487. 11. *obstinatas aures*, auri-bus iam tribuitur, quod ad Lydes animum referendum est.

v. 9—12. *velut equa trima*, similiter Noster supr. I. 5. 6. Lalagen, puellam nondum amorum, sed tenerae aetatis adhuc lusibus, et juvenili petulantiae deditam, cum iuvenca, in uldo salicto cum vitulis ludere

Ludit exsultim metuitque tangi,
Nuptiarum expers, et adhuc protervo
Cruda marito.

40

Tu potes tigres comitesque silvas
Ducere, et rivos celeres morari.
Cessit inmanis tibi blandienti
Ianitor aulae,

45

praegestiente, comparat, ubi in not. Anacreontis locum LXI. 9. 40. Nostro in hac comparatione obversatum, iam attulimus.

Ludit exsultim, *εὐφροσύνην παίζει* apud Anacr. l. l. *metuitque tangi*, et cavet sibi, ne quis eam atrectet, h. e. nec se atrectari patitur; *metuit tangi*, ut supr. II. 2. 7. *penna solvi metuens*, ubi cf. not. *tangere* de tactu libidinoso in re Venerea, ut passim; similiter *atrectare mulieres* apud Cic. pro M. Coel. 8. et Suet. Ner. 26. hinc supr. *Pallas intacta* pro integra, casta. — *Nupt. exp. et adh. proterv. crud. mar.* Omnes, quos vidi, interpretes haec verba ad equam referunt, et rem inhonestam vocabulis honestioribus expressam esse putant, ita ut *expers nuptiarum* sit equa, quae nondum equum admiserit, per protervum maritum autem equus in Venerem ruena designetur; sed quidni iungere quoque liceat? Quae, — *nuptiarum expers* (nondum ad libidinem proclivis) et *adhuc protervo cruda marito* (repugnans adhuc libidinosi amatoris deliciis) *ludit exsultim metuitque tangi*, velut equa, trima latis campis, sc. ludere et tangi metuere solet. *Nupt.* nuptiae et nuptias facere passim de fructu amoris haud legitimi; vid. *Interpr.* ad Petron. c. XXV. ut γάμος et γαμήν apud Graecos; vid. *Hemsterhus.* ad Aristoph. Plut. p. 404. 2. et *Schrader*, ad Musaeum p. 423.

maritus, ut passim *coniux*, de quovis amatore vel amica, et *coniugium* de amore haud legitimo. *adhuc cruda marito*, nondum matura, nondum mollem mitemque se praebens amatori, aspera; translatum a pomis *erudis*, h. e. immitibus adhuc et acerbis; hinc supr. II. 5. 40. Lalage, ferocius adhuc amatores reliciens, cum *immiti uva* comparatur, et Theocritus XI. 24. Galathea eadem de causa *παρρησία ἀπαρχὸς ὀμῶς* dicitur.

v. 43—20. *Tu potes tigres* sc. cantus tui dulcedine flectere, vel mitiores reddere; eiusmodi enim aliquid supplendum est, cum τὸ ducere ex noto loquendi genere nomini tantum proximo τῶ silvas accommodatum sit; — da cantus vi similiter Cicero pro Arch. 8. *bestiae saepe cantu flectuntur et consistunt*. Respicit autem poëta, ut quivis ipse videt, ea, quae Orpheus lyrae cantu effecisse traditur; hinc quid lyra silvas comites ducere (h. e. arbores adducere, ut lyra canentem tanquam comites sequantur) et *morari celeres rivos* dicitur, egregie respondent iis, quae supra I. 42. 9—12. de Orpheo narrantur. — *Cess. inm. tibi bland. Ian. aul. Cerb.* horrendum illum Orci ianitorem, Cerberum, vicerunt blanda tua carmina, h. e. ita ceperunt et deliniverunt, ut Orpheo libere Orcum ad-eundi faceret copiam. — De Orphei in Orcum ad Eurydice suam inde

Cerberus : quamvis Furiale centum
Muniant angues caput eius , atque
Spiritus teter saniesque manet

Ore trilingui.

20

Quin et Ixion Tityosque vultu
Risit invito : stetit urna paullum
Sicca , dum grato Danai puellas

Carmine mulces.

Audiat Lyde scelus atque notas
Virginum poenas , et inane limphae

25

reducendam descensu et admirabili, quam eius carmina ibi habuere, vi locus classicus est apud Virg. Georg. IV. 467 seqq. *inmanis* Cl. Mitsch. cum Lambino ad *aulae* referendum esse putant; sed ut nihil dicam, *Cerberi* iam magis, quam *aulae* immanitatem favere rei, de qua sermo est, Virgilius quoque VI. 418. de Cerbero: *Cerberus haec ingens latratu regna trifunci Personat, adverso recubans inmanis in antro.* *Furiale*, Furiarum more angues pro crinibus habens; sic *Furialis inossus* de tali, quali Furiae se inferre solent, apud Liv. VII. 47. *caput eius*, *ro eius*, ut nimis tenne et languidum in hac sublimioris carminis oratione, iure meritoque iam *Bentleius* et *Cuningamus* et alii emendatum iuverunt; scilicet verbum quoddam cum sequentibus iungendum in hac voce latere videtur, unde *Bentleius* pro eius atque tentabat: *exeatque* — *Cuningamus* *aequetque* — *Gesnerus* *effluatque*; e quibus, si optio detur, *ro aequatque*, ut Horatio dignissimum, equidem praetulerim. *ore trilingui*, est igitur iam *Cerberus triceps*, ut supr. II. 19. 31. sed *centiceps* supr. II. 43. 34. ubi vid. not.

v. 24—24. *Ixion*, de Ixione, a Iove, quod Iunonis pudicitiam tentare ausus fuerat, ad Tartara detruso, ibique ad sceleris poenam luendam rotae implicito, cf. Virg. Georg. I. l. v. 484. *Tityosque*, cf. supr. ad II. 14. 8. *vultu risit invito*, en vim carminum, eos quoque, qui alias a voluptatis sensu alienissimi sunt, suaviter adficientium! *Ixion* enim et *Tityus*, auditis Orphei carminibus, non poterant non, quin frontem sollicitam exporrigerent, et excitatum voluptatia sensum vultu praeferrent. *urna*, non dolium, ut putat Iarv, cuius v. 27. fit mentio, sed vas, quo aqua hausta in dolium infunditur; itaque haec ipsa *urna Danaidum* apud Propert. IV. 14. 28. *humeros premere* dicitur. *Danaï puellas*, fabula de quinquaginta Danaï filiabus, quae praeter Hypermnestram sponso suos nocte nuptiali patris iussu occidisse feruntur, in vulgus nota; vid. Apollodor. II. 4.

v. 25—32. *notas*, famosas, infames, ut supr. III. 4. 7. *notus Orion*. — *inane lymphae Dol. fuisse per*. imo, elegantissima dolii perforati circumscriptio; tale enim semper inane est aquae, quod illa infusa non in co

Dolium fundo pereuntis imo,
 Seraque fata,
 Quae manent culpas etiam sub Orco.
 Inpiae, nam quid potuere maius? 25
 Inpiae sponso potuere duro
 Perdere ferro.
 Vna de multis, face nuptiali
 Digna, periurum fuit in parentem
 Splendide mendax, et in omne virgo 35
 Nobilis aevum.
 Surge, quae dixit iuveni marito,
 Surge, ne longus tibi somnus, unde
 Non times, detur: socerum et scelestas
 Falle sorores; 40
 Quae, velut nactae vitulos leaenae,
 Singulos, eheu! lacerant. Ego illis

continetur, sed imo fundo perit, h. e. transfuit. Ad hoc pertusum Danaïdum dolium spectat proverbium: *αἵς τερπημύρον* (vel *τερπημύρον* Lucian. Dial. Mort. XI. 4.) *πῶθεν ἀνελκύν*. — *fata*, poenas, *sera*, ipse explicat: *quae manent culpas sub Orco*. — *etiam* sc. post mortem. *maius*, scelestius, — *duro*, saevo.

v. 33—44. *Vna*, Hypermnestra. — *periurum patrem*, quod fidei et pietatis, quam ut socer generis amicus debebat, sanctitatem contaminavit. — *splendide*, cum insigni honestioris animi gloria; causa enim, ex qua fidem periuro patri datam, se sponsum occisuram esse, sefellerat Hypermnestra, fuit honestissima, sponsi nempe innocentis salus. Hinc Pindarus quoque Nem. X. 10. hanc Hypermnestrae fraudem probat. Cl. Mitsch. in hanc rem profert, quod de men-

dacii, in bonae rei finem adhibiti, honestate praecipit Sophocli. Philoct. 110. Cum suavi loquendi genere autem *splendide mendax* (ubi adiectum rei repugnat, oxymoron appellant), comparant huic simillimum: *gloriosus mentiri* apud Cicer. p. Mil. 27. et *gloriosus solus* apud Senec. Ep. 95. — *Surge*, quae dixit cett. vide, quantam gravitatem toti huic carmini conciliat Hypermnestrae oratio! de qua quidem poetæ nostri lectores suos in mediam rem abripiendi arte cf. supr. Argum. III. 3. *iuveni marito*. Lynceo. *longus somnus*, quo, ut Virg. Aen. X. 746. canit, *in aeternam clauduntur lumina noctem*, pro morte, ut supr. I. 24. 5. *perpetuus sopor*. — *unde*, a quibus. *vitulos* apposite ad comparationem iuvenum, quos ipse Venusinus Noster *iuvencorum* nomine et imagine supr. II. 8. 21. designat.

HOR. TOM. I

P

Mollior, nec te feriam, neque intra
Claustra tenebo.

Me pater saevis oneret catenis,
Quod viro clemens misero peperci:
Me vel extremos Numidarum in agros
Classe releget.

I, pedes quo te rapiunt et aurae,
Dum favet nox et Venus: I secundo
Omne: et nostri memorem sepulcro
Scalpe querelam.

CARMEN XII.

AD NEOBVLEN.

Miserarum est, neque Amori dare ludum, neque dulci

In rei comparationem passim apud
Homerum et alios obviam inter alia
laudant Eurip. Iphig. in Taur. 297.
Senec. Thyest. 735. *intra claustra
tenebo, intra thalamum retinebo.*

v. 45—52. *Me pater saev. oner.*
cat. et vere Danaus, uti narrat Apol-
lodor. II. t. 4. *καὶ αἰσχροῦ ἐν ἵπποῦσι.*
— *clemens*, humanitatis sensu tacta.
— *I, pedes quo te rap. et aureae*, si-
militer infr. Epod. XVI. 24. *Ire, pe-
des quocunque ferent, quocunque per
undas Notus vocabit, aut protervus
Africus. rapiunt*, celeriter hinc
te auferunt; gravius igitur, quam
ferunt. *Venus*, amantium patrona.
— *et nostr. mem. sepulc. scalp. querel.*
quam eleganter! pro vulgari: et se-
pulcri mei monumento tristem in
memoriam nostri amoris insculpe ti-
tulum.

iurgationes, quod formosum quendam
juvenem amabat, extimescendae erant,
miseram sortem dolet. Sententiarum
nexus huius brevioris carminis, super
cuius consilio mira commenti sunt
interpretes, est fere hic: » Miseræ
profecto sunt puellae, quae nec amant,
nec vino curas abigunt; at miseræ
quoque sunt illae, quae quidem
amant, sed metu et sollicitudine, qua
patruī severitatem et iurgia expave-
scunt, cruciantur. Eiusmodi puella
misera tu quoque es, Neobule, dum
Hebrum, tam pulcritudine quam in-
venilibus artibus insignem, perdit
amas. » — Nam cum in verbis: *aut
exanimari metuentes patruae verbera
linguae*, non quasque alias puellas,
sed peculiarem Neobules sortem re-
spexisse videtur poeta, ad ea quo-
que, tanquam causam, quae miserum
eius amorem reddebat, continentia,
in constituendo huius carminis con-
silio adverti debet. — Ceterum Ho-

CARMEN XII.

Neobules, cui patruī minae et ob-

Mala vino lavere: aut exanimari metuentes
 Patruae verbera linguae. Tibi qualum Cytherae
 Puer ales, tibi telas, operosaeque Minervae
 Studium aufert, Neobule, Liparaei nitor Hebri, 5

ratius in hoc carmine non tam Anacreontis (XLVI.) sententiam: *Χαλκὸν τὸ μὴ φιλεῖσαι, χαλκὸν δὲ καὶ φιλεῖσαι*, quam alium quendam poetam Graecum, quem tota huius carminis indoles et oratio satis aperte prodit, expressisse videtur. — De singulari huius carminis metro, et diversa, qua illud in Vett. Codd. et Editt. exhibitum et descriptum sit, ratione copiose agit *Iani* in *Excurs.* I. ad h. l.

v. 4—3. *Miserarum est* sc. puellarum conditio. *Amori ludum dare*, significantius pro vulgari: *amare*; nam qui amant, ludo iocoque saepe sunt *Amori*, vel ludibrium ei debent; hinc *supr.* I. 33. II. 12. *Venus: impares Formas atque animos sub iuga aeneae Saevio mittere cum ioco dicitur.* — *mala vino lavere* (antique pro *lavare*, ut *supr.* III. 1. 61.), curas vino diluere; *Siccis omnia nam* (ut *Noster* *supr.* I. 48. 3. 4. loquitur) *dura Deus proposuit*; neque *Mordaces aliter diffugiunt sollicitudines*. Ceterum cum per vini potum a poetis saepe nil nisi hilarioris et iucundioris vitae fructus designari soleat, iam non de computationibus (quamvis leviores inprimis puellis is interfuisse constat, cf. II. 11. 21. *infra* III. 14. 21.), sed in universum de vitae hilaritate cogitandum est. *aut exanim. metuent.* *Patr. verb. ling.* h. e. aut ex altera parte eas, quae amoris et vitae hilaritati indulgent, dum patrii obiurgationes is metnendae sunt, angit et

sollicitari. *Patruae verb. ling.* convicia et opprobria patrii. Similiter *Cicer.* ad *Div.* XV. 16. *convicio verberare* dixit. *Patruorum* autem, ut homini querulorum, et fratrum liberos inprimis assiduis obiurgationibus increpantium et castigantium, passim fit mentio; cf. *Torrent.* ad h. l. et quos laudat *Ernestius* in *Clav. Cic.* s. v. *patruus*; hinc proverbiali locutione *severus morum censor et castigator patruus* dictus est; *infr.* Sat. II. 3. 88. *Ne sis patruus mihi.*

v. 3—10. *Tibi qual.* *Cyther.* cett. vide, quam egregie poeta vulgarem sententiam: *tu amas Hebrum* exornat, dum *Neobulen*, quae, *Hebro* conspecto, opus statim, quod tractat, intermittere, et oculis animoque in eo solo morari fugitur, viva imagine ut perditte amantem nobis repraesentat! Comparant dulcissimos in hanc rem versus *Sapphus* (*Anal. Brunck.* I. p. 56.) *Γλυκίστη μάτηρ, οὗτοι δὲ νύμφαι πρέκειν τὸν ἱστὸν, Πόθῳ δὲ χαμῖσθαι παιδὸς* — *Ραδινὰν δὲ Ἀφροδίταν*, et *Incerti* *Epigr.* LIX. 3. 4. *Anthol. Graec.* T. IV. pag. 129. *qualum*, calathum, sive canistrum vimineum, in quo mulieres pensa sua reponere solent. *ales* pro *alatus*; ut *infr.* IV. 11. 26. *Pegasus ales.* *Minervae studium*, artes muliebres, quibus praestest earum inventrix et magistra, *Minerva*, unde illa *operosa*, h. e. *gnava*, industria, Graecis *Εργάνα* dicitur. *nitor Hebri*, pulcer *Hebrus*, ut *supr.* I. 19. 5. *Glycerus nitor.* — *Liparaei*, e *Lipara*, *Aeoliarum* in-

Simul unctos Tiberinis humeros lavit in undis,
 Eques ipso melior Bellerophonte, neque pugno
 Neque segni pede victus: catus idem per apertum
 Fugientes agitato grege cervos iaculari, et
 Celer alto latitantem fruticeto excipere aprum. 40

CARMEN XIII

AD FONTEM BANDUSIVM.

O Fons Bandusiae, splendidior vitro,
 Dulci digne mero, non sine floribus,

sula una, oriundi. *unctos* sc. oleo, quo quidem non nataturi, sed luctaturi inungi solebant; tribuit igitur poeta Hebro *unctos humeros*, ut eum, antequam nataret, luctae operam dedisse indicet. — Ceterum de gymnasticis juvenum Romanorum exercitationibus cf. supr. I. 8. 5 seqq. et ibi not. *Bellerophonte*, Pegasi domitore. *catus*, doctus, sciens; ut supr. I. 40. 3. *agitato*, a canibus puta grege; similiter Virg. Aen. I. 485. congregatorum cervorum agmen armenta vocat. *excipere*, ut Graecorum ἐκδύεσθαι, de venatoribus, qui in insidiis collocati feras inopinatas opprimunt; vid. Burm. ad Phaedr. Fab. I. 11. 6. et ad Val. Flacc. VI. 422.

CARMEN XIII.

Vt fontem limpidum et umbrosis arboribus consitum, Bandusiae, non procul ab eius villa in Sabinis, scaturientem, aeternitati consecret; solemne, quod vinum libando, flores spargendo, et haedum nuactando in

eius honorem crastino die instituturus est, indicit sacrificium. — Poëtas Graecos exemplo suo in celebrandis et consecrandis fontibus amoenis Nostro praecivisse, vel e versu 43. *Fies nobilium tu quoque fontium manifestum est.*

v. 4—8. *Bandus.*) *Bandusia*, ut Acron ad h. l. observat, est agri Sabinensis regio, in qua Horatii ager fuit. Fons igitur, quem Noster celebrat, ibi seatens, vocatus est *Bandusius*, e quo, ut infr. Epist. I. 16. 42.—44. discimus, originem suam traxit rivus *Digentia*, *splendidior vitro*, limpidissimus. Ovid. Heroid. XV. 157. *Est nitidus, vitreoque magis perlucidus amni*; ubi plura in hanc rem dedit N. Heinsius; passim autem, quae perlucida sunt, cum vitro comparantur; hinc supr. I. 48. 16. *fides* — *vitro perlucidior*; unde *vitreus*, (Graecis ὑάλινος, ὑαλίνος) pro splendidus, perlucidus; cf. supr. I. 47. 20. — *dulci digne mero*, digne, cui dulce vinum libetur; *non sine floribus*, flores aequae, ac vinum libatum, ut rem sacram, fontis aquae inspersos

Cras donaberis haedo,
 Cui frons turgida cornibus
 Primis et Venerem et proelia destinat: 5
 Frustra: nam gelidos inficiet tibi
 Rubro sanguine rivos.
 Lascivi suboles gregis.
 Te flagrantis atrox hora Caniculae
 Nescit tangere: tu frigus amabile 10
 Fessis vomere tauris
 Praebes, et pecori vago.
 Fies nobilium tu quoque fontium,

esse puta. Cl. Mitsch. in hanc rem laudat Varronis locum de L. L. V. 3. *Fontinalia feriae erunt fontibus dicatae, quibus et coronae in fontes conici et putei coronari solebant.* — Haud ipsi quidem fontis aquae, sed Nymphae, quae domum suam in hoc fonte habere putabatur, hos divinos honores factos esse, vix monere attinet; hinc supr. l. 7. 12. fons Alburnea domus Albanae, sc. Nymphae, vocatur. Nymphae igitur fontis Bandusii iam munera spondet, quae alias diis agrestibus offerri solebant; de vino Cl. Mitsch. laudat Leonid. Tar. Carm. XXXV. Anth. Gr. T. I. pag. 463. et de floribus eundem Carm. XXX. l. I. p. 161. *Cui frons turgida corn. pr. et Ven. et proel. dest.* suavissima haedi annui vel anniculi circumscriptio; id aetatis enim haedus, cum prima cornua in eius fronte turgescere incipiunt, ad proelia et Venerem proclivis sit; pro vulgari autem: *Quem fr. turg. corn. pr. et Veneri et proeliis destinat*, h. e. ad Venerem et proelia proclivem reddit, inversa loquendi ratione dixit: *Cui f. t. c. p. Venerem et proelia destinat.* — Ceterum simili suavitate Noster infr.

III. 22. 7. *annuum verrem*, et IV. 2. 57. *vitulum* describit. *Frustra* sc. aetas eum Veneri et proeliis destinat; — *nam gelid. infic. te rubr. sang.* cett. expende ornatum vulgaris sententiae; nam in tui honorem ille immolabitur. — Aram igitur prope fontem exstructurus erat poeta. De eiusmodi arae inscriptionibus, v. c. *Fontis Genio*. vel: *Fonti. Divino. Aram. Posuit.* vide quos laudat Boettig. Gruter. p. XCIV. 3. 6. *Fabretti* c. VI. p. 432. 4. 5. 7. *inficiet* h. e. imbuet; hostiae sanguinem fonti immissum esse puta. *tibi*, in tui honorem.

v. 9–16. *atrox hora flagrantis Caniculae*, aestas sub Caniculae ortu saeviens. *Canicula* tam de Sirio, quam de *Procyone*, *Antecane*, intelligi potest; vid. *Salmas.* ad *Solin.* pag. 305. cf. infr. III. 29 18. *hora*, de quovis anni tempore; *horae Septembres* infr. *Epist.* l. 16. 17. *horae brumales* apud Ovid. *Met.* IV. 299. conf. supr. l. 12. 16. *nescit tangere* pro non tangit; *nescire* saepius apud poetas inservit periphrasi *non*. — *fies nobilium fontium* Graece pro unus nobilium fontium; exempla de hoc loquendi genere dedit *Ian.* in *Art.*

Me dicente cavis impositam ilicem
Saxis, unde loquaces
Lymphae desiliunt tuae.

45

CARMEN XIV

IN AVGVSTI EX HISPANIA REDITVM.

Herculis ritu, modo dictus, O Plebs,
Morte venalem petiisse laurum,
Caesar Hispana repetit Penates
Victor ab ora.

Poëtt. p. 187.— Per *nobiles fontes* intellige v. c. Hippocrenen, Dircen, Arethusam cett. *me dicente cavi.* *impos. il.* cett. dum ego carminibus meis te celebros; pro tenui te suaviter poëta ipsius fontis e saxis cavis, quae superimpendens illex inumbrat, prosilientis situm et speciem adumbrat; comparant Theocrit. VII. 137. τὸ δ' ἑγγύθεν ἰσπὼν ὄδῳ Νυμφᾶν ἐξ ἀντροῖς κατὰ βότρυον κτελέσθαι. — *loquac. Lymph. desil.* similiter Notater infr. Epod. XVI. 48. *montibus altis Lavis crepante Lympha desilit pede.*

tum inter vini vetustiora pocula, et inter amoris lusus (ad quos accessi iubetur Neaera, psaltria), summa hilaritate hunc diem transigat.

v. 1—4. *Herculis ritu* cett. Sensus: Augustus, O plebs, qui modo ad Herculis exemplum forti animo pro victoria ab hostibus reportanda vitae discrimen adiisse dicebatur, iam victor ex Hispania in urbem redit. — *Herculis ritu*, Augustus, ut remotissimorum populorum victor, apposite cum Hercule, tam victoriis quam erroribus, suis per totum terrarum orbem insigni, comparatur; hinc Virgilius quoque in Anchisae de futuris Augusti super populi remotissimis victoriis vaticinio Aen. VI. 802. *Nec vero Alcides tantum telluris obivit.* Haec Augusti autem cum Hercule comparatio iam multo magis quadrat, quod Hercules quoque, Geryone in Hispania occiso, iter suum in Italiam flectebat. *modo*, paulo ante; refer ad expeditionis celeritatem; vix Augustus bellum incepisse putabatur, cum iam inde victor rediret. *morte venal. petiisse laurum*, quam praeclare pro vulgari: hostium vincendorum

CARMEN XIV.

Cum Augustus, Cantabris perdomitis, ex Hispania victor in urbem rediret (V. C. DCCXXX. vid. Dio LIII. 28.), diem festum poëta tam publice Augusti coniugi, sorori, et aliis matronis nuptisque puellis, quam sibi privatim celebrandum, hoc carmine indicit. Laetitiae autem suae de felici Augusti reditu indulturus est ita, ut, dum illae solempni pompa ad supplicationem prodcaut, ipse priva-

Vnico gaudens mulier marito
 Prodeat, iustis operata Divis;
 Et soror clari ducis; et decorae
 Supplice vitta

Virginum matres, iuvenumque nuper
 Sospitum. Vos O pueri, et puellae

5

40

causa vitae periculum subliasse. *laurus morte venalis*, victoria, quae vita emi debet, h. e. victoria, cuius impetrandae causam vitam aliqua contemnere debet; simili elegantia honorem vita emere dixit Virgilius Aen. IX. 206.

v. 5—12. *mulier*, Livia. *unico*, praestantissimo, egregio; qui in re nota exempla desiderat, adeat *Hic*. ad Ovid. Met. III. 454. *prodeat*, solemnem ponipa nempe, de qua *prodire* proprie. *operata Divis*, ut diis operetur, h. e. vota pro salute mariti suscepta nunc sacro faciendo exsolvat; *operata* passim pro praesente operans a poetis ponitur; Tibull. II. 4. 9. *Omnia sint operata deo* pro operentur; et sic apud Virgil. Georg. I. 335. Ovid. Art. Am. III. 411 et 635. Am. II. 7. 23. et saepe alibi. *iustis*, iustas preces haud respuentibus. — *soror clari ducis*, Octavia. *matres supplice vitta decorae* h. e. vitta, ut decet supplicatum euntea, redimitae; sic infr. Epod. II. 47. *quam decorum* (h. e. pulcre redimitum) *mitibus pomis caput Autumni arvis extulit*, et apud Ovid. Fast. II. 603. *Romulus trabec decorus* hoc est ornatus, *supplice* ad personam, quae vittam gerit, referendum. *virginum*, nuptiarum nempe, quarum mariti salvi ex bello redierant; sic supr. II. 8. 23. *novae coniuges virginis nuper nuptae*, et apud Virg. Eclog. II. 6. 47. *Pasiphae Minoi nupta virgo*

infelix dicitur; *nuper*, ex bello recentissimo, Cantabrico. *Vos, O pueri et puellae iam virum expertae, male omin parcite verbis*. Sensus: Vos ipsi, O iuvenes mariti, et nuptae puellae, ne amplius iacite male ominata ista verba, quibus ruptum iri tristi bello vestrum coniugium augurabimini; immo (hoc enim inde elici debet) in pristinam amoris mutui felicitatem nunc restituti bona verba facite. — Haec quidem ratio, qua hunc locum vesatissimum expedire studui, facillima, et tam rei, quam verbis accommodatissima mihi visa est. Recepti autem antiquam lectionem: *et puellae iam virum expertae* h. e. nuptae. Poëta scilicet, ut eo magis apparet, iam de puellis nuptis sermonem esse, consulto addidit: *Iam virum expertae*, quamvis alias ipsae nuptae vel coniuges simpliciter *puellae* appellari solent; sic v. e. Penelope in Epistola ad maritum suum Vlysem apud Ovid. Her. I. 415. *se puellam* vocat, et infr. III. 22. 2. *puellae utero laborantes*. — At longe aliter de h. l. sentiunt interpretes recentiores, qui, lectione: *Vos, O pueri, et puellae iam virum expertae*, quae Cuningamii debetur ingenio, in textum recepta, de pueris, qui patribus, et de puellis, qui maritis suis in bello privatae sint, agi autumant. Sed, ut nihil dicam, quod recte iam monuit Gesnerus, importuno plane loco sic rei tristissimae iam mentionem fieri,

Iam virum expertae, male ominatis

Parcite verbis.

Hic dies vere mihi festus atras

Eximet curas: ego nec tumultum,

Nec mori per vim metuam, tenente

15

Caesare terras.

I, pete unguentum, puer, et coronas,

Et cadum Marsi memorem duelli,

Spartacum si qua potuit vagantem

Fallere testa.

20

Dic et argutae properet Neaerae

ipse usus loquendi huic explicationi repugnat. *Puella enim viri experta* ea demum recte ita dicitur, quae cum viro non consuescit, vel, ut cum Virgilio Aen. IV. 550. loquar, *vitam thalami expertem* degit, non ea, quae viro orbat est. Et quis *pueros expertes*, ne voce quidem *patrum* adiecta, de pueris, qui patribus suis in bello privati sint, recte accipiat? Nec melius procedit ratio eorum, qui *puellas iam virum expertes* de innuptis interpretantur, ita ut tò iam *pro mune adhuc* positum sit. Profecto si Horatius *tam virum expertes* scripsisset, haud dubie nuptas, quae consuetudinis cum marito huc usque exsortes vixerint, intellexisset. Donec igitur non meliora afferentur, antiquam lectionem servandam esse existimo.

v. 13—20. *tumultum* de bello vel domi, vel in proximis finibus, subito exorto. *mori per vim* pro vulgari: mortem violentam. *pete ungu.* — *coron.* conf. supr. II. 7. 25 seqq. — *et cad. Marsi mem.* *duelli*, exquisita pro vinum anno, quo bellum Marsicum saevit, conditum adeoque vetustissimum; de bello Marsico, a

Marsis, praecipuis eius auctoribus, ita appellato, vel, uti idem vocari solet, *Italico* seu *Sociali*, quod V. C. DCLX. usque ad annum DCLXII. insigni atrocitate de civitatis iure gestum est, vid. Flor. III. 18. Videtur autem vinum bello Sociali natum praestantia sua inprimis nobile fuisse, cum Iuvenalis quoque V. 31. *vae bellis Socialibus calcatae* cum laude mentionem fecerit; conf. ibi Cl. *Rupert.* in *Comment.* ad h. l. *Spartac.* si qua pot. *vag. fall. test.* si qua ratione fieri potuit, ut circumvagantem Spartacum lateret vino illo impleta amphora; de *Spartaco*, perniciosissimi illius in Italia belli (V. C. DCLXXIX.), quod *Servile* appellari solet, concitatores, res nota; vid. Vel. II. 20. Flor. III. 20. *qua sc. ratione*, pro forte.

v. 21—28. *Dic et argut. prop.* cett. plane uti supr. II. 11. 21 seqq. ubi pariter ad hilare convivium accessi iubetur psalteria, Lyde, quae ad psalteriarum levitatem et causam simul, ex qua illae advocari solebant, indicandam *scortum* ibi vocatur. *argutae* h. e. canorae; notissimum est illud Virgilii: *argutos interstrepit an-*

Myrrheum nodo cohibere crinem :

Si per invisum mora ianitorem

Fiet, abito.*

Lenit albescens animos capillus

25

Litium et rixae cupidos protervae :

Non ego hoc ferrem calidus iuventa,

Consule Planco.

CARMEN XV

AD CHLORIN.

Vxor pauperis Ibyci,

Tandem nequitiae fige modum tuae,

Famosisque laboribus :

Maturo propior desine funeri

ser olores; similiter apud Graecos in laudem passim dicitur *λαμπρός* et *ἀλλος*; vid. *Ruhnken.* ad *Hermesian.* Eleg. v. 88. *properet nodo cohibere*, festinantius in nodum colligat; conf. *supr.* l. i. v. 24. *myrrheum* h. e. *myrrha*, ut *Virg. Aen. XII.* 400.⁹ de coma dixit, *madentem*; minus bene alii a myrrhae colore ad fuscum crinis colorem referunt. *invisum*, difficilem nempe. *Lenit albescens* cett. quam praeclare! in hanc fere sententiam: iuvenilis enim ille calor, quo eiusmodi moras non tulissem, deferbuit, et aetate mitigatus est. — *ferrem* protulissem. *Consule Planco* V. C. DCCXII. collega M. Aemilio Lepido; fuit igitur Horatius sub Planci consulatu iuvenis annorum ferme XXIII.

CARMEN XV.

Cum Chloris, licet iam anus facta, ambitioe tamen et proterve inter

puellas adhuc nitere, et iuvenes, ut olim, amoris sui illecebris irretire studeret; poëta ei in hoc carmine, ut, modo tandem nequitiae posito, et partibus, quas olim egerit, filiae suae Pholoe traditis, in lanificio potius, quod magis deceat vetulam, operam suam et studium ponat, non sine amaro risu dat consilium. — Similiter *Noster* *supr.* l. 25. *Lyden*, et *infr.* IV. 43. *Lycen*, ut vetulas, inepte amoribus adhuc deditas, contumeliose traducit. — Ceterum in hoc tractato argumento Graeci cuiusdam poëtae vestigiis *Nostrum* instituisse, ex totius huius carminis indole satis certo colligere licet.

v. 4—6. *pauperis*, tam ad sortem Chloridis humiliorem, quam ad causam, quae illam ad quaestum meretricium adegerit, indicandam. — *famosis labor.* infami, quo quaestum corpore adhuc fecisti, libidinis exercitio. *maturo propior funeri*, morti,

Inter ludere virgines,
 Et stellis nebulam spargere candidis.
 Non, si quid Pholoen satis,
 Et te, Chlori, decet; filia rectius
 Expugnat iuvenum domos,
 Pulso Thyas uti concita tympano. 10
 Illam cogit amor Nothi
 Lascivae similem ludere capreae:
 Te lanae prope nobilem
 Tonsae Luceriam, non citharae, decent,
 Nec flos purpureus rosae, 15
 Nec poti, vetulam, faece tenus cadi.

cui pro aetate tua matura es, viciniior. Cl. Mitsch. opportune in hanc sententiam comparat Nicarch. Epigr. XII. 4. Anth. Graec. T. III. pag. 61. — ἀλλ' ὅτι ταύτην οὐκ ἄνδρα ζητεῖν νῦν ἔστι, ἀλλὰ τάρον. Idem laudat Aristoph. Vesp. 1355. *ludere*, delicias facere, amantium more iocari; — *candidis stellis nebul. sparg.* iam est: libero adspectui nitentium puellarum nebulae instar, quae earum splendorem intercipit, offundi.

v. 7—12. *si quid Phol. satis, sc.* ut puellam, in aetatis flore constitutam. *Expugn. iuven. dom. Pulso Th. uti conc. tympano.* Chloris igitur lasciviorum puellarum more adhuc comisari, et furore Bacchico quasi percita iuvenum domos effringere solebat; — cum Bacchis autem haud raro comparari solent furibundae mulieres, vetulae inprimis, libidinis furore agitatae; vid. Mitsch. *tympano*, eiusmodi tympani figuram ex marmore profert Sponius *Miscell. Erud. Antiqu. Sec. I. Art. 6.* fusc de eius in sacris usu disputat Perizon. ad Ael. IX. 8. *Lasciv. aim. lud. capr.* capreae more se lasciviorum et

proterviorem gerere. Comparant Dionys. Per. 843. — παρθεναὶ, νεοθηλαίς οἵατι νεβροὶ, Σκαίρουσι.

v. 13—16. *Te lanae prope nobil. Tonsae Lucer.* Multum sane fellis et acerbitatis habet haec lanificii, ad quod, tanquam ad proprium vetularum opus, Chloridem amandat, commendatio. Similiter vetulae pristinae levitatis poenam lanificio luere iubentur apud Tibull. I. 6. 77 seqq. Inprimis huc spectat a Cl. Mitsch. laudatum Epigr. Incert. Anct. LXXXII. Anth. Graec. T. IV. pag. 434. Ἡ τὸ πρὶν αὐχέστατα πολυχρόστοις ἐπ' ἐρασταῖς, Ἡ Νέμεσιν δαινήν οὐχὶ κύσσαταιδόν, Μίσθια νῦν σπαθίοις πενιχροῖς πηνέσμετρα χροῖται. Οὐδέ γ' Ἀθηναίῃ Κύπριν ἐκρίνατο. *Lucer.* oppidum Apuliae, lanse praestantia ob egregia, quae ibi erant, pascua nobile. — *flos purpur. rosae*, coronae convivales, e rosas nexae. *poti faece ten. cadi*, psaltrias inprimis, quae interesse solebant comissionibus (conf. carm. anteced. v. 21.), mulieres vinolentas fuisse, opereose ad h. l. docet Mitsch. *faece tenus*, ἐς τρύγα, conf. supr. I. 35. 27.

CARMEN XVI

AD MAECENATEM.

Inclusam Danaen turris aenea,
Robustaeque fores, et vigilum canum

CARMEN XVI.

Quod saepius Horatius probatum ivit, vitae humanae felicitatem non in magnarum opum possessione, sed in animo non plura quam quibus ad vitam honeste transigendam opus est appetente, positam esse, id semetipsum exemplo proponens novis sententiarum luminibus in hoc quoque carmine probat. Sententiarum nexus est hic: Auro nihil esse potentius, satis quidem constat. Auro enim in turrem aeneam, quae Danaen contra adulteros munire debebat, penetravit Iupiter; auro in perniciem mariti sui se corrumpi passa est Eriphyle; auro urbes expugnavit et vicinos reges de gloria et potestate secum aenulantes suppressit Macedonum rex, Philippus; auro denique navium duces ad periculum adducti sunt. Verum enim vero quo quis est opulentior, eo maiore plura habendi cupiditate agitur. Iure meritoque igitur a divitiarum splendore abhorruī, et tranquillo animo in re modica et contenta acquiescere, quam curis gravioribus in re lauta macerari, malui. Ignorat enim latifundiorum possessor dulcissimam illam voluptatem, quam equidem ex puro rivo, paucorum iugerum silvis, et agelli mei fertilitate percipio; imo multo illo sanne beatior; quamvis enim neque ex melle in Calabria quaestum facio, neque in Campania vinum Formia-

num condo, neque greges in praeclearis Galliae Cisalpinæ pascuis alo; rerum necessariarum tamen haud ego laboro inopia. Contracta autem plura habendi cupiditate intra exiguos agrorum meorum fines latius mihi regnare videbor, quam si continuos in Asia tractus possideam. Qui multa petunt, nunquam exsatiari possunt. Multo felicius igitur et tranquillius vivunt in re modica constituti.

v. 1—8. Ad vulgarem sententiam exornandam: «nihil tam munitum esse, quod non auro expugnari possit,» primum utitur exemplo Danaes, quam ne firmissimis quidem munitis satis tutam ab adulterorum auro praestare potuit Acrisius. Suaviter autem Venerem et Iovem risisse fingit, cum Acrisium vana contra auri potentiam moliri viderent. — Acrisius scilicet, rex Argivorum (ut narrat hanc fabulam Apollod. II. 1. seqq.) de vitae periculo a nepote aliquando sibi timendo divinitus monitus, filiam suam Danaen in aereum thalamum inclusisse, et sic sortis eventum eludere voluisse dicitur. Sed Iupiter cum in aureum imbrem conversus per tecta (διὰ τῆς ὀροφῆς) sive per tegulam (Terent. Eun. III. 5. 35.) in Danaes sinum descendisset, ex illa procreavit Perseum, qui postea avum suum Acrisium inconsulto et temere disci iactu occidisse traditur; cf. Hygin. Fab. LXIII. *turris aenea*, intellige cubiculum vel thalamum, ubi

Tristes excubiae munierant satis

Nocturnis ab adulteris :

Si non Acrisium, virginis abditae

5

Custodem pavidum, Iupiter et Venus

Risissent : fore enim tutum iter et patens

Converso in pretium Deo.

Aurum per medios ire satellites,

Et perrumpere amat saxa potentius

10

Ictu fulmineo. Concidit auguris

Argivi domus, ob lucrum

a potioris aesus aditu secludi apud Graecos virgines solebant, munitissimum, e quo poëtae posteriores fecerunt *turrem aeneam*, vel *acrotam*, Claud. in Eutrop. l. 82. Apollod. l. l. dixit: *Ακρίσιος ὑπὸ γῆν Δάλαμον κατασκευάσας χαλκίον, τὴν Δανάην ἐρροῦσαι*. Paul. Silent. Epigr. XVI. 2. appellat illum carcerem *χαλκιδάτου Δαλάμου*. cf. *Mitsch.* et *Boettig.* — *robustae*, e trabibus roboreis contextae, b. e. firmae; hinc *robur* de loco bene munito in carceribus; cf. supr. ad II. 13. 49. *vigil. can.* de canum gynaeceis additorum custodia laudant Aristoph. *Thezomoph.* 423. *tristes* sc. amatoribus; similiter Ovidio Art. Am. III. 601. *tristis custodia servi* dicitur. *munierant satis*, eleganter pro satis munitae videbantur. *munire ab aliquo*, pro adversus aliquem, ut *defendere ab aliquo* s. xcenties; — *si non risissent* pronisi risissent, et hoc pro vulgari: nihilominus tamen riserunt. *fure enim* sc. bene norant, vel, probe gnari; *tutum*, haud interclusum s. custodibus, liberam, securum; *pretium* apposite pro surum; hoc vocabulo enim res, quae in fabula latet, adulterum nempe viam sibi ad Danaen, custodibus auro vel pretio corruptis, aperuisse, simul in-

nuitur. Ovid. Am. III. 8. 30. *Iupiter admonitus, nihil esse potentius auro, Corruptae pretium virginis ipse fuit* et hinc apud eundem Met. IV. 610. Danae Perseum *pluvio auro* concessisse dicitur.

v. 9—16. Loca similia de auri potentia vid. apud Interpp. Iluc pertinet imprimis sententia, quam de auri, munitissimis quaeque penetrant, vi eodem Danaes fabulae subnectit Paul. Silent. l. l. 4. *χαλκία νηχῇ τείχεα καὶ δεσμούς χρυσός ὁ πανδαμάτωρ*. *per medios satellites*, eos scilicet corrumpendo. *amat, φιλεῖ*, non simpliciter pro *solet*, ut esplicant, sed habet simul adiunctam notionem voluptatis, quae surum in vi sua ostendenda, tanquam in proprio sibi iucundissimo negotio, versatur. *saxa*, munitissima quaeque. *auguris Argivi*, Amphisarai, cuius interitus, et omnis, quae eum secuta est, familiae suae clades, ab aureo monili, quo se corrumpi passa fuerat eius uxor et Adrasti soror, Eriphyle, repetenda fuit. Nam cum ille sati, quod, ut vates, sibi in bellum Thebanum profecturo instare animo praeceperat, evitandi causa se occultasset; ab ipsius uxor, aureo monili, quod per Polylicem ei oblatum fuerat, sollicitata,

Demersa exitio. Diffidit urbium
 Portas vir Macedo, et subruit aemulos
 Reges muneribus. Munera navium 16
 Saevos inlaqueant duces.
 Crescentem sequitur cura pecuniam,
 Maiorumque fames. Iure perhorruī
 Late conspicuum tollere verticem,
 Maecenas, equitum decus. 20
 Quanto quisque sibi plura negaverit,
 Ab Dis plura feret. Nil cupientium

proditus et ad illud bellum protractus est. Quo ubi terrae haustu periisset, eius filius Alcmaeon matris fraudem caede ultus est; ipse autem ob idem monile aureum, cum illud ab uxore, quam repudiaverat, Alpheisiboea repeteret, ab eius fratribus occisus est; vid. Apollod. III. 6. 2. Hygin. Fab. LXXXIII. *concidit demersa exitio* exquisitus pro: demersa est exitio, h. e. corruit et extirpata est. *Diffid. urb. Port. v. Mac.* Fabulis adiungit res historicas fide et experientia confirmatas. *vir Macedo*, Alexandri M. pater, Philippus, qui, ut Cicero ait ad Attic. I. 16. *omnia castella expugnari posse dicebat, in quae modo asellus auro onustus adscendere posset*. Hinc idem apud Val. Max. VII. 2. ext. 10. *maiore ex parte mercator Graeciae, quam victor*, dicitur; cf. Diod. Sic. XVI. 54. *Diffidit*, gravius pro perripit, expugnavit. — *subruit*, significantius pro tenui vici; *subruere* enim, quod proprie de eo, qui machinis vel operibus muros destruit, dicitur, apposite transfertur ad eum, qui auri et muneribus, tanquam machinis, alterius potestatem subvertit. *Mun. nav. s. inl. duc.* referunt ad Menodorum, vel Menam, qui muneribus corruptus a Pompeio,

cuius classi praefectus fuerat, ad Augustum, et ab eo vicissim ad illum defecisse traditur; vid. Dio XLVIII. 45. et XLIX. 4. *saevos h. e. fortes, ut saepe.*

v. 17—20. *Crescentem sequi. cura pec.* cf. in hanc sententiam supr. II. 2. 13. Notissimum est illud Iuvenal. XIV. 139. *Crescit amor nummi, quantum ipsa pecunia crescit.* Cl. Mitsch. laudat Paul. Silent. LXXV. 3. Anth. Gr. T. IV. p. 74. *Πλοῦτον ἔχειν ἰθὺς τὸν ἐπάριον ἢ δι' περισσὴν θυμὸν αἰεὶ κατέχει χρυσομανὴς μέλιν.* — *maiorum sc. honorum: maiora, τὰ μείζονα, πλείονα*; ut *ἡμερος πλείωνων* apud Theocrit. XVI. 65. *perhorruī*, gravius pro nolui; *late conspicuum tollere verticem*, divitiarum gloria exsplendescere. *verticem tollere* (ὑψυχνεῖν) dicuntur, qui vana gloria super alios se efferunt, eosque prae se contemnunt; cf. supr. I. 18. 15. — *equitum decus*, similiter supr. I. 20. 3. *Maecenatem clarum equitem* appellat.

v. 21—28. *Quanto quisque sibi pl. neg. ab D. pl. fer.* quo minor sibi cuius est divitiarum cupiditas, eo maior a diis ei concedetur felicitas; h. e. qui sorte sua contentus vivit, multo divite avaro est diutior. Nam, ut Cicero

Nudus castra peto, et transfuga divitum
 Partes linquere gestio,
 Contemtae dominus splendidior rei,
 Quam si, quidquid arat inpiger Appulus,
 Occultare meis dicerer horreïs,
 Magnas inter opes inops.
 Purae rivus aquae, silvaque iugerum.
 Paucorum, et segetis certa fides meae,
 Fulgentem imperio fertilis Africae
 Fallit. Sorte beator,

25

30

sil Paradox. VI. 3. Non esse cupidum, pecunia est; contentum vero suis rebus esse, maximae sunt certissimaeque divitiarum; — rebus suis contenti satis esse putant, quod est; nihil appetunt; nulla re egent, nihil sibi deesse sentiunt, nihil requirunt. Nil cupiunt. nud. castr. peto, ego, qui nullas divitias possideo (nudus), faciam cum iis, qui pariter a divitiarum possessione abhorrent; et transf. div. part. ling. gest. et lubens volensque me a divitum partibus seiungo. Vnus est Noster locutionibus, quae similiter alias a militia ad philosophorum sectas vel disciplinas transferri solent. Senec. Epist. 2. Soleo et in aliena castra transire, nec tanquam transfuga, sed tanquam explorator. Contemtae dom. splend. rei, Quam si, quidquid arat cett. sententiam in antecedentibus positam amplificat et exornat magis; sensus: Multo maiori mihi cedit honori, quod rem tennem et ab aliis contemtam meo imperio subicere didici, quam si res ampla me suo subiceret imperio; h. e. tenuitate mea contentus longe beator sum divite, qui magnas inter opes multa adhuc desiderat. Alii verba: Contemtae dominus splendidior rei explicant:

et divitias contemnendo locupletior sum dominus, quam si cett. Sed cum contemta res opposita sit amplissimorum latifundiorum messibus, nec Horatius divitiarum, quas contemserit, dominus fuerit, rem contemtam de ea, quae ab aliis contemnitur, h. e. parva, tenui, explicare praestat; splendidior, quod is, qui paucis contentus est, sapientiae gloria magis effulget. quidquid arat, quidquid frumentorum ex cultis agris colligit, — magnas inter opes inops; similiter Senec. Herc. Fur. 166. avarum divitem pauperem congesto in auro dixit: cf. Mitsch.

v. 29—45. Sensus et nexus: Liquidissima illa voluptas, qua ego vel puro rivo, vel silvis paucorum iugerum, vel certo segetis meae proventu perfundor, latet eum, qui latifundiorum in fertili Africa se iactat possessionibus. Sortis igitur meae felicitatem mecum reputans videor ego mihi eiusmodi latifundiorum possessore longe beator; quanquam enim non ea, in quibus vulgo censentur divitiae, possideo, nihil tamen ad vitae usum mihi deest, cett. — Scilicet cum voces Sorte beator non cum verbis antecedentibus, sed cum se-

Quamquam nec Calabrae mella ferunt apes,
Nec Laestrygonia Bacchus in amphora
Languescit mihi, nec pinguis Gallicis

Crescunt vellera pascuis: 35

Inportuna tamen Pauperies abest;
Nec, si plura velim, tu dare deneges.

Contracto melius parva cupidine

Vectigalia porrigam, 40

Quam si Mygdoniis regnum Alyattei

quente sententia iungendae omnino esse videantur, interpunctionem maiorem post *fallit* eo fidentius posui, quod in eandem, quae mihi iam olim succurrerat, hunc locum tam distinguendi quam explicandi rationem *Wakefeldium* quoque incidisse vidi. Nam qui voces *sorte beator* cum anteedentibus iunctas ad Graecam inveniendi rationem, sc. *ὅν*, vel esse, explicant: *sorte beatiorem esse*, ipsi de hac Latinitate viderint. Quis unquam vel *rivum*, vel *silvam*, vel *certainam fidem vegetis* — *sorte beatiorem dixerit*? *Purae riv. aquae*, breviter describit villam suam in Sabiis, ubi fluebat rivus *Digentia*, e fonte *Bandusio* (cf. *supr.* III. 43. I.) desiliens. — *silv. iug. pauc.* infra quoque *Noster Sat.* II. 6. 2. 3. praeter vicinum *aquae fontem* — *paulum silvae sibi contigisse ait.* *seg. cert. fid. meae*, ager fertilis, qui certa fide, quod ei creditum est, cum focnore reddit; de loquendi genere e re pecuniaria ad agriculturam translato vid. *supr.* ad III. 1. 30. — *Fulgent. imper. fert. Afr.* cum, qui divitiarum splendore conspicuus latifundiis Asia in fertili Africa imperat; *imperium*, ut *regna* apud Virg. *Eclog.* I. 70. de agrorum possessionibus, cf. *supr.* ad II. 2. 9. *Quamquam nec Cal. mell. fer. ap.* quamvis

non agros in Calabria possideo, ubi apum mihi quaestuosum esse possit mellificium; notum imprimis praestantia sua fuit mel Tarentinum; cf. *supr.* ad II. 6. 44. *Laestrygonia amphora*, in qua vinum Formianum conditum est, ut *supr.* I. 9. 7. *dicta Sabina*; designatur autem vinum Formianum a *Laestrygonibus*, regionem ad oppidum *Formias* in Campania incolentibus; vid. *Hom. Odys.* X. 82. *languescit*, veterascit. *pinguis*, qualia oves pingues, (ut *inf.* IV. 42. 9. vocantur), gerunt, crassiora et mellioris notae lana obsita puta. *Gallicia pasc.* *Columell.* VII. 2. 4. *Galliciae oves pretiosiores habentur, earumque praecipue Altinates.* — *inportuna pauperies*, molestis et importunis curis hominum animos de rebus, unde vivant, crucians (*χαλάρη*); *parv. vect.* vectigal iam, ut passim, de privatorum hominum redditibus; sic *infr.* *Sat.* II. 2. 400. et sic *tenue vectigal* de modicis redditibus apud *Cir. Paradox.* VI. 3. *Per parva vectigalia* igitur designat modicum suum in Sabinia agellum; *melius porrigam*, rectius et asipientius extendam; nam qui sorte sua contentus est, ditissimo est ditior; *porrigere* pro propagare, dilatare, extendere; ut *infr.* IV. 45. 45. *Alyattei*, regis Lydiae, Croesi patris. *Myg-*

Campis continuem. Multa petentibus
Desunt multa. Bene est, cui Deus obtulit
Parca, quod satis est, manu.

CARMEN XVII

AD AELIVM LAMIAM.

Aeli, vetusto nobilis ab Lamo,
Quando et priores hinc Lamias ferunt
Denominatos et nepotum
Per memores genus omne fastus

donis, Phrygiis, cf. supr. ad II. 42.
22. *continuem*, continuo vel perpetuo tractu possideam; *continuaré* agros dicuntur, qui totum tractum ita agris suis occupant, ut omnia eorum rura inter se iuncta sint, et uno tenore procurrant; Cic. Agr. III. 4. Liv. XXXIV. 4.—Cum totius loci sententia Boettigerus comparat Alph. Mityl. Epigr. IV. Anth. Gr. T. II. p. 416. ad quod cf. *Iacobi Animadv.* Vol. II. P. I. p. 345. *Bene est* sc. ei; felix est is, cui cett.

CARMEN XVII.

Horatius, cornicis augurio de procellosa tempestate posterum diem cristallura monitus, Lamiae suae, ut illum diem laetis epulis transigat, auctor existit. Subito et sine omni artis studio hoc carmen a Nostro exaratum esse, tam res, quam eius brevitatis, satis docet. Nihilominus fuere, qui, quasi datum sibi esset, ubi doctrinam suam ostentare possent, se veri censoris in eo diiudicando personam induerent. Itaque non solum exordium, per octo versus de Lamiae genere protractum, ut alienum ab

huius carminis argumento graviter reprehenderunt, sed quatuor versus adeo (2—5) ut infictos, invenustos et Horatii ingenio indignos plane eliciendos esse censuerunt. Sed boni illi si cogitassent, poetam, quacunque tandem ex causa permotum, eo ipso forte consilio, ut vetustam Lamiae gentem celebraret, hoc carmen scripsisse, gentium autem originis deducendae rationem haud orationis sublimitatem et ornatum admittere, longe aliter de illo iudicassent. De *Aelio Lamia* cf. Argum. ad I. 26.

v. 4—9. *vetusto ab Lamo*, Neptuni filio, antiquissimo Laestrygonum, populi in Campania, rege; Hom. Odyss. X. 81. *quando*, siquidem, quandoquidem, ut saepe apud Nostrum. *priores*, gentis suae maiores. *hinc Lamias denomin.*, a Lamo Lamias appellatos; fuit enim apud Romanos hoc nobilitatis studium, ut a nominis, quo quis antiquitas, praecipue in bello Troiano, insignem gloriam consecutus fuisset, similitudine gentis suae originem repeterent; vid. Virg. Aen. V. 417—423. *per memores fastus*, per tabulas, in qui-

Auctore ab illo ducit originem , 5
 Qui Formiarum moenia dicitur
 Princeps et innantem Maricae
 Litoribus tenuisse Lirim ,
 Late tyrannus : cras foliis nemus
 Multis et alga litus inutili 40
 Demissa tempestas ab Euro
 Sternet , aquae nisi fallit augur
 Annosa cornix. Dum potis , aridum
 Compone lignum : cras Genium mero

bus gentis Lamiae stemma memoriae est proditum ; de utraque forma *factus* et *facti* vid. *Drakenb.* ad *Sil. Ital.* II. 40. *memores*, rerum memoriam propagantes, ut *infr.* IV. 44. 4. et sic *memor fama* apud *Ovid.* *Past.* II. 380. et *memores libellae* apud eundem *Met.* VIII. 744. cf. *supr.* I. 43. 42. — *illo h. e.* tam claro ; saepius enim aliquis, cuius laus et gloria notissima est, simpliciter *ille* vocari solet. — *Formiarum moenia*, *Ham.* I. I. *Αἰγίου αἰπὸ πτελίσθρον, Τηλέπυλον Λαοτρύγονον*. *Formiarum* nomen postea demum a Lacedaemoniis huic urbi (quam *Plin.* II. N. III. 5. *antiquam Lestrygonum sedem* vocat) inditum esse, docet *Strabo* IV. p. 164. cf. *Torrent.* et *inn. Mario. lit. ten. Lir.*, h. e. et praeter *Formias* agrum *Minturnensem* sub ditione sua habuisse ; *ager Minturnensis* designatur per fluvium *Lirim* (cf. *supr.* ad I. 34. 7.), qui illam transit, et per paludes *Minturnenses* in mare effunditur. *Lam* vero cum *Marica*, *Nympha*, *Fauni* uxor et *Latini* mater (*Virgil.* *Aen.* VII. 47.), ut dea tutelarum a *Minturnensibus* magna religione in luco, ad ipsum flumen *Lirin* ei consecrato, coleretur, *Liris Maricae litoribus* do-

ctius pro agro *Minturnensi*, *invenire* dicitur. Similiter *Minturnensium* regio describitur apud *Lucan.* II. 424. et *Martial.* XIII. 83. *late tyrannus*, *σὺνυπέρβυς*, ut *populus late rex* apud *Virg.* *Aen.* I. 24.

v. 9—16. *cras foliis nemus* cett. *erns*, si fides habenda est *cornicis* augurio, tam in silvis, quam in mari tempestas saeviet. *demissa*, in aethere nempe concitata et inde demissa. — *sternit*, consternit, spargit, operiet. — *alga*, apud *Homervm* quoque *Iliad.* IX. 7. in tempestatis descriptione *Boreae* et *Zephyri* impetu *alga* e mari in litus eiecta esse dicitur. — *inutili*, hinc apud *Virgil.* *Eclog.* VII. 42. *procreta vilior alga*. *cornix augur aquae* ; *Cl. Mitsch.* laudat *Arat.* *Diosem.* 4022. *χιμῶνος μέγα σῆμα καὶ ἐννιάγηρα κορώνη νύκτερον ἀλδουσα*. *Ovid.* *Am.* II. 6. 34. *pluviae graculus augur aquae*. *annosa*, plures enim hominum aetates *cornicem* vivere tradunt tam veterisquam recentiores historiae naturalis scriptores. *Dum potis, aridum compone lignum*, para igitur lignum aridum, dum illud aridum adhuc parare licet. — *Genium mero curabis* et *porco bimest.* merum libando et hostiam,

HOR. TOM. I

Q

Curabis et porco bimestri
Cum famulis operum solutis.

15

CARMEN XVIII

AD FAUNUM.

Faune, Nympharum fugientum amator,
Per meos fines et aprica rura
Lenis incedas, abeasque parvis
Aequus alumnis:
Si tener pleno cadit haedus anno,

5

bimestrem porcum, mactando, honorem facies Genio, h. e. laetum institues convivium; hilaritati enim indulgentes se facere putabant, quod Genio, h. e. peculiari cuiusque vitae addito custodi/gratum esset; unde *Genio litare, Genium placare*, cett. *curare igitur Genium* pro Genio operari, vel sacra facere, et hoc pro hilaritati indulgere. *cum faunul. oper. solut.* *Haec sacra* enim, ut canis Tibull. II. 1. 5. *arator requiescere, et suspensus vomere grave opus cessare solet.*

sacra quotannis Fauno, ut deo, in cuius peculiari tutela esset pecus, Romanos fecisse, primum quidem Idibus Februariis (Ovid. *Fastor.* II. 193, *Idibus agrestis fumant altaria Fauni*), deinde Nonis Decembribus, ut ex hoc carmine v. 40. discimus, apud eos, qui de festis Romanorum exposuerunt, cognoscere licet. — De Fauno gregibus incolumitatem praestante cf. supra I. 47.

v. 1—8. *Nymph. fugient amator*, nota est Fauni, ut ceterorum deorum agrestium, salacitas. *lenis*, mitis, placidus. *aequus parvis alumnis*, propitius tenero gregis foetui, agnis nempe et hoeduleis; sic *dulces alumni* pariter de tenera gregis subole infr. III. 23. 7. Qui *parvos alumnos* de curis verpulis explicant, rem, cuius nulli alius sit mentio, Fauno tribuunt. Imo, qui Faunalia celebrabant, Faunum, ut gregis servatorem, venerari solebant. *Si tener pl. cadit haedus* cett. addit ex solenni precantium formula conditionem, sub qua deum preces suas exauditurum esse sperat. — *anno pleno*, integri anni exacto

CARMEN XVIII.

Hunc hymnum in Faunum ipso Faunalium die inter sacrificandum poeta cecinisse putandus est; in cuius prima quidem parte pie precatur Faunum, ut porro, si sacra eius rite instituat, placidus agris suis adesse, et tenero pecudis foetui tutela sua praestare velit; in altera vero summam, cui homines pecudesque Nonis Decembribus in toto pago vacent, describit laetitiam. — Ceterum his

Larga nec desunt Veneris sodali

Vina craterae, vetus ara multo

Fumat odore.

Ludit herboso pecus omne campo,

Quum tibi Nonae redeunt Decembres:

10

Festus in pratis vacat otioso

Cum bove pagus:

Inter audaces lupus errat agnos:

Spargit agrestes tibi silva frondes:

Gaudet invisam pepulisse fossor

Ter pede terram.

tempore, pro vulgari quotannis. — *Veneris sodalis craterae*, suaviter cratera, e qua vinum libatur, *Veneris sodalis* vocatur; Bacchus enim et Venus coniunctim vires suas exserere solent; cf. Cl. Mitsch, qui inter alia laudat Lucian. Amor. (2. T. II. pag. 410. (edit. Gesn.) *επιπρωτῆρα γὰρ Ἀπποδῖρα μετὰ Διονύσου, καὶ τὸ παρ' ἀμφοῖν ἑδὺ σύγκρατον*. *vetus*, bene ad aram, tanquam pietatis, iam longis inde annis Fauno exsolutae, monumentum, designandam.

v. 9.—16. *Ludit*, prae laetitia exsultat, *παίζει*. *festus*, diem festum in honorem tuum celebrans. *vacat*, solutus est operum, ut sub fine carminis antecedentis dicitur. *Inter audaces lup.* *errat agnos*, hinc supr. I. 47.9. *hocduleae* sub Fauni praesidio *Martiales lupos* haud metuere dicuntur; ducta rei imago est ab aurea

aetate, qua greges, omni a saevis bestiis metu vacui, libere et secure circumerrasse finguntur; cf. infr. V. 46. 51. Plura in hanc rem collecta loca dabit *Cord.* ad Virgil. Ecl. IV. 22. *spargit tibi silv. fron.* silva in adventus tui honorem spargit folia. Quod sub initio mensis Decembris pro anni tempore sponte faciebat silva, id suaviter in Faunol honorem data opera fecisse fingitur. *Folia* enim in vias *spargendi* mos (*φυλλοσπάρτα*) antiquitus ad externi honoris, diis praestandi, significationem pertinebat; vid. *Cord.* ad Virg. Eclog. V. 40. — *agrestes*, quales nempe in agris, quos Faunus transit, arbores gerunt. — *ter ped. terr. pepul.* refer ad tripudia et saltationes in agris. *invisam*, eum delectu ad ingenium fossoris, cui terra ob graves, quos ei inter fodiendum parit, labores saepe *invis* sit.

CARMEN XIX

AD TELEPHVM.

Quantum distet ab Inacho
Codrus, pro patria non timidus mori,

CARMEN XIX.

Instat poëta maturando, quod in novi Auguris Murenæ honorem cum sodalibus sua instituturus est, convivio. Pars huius sodalitii est Telephus, doctrinæ inprimis, ut videtur, laude conspicuus, et eo ipso forte tempore in ordinanda et enarranda historia Græca occupatus. Hunc igitur poëta iam mittere rerum doctorum et abstrusarum disquisitionem, et id potius, quod ad convivium preparandum apectet, agere iubet. Mox, quasi in medio convivio iam versetur, et in eo symposiarchi partes agat, lege bibendi proponit, et quot quisque pocula in Lunæ, Noctis, et auguris Murenæ honorem sumat, edicit. Tum moræ impatiens, ut tibi statim, fistula et lyra canatur, rosæ spargantur, et atrepitus, quem non sine invidia morosus quidam senex Lycna cum coniuge sua adhuc adolescentula in vicinia audiat, eb insipientibus convivi excitetur, vehementius imperat. Denique, ut amorum quoque in hilari convivio celebrando fiat mentio, Telephi felicitatem, quod ille sponte a Rhodæ petatur, prædiciat, de suo autem infortunio, quod Glyceræ sibi in amore paret asperitas, queritur. — Cum feliciorei cuiusdam eventus causa fere fuerit, ex qua Infratius lætiora cum amicis sua celebraret convivium, ut

supr. I. 36. *Numidæ* et II. 7. *Pompeii Vari* faustus in patriam reditus, et I. 37. laetus de *Cleopatræ* morte nunciatus; vix dubitari potest, quin poëta convivium, ad quod *Telephum* in hoc carmine evocat, celebratione lætitiæ suam Murenæ de augurato nuperrime ei delato declarare voluerit. Quo concitatore autem affectu ille hoc convivium accelerat, eo magis, quanta eius de novis Murenæ honoribus fuerit lætitia, cognoscitur. De Telepho cf. supr. I. 13. 4. Ceterum Cl. *Mitscherlichius* colores suos *Nostrum* in hoc carmine ex *Ionis Chii* Epigr. II. Anth. Gr. T. I. p. 94. dixisse existimat; sed similitudo illa, quam *Ionis Chii* carmen cum nostro habet, in simili tantum ad bibendum, saltandum et canendum exhortatione cernitur, nec, quid inde *Noster* expresserit, apparet.

v. 4.—8. *Quantum dist. ab In. Codr.* quot annorum numerum tempus illud inde ab antiquissimo Argivorum rege *Inacho* usque ad *Codrum*, ultimum Atheniensium regem, præterlapsum efficiat, et quid rerum intra hoc temporis spatium gestum sit. *Inachi* regnum iniecit ferme in ann. a. Christ. MDCCCLVI. *Codrus* vero vitam pro patria deposuit MLXVIII. cf. *Murs. de Regn. Attic.* III. 16. effluxerunt igitur ab *Inacho* usque ad *Codrum* circiter DCCC. pro *patriâ* non timid. mori, Græce *παθὼν δειλῶς*

Narras, et genus Aeaci,
 Et pugnata sacro bella sub Illo :
 Quo Chium pretio cadum 5
 Mercemur, quis aquarum temperet ignibus,
 Quo praebente domum et quota
 Pelignis carcam frigoribus, taces.
 Da Lunae propere novae,
 Da Noctis mediae, da, puer, auguris 10
 Murenarum : tribus aut novem
 Miscentor cyathis pocula commodis.

Ἰκνεῖν vel μὴ ὀκνεῖν Ἰκνεῖν, pro vulgari: non timens, sed sponte suscipiens pro patria mortem; de nobilissimo mortis genere, quo civitati suae victoriam de hostibus paratam ivit Codrus, res in vulgus nota; vid. Justin. II. 6. Vell. Pat. I. 2. Cic. Tusc. I. 48. Val. Max. V. 6. *narras*, enarras, exponis; non quidem, ut Cl. Mitsch. censet, confabulando cum amicis iam de convivio deliberaturis, sed domi potius historiam Graecam diligentius secundum temporis rationes digerendo et litteris consignando; quis enim Telephum tam ineptum hominem fuisse statuat, ut doctrinae suae copias importuno tempore exponendo aliis molestiam crearet? aut quis Horatium hoc carmen vel temere inter loquendum effudisse, vel re transacta demum illud composuisse sibi persuadeat? Imo poeta, qua Telephum appellavit, ratione id tantum, ut eius aetatem a severo historiae studio ad hilare convivium advocaret, spectasse videtur. *genus Aeaci*, gentem ex Aeaco, Oenopias rege, progenitam, Peleum, Telamonomem, Achillem, Teucrum, et Aiacem, cett. *sacro*, ad Homerum, cui Διοὺς, cum plurium deorum cultus ibi vigeret, passim ἱεὴ dicitur; et

hinc apud Virgil. Aen. II. 244. *Ilum Divum domus vocatur*. *Chium cadum*, ad praestantiora enim vina *Chium* quoque a Romanis referebatur; vid. Athen. I. p. 28. *mercemur*, communi igitur sumtu sive de symbolis convivari volebant. *temperet ignibus*, calefaciat; ante coenam enim, ut satis constat, lavatum ire solebant Romani. *Quo praebente domum* cett. quis domum convivio nostro suppeditet, et quota hora ego ad focum, ubi nihil mihi curandum sit acre frigus, conveniam, de hac re ne verbum quidem facis, h. e. id prae historiae, in quo delixus es, studio nihil moraris. *Pelignis*, quallia in montosa Pelignorum regione saevire solent.

v. 9—17. *Da Lunae propere* cett. porridge, Opuer, festinantius poculum, quod in novae Lunae, mediae Noctis et auguris Murenarum honorem ebibatur. Genitivi *Lunae*, *Noctis*, et *Murenarum* pendent ab omisso nomine *poculum*, quod dici solet *eius*, in cuius honorem illud exhauritur; cf. supra ad III. 8. 13. Poeta scilicet laetitiae, quam praecipit, sensu abreptus iam sibi versari videtur in hoc convivio, et quidem in multam iam noctem producto, ubi sane *Luna* et *Nox*

Qui Musas amat impares,
 Ternos ter cyathos adtonitus petet
 Vates: tres prohibet supra 75
 Rixarum metuens tangere Gratia,
 Nudis iuncta sororibus.
 Insanire iuvat, cur Berecynthiae
 Cessant flamina tibiae?
 Cur pendet tacita fistula cum lyra? 20
 Parcentes ego dexteris
 Odi: sparge rosas: audiat invidus
 Dementem strepitum Lycus,
 Et vicina seni non habilis Lyco.

apont hnt deas convivis venerandas
 se offerre debebant. *miscetur*,
 symposiarchi more imperat. Iubet
 autem tantum vini aqua temperati in
 pocula maiora infundi, quantum no-
 vem vel tres cyathi capiunt; no-
 vem quidem cyathos decernit iis, qui
 largius vino se invitare solent, poë-
 tis scilicet, in quibus ipse fuit; —
 tres vero iis, quos Gratiae, quarum
 cultores sunt, modestiae et tempe-
 rantiae in bibendo fines transilire ve-
 tant; de *cyathis* vid. supr. ad III. 8.
 43. *miseri pocula* dicuntur, quae vino
 aqua temperato implentur. *com-
 modis*, modicis, nec nimis parvis,
 nec nimis magnis. *adtonitus*, fa-
 rore poëtico correptus, ἐκπρόσθετος,
 προεσθάντος. *tres supra*, ultra
 tres. *rixarum metuens*, verens, ne
 rixarum causa fiat immodicus vini
 usus. *Gratia iuncta sororibus*, Gra-
 tiae sororio vineulo inter se iunctae.
 — *nudis*) *nudus* quidem, ut Graeco-
 rum γυμνός, passim de eo, qui le-
 viter amictus est, dicitur, sed *Gra-
 tiae* in antiquis monumentis vere
 nudeae apparent; cf. Cl. Munro *Ueber
 die Horen und Gratien* p. 80.

v. 18—24. *Insanire iuvat*, ut supr.
 II. 7. 28. *dulce mihi est furere*. No-
 tissimum est illud Anacreontis XXXI.
 ὦνος, ὦνος μανῆνας. *Berecynthiae*,
 Phrygiae, a monte Berecynio in Phry-
 gia, ubi praecipue in Cybeles sacris
tibiae usus fuit; uti autem *tibia* gra-
 viorem (vid. *Remerius* ad Lucian.
 D. D. XII. T. I. p. 233.), ita *fistula*,
 cuius statim mentio fit, leniorem et
 acutiorum sonum edidit. Quid discrimi-
 nis inter *tibiam* et *fistulam* fue-
 rit, docuerunt *Bulengerus de Theatro*
 II. 23. et *Laurentius* in *Thesaur. Graev.*
 T. VIII. p. 1466. *Parcentes ego
 dexteris* odi, non ferre possum, qui
 cuocantur et moras neccunt; suavi-
 ter autem iis, qui operae rei cuidam
 impendendae parcent, *parcentes dex-
 terae* tribuuntur. *sparge rosas*, cf.
 supr. ad I. 36. 45. *strepit aud.*
 Comparant Cie. p. Rosc. Am. 46. *canis
 vocem et nervorum et tibiarum noctur-
 nisque convivis tota vicinitas perstre-
 pit.* *dementem*, qualem conviva-
 rum excitat dementia. *non habilis*,
 haud apta et congruens; aetate enim
 adhuc florens cum iuvenibus potius
 quam cum senis marito consuescere

Spissa te nitidum coma, 25
 Puro te similem, Telephe, Vespero,
 Tempestiva petit Rhode :
 Me lentus Glyceræ torret amor meae.

CARMEN XX

AD PYRRHVM.

Non vides, quanto moveas periclo,
 Pyrrhe, Gaetulæ catulos leaenæ?
 Dura post paullo fugies inaudax
 Proelia raptor:

cupiebat; quo magis igitur Lycus de iuvenili coniugis suæ levitate erat sollicitus, eo molestior convivarum in vicinia lascivientium strepitus eius auribus accidere debebat.

v. 25—28. NEXUS: At te, O Telephe, ut iuvenem formosum, amat Rhode, pariter in flore ætatis constituta. *nitidum*, exsplendescentem, conspicuum. *similem Vespero*, pulcri iuvenis cum Vesperi vel Luciferi splendore comparatio passim apud poëtas obvia; exemplorum copiam vid. apud Cerd. ad Virg. VIII. 589. cf. supr. II. 5. 19. et III. 19. 24. *tempestiva*, ὤπαις, νιμφοῖς. *Iam matura viro* (ut Virgil. Aen. VII. 53. loquitur), *iam plenis nubilis annis*; et sic *matura virgo* supr. III. 6. 22.—*lentus Glyceræ amor* h. e. Glycera se duram et lentam in amore mihi præbens; similiter supr. I. 13. 8. *lentis ignibus macerari* dicitur; ubi cf. not. Tibull. I. 4. 81. *Heu heu quam lento Marathus me torquet* (rectius *torret*) amore.

CARMEN XX.

Pyrrho, iam id agenti, ut puerum, quem amabat, formosissimum, Near-

chum, puellæ cuidam, simul eius amore flagranti, præreptum eat, periculum, quod hoc temerario ausu aubeat, accommodata rei imagine ante oculos ponit. Puellam enim illam, si Pyrrhus Nearcum ab ea abstraxerit, leaenæ instar, cui quis catulos eripere tentet, in raptorem saevituram, et amatum sibi puerum, feroci animo per obstantes iuvenum catervas ab eo repetituram esse ait; victoriam autem huius certaminis eo magis fore ambiguam, cum ipse puer, pugnae arbiter, Pyrrhusne an puella superior evadat, in nullo plane ponat discrimine. — Ad Graeci cuiusdam poëtae exemplum hoc carmen a Nostro attemperatum esse, unusquisque facile sentiet. Lineas quasdam adumbratae in hoc carmine imaginis animadvertisse sibi visus est in Platonis Charmide T. V. p. III. Bipont. Schneiderus in *Animadv. in Anacr.* p. 107. a Mitscherlichio laudatus.

v. 1—8. *moveas* h. e. amoveas; ut supr. I. 10. 10. *boves per dolum amovere*; *leaenæ*, Ovid. Met. III. 547. *Vique fuit catulo lactente orbata leaena*. *Gaetulæ*, ut supr. I. 23. 10. *Gaetulus leo*, ubi cf. not. *inau-*

Quum per obstantes iuvenum catervas

5

Ibit insignem repetens Nearchum,

Grande certamen, tibi praeda cedat

Maior, an illi.

Interim, dum tu celeres sagittas

Promis, haec dentes acuit timendos,

10

Arbiter pugnae posuisse nudo

Sub pede palmam

Fertur, et leni recreare vento

Sparsum odoratis humerum capillis:

dax nove pro timidus, haud dubie quod apud Graecum ποῖτα, quem Noster expressit, erat ἀτολμος. — *per obstantes iuv. caterv.* persistit in allegoria, et *Nearchum* sequente demum versu pro *catulis* ponit; cogita igitur *per obstantes iuvenum catervas* comites, qui se *leae*nae, raptorem catulorum suorum persequentii, opponunt. *insignem* sc. formae; *ibit repetens* pro *ibit*, ut repetat, vel repetitum; ut *supr.* III. 14. 6. *Prodeat iustus operata Divis* pro ut operetur. — *Grande certam. tibi praeda ced. mai. an illi*, h. e. grandis certaminis, utrum tibi an illi contingat victoria, causam futurum. *Nearchus certamen*, pro certaminis *causa*, dicitur.

v. 9—16. *Interim, dum tu celeres sagitt. prom.* Atqui v. 3. ut *inaudax raptor dura leae*nae proelia fugiturus esse dicebatur? scilicet non statim ah initio, sed, ut illi additur, *post paullo*. — *arbiter pugnae*, *Nearchus*, βραβεύτης, a cuius arbitrio stetit victoria. *palmam sub pede posuisse*, nihil curasse, utri palmam daret, h. e. utrum puellam *Pyrrho*, an *Pyrrhum* puellae praefereat; plane ut illa mulier in cyathio caprarum apud Theocrit.

I. 33. seqq. πᾶρ δὲ οἱ ἄνδρες καλὸν εὐτερίζοντες ἀμοιβὰς αἰσθάνεσθαι ἀλλος Νεαρίων' ἐπίσσει· τὰ δ' οὐ φρονέει ἀπτεται αὐτὰς. *sub pede poni vel pedibus subici* (Virg. Georg. II. 492.) dicitur quod contemnimus, nihil curamus, susque deque habemus; *nudo*, ad morem, quo pueri delicatiores non calceati, sed solenti incedebant, referunt; mihi quidem in epitheto *nudo*, quod ad ornatum pertinet, haud urgenda videtur significationis proprietates. *sparsum odoratis humerum capillis*, hoc est humerum, super quo capilli unguentis delibuti defluebant. *Nostrum* imitatus est Ovidius Fast. II. 509. *Fat odoratis humeros perfusa capillis Maeonia*. *leni recreare vento*, flabello vel tabella adhibita; *flabellum* enim vel *tabella* (vid. N. Heins. ad Ovid. Art. Am. I. 464.) ad instrumenta pertinebat, quae mollioribus ad corpus curandum inservirent; exempla in hanc rem vid. apud Mitsch. Iam vero, quod *Nearchus* certamini, ipsius causa inter *Pyrrhum* et puellam exorto, ita adesse dicitur, ut corpus suum interea vento per flabellum facto refrigeret, id incuriosum eius de utriusque amore animum

Qualis aut Nireus fuit, aut aquosa
Raptus ab Ida.

15

CARMEN XXI

AD AMPHORAM.

O nata mecum consule Manlio,
Seu tu querelas, sive geris iocos,
Seu rixam et insanos amores,
Seu facilem, pia testa, somnum,
Quocunque lectum nomine Massicum

5

egregie declarat. *Nireus*, Hom. *Iliad.* II. 673. Νῆριός, δὲ πᾶλλιστος ἀνὴρ ἐπὶ Λίον ἦλθε. *Raptus ab Ida*, *Ganymedes*. *aquosa*, quod multi fontes in monte *Ida* scatebant. *Ovid.* *Met.* II. 218. *celeberrima fontibus Ida.* Ἰδὴ πολυπίδαξ, πιδίσιςσα.

v. 1—8. *O nata me. consule Manli.* *pia testa*, h. e. *O testa*, quae vinum continens natum eodem, quo ego natus sum, anno, *L. Manlio Torquato*, et *L. Aurelio Cotta Coss.* (*A. Vrb.* DCLXXXIX.) *nata* non ad *testam*, sed ad vinum, quod *testa* continet, referendum; *piam* vero hanc *testam* ideo, puto, vocat, quod uno anno cum poeta nata pietatis quasi vinculo quodam eum illo coniuncta sit: alii *piam* *testam*, benignam, munificam explicant. *Seu tu querelas cett.* sive vino, quod capis, haec vis insita est, ut potiores reddat querulos, sive ea, ut illos ad iocos et hilaritatem proclives faciat, sive ut apud alios rixarum, apud alios insani amoris incitamentum fiat, sive ea denique, ut facili somno oppruiat. *Opportuae* *Cl. Mitsch.* eum hoc loco comparat *Eveni Parii Carm. XV. Anth. Graec. T. I. p. 99.* Βάτχου μέτρον ἀριστον, δὲ μὴ πολὺ, μηδ' ἐλάχιστον. Ἔστι γὰρ ἡ λύτης αἵτιον, ἢ πᾶντις. — *Et δὲ πολὺς πνεύσσειν, ἀπὸ τραπταὶ μὲν ἔρωτος, βαπτίζου δ' ὕπνου γαίτονι τῷ θανάτῳ.* *Quocunque lectum*

CARMEN XXI.

M. Valerio Messalae Corvino, qui Horatio se die quodam apud eum coenaturum esse promississe videtur, quale vinum in eius honorem hoc die sibi laetissimo suppeditaturus sit, hoc carmine indicat. *Testam* nempe, quae vinum Massicum uno anno secum natum servet, deprompturus et sic, quanti Messalam suum faciat, probaturus est. Quo quidem vino satis commendato in universam vini laudem (cf. *supr.* I. 18.) digreditur, et ipsius Messalae laudes scitissime cum illa coniungit. — De Messala, viro tam rerum gestarum gloria, quam doctrinae laude nobilissimo, copiose disputat *Illustr. Heynius* in *Obsequ.* ad *Tibull.* I. 3. 4.

Servas, moveri digna bono die :

Descende, Corvino iubente

Promere languidiora vina.

Non ille, quamquam Socraticis madet

Sermonibus, te negliget horridus :

Narratur et prisci Catonis

Saepe mero caluisse virtus.

40

nomine Massicum serv. mov. digna bona die, digna es, quae laeto et festo die protraharis, in quemcunque denique finem et usum tu vinum es uvis, in Campaniae monte Massico lectis, expressum servas. — Haerebam olim in hoc loco, quod non *vinum*, sed *uvae* proprie *legi* dicuntur, et pro *lectum* fortasse *tectum* legendum esse coniciebam, ita, ut *vinum reconditum* (infr. III. 28. 2.) vel *vinum interioris notae* (supr. II. 3. 8.) intelligeretur, et quocunque *tectum* nomine esset: in quemcunque demum usum vel solennitatem reconditum; sed nunc vereor, ut huic coniecturae usus loquendi satis faveat; imo uti *nata* non proprie ad *testam*, ita *lectum* non proprie ad *vinum* referendum est. *descende*, cella enim vinaria in superiore aedium parte fuit; vid. supr. ad III. 8. 11. *languidiora*, vetustiora, leniora, mitiora; hinc vinum, quod veterascit, supr. III. 16. 35. *languere* dicitur. *Corvino iubente promere* sc. me. locas nempe Corvinus Horatium vina languidiora promere iussisse videtur tum, cum ille, ut suspicatum sumus in *Argum.*, se apud Horatium coenare velle promitteret. Sed fortasse Horatius toto hoc carmine nihil aliud, nisi se die quodam *bono* sive laeto in Corvini honorem deprompto vino optimo una cum illo hilaritati indulgere velle, declarare voluit. Et sic *Corvino iubente* erit:

dum summus erga Corvinum amor iubet cett.

v. 9—12. *quamquam Socraticis madet sermon.* quamquam Socratica philosophia, cui deditus est, imbutum habet animum; philosophiam Socraticam per *sermones Socraticos* designat, quia Socrates sermones imprimis cum discipulis suis serendo philosophiam docere solebat; *madet*, cum delectu pro imbutus est, vini nempe, quo quis *madere* dicitur, respectu habito; *madere* enim et *modicus* de rerum scientia quoque, qua quis largiter instructus est, dici solet. Landant Martial. l. 40. 3. *Si quis Cecropiae mulibus Latiaeque Minervae Artibus*, et VII. 69. 2. *Cuius Cecropiae pectora dote madent.* *te negliget horridus*, tetrico philosophorum vultu aspernabitur; *horridus*, difficilis, asper, morosus. *prisci Catonis virtus*, severus et virtutis laude conspicuus Cato; *priscus* aliquis dicitur, qui priscorum h. e. severorum morum est observantior; sic *priscus parens* apud Catull. LXIV. 159. ubi vid. not. ef. infr. Epist. II. 2. 117. *virtus Catonis* pro ipso virtutis studioso Catone, ut infr. Sat. II. 4. 72. *sapientia Laeli*. Vtrum Cato maior ac. Censorius, an *Vicenus* fuerit, quem paulo liberius nonnunquam vino indulsisse narrant, interpretes inter se discrepant. *Vicensem* intelligendum esse, probatum ivit Mitsch. Ceterum

Tu lene tormentum ingenio admoves

Plerumque duro : tu sapientium

Curas et arcanum iocoso)

15

Consilium retegis Lyaeo :

Tu spem reducis mentibus anxiis

Viresque : et addis cornua pauperi ,

Post te neque iratos trementi

Regum apices , neque militum arma. 20

praeter alia huc pertinet Mart. II. 89. 4. *Quod nimio gaudes noctem producere vino; Ignosco: vitium, Gauri, Catonis habes.*

v. 13—20. *Tu lene torm. ing. adm. plerumque dur.* tu haud raro tanquam lene durioribus ingeniis emolliendis adhiberis remedium, h. e. tu facis, ut duriora ingenia mitescant; *lene tormentum admovere duro ingenio* h. e. leni ratione vim admovere duro ingenio, sc. ut fiat mitius et mollius. Amicis. *Iacobs* in *Animadv. ad Anthol. Graec.* T. II. p. 29. hunc locum comparat cum *Asclepiad.* Carm. X. 4. T. I. p. 146. Similiter *infr.* III. 28. 4. *munus sapientiae vim adhibere* pro vino indulgere; et sic apud *Sil. Ital.* XI. 287. *Bacchi munera duram mentem laxare* dicuntur. Ceterum comparant quoque *Bacchylid.* X. 1. *Anth. Gr.* T. I. p. 84. *Πλὴν δὲ ἀνέχοντα πνεύματα πολλῶν ὀλέθρων δοῦναι.* *tu sapient. cur. et arc. iocos. cons. reteg.* *Lyaeo*, explicant de philosophis, quos vinum disertos faciat, et *curas* de eorum meditationibus, *consilium* vero de eorum placitis et decretis interpretantur. Sed ut praeternitiam, usum loquendi repugnare plane huic explicandi rationi, quis unquam tandem philosophos, ut patefaciant, quae commentati sint, quaeve statuant, vini demum haustu impelli dixit? Imo per sapientes poeta mihi

designare videtur eos, qui alias, quibus curis agitantur, quaeve secum volunt, prudenter et caute animo premunt et tegunt, inter vina vero animum aperiunt, et (ut *Noster* *infr.* Epist. I. 5. 16. de ebriis loquitur) *operta recludunt.* *iocoso*, efficiente, ut quis iocosus et hilaris fiat. *Tu spem reduc. ment. anx.* hinc. *infr.* IV. 42. 47. *vinum spes novas donare*, et Epist. 4. 15. 19. *eum spe divite, in venas animumque manare*, et Epist. I. 5. 16. *spes ratas esse iubere* dictus *Cl. Mitsch.* in *Anal.* p. 708. comparat *Pindari* *Fragm.* quoddam, quod in *Excerpto* L. XI. *Athenaei* apud *Cassubon.* *Animadv.* XI. c. 4. p. 782. legitur. *viresque*, cf. *Homer.* II. VI. 264. et IX. 702. *addis cornua pauperi*) *cornua* pro robore, in quo quis fiduciam ponit; hinc *cornua munere* proverbiali locutione dicuntur, qui nimia in viribus suis fiducia posita ferociore sunt. *Nostrum* imitatus est *Ovid.* *Art. Am.* I. 238. et *Amor.* III. 14. 5. *Ad sententiam* facit *Macedon.* XXI. 4. 2. in *Anthol. Graec.* T. IV. p. 86. *Ἀνέρες, οἳτι μὲν πλεον ἀνέμωνος ὄργια βάρχου, ἐπὶ τῶν ἐπαρθεῶν πλεῖν τὴν πένην.* — *Post te*, munere tuo recreatus; similiter *supr.* I. 18. 5. *post vina.* *iratos regum apices*, ientorum regum potentiam. *apex*, quod alias est insigne sacerdotum, iam pro diademate vel insigni

Te Liber, et, si laeta aderit, Venus,
 Segnesque nodum solvere Gratiae,
 Vivaque producent lucernae,
 Dum rediens fugat astra Phoebus.

CARMEN XXII

AD DIANAM.

Montium custos nemorumque, Virgo,
 Quae laborantes utero puellas
 Ter vocata audis, adimisque leto,
 Diva triformis:

regiae dignitatis ponitur; *vò iratos*, quod ad *regum* referri debet, exquisitiore ratione ad *apicem* poeta retulit; ut Ovid. Amor. lib. III. 6. 36. *Cornua si tua nunc ubi sunt, Acheloe, requiras, Hecaulis irata* (pro vulgari *irati*) *fracta querere mœnu*.

v. 21—24. *Te—producent*, paulo audacius pro: convivium, quod tuo munere celebrabitur, in multam noctem protrahent. *Liber*, tanquam *lucitiae dator*, ut Bacchus vocatur apud Virg. Aen. I. 734. *laeta*, propitia. *Gratiae*, tanquam decoris et honestatis in conviviis magistrae et custodes. *segnes nodum solvere*, Graece pro ad nodum solvendum; h. e. quae non facile, quo invicem iuxta se nexae sunt, solvunt vinculum; hinc iunctis manibus inter se nexae apparent Gratiae in vett. monumentis. *vivae*, lucentes, *vigiles* dicuntur supr. III. 8. 14. *dum red. fug. astra Phoebus*, comparant Prop. IV. 7. 85. *Sic noctem paterna, sic ducam carmine, donec initia solis in mea vina dica*.

CARMEN XXXII.

Laudatis breviter Dianae virtutibus, pium poeta, ad quam verrem ei quotannis immolaturus est, solemniori more eius cultui consecrat. Flores illos, quos e Graeciae hortiis decerpit Noster, hoc carmen redolere, facile, qui nares suavissimo illorum odori adaequas habent, sentient.

v. 1—8. *Mont. cust. nem.* Precata enim Diana fuerat a Iove pater: *Δὴ δὲ μοι ὕψις πάτρα*, Callimach. Hym. in Dian. v. 18. unde dicta illa est *ὕψις*; vid. Spanhem. ad Callim. l. l. Supr. l. 24. 5. *laeta nemorum coma* dicitur Catull. XXXIV. 10. *Montium domina ut fores, Silvarumque virgentium*. *Virgo* honorifice pro Diana, ut supr. l. 12. 22. perpetuae enim virginittis honore gaudebat Diana. *labor. utero* h. e. uteri, dum partum editurae sunt, doloribus laborantes. *puellas*, juvenes uxores, cf. supr. III. 14. 10. Nostrum imitatus est Ovidius Amor. II. 13. 18. *Tuque*

Inminens villae tua pinus esto ,
 Quam per exactos ego lactus annos
 Verris obliquum meditantis ictum
 Sanguine donem.

5

CARMEN XXIII

AD PHIDYLEN.

Coelo supinas si tuleris manus
 Nascente luna , rustica Phidyle ,
 Si ture placaris et horna
 Fruge Lares , avidaque porca :

laborantes utero miterata puellas ; ad munera Dianae autem pertinet quoque obstetricia munus , unde illa : Diana Lucifera , Lucina (cf. infr. V. 5. 5.) , Iuno Lucina (Catull. carm. laud. v. 43. Tu Lucina dolentibus Iuno dicta puerperis.) Graecia : Πρωτογόρος , Εὐλογος , λοχία , ὠκυρόκος , μεγοστόκος , Εὐδαιμόνια , dicta est. αἰλίμια leti , mortis periculo eripia. τριφορμία (τριφυρρος , τριφώστωπος) in caelo nempe Luna , in terris Diana , apud inferos Hecate ; hinc Virgil. Aen. IV. 511. tria Virginis ora Dianae , ubi vid. Cerd. tua , tibi sacra , ut una quereus apud Virg. Aen. X. 423. quam verris sanguine donem , ad quam verrem immolem. per exactos annos pro vulgari : quotannis , ut supr. III. 18. 5. pleno anno. obliquum meditantis ictum , oblique et a latere , ut solent apri , dum transcurrunt , ictum inferre meditantis ; apud Homer. quoque Iliad. XII. 448. σπέρδοχος ἄσπετον dicitur ; simili arte Noster supr. III. 43. 44. haecum an-

nnum et IV. 2. 52. vitulum circum-
scribit.

CARMEN XXIII.

Phidylem , rusticam , de victimarum suarum tennitate , ut videtur , sollicitam , bono animo esse , eamque , modo parva diis , pietatem eius et innocentiam potius quam sacrificiorum splendorem et amplitudinem respicientibus , obtulerit munera , tam agrorum incolumitatem , quam pecudis salubritatem , sperare iubet. — En praeclaram de deorum mente sententiam ! in cuius quidem tractatione poetam quendam Graecum Nostro praevisse , vel nomen Phidyle docere potest.

v. 4—8. *supinas* , manibus enim sursum expausis antiquitus precari solebant ; hinc Πρωτογόρος χυρῶν apud Aeschyl. Prometh. 1064. cf. Interpretes. *nascente Luna* , novilunio , vel Calendis cuiusque menais ; cogitandum scilicet de temporibus an-

Nec pestilentem sentiet Africum 5
 Fecunda vitis, nec sterilem seges
 Robiginem, aut dulces alumni
 Pomifero grave tempus anno.
 Nam, quae nivali pascitur Alcido 10
 Devota quercus inter et ilices,
 Aut crescit Albanis in herbis,
 Victima, pontificum secures
 Cervice tinguet. Te nihil attinet
 Tentare multa caede bidentium
 Parvos coronantem marino 15
 Rore Deos fragilique myrto.

tiquioribus, ubi annus ad lunsa cur-
 rum in duodecim adhuc menses de-
 scriptus fuit, laudat Caton. de Re
 Rust. c. 143. *horna*, hornotina
 (ὄρνις), huius ipsius anni primitiis.—
Lares, Tibull. I. 3. 34. *Redditaque*
antiquo menstrua tura Lari. *avida*,
 refer ad vorandi aviditatem. *pe-*
stilentem Africum, vitibus enim in-
 primis pestifer vel noxius habebatur
 Africi vel Austri flatus. v. Pallad. II.
 13. cf. Boettig. *robiginem*, vitium,
 quod segeti nimio solis aestu contra-
 hitur; nos *brand*; at uredo de eo
 vitio dicitur, quo seges frigore usta
 corrumpitur. cf. Boettig. *sterilem*,
 sterilitatis causam. *dulces alumni*,
 hoedi, agni; supr. III. 18. 3. dicun-
 tur parvi alumni. *pomifero anno*,
 auctumno. *grave*, valetudini oh
 aëris gravitatem perniciosum Liv. III.
 6. *Grave tempus et forte annus pesti-*
lens; et cap. 8. *seu graviore tempore*
anni iam circumactio; et XXV. 26.
tempore autumnali, et locis natura gra-
vibus; et hinc infr. Sat. II. 6. 19.
gravis autumnus.

9.—16. *Sensus*: Lautiores enim,

vel porcos, vel boves, pontificibus
 pro publica salute convenit mactare
 victimas; tu vero non opus habes
 multis victimis deorum tibi concili-
 are gratiam, dummodo corollam e
 rore marino et myrto nexam exiguis
 Larium simulacra imposueris. *Al-*
cido, cf. supr. ad I. 21. 6. *devota*
sc. ad sacrificium; *devoti* autem ad
 sacrificium porci, ut docet Cato de
 R. R. II. 4. 20. *sacres*, boves autem
 opimi appellabantur. *Albanis in*
herbis h. e. pascuis circa Albam
 Longam. *cervice*, sanguine, ex
 icta cervice prorumpente. *tinguet*,
 maculabit, inficiet; Propert. IV. 4.
 111. *Idem Agamemnoniae ferrum cer-*
vicos puellae tinxit. *nihil attinet*,
 non opus est, non convenit, *te ten-*
tere h. e. laceessere, sollicitare, sc. ut
 tibi faveant. *parvos deos*, deorum
 Larium enim simulacra exigua forma
 effingi solebant. cf. Tibull. I. 40. 17.
 Colorem, ut observat Mitsch. e No-
 stro duxit Iuvenal. IX. 137. *O parvi*
nostrique Lares, quos tunc minuto
Aut farre, et tenui soleo exorare
corona.

Inmunis aram si tetigit manus,
Non sumtuosa blandior hostia,
Mollivit aversos Penates
Farre pio et saliente mica.

20

CARMEN XXIV.

Intactis opulentior
Thesauris Arabum et divitis Indiae,
Caementis licet occupes
Tyrrenum omne tuis et mare Apulicum,

v. 17—20. *Immunis aram si tetigit manus*, cett. iunge: *Si manus immunis* (sc. sceleris, h. e. pura) *tetigit aram*, ea iam saepius *mollivit* (placavit) *aversos Penates farre pio et saliente mica* (moia salsa) *non blandior* (nemiquam diis gratior, sc. immunis manus) *sumtuosa hostia oblata* (si pro farre pio et saliente mica oblata est sumtuosa hostia). Sensus igitur: Qui pura et integra mente ad aram accedit, is farre pio et saliente mica aequae ac sumtuosae hostiae (parvo munere aequae ac magno) iratos deos placat. Ceterum eandem sententiam Ovid. ex Pont. IV. 8. 39. 40. sic enutrit: *Nec, quae de parva Dia pauper libat acerba, Tura minus, grandi quam data laevo, valent.*

quam morum, qui apud eos vigeant, sanctitate multo felicius vivere docuit, unumquemque, qui aeternam de patria ab interitu servata apud posteros sibi parare velit gloriam, indomitae divitiarum cupiditati inprimis modum ponere iubet. Qua quidem funditus extirpata popularibus aulis auctor existit, ut pueros suos, ignavia et animi mollitie nunc diffuentes, severioribus studiis adsuefaciant.

v. 1—8. *Intactis opul.* cett. Ornatum vulgaris sententiae: «Licet sis ditissimus, mortem tamen effugere non potes;» thrones expendant. Mortis autem commemoratione saepius Noster divitiarum cupidos a stultitia sua detertere studuit; cf. supr. I. 4. 13 II. 18. 17 seqq. III. 1. 9 seqq. — *Intactis*, nondum attractis, integra adhuc; frustra enim ipsi Romani iam saepius Arabiae Feliciae thesauris et rerum pretiosarum copiis manus inlicere tentaverant; cf. supr. I. 29. Propertio quoque II. 8. 20. *intacta* dicitur Arabia *caementis*, factis villarum marinarum per caementa fundamentis; cf. supr. III. 4. 35. *Tyrrenum*, mare inferum; *Apuli-*

CARMEN XXIV.

In effrenatam ditiorum licentiam et lusum, tanquam causam omnis morum corruptelae, quae, tum Romanos occupaverat, graviter invehitur. Postquam igitur communem moriendi necessitatem opulentioribus ante oculos posuit, et Scythas Getaeque, tam libero ubique agrorum cultu,

Si figit adamantinos

5

Summis verticibus dira Necessitas

Clavos, non animum metu,

Nōn Mortis laqueis expediēs caput.

Campestres melius Scythae,

Quorum plaustra vagas rite trahunt domos, ¹⁰

Vivunt, et rigidi Getae:

Inmetata quibus iugera liberas

Fruges et Cererem segunt,

Nec cultura placet longior annua:

Defunctumque laboribus

15

Aequali recreat sorte vicarius.

cum, mare superum. *Si figit adamantinos* cett. vulgarem sententiam: s si violentia sua te invadit dira Necessitas, haud ei te subducere poteris, h. e. si annos a Fato tibi destinatos expleveris, moriendum tibi erit; s splendide exornavit poëta. Dea *Necessitas*, h. e. *Fatuma*, Ἀνάγκη, Μοῖρα, *clavos adamantinos* h. e. firmissimos validissimosque, vel *trabales* (ut supr. I. 35. 13. vocantur) manu gestare, eosque rebus vel personis, quas domare vel potestati suae subicere vult, infigere fingitur. Cum bis elavis igitur *Necessitas* apparet apud divites mortu destinatos fixisque illis in summis eorum verticibus mori eos adigit; *adamantinos*, res dicuntur *adamantinae*, quae sunt inextinguibilis firmitatis, ut supr. I. 6. 13. *tunica adamantina*; *summ. vert.*) *summus* est epitheton ornans, nihil amplius. *metu* sc. mortis.

v. 9—16. Multo feliciorē in campis vitam vivunt Scythae et Getae, dum communi agrorum cultu contenti haud curis illis et cupiditatibus, quibus divites, agitantur. *melius* h. e. sapientius, ut supr. I. 10. 1. re-

otius vivere. *Quorum plaustra vag. rite trah. dom. iustia.* II. 1. de Scythiis: *Vxores liberosque secum in plaustris vehunt, quibus, coris inbrium huiusque causa tectis, pro domibus utuntur.* unde illi Graecis dicti sunt ἀπαύστοι, ἀπαύστοι. *rite*, ut fert eorum mos et vitae ratio. *rigidi*, duriori vitae adsuēti, ut infr. Epist. II. 1. 25. *rigidi Sabini*. Ceterum de Getarum vitae simplicitate et frugalitate laudant Strab. VII. p. 302. — *inmetata iugera*, vivebant igitur Scythae et Getae ut homines aureae aetatis, quae, ut Tibull. I. 3. 43. loquitur, nullus adhuc lapis in agris fixus fuit, qui certis finibus arva regeret. cf. Virgil. Georg. I. 126. et ibi interpretes. *Nec cult. pl. long. ann.* agro enim, quem per unum annum coluerant, relicto, vagas domos suas in alium transferebant. *Defunct. lab. aequ. recr. sorte vicar.* et ut is, qui annuis laboribus perfunctus est, se recreare possit, eius vices aequo iure alius suscipit. *vicarius aequali sorte*, vices alterius, ut sors aequalis postulat, suscipiens. Cum hoc Scytharum Getarumque vivendi more egre-

Illic matre carentibus
 Privignis mulier temperat innocens :
 Nec dotata regit virum
 Coniux, nec nitido fidit adultero : 20
 Dos est magna parentium
 Virtus, et metuens alterius viri
 Certo foedere castitas,
 Et peccare nefas, aut pretium emori.
 O quisquis volet inpias 25
 Caedes et rabiem tollere civicam,

gie conveniunt, quae Caesar B. G. IV. 1. de Suevis narrat: *Centum pagos habere dicuntur, e quibus quotannis singula millia armatorum bellandi causa elucunt. Reliqui, qui domi manserint, se atque illos alunt. Hi rursus anno post in armis sunt: illi domi remanent. Sic neque agricultura, nec ratio atque usus belli intermittitur: sed privati ac separati agri apud eos nihil est, neque longius anno remanere uno in loco incolendi causa licet.*

v. 17.—24. Morum sanctitatem et vitae integritatem, quam apud Scythas et Getas vigere ait, iam consulto perversis, quibus Romani se corrumpi passim fuerant, opponit moribus. — *Illic matre car. Privign. mul. temp. innoc.* explicant: apud eas gentes non verca privignis pocula miscet sine noxa, h. e. non veneno inficit pocula; sed temperare alicui simpliciter pocula alieni miscere, vix usus loquendi fert, nec quisquam ita locutus est; ut nihil de voce *innocens* pro sine noxa vel damno, dicam. Itaque non dubito, quin temperare privignis iam sit: temperanter et leniter tractare privignos, mitem se praebere privignis, iis parcere; et sic fere Cicero pro Balbo 27. *tempe-*

*rare amicis; Verr. II. 2. hostibus; Verr. I. 59. sociis dixit. Neco dotata reg. vir. laudant in hanc sententiam Plaut. Men. V. 2. 16. Ita istae solent, quae viros subservire sibi postulant, dote fretae; cf. eundem Asin. I. 4. 74. Aul. III. 5. 60. Notissimum est in hanc sententiam illud Iuvenalis: *intolerabilius nihil est, quam femina dives. nitido* h. e. pulcro, nihil amplius. *fidit*, fideuter et temere se committit. *virtus*, ad quam filios suos a teneris conformare student parentes; alii de parentum in liberos propagata virtute accipiunt; ad sententiam plura veterum scriptorum loca comparavit Cl. Mitsch. — *castitas certo foedere* pro certi foederis h. e. coniugii, quod semper certa fide constat. *Et peccare ne f. aut pret emori*, et dos est, vel dotis loco apud eas gentes habendum est, quod earum filiae tamen peccare (adulterari, ἀμαρτάνειν) nefas esse ducunt, aut, si ad adulterium committendum sollicitantur, tamen emori (mortem) pro pretio habent, h. e. mori, quam adulterium committere malunt.*

v. 25.—32. Iam cum nobili indignatione ad indomitam aetatis suae licentiam se convertit, et quomodo

Si quaeret Pater Urbium
 Subscribi statuis, indomitam audeat
 Refrenare licentiam,
 Clarus postgenitis, quatenus, heu nefas, 30
 Virtutem incolumem odimus,
 Sublatam ex oculis quaerimus, invidi.
 Quid tristes querimoniae,
 Si non supplicio culpa reciditur?
 Quid leges, sine moribus 35
 Vanae, proficiunt, si neque fervidis
 Pars inclusa caloribus
 Mundi, nec Boreae finitimum latus,
 Durataeque solo nives,
 Mercatorem abigunt? horrida callidi 40

ista a viro, aeternam sibi apud posteritatem de servata patria gloriam paraturo, refrenanda sit, ostendit. — Quod suspicatur Boettigerus, Horatium hac severioris disciplinae commendatione velificatum esse gratiae Augusti, qui tum sorte condendis illis legibus, quas postea tulit, v. c. legi Iuliae de adulteriis, legi Papiae Poppaeae de moritandis ordinibus, operam dederit, admodum probabile est. *rabiem civicam*, de bellis civilibus, ut passim *furor civium*. — Si *quaeret Pater urbium* cett. si huius gloriae appetens erit, ut nomen suum aliquando sub titulo: *Pater Urbium* statuis incidatur; *Urbium* pro urbis, ut *statuis* pro statuae. — Nondum quidem tum Augustus, quem Nostrum innuissae putant, ex publico Senatus consulto *Patris patriae* nomine insignitus fuit, sed populus, ut doceat numismata quaedam, de quibus egit Rusehius in *Lexic. Numism.* T. III. P. 11. p. 621. 22. iam plures annos ante hunc titulum honorificum, ei

tribuerat. *postgenitis*, posteris, τοῖς ἐπιγόνοις. *virtutem incolumem*, viros egregios, dum vivunt. *invidi*, tam ad odimus, quam ad *quaerimus*, referendum. Ad sententiam laudant Vell. II. 92. *Præsentia invidiæ*, praeterita veneratione persequimur; his nos obui, illis instrui credimus. — conf. infr. Epist. II. 1. 14.

v. 33—44. Vanae sunt nostrae de morum corruptela querelae, si non poenis gravissimis huic malo resistitur; vanae quoque sunt leges, si ad illas non vivitur, si divitiae et luxu instrumenta e remotissimis terrae partibus summa cupiditate conquiruntur, paupertati vero nullus honor tribuitur. *culpa*, morum perversitas. *sine moribus vanae*, inutiles, nisi vita ad eas exigitur. — *ferv. pars incl. cal. mundi zona torrida*; conf. supr. I. 22. 21, III. 3. 55. — *Bor. finit. lat. zona frigida*. — *duratae solo nives*, circumscriptio glaciei; e nive enim, quam frigus in solo iacentem durat, fit glacies. —

Vincunt aequora navitae?

Magnum pauperies obprobrium iubet

Quidvis et facere et pati,

Virtutisque viam deserit arduae?

Vel nos in Capitolium,

45

Quo clamor vocat et turba faventium,

Vel nos in mare proximum

Gemmas, et lapides, aurum et inutile,

Summi materiem mali,

Mittamus, scelera si bene poenitet.

50

Eradenda cupidinis

Pravi sunt elementa: et tenerae nimis

Mentes asperioribus

Formandae studiis. Nescit equo rudis

callidi, referat artem navigandi, quam ad pericula in mari superanda bene nautae callenti; alii ad lucri faciendi calliditatem referunt. *Magn. paup. obprob.* cett. Quid leges proficiunt, si ii, qui nullas divitias possident, vehementer a divitibus despiciuntur, et sic ad quaevis turpia tam facienda quam patienda adacti a virtutis studio deducuntur? — Comparant Lucian. pro Merced. Cond. pag. 717. Πρώτα πάντες ποιεῖν καὶ πᾶσιν ἀναπειθόντα, ὡς ἐκρύβοι τις αὐτήν. — *arduae*, in arce nempe secundum Hesiodum Epy. 287 seqq. collocatae, ad quam eius cultor eniti debet.

v. 45—54. Quodā igitur ad frugem et antiquam morum simplicitatem redire volumus, divitiarum, tanquam unice corruptorum morum causae, extirpanda omnino est cupiditas. Extirpari autem istam posse existimat, si aurum et res pretiosae quaeque vel Iovi Capitolino tanquam ἀναθήματᾱ solemniter more offerantur, vel in mare abiciantur. *in Capri-*

todium, ad exemplum Augusti, qui, ut narrat Suetonius Aug. 30. *in cel- lam Capitolinā Iovis sedecim millia pondo auri, gemmasque et margaritas quingentes HS. una donatione contulerit. Quo clamor voc. et turba fav.* inter faustam populi praecedentis acclamationem. *in mare proximum*, Tyrrhenum puta: valuit autem iam antiquitus proverbialis illa locutio, qua, qui res quasdam contemnunt et nihil curant, eas se in aquam abicere velle aiunt. Opportune in hanc rem Boettigerus laudat Lucian. Tim. § 56. p. 473. Τοῦ δὲ θεοῦ χάριν ἐστίν, ὡς μὴ διακτεῖναι σὲ τὸ κακίστου τοῦτο καὶ ἐπιβουλότατον κτῆμα ὁ πλοῦτος, ὁ πολλοῖς πολλὰς αἰτίας ἀνθρώπων συμφορῶν γεγεννημένος· εἰ γὰρ μοι πείθῃς, μάλιστα ὅλον εἰς τὴν θάλατταν φέρων ἐμβάλεις. *lapides*, uniones; cf. ad Catull. LXIX. 4. *mentes nimis tenerae*, quae nunc nimis molli et effeminata ratione tractantur.

v. 54—64. *Nescit equo rudis cetti*: puer Romanus pro molliore, qua

Haerere ingenuus puer, 55
 Venarique timet; ludere doctior,
 Seu Graeco iubeas trocho,
 Seu malis vetita legibus alea:
 Quum periura patris fides
 Consortem socium fallat et hospitem, 60
 Indignoque pecuniam
 Haeredi properet. Scilicet improbae

nunc educatur, ratione equitandi artis imperitus est; — iungunt *rudis nescit*, quod poetica copia pro simplice: nescit, vel ignorat, dictum esse potant. Sed nondum, ut de huius locutionis Latinitate mihi persuaderem, adduci potui. Nam quis ferat hoc? *puer ingenuus rudis* (pro equitandi imperitus) *nescit haerere equo*, pro non potest equitare. Quid, si pro *rudis* Horatius *rudis* scripserit? h. e. equo nondum domito et condocfacto, quali quidem qui insidet, *haerere* h. e. firmiter ei insidere debet. Nam quod nonnulli *τῷ haerere* notionem infirmitatis inesse existimant, ut sit pro male equitare, sententia plane repugnat; si quis *nescit* male equitare, haud dubie bene equitat; at qui *nescit* firmiter equo insidere, male equitat. Ad studia autem, quibus pueri Romani in campo Martio exercebantur, pertinuisse quoque hoc, ut equos adhuc *indomitos* vel *rudis* domarent, satis notum est. Hinc Noster *supr. l. 8. 7. de effeminato Sybari: Gallica neo lupatis temperat ora frenis. venari timet*, venationem refugit; ut *supr. l. 8. 8. timet Tiberim tangere. Graeco trocho* *trochus* (*τρόχος*), circulus aeneus, rotas similis, quem pueri ludentes virga ferrea circumagebant, dum valde delectabantur eius strepitu, quem anneau annuli inter agendum

edebant; *vid. Mercur. de Art. Gymn. III. 8. Graeco*, e Graecia enim in Italiam translatum fuerat hoc instrumentum lusorium; *gracebantur* igitur, ut *infr. Sat. II. 2. 11. dicitur*, pueri Romani. *vetit. leg. alea*, hinc *de alea* (h. e. lusu, cuius eventus, iactatus nempe talis vel tesseris, in fortunae positus fuit arbitrio, nos *hasardspiel*) *condemnatorum* mentionem facit Cicero Philipp. II. 23. — *Quum periura patris fides* cett. dum turpi fraude pater corradit pecuniam, quam filius profusius dilapidet. — *soc.*) socius dicitur, quocum quis in lucro faciendo societatem inuit. — *fallat*, commode laudant Cie. p. Rosc. Amer. 40. *In rebus minoribus socium fallere turpissimum est. — Recte igitur maiores eum, qui socium fefelleret, in bonorum virorum numero non putarunt haberi oportere. conuort.*) socius dicitur *convors*, qui, quod *sorstem* (summam pecuniae, nos *capital*) in medium contulit, iure suo aequam lucri partem postulare potest. *indigno*, prodigio uempe. — *pro. properet*) *properare pecuniam* eleganter dicuntur, qui diurna nocturnaque opera faciunt tentantque omnia, quibus pecuniam coaceruent; hinc *avarus* Luvenali XIV. 417. *properans* dicitur. *improbae*, qua improbo inhonestoque studio colliguntur; vel simpliciter: magnae, ingen-

Crescunt divitiae: tamen
Curtae nescio quid semper abest rei.

CARMEN XXV

AD BACCHVM.

Quo me, Bacche, rapis tui
Plenum? Quae nemora, aut quos agor in specus
Velox mente nova? Quibus
Antris egregii Caesaris audiar

* tes; rei Curtae, eiusmodi divitiis, quae, ut ut amplae, curtae tamen et parvae insatiabilibus earum videntur possessoribus; nam ut Noster III. 16. 42. *Multa petentibus, denunt multa.* Boettigerus comparat Eurip. Elect. 943.

CARMEN XXV.

Augusti divinos honores sive *ἀποθέωσις* carmine quam maxime sublimi celebraturus furorem, quem Bacchus poëta dithyrambicis immittere putabatur, pectore concepit Horatius. Bacchi igitur furore plenus, uti Maenas aliqua, in nemora et specus aufertur, ubi in antro quodam sublimi et inauditum ante in Augusti, inter deos relati, laudes carmen dicturus est. Mox paululum ex animi sui tumultu se colligens circumspicit, et loca, ad quae furore percitus delatus sit, miratur. Tum Bacchum appellat, et, quale carmen cantaturus sit, iterum proficitur. Sensu autem dulcis illius furore, quo, qui Bacchum sequuntur, perfundantur, delinitus subito carmen finit. — Quid assequi poëta hoc carmine dithyram-

bicu (qualc fere est *supr.* II. 19.) voluerit, facile apparet. Ostendere nempe voluit, quo ore Augusti laudes celebraturus ruere debeat. Non canens autem illas laudes novo et sublimiore, quod se meditari ait, carmine, tacite iis canendis et uberius enarrandis se imparem proficitur. Quo quidem nihil ad tentatae rei amplitudinem designandam aptius graviusque a poëta fingi potuit; *conf. supr. Argum. ad I. 6.*

v. 1—6. Cogita, poëtam, carmen audacius in Augusti laudes molientem, Bacchum, qui numine suo eius pectus impleret, invocasse; audit poëtae preces Bacchus, adest et eius pectus intrat, cuius vim sentiens: *Quo me, Bacche, rapis tui plenum?* exclamat. *velox mente nova*, novo, quo impellor, impetu velociter ruens. — *Quibus antris egreg. Caes.* cett. pro vulgari: In quibus antris aeternam Augusti inter deos relati gloriam canam? *audiar meditans* pro meditabor, et hoc pro carmine meditando tentabo. *egregii Caesaris aeternum decus*, egregium (*cf. supr. I. 6. 11.*) et aeternae gloriae decore

Aeternum meditans decus

5

Stellis inserere et consilio Iovis?

Dicam insigne, recens, adhuc

Indictum ore alio. Non secus in iugis

Exsomnia stupet Evias,

Hebrum prospiciens, et nive candidam 10

Thracen, ac pede barbaro

Lustratam Rhodopen. Vt mihi devio

Ripas et vacuum nemus

Mirari libet! O Naiadum potens,

insignem Caesarem. *consilio Iovis inserere* h. e. inter deos maiores, qui a Iove in consilium vocantur, referre; multo gravius igitur *consilio*, quam *consilio*, quod in quibusdam editt. exhibetur: *consilio* enim ad-sunt, quibus capta consilia proponuntur, *consilio* vero, qui ipsis consiliis capieudis adhibentur.

v. 7—14. Poëta, tam rei canendae gravitate, quam Bacchi numine plenus, iam animum sumit, et de insigni earminis, quod cantaturus est, sublimitate cum nobili fiducia loquitur. *recens* ipse explicat: *adhuc indictum alio ore*; idem autem, ut solent graviter commoti, bis dicit.—*Non secus in iugis* cett. cogita, poëtam, cum deseruisset paululum primus furor, nunc circumspicere et mirari loca, in quae caecus eum rapuerit impetus; comparat igitur se cum Maenade, quae e somno, cui furibunda tandem succubuerat, expectata et a furore suo per eum recreata oculos circumflectere et loca, in quae ruerit, contemplari incipit. *Evias*, Baccha, ab orgiorum voce *Evoe*. — *exsomnia* h. e. somno expectata, *ēxvno* voc. Quod Cl. Mitsch. putat, per Baccham exsomnia intelligendam esse eam, quae somno, audito tym-

pani sono, expectata, istoque ad novos furores recreata iterum furere incipiat, parum rei accommodatum est. Baccha enim novo furore correpta profecto non loca *prospicit*, nec ea, ut poëta, *miratur*. *stupet*, cum stupore contemplatur loca, in quae se delatam videt. *Abit* enim in *quite molli rabidus furor animi*, ut Catullus loquitur in Galliambis v. 38. *Hebrum*, Thraciae fluvium, nunc *Maziza*. *pede barbaro* h. e. pede barbararum, nempe Baccharum Thraciarum; *Thracen* enim, ut Phryges, apud poëtas Graecos βαρβαροι audiunt. *Rhodopen*, montem Thraciae, nunc *Dervent*. *devio*, in locis absconditis circumvaganti. *ripas*, Bacchae Hebrum prospicientis respectu habito. *vacuum*, solum, vastum.

v. 14—20. *O Naiadum potens* cett. causa, cur huc actus fuerit poëta, de integro eius subit animum; iterum igitur appellat Bacchum, et in sublimioris, de quo dixit, carminis nisu persistit. *O Naiadum potens Bacch*. O deus, in cuius potestate Naiades et Bacchae sunt; ut sup. l. 3. 4. *Venus Cyprae potens*, et infr. carm. Saecul. 1. *Diana silvarum potens*. Cl. Mitsch. comparat Orph. H. l. III. 6.

Baccharumque valentium 15
 Proceras manibus vertere fraxinos :
 Nil parvum aut humili modo ,
 Nil mortale loquar. Dulce periculum est ,
 O Lenaeae! sequi Deum
 Cingentem viridi tempora pampino. 20

CARMEN XXVI

AD VENEREM.

Vixi puellis nuper idoneus,
 Et militavi non sine gloria :
 Nunc arma defunctumque bello
 Barbiton hic paries habebit,

Νῆισι καὶ Βάχχαυς ἠγοῦμεν αὐτο-
 πόποι. *valent. procer. man. vert.*
frax. de eiusmodi furibunda Baccha-
 rum violentia cf. Euripid. Bacch. 409.
 4066. 4093. et 4402. *dulce peric.*
est sequi deum, dulcis est ille furor,
 quo quis periclitatur deum sequi; sic
 supr. III. 4. 5. *amabilis insania.* —
cingentem sc. sibi. Similiter infr. IV.
 8. 33. Bacchus *ornatus viridi tempora*
pampino sistitur.

CARMEN XXVI.

Poëta se amorum, quibus adhuc
 indulserit, lusibus nunc defunctum
 esse profitetur. Comparat autem se
 cum milite emerito, et quemadmo-
 dum miles arma post partam sibi per
 ea in bello gloriam Marti consecrare
 solet, ita instrumenta illa, quibus
 auditum ad puellas sibi aperire tenta-
 verat, tanquam ἀναθήματα solemnī
 more Veneri dedicat. — Videtur au-

tem huius capti consilii causa inprī-
 mis fuisse Chloe, cuius extremo amo-
 rum suorum tempore superbiam ex-
 pertus fuerat; hinc precibus ad illius
 arrogantiam ulciscendam spectantibus
 armorum suorum dedicationem per-
 agit. — Ceterum hoc totum carmen
 ex Graeco quodam factum esse La-
 tinum, nemini facile, Graecorum
 poetarum lectione imbutō, dubium
 erit.

v. 1—8. Cogita poetam ante tem-
 plum Veneris stare, et inter ipsam
 armorum suorum dedicationem hoc
 carmen pronunciare. *militavi*, nam
 qui amant, Veneris vel Cupidinis ca-
 stra sequi dicuntur; in vulgus notum
 est illud Ovidii Amor. I. 9. 4. *Militat*
omnis amans, et habet sua castra Cu-
pido. *arma*, qualia illa fuerint,
 ipse docet v. 7. *defunctum bello*
barbiton h. e. munere suo, dum mihi
 militanti h. e. amanti sonabat, per-
 functum; deduxerat nempe ad lyram

Laevum marinae qui Veneris latus
Custodit. Hic, hic ponite lucida
Funalia, et vectes, et arcus
Oppositis foribus minaces.
O quae beatam, Diva, tenes Cyprum, et
Memphin carentem Sithonia nive,
Regina, sublimi flagello
Tange Chloen semel arrogantem.

modos leviores, sive carmina amatoria. *Laevum mar. qui Ven. lat. Custodit* h. e. claudit, ambit, munit; pro vulgari: qui est vel stat a laeva parte templi, in quo Venus marina (ἀναδυμένη, cf. Musae. v. 284.) colitur. *Laevum lat. Veneris* nempe simulacro hic paries, quo arma sua positurus erat, a laeva, templum vero intrantibus a dextra fuisse videtur. — *Hic, hic ponite* cett. alloquitur administratos, quos arma iam dedicanda adportare iusserat; *ponite*, proprie de rebus, quae dedicantur. Sic Ovidius Amor. I. 11. 26. tabellam verbis, quibus optabat, a Corinna scriptam, se media in Veneris aede ponere velle ait. *funalia*, taedas, faces, quas iuvenes comissabundi prae se ferebant. *vectes*, quibus puellarum fores effringere solebant amatores. — *arcus oppos. for. minaces*, quamvis arcum ad clausas puellarum fores diffringendas ab amatoribus adhibitum fuisse aliunde non constat, fieri tamen potuisse, ut amatores, summa vi in puellarum aedes irrupturi, sagittarum adeo iactu clausas fores diffunderent, negari nequit. Frustra igitur hic loci sollicitatus esse videtur a Cupin-gamo et Benvolio, quorum hic pro et arcus paulo audacius accurrens, ille harpas pro arcus tentabat.

v. 9—12. *O quae beat. Diva ten. Cypr. similiter* supr. I. 3. 1. Venus *Diva potens Cypr*i dicitur; *beatam*, divitiis e mercatura, quae vel maxime in hac insula exercebatur, affluentem; hinc infr. III. 29. 60. *merces Cypriae*. Eustathius, notante Mitscherlichio, ad Dionys. Perieg. 508. Ὀβριώτατοι δὲ νησιῶν οἱ Κύπριοι διὰ τὸ θαλαττοκρατῆσαι. qua de causa Cyprus antiquitus vocata fuit *Macaria*. Plin. H. N. V. 31. — *Memphin*, in hac urbe Aegypti nobilissima *Venus Hospita* templum habuisse traditur; vid. Herodot. II. 112, Strab. XVII. p. 1161. a. *carent. Sithon. nive* in regione haud frigida sed calida sitam. *Sithonia* epitheton ornans, ut apud Ovid. Amor. III. 7. 8. *Brachia Sithonia candidiora nive*. — *Sublimi flagello tange*, pro vulgari: contunde et frange Chloen superbiam. Cum *flagello*, quod nunc Veneri tribuitur, saepius dii irati sonitus imminere finguntur. Locis a Cl. Mitsch. in hanc rem allatis adde Oppian. Hal. II. 14. ubi sapiens diis obtemperare dicitur, Πρὶν χαλαρῇ μάστιγι καὶ οὐκ ἐξέδωκεν ἑλκεταί. *sublimi*, in altum elato; quo gravius enim aliquis flagello aliquem caedere cupit, eo altius illud ad cadendum extollere solet.

CARMEN XXVII

AD GALATEAM.

Inpios parrae recinentis omen
 Ducat, et praegnans canis, aut ab agro
 Rava decurrens lupa Lanuvino
 Fetaque vulpes:
 Rumpat et serpens iter institutum,

5

CARMEN XXVII.

Galateam ab itinere, quod navi in
 exteras terras susceptura erat, non
 malorum quidem ominum, sed ma-
 festi, cui iniquiore nunc navigationi
 anni tempore se exponat, periculi
 commemoratione detertere studeat.
 Sententiarum nexus est fere hic:
 Non malis equidem omnibus te ab
 itinere, quod meditaris, deterrebo,
 imo deos venerabor, ut bonis avibus
 te proficisci iubeant; sed licet aves
 itineri tuo addicant, cogita quaeso,
 quam graves hoc ipso, quod instat,
 anni tempore tempestates in mari
 oriri soleant. Cave igitur, ne tibi
 fraudi sit, quam nunc caelum ostendit,
 serenitas. Sic Europa quoque
 olim per externam bovis ei adblan-
 dientis speciem in fraudem inducta
 est.—Quod supra in Argumento ad
 huius libri carmen tertium de lon-
 giore illa, qua Iuno loquens iudici-
 tur, digressionem monuimus, id quo-
 que de Europae fabula, scite huius
 carminis argumento accommodata,
 valet. Scilicet posita in Europae fa-
 bula nunc unice temeritatem, qua
 illa tauro se credidisse fertur, specta-
 vit, quam cum Galataeae, hyemali
 tempore navi se commissurae, teme-
 ritatem comparat. Quantam suavita-

tem autem, sublimitatem et dignita-
 tem Horatius huic carmini concilia-
 verit eo, quod Europam tam agentem
 quam loquentem induxit, lectores
 ipsi sentiant. Cum argumento huius
 carminis comparant Propert. I. 8.

v. 4—12. Sensus: Omina illa, quae
 infausta esse solent iter aliquod in-
 stitutum, inpiis eveniant; at fausta,
 quae a diis expetam, omnibus pro-
 ficiscetur ea, de cuius vita ego sum
 sollicitus. *Parrae*, qualis avis per
parram intelligenda sit, non satis li-
 quet. Relatam illam ad eas aves
 fuisse, quae voce sua tempestatem
 portenderent, ex hoc ipso loco intel-
 ligitur; *recinentis*, vocem inauspi-
 catam iterum iterumque repetentis.—
rava, ad luporum colorem, qui inter
 caesium et flavum medius fere est,
 referendum; nos *fahl*, *grau*. Simili-
 ter *lupus* apud Ovid. Met. VI. 528.
canis et Met. XI. 772. *fulvus* dicitur.
 Minus bene alii ad oculorum colorem
 referunt, ut sit pro truculenta.—
Lanuvino, Latii oppido, prope viam
 Appiam in loco aelivi sito; hinc
lupa inde *decurrere* dicitur, eulus
 per viam Appiam transcursus Cam-
 paniam et Brundisium versus profe-
 cturis male auspicatus fuit. *rumpat*
iter institutum, malo omine suo

Si per obliquum similis sagittae
 Terruit mannos. Ego cui timebo,
 Providus auspex,
 Antequam stantes repetat paludes
 Imbrium divina avis imminentum,
 Oscinem corvum prece suscitabo
 Solis ab ortu.

10

Sis licet felix, ubicunque mavis,
 Et memor nostri, Galatea, vivas:
 Teque nec laevus vetet ire picus,
 Nec vaga cornix.

15

Sed vides, quanto trepidet tumultu
 Pronus Orion. Ego, quid sit ater
 Hadriae, novi, sinus, et quid albus
 Peccet Iapyx.

20

ab instituto itinere deterreat. *man-
 nos*, equos parvulos, velocitate sua
 inprimis insignes (*zelter*); *pro-
 vidus auspex*, dum prudenter laeta
 auguria praecipio. *Oscin. corv. pr.
 suscit.* *Sol. ab ortu.* deos precabor, ut
 oscinem corvum ab oriente suscita-
 tum laetum omen canere iubeant.
Oscines, ut satis notum, cantu vel
 clamore; *praepetes* volatu tantum au-
 gurium dabant. *Solis ab ortu*, ab
 oriente enim laetioris omnis aves
 advolare debebant; cf. Sueton. Ve-
 spas. 5. sub fine. *Antequ. stant.
 repet. palud. imbr. divin. av. immin.*
 antequam avis, imminentes imbres
 divinitus praedicens, stantes paludes
 repetat h. e. tempestate nondum per
 cornicem praedieta; lavando enim et
 aqua se in paludibus perfundendo
 cornices inprimis pluviosum tempus
 praedicere putabantur; vid. Arat.
 Dios. 217 seqq. Plin. XVIII. 35.

v. 13—24. *Sis licet felix* cett. Sen-
 sus et nexus: Per me igitur, vel per

auguria, quae ego pro te capio, licet
 sane, ut, ubicunque tibi, Galatea,
 placet, felicem et memorem mei vi-
 tam agas, laetisque inde proficiscaris
 omnibus cett. *quanto trepidet tu-
 multu* *Pronus Orion*, quanto tumultu
 ad occasum ruat Orion, h. e. quanta
 post Orionis occasum, qui instat,
 exortura sit tempestas. *trepidet* h.
 e. festinet, cf. supr. II. 4. 23. *pronus*
 ad occasum vergens, ut supr. I. 28.
 21. *Orion dovreus*, ubi cf. not. —
Ego, quid sit ater Hadr. nov. sin.,
 ipse ego expertus sum, quam pericu-
 losum sit navigare in mari Hadriatico
 quando atris eius fluctus aestuant;
 mare enim, dum aestuat, in *sinus*
 reducitur. Nisi forte poeta certum
 quendam maris Hadriatici in *sinum*
 exeuntem locum respexerit, qui na-
 vigantibus inprimis atrae tempestatis
 tempore infestus esset. *Iapyx* vid.
 ad I. 3. 4. *albus*, caelum album sive
 serenum reddens; ut supr. I. 7. 15.
albus Notus, et III. 7. 4. *candidi Fa-*

Hostium uxores puerique caecos
Sentiant motus orientis Austri, et
Aequoris nigri fremitum, et trementes
Verbere ripas.

Sic et Europe niveum doloso 25
Credidit tauro latus, et scatentem
Belluis pontum mediasque fraudes
Palluit audax.

Nuper in pratis studiosa florum, et 30
Debitae Nymphis opifex coronae,
Nocte sublustri nihil astra praeter
Vidit et undas.

Quae simul centum tetigit potentem
Oppidis Creten, Pater O, relictum 35
Filiae nomen, pietasque, dixit,
Victa furore!

Vnde? quo veni? Levis una mors est

vanii. quid peccet, in quantum fraudem inducat, quid fraudis committat. *Host. uxor. puerique*, quod molliores eorum animi impensius in eiusmodi discriminē consternari solent. *caecos* h. e. atros, turbidos. —*trementes verbere*, contremiscentes fluctuum allisu; apud Virgil. Aen. III. 423. Charybdis unda sidera verberare dicitur.

v. 25—36. Sic pari temeritate et inconsiderantia, vid. Aggum. *scatent. bellu. pontum*, *μαγαλήτερον πόντον*, Hom. Odys. III. 458. *medias*, in medio demum mari vel periculo intellectas. *audax* refer ad Europae temeritatem et inconsiderantiam. — *Nuper*, paulo ante, dudum. *debitae Nymphis*, quam ex voto suscepto Nymphis offerre debebat; *sublustri*, paululum obscura, quippe qua non luna, sed stellae tantum micant.—

nihil astr. pr. vid. et und. comparant Mosch. Europ. v. 429. *centum potent. oppidis Creten*, *ἐκπτόπολιν*, infr. V. 9. 29. *centum nobilem Creten urbibus*, Ovid. Her. X. 67. *Crete, centum digesta per urbes* vid. *Meurs. de Creta* I. 5. et *Schoenem. de Geograph. Hom.* p. 91. ; *O relict. fil. nom.* quam turpiter mihi filiae patris nomen relictum est! h. e. patris nomen quam turpiter neglexi et parum curavi ego filia! Comparant Euripid. Med. 166. *ὦ πάτερ, ὦ πόλις, ὡς ἀνέμωσαν.* *pietasque victa furore*, quam turpiter furibundo illo, quo tauro me credebam, consilio suppressa est, quam patri debebam, pietas!

v. 37—48. Europa, magis magisque nunc fraudem, in quam temeritate sua se induci passa sit, sentiens, querelas et minas iacit, quales sup-

Virginum culpa. Vigilansque ploro
Turpe commissum? an vitiis carentem

Ludit imago

40

Vana, quae porta fugiens eburna
Somnium ducit? Meliusne fluctus
Ire per longos fuit, an recentes

Carpere flores?

Si quis infamem mihi nunc iuvenum
Dedat iratae, lacerare ferro, et
Frangere enitar modo multum amati

Cornua monstri!

45

Inpudens liqui patrios Penates:

Inpudens Orcum moror! O Deorum

50

peditare solet dolor et affectus vehementior; egregie igitur ad ingenium humanum attemperata est Europae oratio. *Vnde?* patrem respicit. *levis*, nimis levis poena; *culpa*, casus tertius, ad eiusmodi virginum culpam expiandam, quasi eiusmodi virginum flagitium plures mortes vel gravio-rem quam unius mortis poenam meruerit. Comparant Propert. IV. 4. 17. de Tarpeia: *Et satis una malae potuit mors esse puellae, Quae voluit flammam fallere, Vesta, tuas?* — *imago vana*, falsa species (*εἰδωλον*); sic Venus apud Virgil. Aen. I. 408. quae falsa specie Aeneae se obtulerat *falsis imaginibus cum luisse* dicitur. — *quae port. fug. ebur. somn. duc.* somnia scilicet, ut finxit antiquitas, per duas portas, *falsa* quidem per *eburneam*, *vera* autem per portam *corneam* ex locis inferis emittuntur; vid. Hom. Odyss. XIX. 562. et Heyn. Excurs. XV. ad Virgil. Aeneid. VI. 894. *fugiens*, evolans. *Meliusne fluctus* cett. fierine potuit, ut, quid melius

esset, utrum tauro, qui me per longum mare veheret, me committere, an recentes in prato flores carpere, ego non intelligerem? *infamem*, detestandum; paulo mollius infr. v. 71. Venus, ubi suaviter Europae iram ridet, eundem *iniviam* vocat; *multum amati monstri*, huius execrandi, quem paulo ante in prato blande et amanter attrectaham (Mosch. 93 seqq. Ovid. Fast. 864 seqq.) iuveni. Scilicet uti homines, quos ob nova et inaudita scelera abominamur, *monstra* appellari solent, v. e. *Cleopatra* supr. l. 37. 21. et *Catilina* apud Cic. Cat. II. 4. ita, nunc *taurus*, ob scelestissimum, quo ille Europam violent per mare abstulerat, facinus *monstrum* (nos *ungeheuer*) vocatur.

v. 49—60. *Orcum moror*, diutius in vita morans non statim ad Orcum descendendo; sic *vitam*, *annos*, *mortem*, *fata morari* vel *demorari* pro diutius in vita morari, passim dicitur; exempla de hoc loquendi genere collegit Burmann. ad Virg. Aen. II. 648. —

Si quis haec audis, utinam inter errem
Nuda leones!

Antequam turpis macies decentes
Occupet malas, teneraeque succus
Defluat praedae, speciosa quaero 55
Pascere tigres.

Vilis Europe, pater urguet absens,
Quid mori cessas? Potes hac ab orno
Pendulum zona bene te sequuta
Laedere collum. 60

Sive te rupes et acuta leto
Saxa delectant, age, te procellae
Crede veloci: nisi herile mavis
Carpere pensum,
Regius sanguis, dominaeque tradi 65
Barbarae pellex. Aderat querenti

muta potest quidem pro destituta, derelicta ab omni auxilio, accipi, sed significationis proprietati multo magis favent sequentia. Europa nempe, si vestibus denudata inspecta fuisset a leonibus, eos multo avidius illius corpus, tenerum adhuc et succis plenum, devoraturus esse existimabat. *tenerae praedae*, significantius pro tenui mihi. *speciosa*, ego, iuvenili corpore adhuc conspicua. — *vilis*, pudendo flagitio contaminata, nos *versor* fene. *pater urget absens*, his maledictis pater, quem reliqui, me insectatur; haec audire mihi videoor maledicta, quibus pater, quem reliqui, mihi instat. *urget absens*, suave oxymoron obsequia; pater absens tanquam praesens perturbato Europae observatur animo. *bene* nisi in proprium, *bene* certe in hunc usum; de sonarum virginalium in suspendium usu vid. *Mitoh.* et *Stan-*

lei. ad Aeschyl. Suppl. 456. *laedere* litotis pro frangere, elidere. — *Sive te rup.* et *acut. leto saxa dele* nūt si praefendum tibi videtur illud mortis genus, quo quis per rupes et saxa se praecipitem dat. *saxa acuta leto* h. e. saxa, quorum pars acutior opportune ei, qui mortem sibi consciscere vult, prominet. *te procellae crede veloci* h. e. praeceps inde rue; *procellae veloci se credere*, significanter pro vulgari: ex loco alto se praecipitem dare. *nisi her. mav. carp. pens. Reg. sang.* nihil enim feminae nobiliori tristius accidere poterat, quam servilis conditio; hinc Ariadne apud Ovid. Heroid. X. 89 seqq. *Tantum ne religer dura captiva catena, Neve traham serva grandia pensa manu. domi trad. barbar. pellex*, serva enim, quae simul pellex oet domini, multo magis extimescere debet saevitiam dominae.

Perfidum ridens Venus, et remisso
Filius arcu.

Mox, ubi lusit satis, Abstineto,
Dixit, irarum calidaeque rixae,
Quum tibi invisus laceranda reddet
Cornua taurus.

Vxor invicti Iovis esse nescis:
Mitte singultus: bene ferre magnam
Disce fortunam: tua sectus orbis
Nomina ducet.

CARMEN XXVIII

AD LYDEN.

Festo quid potius die
Neptuni faciam? prome reconditum,

v. 66—76. *Perfidum ridens Venus*, Venus, cui res in Iovis gratiam suscepta bene cesserat, nunc ridet, et quidem *perfidum* (pro perfide) h. e. uti illi, qui per dolum et fraudem votorum suorum compotes facti sunt, ridere solent. In risu autem *perfidus* egregie expressum est ingenium Veneris, quae, ut dea *χαριταῖος*, e doloribus, quos parat, voluptatem capere solet. Hinc supr. l. 33. 42. *iocus*, qui Veneri placet, *saevus* dicitur. *remissus fil. arcu*, suaviter Cupido, qui simul adest, nunc arcum laxatum gestare fingitur; nam, quod ille per arcum adductum et intentum efficere solet, iam effecerat. *ubi lusit satis*, ubi satis delectata fuerat ludo illo, quem spectandum ei Iovis amor dederat. *Quum tibi invisus* cett. cum taurus ille tibi nunc invisus laceranda, quae te laceraturam esse minata es, suppeditebit cornu; iocose

pro: cum deus, qui sub tauro latet se tibi conspiciendum et amplectendum praebebit. *uxor h. e. pellex*, ut passim coniux. *sectus orbis*, separata orbis terrarum pars.

CARMEN XXVIII.

Diem Neptuno sacrum posita se hilariter apud amicam suam, Lyden, bibendo canendoque ad multam usque noctem transigere velle declarat. Ut igitur lectorem in mediam rem statim abripiat, Lyden, in cuius domo se iam adesse fingit, festinantius vinum Caecubum depromere, alterno carmine Neptunum et Nereides secum celebrare, ipsam solam Latonae et Dianae laudes ad lyram dicere, et postremo mutuo iterum carmine Venerem et Noctem secum canere iubet. — Per Lyden haud dubie est intelligenda eadem, cuius supra quoque H. 14. 22. ut fidicinae et meretricis

Lyde strenua, Caecubum,
 Munitaeque adhibe vim sapientiae.
 Inclinare meridiem 5
 Sentis: ac veluti stet volucris dies,
 Parcis deripere horreo
 Cessantem Bibuli Consulis amphoram.
 Nos cantabimus invicem
 Neptunum, et virides Nereïdum comas: 10

mentio fit. — Argumentum huius carminis debetur fortasse poëtae cui-dam Graeco, quem Noster imitatus est.

v. 1—8. *Festo die Neptuni* Neptunalia mense Iulio, et quidem, ut veteres Fasti et Varro L. L. V. 3. docent, a. d. V. Calend. Aug. a Romap̄ celebrabantur. *strenua*, Graece pro strenue, h. e. prompto paratoque animo, *καρδύπυος*. *Caecubum* vid. supr. ad l. 20. 9. *reconditum*, vinum enim generosius, quale fuit Caecubum, in interiore quadam cellae vinariae parte seponi atque reponi, nec nisi diebus festis et laetioribus inde depromi solebat; hinc idem *Caecubum* infr. V. 9 1. *repositum* ad festas *dopes*, et *Falernum* supr. II. 3. 8. *interioris notae* vinum appellatur. — *Munit. adh. vim sap.* et sapientiam illam, qua tu munita alias vini potu abstines, hodie vinci patere; pro vulgari: et mecum vino indulge. Facete poëta de Lyde, tanquam de Catone, loquitur, qui vere nonnunquam per vinum sapientiae suae vim adhibuisse h. e. vino indulsisse dicitur; hinc Noster supr. III. 24. 44. 42. de eo: *Narratur et prius Catonis Saepemero incaluisse virtus*; ubi statim accommodat ad nostrum locum additur: *Tu lenè tormentum ingenio ad-moves Plerumque duro*. In eandem

sententiam apud Plin. XXIII. 4. s. 23. quem laudavit Boettig. proverbiali locutione *sapientia vino obumbrari* dicitur. *Porphyrion* autem ad h. l. observat: *Graeci aiunt, vim sapientiae adhiberi per vinum. Inclinare sc.* in vespem. *stet*, moretur; laudant Tibull. I. 4. 28. *Haud segnis stat rémentque dies. Parcís deripere*, eunctaris deripere, non deripis; sic passim *to parcere*, ut Graecorum *καὶσθῆναι*, elegantius pro non, vel nolle ponitur; ut supr. III. 8. 25. *parce nimium cavere*, pro: ne nimium caveas, vel noli nimium cavere. Ovid. Art. Am. III. 457. *parcite credere*, nolite credere. *horreo*, de apotheca vinaria, sive vini veterario, quod in superiore aedium parte fuit; vid. supr. ad III. 8. 44. *cessantem* suaviter *to parce* respondet, cessante enim Lyde, amphora simul, quae festinantius ab illa adferri debebat, cessabat. *Bibuli Cons. amphoram*, vinum, quod Bibulo Consule natum et in ea conditum fuit, continentem; fuit autem M. Calpurnius Bibulus consul V. C. DCXCIV.

v. 9—16. *invicem*, carmine amœbæo. *virides* h. e. caeruleus; a maris colore, qui diis marinis tribuitur; *caeruleos crines* gerit quoque apud Ovidium Met. V. 432. *Nympha*

Tu curva recines lyra
 Latonam, et celeris spicula Cynthiae:
 Summo carmine, quae Gnidon
 Fulgentesque tenet Cycladas, et Paphon
 Iunctis visit oloribus:
 Dicitur merita Nox quoque naenia.

45

CARMEN XXIX

AD MAECENATEM.

Tyrthēna regum progenies, tibi

Cyane. *celeris spicula Cynth.* Diana enim cum eius matre Latona a puellis inprimis coll et hymnis celebrari solebat; cf. supra I. 24. 2. et Euripid. Hec. 462. *Summo carmine,* quo carmine a te decantato vicissim nos ambo cantabimus, *quae Gnidon* cett. Venerem. De *Venerē Gnida* vid. supra ad I. 30. 4. *fulgentes,* ut supr. I. 44. 49. *nitentes,* ubi vid. not. *Paphon,* cf. supra ad I. 39. 4. *iunctis oloribus,* Venus enim, ut in vulgus notum, ab oloribus, eius currui iunctis, vehitur. Ovid. Met. X. 747. *Nox* Nocti, ut desc, in nocturnis conviviis inprimis et commensationibus divini honores fiebant; cf. supr. III. 49. 10. ubi *mediae Nocti* vinum libatur. *naenia,* equidem da carmine molliore explicaverim, quale esse solet, in quo quis animi sui dolorem exprimit; de carmine, quod somni adducendi causa canitur, explicat Boettig. quem vide.

CARMEN XXIX.

Maecenatem, ut ad animum ab urbis strepitu et curis gravioribus reficiendum ad se in villam suam venire, lactoque ibi, quod ei appa-

raverit, convivio interesse velit, blandis pariter ac gravibus permovere studet rationibus. Ipsi divitibus, ait; iucundam saepe vitae urbanae cum rustica commutationem esse, nec raro eos ibi in parva domo animum suum exultare; — annū autem, quod nunc adsit, tempus, ubi sol vehementius saeviat, rusticationi inprimis opportunitum esse; Maecenatem igitur aemet ipsum laetiore vitae fructu defraudare, quod in urbe, cui nunc praefectus sit, maneat, et, de ejus salute nimium sollicitus, frustra, quae exteri hostes contra reipublicam moliantur, extimescat; de futuri enim temporis exitu, quem prudenter deus occultet, stulte saepe trepidare homines, quos in recto potius usu eius, quod adest, acquiescere deceat; cum rerum humanarum vicissitudo similis fere sit luminis, modo leniter et placide profluentis, modo magno cum impetu exurgentis et quaeque sibi obvia violenter secum abripiens, cursui; — illum solum, cui, libero ab omni cupiditate, se iis, quae quisque dies tulit, fruitum esse, dicere liceat, vere felicem esse, nec ipsum Iovem aemel percepta ei eri-

Non ante verso lene merum cado

Cum flore, Maecenas, rosarum, et

Pressa tuis balanus capillis

Iam dudum apud me est. Eripe te morae: 5

Ne semper udum Tibur et Aesulae

Declive contempleris arvum, et

Telegoni iuga parricidae.

pere posse; Fortunam quidem in-
tabilem esse, et modo huic, modo
alii se benignam praebere, sed, si
forte illa sibi appareat iniquior, vir-
tutem tutum sibi contra eam prae-
stare praesidium, nec pertinere ad
se illum timorem, quo naufragii
tempore de bonorum morum iactura
mercator expallescere solet. — Cum
argumentum huius carminis, quod
in honestissimi vitae fructus com-
mendatione versatur, iam per se ita
comparatum sit, ut facile cuiusque
lectoris animum delectet et suaviter
deliniet, quid mirum, si tantum
illud ab omnibus plausum tulerit, ut
in praestantissimis cum Horatii tum
omnis antiquitatis haberetur carmi-
nibus! Ceterum observa, quam scite
Noster tam Stoicae quam Epicureae
philosophiae vitae praecepta inter se
conjunxerit, et sic neutri utriusque
disciplinae se unice addictum esse in
hoc quoque carmine ostenderit.

v. 4—8. *Tyrrh. reg. prog.* cf. su-
pra ad l. 1. 1. *tibi*, in tuum ho-
norem, h. e. ad te honorificentius in
villa mea excipiendum. *lene*, ut
supra l. 7. 19. *molle*, quale est vi-
num vetustius. *non ante verso ca-*
do, quod condidi in cado, qui num-
quam antea ad vinum inde effunden-
dum *versus* h. e. inclinat, et deinde,
ut fieri solebat, *inversus* fuit (cf.
infra Sat. II. 8. 39.); vult igitur si-
gnificare, cadum illud, quem nunc

primum ad tinum inde hauriendum
vertere, h. e. inclinare, velit, ad
singularem usum repositum fuisse. —
balanus, e glande enim *balano* (sive
myrobalano, nos *benusus*) in Arabia
inprimis ad avellanae nucis fere ma-
gnitudinem nata, suavissimi odoris
unguentum exprimebatur. *morae*,
omnibus iis, in urbe te morantibus;
cogitandum autem non tantum de
iis, quibus Maecenas in urbe dele-
ctabatur, sed etiam de curis civilibus,
quibus ille nunc cum maxime, ut
infr. v. 26. dicitur, *Vibi sollicitus*
timebat. *Ne semper udum Tibur*
ceff. ne in easdem semper terras
adiacentes e domo tua prospicias.
Fuit nempse domus, quam Maecenas
habuit in Esquilis, tam alte extru-
cta (unde illa v. 10. *moles propin-*
qua nubibus arduis vocatur) ut ei inde
prospicienti non solum tota urbs, sed
vicina quoque oppida, *Tibur*, *Aesula*
et *Tusculum*, obversarentur; iuncti
ei fuere horti splendidissimi, *horto-*
rum Esquilinorum nomine celebrati.
— *udum*, ob rivo-um, quibus riga-
batur Tiburtina regio, copiam; cf.
supra l. 7. 14. *Aesulae declive*
arv. Aesulam, in colle deorsum se
vergente sitam. *Telegoni iuga par-*
ricid. Tusculum, nunc *Frascati*, cu-
ius conditorem faciunt Telegonum,
Vlyssis ex Circe filium, qui, quod
patrem, cuius ipsius quaerendi causa
in Iliacam venisset, se inscio, try-

Hor. Tom. I

S

Fastidiosam desere copiam, et
 Molem propinquam nubibus arduis: 10
 Omitte mirari beatæ
 Fumum et opes strepitumque Romæ.
 Plerumque gratæ divitibus vices,
 Mundæque parvo sub lare pauperum
 Coenæ, sine aulaeis et ostro, 15
 Sollicitam explicuere frontem.
 Iam clarus occultum Andromedæ pater
 Ostendit ignem: iam Procyon furit,
 Et stella vesani Leonis,
 Sole dies referente siccos. 20

gonis, piscis marini, radio, sagittæ præfixo, occidisse dicitur, *parcieida* audit; vid. *Boettig.*

v. 9—16. *Fastidiosam*, egregie ad ingenium hominum, quos rerum, quibus abundant, sæpe capere solet fastidium et satietas. *mol. propinqu.* *mol. ard.* *infr.* Noster Maecenatis domum simpliciter *altam* vocat, et Suet. Ner. c. 38. *Maecenatianam turrim*; alta scilicet palatia, qualia reges vel beatiores incolunt, *turres* appellari solent; cf. *Ernest.* ad locum Sueton. et supra l. 4. 14. *beatæ*, omni rerum copia adfluens. *fumum*, Maecenati enim ex alta domo sua super cætera nrbia tecta prospicienti incundum sane *fumum* inde in altum surgens præbere debebat spectaculum. — *opes*, opulentiam, luxus instrumenta. *strepitum* nos *gewühl*. — *Plerumque gratæ divit. vices* cett. Lubenter sæpe divites vitæ vicissitudinis causa ex urbe in agrum secedere, ibique in humili pauperum domo ad coenam simplicem, non in triclinio quodam magnifice adornato, sed in munda mensa appositam, omnes animi curas deponere solent. *sine*

aulæis et ostro, refer ad externam tricliniorum magnificentiam; per *aulæas*, ut docet Scholiast. infra ad Sat. II. 8. 54. intelligenda sunt pretiosa vela, quæ sub cameras in triclinio tendebantur, ut, si quid pulveris decideret, ab iis exciperetur; per *ostrum* autem, purpurea vel conchyliata peristromata sive peripetasmata, quibus lecti tricliniarès insternebantur; Virg. Aen. I. 700. *stratoque super discumbitur ostro.* explicuere pro explicare solent, ut sæpe.

v. 17—24. *Iam clarus occult.* cett. Iam illud anni tempus agitur, quo solis ardor est vehementissimus; pro vulgari: iam est aestas, quam rursus transigere solent beatiores; — æstatem autem et nominatim mensem Iulium a siderum, quæ hoc mense oriuntur, cursu designat. *Andromedæ pater*, Cepheus, sidus sub cauda Ursæ minoris, cuius ortus in a. d. VII. Id. Iul. incidit. *occultum ignem ostendit*, exquisite pro vulgari oritur. Catull. LXII. 7. *Nimirum Octaeos ostendit Noctifer ignes.* *Procyon*, Antecanis, Id. Iul. exoriens. *furit*, aestu saevit. *stella vesani Leonis*,

Iam pastor umbras cum grege languido
Rivumque fessus quaerit, et horridi

Dumeta Silvani: caretque

Ripa vagis taciturna ventis.

Tu, civitatem quis deceat status,

25

Curas, et Vrbi sollicitus times,

Quid Seres et regnata Cyro

Bactra parent, Tanaisque discors.

Prudens futuri temporis exitum

Caliginosa nocte premit Deus:

30

Ridetque, si mortalis ultra

Fas trepidat. Quod adest, memento

in pectore Leonis, *uber Leonis* vocata, quae, postquam Sol a. d. XIII. Cal. Aug. in sidus Leonis transiit, a. d. IX. Cal. Aug. oritur. *Iam pastor umbras* cett. Virgil. Eclog. II. 8. *Nunc etenim pecudes umbras et frigora captant.*—Cl. Mitsch. comparat Epigr. Adon. CCLX. 5. 6. Anth. Graec. T. IV. p. 471. *Χὼ ποιμὴν ἐν ὄρεσσι μαρμαρίων ἀγχοῦ περὶ Σαρπιδῶν, λασίας θάμνῃ ὑπο πλατάνου Καύματ' ὀκυρινόισι φρυγῶν κυνές.* *horridi dumeta Silvani*, virgulta et dumeta, quibus praestat Silvanus; *horridi* refer ad incultum et horridiorem Silvani, ut dei agrestis, formam.—*caretque Ripa v. tac. vent.* nec ad ripam, ubi omnia tacent, aurae spirant, scilicet, ut fessum solis aestu pastorem recreent.

v. 25—28. *Tu, civit. quis dec. stat. cett.* At tu, Maecenas, ad civitatem prudenter regundam in Vrbe maones, dum animum tuum de iis, quae ceteri hostes agitent, nequaquam crucias. Maecenati quidem, qui hoc anno Vrbi praefectus fuit, curae cordique esse debebat reipublicae salus et incolumitas, sed nimium ille de exterorum

hostium minis sollicitus fuisse videtur, unde Noster supr. III. 8. 17. eundem monet: *Mitte civiles super Vrbe curas* cett. ubi conf. not.—*Seres*, gens Indica, pro Indis universis; cf. supra ad I. 42. 56. *Bactra*, urbs primaria in Bactriana Persarum provincia, pro universo Parthorum imperio; *regnata Cyro*, cf. supra II. 2. 47. *Tanais*, fluvius (nunc Don) Europam et Asiam dividens, pro eius accolis Scythia, Parthorum sociis.—*discors*, hic populus igitur, qui ipse inter se dissidebat, multo minus timendus fuit Maecenati; idem Noster, ut vanum Maecenatis timorem esse ostenderet, sup. III. 8. 49. de Parthis monuit: *Medus infestus sibi luctuosus Dissidet armis.*

v. 29—41. *Prudens*, sapiente consilio, ut supr. I. 3. 22. *exitum futuri temporis*, fata futura. *caligin. nocte prem.* D. in sententiam vel gnomen comparant Theogn. 1037 seqq. Pind. Ol. XII. 43. Eurip. Iphig. Taur. 476. Incert. apud Stob. Flor. p. 409. Juvenal. VI. 556. *ultra fas*, de rebus futuris, quas scire velle nefas est.—*Quod adest, memento componere*, imo,

Componere acquus : cetera fluminis
Ritu feruntur , nunc medio alveo

Cum pace delabentis Etruscum

35

In mare , nunc lapides adesos ,
Stirpesque raptas , et pecus et domos
Volventis una , non sine montium

Clamore vicinaeque silvae ,

Quum fera diluvies quietos

40

Irritat amnes. Ille potens sui

Laetusque deget , cui licet in diem

Dixisse , Vixi : cras vel atra

Nube polum Pater occupato ,

quae adsunt, recte adhibere et in usum convertere decet; Cicero de Senect. c. 9. *Quod adest, eo docet uti*; ad praeceptum Graecorum τὸ παρὸν εὖ ζῆσαι, εὖ νοεῖν. de quo vid. Hemsterhus. ad Lucian. T. I. p. 544. — *acquus*, quicquid illud sit, eo contentus; ut quo placidoque animo in eo acquiescit. *cetera fluminis ritu feruntur* cett. quod ad cetera, quae nos manent, futa attinet, ea, sive laetiora sive tristiora futura sint, non magis curis nostris mutari possunt, quam cursus fluvii, qui modo placide et leniter delabitur, modo graviter intumescens et omnia secum rapiens magno cum tumultu devolvitur. — De imagine, qua sortis humanae vicissitudo cum mutabili fluminis cursu comparatur, vide, quae attulit Cl. Mitsch. Exempli autem in rapidi et omnia inundantis fluminis descriptione versantia plena manu ex utraque lingua dabit Corla ad Virg. Aen. II. 305. *fluminis*, Tiberis nempe, Romanorum oculis obversantia. *cum pace*, quiete, placide. *clamore*, sublimius pro vulgari: sonitu, fragore. *amnes*, intellige flumina illa minora, Anic-

nem, Clanium, Nar cett. quae Tiberi se immiscant. Commodum in hanc rem laudant Plin. Epist. VIII. 47. *Tiberis alveum excessit. — Inde, quae solet flumina accipere, et permixta devehere, velut obviis sistere cogit, atque ita alienis aquis operit agros, quos ipse non tangit. quietos irritat*, brevi elegantia pro: facit, ut intumescant aestuantque, qui modo quiete fluebant.

v. 41 — 48. *Ille potens sui*, ille dum *potens sui* (ἐνχαρις ἑαυτοῦ) habebitur, h. e. cupiditatibus suis, ut virum sapientem decet, imperabit, *lactusque deget*, et omnium de sorte futura curarum expertam vitam lactam et iucundamaget; *in diem*, in quemque, qui ei contigit, diem, de quoque transacto die. *Vixi*, percepi oblata mihi hoc die vitae munera; sic passim vivere, ut Graecorum ζῆν, pro vita frui, dicitur; cf. Interpret. Apposite inprimis ad Nostrium Seneca Epist. 12. *Ille beatissimus et securus sui possessor, qui crastinum sine sollicitudine exspectat: quisquis dixit: vixi, quotidie ad lucrum surgit. et Epist. 101. Propere vivere, et singulos dies singulas vitas puta. Qui hoc modo se*

Vel sole puro : non tamen inritum , 45
 Quodcunque retro est , efficiet : neque
 Diffinget , insectumque reddet ,
 Quod fugiens semel hora vexit.
 Fortuna saevo laeta negotio , et
 Ludum insolentem ludere pertinax , 50
 Transmutat incertos honores ,
 Nunc mihi , nunc alii benigna.
 Laudo manentem : si celeres quatit

aptabit, cui vita sua quotidie fuit tota, securus est. cf. de Benef. V. 17. — cras vel atra Nube pol. Pat. occup. v. sole puro de crastino die haud equidem laboro, sive enim illum tristem aive laetum mihi induxerit Iupiter, haud tamen immutare vel infecta reddere valebit ea, quae semel percepi. — In sententiam: ne ipsum deum quidem mutare posse praeterita, vel, quod Plinius II. 7. s. 5. ait: deum nullum in praeteritum ius habere, comparant Agathon. Fragm. apud Aristot. Ethic. VI. 2. Pind. Ol. II. 29. Lucian. de Conscrib. Hist. 38. Senec. de Vit. Brev. 10. quode. retro est, praeteritum. Quod fug. semel hora vexit, imitatus est Nostrum, observante Mitsch. incertus Poëta in Anthol. Lat. III. 62. 7. (Burnmann.) Pervixi, neque enim Fortuna malignior unquam Eripicit nobis, quod prior hora dedit.

v. 49.—56. Fortuna saevo laeta negot. cett. Sensus: Fortuna enim, voluptatem adeo capiens e saevo illo, quo homines ludit, negotio, nunc alios extollere, nunc alios deprimere solet. Mihi quidem uti grata atque accepta illa erit, si ei apud me manere placuerit, ita ego eidem terga mihi forte vertenti prompto paratoque animo, quod dedit, reddam, virtutis

meae atque probitatis praesidio in paupertate quoque securus. *laeta, gaudens, χαίρων: sic supr. I. 21. 5. Diana: laeta fluvii et nemorum coma dicitur. De Fortunae autem χαίροντις El. Mitsch. laudat Menand. apud Stob. Flor. p. 413. et Agath. LXVI. 4. Anthol. Graec. T. IV. p. 26. saevo negot. Claudian. XVIII. 24. Hoc regni, Fortuna, tenes? Quenam isthucandi Saevitia? Humanis quantum bacchabere rebus? — ludere pertinax pro vulgari: pertinaciter ludens. Pertinacia autem ista, qua in negotio suo persistere dicitur Fortuna, bene eam, ut deam, quae nulla hominum miseratione tangitur, designat. In sententiam: Fortunam ludum ludere eum hominibus, vel: homines Fortunae esse ludibrio, praeter Mitsch. ad h. l. et ad I. 34. 12. vid. inprimis Muret. Var. Lect. XVI. 15. transmut. incert. hon. N. m. nunc al. benign. ut supr. I. 34. 14. Hinc apicem rapax Fortuna eum stridore acuto sustulit; hic ponisse gaudet. Laudo manentem, venerabor quidem eam, dum illa mihi propitia adest; h. e. grata mihi quidem erunt eius munera. — In eandem sententiam vetus poëta apud Plutarch. de Tranquill. T. VII. p. 855. edit. Reisch. Ἡδὺ μιν, ἂν τε φέρῃς, ὀλίγον δ' ἄχος,*

Pennas, resigno quae dedit, et mea
 Virtute me involvo, probamque
 Pauperiem sine dote quaero.
 Non est meum, si mugiat Africis
 Malus procellis, ad miseræ preces
 Decurrere; et votis pacisci,
 Ne Cypriæ Tyriaeque merces
 Addant avaro divitias mari.
 Tum me, biremis praesidio scaphae
 Tutum, per Aegaeos tumultus
 Aura feret, geminusque Pollux.

55

60

ἐν ἀνολατρῶς. Cl. Mitsch. comparat Senec. de Vit. B. X. 20 et 21. *si celeres quatit pennas*, si avolat (quantant enim pennas avolantes), h. e. si a me recedit.—De Fortuna, dea alta, vid. *Comment. de alat. imagg.* (Gothæ, 1786.) p. 30. *resigno*, reddo. *resignare* translatum e re pecuniaria, ubi est pro solvere, nempe per attributionem, assignationem vel perscriptionem, quod ad mensus argentariorum in tabernis fieri solebat. Ad sententiam comparant Senec. de Tranquill. 11. *mea virtute me involvo*, suaviter de viro sapiente, qui pro pallio, quo philosophi se involvere solebant, virtute sua se involvit.—*prob. Paup. s. d. quaero*, vulgarem sententiam: «Paupertati me adiungo, Paupertatem sector,» suavissima imagine expressit. Pingit nempe, se petere et ambire velle Pauperiem, tanquam puellam, cuius dos (uti supra III. 24. 21. apud Scytharum campestrium puellas) sola virtus et probitas sit.—Cum toto hoc loco comparat Boettig. Lucian. Tim. 36.

v. 57.—64. *Non est meum*, divitiarum autem ego expers non opus habeo, *ad miseræ preces decurrere*, ad preces perfluere, quibus deorum

moveatur miseria, *si mug. Afr. mal. proc.* si tempestatis ab Africo concitatae tempore malus stridorem edat, pro imminente naufragii periculo; supra I. 14. 4. *Et malus celeri saucius Africo Antennaeque gemant. votis pacisci*, sub ea conditione vota suscipere et promittere, ne cett. hinc *preces emaces* apud Pers. II. 3. *Addant avaro divitias mari*, h. e. divitiis, quas mare insatiabile devorare solet, novum additamentum fiant; pro vulgari: in mari pereant.—*avaro*, insatiabili, ut supra I. 28. 18. *mare avidum. biremis scaphae*, cymbae minoris, quae duobus remis ab uno regitur. Eiusmodi autem cymbae, ut naufragis essent praesidio, navibus onerariis, ut adhuc fieri solet, annexae fuerunt. *per Aegaeos tumultus*, h. e. per motos in mari Aegaeo fluctus; erat autem mare Aegaeum, per quod Romam advehi debebant merces Tyriae et Cypriae, navigantibus ob crebras tempestates infestissimum. Boettigero Noster eundem in hoc loco positum Graecum, e quo apud Lucian. Hermot. c. 28. proverbium: ἐνὶ βένε τὸ Ἀγαῖον διακλύσκει haustum sit, ante oculos habuisse videtur. *geminus Pollux*,

CARMEN XXX.

Exegi monumentum aere perennius,
 Regalique situ pyramidum altius:
 Quod non imber edax, non Aquilo inpotens
 Possit diruere, aut innumerabilis
 Annorum series, et fuga temporum.
 Non omnis moriar: multaue pars mei
 Vitabit Libitinam. Vsque ego postera

Castor et Pollux, navigantibus propitii; cf. *supr.* I. 3. 2.

CARMEN XXX.

Quod ante Horatium iam alii magni nominis poëtae de gloriae aëae immortalitate senserunt et professi sunt, id Horatius quoque sentit et proficitur in hoc Epilogo, iis carminibus, quae tum primum evulgavit, addito *partem sibi lyricorum poetarum inter Romanos principi gloriam aeternam fore* vaticinans. — Qui Horatium in iis, quae de nominis sui immortalitate in hoc carmine gloriatur, modestiae leges migrasse autumant, li sane magorum antiquitatis poetam ad nostrae aetatis ingenium et mores, ne dicam, ad nostrorum poetarum pretium diiudicant, nec eum, alias modestissimum (ut vel carmen sextum libri primi, et carmen secundum libri quarti satis docent), in hoc vaticinio quoque Graecorum poetarum vestigia pressisse secum reputant. Nobilissimam autem, quam Noster sumit, superbiam excitasse inprimis videtur exemplum Pindari, similiter fere de carminum suorum aeternitate gloriantis in Pyth. VI. 7. seqq. — Ceterum cum Noster

idem fere de nominis sui immortalitate vaticinium iam in ultimo carmine libri secundi ediderit, illudque pariter ac hoc pro epilogo haberi possit; non temere aliquis, Horatium primum duos odarum libros priores, et deinde hunc librum tertium separatim publicasse, inde colligat. — Comparant Propert. III. 2. et, qui Nostrum imitatus est, Ovid. sub fine Metam. L. XV. 871 seqq.

v. 1—5. *Exegi h. e. erexi*, in altum eduxi, ut bene *Mitseh. reg. sit. pyr.* pro pyramidibus regio sumtu exstructis: vox *situs* (h. e. structura, positus), rerum exstructarum et in loco aliquo collocatarum periphrasi inservit. *imber edax*, nam, ut Tibulli. I. 4. 18. canit *Longa dies molli saxa peredit aqua*. et sic carm. praeced. v. 39. *lapides adest. inpotens*, praeter modum furens atque saeviens; sic apud Catull. IV. 18. *freta inpotentia*, procellosa et ventorum furore concitata.

v. 6—9. *Non omnis moriar.* supra II. 20. 6. *Non ego, quem vocas, Dilecto Maecenas, obibo, Nec Stygia cohibebor unda. Vitabit Libitinam*, haud sepeliatur, haud obnoxia erit morti; — habuit nempe *Venus Libitina*, quae praecerat funeribus, tem-

Crescam laude recens, dum Capitolium
 Scandet cum tacita Virgine pontifex.
 Dicar, qua violens obstrepit Aufidus,
 Et qua pauper aquae Daunus agrestium
 Regnavit populorum, ex humili potens,
 Princeps Aeolium carmen ad Italos
 Deduxisse modos. Sume superbiam
 Quaesitam meritis, et mihi Delphica
 Lauro cinge volens, Melpomene, comam.

40

45

plum, in quo tam vendebantur quam locabantur, quae ad sepulturam vel funerum apparatus pertinebant. — *multa pars mei*. Ovid. l. I. 875. *Parte tamen meliore mei super alta perennis Astra ferar. Vsq̄ ego post. cresco. laude* nova semper apud posteros laude vigebo atque celebrabor. *usque recens*, recenter quoque die vicens. — *dum Capitol. se. cum tacita virg. Pontifex*, donec stabit Capitolium, h. e. in aeternum; Capitolii enim aeternitatem cuncta portenderant; cf. Liv. I. 55. Pro vulgari *stabit*, posuit rem, quae in Capitolio, dum illud stabat, fieri solebat; unoquoque nempe mense. (vid. Varr. L. L. IV. p. 45. edit. Bipont.) aera publica ibi administrabat Pontifex Maximus, solempni pompa a Virginibus Vestalibus eo deductus. — *tacita*, refer ad religiosam reverentiam, qua linguis inter sacra favere debebant pie Virgines.

v. 40—46. *Dicar, qua violens cett.* Sensus: Ego oriundus ex ea regione, qua violento impetu devolvitur Aufidus, et ubi in terris illis aridis Dauni olim regno paruerunt agrestes populi, h. e. ego Apulus, ex humili loco ad summum gloriae fastigium evectus, extollar apud posteros ut Romanorum poetarum is, qui primus carmina lyrica, qualia Sappho et Alcaeus ce-

cinere, modis Latinis aptaverim. — *Aufidus*, Apuliae fluvius, nunc *Ofanto*; cf. Infr. IV. 44. 25. *obstrepit*, significanter de sonoro violentioris fluvii cursu; hinc Aufidus longe sonans dicitur Infr. IV. 9. 2. *Daunus*, antiquus rex Apuliae, qui a terra, cuius imperium tenebat, *aquae pauper*, h. e. arida, sicca, *siticulosa* (ut Infr. V. 3. 46. Apulia dicitur), lyrica audacia ipse *pauper aquae* dicitur. — *regnavit populorum agrestium*, Graeca structura (*ἡγεῖ λαόν*) pro regnum agrestium populorum tenuit. *ex humili potens*, ex ignobili factus nobilis: libertino quippe patre natus fuit Horatius, ut ipse profitetur Infr. Sat. I. 6. 6. cf. supr. II. 20. 5. — *Aeolium carmen*, propriae quidem de iis carminibus, quae Sappho et Alcaeus, ex insula Lesbo, praecipua gentis Aeoliae sede, oriundi cecinerunt, sed iam in universum de Graecorum poetarum carminibus lyricis. *Delphica lauro*, idem poetarum praemium et insigne, *lauream* scilicet *Apollinarem* Pindaro vindicat Infr. IV. 2. 9. *volens* (*ἑλω*), propitia, hinc saepe *volens propitia* in precationum formulis iungi solent. Liv. I. 46. de Romulo: *pacem precibus exposcunt, uti volens propitius suam semper sospitet progeniem*; cf. Liv. XXIV. 21 et 38.

Q. HORATII FLACCI
C A R M I N V M
LIBER QVARTVS

CARMEN 1.

Intermissa, Venus, diu
Rursus bella moves. Parce, precor, precor!

CARMEN I.

Quemadmodum ultimum libri tertii carmen pro *epilogo* eorum carminum, quae primum poëta in dias luminis suras emiserat; ita hoc primum libri quarti recte pro eius haberi potest *prologo*. Valedixerat quidem Horatius iam poësi lyricae, et barbiton suum, *bello*, ut ipse supr. III. 26. 3. dicit, *defunctum* in Veneris templo suspenderat; sed bona fortuna, ut denuo illi temperando tractandoque manus imponeret, cum amicorum suorum, tum Augusti inprimis rogatu atque auctoritate, permotus fuit. Cum igitur tam ea, quae in Augusti gratiam, ut Carm. II. IV. V. XIV. XV. seriore aetate ceclnerat, quam alia, quae vel tum, vel iam olim composuerat carmina, nunc in unum fasciculum collecta hoc libro quarto, *ex longo intervallo*, ut Suetonius in poëtae nostri vita testatur, *tribus carminum libris Augusti iussu addito*,

publici iuris faceret; iis facete hoc carmine praeluit, et qualem se semper poëtam leviores et amoribus tantum aptum (cf. supr. I. 6. II. 42. V. 45.), talem hic quoque se professus est. Itaque lyram, quae diu tacita pependerat, nunc increpans, ingeniose se pristinis amoribus incalescere fingit. Hinc se convertit ad Venerem, eamque, ut in iuniores potius, quam in se iam quinquaginta ferme annos natam potentiam suam exerceat, obnixè rogat atque obtestatur. Inter iuniores autem Deae inprimis adquid commendat *Paullum Maximum*, iuvenem nobilem, formosum, eruditum et divitem, qui non solum magna cum gloria eius militiam secuturus, sed eandem etiam quovis honorum munerumque genere ornaturus atque cumulaturus sit. Verum enim vero, dum Veneris vim et potentiam deprecatur, ecce iam novo Ligurini amore se percutsum sentit, nec iniecto illi furori resistere valet.—Quae

Non sum, qualis eram bonae
 Sub regno Cinarae. Desine, dulcium
 Mater saeva Cupidinum,
 Circa lustra decem flectere mollibus
 Iam durum imperiis. Abi,
 Quo blandae iuvenum te revocant preces.
 Tempestivius in domum
 Paulli, purpureis ales oloribus,

5

40

quidem tota de novis amoribus fictio si unice ad ornatum et amplificationem simplicis sententiae: *«Ego poëta lyricam, iam diu a me intermissam, retractare iussus sum, nec his iussibus resistere potui,»* referenda esse videtur; facile apparet, quam iniquum et sinistrum eorum de hoc carmine est iudicium, qui, quod in eo ad magni poëtae artem et ingenium transferre debebant, ad turpem eius libidinem transferunt.

v. 1—8. *Intern. V. d. rurs. bella mov. rursus*, O Venus, amore, quo diu animus meus vacuus fuit, me exagitas. Qui amant, suaviter militiam Veneris, *bella moventis*, sequi finguntur; de qua quidem a re militari ad rem amatoriam translata imagine vid. supra ad III. 26. 2. cf. infr. v. 16. — *Parce, precor, precor*, quasi iam vim minis in pectus se immittentis sentiat, ut supr. II. 19. 7. de Bacco: *parce, Liber, parce, Gravi mœnente thyro. sub regno Cinarae*, cum me regeret Cinara (ut supr. III. 9. 9. *Me munc Thressa Chloë regit*) pro vulgari: cum anirem Cinaram; de nota loquendi ratione, qua regno puellarum subiecti esse dicuntur eorum amatores, vid. Burn. ad Propert. III. 18. 8. *bonae*, observa vim huius epitheti; mollissimo enim animi sensu simpliciter bonam vocat, cui olim

immunis placuerat, cf. infr. Epist. I. 4. 33. et cui, ut Noster infr. IV. 4. 3. 21. ait, *breves annos fata dederant*. — *flect. moll. iam dur. imp.* novis amoribus me emollire velle iam duriorum contra eos factum; *flectere* ab equis durioris oris, qui *flectendo* (supr. III. 7. 25. *flectere equum sciens*) domantur, translatum. Cl. Mitsch. comparat Hermesian. Eleg. v. 85. Quam suaviter contraria mollibus et durum, ut paulo ante *saeva* et *dulcium*, sibi respondeant, unusquisque facile sentiet. *revocant*, pro simplice vocant; ut apud Liv. V. 35. *in partem revocare* pro vocare.

v. 9—20. *Tempestivius*, opportunus; *tempestive* enim, h. e. iusto tempore vel opportune veniunt, qui desiderati veniunt. — *Paulli*, intelligendus fortasse est, ut nonnulli suspicantur, *Paullus Fabius Maximus*, quem quidem, quamvis postea demum V. C. DCCXLIII. cum Q. Aelio Tubero consul fuit, variis tamen nominibus iam tum inter nobiliores iuvenes conspicuum fuisse, e laudibus, quas breviter et *παροδιῶς* quasi, sed admodum dextre huic carmini Noster intexit, huculenter apparet. *purpur. al. oloribus*, quae, tanquam ales, curru nitidis oloribus luncta per aërem veheris; cf. supr. ad III. 28. 15. *purpureis* passim de coloribus fulgidis

Comissabere Maximi,
 Si torrere iecur quaeris idoneum.
 Namque et nobilis, et decens,
 Et pro sollicitis non tacitus reis,
 Et centum puer artium, 15
 Late signa feret militiae tuae:
 Et quandoque potentior
 Largis muneribus riserit aemuli,
 Albanos prope te lacus 20
 Ponet marmoream, sub trabe citrea.
 Illic plurima naribus
 Duces tura, lyraeque et Berecynthiae
 Delectabere tibiae
 Mixtis carminibus, non sine fistula;

et pulcre nitentibus. *comissabere* in domum) *comissari* pro se transferre, ut Graecorum *συναίρειν*; de quo multa exempla collegit *Iacobs* in *Animadv.* ad *Anthol.* Vol. 44. T. II. p. 205. *Comissationes* autem et laeta convivia inprimis Veneri et eius comitibus grata et iucunda sunt; cf. *Anacr.* VI. 42. *iecur*, ut aliarum cupiditalum, ita amoris quoque sedem; vid. *Toup.* ad *Longin.* p. 302. et cf. *supr.* ad I. 43. 4. *idoneum* sc. quod torreatur amoribus. *decens*, pulcher, amabilis, ut *supr.* I. 48. 6. *Venus decens* et passim alibi. *non tacitus*, litotis, pro disertus. *centum puer artium*, complurium artium scientia imbutus, pluribus artibus simul excellens; nihil amplius. *Et quandoque potent.* *Larg. mun. ris. aemuli* et quando se a puella sua iis rivalibus, qui largis muneribus viam ad eam adfectaverant, non sine iucunda animi voluptate praelatum esse intellexerit; *quandoque* pro simplice quando, ut carmine sequente

v. 34. *riserit*, sc. aemulum. *Alban. prope lac.*) *lacus Albanus* (nunc *Lago di Castel Gandolfo*) fuit in nemore sive luco Albano, de quo vid. *Strab.* V. p. 240. *Liv.* V. 45. *Virg. Aen.* IX. 387. in qua quidem regione amoenissima *Paulus* villam suam, ut bene observat *Scholiastes*, habuisse videtur. *te ponet marmoream*, simulacrum tuum in templo, quod tibi consecraturus est, e marmore exsculptum collocabit; *sub trabe*, contignatione, tholo; cf. *supr.* ad II. 48. 3. *citrea*, lignum *citreum*, quod ex Africa advehebatur, in magno apud Romanos pretio fuisse constat; vid. *Plin.* XIII. 45. et quos laudat *Mitch. Salmas.* ad *Tertull. de Pall.* p. 433. *Clacon. de Triclin.* p. 20.

v. 21—32. *Illic* cett. in illo templo, quaecumque te delectant, in honorem tuum instaurabit *Maximus*. — *plur. nar. duc. tura* significantius pro vulgari: plurima tura tibi adolebit. — *lyraq. et Berecynth.* gratus inprimis

Illic his pueri die 25
 Numen cum teneris virginibus tuum
 Laudantes, pede candido
 In morem Saliū ter quatient humum.
 Me nec femina, nec puer
 Iam, nec spes animi credula mutui, 30
 Nec certare iuvat mero,
 Nec vincere novis tempora floribus.—
 Sed cur, heu! Ligurine, cur
 Manat rara meas lacrima per genas?
 Cur facunda parum decoro 35
 Inter verba cadit lingua silentio?

Veneri in eius templo permixtus lyrae, tibiae et fistulae cantus esse debebat, cum idem in laetioribus conviviis, quibus et ipsa delectabatur, audiri solet; cf. supr. III. 49. 18. seqq. Ceterum tam lyrae (quae inde supra III. 41. 6. *unica templis* dicitur); quam tibiae et fistulae, in sacris usus fuit; de tibiae et fistulae discrepantia vid. supra ad III. 49. 20. — *Berecynthiae* h. e. Phrygiae, cf. supr. I. 1. *mixtis carminibus* h. e. concentu, quem mixti inter se lyrae, tibiae et fistulae modi efficiunt; infra V. 9. 5. *Sonante mixtum tibiis carmen lyra.* — *Illic his pueri die* cett. in templo illo puerorum puellarumque chorus hymnos vel alterna carmina in laudes tuas inter saltandum cantabit. *bis die*, matutino et vespertino tempore, ut in sacris Isiacis apud Tibull. I. 3. 31. *pede candido*, pulcro, nihil amplius. *in morem Saliū*, supr. cf. I. 36. 42. *quatient humum*, cf. supr. I. 4. 10. *spes animi credula mutui*, spes, quam creduli amantes de mutuo amore fovere solent. *certare mero*, ubi in comotationibus alter alterum largiore vini haustu vincere studet,

ut infra Epist. I. 49. 44. *novis floribus*, corollis convivalibus e recentibus floribus nexis.

v. 33.—40. Dum alienum nunc animum ab amoris lusu se habere ait, subito signa, vim novi amoris declarantia, in se animadvertit, nec. Ligurinum, mollem puerum, esse, qui veteres flammās reniscitaverit, dissimulat. — Similis fere locus est apud Tibull. I. 4. 81. ubi poeta medela illa, qua modo aliis in amore succurrere studuerat, se ipsum, novo vulnere saucium, indigere sentit. *rara lacrima*, quae furtim (ut Noster supra I. 43. 7. loquitur) in genas labitur. Cf. Mitsch. comparat Meleag. LIII. 4. Anth. Graec. T. I. p. 47. *Αἰεὶ μοι δύνει μὲν ἐν ὄσσειν ἔχρος ἔρωτος, Ὀρμα δὲ σίγα πόντος τὸ γλυκὺ δάκρυ φέρει.* Apud Dioscorid. Epigr. XXIV. 4. Anth. Graec. T. I. p. 250. eiusmodi lacrima, quam mollior amor exprimit, *γλυκὺν δάκρυ* vocatur, *cadit*. h. e. *praeciditur*, ut Plaut. Mil. Glor. IV. 6. 56. de lingua obmutescente dicit. *inter verba*, sic Dido, Aeneae amore perversa: *Incipit effari, medisque in voce resistit.* et sic in vete-

Nocturnis ego somniis

Iam captum tenèo, iam volucrem sequor

Te per gramina Martii

Campi, te per aquas, dure, volubiles. 40

CARMEN II

AD IVLVM ANTONIVM.

Pindarum quisquis studet aemulari,

Iule, ceratis ope Daedalea

ris carminis fragmento Aeditui, quod servavit Gellius Noct. Attic. XIX. 9. verba labris abire dicuntur. silentio, nam, ut infra Noster V. 11. 9. *amantem et languor et silentium arguit.* cf. ad Catull. LI. 9. *volucrem, celerissime currentem. volubiles, aquarum natantis corpore dimotarum fluctus pulcre hoc epitheton exprimit.*

CARMEN II.

Poëta, ab Iulo Antonio rogatus, ut gloriosum et felicem Augusti e bello Germanico in Urbem reditum, qui magno desiderio et communi omnium laetitia tum Romæ expectabatur, carmine quodam Pindarico celebraret, recusat quidem in hoc carmine, quod sibi ab illo demandatum fuerat, sed hac ipsa recusatione, quod se explere posse negat, egregie, ut supra I. 6. II. 12. et infra IV. 15. explet. Quid enim paucis illis, quibus a versu 35. usque ad v. 40. omnes Augusti laudes breviter complexus est, gravius, sublimius et magnificentius de illo dici potuit? Totius autem huius carminis splendor in hac fere pulcherrime collustrata et ampli-

fienta conspicitur sententia: « Si hoc mihi sumam, ut, te auctore, Antoni, Pindaricum quoddam carmen in felicem Augusti reditum componam, aequè temere agam, ac si ceratis aliis, uti Icarus, in altum eniti tentem; Pindarus enim in quovis carminum genere est poëta princeps et summus, nec illi imitabilis; at ego sum tenuis tantum et humilis poëta. Tu igitur ipse, Antoni, quando Augustus, in cuius praesidio summa Romanorum salus atque felicitas nititur, triumphans in Urbem ingreditur, grandiore spiritu eius laudes celebrabis, et tum, si vox mea die illo laetissimo inter publicas acclamations aures percipi poterit, cum tota civitate iterum iterumque Io triumphe! canam; ex voto autem pro Augusto suscepto, uti tu decem tauros et totidem vaccas, ita ego pro rerum mearum modulo vitulum immolabo. » Scriptum fortasse est hoc carmen eo ipso anno, quo Augustus V. C. DCCXXXVIII. inter alios trans Rhenum Germaniae populos, nomini Romano infestos, Sygambros inprimis, quorum mentio in hoc carmine fit, perdomuisse traditur; vid. Dio. LIV. 19 seqq. Quam-

Niitur pennis, vitreo daturus

Nomina ponto.

Monte decurrens velut amnis, imbres

5

Quem super notas aluere ripas,

Fervet immensusque ruit profundo

Pindarus ore :

vis enim Augustus non statim post Sygambros victos, sed V. C. DCCLi. demum Romam redierit, curis quippe ad res in Gallia et Hispania componendas retentus; eius reditus tamen iam longe ante tam publicis quam privatis votis expectatus fuerat, vid. Dio. l. l. — De Iulo Antonio, Marci Triumviri et Pulvia filio, praeter Dionem LIV. 26. et Vell. II. 400. vide *Gentis Octavianae Stemma* diligenter a Cl. Wetzelio contextum in *Vit. Horat.* III. p. 57.

v. 4—8. *Pindarum quisquis* cett. Quicunque ad Pindari exemplum se carmen aliquod componere posse temere sibi persuadet, is temeritatis suae, ut olim Icarus, poenas dabit; h. e. is ob rem tam temere et inconsideranter tentatum se deridendum propinabit. *cer. ape Daedalea pennis*, alis Daedali arte ex cera factis. *pennis niti* significanter pro vulgari: volare, ut apud Virgil. Aen. IV. 252. *vitreo*, caeruleo, viridi, *ὠκύπνο*. cf. *supr.* ad I. 47. 20. *datur. nom. ponto* notissimum illud Ovidii: *Icarus Icaritis nomina fecit aquis*, vel *Icarus immensas nomine signat aquas*. — *Icari* autem ille ceratarum pennarum ope in altum se attollendi conatus proverbiali locutione iam pro *quovis temerario ausu* ponitur; quodsi enim cum plurimis Interpretibus rei imagini insistimus, et Pindarum, tanquam alitem vel cynnum, in alto volantem,

nobis fingimus, quem frustra aliquis ceratis Icari pennis assequi conetur; offendere sane nos debet mutata statim Pindari cum rapido torrente comparatio; hinc consulto poeta in versu primo dixit *Pindarum accumulari*; non: ad Pindarum in alto volantem eniti, quod fere, si ad Pindari volatum accommodare voluisset exemplum Icari, exprimere in versu primo poeta debuerat. v. 5—8. *Monte decurrens velut amnis* cett. Ingeniorum ubertas, vel orationis copia et abundantia passim quidem cum *flumine* comparari solet (exempla tam ex ipso Pindaro, quam ex aliis poetis deprompta vid. apud Mitsch.), sed Horatius haud acquiescens in hac vulgari comparatione impetum illum, quo Pindarus ruit, vel verborum illorum ex profundo eius ore prorumpentium vim et copiam *rapido torrenti* aequiparat. — *Iunge: Pindarus fervet, immensusque ore profundo ruit, velut amnis, monte decurrens, quem* cett. *fervet* h. e. fervore illo et aestu, quo poetae corripit et agitari solent, concitatur; accommodate ad *amnem*, qui vehementius commotus proprie *fervere* vel *aestuare* dicitur; hinc *infr.* Sat. I. 40. 62. *rapido ferventius amni Ingenium. immens. prof. ore ruit*, Pindarus, cui *os profundum*; *στόμα βυθόν*, h. e. os, e quo, tanquam e fonte uberissimo, *immensa* verborum sententiarumque profluit copia, tri-

Laurea donandus Apollinari,
 Seu per audaces nova dithyrambos
 Verba devolvit, numerisque fertur
 Lege solutis:
 Seu Deos, regesve canit, Deorum
 Sanguinem, per quos cecidere iusta

10

buitur, ipse exquisitiore ratione: *immetus profundo ore ruere dicitur: ruit, exuberat, prorumpit*; — cum Pindari ore *profundo* Cl. Mitsch. comparat Cratini Fragm. apud Suid. v. *ἀνδραγαθὺν στόμα*. cf. Callimach. H. Apollin. 406. *imbres quem sup. alu. rip.* eleganter brevitate pro: qui, non capiens, quibus per imbres auctus est, aquas, super alveum vel iustas ripas effunditur.

v. 9—24. *Laur. don. Apoll.* cett. Pindarus, poëta in quovis carminum genere summus. Ex ipso autem hoc loco, quae fuerint illa carminum genera, in quorum quoque Pindarus excelluerit, cognoscere licet; scripsisse nempe illum refert 1. *Dithyrambos*, 2. *Paeanas*, s. Hymnos et Encomia, 3. *Epinicia*, s. laudes Hieronicarum, 4. *Epicedia*, s. *ἑπὶ νεκρῶν*, e quibus omnibus *Epinicia* tantum aetatem tulisse saepe iam doluerunt, semperque dolebant veterum literarum aestimatores. *laurca Apollinari* (pro *Apollinea*), ipse Noster supr. III. 30. 44. *Delphica lauro* a Melpomene cingi cupit. *per audaces dithyr.* *dithyrambos* in sacris Bacchicis primum ab hominibus, furore percitis, sero quodam cantu iactatos, et deinde a Laso, Pindari praeceptore, cultiore, ut videtur, forma, in scenam introductos esse satis quidem constat; sed cum perfecta dithyramborum exempla tempus nobis inviderit, de peculiari eo-

rum natura et forma nihil certi statui potest. Regnasse in hoc carminum genere eam inprimis licentiam et audaciam, ut eorum poëtae, liberius furori suo indulgentes, haud ad praecepta illa, quae alias poëtarum impetum coercerent, se attemperarent, sed numeros pro intuitu mutarent (hinc *numeri fertur lege solutis*), et ab uno ad aliud versuum genus transillirent; id ex hoc ipso loco Horatiano colligere licet. Ipse Noster in duobus illis carminibus ad *Bacchum* supr. II. 49. III. 25. concipere quidem dithyrambici poëtae spiritum tentat, sed ambo illa carmina ab externa dithyrambici carminis forma longe recedere videntur. Ceterum de *dithyrambis Pindaricis* vid. Cl. Schneideri *Versuch über Pindars Leben und Schriften* p. 20. *nova verba*, intellige nova sententiarum lumina, nove effictas grandisonorum verborum formulas, vel, ut supr. III. 25. 7. Noster loquitur: *recentia*, *indicta adhuc ore alio*. *devolvit*, apposite ad torrentis, cum impetu fluctus suos *devolvens*, imaginem. *Seu Deos, regesve canit*. h. e. *Paeanas*. Hinc Serv. ad Virgil. Aen. X. 732. *Pindarus opus suum, quod et hominum et deorum laudes continet, Paeanas vocavit*. Sub *Paeanonum* igitur titulo tam hymnos quam encomia complexus esse videtur Pindarus. *reges, Deorum sanguinem*, heroes. *per quos* cett. *Thesum, Pirithoum et Bellero-*

Morte Centauri, cecidit tremendae

15

Flamma Chimaerae:

Sive, quos Elea domum reducit

Palma caelestes, pugilemve equumve

Dicit, et centum potiore signis

Munere donat:

20

Flebili sponsae iuvenemve raptum

Plorat, et vires animumque moresque

Aureos educit in astra, nigroque

Invidet Orco.

phantem puta, quorum priores cum ceteris Lapithis Eurytum et alios Centauros, ob vim libidinosam, *Pirithoi* sponsae, *Hippodumiae*, in coena nuptiali intentatam (cf. supr. ad I. 48. 8.), *Bellerophon* vero *Chimae*ram (cf. supr. ad II. 47. 13.) occidisse feruntur. *tremendae flamma Chimae*rae. *Chimae*ram ignivomam (*πυρρροον*); similissime supr. l. l. *Chimae*rae spiritus ignis. *Sive, quos Elea dom. reducit. pal. caelest.* cett. sive *Epini*cia, quibus eos, qui victoriam e ludis Olympicis reportant, aeternitati commendat. *Elea*, ab urbe Elide, in Peloponneso, ubi agebantur ludi Olympici. *caelestes*, ad deos quasi hoc insigni honore evectos, cf. supr. I. 4. 6. Commodum laudant Vitr. IX. Praefat. *Graecorum maiores hieronici* ita magnos honores constituerunt, uti non modo in conventu manentes cum palma et corona ferant laudes, sed etiam, quam revertantur in suas civitates cum victoria, triumphantes quadrigis in moenia et in patrias invehantur, eoque publica perpetua vita constitutis vectigalibus fruuntur. *pugilemve equumve*, aut virum, cui in pugilatu, aut equum (*ἄλντα*), cui in certamine equestri victoria contigit; equus enim, cum quo quis

in certamine equestri victor evaserat, pariter cum victore publicis laudibus celebrari (Theocrit. XVI. 46.), et statuis adeo, inscriptionibus cett. (cf. Boettig. ad h. l.) nobilitari solebat; iam vero cum equi laus cum eius moderatoris laude fere coniuncta fuerit, equus nunc in universum pro: victore in certamine equestri positus est. — *munere potiore centum signis*, carmine centum statuis praefereundo; carmen enim, ut Noster supra III. 30. 4. ait, aere perennius est. v. 21—24. *Flebili sponsae iuv. rapt.* cett. sive sortem miserae puellae, cui amabilis sponsus praematura morte creptus est, carmine miserabili deplorat, h. e. sive *Naenias*, vel *Epicedia*, *ᾠήνο*ς. canit. Posuit autem ex eius *ᾠήνο*ς, quibus tristem nobilium aetatis suae hominum mortem deflesse videtur, unum tantum exemplum insignitius. Ceterum de Pindari *ᾠήνο*ς vid. Dionys. Hal. T. II. p. 428. et Schneider. ad Pindar. Fragm. p. 30 seqq. — *vires animumque*, virtutes masculas, tam in corporis robore, quam in forti animo positas; *ἀνδρείων*. *mores aureos*, amabiles, decentes, honestos; cf. supra ad I. 5. 9. *educit in astra*, immortalitate donat, ut supr. III. 25. 6. *stellis inserere. nigr. invid. Orco*,

Multa Dircaeum levat aura cycnum,
Tendit, Antoni, quoties in altos
Nubium tractus: ego, apis Matinae

25

More modoque,
Grata carpentis thyma per laborem
Plurimum, circa nemus uvidique
Tiburis ripas operosa parvus

30

Carmina fingo.
Concines maiore poeta plectro

pro vulgari: oblivioni eripit; ut infr. IV. 8. 25. *fluctibus Stygiis eripere*. cf. Pind. Ol. VIII. 96. Theocrit. XVI. 42 seqq.

v. 25—32. Ut eo magis se longe Pindaro poetam inferiorem ostendat, aptissima imagine Pindari sublimitatis cum cycno, in altos nubium tractus se levante, suam vero, quam humiliori tantum carminum generi det, operam cum sedulo et operoso apis, sicci flores per humum delibantis, studio comparat. *Multa levat aura*, vulgo explicant: multum levat; aed hoc latet iam in: *tendit quoties in altos tractus nubium*; imo tam apis, cui levis et exigua tantum ad volandum aura opus est, quam poetae sublimioris, qui multo spiritu agitari debet, respectu habito, *aura* illa, per quam volitando se agitat cycni corpus grandius, proprie et egregie ad rem *multa* dicitur. *Dircaeum cycnum*, Pindarum Thebanum, a notissimo in Boeotia fonte *Dirae*. Sic Anacreon apud Antip. Sidon. Carm. LXXVI. Anthol. Graec. T. II. p. 27. κύνοξ Τήϊος appellatur. — Poetarum autem cum cycnis *canoris* (qui a *mutis* distinguendi sunt) comparatio notissima; vid. supra ad II. 20. ubi ipse Horatius in *album alitem*, h. e. cycnum, se mutari fingit. *apis Matinae*, a

monte *Matino*, Horatii patriae, Venusiae, vicino; apposite igitur apem, in eius vicinia volantem, designat. — *more modoque*, gnava, qua illa solet, industria. De poetis cum apum, flores decerpentium, sedulitate comparatis opportune Boettig. laudat locum Platonis in Io. T. IV. p. 187. Bip. λέγουσι γὰρ πρὸς ἡμᾶς οἱ ποιεῖται, ὅτι ἀπὸ κηρῶν μελιρρότων, ἐκ Μουσῶν κήπων τινῶν καὶ νηπῶν ὀρεσόμενοι τὰ μέλη ἡμῖν φέρουσιν, ὥσπερ αἱ μέλισσαι, καὶ αὐτοὶ οὗτος παρέμμενοι; plura in hanc rem dabant *Muretus* in Var. Lect. VIII. 1. et *Mitsch.* ad h. l. — *circa nemus uvidique Tibur. rip.* Ibi enim Musis operari solebat Horatius; hinc carmine sequente v. 40. *aquas, quae fertile Tibur praefluunt, et spissas nemorum comas, se nobilem Aeo* flo carmine poetam facturas esse canit. *uvidi*, cf. supr. ad III. 29. 6. *ripas, Anienis* nempe, *Albulae* cell. *operosa parvus*, accommodato ad apis, quacum se comparat, ingenium et naturam; *fingo*, ut *apis*, quae proprie *mel fingere* (πλάττειν) dicitur. Observent tirones insigne poetae in verborum, scite ad rei imaginem accommodatorum, delectu studium.

v. 33—44. *Concines* pro simplice: canes, ut passim. *poeta*) *Antonius*

HOR. TOM. I

T

Caesarem, quandoque trahet feroces
 Per sacrum clivum, merita decorus 35
 Fronde, Sygambros:
 Quo nihil maius meliusve terris
 Fata donavere, bonique Divi,
 Nec dabunt, quamvis redeant in aurum 40
 Tempora priscum.
 Concines laetosque dies, et Urbis
 Publicum ludum, super impetrato
 Fortis Augusti reditu, forumque
 Litibus orbum.
 Tum meae (si quid loquar audiendum) 45
 Vocis accedet bona pars: et, O sol
 Pulcer, O laudande, canam, recepto
 Caesare felix.

enim, ut ad h. P. testatur Acron, postquam se nobilitavit carmine epico, XII libris composito, et ad exemplum Virgilianae Aeneidos, Diomedem inscripto. *maiore plectro, grandioris spiritus carmine.* quandoque pro quando, ut carm. antec. v. 17. *trahet*, captivi enim vincti trahebantur ante triumphantis currum; sic reges in triumpho *retortis manibus trahi* dicuntur infr. Epist. II. 4. 191. cf. supr. II. 12. 11. *per sacrum clivum*, qui ducuntur in Capitolium. *fronde*, lauro.—*Sygambros*, gentem Germaniae, eas fere trans Rhenum inter Lupiam et Sigam (*Lippe* et *Siege*) tum incolentem terras, quas nunc Ducatus Montensis, Comitatus Marchiae et pars Cliviae obtinent. *feroces*, bellicosos, barbaros; infr. IV. 14. 51. *caede gaudentes* dicuntur. *Quo nihil mai. meliusve terr. fata don.* idem fere Noster de Augusto infra Epist. II. 4. 17. praedicat: *Nil oriturum alias, nil*

ortum tale futentes, et Ovid. ex Pont. l. 2. 100. *Alma nihil maius Caesare terra ferat. in aurum priscum*, in priscam aureae aetatis felicitatem.—*Urbis publicum ludum*, vere editos esse illos ludos publicos, quos inter alia pro felice Augusti reditu Senatus populusque Romanus venerat, testatur Dio LIV. 27. nimirum, postquam Augustus, qui nimium diu, ut Noster infr. IV. 5. 2. ait, *abs fuerat*, V. C. DCCL. Romam rediit. *forum litibus orbum*, ergo non in rebus trepidis tantum et tumultu causarum actiones in foro cessabant (quod dicebatur *institium*), sed in publica etiam, uti ex hoc loco apparet, laetitia.

v. 45—52. *Tum ac.* quando Augustus feroces Sygambros per sacrum clivum trahet, h. e. quando triumphans Urbem ingreditur. *si quid loquar audiendum*, si quid, quod accedat omnino ad aures populi, proferre potero. *bona h. e.* magna; ut

Tuque dum procedis, Io triumphe,
 Non semel dicemus, Io triumphe, 50
 Civitas omnis, dabimusque Divis
 Tura benignis.
 Te decem tauri, totidemque vaccae,
 Me tener solvet vitulus, relictæ
 Matre, qui largis iuvenescit herbis 55
 In mea vota,
 Fronte curvatos imitatus ignes
 Tertium lunæ referentis ortum,
 Qua notam duxit, niveus videri,
 Cetera fulvus. 60

infr. Art. Poët. 297. et Sat. I. 4. 64.—
Tuque, τὸ tu neque ad solem, neque
 ad triumphum, quod nonnulli contendunt,
 sed ad Antonium omnino referendum
 esse, evincit fere orationis nexus et
 concinnitas, *Concines*—*Concines*—
Tuque dum procedis.—*Te decem tauri*—
procedis sc. in pompa triumphali: necessitudine
 autem per uxorem suam Marcellam Augusto
 iunctus proxime eius currum triumphalem
 sequi debebat; de quo more vide Ovid.
 ex Pont. II. 2. 83. *procedere*, ut supr.
 III. 14. 6. *prodire*, proprie de iis, qui
 cum dignitate quadam in pompa solemni
 incedunt.—*dicemus*—*civitas omnis* ego et
 omnis civitas. *dab. div. tur. benign.* in
 aris nempe, hinc illine per vias die
 triumphali exstructis.

v. 53—60. *solvat* sc. voto, cui solvendo,
 si Augustus felix faustusque redisset in
 urbem, Antonius et Horatius diis se obstrinxerant,
 vel obligaverant, pro vulgari: tu decem tauri
 et totidem vaccae, ego vitulum imolabo.
relictæ matre, a lacte de-

pulsus. *in mea vota* sc. solvenda.—
Front. curvat. imitat. ign. tert. lunæ refer.
ort. ostendens iu fronte prius cornuum
 germina, lunæ fere die tertio a novilunio
 orientis formam falcatam imitantia;
 comparant Mosch. II. 88. et Claud. de Rapt.
 Proserp. I. 428. de vitula: *pédibus quæ
 nondum protulerit arva, Nec nova lunatæ
 curvavit germina frontis. quæ notam
 duxit*, ea corporis parte (haud dubie
fronte), quæ diversi coloris macula
 notatus est, *niveus videri*, λευκός
ιδέσθαι vel ὀρᾶσθαι; τὸ videri Graeco
 more abundat, ut supr. I. 49. 8. *lucubrius
 aspici*, ubi cf. not. Sic apud Virgil. Aen.
 VI. 49. *maiorque videri*.—*ect.* (τὰ δ'
 ἄλλα) quod ad reliquum corporis colorem
 attinet. Similis fere tauri illius, cuius
 formam Iupiter Europæ causa induisse
 fingitur, descriptio apud Mosch. II. 85. Τοῦ
 δ' ἦτοι τὸ μὲν ἄλλο δέμας ξανθόχροον
 ἔσχε, Κύνλος δ' ἀργύρεος μασσῆ
 μαρμαρυγῆ μετώπῳ. Ceterum victimarum
 tam formam quam naturam singulari
 studio Noster adumbrare solet; cf.
 supr. III. 43. 4 seqq. et III. 22. 7.

CARMEN III

AD MELPOMENEM.

Quem tu, Melpomene, semel
 Nascentem placido lumine videris,
 Illum non labor Isthmius
 Clarabit pugilem, non equus impiger

CARMEN III.

Poëtae gloriam, qua nulla hominibus contingere possit maior et insignior, in hoc carmine pariter, ac supr. III. 30. II. 20. et I. 4. sibi vindicat Horatius, sed ita, ut generosus ille, quo verticem extollit, animus a stolidia superbia sit alienissimus. Omnem enim illum honorem, quo poëtarum choro insertus multo maiore a populo Romano veneratione suscipiatur, quam si victoriam vel e ludis sacris, vel e bello, retulerit, non sibi, sed Musarum, quae sibi nascenti arriserint, acceptum refert beneficio, Melpomenem igitur ex illis, ut lyricae poësa praesidem, in hoc carmine appellat, eique, dum, quod spiret, et placeat, si placeat, id totum eius muneris esse proficitur, gratissimum animi sensum declarat. — Si quaeras, quid illud sit, quod tantam laudem et admirationem huic carmini apud omnes conciliaverit, id a generoso, qui in toto hoc carmine regnat, spiritu et amabili poëtae modestia inprimis repetendum esse, ipse facile senties. Demto enim sententiae involuero, naturae, cuius benignitati ingenii sui facultatem adeoque omnem suam felicitatem debeat, poëta in hoc carmine gratias agit.

v. 4—12. *Quem tu, Melpom. semel cett.* Sensus: Quicumque, uti ego, dextris Muis natus fuerit, h. e. cuiuscunque, ut mihi, nascenti largioria ingenii concessa fuerit facultas; is in amoeno quodam secessu, uti ego in agro Tiburtino, poëtae nobilitatem consecutus facili victorum, vel e saceris ludis, vel e bello redeuntium, supersedeat gloria. *Nascent. placido lum. videris*, dignum, in quem nascentem dona tua conferres, habueris. Praevit in hac suavissima imagine Hesiod. Theog. 82. Οὐρανὸν τιμῆσουσα Διὸς κοῦρην μέγαλῃσι, Γενόμενός τ' ἐσιδῶσι—Τῷ μὲν ἐπὶ γλώσση γλυκερὴν χεῖρ' οὖσιν ἀουδῆν cett. cf. Callimach. Epigr. II. 4. et Theocrit. IX. 35. — *labor Isthmius* (πόνος, ἀθλός vel ἀγών) certamen in ludis Isthmicis, quos ad Isthmum Corinthium in Neptūni et Melicertae honorem institutos esse satis constat. Similiter *Elei labores* apud Stat. Silv. IV. 4. 31. de certaminibus in ludis Olympiis. *clarabit pugilem*, clarum victorem in pugilatu faciet; *clarare* iam in prima et propria significatione; vulgo alias pro declarare, ostendere, poni solet. *non equus imp. curr. duc.* *Achaico victor*, non in certamine curuli victorise laudem ei parabit equorum virtus et velocitas; *Achaico*,

Curru ducet Achaico

5

Victorem, neque res bellica Deliis
Ornatum foliis ducem,

Quod regum tumidas contuderit minas,
Ostendet Capitolio:

Sed quae Tibur aquae fertile praefluunt,⁴⁰
Et spissae nemorum comae,
Fingent Aeolio carmine nobilem.

Romae principis urbium

Dignatur suboles inter amabiles

Vatum ponere me choros:

15

Et iam dente minus mordeor invido.

O, testudinis aureae

Dulcem quae strepitum, Pieri, temperas:

Graeco, adeoque de eo, quo certatur in ludis Olympicis. *res bellica*, rerum praelare in bello gestarum gloria. *ornat. Deliis foliis* h. e. ut carm. antec. v. 35. dicitur, *merita fronde* (lauro nempe) *decorum*. — *regum tumidas minas*, regum superbiam; cum delectu aulem regum pro hostium posuit, quia nihil rege vel regis nomine Romanis fuit infestius. — *ostendet* sc. triumphum agentem; *Capitolio*, eo enim per *saerum clivum* (cf. carm. antec. v. 85.) cum pompa solemniter pergebat triumphans. *Sed quae Tibur aquae fert. praeft.* cett. cf. ad carm. antec. v. 31. 32. *prae-fluunt* pro praeterfluunt, ut infr. IV. 14. 26. *Fing. Aeolio carm. nob.* venusta brevitate in hanc fere sententiam: tam suave et iucundum mihi suppeditabunt otium, ut in poësi lyrica ibi me exercens poëta evadam nobilissimus. *Aeolio*, lyrico, cf. ad III. 30. 13.

v. 13—24. *Suboles Romae principis urb.* gens Romana urbem nobilissimam

in toto terrarum orbe incolens, pro vulgari: Romani, vel populus Romanus. *princeps urbium*, similiter infr. IV. 14. 44. *Roma domina*. Cf. *Mitsch.* laudat Mart. XII. 8. 1. *Terrarum Dea, gentiumque, Roma, Cui par est nihil et nihil secundum*. — *dente min. mord. invido*, malevolorum istorum hominum, qui primum carminibus meis obrectabant, iam paene vici invidiam; maior nunc paene sum (ut supr. II. 20. 4. dicit) *invidia*. Homini-bus invidis, vel *Livori* (ut Ovid. Am. I. 15. 1. eu & appellat) *edaci*, notissima imagine *dens*, quo infestos sibi petat et mordeat, tribuitur; cf. inf. V. 6. 15. Epist. I. 18. 82. Ovid. Trist. IV. 10. 123. *Nec, qui detrectat praesentia, Livor iniquo Vllum de nostris dente momordit opus*. cf. *Mitsch.* *Pieri*, O Musa, Melpomene. *quae strepitum dulo. testud. car. temperas* h. e. quae ex aurea testudine pro arte, qua illam moderaris et tractas, dulcem sonorum concentum elicit; de elegante usu

O, mutis quoque piscibus
 Donatura cyni, si libeat, sonum! 20
 Totum muneris hoc tui est;
 Quod monstror digito praetereuntium
 Romanae fidicen lyrae:
 Quod spiro et placeo (si placeo), tuum est.

CARMEN IV

DRUSI LAUDES.

Qualem ministrum fulminis alitem,

* verbi temperare, apposite Cl. Mitsch. laudat Propert. II. 34. 80. *Tale facis carmen docta testudine, quale Cynthus impositis temperat artibus.* — *mut. quoq. pisc. donat. cyn. son.* Aptissimae ad Musae potentiam designandam imagines! De proverbiali locutione, qua quis, qui nihil in medium proferre potest, apud Graecos *ἰχθύων ἀπυρότερος*, dulcissime canens autem: *Κύκνου ἀπιδότερος* vel *ᾠδιδώτερος*, dicitur, vid. Interpretes ad h. l. *donatura*, quae donare vales. — *monstror digito praetereuntium*, notus est locus Persii L. 28. *At pulchrum est digito monstrari et dici: hic est. οὗτος ἰχθύος.* cf. Mitsch. et Boettig. *Romanae fidic. lyrae*, ut nobilis ille Romanorum poeta, qui princeps Aeolium carmen ad modos Italos deduxerim. *quod spiro*, quod lyrici poetae me agit spiritus.

CARMEN IV.

Insigni illi invenilis fortitudinis documento, quod *Drusum Neronem*, Augusti privignum, vix XXIII. annos

natum, in bello contra Rhaetos et Vindelicos edidisse narrant, aeque insigne Horatius in hoc carmine monumentum posuit. Res scilicet fuit haec: Rhaeti et Vindelici (quorum illi terras ad Alpium radices, ab oriente meridiem versus, a monte Adula ad Iulias usque Alpes, vel ad Veronae et Corni usque fines, eas igitur terras, quas nunc Grisons et Tirolenses tenent, vid. Strab. IV. p. 345. C. hi vero, proximi Rhaetorum accolae, ea sub Alpibus septentrionem versus loca, quae a lacu Bodamico per meridionalem Bavariae et septentrionalem comitatus Tirolensis partem ad fluvium Oenum usque porriguntur, incolebant, vid. Strab. VII. 449. A. et *Mannerti German.* p. 610.) cum crebras in Galliae Italiaeque agros incursiones facerent, et populationibus suis indies Romanis infestiores fierent; Augustus, modum tandem eorum ferociae et insolentiae ponendum esse ratus, V. C. DCCXXXIX. exercitum contra eos mittendi eique privignum suum *Drusum Neronem* praeficiendi cepit consilium. Cui quidem consilio

Cui rex Deorum regnum in aves vagas
Permisit, expertus fidelem
Iupiter in Ganymede flavo,

eventus respondebat optatissimus. Drusus enim non solum Rhaetos in primo statim proelio, ad Alpes Tridentinas cum eis commisso, fudit fugavitque, vid. Dio L. IV. 22. sed pari quoque fortuna Vindelicos deinde coniunctum cum fratre suo Tiberio, quem adiutorem ei Augustus addiderat, perdomuit; vid. Vell. II. 98. Huius geminae igitur Neronum de Rhaetis et Vindeliciis victoriae gloriam Horatius, uti ab ipso Augusto, Suetonio in Vit. Horat. teste, iussus fuerat, duobus carminibus celebravit, altero, de quo nunc agimus, in *Drusi*, altero (infra IV. 14.) in *Tiberii* laudem composito. — Tria autem potissimum hoc carmen, in quorum tractatione omnis eius ars et splendor cernitur, continet: 1. egregiae illius fortitudinis et iuvenilis vigoris, quo Drusus in pugna contra Rhaetos se conspicendum prae buerat, descriptionem, sive, in qua omnis haec descriptio versatur, Drusi cum iuvene aquila et leone comparisonem; 2. Augusti, tanquam unici earum virtutum, quibus Drusus nunc exsplendescbat, auctoris laudationem; laudat nempe vere patrum Augusti animum, quem ille in privignis suis Neronibus rite educandis probaverat, simulque, quantam vim in omnem animi cultum educatio habeat, breviter ostendit; 3. veteris C. Claudii Neronis, unde originem suam repetebant Neronēs, memoriam; quem quidem, cum ex eo inde tempore, quo Hasdrubal, Hannibalis frater, in bello Punico secundo ab eo devictus fuerat, sereno semper vultu Fortuna Romanis adfulgere coeperit,

et ipse Hannibal (cuius sub fine huius carminis de Romanorum virtute, vinci omnino nescia, oratione nihil sublimius et Romanis honorificentius cogitari potest), spem omnem, Romanos vinci posse, abiecerit, ut virum egregie de republica meritum multis extollit laudibus.

v. 1—18. *Qualem ministrum cett.* Nexus et sensus huius loci, quo Drusi, admodum adhuc iuvenis, contra Rhaetos pugnantis vigor atque impetus cum iuvenis aquilae et leonis vigore et impetu comparatur, est fere hic: Vindelici Drusum, ut iuvenem, tali impetu et vigore contra Rhaetos pugnantem viderunt, quali iuvenis aquila, cum nido relicto in altum evolavit, mox in ovilia inde et dracones ruit atque demittitur, vel quali timendus iuvenis leo capreae in pascuis conspicitur. — Vti in plurimis comparationibus ea tantum rei comparatae pars, quam solam respexit quisque poeta, spectanda et ab iis, quae ad ornatum pertinent, diligenter discernenda est, ita in his duabus comparationibus unice *iuvenilis aquilae et leonis vigor atque impetus* spectari, et cetera omnia ad ornatum referri debent. *Qual. ministr. fulm. alit. ol. iuvent. et patr. vig. nido lab. propul. inso.* pro vulgari: Qualis esse solet iuvenilis et patris vigor aquilae, quam (olim) forte aliquando primum volatum in aëre tentare vidimus; *ministr. fulm. alit.* causam, ex qua aquila fulmina Iovi ministrare ficta sit, inter alia inde repetunt, quod nulla unquam aquila fulmine tacta fuerit; vid. Plin. X. 3. s. 4. sed

Olim iuventas et patrius vigor 5
 Nido laborum propulit inscium:
 Vernique, iam nimbis remotis,
 Insolitos docuere nisus
 Venti paventem: mox in ovilia
 Demisit hostem vividus impetus: 10
 Nunc in reluctantes dracones
 Egit amor dapis atque pugnae:
 Qualemve laetis caprea pascuis
 Intenta, fulvae matris ab ubere
 Iam lacte depulsum leonem, 15
 Dente novo peritura, vidit:

rectius fortasse in altissimo, quo ad nubila tendit aquila, volatu huius commentum causam quaeras; *cui rex De. regn. in av. vag. permis.* Iupiter enim, ut tradunt, regium aquilae inter aves datum honorum operae illius, quam Iovi in Ganymedis raptu praestitisse fertur aquila, praemium esse voluit. Sequitur nempe Noster eos, qui Iovem in Ganymede rapiendo aquilae ministerio usum esse narrant; vid. Apollodor. III. 12. 2. et ibi Heyn. Secundum alios ipse Iupiter in aquilam mutatus est; vide, quem laudat Boettig., *Hemistichus*. ad Lucian. T. I. p. 210—15. *flavo*, pulcro, ut supr. II. 4. 14. et III. 9. 19. et sexcenties alibi. *tò olim* alii pro *primum* explicant, ut particulis *mox* v. 9. pro *deinde*, et *nunc* v. 11. pro *denique*, respondeat; sed, ut hanc explicationem usus loquendi ferat, valde equidem vereor; imo particula *olim* de rebus, quas ita fieri et factas esse constat, saepissime in comparationibus obvia. *laborum*, nisuum illorum, quibus in altum se extollere laborant aquilae; hinc statim *venti insolitos nisus docere* dicuntur; *venti*

nempe *nisus docent*, dum volatu ac tollere conantem levant; *vernus*, nam aquilarum aequae ac milviorum et accipitrum pulli sub veris certe sine nidum relinquere solent; non audienda igitur sunt, quae vano studio contra h. l. disputat *Iul. Scalig. Poët. VI. c. 7.* *paventem*, observa artem poetae, qua, pro tenui *cum*, egregie alitis, non sine pavore primum volatum in aëre molientis, naturam designat; *dracones*, de aquilis, hostiliter serpentes petentibus et cum iis conflictantibus, res nota; vid. Plin. X. 4. s. 5. et quae in hanc rem congressit *Cerda* ad Virg. XI. 751. *reluctantes* (ut *luctans draco* apud Virg. l. l.), dum serpentes scilicet (ut Cic. de Div. I. 47. locum Homeri II. XII. 204. de *aquilas cum serpente pugna* imitatione exprimens loquitur) *se intorquent*, vel, ut Plin. l. l. ait, *multipli nexu alas aquilae ligant, et ita implicant, ut simul decidat.* *caprea*, nos *gemse*. — *matr. ab ubere iam lact. depuls.* *leon.* h. e. ab ubere matris, adeoque iam lacte, quo adhuc nutritus fuerat, depulsum; *tò lacte* ea imprimis vi

Videre Rhaetis bella sub Alpibus
 Drusum gerentem Vindelici: quibus
 Mos unde deductus per omne
 Tempus Amazonia securi
 20
 Dextras obarmet, quaerere distuli;
 Nec scire fas est omnia; sed diu
 Lateque victrices catervae,
 Consiliis iuvenis revictae,

addidisse videtur poeta, ut iuvenem illum leonem nunc famelicum esse significaret; quam quidem qui non ferre possent huius poeticae loquendi rationis abundantiam, eam variis, quas proposuerunt, emendationibus tollere studuerunt. Sed sic corrigi etiam debebat locus Tibull. I. 3. 46. *utroque ferebant Obvia securis ubera lactis oves*, ubi pariter *ro lactis*, quod pro lactea explicant, abundat; et sic apud Euripid. Orest. v. 1544. γάλακτος παρά μαστοῖσιν. *novo dente*, significanter de iuvene leone, qui primum dentes suos sanguine imbuit. — *Rhaetis* pro Rhaeticis; *videre Vindelici*, ab initio enim, cum solos Rhaetos aggrediretur Drusus, qualis ille dux esset, Vindelici *viderunt*, sed deinde eius virtutem quoque *senserunt*; vid. Argum.

v. 18—28. *quibus mos unde deduct.* — *nec scire fas est omnia*, h. e. qui cur ad Amazonum exemplum secures semper in bello gestare soleant, nec persequari placuit, nec scire omnia licet. — Turbat sane et deprimit haec historica quasi observatio poetae sublimioris spiritum et impetum; sed haud dubie, cur eam adpergeret, graviores causas poeta habuit; sive quod disputari tum multum solebat Romae de prima moris illius, quo Vindelici securibus in bello uterentur,

origine; sive quod Vindelicorum, qui vulgo *securigeri* appellati esse videntur, addere et circumscribere nuncino debebat cognomen; sive quod ab Augusto huius rei in hoc carmine mentionem facere iussus fuerat; sive quod ex alia, quam nunc ignoramus, causa huius rei commemorationem non facile praetermittere poterat. Ne multa! vix dubitari potest, quin hi versus, quos Cl. Iani in peculiari ad h. l. Excursu ut apurios et e margine tenere in textum importatos damnat, ab ipso Horatio praefecti sint. Existitase enim aliquem, qui, vel ingenii sui ostentandi causa, vel ad fraudem stulto cuidam librario faciendam, eiusmodi sententiam numeris adstrictam textus Horatiani margini allineret, Iulianus Apella, non ego, credat. — *sed*, h. e. ut missa igitur faciam, quae hic commemorare nihil attinet, vel: ne igitur extra oleas vagor, sed ad propositum redeam; hac enim *scire* vi particula *sed* eleganter adhibetur ab iis, qui a digressionem aliqua ad propositum se revocant; *victrices catervae*, impune certe primum Italiae, et deinde Galliae fines, late et satis diu depopulatae fuerant. *revictae*, in vicem vel vicissim victae, nisi pro simplice *victae*, ut supra IV. l. 8. *revocare*, pro *vocare*, et saepius alia verba cum *re* composita,

Sensere, quid mens rite, quid indoles, 25
 Nutrita faustis sub penetralibus,
 Posset, quid Augusti paternus
 In pueros animus Neronēs.
 Fortes creantur fortibus et bonis:
 Est in iuvenis, est in equis, patrum 30
 Virtus: neque inbellem feroces
 Progenerant aquilae columbam.
 Doctrina sed vim promovet insitam,
 Rectique cultus pectora roborant:
 Vt cunque defecere mores, 35
 Indecorant bene nata culpaē.
 Quid debeas, O Roma, Neronibus,
 Testis Metaurum flumen, et Hasdrubal

accipere malis. *Sensere*, cf. supr. ad II. 7. 10. *nutrita faust. sub penetral.* exulta sub faustis in Augusti domo auspiciis.

v. 29—36. *Fortes creant. fort. et bon.* cett. *Sensus*: Insita quidem fuit Neronibus generosior gentis eorum indoles, quae apud animalia adeo propagari solet; sed rectum, qui accedere omnino debebat, generosioris illius indolis cultum paternis Augusti curis illi debent. — In sententiam, patrum indolem ingenerari filiis, laudat Cl. Mitsch. Euripid. in Alcmae. apud Stob. Grot. 363. ὡς ἀλκίβης — ἐστὶν ἂν ἀνδρῶν ἐστὶν ἡ γένεσθαι τέχνη, καὶ ὅς ὅμοια τῇ φύσει τῇ τοῦ πατρὸς. Plura vid. apud Mitsch. et Boettig. *Est in iuvenis* cett. animalia quoque indolis suae generositatem propagant. Martial. VI. 38. 7. *Acris equa suboles magno sic pulvere gaudet: Sic vitulus molli proelia fronte cupit.* cf. Mitsch. *Doctrina sed v. promov. insit. sed insitas animi vires* (τὸ ἐγγυεῖς) elicit et exercere docet

institutio. Commode in hanc sententiam laudat Boettig. Cic. pro Arch. Poët. 7. *Atque idem ego contendo, quem ad naturam exitum atque illustrem accesserit ratio quaedam conformatioque doctrinae, tum illud nescio quid praeclarum ac singulare solere existere.* cf. quos laudat Mitsch. Quinct. Inst. Or. XII. 2. et Eurip. Hec. 600. *ut cunque, quandocunque. mores, vires insitas recte exercendi studium et ratio; indecor. bene nata culpaē, bona indoles* (τὸ εὐπρεπές) vitilis corrumpitur.

v. 37—48. *Quid deb. O Roma, Neron. testis Metaur. flum.* cett. Quomodo salus vestra, O Romanis, in antiquae Neronum gentis virtute reposita fuerit, nobilissima illa pugna, qua Hasdrubal ad flumen Metaurum a C. Claudio Nerone devictus est, testatur; a cuius eventu, uti omnis, quae Romanis deinceps contigit, secunda, ita omnis, quam Poeni post illam experti sunt, adversa fortuna repetenda fuit. — Rem illam improvi-

Devictus, et pulcer fugatis
 Ille dies Latio tenebris,
 Qui primus alma risit adorea,
 Dirus per urbes Afer ut Italas,
 Ceu flamma per taedas, vel Eurus
 Per Siculas equitavit undas.
 Post hoc secundis usque laboribus
 Romana pubes crevit, et inpio

40

45

sam et inopinatam, quam C. Claudius Nero, Consul, in bello Punico secundo A. V. DXLVI. felicissimo eventu ausus est, narrat Liv. XXVII. 43 seqq. Clam nempe castris, in quibus ille, Hannibali oppositus, se adhuc tenebat, cum delecta manu relictis, quum e Lucania in Umbriam celeri itinere delatus esset, tanta fortuna ibi ad flumen Metaurum (nunc Metauro, vel Metro) adortus est exercitum, quem Hasdrubal fratri suo Hannibali auxilio ducturus erat, ut occisione eum cum ipsius duce occideret; quae quidem victoria splendidissima cum sola futurarum victoriarum Romanis emasa exstitisset, *ille pulcer dies, qui primus fugatis tenebris* (propulso, quod imminabat Romanis, periculo), *alma adorea risit* (alma victoriae luce exsplenduit), eorum, quae Roma debebat Neronibus, testis laudatur. — *adorea*, Plin. XVIII. 3. *gloriam a farris honore adoream* appellabant; *adorea* scilicet, *ador* vel *far adorcum* (nos *dienkel*) post partam victoriam praemii loco militibus distribui solebat; unde *adorea* pro ipsa victoria ponitur. ut, postquam; ab eo inde tempore, quo. *Afer*, Hannibal; *dirus*, Livius quoque XXI. 4. ad Hannibalis vitia *inhumanam* eius *crudelitatem* refert. cf. supr. ad III. 6. 36. *ceu flamma per taedas* sc. fu-

rere solet, quod ad notam zeugmatis figuram ex *equitavit* eliciendum est. — *per Siculas equit. und.* per mare Siculum concitatissimo impetu ferri solet. *Eurus* iam *equitare*, ut Zephyrus apud Euripidem Phoeniss. 220. *ἵππευον*, ad celerem eius impetum designandum dicitur. Eadem de causa Zephyrus apud Catull. LXVI. 54. *Chloridis ales equus* vocatur, ubi vide not. nec alio consilio Euro *equi Eoi* apud Virg. Aen. II. 417. et Aquiloni *equi Thraeces* apud Val. Flacc. I. 610. tribuuntur. Huc accedit, quod *ἵππευον* apud Graecos passim de omnibus, qui concitatore impetu ruunt, dicitur; exempla ad h. l. dedit Mitsch. uti fere supra III. 1. 40. *equus* de quovis, qui celeri cursu aufertur. Iam vero cum apud Graecos *καταπύευν*, *καταπύευν* *χώραν*, de eo quoque hoste dici soleat (vide quem Boettig. laudat, Wesseling. ad Diodor. Sic. T. I. p. 631.) qui seroce impetu populabundus terram aliquam pervagatur, facile apparet, quam apte *equitare* Hannibali simul, serociter per Italas urbes ruenti, accommodatum sit; et sic infr. V. 46. 42. et 47. 74. is, qui insolentius hosti insultat, *equitis* imagine adumbratur. post hoc, *ἐν τοῦτο*, post hanc Claudiū victoriam; *secundis laboribus* significanter de victoriis, in prospero la-

Vastata Poenorum tumultu
 Fana Deos habuere rectos :
 Dixitque tandem perfidus Hannibal :
 Cervi, luporum praeda rapacium,
 Sectamur ultro, quos opimus
 Fallere et effingere est triumphus.
 Gens, quae, cremato fortis ab Ilío,
 Iactata Tuscis aequoribus sacra,

50

horum, quos milites in bello sustinent, successu positus; *tumultu*, de eo graviore bello, quo salus publica subito hostium adventu et impetu in summum discrimen adducitur. *rectos*, erectos, ἀνυψωμένους, in pristinum honorem restitutos.

v. 49—60. *perfidus Hannibal*, in Hannibale enim, ut severus eius vitionum censor Livius XXI. 4. ait, animadvertetur: *perfidia plus quam Punica*, nihil veri, nihil sancti, nullus decorum metus, nullum iusiurandum, nulla religio. Poëta autem iam primas potissimum belli Punici secundi causas, nempe *perfidie* ruptum ab Hannibale Sagunti oppugnatione foedus resperxisse videtur. Hinc apud Livium quoque XXI. 40. Hannibal *dur foederum raptor* appellatur. *tandem dixit*: Hannibalis, quæ sequitur, oratione nihil profecto ad hoc carmen tam in Neronum, quam in totius gentis Romanæ laudem et gloriam aptius, gravius et sublimius accedere potuit. Eo magis autem Hannibalem sic loquentem inducere poterat poëta, cum vere ille, accepto de funesta Hasdrubalis clade nuncio, *agnoscere se fortunam Carthaginis*, dixisse feratur; vid. Liv. XXVII. 51. Ceterum in hac oratione, quæ vim suam præcipue eo accipit, quod is ipse, qui Romano nomini infestissimus erat, Romana-

rum virtutum nunc laudator existit, acriter pro se quisque intendat animum ad summum illum verborum ornatum, et splendidissima sententiarum lumina, quibus simplex sententia: « Vnus et irrita est omnis opera nostra, quam in bello contra Romanos, fugiendos nobis potius, quam persequendos, ponimus; quo gravius enim eos impugnamus, eo magis eorum efflorescit gloria; imo Romanos, quos ab omni periculo tutos semper præstabit Neronum virtus, a nobis vinci posse, omnis plane, Hasdrubale interemto, spes evanuit! » egregie expressa et amplificata est. *Cervi lup. praeda rapac. sectam. ultro* nos stulti ultro sectamur Romanos, ut sicut cervi fere istis tanquam lupis rapacibus prædae simus. cf. Epigr. Posidipp. XIV. Anth. Gr. T. II. p. 50. *opimus est triumphus*, in gloriosi triumphi loco ponendum est; pro tenui præstat; *triumphum* iam insignivit epitheto, quo proprie gloriosa illa *spolia*, a duce caeso duci derepta, insigniri solent. *cremato fort. ab Ilío, iactata Tuscis aequ. sacro*. Opportune comparant Virgil. Aeneid. I. 71. *Gens inimica mihi Tyrrhenum navigat aequor, Ilium in Italiam portans viotosque Penates.* *sacra*, Penates, vid. Heyn. Excurs. IX. ad Virg. Aen. II. v. 293 seqq. p. 304.

55

Natosque maturosque patres,
 Pertulit Ausonias ad urbes,
 Duris ut ilex tonsa bipennibus
 Nigrae feraci frondis in Algido,
 Per damna, per caedes, ab ipso
 Ducit opes animumque ferro. 60
 Non Hydra secto corpore firmior
 Vinci dolentem crevit in Herculem:
 Monstrumve submisere Colchi
 Maius, Echioniaeve Thebae.

— *maturos* sc. funeri, ut infr. Art. Poët. v. 415. *maturus senex* et supr. III. 45. 4. *Chloria maturo propior funeri*. *Ausonias*, Italas, ab Ausonibus, antiquis Italiae incolis; vid. Heyn. Excurs. IV. ad Aen. VII. 37. p. 429. *Duris ut ilex tonsa bipenn.* cett. Quemadmodum ilex, cuius frondes vel rami per bipennem detondentur, laetius deinde efflorescere solet; ita gens Romana, dum cladi-bus in bello afficitur, ab ipso ferro, quo caeditur, novum vigorem et animum accipit. *Algido*, vid. supra ad I. 21. 6. *feraci frond. nigrae*, qui profert multas arbores, ilices nempe, quarum frondes subnigri fere coloris sunt. *per damna, p. caed. ab ip. duo. op. anim. ferro* observa delectum verborum, tam genti Romanae, quam tonsae ilici eum illa comparatae, egregie simul accommodatorum.

v. 61—76. *Non Hydra secto corp. firm.* cett. Sensus: Gens Romana, quotiescunque ab hoste victa est, toties nova contra eum firmitate surgit, veluti olim hydra Lernaëa, quae, quotiescunque ab eius corpore unum caput desecuerat Hercules, toties eo firmior, subnatis statim duobus alijs (vel pluribus) capitibus, contra eum,

non sine dolore, se ab ea vinci, sentientem, exsurrexit; vel uti olim ex satis dentibus draconis illius, quem Cadmus occiderat, nova monstra in Colchide et Boeotia edita sunt. — Fabulam de hydra Lernaëa tractat Ovid. Met. IX. 69 seqq. cf. Apollodor. II. 5. 2. Cum hydra Lernaëa Romanos quoque comparat Pyrrhus apud Flor. I. 18. *secto corpore*, hinc proverbiali locutione ὄψαν τίμειν dicuntur, quibus ex uno, quod vicerunt, malo plura et maiora subnascuntur; vid. Torrent. ad h. l. *vinci dolent.* nam, ut satis constat, Iolai demum ope victa est ista hydra ab Hercule. — *crevit*, significante brevitate et elegantia pro *fuit*, eum nova ei crevissent capita. *Monstrumve submis.* *Colchi m. Echion. Thebae* nec terra Colchica et Thebana e satis draconis dentibus maius monstrum emisit. Fabulam de dracone, quem Cadmus in Boeotis, postquam ille huius socios aquatum ad fontem missos necaverat, interfecisse perhibetur, suaviter enarrat Ovid. Met. III. 25. seqq. E dentibus huius serpentis, quorum partem Minerva subito e caelo allapsa Cadmum serere iusserat, viri armati, σπῆρτι, γυνεῖς, vid. Heyn. ad Apollodor. p. 454. (quos apposite Noster

Merses profundo, pulcrior evenit : 66
 Luctere, multa proruet integrum
 Cum laude victorem, geretque
 Proelia coniugibus loquenda.
 Carthagini iam non ego nuntios
 Mittam superbos : occidit, occidit, 70
 Spes omnis et fortuna nostri
 Nominis, Hasdrubale interemto.
 Nil Claudiae non perficient manus :
 Quas et benigno numine Iupiter
 Defendit, et curae sagaces 75
 Expediunt per acuta belli.

monstra appellat), prognati esse, sed
 mox, cum hostiliter statim invicem
 se petissent, mutuis vulneribus, quin-
 que tantum superstitibus, e quibus
 fuit *Echion* (unde *Echioniae The-
 dae*), perliasse traduntur. Similia mon-
 atra terra Colchica *subminisse* fertur,
 et quidem per Iasonem, quem dona-
 tam sibi a Minerva alteram serpentis
 illius a Cadmo occisi dentium partem
 scire luserat Aetes; vid. Apollon.
 Rhod. III. 4475. et Ovid. Met. VII.
 422 seqq. *submis.*) *submittere*,
 quod eleganter apud Lucret. I. 8. et
 alibi (uti apud Graecos ἀναπτύσσειν)
 de floribus dicitur, quos terra sensim
 sensinique sursum mittit, apposite ad
 illos viros armatos, qui non subito e
 terra prosilirent, sed, ut Ovidius l.
 I. narrat, sensim sensimque e terra
 succrescerent, translullt. *Merses*
profundo, pulcrior evenit, nota imago,
 qua quis, malis, quibus laborabat,
 feliciter superatis, comparatur cum
 eo, qui e profundo mari, ad quod
 demersus fuerat, bona fortuna emer-
 git; *pulcrior*, virtutis honore in-
 signior. Nostrum imitatus est Rutil.
 Itiner. I. 429. *Flevit successus Hanni-
 bal ipse suos. Quae mergi nequeunt,*

*nini maiore remurgunt, Exsiliuntque
 inis altius ieta vadis.* *Luctere, mul-
 ta pror. integr. cum laude vict.* finge
 tibi par gladiatorum, quorum alter
 iam paene victus alterum iam paene
 victorem et integris adhuc viribus
 magna cum laude prosternit. *proe-
 lia coniugibus loquenda*, h. e. caeso-
 rum maritorum coniugibus cum luctu
 memoranda; minus bene huc advo-
 cant Ovid. Heroid. I. 29. et *coniugibus*
 de uxoribus eorum accipiunt, qui,
 cum victores e bello domum redie-
 rint, proelia sua lis enarrant. *su-
 perbos*, cum superbia, Romanos victos
 esse, referentes; eiusmodi nuntius
 post cladem Cannensem fuit Mago,
 Hamilcaris filius; vid. Liv. XXIII. 44.
 — *nostri nominis*, gentis nostrae. —
Nil Claud. non perf. man. h. e. a G.
 Claudii Neronis gente sperare Roma
 potest omnia; per *manus Claudias* in-
 telligit simul C. Claudi Neronis po-
 steros. Itaque iam Hannibal, Neronis
 tales fore, qualem Drusus in bello
 contra Rhaetos se praebuerat, vatici-
 natus esse fingitur, quo nihil sane in
 Drusi laudem fingi a poeta potuit
 splendidius atque magnificentius. —
curae sagaces, ingenii in capiendis

CARMEN V

AD AVGVSTVM.

Divis orte bonis, optime Romulae
Custos gentis, abes iam nimium diu :

consiliis sagacitas. *per acuta belli*, per ea, quae in bello periculum intendunt; *acuta* iam omnia, quae nobis perniciose fieri possunt, designare videntur. Sic fere pugna anceps et dubia Graecis οξύς ἀγών dicitur. Cl. *Mitsch.* ad hanc loquendi rationem refert δι' οξύτης δραμαίον, ἐνὶ τῶν διακινδυνεύοντων, quod proverbium est apud Zenob. Cent. III. 13. et ἐνὶ ξυποῦ σίνα, apud Theocritum XXII. 6.

CARMEN V.

Quam Augusti reditus post longam[®] eius absentiam (vid. supra Argum. ad huius libri carm. secund.) cupidissime ab omnibus Romae expectaretur: Horatius in hoc carmine pium illud, quo Augustum suum efflagigaret populus Romanus, tam molli animi affectu expressit desiderium, ut haud sciam, an ullum carmen Notater cecinerit, quod Augusto suavius, dulcius et exoptatius accidere posset. Non enim in desiderii, suavissimis imaginibus adumbrati, descriptione acquievit, sed eius causas quoque honestissimas scite aperuit. Romanos nempe bene sentire ait, Augustum esse, cui summam, qua nunc fruuntur, felicitatem dabeant, adeoque tanta erga illum pietate impletos esse, ut eum tanquam Deum Tutelarem divino honore prosequanter, et in eius incolumitate felicitatis suae

incolumitatem ponant. — Est autem hoc carmen ita comparatum, ut neminem facile reperias, qui mollissimis eius sententiis et numeris, placidi rivi instar dulcissimo sono decurrentibus, sensu non perfundatur atque deliniatur suavissimo!

v. 1—4. *Divis orte bonis*, sunt, qui explicent: «O tu qui propitiis diis vel secundis deorum auspiciis natus es, v. allatis in banc explicationem ista, quae supr. IV. 2. 37. de Augusto dicuntur: Quo nihil maius meliusve terris Fata donavero, bonique Divi. sed cum *ortus* aliquo dicatur is, qui vel natus est ex aliquo, vel originem suam ab aliquo repetit, ut carm. seqn. v. 32. *pueri claris parentibus orti*, et supr. II. 12. 50. *Iupiter Saturno ortus*; Ovid. Heroid. XX. 224. *nec — despectis arguor ortus avi*; vix dubitari potest, quin *Divis orte bonis* iam sit: O tu, qui originem ducis a Diis genti Romanae propitiis. Iam vero cum Augustus per adoptionem in gentem Iuliam transisset, recte eius genus a Divis repeti poterat. *custos*, Deus Tutelaris, ut supr. I. 28. 29. *Neptunus: custos Tarenti*. *Romulae*, pro Romulae, ut infr. Carm. Saecul. 47. et Virg. Aen. VI. 877. *iam nimium diu*, Augustus enim cum, Sygambri debellatis, rebus quoque in Hispania et Gallia componendis operam daret, tres ferme integros annos iam Roma abfuit; vid. supr. Argum. ad IV. 2.

Maturum reditum pollicitus Patrum

Sancto concilio, redi.

Lucem redde tuae, Dux bone, patriae: 5

Instar Veris enim vultus ubi tuus

Affulsit, populo gratior it dies,

Et soles melius nitent.

Vt mater iuvenem, quem Notus invido

Flatu Carpathii trans maris aequora 10

Cunctantem spatio longius annuo

Dulci distinet a domo,

Votis ominibusque et precibus vocat,

—*pollicit.* *Patr. sancto conc.* in senatu igitur, antequam ab urbe proficisceretur, convocato spem maturioris reditus fecisse videtur; *sancto* refer ad venerabilem senatorum dignitatem. *redi*, in una hac voce cardo quasi totius huius carminis vertitur.

v. 5—8. *Lucem redde tuae patriae*, h. e. civium tuorum de absentia tua tristitiam reditus tuus, velut sol tenebras, dispellat; pro vulgari: *veni*, et cives tuos, de absentia tua tristes, exhilara; *lucis* imagine de statu tristi in laetorem mutato nihil frequentius. *Instar Ver. en. vult. ubi tu. affulsit.* nam ubi vultus tui splendor, qui veris instar serenat omnia, conspicitur, cett. *Veris* imaginem referre dicuntur, qui omnia, ubi apparent, exhilarant atque serena reddunt; *Boettig.* laudat Theocrit. VIII. 41. παρὰ τὸν ἥλιον — Εὐθ' ἂν χαλὰ πᾶσι ἐπιφύωσται. cf. *Mitsch.* ad h. l. et *Iacobi Animadv.* ad Anth. Gr. Vol. I. p. 310. Augusti igitur vultus talem fere iam splendorem prae se ferre dicitur, quali dii praesentiam suam manifestare solent; cf. *Hom.* II. in Cer. v. 277 seqq. *soles melius* (h. e. pulcrius) *nitent*, in hanc sen-

tentiam *Boettig.* comparat Aeschyl. Pers. 298.

v. 9—16. *Vt mater iuvenem* cett. en imaginem dulcissimam! Romani Augusti reditum eodem desiderio et eadem animi sollicitudine exspectant, qua pia mater filii sui, iam anno longius in itinere maritimo morantis, exspectare solet. In eadem adumbranda imagine operam posuit *Oppian.* Hal. IV. 335 seqq. quem *tirones* cum *Nostro* comparent. *Notus*, adversus enim ille fiat nautis, e Bithynia per mare Carpathium in Italiam redeuntibus; quamvis alias *Notus* pro quovis vento procelloso ponitur; *invido*, in viso, adverso; sic res, quae votis aliorum obstant, passim *invidiae* dicuntur, ut *paries invidus* apud *Ovid.* Met. IV. 73. *invida vestis* apud eundem *Amor.* III. 2. 27. *dulci domo*, ex longo itinere enim redeunti nihil domo sua dulcius; hinc *Catull.* XXXI. 7 seqq. *O quid solatis est beatius curis!* Cum mens onus reponit, ac peregrino Labore fessi venimus larem ad nostrum, *Desideratoque acquiescimus lecto.* votis, quae mater pro filii reditu nuncupat et suscipit. — *ominibus*, verbis bene ominatis. *ieta.*

Curvo nec faciem litore demovet :

Sic desiderii icta fidelibus

15

Quaerit patria Caesarem.

Tutus bos etenim rura perambulat :

Nutrit rura Ceres, almaque Faustitas :

Pacatum volitant per mare navitae :

Culpari metuit Fides :

20

Nullis polluitur casta domus stupris :

ad vehementiorem desiderii affectum designandum. De locutione, qua quis graviore quodam animi affectu, dolore, malis, furore cett. iectus dicitur, vid. *N. Heins.* ad Ovid. *Trist.* II. 818. et *Burm. Sec.* ad Anthol. Lat. T. II. p. 66. *fidelibus*, retulit hoc epitheton posita ad *desiderii*, quod ex vulgari ratione ad patriam referendum erat. *quaerit*, adesse cupit, reddi sibi optat. cf. supra III. 24-32.

v. 17-24. *Tut. bos etenim* cett. Nexus et sensus: Nec mirum, patriam tanto tui teneri desiderio; nam sub tuo imperio rediit in illam securitas, fertilitas, faustitas, opulentia, fides, castitas, coniugiorum sanetitas, et legum auctoritas. — In eandem fere de Romanorum sub Augusti imperio felicitatesententiam iam ab aliis laudatus Vellei. II. 89. *Nihil deinde optare a Diis homines, nihil Dii hominibus praestare possunt, — quod non Augustus — populo Romano repraesentaverit. Finita bella civilia, sepulta externa, revocata pax; restituta vis legibus, iudicii auctoritas; rediit cultus agris, sacris honos, securitas hominibus, certa cuique rerum suarum possessio; leges emendatae utiliter, latae salubriter* cett. — *Tutus bos rura peramb.* pacis, quae per Augustum nobis contigit, beneficio secure in pascuis boves circumvagantur, h. e. non amplius expositi

sumus hostium incursionibus; parata nobis per Augustum est securitas; cf. Theocr. XVI. 90 seqq. Minus hene alii de bove arationis opus perficiente cogitant; prior enim explicatio felicitati temporum, in priscum aurum fere sub Augusto redeuntium, magis convenit. *nutrit*, sc. per secundas pluvias, secundam aëris temperiem, cett. *Faustitas* inf. Carm. Saec. v. 59. *beata pleno copia cornu.* *pacat. volit. per mare navit.* non amplius, ut olim, mare infestant piratae, viget mercatura. *volitant*, non cum Cl. *Mitsch.* ad lasciviam et audaciam nautarum trahendum, sed ad cursus, quem illi nunc tuti ab omnibus insidiis in mari facere possunt, celeritatem; hinc naves quoque celeriter currentes volare (ut Graecis *πνέοντες*) dicuntur; Virgil. Aen. III. 124. cf. *Interpret.* ad Hygin. p. 122. — *pacatum per mare*, hinc Augusto sinum Putolanum praetervecto nautae, ut tradit Sueton. Aug. 98. *per illum se vivere, per illum navigare, libertate atque fortunis per illum frui*, acclamasse dicuntur. *culpari metuit*, h. e. non culpatur, de quo elegante reū *metuere* usu vid. supr. ad II. 2. 7. — *Fides*, cf. infra Carm. Saec. 57. — *Null. poll. casta dom. stupr.* Romani enim, in quorum corruptos mores Noster supr. III. 6. graviter invehi-

HOR. TOM. I

V

Mos et lex maculosum edomuit nefas :

Laudantur simili prole puerperae :

Culpam poena premit comes.

Quis Parthum paveat ? quis gelidum Scythen? ²⁵

Quis, Germania quos horrida parturit

Fetus, incolumi Caesare ? quis ferae

Bellum curet Iberiae ?

Condit quisque diem collibus in suis,

tur, libidinis licentia et adulteriis inquinaverant huc usque, ut ibi v. 18. ait, *et genus et domos*. Itaque Augustus, cum hoc fonte, ut Noster ibi addit, *derivata clades in patriam populumque fluxerit*, pristinum virtutis Romanae honorem revocasse dicitur eo, quod per morem (veterem disciplinam), et *legens* (legem Iuliam de adulteriis), *maculosum nefas* (foeda, quibus coningiorum contaminabatur sanctitas, adulteria) *edomuit* (exstirpare studuit). *Laudant. simili prole puerp.* matres pariunt liberos, patri suo similes; prolis enim cum patre similitudo matris castitatem probare putabatur; vid. *Interpret.* ad h. l. et quos laudavimus ad Catull. LXI. 221. *Culp. poena prem. com.* qui in flagitio deprehenduntur, ab iis statim poena in legibus constituta expellitur.—Auctor sacri Hymni *Quicumque oertum quæritis* hunc versum fere transcripsit. *A.*

v. 25—28. *Quis Parth. pav.* cett. Parthis, Scythiis, Germanis et Cantabris ab Augusto perdomitis nulla amplius extrinsecus nobis timenda sunt pericula, h. e. pace, otio et securitate per Augustum fruimur. — *Quis Parth. paveat*, de victis ab Augusto Parthis vid. supra III. 3. hinc infr. Carm. Saec. 53. *Iam mari terraque manus potentes Medus, Albanasque timet scauras.* *quis gelid. Scy-*

then? cf. supr. III. 8. 23. ubi: *Iam Scythae luxu meditantur arcu Cedere campis*, et Carm. Saec. vs. 53. *Iam Scythae responsa petunt.* *Quis, German. quos horrid parturit.* *fet.* pro vulgari: quis paveat horridos Germanos? De victis per Drusum Germanis vid. Carm. anteced. *Germania* (ut supra II. 6. 3. *Syrtes barbarae*, et II. 9. 20. *Niphates rigidus*), ab eius incolarum natura et externo corporum habitu dicitur *horrida*; Tacit. M. Germ. IV. *Habitus corporum—idem omnibus; truces et caerulei oculi, rutilae comae, magna corpora*; hinc infra V. 16. 17. *Nec fera caerulea domuit Germania pube.* Qui tò horrida ad ipsam terrarum in Germanis naturam referunt, laudant Tacit. Mor. Germ. II. *informem terris, asperam caelo, tristem cultu aspectuque.* c. V. *silvis horridam, pululibus foedam.* quos parturit fetus, continentin pro iis, qui ibi nascuntur, quasi horum quoque prodigiosae formae hominum terra mater sit. *bellum Iberiae*, h. e. bellum Cantabricum; vid. supr. ad II. 6. 7.

v. 29—40. *Condit diem*, pro vulgari: finit vel exigit diem; similiter Menalcas apud Virgil. Eclog. IX. 52. *soles cantando condidisse*, h. e. exegisse, dicitur; laudant quoque de hac loquendi ratione exemplum Callim. Epigr. II. 3. *Πλον ἐν λόγῳ κατέδυσεν.* Scilicet *diem condit*, qui eum

Et vitem viduas ducit ad arbores : 30

Hinc ad vina redit laetus , et alteris

Te mensis adhibet Deum :

Te multa prece , te prosequitur mero

Defuso pateris : et Laribus tuum

Miscet numen , uti Graecia Castoris 35

Et magni memor Herculis.

Longas O utinam , Dux bone , ferias

Praestes Hesperiae ! dicimus integro

Sicci mane die , dicimus uvidi ,

Cum Sol Oceano subest. 40

condi et occidere videt ; nam proprie dies conditur , vel sol , qui , dum in undas se condit (ut Virgil. Georg. I. 437. loquitur) , diem simul indutis tenebris condit ; uti fere apud Virg. Aen. I. 437. *Vesper diem componere*, h. e. absolvere diem , et finem ei imponere , dicitur. *vitem ducit ad arbores* h. e. vitem arboris trunco applicat et annectit ; *viduas* , ut supra II. 45. 4. *platanus caelebs* ; hinc vitis arbores , nominalim *ulnos* (Columell. V. 6.) , et *populos* (infr. V. 2. 40.) , quibus adiungi praecipue solebant viles , *maritare* dicitur. *ad vina* , ad compotationem. *et alt. te mens. adhib. Deum* : *Te mult.* cett. Sensus : et tibi , ut Deo Tutelari , cultum divinum praestet , dum inter precandum vina tibi libat , et , sicut Graeci Dioscuros et Herculem , ita te patris suis numinibus accenset. — Scilicet Romani Augustum , cui , ut tradit Dio LL. 49. iam V. C. DCCXXIV. a senatu tam publicae quam privatae libationes decretae fuerant , ad exemplum Graecorum (qui vel bono Genio , vel Iovi Salutifero , *Διὶ Σωτῆρι* , vid. Boettig. ad h. l. et Jacobs ad Anthol. Vol. I. p. 314. vel Herculi , vel aliis Diis Tutelaribus , pocula post

coenam miscere solebant) , mensa secunda pariter , ut Deum Tutelarem , dum merum inter preces pateris defundebant , divino bonore prosequebantur. *mensis adhibere deum* , ut apud Virg. Aen. V. 62. *penates epulis adhibere*. *Te multa prece* , apposite in hanc ipsam rem Ovid. Fast. II. 635 seqq. *Iamque ubi suadebit placidos nox ultima somnos* , *Parca precaturae sumite vina manus* : *Et , bene nos , Patriae , bene te , Pater , Optime Caesar , Dicite suffuso per sacra verba mero*. — *mero defuso. pater* , similiter supr. I. 34. 2. *liquorem de patera fundere* , de libatione dicitur. *Laribus* , iam pro Penatibus , diis patriis. *uti Graecia cett.* uti Graecia Dioscuros et Herculem in virtutum , quas illi designarunt , memoriam inter Deos suos patrios refert. *Longas Outinam* , *D. b. scr. praestes Hesp.* cett. utinam diu Romanis hac vitae securitate atque tranquillitate sub faustis tui imperii , Auguste , auspiciis frui licent ! haec sunt preces , quas mane et vespere fundimus. *integro mane die* , mane enim dies adhuc est integer et solidus. *sicci* , adhuc sobrii , cum nondum ora vino proluimus. *uvidi* , vino madidi , *βιβρυγυῖνοι*. *Cum*

CARMEN VI

AD APOLLINEM.

Dive, quem proles Niobeae magnae
Vindicem linguae, Tityosque raptor
Sensit, et Troiae prope victor altae
Phthius Achilles,

Sol. Oce. sub. nocturnis compotationibus.

CARMEN VI.

Carmini Saeculari, quod ludis Saecularibus instantibus Augusti auctoritate canere iussus fuerat Horatius, suaviter hoc carmine praeludit. Ostensus nempe, se canendo illi gravioris argumenti carmini imparem plane esse, nisi divino Apollinis agitur numine hoc Hymno praemisso Dei illius favorem sibi conciliare studet. Ad Hymnorum igitur morem et indolem versatur in celebrandis Apollinis laudibus, ab ea praecipue potentia, cui Achilles, Graecorum fortissimus, succumbere debuerit, petitis; ita quidem, ut ab hac ipsa Phoebi potentia fundati imperii Romani causam, adeoque hanc ipsam, qua nunc Romanis ludos Saeculares celebrare liceat, fortunam repetat. Nisi enim Achilles, vult dicere, Apollinis sagittis confossus fuisset, totam ille gentem Troianam exstirpaturus, nec Aeneas, qui novum imperium in Italia conderet, superstes futurus fuisset. His Dei laudibus et de gente Romana meritis opportune ad eius benevolentiam captandam expositis, precibusque, ut ille dexter atque propitius sibi carmen Saeculare cantaturo adspirare velit, adiectis, eccel posita iam quasi sua pectora divino numine sen-

tit, ad canendum se parat, lyram capit, et, chorodidascali persona induta, puerorum puellarumque adstantium chorum diligenter ad Sapphicum carminis modum, tam voce quam gestu scite exprimendos, suum advertere iubet.

v. 1—8. *quem proles Niob. magn. vind. ling. sens.* Niobe, Tantalii filia, et Amphionis coniux, cum se ut sex filiorum et totidem filiarum matrem paulo insolentius de proli suae numero et pulcritudine iactasset, imo Latonam, geminorum tantum matrem, praese contemnisset; huius magniloquentiae (*magnae linguae*) Apollo ultor extitisse, et prolem Niobeam sagittis suis confixisse traditur; — res vel ex Homero Iliad. XXIV.

* 602. Ovid. Met. VI. 446 seqq. satis nota. *Tityos raptor* sc. pudicitiae, quam Latonae eripere tentaverat; vid. supr. ad II. 44. 9. significantius pro vulgari; expertus est; vid. supr. ad II. 7. 10. *Troiae prope vict. alt. Phthi. Achill.* sc. sensit te ut Divum, fortissimum quemque sagittis suis domare valentem. Achilles enim, uti Hector apud Hom. Iliad. XXII. 359. praedixerat, Phoebi sagittis interemptus esse dicitur, sive Phoebeus ipse sagittas iecerit, vid. Quint. Smyrn. Paraph. III. 64 seqq. sive, ut alii volunt, tela Paridis direxerit; vid. Interpret. ad Hygin. Fab. 107. *Phthius, Myr-*

Ceteris maior, tibi miles inpar :
 Filius quamquam Thetidos marinae
 Dardanas turres quateret tremenda
 Cuspide pugnax.

Ille, mordaci velut icta ferro
 Pinus, aut impuls a cupressus Euro,
 Procidit late, posuitque collum in
 Pulvere Teucro.

Ille, non inclusus equo, Minervae
 Sacra mentito, male feriatos

midones enim, quos in bellum Troianum duxit Achilles, *Phthiotidis*, regionis in Thessalia, incolae fuere. — *ceteris maior*, ceteris quidem Graecis fortior, ἀριστος Ἀχαιῶν. *Filius quamquam Thet.* celt. quamquam ut deae filius insigni corporis sui robore et animi fortitudine vel maxime Troiae muris ruinam minaretur. *turres*, murorum scilicet, pinas et propugnacula, πύργους, στήθνας, χροσ-σας. *turr. quater. cuspide*, turres cuspide quater dicitur, qui tam graviter hastae ictu eas impellit, ut de sede sua moveri incipiant; cogita, sermonem esse de temporibus heroicis, ubi non machinis et operibus muri oppugnabantur, sed hastarum ictibus, magnorum lapidum iactu et manibus adeo convellebantur. *tremenda*, Homer. Il. XIX. 388. Achilli tribuit ἔγχος Βριθῦ, μέγα, στήθαρόν τὸ μὲν οὐ δύνατ' ἄλλος Ἀχαιῶν Πάλλειν.

v. 9—12. Sequens comparatio, qua Achilles in pugna cadens celsae cuiusdam arboris casui equiparatur, ab Homero inde saepe a poetis frequentata est; exempla collegit *Cerita* ad Virgil. Aen. V. 418. Respondet nempe casus vastae illi corporis molli,

quam heroibus suis affinxit prisca antiquitas. *mordaci ferro*, intellige securim, quae paulo audacius ab eius effectu iam dicitur *mordax*, quasi vulnera per aciem suam arboribus infligat. *Procidit late*, expressisse videtur Hom. Odyss. XXIV. 39. ubi Agamemnon ad Achillis animam: σὺ δ' ἐν στροφάλιγγι κονίης κείσο μέγας μεγαλωστί. *posuitque coll. in pulv.* pro tenui procubuit; Homericum: κάππεσεν ἐν κονίῃσι.

v. 13—24. *Ille, non celt.* Sensus: Achilles, nisi eum Iupiter, tuis et Veneris precibus gratificatus, occidendum, Aeneam vero ad novos muros melioribus auspiciis exstruendos servandum esse constituisset, ne antiquam, ut deinde factum est, per dolum et fraudem, sed aperte Troiam expugnaturus et totam gentem Troianam radicibus extirpaturus fuisset. *inclusus equo Minerv.* *sacra mentito*. De equo illo ligneo, quem viris armatis gravidum Graeci, cum reditum in patriam simulassent, dolose tanquam donum vel ἀνάθημα Minervae reliquias dicuntur, nota sunt omnia ex Virg. Aen. II. cf. Quint. Cal. XII. 66 seqq. *male feriatos*, stulte et inauspicato dies

Troas et lactam Priami choreis 15
 Falleret aulam :
 Sed palam captis gravis, heu nefas! heu! .
 Nescios fari pueros Achivis
 Vreret flammis, etiam latentem
 Matris in alvo : 20
 Ni, tuis victus Venerisque gratae
 Vocibus, Divom Pater adnuisset
 Rebus Aeneae potiore ductos
 Alite muros.
 Doctor Argivae fidicen Thaliae, 25
 Phoebe, qui Xantho lavis amne crines,
 Dauniae defende decus Camenae,
 Levis Agyieū.

festos de Graecorum discessu celebrantes; cf. Virg. Aen. II. 248 seqq. — *falleret* — *ureret* pro fecellisset, usisset; ut supr. III. 44. 27. *ferrem* pro tulissem; et saepe alibi. *gravis*, atrox, timendus; βρῦς. *nescios fari pueros*, infantes, τέκνα νήπια. *etiam lat. matr. in alv.* eiusmodi minas iacit Agamemnon apud Hom. II. VI. 57. τῶν μὴ τις ὑπεκρύβητο αἰνὺν ὄλεθρον, Χαῖρές θ' ἡμετέρας μὲθ' ὄντινα γαστέρι μήτηρ Κούρον ὄντα φέροι. *gratae*, amabilis, dulcis. *rebus Aeneae*, pro simplice: Aeneae; vox *res*, ubi singulorum hominum periphrasi inservit, notionem sortis et status, in quo vel sunt, vel qui eos manet, simul complectitur. — *potiore duct.* *alite muros*, urbem melioribus auspiciis exstruendam; *muros ducere*, ut apud Virg. I. 523. pro exstruere, educere.

v. 25—28. Iam ipsas preces, quas ad Apollinem in hoc carmine facturus est poëta, subiicit. Iterum igitur Apollinem appellat, sed nunc magis

in rem suam ut talem, qualem iam experiri volebat, h. e. ut poëtarum patronum et Musarum praesidem. — *Doctor Argivae Thaliae*, h. e. lyricae poëseos, qua Graeci excellunt, magister διδάσκαλος. Sic supr. II. 16. 38. *Graia Camena* ut mox *Dauniae Camena* de Horatii carminibus lyricis, quae primus ille inter Romanos ad exemplum Graecorum cecinit. *qui Xantho lav. amne crines*, qui sedem tuam habes in Lycia, et ibi in fluvio Xantho crines lavare soles. Designatur *Apollo Potareus*, de quo vid. supr. ad III. 4. 64. ubi paulo ante v. 61. pariter de Apolline: *qui rose puro Castaliae Crines solutos.* *Daun. defende dec. Camenae*, fac, ut ego in carmine Saeculari canendo lyriici poëtae gloriam et honorem inter Romanos quoque tuear. — *Levis*, imberbis, ad aeternam Phoebi iuventam designandam. Callimac. H. Apoll. 36. 37. Καί κεν αἰὶ καλὸς καὶ αἰὶ νέος οὐ ποτὶ Φοῖβου Θηλείας, οὐδ' ὄσσον, ἐνὶ χυρὸς ἤλδε παρθενίας.

Spiritum Phoebus mihi, Phoebus artem
 Carminis, nomenque dedit poëtaë. 30
 Virginum primæ, puerique claris
 Patribus orti,
 Deliae tutela Deae, fugâces
 Lyncas et cervos cohibentis arcu,
 Lesbium servate pedem, meique 35
 Pollicis ictum,
 Rite Latonæ puerum canentes,
 Rite crescentem face Noctilucam,
 Prosperam frugum, celeremque pronos
 Volvere menses. 40

— *Agryus*, sic appellabatur Apollo a cultu, quem Athenienses ei, ut deo patrio, sacellis per vias ἀγυῖας, et ante aedium fores positus, praeabant; vide, quem *Boettigerus* laudavit, *Stanleyum* ad Aeschyl. Agam. 1090. Cumulat autem poëta Apollinis cognomina, ut fieri in Hymnis solet.

v. 29—40. *Spiritum Phoebus mihi* cett. sequentia poëta, iam preces suas a Deo exauditas esse sentiens, pronuntiat; vid. Argum. *spiritum*, canendi facultatem et impetum. *artem carminis*, carminis ad lyrae modos attemperandi scientiam et rationem.

— *Virg. primæ puerique* cett. ad chorum puellarum puerorumque se convertit, quos, ut modos carminis, ad quod publice in ludis Saecularibus decantandum e nobilissimis gentibus electi fuerant, se praecinentem audiant, iam praesto adesse fingit. Chorodidascali igitur nunc partes agit, et, quae choro praecipue observanda sint, praecipit. *Deliae tutela Deae*, vos, qui estis pueri puellaeque; quos Diana Sospita tutela sua fovet atque custodit. *cohibentis*, facientis, ne amplius fugiant, h. e. fugientis et

prosternentis. Eodem plane modo apud Livium I. 4. *feras subsistere*, h. e. facere, ut subsistant, pro figere, dicitur. *Lesbium servate pedem*, ad carminis Sapphici numeros bene exprimendos attendite; est enim carmen Saeculare Sapphiciis numeris compositum; *meique pollicis ictum*, et ad modos, quos ego vobis ad lyram pollice meo pulsatum praeceo. *Rite Laton. puer. can. Rite crescent. face Noctilucae*. In Apollinis enim et Dianae laudibus versatur maxime carminis Saecularis argumentum. *crescentem face*, h. e. lumine; hinc *Diana Lucifera* facem in manu tenens exhibetur in vett. Monumentis. — *Noctilucam*, hoc proprium *Dianae Palatinae* cognomen fuisse videtur; laudant in hanc rem Varron. L. L. IV. 20. *Luna dicta Noctiluca in Palatio*; nam illi noctu lucet templum. Graecis quoque *Luna* sive *Diana Lucifera* dicitur: Νυκτιπαῖς, Νυκτιλχαιῖς. *prosperam frugum*, quod attinet ad fruges, h. e. agros frugum fertilitate prosperantem, προίχρονος. Catull. XXXIV. 19. de Diana: *Rurica agricolae bonis Tecta frugibus*

Nupta iam dices: ego Dis amicum,
 Saeculo festas referente luces,
 Reddidi carmen, docilis modorum
 Vatis Horati.

CARMEN VII

AD TORQUATVM.

Diffugere nives: redeunt iam gramina campis,
 Arboribusque comae:
 Mutat terra vices: et decrescentia ripas
 Flumina praetereunt:

explēs. *Celeremque pron. volu-*
mens. Graece, pro celerem in vol-
 vendis mensibus; ut supr. I. 46. 48.
et celerem sequi Aiacem, III. 42. 42.
celer excipere aprum. *pronos*, pro-
 no adeoque praecipite cursu labentes.

v. 41—44. *Nupta iam dices* cett.
 Quod addit Horatius, puellas, si quan-
 do coniuges et matres futurae sint,
 de honore illo, quo olim in ludis
 Saecularibus carmen Horatianum pu-
 blice decantaverint, iucundissima a-
 nimi recordatione narraturas esse;
 id iisdem, ut partes suas nunc bene
 explerent, haud exiguum incitamen-
 tum esse debuit. *reddidi carmen*,
 apposite pro decantavi: Chorodida-
 scalus enim choro carmen, dum illud
 docet, *tradit*, chorus autem carmen,
 dum illud canit, *reddidit*.

CARMEN VII.

Est hoc carmen carmini quarto
 libri primi simillimum. In utroque
 enim carmine poeta amicos suos, in
 hoc quidem *Torquatum*, in illo *Sex-*
tium, dum veris reditum iis ante

oculos ponit, ad vitae brevitate[m] et
 moriendi necessitatem animum ad-
 vertere, et hinc sapienter, dum licet,
 vitae bonis et iucunditate perfrui
 iubet. — Per *Torquatum* haud dubie
 intelligendus est idem, ad quem in-
 fra Epistola quinta libri primi scripta
 est, nempe *L. Manlius Torquatus*,
 Consulis, sub quo Noster natus est,
 nepos. Ceterum in sententiam huius
 carminis vid. supr. *Argum.* ad II.
 9. et 44. cf. quoque de veris descri-
 ptione infr. Carmen duodecimum.

v. 4—6. *mutat terra vices* pro vul-
 gari: terra mutatur anni vicissitu-
 dine, h. e. terra, dum ver pro anni
 vicissitudine redit, formam hyema-
 lem cum verna mutat. Supr. *carm.*
laud. v. 4. *Solvitur aeris hyems grata*
vice veris. *decrescent. rip. flumina*
praetereunt, flumina, quae nivibus
 liquefactis in tantam altitudinem ex-
 creverant, ut supra ripas effunde-
 rentur, iam decrescunt, et intra ius-
 tas, ut ante, ripas fluunt. Flumen
 intra alveum suum se continens *ripas*
praeterire, pro ripas praeterlabi, vel

Gratia cum Nymphis geminisque Sororibus audet⁵
Ducere nuda choros.

Immortalia ne speres, monet Annus, et alnum
Quae rapit Hora diem.

Frigora mitescunt Zephyris: Ver proterit Aestas
Interitura, simul¹⁰

Pomifer Auctumnus fruges effuderit: et mox
Bruma recurrit iners.

Damna tamen celeres reparant caelestia lunae;
Nos, ubi decidimus,

inter utramque ripam quiete labi,
dicitur. *Gratia cum Nymphis* cett.
supr. c. I. v. 6. *Iunctaeque Nymphis*
Gratiae decedentes Alternò terram quan-
tunt pede. nuda, supr. III. 19. 17.
Gratia, nudis iuncta sororibus, ubi
vid. not.

v. 7—12. *Immortal. ne speres, mon.*
Ann. cett. Sensus: Veris igitur re-
ditus, sive nova anni vicissitudo, et
Hora, quae, quam tulit anni vicis-
situdinem, eandem celeriter aufert,
de celeri vitae cursu, adeoque de
morte tua te ita monere debent, ut
prudenter fruaris, quibus nunc tibi
frui licet. *Immortalia ne sper.* —

Cl. *Mitseh.* inter alia comparat In-
certi Epigr. DCLV. in Anth. Graec.
T. IV. p. 256. *Hora*, Dea, cui
anni vicissitudines moderandi partes
datae sunt. *Frigora, mitesco. Ze-*
phyr. cett. quatuor anni vicissitudi-
nes celeriter invicem se excipiunt; an-
nus celeriter circumagitur, pro tenui:
vitae nostrae cursus est celerrimus;
expendant tirones verborum orna-
tum. *proterit*, tradit, pellit; *pro-*
terore aliquem significanter dicitur
is, cui cedere omnino ille debet. —
Interitura, simul cett. quae ipsa quo-
que e terris statim excessura est,
simulac Auctumnus fruges effuderit,

vel, ut infr. V. 2. 17. dicitur: *de-*
corum mitibus pomis caput arvis exte-
lerit, pro vulgari: venerit, adfuerit;
effuderit, sc. e cornu pleno, quod
Auctumno pariter ac Copiae supr. I.
17. 16. et infr. Carm. Saec. 60. tri-
buitur. *Bruma iners*, ubi et terra
quiescit, et opus rusticum friget.
Ovid. Pont. 1. 2. 26. *Et quod iners*
hiemi continuatur hiems; hinc *χεῖμα*
δὲσπερος apud Bion. VI. 5. In sen-
tentiam huius loci Boettig. laudat
Senec. Epist. 24. sub fin. *In orbem*
nexa sunt universa. Fugiant ac sequan-
tur. — *Aestas in Autumnum desinit.*
Autumno hiems instat, quae vere com-
pescitur. Omnia transeunt, et rever-
tuntur.

v. 13—16. *Damna tamen celeres*
cett. anni quidem tempora, quae
nunc interire videmus, exactis certis
mensibus redeunt; at nos, ubi semel
ad Orcum descendimus, nunquam
in vitam restituimur. Simillime Ca-
tull. V. 5. *Soles occidere et redire pos-*
sunt; Nobis, cum semel occidit brevis
lux, Nox est perpetua una dormienda.
— *lunae repar.* celer mensium decur-
sus restituit *damna caelestia*, anni
tempora, quae secundum siderum in
caelo cursum decesserant. *ubi de-*
cidimus, quo cett. ubi semel delati

Quo pius Aeneas, quo dives Tullus et Ancus, 15
Pulvis et umbra sumus.

Quis scit, an addeant hodiernae crastina summae
Tempora Di superi?

Cuncta manus avidas fugient haeredis, amico 20
Quae dederis animo.

Quum semel occideris, et de te splendida Minos
Fecerit arbitria:

sumus eo, quo ceteri. pro vulgari: ubi semel mortui sumus. pius Aeneas, div. Tull. et Anc. ut ostendat, nullum omnino a fatali moriendi necessitate liberum esse, nomina quaedam apud Romanos celebratissima ponit; uti fere supr. l. 28. 7. Archytas in hanc rem Tantalum, Tithonum, Minos; et Pythagoram laudat. Tullus et Ancus dicuntur divites, ut reges, quorum felicitas in divitiarum possessione simul posita solet. Ohversatus autem Nostro haud dubie est Lueretius III. 1038. *Lumina sic oculis etiam bonus Aeneas reliquit, Qui melior multis quam tu, fuit, improbe, rebus: Inde alii multi reges, rerumque potentes Occiderunt, magnis qui gentibus imperitarunt.* Pulvis et umbra sumus, maximus est illud Anacreontis (IV. 9.) ὁλὴν κόνιν κισσόμεθα. Ovid. Met. VIII. 496. *Vos cuius exiguis gelidaeque iacebitis umbrae;* plura in hanc sententiam vid. apud Mitsch.

v. 17—20. *crastina tempora*, diem crastinum, *hodiernae summae*, dierum, quos hodie exegimus, numero; *vitalis summa brevis* supra l. 4. 45. Anacr. XV. 9 seqq. Τὸ σήμερον μέλει μοι, Τὸ δ' αὔριον τέ οἶδεν; Cl. Mitsch. in hanc sententiam laudat Psallad. XXIX. 1. Anthol. Graec. T. III. p. 121. Theocrit. XVI. 21. Callimach.

Ep. XV. 1. *Cuncta man. avid. fug. haered., amico quae ded. animo.* Hodie igitur vita tua frui; haeredi enim tolles ea omnia, in quibus percipiendis ipse animo tuo morem gesseris; cf. supr. II. 3. 20. II. 14. 25. — *amic. quae ded. anim.* animo aliquid dare (ψυχῇ τι δοῦναι, χάρις-σθαι) in rei cuiusdam fructu sibi indulgere, destinare sibi aliquid percipiendum; *amico*, Graece, φίλῳ, pro vulgari: tuo. In sententiam totius loci fecit inprimis Epigramma Inerti LXXXI. in Anth. Graec. T. IV. p. 134. quod totum in tironum gratiam apponere juvat: Πῖνε καὶ εὐφραίνου. τί γὰρ αὔριον, ἢ τί τὸ μέλλον; Οὐδὲ τίς γινώσκει. μὴ τρέψῃ, μὴ κοπία. ὡς δύνασαι, χάρισαι, μετὰ δὲ, φάγε, θνήσκῃ λογίζου. Τὸ ζῆν τοῦ μὴ ζῆν οὐδὲν ὁλως ἀπέχει. Πᾶς ὁ βίος τοιόσδε, ῥοπή μόνον· ἂν προλάβῃς, σοῦ. Ἄν δι' ἑάνης, ἐτίθου πάντα, σὺ δ' οὐδὲν ἔχεις.

v. 21—28. *Quum semel occideris* ceteri. Te semel mortuum nihil omnino, ne divinus quidem aumens cuiusdam potentia, in vitam revocare potes. *et de te splendida Minos fec. arbit.* et Minos in splendido iudicio consensu et tribunali suo ius de te dixerit; *arbitria facere*, pro sententiam in iudicio pronunciare; *splendida* refer ad externum splen-

Non, Torquate, genus, non te facundia, non te
 Restituet pietas.
 Infernis neque enim tenebris Diana pudicum 25
 Liberat Hippolytum:
 Nec Lethaea valet Theseus abrumpere caro
 Vincula Pirithoo.

dorem, quo Minos in tribunali suo sedens iudicium habere fingitur; uti apud Propert. IV. 44. 49 seqq. cf. Virgil. Aen. VI. 432. Hom. Odys. XI. 568. *genus*, hinc Noster supr. II. 3. 21. *Divesne prisco natus ab Inacho*, Nil interest, cf. II. 14. 44. et II. 18. 34. Repetebat nempe Torquatus originem suam a Manlio Torquato, viro in historia Romana celebratissimo; vid. Liv. VII. 40. — *pietas*, Non, ut supr. Nost. II. 44. 5. dicit, *si trecentis, quotquot eunt dies, Amice, placeat illacrimabilem Plutona tauris. Infern. neque en. tenebr. Dian. pudic. Lib. Hippolyt.* nam ne ipsa Diana quidem pudicum Hippolytum in vitam revocare potuit. De Hippolyto, Thesei, Atheniensium regis, filio, frustra a noverca Phaedra ad incestum amorem pello, vid. Hygin. Fab. XLVII. et ibi Interpret. Devotus nempe Hippolytus a patre, apud quem falso a Phaedra intentati stupri insimulatus fuerat, cum ad litus maris currum ageret, equis subito marini monstri ineursu consternatis raptus ac disceptus esse dicitur. Sequitur autem Noster vetustiore narrationem eorum, qui Dianam dilecti sibi pueri

mortem luxisse quidem, sed neuiquam, quod recentiorum commentum est, ex inferis eum reduxisse, vel ab Aesculapio resuscitatum sub Virbi nomine in nemore Aricino abscondidisse tradunt. *pudicum*, hinc apud Propert. IV. 5. 5. de lena aliqua: *Docta vel Hippolytum Veneri mollire negantem. Nec Lethaea val. Thes. cett.* Nec Theseus amicum suum Pirithoum a vinculis, quibus a Plutone saxis alligatus in Orco cohibetur, liberare valet. De Pirithoo conf. supr. ad III. 4. 80. Vulgo quidem Theseus una cum Pirithoo, quocum ad Proserpinam rapiendam descenderit in Orcum, a Plutone ibi retentus esse traditur; sed fuerunt quoque haud dubie, quos Noster secutus est, alii, qui Theseum non statim cum Pirithoo, sed serius ad illum ex Orco liberandum eo descendisse, et tum demum a Plutone ibi vinculis constrictum esse fingerent. Nam quod alii putant, cogitandum nunc de eo tempore esse, quo iam Theseus ab Hercule ex Orco reductus fuerit, id rei, de qua sermo est, parum accommodatum est. Poëta enim, nullum omnino ex Orco reduci posse, nunc probare vult.

CARMEN VIII

AD CENSORINUM.

Donarem pateras grataque commodus,
 Censorine, meis aera sodalibus;
 Donarem tripodas, praemia fortium

CARMEN VIII.

Saturnalibus hoc carmen Censorino misisse Horatium vix dubites. Ad munera enim, quibus amici invicem se excipere solebant Saturnalibus, pertinebant quoque libri et carmina, quae pauperes inprimis divitibus vel clientes patronis suis obtulisse constat; vid. Lucian. in *Chronosolom.* s. *Legislat. Saturnal.* c. 16. p. 398. T. III. cf. Catull. XIV. 45. et ibi not. — Sententia huius carminis est fere haec: Equidem lubenter hodie pretiosissima et rarissima quaeque donarem meis sodalibus, et tibi, Censorine, praecipue; sed ego talia non possideo, nec tu iis indiges. Carmina tantum, quibus delectaris, tibi donare possum; nec exiguum illa habent pretium! Ennii enim carminibus Scipioni Africano Majori multo luculentior quam marmoreis monumentis et victoriarum ab Hannibale reportatarum titulis parva est nobilitas, nec, nisi carminibus, res praeclare gestae ad posteritatem propagantur. Aeternam suam gloriam Romulus quoque et Aescus, imo divinitatem suam Hercules, Dioscuri et Bacchus poetarum debent carminibus. — De pretio poetarum carminibus statuendo conf. inprim. *carm. sequ.* Pindar. Nem. VIII. 46 seqq. Theocrit. XVI 29 seqq. Ovid. Pont. IV.

8. 43 seqq. Cic. pro Arch. c. 9 seqq. et passim. — Quod ad *Censorinum*, ad quem hoc carmen scriptum est, attinet, haud dubie intelligendus est C. Marcius Censorinus, L. Marcii Censorini filius, V. C. DCCXLVI. cum C. Asinio Gallo Consul, qui potius, quam eius pater, Horatii aequalis fuisse videtur; et hic est, quem *virum demerendis hominibus genitum* vocat Vell. II. 102.

v. 4—8. *commodus meis sodalibus*, ut homo, qui in sodalium suorum gratiam lubenter facit omnia, lubenter ad ea, quae sodalibus placent, se accommodat, se iis benevolum et officiosum praebet; sic ἀπνευγ τοῖς φίλοις; apud Graecos, vid. *Mitsh.* — *pateras, aera, tripodas*, cum Romani tum temporis rariorum et antiquiorum vasorum et artis operum essent appetentissimi, et in eorum possessione magnificentiae partem ponerent, *paterae* autem, *aera* et *tripodes* disertis verbis *praemia fortium Graecorum* a Nostro appellantur; non dubitari potest, quin ea ipsa, quae olim in Graecorum ludia gymniciis victoribus data fuerunt, intelligenda sint; per *pateras* igitur intelligo capaciora pocula, vel phialas, quas ad victorum praemia sive βραβεῖα pertinuisse vel ex Homero dici potest, Iliad. XXIII. 270. conf. Pind. Ol. IX. 437. Nem. X. 81. — per *aera* labetes, vid. Hom. libr. laud. v. 259.

Graiorum; neque tu pessima munerum
 Ferres, divite me scilicet artium, 5
 Quas aut Parrhasius protulit, aut Scopas,
 Hic saxo, liquidis ille coloribus
 Sollers nunc hominem ponere, nunc Deum.
 Sed non haec mihi vis: nec tibi talium
 Res est aut animus deliciarum egens. 10
 Gaudes carminibus; carmina possumus
 Donare, et pretium dicere muneri.
 Non incisa notis marmora publicis,

rata, quod eiusmodi *καμήλια* in maximis habebantur deliciis; per tripodas varia suppellectilis et vasorum tribus pedibus innitentium generis; Hom. I. I. *neque tu pessima ferres*, neque tu ultima, sed optima et rarissima acciperes. *divite me solleret artium*, si nempe dives essem artium, h. e. dummodo mihi suppetarent artis opera, celeberrimorum nempe artificum pictae tabulae et statuae; *artes pro artis operibus* passim, ut infr. Epist. I. 6. 47. Virgil. Aen. V. 359. *Parrhasius*, Ephesius, Zeuxis in arte pictoria aemulus. — *Scopas*, nobilis statuarius; de utroque vid. *Iunii Catal.* de *Parrhasio* quidem pag. 441. de *Scopa* p. 495. — *sollers ponere hominem*, Graece pro in ponendo homine, vel hominem ponendi; *ponere* (ut Graecia *ιστάσαι*), passim de pictoribus; Ovid. Art. Am. III. 401. *Si Venerem Couis nunquam ponisset Apelles*; conf. *Burman.* ad Ovid. Metamorph. X. 516. et infra Arte Poëtica 34.

v. 9—12. *Sed non haec mihi vis*, sed penes me eiusmodi rariorum artis operum non est copia, sive: at ego in cenum beatorum illorum, qui illa possident, non venio; *ne res tibi est egens talium deliciarum*, nec

pro bestiore, qua gaudes, rerum conditione cares eiusmodi deliciis; *aut animus eg. tal. delicia.* nec appetens es eiusmodi deliciarum; *deliciae*, de rebus pretiosis et raris, in quarum possessione mirifice aliquis sibi placet. *gaudes carminibus*, ad animi tui delicias refert potius carmina. — *pretium dicere muneri*, muneri, nempe carmini, pretium, quod habeat, constituere, h. e. carmen, quod tibi mitto, de pretio suo commendare. Quantum pretii autem tribuendum ait carminibus, sequentibus declarat.

v. 13—22. *Sensus et nexus*: Carminibus scilicet aeterna magnorum virorum virtutibus apud posteros paratur gloria. Scipionis enim gloriam non signa marmorea, quibus rerum ab eo gestarum summa incisa est (quippe quae externam tantum defunctorum ducum speciem referunt), non incisis titulis: «Hannibalem per Scipionem celerrime ex Italia fugere coactum esse,» non incisa laus: «Perfidam Carthaginem per Scipionem Romanis vestigalem et stipendiariam factam esse,» magis, quam Ennii carmina celebrant! *incisa notis*, pro vulgari: quibus notae (h. e. tituli) incisae sunt. Ad eandem loquendi formam Livius VI. 29. *tabu-*

(Per quae spiritus et vita redit bonis
Post mortem ducibus); non celeres fugae 15
Reiectaeque retrorsum Hannibalis minae,
Non stipendia Carthaginis inopiae,

lam litteris incisam dixit. publicis, refer ad statuas publice, h. e. in publico loco, extractas. De statu Scipioni post eius mortem positis vid. Liv. XXXVIII. 56. per quae spirit. et vita red. bon. post mort. duc. per signa nempe externa quidem mortuorum species, sed non interna eorum virtus exprimitur; hinc Noster infr. Epist. II. 4. 248. Nec magis expressi vultus per aenea signa, Quam per vatis opus mores animique virorum Clarorum apparent. — hinc Cicero quoque in Catil. III. cap. 44. de statu: nihil mutum me potest delectare, nihil tacitum, nihil denique huiusmodi, quod etiam minus digni assequi possunt. — non celeres fugae Reiect. retrors. Hannib. min. non laus egregii illius facti, quo Scipio exercitu in Africam traiecit Hannibalem ad celerem ex Italia in patriam reditum compulit; vid. Liv. XXX. 20. Flor. II. 6. 57. Reiectaeque retror. Hann. min. post celerem nempe Hannibalis ex Italia fugam eius minae, quas de Romae excidio iecerat, retrorsum in ipsius caput reiectae sunt; non solum enim a Scipione ad Zamam victus est, sed Carthago adeo post illam victoriam Romanis stipendiaria facta est; hinc additur: Non stipendia Carthaginis inopiae, nam quod vectigalem Carthaginem fecerat Romanis Scipio, id praecipue in summis eius laudibus memorari solebat. Liv. XXXVIII. 53. de Scipione maiore: Idro Hannibalem devicit, Carthaginem vectigalem

nobis fecit? Ennius apud Varr. de L. L. IV. sub fine: Poeni stipendia pendunt. Stipendium, ut constat, saepius de vectigali, quod victor victis imponit, dicitur. Iul. Caes. I. 36. Ad duos sibi — stipendiarios esse factos — si in eo manerent quod convenisset, stipendiumque quotannis penderent; et e. 44. stipendium capere iure belli, quod victores victis imponere consueverunt; et hinc vectigal illud, quod victi a Scipione Carthaginenses secundum pacis condiciones Romanis quotannis pendere debebant, a Livio quoque saepius stipendium vocatur. — Sic quidem verum declinasse septimum, qui Bentleio ut versus, ab aliena manu importatus, eiciendus omnino videbatur, ab interpretibus vero recentioribus ut versus suspectus vel uncis inclusus vel asterisco notatus fuit, recte locum suum occupare posse puti. Importunam nempe vocem incendia, quae sponte lectorem ad cogitationem de excidio Carthaginis (quam Scipionis Africani Maioris, de quo sermo est, adoptatum nepotem, P. Scipionem Africanum Minorem, diu post illius mortem demum delevisse constat) ducere debebat, in stipendia mutavi, facile huius audaciae in re desperata me veniam apud aequos iudices impetraturum esse ratus. Vox incendia haud dubie debetur indocto cuidam grammatico, qui, cum notionem vocis stipendia non satis caperet, et duorum Scipionum res gestas turpiter inter se permisce-

Eius, qui domita nomen ab Africa
 Lucratus rediit, clarius indicant
 Laudes, quam Calabrae Pierides: neque, 20
 Si chartae sileant, quod bene feceris,
 Mercedem tuleris. Quid foret Iliae
 Mavortisque puer, si taciturnitas
 Obstaret meritis invida Romuli?
 Ereptum Stygiis fluctibus Aeacum 25
 Virtus, et favor, et lingua potentium
 Vatum divitibus consecrat insulis.
 Dignum laude virum Musa vetat mori:
 Caelo Musa beat. Sic Iovis interest
 Optatis epulis inpiger Hercules: 30

ret, correctione sua hunc locum corrumpere non erubuit. *qui domita ab Afric.* qui ab Africa perdomita honorifico *Africani* nomine ornatus rediit; *domita Afric.* hinc apud Liv. XXXVIII. 53. *domitor Africae* vocatur. *Calabrae Pierides*, carmina Ennii, Rudii in Calabria nati; ob id ipsum autem, quod ille tam egregius Scipionis laudum praeco exstitit, eius statua iuxta duas Scipionum statuas Romae extra portam Capenam posita esse dicitur; Liv. LVIII. 56. hinc Ovidius Art. Am. III. 409. *Ennius emeruit, Calabris in montibus ortus, Contiguus poni, Scipio magne, tibi. — quod bene fec. Merced.* *tul.* imitatus est Noster, ut observat Cl. Mitsch., Pindar. Ol. X. 109. Boettig. comparat Pind. Nem. VII. 20.

v. 22—27. *Quid for. Il. Mavor.* puer cett. Quae, quae, Romuli esset gloria, nisi divinam eius originem carminibus suis ab oblivione vindicasset Ennius? Ennium enim in Annalium libro primo furta Martis cum Rhea Silvia, sive Ilia, Romuli et Re-

mi matre, enarrasse, cum ex Ennii Fragm. Annal. L. I. p. 123. 24. edit. Heusel. tum ex loco Ovidii Trist. II. 259. satis apparet. Nostro observatum esse Pindarum Pyth. III. 498. notavit Mitsch. *Erept. Styg. fluct. Aecum*, cett. quod Aeacus non solum *Stygiis fluctibus* (h. e. oblivioni vel morti, cf. supra IV. 2. 24. et III. 3. 16.) ereptus est, sed etiam in campis Elysiis collocatus iudicis honore ibi fruitur, id magnorum poetarum ingenio, favori et eorum carminibus debet; breviter: per poetas quoque immortalitatem nactus est Aeacus; — per *inulas divites* iam intellige *inulas* sive *sedes beatas*, μακάρον νήσους, aub terra, de quibus vid. Virg. Aen. VI. 638. et ibi Heyn.

v. 28—34. *Dign. laud. vir. — Caelo Musa b.* Cl. Mitsch. comparat Aristotelis Paeon. v. 20. in Anth. Graec. T. I. pag. III. *Sic Iov. inter Opt. epul. inp. Hercul.* hinc inter deos relatus est Hercules; de prisco loquendi genere *deorum mensae* vel *epulis adhiberi*, pro, inter deos ut deum versari, vid.

Clarum Tyndaridae sidus ab infimis
Quassas eripiunt aequoribus rates :
Ornatus viridi tempora pampino
Liber vota bonos ducit ad exitus.

CARMEN IX

AD LOLLIVM.

Ne forte credas interitura, quae

supr. ad III. 3. II. *Clar. Tyndar. sid. ab infimis* cett. per poetarum carmina Dioscuri in caelo lucent ut dii οὐρανῶς, naufragii inprimis pericula advertentes; Theocrit. XXII. 47. Ἀλλ' ἔμπης ὕμῳις τε καὶ ἐκ βυβλῶ ἔλκεται νῆας Ἀνδροῖσι ναύτασιν ὀνομήσας Στυγία θάλα. cf. *Hemsterh.* ad Luc. T. I. p. 285. *Liber vota bonos ducit ad exitus.* Bacchus divinitatis honore a poetis maectatus agricolarum preces exaudit. De Baecho, deo agresti, conf. supr. ad III. 8. 6. Observent tirones in triplice divinitatis circumscriptione poetarum artem et ingenium.

CARMEN IX.

Quod *Censorino* in carmine praecedente probatum ivit Horatius, suon poetarum tantum, sed eorum quoque, qui ab illis celebrentur, immortalitati consecrari nomina, s. id *Lollio* quoque, eius laudes aeternitati traditurus, in hoc carmine probat. Mea, ait, carmina lyrica non interitura sunt. Quamvis enim *Homerus* primum locum inter poetas occupat, tamen eorum quoque poetarum, qui post eum viserunt, ut *Pindarus*, *Simonides*, *Stesichorus*, *Anacreon* et *Sappho*,

haud deleta est memoria; quapropter nec meam ego, qui ad illorum exemplum me composui, deletum iri spero. Per poetarum carmina autem ii simul, qui in illis laudantur, aetatem ferunt. Fuerunt enim sine dubio plures olim non solum mulieres, *Helenae* in amoribus simillimae, sed viri fortes quoque, *Teucro*, *Idomeneo*, *Sthenelo*, *Heetore*, *Deiphobo* et *Agamemnone* haud inferiores; sed cum ii non a poeta aliquo, ut illi ab *Homero*, carminibus ad posteritatem propagati sint, aeterna oblivione sepulti iaceot. Itaque, cum ego poeta sim, haud virtutes tuas, O *Lolli*, oblivione obliterari patiar, immo, ut carminum meorum, ita prudentiae tuae, constantiae, iustitiae, abstinentiae, honestatis et verae sapientiae aeterna apud posterum vigeat memoria. Horatius igitur, quod scripsit in carmine praecedente ad *Censorinum* v. 40, 41. carmina possumus Donare, et pretium dicere muneri, id in hoc carmine ad *Lollium* insigni arte repetiit. — Eo ipso anno, quo *M. Lollius Palicanus* cum *Q. Aemilio Lepido* consul fuit, nempe V. C. DCCXXXIII. hoc carmen scriptum esse, eo magis, ut credam, adducor, quod ille ad hoc usque

Longe sonantem natus ad Ausidum
Non ante vulgatas per artes
Verba loquor socianda chordis.

Non, si priores Maeonius tenet
Sedes Homerus, Pindaricae latent,
Caeaeque, et Alcaei minaces

Stesichorique graves Camenae:
Nec, si quid olim lusit Anacreon,
Delevit aetas: spirat adhuc amor,

Vivuntque commissi calores
Aeoliae fidibus puellae.

tempus se dignum omnino iis laudibus, quibus in hoc carmine a poeta ornatur, praestitisse videtur. Ignominiosa enim illa, quae de eius ingenio et moribus feruntur, iudicia (vid. Vell. II. 97. et 102: Plin. IX. 35. s. 58.), si qua fides iis habenda sit, haud dubie ad vitam, quam post consulatum gessit, pertinent.

v. 1—12. *Longe sonant. nat. ad Ausidum*, ego Appulus, cf. supr. ad III. 30. 10. *verba loqu. soc. chordis*, carmina ad citharam attemperata, vel, ut supr. II. 12. 4. Noster loquitur, *modis aptata* cano. Nostrium imitatus est Ovid. Met. XI. 5. *Orpheus percussis sociantem carmina chordis*. Similiter fere, ut observat Mitsch., hymnum per *εὐλογίῳ φόρμῳγγι συνάροπον* designat Pindarus Nem. IV. 8. — *non ante vulg. per artes*, per lyricae poëseos artem primum a me inter Romanos vulgatam; sive per *files novas*, ut dixit Noster supr. I. 26. 10. cf. III. 30. 13. et infr. Epist. I. 19. 27. — *Non, si prior. Maeon. ten. Sed. Hom. Pindar.* cett. notus in hanc sententiam est locus Ciceronis Orat. I. *Prima enim sequentem, honestum est in secundo tertiusque consistere. Nam in poetis non Homero soli locus est*

(ut de Graecis loquar), aut Archiloco, aut Sophocli, aut Pindaro; sed horum vel secundis, vel infra secundos. Cl. Mitsch. comparat Antip. XXIV. 6 seqq. Anth. Gr. T. II. p. 101. — *εἰ δ' ὕμνων σκάπτρον* Ομηρος *ἔχει, καὶ Ζεὺς τοι κρείσσαν* Εὐσεύχθονος ἀλλ' Εὐσεύχθων Τοῦ μὲν ἔργῳ μίῳ, ἀθανάτων δ' ὕπατος. καὶ ναυτῆρ Κολοφῶνος ὑπεύκεται μὲν Ομήρῳ, Ἀγείται δ' ἄλλων πλάθεος ὕμνοπόλων. Maeonius, cf. supr. ad I. 6. 2. *priores sedes*, primum locum, *προεδρίαν*. *Caeae*, Simonides; vid. ad II. 4. 38. *Alcaei minaces*, respicit Alcaei carmina, irae et acerbitalis in tyrannos, Myrsillum et Pittacum, a quibus e patria expulsus fuerat, plenissima; cf. supr. ad II. 13. 27. *Stesich. graves Camenae*: magna enim eius carminibus gravitas et dignitas, *μεγαλοπρέπεια*, tribuitur, vid. Quintil. Or. I. 10. *spirat adhuc amor*, cett. in Sapphus carminibus adhuc fervent eius amores, nec tempus exstinxit animi calores, quos illa cum lyra sua communicavit, h. e. ad lyram suam expressit; praeclare pro vulgari: Sapphus carmina amatoria, *ἄσπρα*, vigent adhuc et in suo apud posteros nacent pretio. *vivuntque, et sem-*

Non sola comtos arsit adulteri
 Crines, et aurum vestibus inlitum
 Mirata, regalesque cultus
 Et comites, Helene Lacæna:
 Primusve Teucer tela Cydonio
 Direxit arcu: non semel Ilios
 Vexata: non pugnavit ingens
 Idomeneus Sthenelusve solus

15

20

per ardent, nunquam extinguuntur; egregie ad rem; eleganter enim non tantum ignes, semper ardentes, sed carmina quoque, semper durantia, vivere dicuntur. Cf. supra ad I. 32. 3. — *Acoliæ puellæ*, non in casu secundo, sed tertio, pro: ab Acolia puella (vide supr. II. 13. 24.) accipiendum.

v. 13—24. De sententiarum nexu vid. Argum. *Non sola comtos arsit* cett. non dubitari potest, ait, quin præter Helenam phæres feminae formosi cuiusdam et externo splendore conspicui iuvenis amore captæ fuerint; cf. infr. Sat. I. 3. 407. *arsit comtos crines adulteri*, formosum Pavidem deperit. *comti crines*, pars pulchritudinis pro omni pulchritudine; ad pulchritudinis, qua Paris insignis fuit, partem Homerus quoque *Iliad.* III. 55. eius *crines* refert; cf. supr. I. 45. 43. De locutione *ardere aliquem* (Virg. Eclog. II. 1. *Corydon ardebat Alexin.*) et *ardere aliquo* vel *aliqua*, pro ardere ob aliquem vel aliquam, vid. supr. ad II. 4. 7. — *aurum vestibus illitum* exquisitis pro vestes auro illitas, h. e. aureis filis vel bracteis discretas; *aurum vestibus illinere vel linere*, Græcis *πλάττειν*, *πλέκειν*, dicuntur, qui earum stamini subtemen aureum, fila aurea vel aureas bracteas intexunt vid. Boettig.

Expressisse autem Noster videtur Euripid. Troad. 991. *Ὁν εἰσδούσα βαρβαροῖς ἐσθμῆσαι Χρυσὸν τε λαμπρὸν, ἔξμαργυρῶνς ὀφείας*. cf. Iphig. Aul. 73. et Cycl. 180 seqq. *regalesque cultus*, regium splendorem, opes Phrygiæ, et *comites*, apposite ad rem Ovid. Heroid. XIII. 57—60. *Venerat, ut fama est, multo spectabilis auro, Quique suo Phrygiæ corpore ferret opes; Classe virisque potens, per quæ fera bella geruntur, Et sequitur regni pars quotæque virum.* *Primusve*, nec primus; *ve* et vel post non, pro nec, ut in vulgus notum. *Teucer*, frater Aiædis Telamonii (cf. supr. ad I. 7. 24.) sagittandi inprimis arte inter Græcorum fortissimos excellens. Hom. II. XIII. 343. *ὃς ἀριστος Ἀχαιῶν τοξότης*. *arcu Cydon*, h. e. Cretico, a Cydone, nobili Cretæ urbe; cf. supr. ad I. 45. 47. Virg. Eclog. X. 59. *torquere Cydonia cornu Spicula.* — *Non semel Ilios vexata*, explicant de Troia, quæ non semel tantum a Græcis, sed iam antea ab Hercule et Amazonibus capta fuerit; equidem malim: non semel urbs aliqua, qualis Troia fuit, oppugnata et expugnata fuit ab hostibus. *Idomeneus*, dux Cretensium, *ingens*, vir fortissimus; deo cuidam eum æquiparat Hom. II. III. 230. *Sthenelus*, cf. supr. I. 15.

Dicenda Musis proelia: non ferox
Hector, vel acer Deiphobus graves

Excepit ictus pro pudicis

Coniugibus puerisque primus.

Vixere fortes ante Agamemnona

25

Multi: sed omnes inlacrimabiles

Vrguentur ignotique longa

Nocte, carent quia vate sacro.

Paullum sepultae distat inertiae

Celata virtus. Non ego te meis

30

Chartis inornatum silebo,

Totve tuos patiar labores

Inpune, Lolli, carpere lividas

Obliviones. Est animus tibi

Rerumque prudens, et secundis

35

Temporibus dubiisque rectus:

24. *Deiphobus*, Priami filius, fortitudinis gloria post Hectorem inter Troianos nobilissimus. *graves excepit ictus*, gravem hostium impetum sustinuit, pro vulgari pugnavit.

v. 25—30. *sed omnes illacrimab. Vrg. ignot. long. Noct. car. qu. vat. sacro.* Sed cum poëtarum carmina de iis sileant, omnes aeterna nocte et oblivione premuntur, nemine eos ut ignotos plane sibi deslente. Cl. Mitsch. opportune comparat Pindar. Nem. VII. 18 seqq. Ταῖς μεγάλαις γὰρ ἀλκὰς Σκότον πολλὸν ὕμνων ἔχοντι δάμναι. et similiter fere Theocrit. XVI. 42. Ἀμύσσοι δέ, τὰ πολλὰ καὶ ὀλβία τῶν ἀλεπόντες, Διδοῖς ἐν νεκρόσσι μακροῦς αἰῶνας ἔκειντο. *Paull. sepul. distat inert. celat. virt.* viri enim egregii, quorum memoria, non carminibus celebrata, oblivioni traditur, similiter fere, ut homines inertes, sepulti iacent. Comparant Pind. Nem. IX.

16. Τετλεισμένον ἐσθλόν Μη χυμὶ σγῆ καλῶσαι. *inertiae*, casus tertius pro: ab inertia, ut infr. Sat. I. 4. 48. de comoedia: nisi quod pede certe *Distat sermoni*, sermo merus.

v. 30—44. *Non ego te me chart. inorn. silebo* cett. non ego laudes tuas in carminibus meis silentio praetermittam, nec committam, ut meritorum tuorum memoriam libere intercipiat invidiosa oblivio; *labores tuos*, res praeclare a te gestas, cogita inprimis de laude, quam ex Galatia, cui V. C. DCCCXXIX. Propraetor ab Augusto praepositus fuit, reportavit Lollius. *inpune*, pulchre et significanter pro tenui libere; nam qui virtutes aliquis ab oblivione vindicat, iniuriam quasi, quam facere volebat Oblivio, punit et ulciscitur. *Est animus tibi rerumque prudens* cett. digna enim est, quae carmine celebretur, tua in rebus gerendis prudentia,

Vindex avarae fraudis, et abstinens
Ducentis ad se cuncta pecuniae :

Consulque non unius anni,

Sed quoties bonus atque fidus 40

Iudex honestum praetulit utili, et

Reiecit alto dona nocentium

Voltu, et per obstantes catervas

Explicuit sua victor arma.

Non possidentem multa vocaveris 45

Recte beatum : rectius occupat

Nomen beati, qui Deorum

Muneribus sapienter uti,

Duramque callet pauperiem pati,

Pieusque leto flagitium timet, 50

et in utraque fortuna constantia. — *Vindex* (sc. animus) *avarae fraudis* et *abstin.* *duc.* ad se omnia pecun. tibi est animus iustus et continens, h. e. pro te tam iustitiae quam continentiae laus cadit; iustitiam enim exercet, qui fraudem et malas artes hominum avarorum suppressit; continentiam vero, qui pecunia, quae capit et vincit omnia, se non capi et vinci patitur. *Consulque non unius anni, sed quoties cett.* est tibi animus, qui non per unum tantum annum dignitatem consularem tuetur, sed quotiescunque ille, ut bonus et fidus iudex, h. e. bene et vere de eo, quod decet, iudicans, honestatem utilitati praeferre, dona flagitiosorum nobili cum contemptu repudiare, et virtutis suae, quam armatus est, praesidio, quicquid verae gloriae obstat, fortiter vincere solet. *Consul non unius anni, Lollius*, qui haud dubie, ut in Argumento monitionis, hoc anno Consul fuit, post Consulatum quoque consu-

larem dignitatem tulturum esse ait, quod is, qui post gestos honores in virtutis exercitio sibi constat, in eadem semper dignitate manet, honestum praetulit utili, commode in hanc sententiam laudant Cic. Offic. III. 4. *Qui autem omnia metiuntur emolumentis et commodis, neque ea volunt praeponderari honestate, hi solent in deliberando honestum cum eo, quod utile putant, comparare: boni viri non solent. Etenim non modo plaris putare, quod utile videatur, quam quod honestum; sed haec etiam inter se comparare, et in his addubitare, turpissimum est.* per obstantes caterv. explic. s. vict. arma, animus, qui virtute sua, tanquam clypeo, bene munitus, fortiter se oppoioit turpitudini, suaviter fortis militis, vi sibi viam per obstantes catervas facientis, more omnia, quae eius virtutem impugnant, vincere dicitur.

v. 45—52. *Non possident. multa voc. recte beat.* cf. supra II. 2. 4 seqq.

Non ille pro caris amicis
Aut patria timidus perire.

CARMEN X

AD LIGVRINVM.

O crudelis adhuc, et Veneris muneribus potens,
Inesperata tuae quum veniet pluma superbiae,
Et, quae nunc humeris invqlitant, deciderint comae,
Nunc et, qui color est puniceae flore prior rosae,
Mutatus Ligurinum in faciem verterit hispidam: 5

— non ille timidus perire, pro: ille non timet perire, h. e. volens lubensque mortem suscipit; supra III. 19. 2. Codrus, pro patria non timidus mori.

CARMEN X.

Ligurinum, puerum mollem et delicatum, superbe et fastidiose nunc amatores tractantem, de formae sortisque, quae eum maneat, mutatione et conditione cogitare, et proinde vanam illam, qua insolenter de forma sua se efferrat, deponere iubet superbiam. — Poëtam Graecum, quem Noster imitatus est, tam carminis argumentum, quam dictionis forma et elocutio satis luculenter produnt.

v. 1—8. *O crudelis adhuc*, O tu, qui nunc quidem te durum et asperum mihi praebes, insolenter amores meos reicis; *et Veneris muneribus potens*; et corporis tui pulchritudine plurimum polles, sive: et pro corporis tui pulchritudine magnam in eos, qui tibi inserviunt, exerceas potentiam; — *Insp. tuae qu. ven. pl. superb.* cum praeter opinionem laeves genas tuas,

quibus nunc superbis, lanugo inumbrabit; *pluma*, lanugo, χνούς, πτῖα; hinc Graeci pueros laevibus genis adhuc nitentes vocabant ἀπιδούς, λείους, vid. Jacobs. in *Animadv.* ad Anthol. Gr. Vol. II. P. III. p. 69. pueri autem molliores sive cinaedi, quibus barba succrescere inciperet, deserebantur ab amatoribus; hinc apud Martia! I. 32. 5. *teneri vultus lanugine sordere* dicuntur. cf. Catull. LXI. 136. *tuae superbiae*, tibi superbo. *quae nunc humer. invol. comae*, promissus enim crinis, *cervice*, ut Tibullus III. 4. 27. loquitur, *fluens*, vel, ut Noster supra III. 20. 14., *humerus capillis sparsus*, ad squamosi pueri Veneres pertinet. cf. infra V. 41. 28. *Nunc et, qui color* cett. iunge: Et mutatus color, qui nunc est prior flore rosae, puniceae, Ligurinum verterit in faciem hispidam; h. e. et purpureae tuae genae pilis obductae et deformes factae fuerint; *Ligurinum*, pro te, suaviter nomen, quod tum in ore omnium erat, ponit. *color*, notissimum est illud Virgilii (Eclog. II.

Dices, heu! quoties te in speculo videris alterum,
Quae mens est hodie, cur eadem non puero fuit?
Vel cur his animis incolumes non redeunt genae?

CARMEN XI

AD PHYLLIDEM.

Est mihi nonum superantis annum
Plenus Albani cadus: est in horto,
Phylli, nectendis apium coronis:
Est hederæ vis

17.) *O formose puer, nimium ne crede colori; Alba ligustra cadunt, vacinia nigra leguntur. te alterum, apicem tuam a pristina plane diversam. Quae mens est hodie cett. ante oculos Noster habuit, ut iam Scholiast. Cruqu. observavit, Terent. Hec. I. 4. 17. Eheu me miserum! cur non aut isthaec mihi Aetas et forma est, aut tibi haec sententia. his animis, nunc mihi longe aliter, ac olim, sentient, h. e. nunc mihi sapientiori. — incolumes, integrae, quales olim erant, rosae nempe et adhuc laeves.*

CARMEN XI.

Phyllidem ad diem festum in domo sua tam sacris epulis, quam hilari potatione, secum peragendum invitat. Quae quidem ut eo magis locum relinquat eius precibus, primum, iam parata et adornata esse apud se omnia, quae iusta diei festi requirat celebratio, enarrat; deinde, ne Phyllis sibi nescia, quantis laetitiis advocetur, se Maecenatis diem natalem, proprio poëne sibi sanctiorem, celebrare velle palam facit; tum, ne Telephi forte

amore se retineri patiat ab hoc laeto convivio, illum, quem stulte, ut sorte sibi disparem, petat, ditioris puellae amoribus nunc vinctum teneri, docet; denique, quo nihil ad capiendum Phyllidis animum gravius addere poterat, se in solo eius amore nunc acquiescere adfirmat. — Phyllidem, quam sub fine carminis canendi peritiam facit, psaltriam, adeoque non honestioris conditionis puellam, fuisse, quam qualis *Lyde* describitur supra II. 14. 21 seqq., cf. III. 14. 21. III. 28. vix dubitari potest. Sed qui statuit, quod recte statui posse existimo, non proprie Phyllidi, sed Maecenati, ut ei diem natalem gratularetur, hoc carmen dicasse Horatium, et proinde, quae ad summam laetitiam exprimendam spectant, ingeniose finxisse; profecto ea, quae tribuenda sunt poëtae ingenio, haud tribuet eius moribus.

v. 1—12. *Albani*, in vinis generosioribus haberi solebat *vinum Albanum*, in agro Albano natum, cf. *infr. Sat. II. 8. 16.* et vid. *Plin. XIV. 6. — apium nectendis coronis*, elegantius pro: ad nectendas coronas; ceterum

Multa, qua crines religata fulges.

5

Ridet argento domus: ara castis

Vincta verbenis, avet immolato

Spargier agno.

Cuncta festinat manus: huc et illuc

Cursitant mixtae pueris puellae:

10

Sordidum flammae trepidant rotantes

Vertice fumum.

Vt tamen noris, quibus advoceris

Gaudiis: idus tibi sunt agenda;

supra quoque II. 7. 24. diem festum in felicem Pompeii Vari reditum celebraturus coronas ex apio deproperari iubet; cf. Theocrit. III. 23. et supr. I. 36. 6. *vis multa*, magna copia.

— *qua crines relig. fulg.* explicant: qua coronata enitescis, nitidior et venustior appares; vel simpliciter: qua coronari soles; sed hederam accipere demum debebat Phyllis apud Horatium; malim igitur explicare pro: qua coronaberis apud me; et sic *fulges* est futurum ab antiquo verbo Lucretiano *fulgere*. *ridet argento domus*, depromtis vasis argenteis domus resplendet; *ridere* dicuntur, quorum adspectus suaviter afficit. Notissimum est illud Virgillii (Eclog. VII. 55.) *Omnia nunc ridet*. Magis ad rem Catull. LXIV. 285. 5. *Hos indistinctis plexos tulit ipse corollis*, *Quois permulsa domus iucundo risit odore*. Similiter *renidere* supr. II. 18. 2. et sic γλίσσῃ apud Graecos, vid. *Veseling. Dissert. Herodot.* p. 153. De splendido festarum epularum apparatu cf. Carm. laud. Catulli v. 44 seqq. *ara castis vincta verbenis*, iam ad hostiam immolendam stat mihi ara verbenis coronata; intellige aram ex cespite constructam. Supr. I. 19. 13. *Hic vivum*

mihi cespitem, *hic Verbenas*, *pueri*, *ponite*, ubi cf. not. Apposite Cl. Mitsch. comparat Iuvenal. XII. 1. *Natali, Corvine, die mihi dulcior haec lux, Qua festus promissa deis animalia cespes Exspectat. avet immol. sparg. agn.* iam exspectat, ut immolati agni sanguine imbuatur. Similiter *agnus aram inbuere* dicitur apud Virgil. Eclog. I. 8. *huc et illuc Curs. mixt. puer. puell.* sic apud Virgil. Aen. I. 705. in splendido illo, quod Aeneae apparabat Dido, convivio: *Centum altiae, totidemque pares aetate ministri, Qui dupibus mensas onerent, et pocula ponunt. flammae trepidant, flammae tremulo motu agitantur* (Virg. Eclog. VIII. 105. *Adspice, corripuit tremulis altaria flammis*), *rotantes sordidum fumum vertice*, ex aedis culmine nigrum fumum eiacularantes; exquisite pro tenui: *flammae lucent et fumum sursum agunt*.

v. 14—20. *idus tibi sunt agend.* qui dies cett. idus Aprilis scilicet una mecum tibi celebrandae adsunt. Iam cum dies, qui per idus designatur, inter cuiusque mensis dies ferme sit medius; suavi circumscriptione idus mensem *findere*, h. e. dividere, dicuntur. Ipsa vox idus apud Macrob.

Qui dies mensem Veneris marinae 15
 Findit Aprilem :
 Iure sollemnis mihi, sanctiorque
 Paene natali proprio, quod ex hac
 Luce Maecenas meus adfluentes
 Ordinatur annos. 20
 Telephum, quem tu petis, occupavit,
 Non tuae sortis iuvenem, puella
 Dives et lasciva, tenetque grata
 Compede vinctum.
 Terret ambustus Phaethon avaras 25
 Spes: et exemplum grave praebet ales
 Pegasus, terrenum equitem gravatus
 Bellerophontem :

Sat. I. 45. ab antiquo verbo *idurare* (quod Etrusca lingua *dividere* est), deducitur. *Veneris marinae* Venus enim ἀναδυσσάμενη, cui sacer est Aprilis, hoc ipso mense e spuma maris et e sanguine genitalium Coeli orta esse dicitur. quod ex hac luc. Maecen. me. adflu. ord. annos, quod ab hoc die fautor meus ac patronus Maecenas vitae, quos sors benignior ei adfluere sinit, annos numerat, pro tenui: quod hoc die Maecenas natus est. In sententiam totius loci commode afferunt locum Censorini de Die Natal. c. 3. *Quam singuli homines suos tantummodo proprios colant natales; ego tamen duplici quotannis officio huiusce religionis adstringor. Nam quum ex te tuaque amicitia honorem, dignitatem, decus atque praesidium, cuncta denique vitae praemia recipiam; nefas arbitrer, si diem tuum, qui te mihi in hanc lucem edidit, meo illo proprio negligentius celebravero. Ille enim mihi vitam, hic fructum vitae atque ornamentum peperit.*

v. 21—36. *occupavit*, tibi praeripuit, non tuae sortis iuvenem, non tui loci iuvenem, sed genere et fortuna longe a te distantem. *grat. comped. vinct.* similiter supr. I. 33. 44. *Myrtale poetam grata compede detinere dicitur*, ubi vid. not. — *Terret ambust. Phaeth. avar. spes*, a rerum ultra sortem nostram positarum cupiditate misera Phaethontis, fulmine Iovis combusti, sors nos deterrere debet. *Phaethontis fabula* vel ex Ovidio Met. II. 4 seqq. satis nota. — *ales*, alatus, ut supra III. 42. 4. *Cythereae puer ales*, de Amore alato. — *terren. equit. grav. Belleroph.* qui non tulit, sed excussit, quo gravabatur, mortalis conditionis equitem, Bellerophontem. — Bellerophon scilicet cum in usu illo, ad quem traditus ei a Minerva fuerat Pegasus (vid. supra ad I. 27. 24.), haud acquiesceret, sed per eundem caelum adeo stulte petiisset; excussus et deiectus ab illo in campos Aleios graves temeritatis suae poenas dedit. vid.

Semper ut te digna sequare, et, ultra
 Quam licet sperare nefas putando,
 Disparem vites. Age iam meorum

30

Finis amorum,

Non enim posthac alia calebo
 Femina, condisce modos, amanda
 Voce quos reddas: minuentur atrae
 Carmine curae.

35

CARMEN XII

AD VIRGILIUM.

Iam Veris comites, quae mare temperant,

Interpret. ad Hygin. Fab. LVII. Belerophonis exemplo ad homines a votorum temeritate deterrendo usus quoque est, ut observat Mitsch., Pindar. Isthm. VII. 60 seqq. cf. Pallad. LXII. 5. 6. Anth. Gr. T. III. p. 427. *disparem*, idem, quod v. 22. dixit: *non tuae sortis iuvenem*. In sententiam, qua homines ab amore dispari, h. e. inter homines loco et fortuna sibi dispares iuncto, cavere sibi iubentur, vid. Aeschyl. Prometh. Vinct. 992 seqq. et Callimach. Epigr. XXXVII. Anth. Gr. T. I. p. 224. Ovid. Iler. IX. 32. *Si qua voles apte nubere, nube pari.* *meorum finis amorum*, O tu, quam unam et solam in posterum amabo; cuius amor solus me irrupta semper in posterum tenebit copula; notum est illud Propertii I. 12. 19. *Mi neque amare aliam, neque ab hac discedere fas est: Cynthia prima fuit, Cynthia finis erit.* *condisce modos, amand. voce quos reddas*, veni et discere, quos ad lyram

tibi praebito, modos, ut eosdem amabili voce decantes; *reddere*, cf. supra ad IV. 6. 43.

CARMEN XII.

Veris, quod ibat, amoenitate fructurus iocose et familiariter Virgilium suum ad hilarem computationem advocat. Dulcissima igitur amoenioris anni tempora, quod sponte ad bibendum invitet, descriptione praemissa, vinum Calenum venturo ad se amico promittit, hac tamen lege et conditione, ut nardum secum afferat, et hac merce redimat quasi promissi vini munera. Ne forte autem hunc laetioris vitae fructum intercipi sibi patiatnr negotiorum curis et administratione, de vitae, dum licet, fruendae brevitate eum cogitare, et sic sapienter dulcia interdum seriis miscere iubet. — Admodum familiaris poetæ fuisse eum, quocum tam libere, ut in hoc carmine factum est,

Inpellunt animae lintea Thraciae:
Iam nec prata rigent; nec fluvii strepunt
Hiberna nive turgidi.

Nidum ponit, Ityn flebiliter gemens,

5

iocari posset, nemo non intelligit. Quia autem nostrum cum magno poeta Virgilio in eiusmodi familiaritate vixisse dubitet, vel, si carminis supra l. 3. ad Virgilium scripti meminerit, dubitare potest? Iam vero quod v. 25. *lucris studium* ponere iubetur Virgilius, inde eum, non poetam illum, sed, si diis placet, mercatorem quendam vel myropolam adeo sive unguentarium fuisse, qui serio contenderent, fuere plures. Sed boni illi si cogitassent, non ad mercatores tantum, sed ad omnes, qui diligentem rerum suarum curam gerunt, honestiore sensu *lucris studium* pertinere; Horatium autem, nisi per iocum potius, qui per totum carmen regnat, amico suo *lucris studium* exprobravit, haud dubie honestius quoddam, cui cum maxime intentus esset, *lucris studium* respexisse; profecto neque ex magno poeta mercatorem fecissent, neque tam humiliter de Horatii eum mercatore Romano amicitia sensissent! vid. not. ad v. 25. — Ceterum quod veris descriptionem attinet, compara l. 4. et IV. 7. — Quo anno hoc carmen scriptum sit, non certo satis constitui potest, sed, si teneamus, quod supra in Argum. ad huius libri carm. prim. monuimus, Horatium in hoc libro quarto nonnulla carmina, quae iam diu ante scripserat, cum aliis, quae seriore aetate scripsit, carminibus demum publicasse; recte illud ad tempus, quo Virgilius adhuc superstes fuit, referri posse videtur.

v. 4—12. *animae Thraciae*, venti septentrionales, qui ab Homero inde

et aliis antiquis poetis Ioniis, quibus septentrionem versus sita fuit Thracia, appellati sunt *Thracii*; diuntur autem *Veris comites*, quia sub vere spirare solent Aquilones, sive venti septentrionales; Columell. XI. 2. 21. *X. Cal. Mart. venti septentrionales, qui vocantur Ornithiae, per dies XXX. esse solent; tum et hirundo advenit.* cf. Aristot. de Mundo c. IV. et ibi Kapp. p. 118. Mentionem igitur fecit eius potissimum venti, cuius flatus veris tempore solet esse ereberrimus; Zephyrus enim sive Favonius, quem alias poetae in veris descriptione celebrant, multo illo est instabilior et inconstantior. Ceterum, ut hic *animae Thraciae Veris comites* dicuntur, ita supra l. 23. 19. *Eurus Hiemis sodalis* vocatur. *Inpellunt lintea*, navigationi repetendae secundo flatu suo favent, reddunt mare πλωϊκον; navigationis autem, cui de integro sub vere dari solet opera, frequens apud poetas in veris descriptione mentio; cf. supra l. 4. 2. et quos comparat Mitsch. Meleag. CX. 9. Anth. Gr. T. I. p. 32. *Mare, Argentar. XXIV. 3. T. II. p. 248. nec fluv. strep. hibern. turgid.* supra IV. 7. 3. *Deerescant ripas flumina praeterant.* *Nidum ponit, Ityn flebil. gemens, infel. av.* per *infelicem avem* intellige *Procnem*, quam alii in hirundinem, alii in lusciniam mutatam esse tradunt; vide, quae de huius fabulae dissensu notavimus ad Catull. LXV. 14. Iam verni cum ad ea, quae veris reditu oculis subiiciuntur, hirundinis quoque adventum referre soleant poe-

Infelix avis, et Cecropiae domus
Acternum opprobrium, quod male barbaras
Regum est ulta libidines.

Dicunt in tenero gramine pinguium
Custodes ovium carmina fistula, 10
Delectantque Deum, cui pecus et nigri
Colles Arcadiae placent.

Adduxere sitim tempora, Virgili,
Sed pressum Calibus ducere Liberum
Si gestis, iuvenum nobilium cliens, 15
Nardo vina merèbere.

tae (ipse Noster infra Epist. I. 7. 43. cum *Zephyris et hirundine prima*; et hinc *veris praenunciam* illam vocat Ovidius Fast. II. 853. cf. Antip. Sidon., XXXVII. 3. Anth. Gr. T. II. p. 16. ubi *veris tempore pariter fere hirundo πλάσσειν ὑπόρροα οἰκία* dicitur; cf. Satyr. Thyill. v. 1 seqq. Anth. Gr. T. II. p. 253.) *infelicem avem*, *Ity* flebiliter gementem, Interpretes ad unum omnes de hirundine accipiunt. Sed cum rō *flebiliter gemere Ity*, ut apud Catallum l. 1. *fata absumti Ityli gemere*, non hirundinis, sed luscinae tantum flebilibus modis constanter a poetis tribuatur, lusciniā vero ab ipso Homero Odyss. XIX. 522. ubi eam sub *veris initio* pulchre canentem describit, *μαῖο δ' ὁλοπυρόμενν Ἰτυλον φῶλον* dicatur; cf. ante omnia Sophocl. Electr. 147. et ibi Scholiast.; dulcissimus denique luscinae cantus vel maxime ad ea, quae suaviter sub vere nos deliniunt, pertineat; equidem *infelicem avem* de lusciniā accipere malim. Fabulam de Procne et Philomela felicissime tractavit Ovid. Met. VI. 425 seqq. *Cecrop. dom. aetern. opprob.* quae semper existura est familiae suae opprobrium, dedecus ἄλκρυος, ὄνισδος, h. e. quae

nunquam eluere et abstergere potuerit maculam, quam genti suae Cecropiae crudelissimo facinore adpersit; — de voce *opprobrium* cf. supr. ad II. 43. 4. *Cecropiae*, Atticae, fuit enim *Procne* Pandionis, regis Atheniensium, filia. *male*, tam crudeliter; *Procne* enim, ut incestam mariti sui Terei libidinem ulcisceretur, mactatum parvum filiolum *Ity* isti epulandum apposuisse dicitur. *regum*, Terei. *Dicunt in tenero gramine cett.* Dulcissima, quae sequitur, e vita pastoritia adumbrata imago eo magis capere et delectare debebat Virgilium, quo magis ea ad indolem fere eorum carminum, in quibus ille princeps inter Romanos poetas est, data opera, ut videtur, composita et attenuata est. — *Deum, cui pecus cett.* Pana. *nigri*, piniferi; cf. supra I. 21. 7. *colles*, ut *Mucalus*, *Lycaeus*.

v. 13—24. *Adduxere sitim tempora*, nunc anni amoenitas et solis calor sitim adducere, h. e. bibendi cupiditatem excitare solent. *Liberum Calibus pressum*, vinum Calenum, ab urbe *Cales* in Campania; supr. I. 20. 9. *uva Caleno praeco domita*. *ducere*, largius bibere, cf. supr. ad

Nardi parvus onyx eliciet cadum,
 Qui nunc Sulpicii adcubat horreis,
 Spes donare novas largus, amaraque
 Curarum eluere efficax.

20

Ad quae si properas gaudia, cum tua
 Velox merce veni: non ego te meis.
 Immunem meditor tingere poculis,
 Plena dives ut in domo.

I. 17. 22. *iuvenum nobil, clicus*, O tu, qui iuvenum nobilium gratia ac favore frueris, qui nobilibus iuvenibus es in deliciis; *clicus*, nos *giustling*. Per *iuvenes nobiles* haud dubie innuit Neronem, Augusti privignos, Drusum et Tiberium; non sine causa autem Horatius Virgilium suum nunc *iuvenum nobilium clientem* appellasse videtur; latet enim, nisi fallor, in hac appellatione iocus fere hic: dummodo a te impetrare poteris hoc, ut e fastigio tuo descendas, et iuvenum nobilium consortium cum pauperis Horatii societate permutes. — *nardo vina merere*, pro unguento nardino, quod tecum attuleris, gratis apud me vinum Calenum bibes, sive: affer tecum unguentum nardium, quod ego vino Caleno remunerabor. — De *nardi* frutice, e cuius foliis et spiciis unguentum esprimebatur, vid. Plin. XII. 12. XIII. 2. — Simili fere loco Fabullum ad coenam vocat Catullus XIII. ab Horatio tantum discrepans eo, quod Fabullum, quicquid ad bonam et lautam coenam pertinet, secum afferre iubet, se autem nihil nisi unguentum pretiosum dare posse ait. *Nardi parv. onyx eliciet ead.* Qui nunc Sulpic. *adcub. horr.* h. e. allato enim a te vasculo unguentario, nardi pleno, vicissim ego vini Caleni cadum, ex Sulpicii apotheca vinaria depromptum, afferri iubebo.

— *onyx*, tam de gemma (quae ob similitudinem, quam cum digitorum unguibus habet, Graecis *ὄνυξ* vocata est), quam de marmore, externam onychis speciem referente, sive *alabastrite*, dicitur. Iam cum vascula unguentaria primum quidem ex *onyche*, gemma, deinde ex *onyche*, marmore, conficerentur; factum est, ut quodque vasculum unguentarium sive ex gemma, sive ex marmore, sive ex quocunque alio lapide excavatum, *onyx* appellaretur; vid. Boettig. — *adcubat*, servatur, repositus est. — *Sulpicii horr.*) horreum de apotheca vinaria, ut supr. III. 28. 7. Porphyrio ad h. l. *Sulpicii Galbae horrea dicit, hodieque Galbae horrea vino, oleo similibusque aliis referta sunt*; vinum igitur Calenum vendebatur apud Sulpicium. *Spes donare novas largus*, Graece pro: largus donandi vel ad donandum novas spes; supr. III. 21. 13. de amphora? *Tu spem reduces mentibus anxii*; et hinc infr. Epist. I. 45. 49. *vinum cum spe divite in venas et animum manare dicitur.* *amara curarum*, Graece, *τὰ πικρὰ τῶν παμπύων*, pro amaras curas. *non ego meditor, facete pro non mihi est animus, nos ich bis nicht willens, ich habe gar nicht lust.* — *immunem*, nihil ad computationem conferentem. *te tingere meis poculis*, te vino meo madefacere, ir-

Verum pone moras et studium lucri: 25
 Nigrorumque memor, dum licet, ignium,
 Misce stultitiam consiliis brevem:
 Dulce est desipere in loco.

CARMEN XIII

AD LYCEN.

Audivere, Lyce, Di mea vota, Di

rigare, τρύγυν, pro vulgari excipere. *Plena dives ut in domo*, quasi apud me, sicuti in beatorum domo aliqua, magna rerum omnium vinique sit abundantia.

v. 25—28. et *studium lucri*, vid. Argum. Praetermissis, quas plures ad h. l. effutire sustinuerunt, nugis et argutiis, eorum tantum breviter attingam sententias, qui *studium lucri*, quod Horatius Virgilio tribuit, explicatione emollire studuerunt. Sunt igitur, qui *lucri studium* ad doctos Virgilio labores sive ad eius carmina, quibus multum lucri fecerit, referant. Sed qui ex lucri studio Virgilium in scribendis versibus desudasse sibi persuadent, nae illi poëtas veteres nostrae aetatis poëtas mercenariis aequiparant! Alii, ut Boettigerus et Mitscherlichius, Horatium monere voluisse Virgilium arbitrantur, ne ex lucri forte studio antea computet, quanti constituta sit haec compotatio, vel, ne diu expendat, uter in hac collatione aliquid lucelli faciat; sed sic Horatius Virgilium, quem ditissimum fuisse constat (vid. Vit. Virgil. in Edit. Heynii VI. pag. CLX.), ut hominem sordidissimum notasset. Alii aliter. Equidem per *lucris studium* diligentiores, quam Virgilius in rebus suis gerendis collocabat, ope-

ram et curas designari existimo, praecipue cum eiusmodi diligentia in sensu honestiore semper cum lucro aliquo coniuncta sit, ita ut iam *pone studium lucri* nihil aliud sit, quam quod supr. III. 8 20. Noster ad Maecenatem scribit: *linguae severa*. Quis enim verborum proprietatem urgeat in iis, quae familiares per iocum invicem sibi exprobrant? *memor nigrorum ignium*, rogi, h. e. mortis. Sic *ignes atros* de rogis, quos caesis struit Aeneas, dixit Virgil. XI. 186. *Huc corpora quisque suorum more tulere patrum: subiectisque ignibus atris Conditur in tenebras altum caligine caelum*. *Misce stultit. consil. brevem*, positus nonnunquam studiis gravioribus hilaritati indulge, s. studiorum severitatem hilaritate nonnunquam tempera; aperte igitur haec sententia respondet τῷ *lucris studium ponere*. — *desipere*, liberius et licentius genio suo indulgere, ut *furere* supr. II. 7. 28. et μαγνήναι apud Anacreontem XIII. 12. *in loco*, h. e. in tempore, ἐν χρόνῳ, Terent. Ad. Ph. II. 4. 8. *pecuniam in loco negligere*.

CARMEN. XIII.

Quemadmodum Horatius supra I. 25. *Lyden*, et III. 45. *Chlorin*, ita in hoc carmine *Lyce*, ut vetulam, et

Audivere, Lyce. Fis anus, et tamen
 Vis formosa videri,
 Ludisque et bibis impudens,
 Et cantu tremulo pota Cupidinem
 Lentum sollicitas. Ille virentis et
 Doctae psallere Chiaie
 Pulchris excubat in genis.
 Inportunus enim transvolat aridas

5

turpiter adhuc iuveniles amores secantem, tanquam in tabula depictam, omnium exponit derisui. — Tempus tandem, quo meritis pristinae superbiae poenas exsolvat Lyce, venisse ait; fieri enim illam, quod iam diu a diis efflagitaverit, nunc anum, et, quamvis deperditae formae pigmentis et artibus meretriciis succurrere atudeat, quamvis, ut ante, delicias faciat, immodice bibat, et quovis modo ad libidinem exstimulare tentet iuvenes, deseri tamen et contemni ab omnibus; puellas enim pulchras tantum et adhuc floridas, qualis Chloe sit, peti ab amatoribus, vetulas et deformes, qualis nunc Lyce sit, susque deque haberi; periisse illius formae, qua ipse olim captus sit, venustatem, nec eam Cois vestibus et margaritis ab illa reparari posse; imo fata Lycen servasse videri eo, ut anile eius placendi studium publico iuvenibus esset ludibrio. — Existere haud dubie plura apud poetas Graecos eiusmodi contumeliosorum in vetulas carminum exempla, quae colores Nostro ad umbratas tam in hoc quam in duobus superioribus carminibus imagines suppellicatae videntur. Cl. Mitsch. cum hoc carmine comparat Meleag. LXXVII. Anth. Gr. T. I. p. 23.

v. 1—12. *Audivere, Di audivere,*

magis cum vi ab initio statim ponit sententiam, laetitiae, qua fruitur poeta χαίρωντος, causam continentem, nec minore cum vi eandem de re laeta triumphantium more repetit. — *Ludis*, amantium more iocaris, delicias facis. *bibis impudens*, qualem fere supra l. 36. 13. *multi Damae meri* describit *tremulo*, epitheto ad vocis anilis, deficere incipientis, naturam designandam accommodatissimo. Similiter vox anilis apud Ovid. Fast. VI. 400. *tremens* dicitur. cf. Tibull. l. 2. 91. *Cupidinem lentum sollicitas*, Cupidinem minus et minus iam preces tuas audientem advocas; frustra durum Cupidinem precibus tuis frangere et tibi propitium reddere tentas. *Ille virentis* cett. ille propitius potius adest formosae et in flore aetatis constitutae psaltriae Chiaie. Cupido autem Chiaie propitius dicitur in eius *pulchris genis excubare*, excubias quasi agere (nos *auf der lauer sitzen*), h. e. vim suam inde, ubi ille sedet, ita exercere, ut, quicumque in Chiaie conspectum veniant, statim eius venustatis lenociniis et illecebris capiantur. Comparant Sophocl. Antig. 796. Εγὼς — ὅς ἐν μαλακῇς παρσιῇς νεκρὸς ἐννοχῆς. cf. Pindar. Nem. VIII. 3. et plura in hanc rem apud Mitsch. *Inportunus*. Facite Cupido, quod difficilem et parum commodum

Quercus, et refugit te, quia luridi

40

Dentes te, qui rugae

Turpant et capitis nives.

Nec Coae referunt iam tibi purpurae,

Nec clari lapides tempora, quae semel

15

Notis condita fastis

Includit volucris Dies.

Quo fugit Venus? heu! quove color? decens

Quo motus? quid habes illius, illius,

se praebeet vetularum precibus, *inportunus* vocatur, quasi il quoque, qui vocati non veniunt, *inportuni* sint. *aridas quercus*, vetulas, ex nota imagine. Similiter supra. I. 25. 47. *vetulae cum aridis frondibus, puellae tenerae vero cum virente myrto et hedera* comparantur. cf. *Mitsch.* — *capitis nives*, lyrica audacia pro caput canis conspersum. Cf. *Mitsch.* comparat Antip. Thessal. XXI. 5. Anth. Gr. T. II. p. 100. — τίθει δὲ μιν, ὡς πρὸς γε τοῖον, ὡς αὐτὶς πολλῶν γῆραι νοσέμενον. Laudant quoque Epigr. Diogen. Laert. I. 85. p. 53. Τῆς δὲ Βίαντα κίκευθα, τὸν ἀπράμας ἡγάγεν Ἐρμῆς εἰς Αἶδην πολλῶν γῆραι νοσέμενον.

v. 43—46. *Nec Coae referunt* cett. frustra tenerae aetatis annos semel praeterlapsos restituere tentas tam Coarum vestium quam unionum splendore; h. e. frustra puellari ornatu anilem aetatem dissimulare studes. In sententiam. Cf. *Mitsch.* comparat Epigr. Lucian. VI. 4 seqq. Anth. Gr. T. III. p. 22. Eiusdem argumenti Epigr. Antiphili ex membranarum primum protulit Amiciss. *Iacobs* in *Animadv.* ad Anthol. Graec. Vol. II. P. II. p. 412. *Coae purpurae*, vestes Coae purpura tinctae. *Coae*, vestes Coae, tenuitate sua praecipue in puellarum

cultu spectabiles; hinc Tibullus II. 3. 53. de Nemese, quam luxuria fluere cupit: *Illae gerat vestes tenues; quas femina Coa Texuit, auratas disponitque vias.* Dictae sunt *Coae*, quod *Cos*, vel *Coos*, maris Aegaei insula, bombycum, e quorum tenuissima lanugine illae conficiebantur, mater fuit; vid. Plin. XI. 23. s. 27. VI. 47. s. 20. et ibi *Harduin.* *clari lapides*, uniones, margaritae. cf. supra ad III. 24. 48. — *tempora, quae semel not. condita fast. inol. voluer. dies*, h. e. tempora, quae semel, postquam volucris dierum cursu praeterierunt, ut transacta in fastis notata et memoriae prodita sunt, ornate pro vulgari: iuvenilem aetatem semel transactam; *fastis*, tabulis, in quibus cuiusque anni dies adeoque praeteriti quoque dies consignati sunt, dicuntur *noti*, quia ob vulgarem ad dies vitae inde cognoscendos usum cuique satis noti erant.

v. 47—48. *Quo fugit Venus?* cett. cum Nostro contendit Cf. *Mitsch.* *Rufin.* Epigr. XXXVII. 4. T. III. p. 407. Ποῦ σοι κίενα, Μέλισσα, τὰ χροῖα, καὶ περίπτα Τῆς πολυθρῦλλήτου κάλλεος φαντασίης. cett. *Venus*, amabilis gratia. *decens quo motus?* intellige corporis gestus, quibus multum decoris et gratiae inest. Eiusmodi in corporis motu et incessu decentiam

Quae spirabat Amores,
 Quae me surpuerat mihi,
 Felix post Cinaram notaque et artium
 Gratarum facies? Sed Cinarae breves
 Annos fata dederunt,
 Servatura diu parem
 Cornicis vetulae temporibus Lycen:
 Possent ut iuvenes visere fervidi,
 Multo non sine risu,
 Dilabsam in cineres facem.

20

25

et *ἐμπέφυεν* Sulpiciae tribuit Tibull. IV. 2. 8. *Illam, quidquid agit, quoquo vestigia movit, Componit furtim subnequiturque decor. quid habes illius, illius cett.* Sensua: Quid reliquum tibi est venustissimae illius speciei, quae cuique, qui in eius conspectum venerat, amorem statim inspirabat; quae meum quoque mihi eripuerat animum, et quae, si a Cinara discesseris, praeclara, nobilis, et omnibus, quae placent in puellis et delinunt, instructa et ornata fuit? *spirabat Amores*, pro vulgari: ad amorem pelliciebat; suavissima nempe imagine Lyces forma Amores, qui in iuvenum pectora descenderent, exspirasse et emisisse fingitur. Sic fere *πρὸς αὐτὴν ἐπὶ πρὸς αὐτὴν* Epictet apud Graecos, vid. *Mitsch.* Quae me surpuerat mihi, Catull. LI. 5. *misero quod unum Eripit sensus mihi*; similia ex poetis Graecis adduxit *Mitsch.* Nostrum imitatus est Auctor Epigr. CCLXVI. L. III. Anthol. Latin. *Burmann.* T. I. p. 687. *Me mihi surripuit contraria flamma sororum, Pulchra Theis oculis, ore nigella Melas. artium gratarum, variae sunt illae artes et lenociniorum genera, quibus puellae gratiam quandam formae suae*

conciliare student; ipsa earum protervitas supra I. 19. 7. *grata esse et urere dicitur.* Cinaram. vid. supra IV. 1. 4. *parem cornicis vetulae temporibus, aequae tam grandae aevi, annosae* (ut supra III. 17. 13. *cornicis dicitur*) cornici. Martialis quoque X. 67. 5. de vetula: *Iam cornicibus omnibus superstes.* Similiter, observante *Mitscherlichio*, Agath. VII. 1. Anth. Gr. T. IV. p. 5. plane *γρᾶν γρᾶν* dixit. Plura in hanc rem vid. apud *Rittershusium* ad Oppian. Cyneg. II. 292. et *Ruhnken.* Epist. Critic. p. 113. *Possent ut visere, pro viscerent. — fervidi, qui iuveni ardore adhuc fervent et amore aestuant; sic suaviter opponuntur vetulae, quae fervere desierat.* Dilabs. in ciner. facem, apta imagine pro Lycen e puella olim fervida et formosa mutata nunc in frigidam et deformem vetulam; *Mitsch.* comparat Meleag. XLIX. 2. Anth. Gr. T. I. p. 16. *in cineres*, hinc Martial. III. 93. 19. *Postquam eam ut mulierem aetate plane confectam satis lepide descripsit, dementem cineribus suis* (h. e. soeda effoeti corporis forma), *virum praeire adhuc quaerere* *ait*; cf. Martial. X. 90. 2.

CARMEN XIV

AD AVGVSTVM.

Quae cura Patrum, quaeve Quiritium,
Plenis honorum muneribus tuas,

CARMEN XIV.

* Arcto hoc carmen cum huius libri carmine quarto cognationis vinculo coniunctum est. Vtrumque enim ad celebrandas victorias, quas duo Augusti privigni, Neronēs, Drusus et Tiberius a Rhaetis et Vindelicis reportarunt, Augusti iussu ab Horatio compositum est. Superius quidem Drusi, natu minoris, hoc Tiberii, natu maioris, laudes complectitur. (Vide, quae de omni re ad utrumque Neronem spectante supra in *Argum.* ad carm. 4. breviter exposuimus). In utroque autem carmine postea consulto ita versatur, ut Drusi et Tiberii laudes ab Augusti laudibus, tanquam unico illarum fonte, derivet, et sic Augustum utriusque carminis momentum maximum faciat. Supra scilicet Drusi laudes repetit ab Augusti cura vere paterna, quam is in illo educando et eius animo rite excolendo posuerit; Tiberii vero laudes a benignioris sortis felicitate, qua ei sub Augusti auspiciis egregia virtutis bellicae rudimenta deponere contigerit. — Sententiarum nexus est fere hic: « Quomodo unquam fieri potest, ut Senatus Populusque Romanus dignos tuis, Auguste, virtutibus honores decernat? Tu enim es per totum terrarum orbem princeps longe maximus! Tuam in bello potentiam nuper experti sunt Vindelici! Nam pri-

mum Drusus exercitu, quem ei commiseras, Genaunorum et Breunorum graviter ultus est insolentiam. Mox bellum contra Rhaetos confecit, quem Druso adiutorem addideras, Tiberius. Is enim in hostes, velut Auster in indomitas undas, ruens, et omnia, veluti rapidus fluvius, prosternens, insigne in hoc bello fortitudinis specimen edidit. Sed haec omnia tuis copiis, tuo consilio, tuis denique auspiciis facta sunt! Ex quo tempore autem Alexandria capta bella civilia per te finita sunt, novis semper per quindecim nunc annos imperium Romanum auxisti victoriis; imo totus terrarum orbis tibi subiectus est, et victi populi tuam admirantur potentiam! » — Scriptum hoc carmen esse eo anno, quo Augusti post trium annorum absentiam magno omnium desiderio expectabatur reditus, ex eius initio colligi potest.

v. 1—9. *Quae cura Patr. quaeve Quirit.* — aeternat? Qui unquam Senatus Populusque Romanus tantos honores animo concipere et decernere poterit, quantis virtutes tuae, Auguste, tam per publica monumenta, quam per annua solemnia, aeternitati tradendae sunt? *plen. honor. muner.* h. e. satis amplis honorum ornamentis; *plenis*, iustis, nihil amplius; *honorum enim munera* dicuntur iam *plena*, quae viri magni amplitudinem, quam complecti et celebrare

Auguste, virtutes in aevum
 Per titulos memoresque fastus
 Aeternet? O, qua sol habitabiles
 Inlustrat oras, maxime principum:
 Quem legis expertes Latinae
 Vindelici didicere nuper,
 Qui Marte posses. Milite nam tuo
 Drusus Genaunos, inplacidum genus,
 Breunosque veloces, et arces
 Alpibus inpositas tremendis,
 Deiecit acer plus vice simplici.

debent, plene complectuntur et celebrant; *per titulos*, intellige statuas cum inscriptionibus, cf. IV. 8. 13 seqq. — *fastus*, antiquae *pro fastos*, h. e. tabulas publicas, in quibus, ut Ovid. Fast. I. 8. loquitur, *quaeque dies merito suo notata est*; in *fastis* igitur non solum res praeclare ab Augusto gestae, sed etiam dies festi, in memoriam eius quotannis celebrandi, notari debebant: hinc dicuntur *memores*, cf. supra III. 17. 4. Ovid. Fast. I. 1. 9. ad *Germanicum*, Augusti per adoptionem nepotem: *Invenies illic et festa domestica vobis; Saepe tibi pater (Tiberius) est, saepe legendus avus (Augustus)*. O, qua sol hab. inlustr. or. max. princip. O princeps, cuius potentiam omnes per totum terrarum orbem suspiciunt! Similiter fere Cicero Catilin. IV. 10. de Pompeio: *Anteponatur omnibus Pompeius, cuius res gestae atque virtutes iisdem, quibus solis cursum, regionibus ac terminis continentur*. Quem legis expert. Lat. Vind. didic. nuper, quantus ille esset in bello, id experti sunt nuper Vindelici, nondum antea a victore Romano leges sibi praescripti passi. didicero, place ut *scire* supra

IV. 4. 25. de Druso: *diu lateque victoribus catervae — scire, quid — posset*, v. 9—13. Milite nam tuo, Drusi igitur laudem cum egregii exercitus, quem ei Augustus commiserat, laude communicat. Genaunos, Breunos, pro Rhaetis et Vindelicis ponit duos populos, tam regionis, quam incolebant, vicinitate, quam armorum societate cum illis coniunctos; vide de his Maunertii German. p. 669. inplacidum genus, litotis, pro populo in bello saevissimo; Genauni enim, ut tradit Strabo IV. p. 142., non tantum mares quosque inter captivos trucidasse, sed nepotioris sexus foetui quidem, quem matres in utero gestare eorum vates praedixerant, peperciisse dicuntur. Breunosque veloces, velocitas enim, qua praestant montani, multum in bello militibus campetribus et statariis negotii facessere solet. — are. Alpib. inposit. tremend. castella Alpium iugis horrendae magnitudinis imposita; deiecit, h. e. deturbavit; apposite tam de montium incolis, quam de castellis in montium iugis extructis. plus vice simplici, b. e. gravi ultionis genere, in plurimis nempe pugnis illatis ab illis in-

Maior Neronum mox grave proelium

Conmisit, inmanesque Rhaetos

15

Auspiciis pepulit secundis:

Spectandus in certamine Martio,

Devota morti pectora liberae

Quantis fatigaret ruinis:

Indomitas prope qualis undas

20

Exercet Auster, Pleiadum choro

Scindente nubes: inpiger hostium

Vexare turmas, et frementem

Mittere equum medios per ignes.

* Sic tauriformis volvitur Aufidus,

25

iurias gravi vice h. e. iusta et merita poena ultus est Tiberius; de voce *vice* (cui respondet fere, quod Franco-galli dicunt, *revanche*) cf. supra I. 28. 32.

v. 14—24. *Maior Neronum*, Tiberius. *mox*, vid. *Argum.* ad huius libri carmen quartum. *Rhaetos* sc. cum Viandelicis et ceteris, qui foedere illis iuncti fuerunt; *auspiciis secundis*, Augusto deos suos, ut v. 33. dicitur, *praebente*, sub felici Augusti imperio. — *Spectandus*, *πρὸς βλῆπτος*, non sine admiratione contemplandus, admirandus. *Devota morti pectora lib.* *Quant. fatig. ruinis*, quantis cladibus conficeret populos liberam mortem aervitio praefereñtes, h. e. pertinaci consilio ad mortem usque pugnantes; *devota pectora*, morti enim pro libertate suscipiendae ita se devovere solebant Germani et populi Celtici, ut, se vitam potius pro libertate deposituros quam se hosti dedituros esse, sacramentum darent. *Indomitas prope qual. und.* *Exercet Auster Plei.* *choro scind. nub.* ruens in hostes eosque reprimens, uti Auster sub Pleiadum ortu in mare procellosum rueret

et assurgentes fluctus reprimere solet; *exercet*, agitat, retundit, comprimit. *Pleiadum choro*, *Pleiades*, septem Atlantis filiae, inter stellas relatae, cum in humeris Tauri ita inter se iunctae apparerent, ut chori fere speciem referrent, ab earum positu et inter se iunctione chorus appellatus sunt; *scindente nubes*, per scissas nubes prodennite, h. e. oriente. lucidit autem Pleiadum ortus in a. d. X. Cal. Mai. adeoque in tempus, quo ventorum flatu serenitas reduci solet. Praechare igitur Tiberius, populos indomitos compescens, cum Austro, mare indomitum compescente et serenitatem reducente, comparatur; *medios per ignes*, ubi pugnantis vita in summum discrimen adducitur; Sil. Ital. XV. 41. *Per medias volitare acies, mediasque per ignes*; sic δὴ πρὸς ἀπὸν Graecos, vid. Euripid. Electr. v. 1182. et ibi Burnes.

v. 25—34. *Sic tauriformis volv.* *Auf.* cett. Ducis fortis, in medios hostes se inferentis et magnam stragem inter eos edentis, cum rapido concitati fluminis impetu comparatio iam apud Hom. Il. V. 86, 87. obvia:

Qui regna Dauni praefluit Appuli,
 Quum saevit, horrendamque cultis
 Diluviem meditatur agris:
 Vt barbarorum Claudius agmina
 Ferrata vasto diruit inpetu,
 Primosque et extremos metendo
 Stravit humum, sine clade victor:
 Te copias, te consilium et tuos
 Praebente Divo. Nam, tibi quo die
 Portus Alexandria duplex
 Et vacuam patefecit aulam,

30

35

cf. Virg. Aen. X. 603. *Aufid. qui regn. Dauni praest. Appuli*, Apuliam praefluens, cf. III. 30. 40. De voce *praefluere* cf. supra IV. 3. 40. Dicitur Aufidus tauriformis, quia tauri cornua, vel a similitudine, quam fluitum sonitus cum tauri mugitu habet, (Hom. Iliad. XX. 257. *ταυροῦχος ὄψιν τῶπος* de Scamandro), vel ab inextinguibili robore, quod passim cornuum imagine designatur, fluviorum diis tribui solent; cf. Boettig. et Mitsch. *saevit, Struxit*, aestival, extumescit; *horrend. cult. Diluv. medit. agr.* et horrendo diluvio culta agris vastationem minatur, *meditatur diluviem*, ad diluviem immittendam se parat, diluviem immisissum it; similiter supr. III. 22. 7. *verres*, ad ictus infligendos paratus, *ictus meditari* dicitur, *ferrata*, ferro munita, sublimius pro armata; *primosque et extrem. metendo*, Virgil. Aen. X. 513. de Aenea: *Proxima quaque metis gladio*; ubi de locutione a messe ad caedem translata multa exempla ex utraque lingua collegit Cerdas; cf. Drakenb. ad Sil. Ital. X. 447. Iam Homero Il. XI. 67. Graeci et Troiani magnam stragem ab utraque parte

edentes ἀντιπῶς dicti sunt. *sine clade victor*, ita ut in nullo proelio unquam cladem experiretur, sed semper hostea vinceret. Hinc Vell. II. 95. *Pierque Rhaetos Vindelicosque — maiore cum periculo quam damno Romani exereitus, plurimo cum eorum sanguine, perdomuerunt.* Nostrum imitatus est Ovid. Trist. II. 473. *Per quem bella geris, cuius nunc corpore pugnas, Auspicium cui das grande Deoque tuos.* Scilicet cum penes Augustum summum esset imperium, ea quoque bella, quibus ipse nec adesset nec praecesset, eius auspiciis gerbantur.

v. 34—40. *Nam, tibi quo die cett.* Nam ab eo inde die, quo victor Alexandream ingressus es, per quindecim abhinc annos prosperrimum omnium, quae gessisti, bellorum eventus novum semper gloriae tuae splendorem addidit. *Alexandrea duplex*, finge tibi Alexandriae patronam, eiusdem nominis deam, oleae ramis velatam Augusto se obviam tulisse, et ad victoriae genua prostratam urbem ei tradidisse. Sic passim in numis antiquis Urbium patronae conspiciuntur, vide, quem laudat Boettig.,

Fortuna lustris prospera tertio
 Belli secundos reddidit exitus,
 Laudemque et optatum peractis
 Inperiis decus adrogavit. 40
 Te Cantaber non ante domabilis,
 Medusque, et Indus, te profugus Scythes
 Miratur, O tutela praesens
 Italiae dominaeque Romae:
 Te, fontium qui celat origines, 45
 Nilusque, et Ister, te rapidus Tigris,

Rasch. in Lexic. Nomism. T. I. pag. 319. *portus*, de portu Alexandreae antiquitus nobilissimo vid. Strab. XVII. pag. 1142. *vacuam aulam*, Augusto enim, Alexandream ingredienti, Antonius et Cleopatra aulam, e qua in Mausoleum confugerant, vacuefecerant; *lustris tertio*, nam cum bellum cum Antonio et Cleopatra V. C. DCCXXIV. (vid. Dio LL. 49.) cum Vindeliciis vero et Rhaetia V. C. DCCXXXIX. finitum sit, interiectum tempus tria lustra sive quindecim annorum numerum efficit. Ceterum cum *quo die*, recte, ut puto, explicari possit: « ab eo inde tempore, quo, » non opus est cum Interpretibus statuere, Horatium, eodem die, quo olim Alexandria captasit, bellum cum Vindeliciis quoque confectum esse, designare voluisse, praecipue cum res praeclara et feliciter ab Augusto gestae, quas in versibus sequentibus enumerat poeta, pariter ad illud quindecim annorum interval- lum referendae sint. *optatum decus*, splendorem ex omnium votis tibi conciliatum, *peractis imperiis adrog.* pristinis rebus praeclare sub tuo imperio peractis adiecit.

v. 41—52. *Te Cantaber non ante dom.* sup. II. 6. 2. *Cantabrum indo-*

ctum iuga ferre nostra; ubi cf. not. — *Medusque*, cf. sup. III. 5. et ibi *Argum.* *Indus*, cf. supra I. 42. 56. — *Scyth.* cf. supra II. 9. 23. et III. 8. 23. *profug.* cf. supra I. 35. 9. — *tutela praes.* pro Deo Romani imperii tutelari, qui praesentia sua numen suum declarat, ut supra III. 5. 2. *Di-vus praesens*, ubi vid. not. *dominae Rom.* cui, ut dominae, orbis terrarum paret. *Te, fontium qui celat orig.* iam remotissimas devictorum ab Augusto populorum terras per fluvios quoque, eas alluentes, solemnibus poetarum more designat; per *Nilum* quidem Aegyptum, per *Istrum* Daciam, per *Tigrim* Armeniam. — *font. qui cel. or. Nili fontes*, quos veteres ignorasse constat, unde Noster *Nilum fontium origines celare*, Tibull. I. 7. 24. *caput suum occidere*, Ovid. Amor. III. 6. 40. *patriam tantae aquae oclare* ait (cf. Ovid. Metam. II. 255. Lucan. X. 490. Plin. V. 9.), nostrae demum aetatis hominibus, ut investigatos detegerent, contigit; vid. Boettig. *rapidus Tigris*, hic Armeniae fluvius, a cursu eius rapidissimo, cum *sagittae* velocitate comparato, ipsum nomen suum *Tigris*, quo Medi *sagittam* insigniverunt, accepisse traditur; vid. Plin. VI. 27. Varr. L.

Te belluosus qui remotis
 Obstrepat Oceanus Britannis :
 Te non paventis funera Galliae
 Duraeque tellus audit Iberiae :
 Te caede gaudentes Sygambri
 Conpositis venerantur armis.

50

CARMEN XV

AVGVSTI LAVDES.

Phoebus volentem proelia me loqui

L. IV. 20. — Respicere autem Noster videtur annum V. C. DCCXXXIV. quo rex Tigranes Armeniis ab Augusto datus est; vid. Dio LIV. 9. — *belluosus*, belluis sive hlaenis scatens, πρῆξυς, vid. Plin. IX. 5. De victis *Britannis* vid. supra III. 5. 3. — *Galliae non paventis funera*, de forti Gallorum, mortem haud in bellis expavescentium, animo cf. Caes. B. G. VI. 14. Lucan. I. 460 seqq. Aelian. V. H. XII. 23. *audit*, tibi dicto audiens est, tibi paret. *Sygambri*, cf. supra IV. 2. 36. *compositis armis*, bello, armis depositis et repositis, composito, pro tenui: victis.

CARMEN XV.

Felicitatem Romano imperio per Augusti victorias partam celebraturus suaviter poeta fingit, se primum quidem Augusti proeliis et victoriis canendis vacare voluisse, sed, postquam ab Apolline de hoc temerario poetae tenuis assu monitus fuerit, se inde aversum ad bona potius, quibus nunc Romani, victis ab Augusto ex-

ternis populis, fruantur, advertisse animum. — Canit igitur, templo Iani nunc clauso, pacata esse omnia; cum cultu agrorum rediisse fertilitatem et rerum abundantiam, pristinoque legibus restituto honore vigere iterum coepisse veterem illam disciplinam, qua imperii Romani maiestas, fama et nomen per totum terrarum orbem dilatum et propagatum sit; nec dubium esse, quin, Augusto rerum custode, domi forisque in posterum bella compressa et sepulta iaceant; proinde Augustum dignum esse, quem quisque cum uxore sua et liberis ut deum tutelarem pie colat, et quovis die tam libationibus quam hymnis rite veneretur. — Comparent tirores hoc carmen cum huius libri carmine quinto, et poetae in eadem fere sententia pertractata ingenium et ubertatem cognoscant. — Ceterum hoc carmen V. C. DCCXXXIV. scriptum esse, ex versu 9. colligi potest, ubi vid. not.

v. 1—4. *Phoeb. vol. proel. me loqui* cett. Sensus: Cum iam in eo essem, ut carmine sublimiore Augusti proelia

Victas et urbes, increpuit, lyra;
 Ne parva Tyrrhenum per aequor
 Vela darem. Tua, Caesar, aetas
 Fruges et agris retulit uberes,

5

et victorias canerem, ecce mihi Apollo adfuit, et, ne temere ego poeta tenuis molirer grandia, graviore lyrae sono me increpando ab hoc conatu revocavit. — Varias mirasque, quas locutio; *lyra increpuit* protulit, explicationes vide apud *Interpretes*. Me quidam non poenitet eorum sententiae esse, qui Apollinem cum chorodidascale comparatum esse existimant. Quemadmodum enim chorodidascale chorum, quem ad lyram moderatur, vel cantum aliquem perperam incipientem, vel a cantus modis aberrantem, graviore quodam lyrae sono increpat, et sic rectius ei canendum esse significat; ita Apollo Horatium, qui male carmen, cui impar esset, canere inciperet, graviore quodam lyrae sono increpuisse, et sic a temerario ausu revocasse fingitur. Multo igitur suaviore et Apollini accommodatiore imagine expressit Horatius, quod in re simillima apud Virgil. Eclog. VI. 3. de Apolline: *vellere aures dicitur: Quum canerem reges et proelia, Cynthia murem Vellit et admonuit: pastorem, Tityre, pinguis Pascere oportet oves, deducitum dicere carmen.* — Novam in hoc loco explicando rationem iniiit Cl. Mitach. Is enim fingendum nobis esse autumat, Apollinem, audito quasi poetae cantu bellico, subito poetae adstitisse, audientiamque sibi factorum lyram tetigisse, atque tum demum oratione commonefecisse poetam. — Sed paucis, puto, haec explicatio probabitur. — (Nunc quidem simplicissimum mihi videtur, si

hic locus, distinctione post *increpuit* posita, quam in hac repetita Editione ponendam curavi, explicetur sic: *Me volentem lyra loqui* (canere) *proelia et victas urbes Phoebus increpuit* (graviter admonuit), *ne parva cett.* — *lyra loqui* ut supra carm. 9. 4. *verba chordis socianda loqui*). *Ne parv. Tyrrh. per aequor vela dar. ne cum parva, qua ego uterer, cymba alto mare me committerem, h. e. ne tenni, quod mihi esset, ingenio audacter tentarem, quae magna tantum tentare possunt ingenia, sive ne tentarem, cui impar essem, carmen epicum. Magni scilicet poetae, qui in re gravi et ampla versantur, in alto mari navigare, sive, ut Virgilius Georg. II. 41. ait, vela patenti pelago dare linguntur; at iis, qui res tenues tractant, cymba tantum, haud alto mari committenda, tribuitur. Propert. III. 9. 3. Quod me scribendi tam vatatum mittis in aequor? Non sunt apta meae grandia vela rati. Ovid. Trist. II. 329. Non ideo debet pelago se credere, si qua Audet in exiguo ludere cymba laeu. Tyrrhenum, pro mari quovis.*

v. 4—16. *Tua, Caesar, aetas cett.* Observa poetae artem, qua lectorem in mediam rem abripit. Non ait enim: «Ab Apolline igitur a re temere incepta deterritis felicitatem potius per Augusti victorias nobis partam canam,» sed eam statim canit. *tua aetas, aetas, quae sub tuo imperio nobis contigit, h. e. pax per te nobis data. fruges uberes, ubertatem; supr. IV. 5. 8. Nutrit rura Ceres almaque Faustitas*

Et signa nostro restituit Iovi,
 Derepta Parthorum superbis
 Postibus et vacuum duellis
 Ianum Quirinum clusit, et ordinem
 Rectum evaganti frena Licentiae
 Infecit, emovitque culpas,
 Et veteres revocavit artes:
 Per quas Latinum nomen et Italiae

40

— *signa nostr. rest. Iov. Derep. Parth. superb. post.* — De signis Romanorum militaribus, a Parthis receptis, vid. supr. in *Argum.* ad III. 5. Mentionem autem nunc facit horum signorum, quod non solum eorum recuperatio ad Augusti res gloriosissimas referebatur, et certatim poetarum carminibus tum temporis celebrabatur, vid. *Cercl.* ad Virg. *Aen.* VII. 607. sed etiam quod in illorum recuperatione h. e. in victis Parthis, Romano nomini infestissimis, vel maxime nitebatur pacis, de qua sermo est, securitas; *derepta*, cf. inf. *Epist.* I. 8. ubi Augustus *signa templorum* Parthorum *refixisse* dicitur. *nostro Iovi*, Marti quidem Vltori Augustus recuperata a Parthis signa consecrasset traditur, vid. Dio LIV. 8. sed cum poeta in universum nunc indicare vellet, signa illa populo Romano restituta esse, posuit deum, sub cuius peculiari tutela custodiri putabatur Romanum imperium; pro vulgari igitur nobis multo gravius dixit *nostro Iovi*. *postibus* sc. templorum; supra III. 5. 18. in oratione Regulis: *Signa ego Punicis Adfixa delubris et arma Militibus sine caede, dixit, Derepta vidi. superbis, magnifico ornatis*: Virg. *Aen.* II. 504. *Barbarico postes auro spoliisque superbi, vacuum duellis* duellum antiquae pro bellum, clusit pro clausit;

in antiquarum enim rerum commemoratione studiosae poetae et alii scriptores antiquas verborum formas sectari solent. De templo Iani est locus classicus apud Liv. I. 49. unde Ianus dictus sit Quirinus, dici potest ex Maerob. I. 9. *In sacris quoque invocamus Iannem Quirinum — quasi bellorum potentem, ab hasta, quam Sabini curim vocant.* Ceterum cum templum Iani ter, ut Suetonius testatur Aug. 22. sub Augusto clausum fuerit, primum quidem V. C. DCCXXV. post victoriam Actiacam, vid. Dio LI. 20. secundum DCCXXX. post bellum Cantabricum, vid. Dio LIII. 26. tertium, ut probatum ivit *Mason.* in *Templ. Ian. Reser.* p. 208. V. C. DCCXXXIV: recte Interpretes hoc carmen ad annum, quo tertium Iani templum clausum fuit, referunt. Iam vero cum totum hoc carmen in describenda reductae pacis felicitate versetur; summa illa de templo Iani clauso laetitia occasionem huius scribendo carmini dedisse videtur. *vacuum duello*, quod Iano clauso vacua bello fuit res publica. *evag. fren. Lic. Inice.* sic supra III. 24. 29. *indomitam refrenare Licentiam*; *emovit culpas*, recidenda curavit flagitia, extirpavit. Similiter supra IV. 5. 22. *Mors et lex maculosum edonavit nefas.* — *veteres artes*, veterem disciplinam,

Crevere vires, famaue et imperi
 Porrecta maiestas ad ortum 15
 . Solis ab Hesperio cubili.
 Custode rerum Caesare, non furor
 Civilis aut vis exiget otium,
 Non ira, quae procudit enses,
 Et miseras inimicat urbes. 20
 Non, qui profundum Danubium bibunt,
 Edicta rumpent Iulia; non Getae,
 Non Seres, infidive Persae,
 Non Tanain prope flumen orti.
 Nosque et profestis lucibus et sacris, 25

de qua Livius in Prooemio: *Ceterum aut me amor negotii suscepti fallit; aut nulla unquam respublica nec maior nec sanctor nec bonis exemplis ditior fuit.* *maiestas*, gloria et amplitudo; — *ab Hesperio cubili*, ab Oceano, ubi sol conditur, sive, ut prisca sibi fingebat antiquitas, cubitum it, h. e. a solis occasu. Comparant Tibull. II. 5. 57. *Roma tuum nomen terris futele regendis*, — *Quaque patent ortus, et quon fluitantibus undis Solis anhelautes abluat amnis equos.*

v. 17—24. *Custode rerum Caesare*, sic supra IV. 5. 2. *Optimus Romulae gentis custos*, et carmine antecedente v. 43. *tutela praesens Italiae dominaeque Romae vocatur*; *non furor*, seditio; *furor* et *furere* apud Cicero-nem quoque passim de bellis civilibus; *vis*, violentia; supra III. 14. 14. *ego nec tunulum, Nec mori per vim metum, tenente Caesare terras.* — *exiget otium*, pacem ex imperio Romano abiget et expellet; *inimicat*, ad bellum concitat. *qui profund. Danub. bib.* Istri accolae, Germani, Rhaeti, Daci cett. ut supr. II. 20. 20.

Rhodani potores de Gallia; cf. carm. antec. v. 46. *edicta Iulia*, quae Augustus in pacis conditionibus observanda praescripsit victis populis. — *Getae*, ultra *Dacos* quidem versus Orientem et pontum Euxinum ad Istrum sedem suam habebant *Getae*, vid. Strab. VII. p. 467. sed promiscue a Romanis pro *Dacis* ponuntur, vid. Plin. IV. 12. Fusi illi sunt primum Vrh. Cond. DCCXXXIV. a Lentulo, cf. supra ad III. 8. 18. debellati vero DCCLIII. a Tiberio, vid. Dio. LIV. 36. *Seres*, Serea enim vel Indi, postquam legatos ad Augustum, qui eius amicitiam peterent, Antiochiam miserant (de qua legatione Augusto honorificentissima vid. Sueton. Aug. 21), pro populi, qui Romano imperio se subiecissent, habebantur. — *Persae*, Parthi. *Tanain prop. fl.* ort. Tanaïs accolae, Scythae.

v. 25—32. *Nosque et profestis luc.* et *sacr.* cett. Sensus: Nos vero, quibus tanta sub tanto principe securitate et felicitate frui licet, unoquoque die, tam non festo, quam festo, una cum uxoribus nostris et liberis,

Inter iocosi munera Liberi ,
 Cum prole matronisque nostris ,
 Rite Deos prius adprecati ,
 Virtute functos , more patrum , duces ,
 Lydis remixto carmine tibiis ,
 Troiamque et Anchisen et almae
 Progeniem Veneris canemus.

30

deos ante inter vina solennibus libationibus venerati, egregia honorum principum facta, et urbem, unde originem nostram ducimus, et Anchisen, et almae Veneris propaginem, carminibus ad modos Lydios decantatis ex more maiorum celebrabimus! — Molliores sane pii gratique in bonum principem animi sensus ita hic locus spirat, ut eius lectionem vel durioris ingenii hominem suaviter afflechiram esse existimes. *profestis*, diebus nempe non festis quoque, h. e. quotidie; unusquisque nempe civis cum suis privatim Augustum ex mente poëtae pie venerari debet. *Inter iocosi mun. Lib.* libationes enim mensis secundis inter vina institui solebant; cf. supra IV. 5. 35. *iocosi*, cf. supra III. 21. 15. ubi vid. not. *Virtute functos*, virtutis laude, qua mu-

neris sui partibus egregie perfuncti sunt, claros et nobiles, principes egregios. *more patrum*) *convivas* enim in epulis apud veteres Romanos solitos fuisse canere ad tibioanem de clarorum vinorum virtutibus Cicero in Quæst. Tusc. I. 2. ex Catonis Originibus refert. *Lydis remixt. carm. tibiis*, h. e. carminae cum tibiaturum, et quidem modos Lydios edentium, cantu invicem se excipiente. Notum apud veteres in arte musica sunt modi Dorii, Ionii, Lydii, Aeolii, Phrygii; in quibus modi Lydii lætitiæ inprimis exprimendæ adhibiti fuisse traduntur; vid. *Interpr.* ad h. l. *almae prog. Ven.* adeoque Augustum quoque, quem per adoptionem in gentem Iuliam, ab Ascanio deductam, transiisse constat.

Q. HORATII FLACCI
EPODON LIBER

CARMEN I

AD MAECENATEM.

Ibis Liburnis inter alta navium,
Amice, propugnacula,

CARMEN I.

Cum ad ea, in quibus verae amicitiae fides spectaretur, referri quoque soleret promptus paratusque vel in remotissimas terras amicum comitandi animus (conf. supra II. 6. et ibi not.); eiusmodi occasionem, qua Maecenati fidem suam in amicitia probaret, cupide amplexus est Horatius. Maecenati nampe iam id agenti, ut, Augustum in bello contra Antonium et Cleopatram secuturus, Brundisium, quo senatores et equestris dignitatis viri evocati fuerant (vid. Dio L. 41.), se conferret, posita, se, quamvis probe gnarum, exiguum fore, quam praesentia sua ei in bellum proficiendenti praestare possit, operum, tamen, cum nullibi sine eo iucundam vitam agere possit, et suus de eo metus multo minor in eius comitatu futurus sit, forti animo per omnes terras ad ultimum earum usque terminum illum, secularum esse, mollissimo animi sensus declarat. In quo quidem capto consilio ne

forte lucri studio ductus esse videretur, ἀντίπαυον suam laudando et, se ab omni divitiarum colligendarum studio alienissimum esse, profitendo, integerrimae amicitiae laudem sibi vindicat. Ceterum si verum est, quod *Massonus* in Vita Horatii evincere studuit, Maecenatem anno DCCXXII. quo pugna ad Actium commissa est, Urbi praefectum fuisse, illum a perficiendo, quod primum ceperat, consilio deinde retentum esse statuentum est. De inscriptione huius libri *Epodon*, sive ab Horatio, sive a Grammatico aliquo, profecta, unde illa petita fuerit, et quo sensu scripienda sit, non amplius ambigi potest. Scilicet Iamborum inventor, Archilochus, eiusmodi quoque Iamborum genus invenisse dicitur (vid. Plutarch. de Music. p. 1141.), quos ἐπεδὸν appellaret, quia in illis, ut Diomedes p. 482. (edit. *Putseh.*) ait, *versuum partes* (h. e. versus breviores) *legitimis et integris versibus ἐπεδόνται*, h. e. accinuntur, vel, ut *Hephaestion* de Metr. p. 70. edit.

Paratus omne Caesaris periculum

Subire, Maecenas, tuo?

Quid nos? quibus, te, vita, si superstite,

Iucunda; si contra, gravis?

Vtrumne iussi persequemur otium,

Non dulce, ni tecum simul?

An hunc laborem mente laturi, decet

Qua ferre non molles viros?

Feremus; et te vel per Alpium iuga,

Inhospitalem et Caucasum,

*Παύρ. docet, ὅταν περὶ τῶν στίχων
πικρὸν τι ἐκτελέσται. Iam vero cum
ipse Horatius Archilochi se imitato-
rem profiteatur (Epist. I. 49. 23. Pa-
rios ego primus Iambos Ostendi Latio,
numeros animosque secutus Archilochi,
non res et agentia verba Lycamben.);
hic liber Epodōn autem eius iuveni-
lia imprimis et maledicentiora carmi-
na contineat; profecto eorum sen-
tentia, qui ipsum illa ad Archilochi
exemplum latiore sensu Epodōn in-
scriptione tam insignivisse, quam
publicasse, existimant, magnam veri-
tatis speciem prae se ferre videtur;
confer omnino, quae docte de huius
libri inscriptione disputavit Boetti-
gerus.*

v. 4—4. *Ibis Liburn. inter alta nav.*
cett. Sensus: Ergone certum est, te,
amicissime Maecenas, commune cum
Augusto in pugna navali periculum
subire paratum, naves Liburnas con-
sensusurum, et inter formidabilem
hostium classem navigaturum esse?
— per naves Liburnas, de quibus vide
supra ad I. 37. 30. designatur classis
Augusti, per alta navium propugna-
cula autem classis Antonii et Clenpa-
trae, cuius naves, ut tradit Flor. IV.
44. turribus atque tabulatis allevatae,
castellorum et urbium species prae se

*ferbant; vid. Dio L. 48. Hinc, Virgil.
de classe Antonii Aen. VIII. 690. pe-
lago credas innare revulsas Cycladas,
aut montes concurrere montibus altos;
Tanta mole viri turritis puppibus in-
stant. cf. Plin. XXXII. 4. — Qui alta
navium propugnacula de maioribus,
quae in classe Augusti fuerint, navi-
bus explicant, non solum a fide histo-
rica recedunt, sed etiam periculi, de
quo poeta maxime sollicitus est, ma-
gnitudinem nisi tollunt plane, certe
elevant et minuunt.*

v. 5—10 *Quid nos? quibus cett.*
Quid ego igitur, te in tam periculo-
sum bellum proficiscente, faciam?
ego, cui vita, si te superstiti vivitur,
iucunda, at, si quid tibi acciderit,
gravis et tristis est? si te superstiti
sc. vita contigerit; plane ut mox
vers. 8. ni tecum simul sc. otium
contigerit. *Vtrumne iussi persequi.*
oti. non dulce ni tec. simul? An hunc
laborem cett. Vtrumne, quod me fa-
cere inbes, domi ego vitam otiosam,
non nisi in tua societate mihi iucun-
dam, aetabor? an forti potius animo
una tecum belli labores perferam?
pro vulgari: utrumne egnex tua vo-
luntate domi manebo, an nua tecum
in bellum proficiscar?

v. 12—18. *Inhospitat. Caucas. cf.*

Vel occidentis usque ad ultimum sinum,
 Forti sequemur pectore.
 Roges, tuum labore quid iuven meo, 15
 Inbellis ac firmus parum?
 Comes minore sum futurus in metu,
 Qui maior absentes habet.
 Vt adsidens implumibus pullis avis
 Serpentium adlapsus timet 20
 Magis relictis: non, ut adsit, auxili
 Latura plus praesentibus.
 Libenter hoc et omne militabitur
 Bellum in tuae spem gratiae;
 Non ut iuencis illigata pluribus 25
 Aratra nitantur mea:
 Pectusve Calabris ante sidus fervidum
 Lucana mutet pascua:

supra ad l. 22. 6. *Vel occidentis usque ad ult. sinum*, ad extremos usque Occidentem versus Oceani terminos; — *labore meo*, mea militia, mea, quam in bello sustinere possum, opera. *Inbellis ac parum firmus*, ἀπρόσληπτος καὶ ἀναλκις. *habet, ἔχει*, occupat, occupare solet.

v. 19—22. *Vt adsid. implum. pull.* cett. Vti fere avis, pullis implumibus adsidens (pro tenui: pullos implumes habens), magia iis relictis (in casu tertio) serpentium allapsus timet, h. e. de iis relictis magia, quam si adsideat, ob serpentium allapsus sollicita est; quamquam, licet (ut) adsit, iis praesentia sua non plus, quam si absit, auxili latira est. Sic non opus videtur, ut cum *Bentleio* pro *non, ut adsit, auxili* cett. re. scribatur: *non, uti sit auxili* cett. explicat nempe *non, uti* pro non quo, vel non quod; sed an recte *ut* ita explicari possit, valde dubito.

v. 23—30. *Libent. hoc et omni. milit.* cett. Libenter ego tam in hoc, quam in quovis alio bello militis vicem obibo, modo, id tibi gratum fore, aperare potero; alia, quae alii spectant, belli praemia, ampliora latifundia, egregia pascua, villas magnificas, nihil equidem moror. — *Non ut iuveno. illig. plur. aratr. nit. mea*, exquisitiore loquendi ratione pro *Non ut plures iuvenoi aratris meis illigati nitantur* h. e. luctentur, vices in terra per aratrum proscindenda intendant, pro tenui: arent. pro *meis*, quod plur. editt. exhibent, cum *Bentleio* dedi *mea*, quod postulat fere orationis concinnitas. *Pectusve Calabr. ante sid. fervid. Lucana mut. pasc.* in egregiis enim Calabriae et Lucaniae pascuis numerosos bestiores Romani greges et armenta alere solebant, ita quidem, ut ea ante ortum Sirii circa mensem ferme Iunium e Calabria vehementiori solis

Nec ut superni villa candens Tusculi

Circaea tangat moenia.

30

Satis superque me benignitas tua

Ditavit: haud paravero,

Quod aut, avarus ut Chremes, terra premam,

Discinctus aut perdam ut nepos.

CARMEN II.

Beatus ille, qui procul negotiis,

Vt prisca gens mortalium,

aestral exposita (unde *Calabria* supra I. 31. 5. *aestuosa* dicitur), in saltuosam et frigidiorē Lucanise regionem agerent, et sic pascua Calabris cum Lucais mutarent. *Nec ut villa cantens*, nec ut villa mea Sabina, ex candente marmore, ut villae ditiorum, exstructa, *tangat*, tam longe extendatur et porrigatur, ut attingat *Circaea moenia Tusculi*, h. e. Tusculum (nunc *Frascati*), cuius conditor, Circeus filius, Telegonus, fuisse traditur; cf. supra ad III. 29. 8. *superni*, super iugo, ubi illud situm fuit, prominentis; nisi quis pro *superni* cum Bentleio *supini* legere malit; similiter certe supra III. 4. 23. *Tibur supinum* vocatur.

v. 31—34. *Satis superque me benign. um dit.* Sabinum enim suum Mæcenatis liberalitati acceptum referebat Horatius; hinc Noster supra II. 18. (2. *nec largiora flagito; satis beatus iuvencis Sabinis.* *avarus ut Chremes*, non Chremetem Terentianum, sed senem illum avarum, qui apud Menandrum in *Thesmuro* aurum in monumento quodam defodisse fingitur, intelligendum esse, etiam Boetigerus ad h. l. monuit. *ut nepos*

discinctus, ut homo negligens et prodigus, qualis fere *Nomentanus* in Satyris describitur; *discinctus*, proprie de eo, qui male ciñctus laxa tunica incedit, quod desidiasse et mollioris fere vitae signum fuit; hinc *discincti* dicti sunt homines negligentes et parum rerum suarum curiosi; — *nepos*, helluo, rem familiarem per luxum et libidinem perdens atque dilapidans haud dubie inde, quod, qui ab suis eduesunt, vel mollissimo avorum suorum amore fruuntur, haud raro blandis eorum indulgentia corrumpuntur. Sed Festus sub voce *nepos*: *luxuriosae vitae homines nepotes appellantur, quod non magis his rei suae familiaris cura est, quam iis, quibus pater avusque vivunt.*

CARMEN II.

Homines divitiarum colligendarum cupiditate praepediti, quo minus felicioris vitae iucunditatibus perfruantur, Alphii, foeneratoris cuiusdam, exemplo proposito, declarat. Alphium enim, cursum et vitae suae molestioris pertesum, ita de vitae rusticae, cui se consecraturus erat, felicitate et iucunditate in hoc carmine

Paterna rura bubus exercet suis;
Solutus omni foenore.

loquentem inducit, ut illum omni foenore nunc plane solutum reliquam vitam in agris transacturum fuisse putasses. Verum enim vero bonus Alphius quoque, qui divitiarum colligendarum cupiditate se transversum agi pateretur, homo fuit. Nam postquam dulcissimam illam voluptatem, quae in agris vel ex vitium et arborum cultu, vel ex pascentium gregum adpectu, vel ex melle condendo, vel ex ovibus tondendis, vel ex pomis utriusque carpendis, vel ex suavi, quo quis sub arboris umbra ad salientem fontem prostratus fruitur, otio, vel ex venatione, vel ex aucupio ceteri percipere possit, ante oculos posuit; postquam domesticam, quae rusticus cum tanta sua coniuge vivere solet, felicitatem suavissimè descripsit, hominisque agrestis frugalitatem, longe ditiorum opulentiae praeferendam, praeclare laudavit; ne multa! postquam Alphius felicior, qui in agris vivitur, vitam luculentis coloribus adumbratam animo suo repraesentavit, ecce! qui modo futurus erat rusticus, ad quæstum ex foenore faciendum redit! — Egregie plane vitae rusticae felicitatem in hoc carmine descriptam esse, nemo adhuc negavit, sed qui eam ab homine tam sordido, qualis Alphius fuit, commendatam nollent, fuere plures. Hinc quatuor ultimos huius carminis versus seriore demum ætate ab Horatio adiectos esse nonnullis statuere placuit. Sed si omnes, ut nihil dicam, iam versus quarto haud obscure vitae suae conditionem designasse Alphius, consilium, cur foeneratorem in primis villae rusticae

nunc laudatorem fecerit patet, parum perspexisse videntur. Scilicet ut vim illam, quae insatiabilis divitiarum cupiditas pervertere saepe hominum mentes, et honestissima ex iis pellere soleat consilia, non verbis tantum et sententiis, quod saepissime Noster fecit alias, sed etiam vivo quasi exemplo quodam manifestam redderet, aptus, quem intuendum omnibus proponeret, visus ei est dives quidam foenerator Alphius. Qui quidem ita in medium productus, ut ipse primum iustum pretium statueret felicitati, a qua percipienda deinde foenoris porro exercendi studio turpiter se prohiberi passus est, personam profecto in hoc carmine agit, quae sublata tota simul huius carminis tollitur gravitas. — Foeneratoris Alphius mentionem quoque facit Columell. l. 7. 2. — Cum nobilissima autem, quam hoc carmen continet, vitae rusticae descriptione cf. Virgil. Georg. II. 458. et alios ibi a Cerda et Heynio laudatos.

v. 4—8. negotiis, in quæstu faciendo versantibus, et proinde variis curis animam districtum tenentibus; — *rura exercet*, elegantius pro arat. Sic *solum exercere presso sub vomere* apud Virgil. Georg. II. 356. *solutus omni foenore*, liber ab omni rei foenebris studio. *Neque excitat*. *class. mil. truci* cett. qui neque miles e somno ad pugnam excitatur, neque mercator naufragii periculum expavescit, neque rebus forensibus operam dat, neque molesta illa, quibus potentiorum gratiam et favorem sibi

Neque excitatur classico miles truci,
 Neque horret iratum mare;
 Forumque vitat, et superba civium
 Potentiorum limina.
 Ergo aut adulta vitium propagine
 Altas maritat populos,
 Inutilesque falce ramos amputans
 Feliciores inserit;
 Aut in reducta valle mugientium
 Prospectat errantes greges;

5

10

colligat, obit officia. *excitat. class. mil.* classica enim noctu quoque, subito ab hostibus facto impetu, ad milites e somno excitandos caneantur; qua quidem re passim militum curae et molestiae designari solent; Tibull. I. 1. 4. *Martia cui somnos classica pulsa fugent*; *truci*, refer ad terribilem classici sonum, quo milites ex somno exterreantur. *superba limina*, intellige magnifica et splendida atria, quae clientes salutatum venientes tenebant. Cl. *Mitch.* explicat *superba*, ubi superbe clientes tractentur, comparato loco Columellae Praef. I. 7 seqq. ubi inter alia dicitur: *neque enim roganti, quid agatur intus, respondere servi dignantur*. Ceterum hunc locum Claudianus quoque in rusticae vitae descriptione imitatus est Lll. v. 7. 8. *Non freta mercator tremuit, non classica miles; non rauci lites pertulit ille fori.*

v. 9—22. Molestis illis, vel ad quæstum, vel ad gloriae et honorum studium, spectantibus negotiis opponit ea, quae miram in agris voluptatem creant. Vt eo magis autem appareat, quanta illorum sit copia et varietas, non ordinem quandam in iis recessendis servat, sed ea tantum, quae sponte animo offeruntur, de-

libat. *Ergo*, is igitur, *aut adulta vit. propag. alt. marit. pop.* aut vites novellas (*sensuereben*) annectit populis; vites enim non *ulmis* tantum (vid. supra ad II. 45. 4.), sed etiam *populis* adiuogi solebant; vid. Plin. XIV. 4. *adult. vit. prop.* suaviter de novellis vitibus, usque eo adultis vel tantum roboris nactis, ut in arbusta transponi possent, quod fiebat anno tertio; vid. Plin. XVII. 23. et Columell. de Arbor. VII. 2. *maritat*, vid. supra ad IV. 5. 30. — *Inutil. falce. amput. felic. inserit*; et opus initionis peragit; nos *er pfropft und veredelt hüme*; quod fit, si arborum truncis, unde rami *inutiles* (h. e. steriles et ex ignobili stirpe procreati), resecti sunt, generosiores et fecundiores inseruntur; Columell. V. 44. *Tria genera porro initionum antiqui tradiderunt: unum, quo resecta et fissi arbor resectos surculos accipit*. Ovid. Rem. Am. 195. *Venerit inisio, fac ramum ramus adoptet*. cf. Virg. Georg. II. 74 seqq. — *feliciores*, intellige surculos (*pfropfreise*) e nobiliore stirpe prognatos; *hing arbores felices*, in quibus melioris notae poma nascuntur, *veredelte obaltüme*; Liv. V. 24. *nulla felix arbor, nihil frugiferum in agris reli-*

Aut pressa puris mella condit amphoris; 15
 Aut tondet infirmas oves;
 Vel, quum decorum mitibus pomis caput
 Auctumnus arvis extulit,
 Vt gaudet insitiva decerpens pyra,
 Certantem et uvam purpurae, 20
 Qua muneretur te, Priape, et te, pater
 Silvane, tutor finium.
 Libet iacere, modo sub antiqua ilice,
 Modo in tenaci gramine.
 Labuntur altis interim ripis aquae, 25
 Queruntur in silvis aves,
 Frondesque lymphis obstrepunt manantibus,
 Somnos quod invitet leves.

otum; cf. Claud. X. 66. *reducta* sc. in sinus, h. e. curva, ut supra I. 47. 17. Virg. Aen. VII. 703. *mugientium*, resonans enim in vastis agris boum mugitus ad ea, quae rerum agrestium amantes delectant, referri solet. Virg. Georg. II. 470. *Mugitusque boum mollesque sub arbore somni Non desunt.* — *Aut pressa pur. mella cond. amph.* Columell. IX. 45. 3. *Vbi liquatum mel in subiectum defluxit alveum, transfertur in vasa stotilia.* *infirmas*, natura enim sua imbecilles sunt oves, hinc illae apud Ovidium quoque Ib. 44. *infirmum pecus audiunt.* *quum decor. mit. pom. cap. Auct. arv. extulit*, suavi imagine pro vulgari tempore autumnii; *decorum*, exquisite pro pulchre vel rite redimitum, ut supra III. 44. 7. *decorae Supplicae vittae Virginum matres.* *Auctumnus vero*, uti Baeclius sere, coronam e ramis pomiferis contextam capite gestare tingitur; vid. Boettig. *insitiva*, ipsius manu inserta (scilicet gepfropfte.) — *Priape*, Priapo enim, ut horto-

rum deo, pomorum primitiae offerrebantur; cf. Catull. XX. 6—9. — *Silvan.*, tutor finium cf. supra III. 29 23.

v. 23—28. *in tenaci gramine*, in loro gramineo, *tenax* epitheton ornans, ad naturam graminis, quod tenaciter terrae adhaeret, nec facile inde cum radice evelli potest, referendum. *Prond.* pro vulgata lectione *Pontesque*, eo fidentius eam, quae Marklandi debetur ingenio, in textum recepi, quo minus quemquam de eius veritate dubitare posse puto; nam sic non solum locutionis insolentia: *Fontes manantibus lymphis*, tollitur, sed etiam, si de dulcissimo illo, quem leviter mota arborum folia cum leniter praeterfluentis rivi murmure permiscunt, cogitamus strepitu, multo suavior animo imago obiiicitur. Ipse locus, quem Mitscherlichius, vulgatam lectionem secutus, assert ex Propertio IV. 4. 3. *Lucus erat felix, hederoso conitus antro, Multaque nativis obstrepit arbor aquis,*

At quum Tonantis annus hibernus Iovis
 Imbres nivesque comparat. 30
 Aut trudit acres hinc et hinc multa cane
 Apros in obstantes plagas;
 Aut amite levi rara tendit retia,
 Turdis edacibus dolos;
 Pavidumque leporem, et advenam, laqueo, gruem, 35
 Iucunda, captat, praemia.
 Quis non malarum, quas amor curas habet,
 Haec inter obliviscitur?

non vulgatae sed receptae lectioni favet. *Somni. quod invit. lev. Ovid. Met. XI. 604. Invitat somnos crepitantibus unda lapillis.*

v. 29—36. *quum Tonant. ann. hib. Iov. imbr. niv. comp.* ornatè pro tenui redeunto hieme. *Tonantis*, refer ad Iovis, caelum terramque ad certum ordinem moderantis, maiestatem; nisi quis malit cum *Boettigero* cogitare de tempestatibus, quae cum tonitru permixtae sub hiemis initio in Italia saevire soleant; *comparat*, in aëre nempe colligens, collectasque inde demittens. *Aut amit. lev. rar. tend. ret. turd. edac. dol.* aut turdis struit insidias, vacat aucupio; nos oder er geht auf den vogelherd. — Per *amitem* levem intellige furculam sive perticam levigatam, cuius ope rete, ex illa suspensum, avibus superiniicitur. *turdis edac. dol.* ut dolose iis turdos escat appetentiores capiat; *dolos* nempe turdis paratur esca vel illecebris appositis, cuius cupiditate allecti in insidiis incidunt; *turdi* sunt aves, quas nostrates *sipp-* et *weindrosseln* vel in universum *krammetvögel* appellant. — *advenam gruem*, aves advenae vel

peregrinae (nos *zug-vögel*) opponuntur *vernaculis*, h. e. quae in regione, ubi natae sunt, per hiemem quoque manent; *gruem* ad lautiores Romanorum epulas pertinuisse apparet in fr. Sat. II. 8. 87. cf. Plin. X. 23. s. 30. — *praemia*, saepe pro praeda; vide in re nota *Broukhus* ad Tibull. I. 2. 26. et *Burm.* ad Ovid. Fast. V. 104.

v. 37, 38. *Quis non mal. quas am. cur. hab.* cett. Cum vocis *amor* latius pateat significatio, in ea explicanda mire fluctuant *Interpretes*. Sed si cogitamus, foeneratorem loqui, orationem ita exorsum: *Beatus ille, qui procul negotiis* — *Solutus omni foenore*, iam amorem pro habendi cupiditate, et nominatim pro foeneris exercendi studio, accipiendum esse, vix dubitari potest. Sensus igitur erit: Quis inter haec rustica negotia non malis istis curis, quae cum lucri faciendi studio coniunctae sunt, solvitur? *amor* sc. habendi, quod paulo licentius omisit; addidit illud infra Epist. I. 7. 85. ut Ovid. Art. Am. III. 541. et Rem. 571; et sic passim *auri*, *argenti*, *nammi amor*. Varias huius loci explicationes vide apud *Interpret.*

Quodsi pudica mulier in partem iuvet
 Domum atque dulces liberos, 40
 Sabina qualis, aut perusta solibus
 Pernicis uxor Appuli,
 Sacrum et vetustis exstruat lignis focum,
 Lassi sub adventum viri:
 Claudensque textis cratibus laetum pecus 45
 Distenta siccet ubera;
 Et horna dulci vini promens dolio,
 Dapes inemtas apparet;
 Non me Lucrina iuverint conchylia,
 Magisve rhombus, aut scari, 50

v. 39—66. *Quodsi pudica cell.*
 Quodsi ad haec omnia accedat hoc,
 ut communem rerum domesticarum
 curam gerat pudica materfamilias,
 quae marito, ab opere diurno redeunti,
 accenso in foco igni, quo
 fessus ille recreetur, animanter prospiciat,
 oves claudat, mulgeat, et vino
 harno depromto agrestem coenam
 apparet; tum tenuis, quem rus sup-
 peditat, victus me quidem magis,
 quam epulae exquisitissimae sum-
 tuosissimaeque, delectaverit; *in*
partem iuvet domum, comparant Eu-
 ripid. Electr. v. 74 seqq. *Sabina*
qualis, laudatur passim, quae apud
 veteres Sabinos vigerit, tam mo-
 rum sanctitas, quam domesticae di-
 sciplinae severitas; cf. supra III. 6. 38.
 et Columell. Praef. ad Lib. XII. 7—
 40. *pernicis*, refer ad corporis agi-
 litatem, quae multa exercitatione pa-
 ratur; sic apud Liv. LXIV. 34. *cor-*
pus perniciosissimum, et XXVIII. 20.
corpora multa exercitatione pernici-
osa. — Nostrum imitatus est Statius Silv.
 V. l. 122 seqq. — *velut Appula con-*
*iux Agricola*e parci, vel sole infecta
 Sabino, Quae videt emeriti iam pro-

spectantibus astris Tempus adesse viri,
propere mensasque torosque Instruit,
expectatque sonum redeuntis aratri. —
Sacr. et *vetust.* *exstr.* — *Lassi.* sub adv.
vir., scilicet ut *aquam calidam*, qua
 fessus maritus lavetur, comparet, uti
 Tibull. I. 40. 42 disertius in re si-
 millima loquitur; *sacrum*, sc. *La-*
ribus; *vetustis* pro *aridis*. *pecus lac-*
tum, luxurians saliensque ob bonam
 corporis habitudinem. *distenta sic-*
cet uber. ornatus pro tenui; mulgeat;
 — *horna vina*, hornolina, hoc ipso
 demum anno nata, adeoque fere
 adhuc mustum. *promens dulci*
dolio, mustum scilicet servabatur
 primum in *cupa* sive *dolio* capaciore,
 unde illud, quando defaecatum fue-
 rat, in amphoras, testas vel cados
defluendebatur; vinum igitur ex *dolio*
haustum, vel *doliare*, bibere solebant
 tenuiores vel pauperiores, *defusum*
 vero et in apothecis vinariis recon-
 ditum beatiores; vid. Boettiger. et
 quem Ernesti in Clav. Cic. s. v. *do-*
lium laudat Abram. ad Cic. Philipp.
 II. 27. *dulci*, in quibus dulce vi-
 num sive mustum conditum est; —
conchylia Lucrina, e lacu Lucrino

Si quos Eois intonata fluctibus
 Hiems ad hoc vertat mare;
 Non Afra avis descendat in ventrem meum,
 Non attagen Ionicus
 Iucundior, quam lecta de pinguissimis 55
 Oliva ramis arborum,
 Aut herba lapathi prata amantis, et gravi
 Malvae salubres corpori;
 Vel agna festis caesa Terminalibus,
 Vel hoedus ereptus lupo. 60
 Has inter epulas, ut iuvat pastas oves
 Videre properantes domum!

petita, quae ceteris ostreis a lautiorum epularum aestimatoribus praeferrī solebant; cf. infra Sat. II. 4. 32. et Macrobius II. 41. *rhombus* (*schollenfisch*, *bütte*), passim inter melioris notae pisces laudatur; cf. infra Sat. I. 2. 416. Columellus VIII. 47. 9. — *scari*, vide, quos de hoc nobiliore pisce laudat *Jacobs* in *Animadv.* ad Anth. Gr. Vol. III. Pars I. p. 89. — *Si quos Eois inton. fluct. hiems ad h. v. m.* si forte tempestas, magno cum tumultu in mari Eoo exorta, eorum inde quosdam ad mare vicinum dispulerit; *Afra avis*, gallina Nunnica, guttata (*perluhn*), vid. *Schneid.* ad Columellum VIII. 2. 2. — *attagen Ionicus* (*rothes gehaubtes husseluhn*) Martial. XIII. 61. *Inter saporis fertur alitum Ionicarum gustus attagenarum*; est ille adhuc regionum Asiaticarum imprimis indigena; *herba lapathi* (*sauerampfer*), a *λανθάνειν*, h. e. inanire, sc. alvum; hinc infra Sat. II. 4. 29. *si dura morabitur alvus* — *pellent obstantia conchae*, Et *lapathi brevis herba*. — *prata amantis*, pratenais, in pratis praecipue et locis udis atque palustribus

nascentis; Plin. XX. 21. *malvae salubres corpori gravi*, h. e. alvum adstrictiorem levantes; hinc supra I. 34. 6. dicuntur *leves*; Martial. X. 48. 7. *Exoneraturas ventrem mihi villica malvas Attulit*, et varias, quas habet hortus, opes. *Terminal.* Celebrabantur *Terminalia* a. d. VII. Cal. Mart. vide de iis Ovid. Fast. II. 639 seqq. *caesa agna*, Ovid. l. l. v. 655. *Spargitur et caesa communi Terminus agna. haed. erept. lup.* vel quod eiusmodi hoedus, iam lupi dentibus laesus, mactari omnino debet, vel quod ea, quae bona fortuna nobis servata et reddita sunt, studiosius in usum et fructum convertimus.

v. 64—70. *Has inter epulas cett.* iam dulcissimam illam voluptatem, qua vespertino tempore post peractos diei labores rusticus perfunditur, breviter adumbrat. Concipit nempe animo foenerator iucundissimum illum sensum, quo rusticus inter epulas agrestes vel ovium pastarum domum properantium, vel bovis cum inverso vomere ad stabulum redeuntium, vel vernarum circa Larces sedentium ad-

Videre fessos vomerem inversum boves
 Collo trahentes languido!
 Positosque vernas, ditis examen domus,
 Circum renidentes Lares!
 Haec ubi loquutus foenerator Alphius,
 Iamiam futurus rusticus,
 Omnem redegit Idibus pecuniam,
 Quaerit Calendis ponere.

65

70

CARMEN III

AD MAECENATEM.

Parentis olim si quis impia manu
 Senile guttur fregerit,

aspectu afficitur! *vider. fess. vom. invers. bov. Coll. trah. langu. cf. supra III. 6. 41. et quem laudat Mitsch. Oppian. Cyneq. I. 138 seqq. vomerem inversum collo trahentes, h. e. aratra vomere inverso iugo suspensa trahentes; Virgil. Eclog. II. 66. Adspice aratra iugo referunt suspensa iuvenoi. renidentes, ignis in foco accensi splendore refulgentes; Mart. III. 58. 22. Cingunt serenum (lucentem) lactei focum vernae, Et larga festos lucent ad Lares silva. Haec ubi loquutus cett. Nihilominus tamen foenerator Alphius, haec locutus, ubi, iamiam futurus rusticus, omnem pecuniam (ad praedium sibi emendum) — Idibus redegit, eandem mutato consilio proximis Calendis quaerit ponere (denuo foenori dare). — Scilicet Calendae et Idus duo illi apud Romanos cuiusque mensis dies fuere, quibus pecunia vel foenori daretur, vel foenori data redigeretur (de locutione: pecuniam redigere, multa ex-*

la dedit Bent.); hinc non Calendae tantum debitoribus, ut Noster infra Sat. I. 3. 87. dicit, tristes fuere, sed etiam Idus, ut Catilinae, cui Cicero in Orat. I. in Catil. c. 6. *fortunarum ruinas proximis Idibus impendere* ait. — *pecuniam ponere* pro foenori dare, ut apud Cic. Verr. III. 70. *cum posita esset pecunia apud eas societates, unde erat attributa, binis centesimis foeneratus est.* Sic apud Graecos *βῆλλιν, καταβῆλλιν, τρέβειν*, de quibus vide, quem Mitsch. laudat, Taylor. ad Lys. p. 580.

CARMEN III.

Postquam allium Horatius inter medicos, quibus se misere illo sunt affligi queritur, cruciatus tanquam herbam, qua nulla unquam a veneficis tractata sit potentior, graviter in hoc carmine execratus est, Maecenatem, ne puellas forte gravi eius foetore ab amplexibus suis dimoveat, lepide allio abstinere iubet. — locum

Edit cicutis allium nocentius.

O dura messorum ilia !

Quid hoc veneni saevit in praecordiis? 5

Num viperinus his cruor

Incoctus herbis me fefellit? an malas

Canidia tractavit dapes?

Vt Argonautas praeter omnes candidum

Medea mirata est ducem, 10

utique aliquem, quo Horatium suum Maecenas facete luserat, huic carmini occasionem dedisse, ex epitheto *iocatur*, quod v. 20. Maecenati tribuit poeta, satis probabiliter colligi posse existimo. Quodsi igitur summus, Maecenatem Horatio ad se vocato inter alias epulas rusticum quoddam edulium sive moretum, ex allio confectum, quod maxime eum detestari sciret, apposuisse, et sic illum suaviter derisisse, causam certe, quae poetam ad hoc carmen scribendum impulerit, satis idoneam ponimus.

v. 1—4. *Parentis olim si quis* cett. Homini isti omnium scelestissimo, qui aliquando iu parricidio deprehensus fuerit, supplicium decernatur id, ut allium cicuta nocentius sumat.—*olim*, iam de tempore futuro. *edit* (ad antiquam subiunctivi formam *edim*, *is*, *it*), pro *edat*. *cicutis*, de cicuta, herba illa venenosa, publica Atheniensium poena invisae, vid. Plin. XXV. 43. s. 95. *O dura messorum ilia*, sc. quae perferre valent vim istam allii pestiferam! messoribus eiusmodi moretum, ex allio et aliis contritis herbis confectum, rustica mulier Thestylis parat apud Virg. Eclog. II. 40. *Thestylis et rapido fessis messoribus aestu Allia serpyllumque, herbas contundit olentes*.

v. 5—14. *Quid hoc veneni*, quale

dixerim ego illud veneni esse, quod cett. *viperinus cruor*, qui vim praesentissimi veneni habere putabatur; hinc supra I. 8. 40. proverbiali locutione: *vitare aliquid sanguine viperino cautius*. *incoctus*, coquant enim et incoquant herbas venenatas veneficae; sic *cocta gramina* apud Propert. II. 4. 8. et Medea apud Ovid. Met. VIII. 265. *Seminaque, floresque, et mucos incoquit acries*. *me fefellit?* mihi fraudi fuit? *Canidia*, cuius scelerata infra in carmine quinto et decimo septimo insectatur; *tractavit*, miscuit. *malas*, venenatas; *malus*, ut Graecorum *xxxōs*, saepe de rebus noxiis et veneno infectis; vid. *Drakenb.* ad Sil. Ital. VIII. 500. et *Burmann.* ad Petron. c. LVIII. *Vt Argonaut. praeter omn. candid. Medea* cett. Sensus: Allio sive allii succis Medea, postquam prae ceteris Argonautis ducis eorum pulchritudine capta fuit, Iasonem, utigneum spiritum taurorum, quos iugo, quod illi nondum experti erant, alligare debebat, perferre posset, inuasisse credibile est; *ignota taur. illig. iuga*, pro vulgari: tauros illigaturum ignotis iugis; plane ut supra carm. 2. 25. *Non ut iuvenis illigata pluribus Aratra nitantur mea*. cf. de hac re, quos laudant *Interpretes*, Pind. Pyth. IV. 393. Apollon. Rhod. III. 1041. et Val.

Ignota tauris illigaturum iuga,
 , Perunxit hoc Iasonem:
 Hoc delibutis ulta donis pellicem,
 Serpente fugit alite.
 Nec tantus unquam siderum insedit vapor 15
 Siticulosae Apuliae:
 Nec munus humeris efficacis Herculis
 Inarsit aestuosius.
 At, si quid unquam tale concupiveris,
 Iocose Maecenas, precor 20
 Manum puella savio opponat tuo,
 Extrema et in sponda cubet.

Flacc. VII. 463. *candidum*, pulchrum, formosum, ut saepe. *mirata est*, amore eius, postquam cum admiratione eius formam contemplata fuerat, capta fuit; cf. supra I. 4. 49. IV. 9. 15. *Hoc delibut. ult. don. pellic.* Allii quoque succis Medea dona illa nuptialia (pallam et coronam), quibus pellicem (*Creusam* sive *Glaucen*, novam Iasonis coniugem) ulcisceretur, delibuisse videtur; quare peracta illa curru alatis serpentibus iuncto aufugit; — habebant nempe venena illa, quibus dona nuptialia inunxisse Medea dicitur, hanc vim, ut *Creusam* cum tota eius domo comburerent. Res ex Euripidis *Medea* satis nota, cf. Hygin. Fab. XXV. et Apollodor. II. 28. cf. infra 5. 63. — *fugit*, Athenas nempe, vid. Apollodor. I. 9. 28. *Serpente alite*, h. e. alato, ut supra *Pegasus ales* IV. 41. 26.

v. 15—18. *Nec tantus unquam sid. insedit vapor* cett. nec tanto unquam solis aestu sub Sirii ortu arida illa terra Apulia (conf. III. 30. 41.) exu-

sta est, nec tanto aestu fortis olim Hercules per vestem a Deianira acceptam correptus est, quanto ego nunc per pestiferum, quod sumsi, corripior allium! *siderum vapor*, aestus, qui saevit sub ortu Sirii; *munus*, vestis, Nessi cruore tincta; vide Ovid. Met. IX. 430 seqq. *efficacis*, gravissima quaeque effecta reddentis, invicti.

v. 19—22. *tale*, suaviter pro allio, quod ne nomine quidem suo prae eius contemtu appellat; *iocose*, vid. *Argum.* Pro *iocose*, quod sane, nisi ad iocum, de quo in *Argum.* diximus, referimus, parum Maecenatis dignitati convenit, ingeniose *Marklandus* rescribendum esse censet *Iocosa*, ut ad puellam referatur; sed ne puella quidem, quae ob allii foetorem oscula repudiat, satis commode *iocosa* dicitur. *manum sav. oppon. tuo*; Propert. II. 29. 39. *Dixit et opposita propellens saria dextra Pro-sifit.* *extrema in sponda cubet*, extrema lecti parte a te semota cubet, ne allii foetorem trahat.

CARMEN IV.

Lupis et agnis quanta sortito obtigit,
 Tecum mihi discordia est,
 Ibericis peruste funibus latus,
 Et crura dura compede.

CARMEN IV.

Acerbissime poeta in hoc carmine hominis cuiusdam, qui e servo tribunus militum factus erat, superbiam et insolentiam traducit. Rem indignam plane et vix ferendam esse ait, quod homo, qui servus olim loris cactus et compede vinctus fuerit, nunc divitiis locupletatus omnes alios prae se contemnat, superbo gressu in toga laxa per viam Sacram se conspicendum inferat, amplissima latifundia possideat, curru mannis iuncto per viam Appiam volitet, et tribuni militum dignitate superbiens prima sedilia in spectaculis inter equites occupet! — Vulgo quidem hoc carmen: *In Sext. Maenam Pompeii libertum*, inscribitur, sed recte deleta est haec inscriptio ab Interpretibus recentioribus. Nam cum de tribuni militum honoribus, quos *Maenas* gesserit, nihil aliunde constet, nec ea, quae de servilibus poenis in hoc carmine commemorantur, in eum cadere videantur, infamis denique eius perfidia, quam vel maxime poeta notaturus fuisset, ne verbo quidem in eo notata fuerit; perperam illud a veteribus Scholiastis ad *Maenam, Pompeii libertum*, relatum esse facile apparet. — Incidit autem hoc carmen, si illud, ut ex versu 19. colligere licet, anno circiter V. C. DCCXVIII. quo exercitum contra Pompeii servilem manum missurus erat Octavia-

nus, scriptum est, in ea tempora, quibus plures omnino, qui infimo loco nati tam bonis, quam honoribus proscriptorum ad se translatis, altius verticem extollerent, exstitisse satis constat. Eiusmodi igitur hominem aliquem, cuius nomen scire nihil attinet, poeta in hoc carmine tanquam in tabula depictum omnium derisui et contemptui proposuit. — Obversatum Nostro esse Anacreontem, Fragm. XXVII. (edit. Fisch.) *Toupius* in *Epist. Crit.* pag. 180. monuit.

v. 1—4. *Lupis et agn. quanta cett.* Quantum lupis cum agnis, tantum tecum mihi intercedit odium, h. e. tu omnium mihi infestissimus es. De lupis et agnis sibi invicem infestissimis Homer. *Iliad.* XXII. 263. Οὐδὲ λύκοι τε καὶ ἄγριες ὀμάρροντα θυμὸν ἔχουσιν, ἅλλὰ κατὰ φρονέουσι διαμπερές ἀλλήλοισιν. *sortito*, ex affectu et instinctu cuique animalium per sortem fatalem insito. *peruste*, significanter pro *notate*, lora enim, dum terga notant, graviter eadem simul urunt; hinc apud Catull. XXV. 10. *imusta flagella*, ubi cf. not. infra *Epist.* I. 16. 47. *loris non ureris aio.* — *funibus Ibericis*, ex sparto, quod in Iberia s. Hispania nascebatur, tortis; vid. Plin. XIX. 4. s. 2. et conf. ad Catull. LXIV. 227. *crura, sc. peruste. dura compede*, nequiores praecipue servi tam in ergastulis, quam in opere foras faciendo, compedes gestare solebant.

Licet superbus ambules pecunia , 5
 Fortuna non mutat genus.
 Videsne , Sacram metiente te viam
 Cum bis trium ulnarum toga ,
 Vt ora vertat huc et huc euntium , 10
 Liberrima indignatio ?
 «Sectus flagellis hic Triumviralibus,
 Praeconis ad fastidium ,
 Arat Falerni mille fundi iugera ,
 Et Appiam mannis terit ;

v. 5—10. *Licet superb. ambul. pecunia.* licet superbo tuo incessu te divitem esse ostentes ; *superbus* tam ad *pecuniam*, qua quis superbit, quam ad *ambules* referendum ; *ambulare*, ut v. 5. *viam metiri*, de iis, qui incessu dignitatem quandam adfectant. — *Fortuna non mutat genus*, manes tamen semper servilis conditionis homo. *viam Sacram*, hanc viam enim frequentare inprimis solebat hominum otiosorum turba ; cf. infra Sat. I. 9. 4. *te metiente*, suaviter iam *viam metiri* dicitur is, qui, se non vulgarem hominem esse, ostensurus, incessu dignitatem suam prodere studet ; incedit autem eiusmodi homo vanus ita, ut gressus ad *mensuram* quandam dirigere videatur. — Pro vulgari lectione: *bis ter ulnarum*, cum Benteio *bis trium ulnarum*, Latinitate id postulante, dedi ; vid. Benth. — Toga laxa autem, vel, ut Ovidius Remed. Am. 680. loquitur, *toga laxo sinu conspicienda*, ab hominibus mollibus, luxuriosis et divitibus, tanquam opulentic insigne, gestabatur. Hinc apud Cicero-nem in Cat. II. 40. homines molliores *velis, non togis, amicti* dicuntur. — *Vt ora vert. huc et huc eunt. liberr.* indign. Vt in via Sacra te huc illinc

transeunt, converso ad te ore, liberrime indignationem suam prodant ? Sequentem orationem : *Sectus flagellis* cett. apte et graviter posita vanum nostrum hominem in via Sacra transeuntibus suggerit.

v. 11—16. *flagellis Triumviralibus*, de triumviris capitalibus, qui suppliciis a damnatis sumendis praeerant, vid. Lipsium ad Tacit. Annal. V. 9. et Cort. ad Sallust. Catil. 55. Eisdem de poenis servilibus ius dixisse docet Pignor. de Servis p. 13. *Praeconis ad fastidium*, scilicet, quo gravior poena olim ab isto homine sumta fuerat, eo maiori illa fastidio et molestiae fuit praconi, qui tam poenae causam, quam magnum plagarum numerum publice pronunciare debuerat. *Arat*, possidet, nihil amplius, ut supra III. 16. 26. *fundi Falerni*, in Campania, ubi ob regionis cum amoenitatem tum fertilitatem latifundia sua habebant Romanorum ditissimi. *mannis manni*, cf. supra III. 27. 7. equi Gallici (*zelter*), parvi quidem, sed velocitate sua nobiles, quibus beatiores inprimis ad celeriora in villas facienda itinera usi sunt ; Lucret. III. 1076. *Currit agens mannos in villam hic praecipitanter.* — *Appiam terit*, per viam Appiam

Sedilibusque magnus in primis eques,
 Othone contempto, sedet.
 Quid adinet tot ora navium gravi
 Rostrata duci pondere
 Contra latrones atque servilem manum
 Hoc hoc tribuno militum ? »

45

CARMEN V

IN CANIDIAM VENEFIGAM.

At, O Deorum quicquid in caelo regit
 Terras et humanum genus !

vehitur; haec via enim celeberrima ducebat in Campaniam et Brundisium. *Sedil. magn. in prim. equ.* *Oth. cont. sedet*, et in spectaculis, elusa et susque deque habita lege Roscia, tanquam magnus eques prima sedilia occupat. — Lege enim theatri, quam *L. Roscius Otho* V. C. DCLXXXVI. tulit, sancitum fuit, ne quis in quatuordecim gradibus sive cuneis, orchestrae, in qua senatores sedebant, proximis, sederet, nisi qui eques et equestri censu esset. Sed iste homo, quamvis ut tribunus militum equestri dignitate gaudebat, haec tamen legem Othonis contemnebat, h. e. eludebat, quod ex mente Othonis plebs et servilis conditionis homines, qualis iste fuit, ab equitibus secerni debebant.

v. 17—20. *Quid adinet cett.* *Sensus*: Quid expedit tanto apparatu classem instruere, ut latrones et servos vincamus, si servi apud nos ad tribuni militum honores evehuntur? — *ora nav. grav. pond. rostrata*, h. e. rostra navium gravi aeris pondere

munita. *latr. atq. serv. man.* Pompeii nempe exercitus, ad quem debellandum Octavianus V. C. DCCXVIII. profectus est, maximam partem tum ex piratis et servis undique collectis constabat; vid. Dio XLVIII. 20. Flor. IV. 8. conf. infra 9. 9—10.

CARMEN V.

Ad probrosa illa carmina, quibus vetularum amores petulantur Noster insectatus est, pertinet inprimis hoc, quod in anili Canidiae libidine diffamanda versatur. E multis, quos insolenter olim tractasse videtur Canidia, amatoribus, unus tantum, ut poeta narrat, ei relictus fuerat, ridiculus scilicet quidam senex *Varus*, et hic ipse alia simul scorta sectans. Ab his igitur cum eius animum non avertere posset formae, quam aetas abstulerat, lenocinio, ad artem magicam, qua ei vim faceret, confugere debebat libidine furens Canidia. Hinc, sive ista a superstitiosa plebe vere pro venefica habita, sive, quae hoc nominis differretur, digna poetae visa

Quid iste fert tumultus? aut quid omnium

Vultus in unum me truces?

Per liberos te, si vocata partubus

6

Lucina veris adfuit,

Per hoc inane purpurae decus precor,

Per inprobaturum haec Iovem,

fuerit, nefanda, quae furiosa anus ad libidinosi senis animum sibi uni devinciendum perpetraverit, enarrantur in hoc carmine scelera. In quibus cum unum praecipue atrocitate superaret cetera omnia, horrendum nempe illud consilium, quo ista ex pueri ingenui, fame enecti, medulla et iecore efficacissimum philtrum conficere instituerit; huius totius rei scenam in hoc carmine repraesentat, et Canidiam sacra magica cum tribus aliis administris, Sagana, Veia et Folia, adornantem inducit: adest puer, et cum malum sibi a Caudia parari ex truci eius in se defixo vultu animadvertit, eam, ut sibi parcat, per omnes deos rogat et obsecrat; sed frustra! Canidia miserum puerum, praetexta ei derepta, denudat, sacra magica apparat, et varia, quae iis adhiberi solebant, accendi iubet. Sagana domum lustrat, et Veia scrobem effodit, quo puer, ad mentum usque ita infusus, ut appositae dapes videre quidem, nec tamen eas attingere posset, in philtri miscendi usum fame pereat. Nec deest huic sacrorum magicorum administrationi Folia, famosa pariter tum temporis venefica. Mox Canidia horrendo carmine rerum magicarum numina, Noctem et Hecaten, appellat, easque, ut Varum sibi adducant, precatur. Quo non veniente indignatur illa de vano incantationis suae eventu, et efficacioris istam ex pueri iecore et medulla com-

parandam potionem minatur. Puer interim, nulla sui miseratione veneficas tangi sentiens, diras veneficis istis imprecatur, quas ipse poeta Canidiae in hoc carmine imprecaturus erat.

v. 4—10. Puer, mala, quae sibi immineant, expavescens, in haec verba erumpit: *At, O deorum quicquid in caelo reg. terr. et hum. gen. h. e. at per deos immortales, quid sibi vult hic tumultuosus apparatus? quicquid deorum, nota elegantia, pro omnes dii. Liv. III. 25. et quicquid deorum est. Idem II. 35. quicquid patrum, pro omnes patres. Plura vid. apud Drakenb. ad Liv. T. IV. p. 675. tumultus, videbat enim in rebus magicis apparandis huc et illuc discurrere veneficas. aut quid, sc. sibi volunt. in unum, sc. conversi; abrupta oratio egregie ad pueri perturbationem exprimendam adornata est. Per liberos, bene pueri animum doloris, quem parentes (conf. v. 104.) eius interitu suscepturi aint, subit cogitatio; itaque obtestatur Canidiam per maternum eius, si vere mater sit, animum, ut parentum causa sui misereat. si vocata Lucin. conf. supra ad III. 22. 3. partibus veri, vere parienti, h. e. nisi forte eos aliis matribus per malas fraudes subduxeris; inter ipsas preces legitur puer notat Canidiae scelera, quod ad totius carminis consilium referendum est. Per hoc inane*

Quid ut noverca me intueris, aut uti
Petita ferro bellua?

40

Vt haec tremente questus ore constitit
Insignibus raptis puer,

Inpube corpus, quale posset in pia
Mollire Thracum pectora;

Canidia, brevibus implicata viperis
Crines et incommum caput,

15

Iubet sepulcris caprificos erutas,
Iubet cupressus funebres,

Et uncta turpis ova ranae sanguine,
Plumamque nocturnae strigis,

20

purp. decus, per hanc togam praetextam, ingenuitatis meae insigne, vatum illud, si me non tutum praestare potest a tua violentia; *inane*, quia nulla praetextae ratione habita vim parabat Canidia; de *praetexta*, ut insigni, quod pueros ingenuos contra iniuriam et violentiam muniret, laudant Quintil. Decl. CCCXL. extr. *Ego vobis allego etiam ipsum sacrum praetextarum, quo sacerdotes velantur, quo magistratus, quo infirmitatem pueritiae sacram facimus ac venerabilem. Scelus autem Canidiae eo, quod eius furor ne ingenuo quidem puero pepercit, mirum in modum augeri, quilibet ipse sentit. aut uti petita ferro bellua*, vel ut saeva bestia eum, a quo petita est, intueri solet, torvis nempe et minacibus oculis.

v. 11—21. *Vt haec tremente quest. ore cett.* Sensus et orationis nexus: Postquam puer, haec ore tremente questus, praetexta ei derepta, ut corpus inpube et nudum (per appositionem pro inpubi corpore), cuius ad aspectus vel impia Thracum pectora flectere posset, constitit; tum Canidia cett. *brevibus implicata viperis*

crin. et incomm. cap.; Furiarum more anguineo capillo redimita; hinc venefica Eriechto, ad sacra magica se accingens, apud Lucan. VI. 654. *Discolor et vario Furiarum cultus amictu Induitur, vultusque aperitur crine remoto, Et coma viperis obstringitur horrida sertis. incommum*, sic Tisiphone apud Tibull. I. 3. 69. *Tisiphone neque impeza comas pro crinibus angust. caprific. erut. sepulchr.* ad infestas enim et infelices arbores, quarum ligna in sacris magicis accendi solebant, pertinebat caprificus in sepulcris nata; cf. Propert. IV. 5. 74. *cupressus funebres*, quia cupressus in tumulis poni solebat; hinc supra II. 4. 5. dicitur *invisa. uncta*, polluta, contaminata, ut supra II. 4. 5. *arma cruore uncta. turpis ranae, rubetae*, quae, quia sanguine venenato, ut vipera, turgere putabatur, sacris magicis inservit; vid. Propert. III. 6. 27. *nocturnae strigis*, ex nocturnarum genere; ob flebilem inprimis vocem, quam noctu e culminibus et in bustis edit, inauspicatae; de eius, uti *babouis*, in sacris magicis usu vid. Ovid. Fast. VI. 139.

Herbasque, quas Iolcos atque Iberia
 Mittit, venenorum ferax,
 Et ossa ab ore rapta ieiunae canis,
 Flammis aduri Colchicis.
 At expedita Sagana per totam domum
 Spargens Avernales aquas,
 Horret capillis, ut marinus, asperis,
 Echinus, aut Laurens aper.
 Abacta nulla Veia conscientia
 Ligonibus duris humum
 Exhauriebat, ingemens laboribus;
 Quo posset infossus puer
 Longo die bis terque mutatae dapis
 Inemori spectaculo:

25

30

seqq. Senec. Med. 734 seqq. *Iolcos*, urbs Thessaliae, ut nimis Thessalia, venenorum feracissima; Tibull. II. 4. 56. *Iberia*, Ponti regio, Colchis vicina; intelliguntur igitur venenatae herbae, qualibus Medea usa sit. cf. Virg. Eclng. VIII. 95. *Colchicis*, magicis, quales additis lignis infelicibus accenderit Medea Colchica.

v. 25—28. *expedita*, succincta, sedula; *sparg. Avern. aqu.* sc. ad domum lustrandam. *aquae Avernales*, ex Averno petitae. Hinc Dido, sacra magica ad se amore exsolvendam inatituens, apud Virg. Aen. IV. 512. *Sparserrat et latices simulatos fontis Avern;* et sic *Stygiius lacus* apud Propert. IV. 3. 45. *marinus echinus*, erinaceus (*meer-igel*), hinc ducta proverbialis locutio *ἰχθύον τρυχόρτος*. *Laurens*, hanc lectionem, quae N. Heinssii debetur ingenio, non dubitavi cum *Bentleio* in testum recipere, cum vulgata lectio *currens*, aprorum naturae repugnet,

quippe qui non *currendo*, sed stando et pugnae se aplaind setis inhorrescere solent; vid. Hm. Iliad. XIII. 474. et Odyss. XIX. 439 et 446. *Laurens*, epitheton ornans, quod *apris*, quos Laurentes silvae alere inprimis solebant, saepe tribuitur; multa exempla vid. apud *Bentleium*.

v. 29—41. *Abacta nulla Veia conscientia*, Veia, quae a re iussa se nun abigi et deterreri patiebatur sceleris, quod perpetraret, conscientia, *humum exhauriebat*, scrobem effodiebat; *ingemens laboribus*, significanter de durare labore, qui omni virium nisu inter gemitus et anhelitus perficitur; sic fere apud Virgil. Georg. I. 48. *taurus aratro ingemere* dicitur. *Quo posset infossus puer long. d. b. t. mut. dap. inem. spectac.* ut ibi infossus puer adspectu appositarum epularum, et saepius per longum diem, ut eo maiore earum desiderio maceraretur, mutatarum intabesceret et fame enecaretur; *posset inemori*, pro inemoraretur; *posse*

Quum promineret ore, quantum extant aqua 35
 Suspensa mento corpora :
 Exsucta uti medulla, et aridum iecur
 Amoris esset poculum :
 Interminato quum semel fixae cibo
 Intabuissent pupulae. 40
 Non defuisse masculae libidinis
 Ariminensem Foliam ,
 Et otiosa credidit Neapolis ,
 Et omne vicinum oppidum :
 Quae sidera excantata voce Thessala , 45
 Lunamque caelo deripit.
 Hic irsectum saeva dente livido
 Canidia rodens pollicem ,

enim saepe inservit periphrasi. — *aqua suspensa mento corpora*, viva imagine pro tenui: natantes. *medulla exsucta*, fame exesa et exsiccata; *Ammian. Marcell. XXX. 4. ad usque ipsas medullas exsuctus. Amoris poculum*, philtrum. *quum semel*, h. e. simulac, ut *ut semel* infra Sat. II. 2. 424. *cibo interminato*, ad quem tangendum non admissus fuisset.

v. 41—46. *Non defuisse masculae libid. Ariminens. Foliam*, cett. Sensus: *Foliam*, Arimino (Umbriae oppido) ortam, nefandae libidinis veneficam, operam suam his sacris magicis commodasse, Neapolis et vicinorum oppidorum incolis persuasum fuit;—haud dubie quod in hac praecipue regione multa de Foliae arte magica circumferebantur; *masculae libidinis*, Graecis eiusmodi femina, quae ipsa libidini suae contra leges naturae satis facere studet, τριβία; dicitur; vid. *Martial. I. 94. et cf. Iuvenal. VI. 310. otiosa*, incundum

litterarum amantibus otium praebens; de *Neapoli*, studiorum sede, vid. *Wernsdorf. ad Poët. Min. T. IV. Excurs. IX. p. 395. Sed Cl. Mitsch. idem nunc Neapolin otiosam dictam esse putat*, quod Romani, amoenitate regionis invitati, eo secedere soliti fuerint. *voce Thessala*, carmine magico. *Lunamq. caelo deripit*, *Ving. Eclog. VIII. 69. Carmina vel Caelo possunt deducere Lunam*, ubi fusa de hac re egit *Cerda*.

v. 47—54. *Hic irsect. saev. dent. livid. Canid. rod. pollicem*, en foedam corporis spurcitiem, qua Canidia carmen magicum decantans inducitur! *irsectum pollicem*; Furiae quoque, quarum externum habitum veneficiis induunt poëtae, ungues irsectos gerunt, uti depictam earum unam nobis dedit *Boettigerus* in praeclaro libello: *Furien-Maske* (*Wicmar 1804.*) Tab. I. cf. infra Sat. I. 8. 26. *livido*, lurido, carioso, quales vetularum

Quid dixit? aut quid tacuit? O rebus meis
 Non infideles arbitrae, 50
 Nox, et Diana, quae silentium regis,
 Arcana quum sunt sacra,
 Nunc nunc adeste: nunc in hostiles domos
 Iram atque numen vertite.
 Formidolosae dum latent silvis ferae, 55
 Dulci sopore languidae,
 Senem, quod omnes rideant, adulterum
 Latrent Suburanae canes,
 Nardo perunctum, quale non perfectius
 Meae laborarint manus. 60

dentes esse solent. *Quid dixit? aut quid tacuit?* nefanda quaeque effata et palam professae est; quod gravius per interrogationem extulit poeta. — *O rebus meis Non infidel. arbitr. Nox et Dian.* cett. Noctem et Dianam sive Hecaten, sacrorum magicarum praesides, veneficarum more invocant Canidia; ut Medea apud Ovid. Met. VII. 492 seqq. *Nox, ait, arcana fidissima* — *Tuque triceps Hecate, quae coepta conscia nostris Adulatrixque venis*, cf. Senec. Med. 740. et Lucan. VI. 695 seqq. *quae silentium regis Arcana, quum sunt sacra*, pro vulgari: quae sacra arcana moderaris, quum illa sub noctis silentio sunt. *Nunc, nunc adeste: nunc in hostil. dom. Ir. atq. num. vert.* « ex antiquo, ait Mitscherl. precandi ritu, pro: mihi propitiae sitis, ira vestra in hostes ablegata. » Sed in quosnam Noctis et Dianae hostes? per hostiles domus haud dubie intelligendae sunt eae, quae ipsi Canidiae infestae fuerunt; malim igitur de meretricibus, quae Varum a Canidiae amplexibus nunc delinere, cogitare.

v. 55—60. *Formidolosae dum lat.*

silv. ferae cett. vulgarem sententiam « Adducite mihi senem » meretricibus Suburanis » ita effert: Facite, quaeso, O Deae, ut media nocte Varum, nardo, quale melius et perfectius ego nunquam mihi confecisse videor, perunctum, canes in vico Subura petant, et latralu, de qua re omnes risum tollant, redeuntem persequantur. *Suburanae canes*, in vico enim Subura, s. Suburra, nequitiae suae officinam habebant meretrices; hinc apud Mart. VI. 66. v. 4 seqq. de praecone puellam vendente: *Famae non nimium bonae puellam, Quales in media sedent Suburra, Vendeat modo praecon Gellianus.* cf. Pers. V. 32. *nardo perunct.* per nardum Canidia non proprie unguenta, quibus alias homines venustiores vel ridiculos adeo senes (cf. Plaut. Casin. Act. II. Sc. 3.) puellis placendi causa se delibuisse constat, sed satis salubres venenatas herbas, quarum vi nunc adduci debebat Varus, intellexisse videtur, alias non addidisset: *quale non perfectius* (h. e. efficacius) *Meae laborarint manus.* Canidia enim, ut venefica, non nar.

Quid accidit? cur dira barbarae minus
 Venenâ Medae valent,
 Quibus superbam fugit ulta pellicem
 Magni Creontis filiam,
 Quum palla, tabo munus imbutum, novam 65
 Incendio nuptam abstulit?
 Atqui nec herba, nec latens in asperis
 Radix fefellit me locis.
 Indormit unctis omnium cubilibus
 Oblivione pellicum. 70

dum, sed venena parabat miscebatque, nec facile nardum, quo perunctus meretricibus placeret Varus, ei suppeditatura fuisset.

v. 61—70. *Quid accidit? cur cett.* Non uno tenore haec omnia pronunciasse, sed orationem interdum, ut res ferebat, Canidiam inhibuisse puta. Cum igitur, compressa iam aliquantisper voce, Vatum, quem ad se reditum esse speraverat, frustra expectasset Canidia, tum illa morae impatiens et indignatione de vano incantationis suae effectu plena in haec fere verba erumpit: « Quid tandem accidit, cur minus nunc vim suam exseruat venena alias efficacissima? Atqui ego omnium herbarum venenatarum sum scientissima! Nihilominus Varus indormit nunc omnium pellicum cubilibus,⁴ medicamine quasi aliquo, quod mei oblivionem inducat, infectis! » Apud Virgilium quoque Eclog. VIII. venefica ita carmen suum decantat, ut eventum incantationis expectando in media oratione aliquantisper subsistat; sic enim illa v. 101. *Fer cineres, Amarylli, foras, vivoque fluenti Transque caput iace, nec respexeris;*

his ego Daphnin Adgrediar; iam expectat redeuntem ab urbe Daphnim, qui cum interposita aliqua mora non venisset, tum demum addit: *nihil ille deos, nil carmina curat.* cur dira venena Medae, cum Medea se comparat Canidia, et quum illius venena vim habuisse feruntur, eandem suis quoque venenis vindicat, uti venefica apud Theocrit. II. 15. *Φάρμακα τὰὐτ' ἱπδοῦσα χερτίονα μήτε τι Κίρκης, μήτε τι Μήδιδας, μήτε ξανθᾶς Περμηνίδας.* barbarae, Colchicae. — *superbam pellicem*, Creusam s. Glaucon, ob honorem, quo ab Iasone Medae praelata fuerat, magnifice se nunc extollientem; similissime autem supra Epod. 3. 14. de Medea: *Hoc delubris ulta donis pellicem, Serpente fugit alite*, ubi de hac re cf. not. *tabo munus imbutum*, quam (pallam) veneno infectam ut munus nuptiale Creusae miserat *fefellit me*, fugit meam artis magicæ peritiā; — *cubilibus unctis oblivione*, cubilia, ubi nunc latebat Varus, Canidiae plane immemor, paulo sublimius *uncta oblivione* dicuntur, h. e. eiusmodi quasi herbis imbuta, quae oblivionem offunderent.

Ah! ah! solutus ambulat veneficae
Scientioris carmine.

Non usitatis, Vare, potionibus
O multa fleturum caput!

Ad me recurre: nec vocata mens tua
Marsis redibit vocibus.

75

Maius parabo, maius infundam tibi
Fastidienti poculum.

Priusque caelum sidet inferius mari,
Tellure porrecta super,

80

Quam non amore sic meo flagres, uti
Bitumen atris ignibus.

Sub haec puer, iam non, ut ante, mollibus
Lenire verbis inpias;

v. 71—82. *Ah! ah! solutus ambulat venef. scient. carm.* Antequam haec loqueretur Canidia, eam paulisper in meditatione defixam adstitisse, et de causa irriti sui conatus cogitasse existima, qua inventa « Ah! Ah! » inquit, nunc scio, cur Varus non venerit; illa scilicet scientioris cuiusdam veneficae carmine a vi incantationis meae solutus nihil mea carmina curat, sed secure et libere circumvagatur; *ambulat*.) *ambulare* iam de his, qui securi et uti ab omni periculo incedunt; supra IV. 5. 17.

Tutus bos etenim rura perambulat. — *Non usitat. Vare, pot. O multa fletur. cap. cett.* Ergo, O Vare, novae et insolitae, quam tibi miscebo, potionis vi non sine multis lacrimis ad me recurre, nec te semel mihi advocatum alia saga iterum a me advocare carmine suo valebit. *multa fleturum, multa* pro multum; sic plane *multa lacrimans* apud Ennium in *Fragm.* pag. 124. edit. *Heasel.* quod existat apud Ciceronem de *Divinatione*

I. 20. *Marsis vocibus*, pro quibusque carminibus magicis. *Marsi* ut serpentium venenatorum domitores praecipue celebrantur, vid. Aulium Gellium lib. XVI. 11. Virgilium. lib. VII. 758. *Marsis quaesitae montibus herbae*, ubi vid. *Cerd.* cf. *Nic. Heins.* ad Ovid. *Art. Am.* II. 402. infra 47. v. 29. *Marsa naenia* pariter de carmine magico. *Maius parabo* cett. multo fortius et potentius philtum tibi parabo, et tibi, quamvis invito et reluctanti, infundam. *Priusque caelum sidet* cett. Et prius totus rerum naturae ordo invertetur et confundetur, quam fieri poterit hoc, ut non tanta, quanta nunc hoc bitumen, amoris mei flamma corripiaris. — *Bitumen*) de bituminis in re magica usu cf. Virg. *Eclog.* VIII. 82. *atris*, refer ad atrum fumum, quem bituminis flamma volvit rotatque.

v. 83—102. *Sub haec puer*, dum haec Canidia peragebat, et puer nihil spei sibi relictum esse intelligebat. — *lenire*, sc. tentavit, aggressus est,

HOR. TOM. I

A a

Sed dubius, unde rumpere silentium, 85
 Misit Thyesteas preces:
 Venena magnum fas nefasque, non valent
 Convertere humanam vicem.
 Diris agam vos: dira detestatio
 Nulla expiatur victima. 90
 Quin, ubi perire iussus expiravero,
 Nocturnus occurram Furor,
 Petamque vultus umbra curvis unguibus,
 Quae vis Deorum est Manium;
 Et inquietis adsidens praecordiis, 95
 Pavore somnos auferam.
 Vos turba vicitim hinc et hinc saxis petens
 Contundet obscenas anus.

vel simpliciter pro lenibat. unde *rumpere silentium*, quibus verbis iustam de inaudita veneficarum in se crudelitate iram palam faceret. — *preces Thyesteas*, execrationes, quibus Thyestes fratrem suum Alcreum insectatus est. *Venena magnum fas, nef.* non val. conv. human. vic. Sensus: Veneficae quidem incantationibus suis sanctissima quaeque polluere et fanda nefandis permiscere valent, sed eadem non valent sortem et poenam, quae earum scelera manet, immutare et a se avertere. — *fas nefasque convertere*, similiter fere ap. Virg. Georg. I. 505. Quippe ubi fas versum atque nefas. humanam vicem, sortem hominum sceleribus destinatam: ἀποσφῖν, ἀντρέω, cf. supra I. 28. 33. *diris vos agam*, malis execrationibus, quibus poena a vestris sceleribus expetatur, vos urgebo et persequar. *agere*, pro urgere, persequi, ut carm. seq. v. 7. — *Nocturnus occurram Furor*, tempore nocturno vobis vexandis et terrendis

adereo. Vti Furiae scelestos homines, ita puer veneficas persequi vult; sed, ut puer, non Furiarum, sed Furoris personam induit. Comparant Sueton. Ner. 34. neque sceleris conscientiam — ferre potuit, saepe confensus exagitari se materna specie, verberibus Furiarum ac taedis candentibus, Dido quoque paulo ante mortem apud Virgil. Aen. IV. 384. Sequar atris ignibus absens, Et, quum frigida mors anima seduxerit artus, Omnibus umbra locis adero. Petamque vultus, Ovid. in Ibin 146. Tum quoque factorum veniam memor umbra tuorum, Insequar et vultus ossea forma tuos. — Quae vis Deor. est Man. apposite in hanc rem Cl. Mutsch. laudat Val. Flacc. III. 386. adsidens; notissimus est locus Ciceronis pro Rosc. Amerin. c. 24. ubi, re, quam poëtae per Furiarum imaginem designare voluerint, exposita, additur: Hae sunt impiis adsidue domesticaeque Furiae, quae dies noctesque parentum poenas a consceleratissimis filiis re-

Post insepulta membra different lupi,
 Et Esquilinae alites,
 Neque hoc parentes, heu mihi superstites!
 Effugerit spectaculum.

100

CARMEN VI.

Quid inmerentes hospites vexas, canis,
 Ignavus adversum lupos?

petant. obscenas, abominandas, detestabiles; exempla vid. ad Catull. LXVIII. 99. *different*, huc illuc secum tracta devorabunt. *Esquilinae alites*, intellige aves famelicas et rapaces, accipitres, milvius, corvos, cett. in regione illa ad montem Esquilinum, ubi supplicia a damnatis sumebantur, circumvolitantes, et proiecta occisorum corpora dilaniantes. *Neque hoc parent. heu! mihi superstit.* *Effug. spect.* Quod quidem poenarum a scelestis veneficiis expetitarum spectaculum parentibus meis, heu tristi meo fato superstitibus, accidet gratissimum; h. e. parentes autem mei superstites de hac gratia scelestis veneficiis relata gaudebunt.

CARMEN VI.

Contra hominem quendam maledicum, ignavo pusilloque animo eos tantum, quos se impune rodere posse sciret, petentem, minaciter poeta exurgit. Comparat autem istum hominem cum eiusmodi cane degeneri, qui quosque quidem sibi obvios sine omni discrimine ferociter allatret, sed ipse petitus timide refugiat, vel obiecto cibo statim placetur; se vero cum iis canibus generosioribus, qui, quas semel sibi infectas feras petunt,

in iis urgendis et persequendis fortiter persistent. Moeet igitur istum hominem, ne temere se lacessat, dum, demta canis imagine, eiusmodi ei minatur iambos quales olim Archilocus in Lyeambem, et Hipponax in Bupalum vibraverit. — Vulgo hoc carmen *In Cassium Severum* inscribitur, sed quod supra ad huius libri carmen quartum de *Sex. Maena Pompeii liberto*, cui illud vulgo inscribitur, monuimus, idem nunc de *Cassio Severo* valet. Quodsi enim Horatius hoc carmen cum inscriptione: *In Cassium Severum* publicasset, haud dubie ipsum Cassium in hoc carmine appellasset. Sine dubio igitur huius carminis inscriptio veteri cuidam Scholiastae debetur, qui, cum apud Tacit. Annal. I. 72. et IV. 21. *Cassium Severum* hominem maledicentissimum fuisse legisset, se eum, in quem scriptum esset hoc carmen ab Horatio, invenisse putavit.

v. 1—1. *Inmerentes hospites*, maledicus igitur isto homo eorum adeo bonae famae, quos laedere nefas fuit, obrectare solebat; *canis*, prava ista obrectandi maledicendique aliis libido passim cum importuno canum latratu comparatur; hinc maledicta aliis ingerentes *latrare*, Gr. *ὠλακτῆν, βρυῆσθαι*, dicuntur; vid.

Quin huc inanes, si potes, vertis minas,
 Et me remorsurum petis?
 Nam, qualis aut Molossus, aut fulvus Lacon, 5
 Amica vis pastoribus,
 Agam per altas aure sublata nives,
 Quaecunque praecedet fera.
 Tu, quum timenda voce complesti nemus,
 Proiectum odoraris cibum. 10
 Cave, cave! namque in malos asperrimus
 Parata tollo cornua;
 Qualis Lycambae spretus infido gener,
 Aut acer hostis Bupalò.

Mitsch. — Noster autem homo similis fere fuit iis canibus, de quibus Cicero in Orat. pro Rosc. Am. c. 20. ait: *Quodsi luce quoque canes latent, quum deos salutatum aliqui venerint: opinor, iis errura suffringantur, quod acres sint etiam tum, quum suspicio nulla sit;* — comparat nempe Cicero in hoc loco malos accusatores cum canibus importuno tempore latrantibus. *lupos*, qui non sine periculo a canibus petuntur, adeoque nunc pro iis, qui maledicorum voces facile comprimere possunt. Cl. *Mitsch.* comparat Pind. Pyth. II. 154. — *inanes minas*, quales sunt eorum canum, qui terrent tantum latrando, non nocent mordendo. *si potes ac*, hoc impetrare ab ignavia tua.

v. 5—10. *aut Molossus aut fulvus Lacon.* — canes Epirotici et Spartani, paulo robustiores, tam pastoribus ad greges a nocturnis furibus et luporum incursu defendendos, quam venatoribus ad feras indagandas et persequendas inserviebant; Virgil. Georg. III. 404. *Nec tibi cura canum fuerit postrema; sed una Peloponnesi Spartae catulos acremque Mo-*

lossum Pasce sero pingui. *Nunquam custodibus illis Nocturnum stabulis ferrem, incursumque luporum, horrebis*, ubi de utriusque canis forma et indole egit *Vossius*. *Quaecunque praecedet fera*, pro agam quamcunque, quae mihi praecedet, feram, h. e. omnes ante me currentes feras urgebo et persequar. *Proiect. odoraris cibum.* Cl. *Mitsch.* comparat Martial. IV. 53. 6.

v. 11—16. *Parata tollo corn.* cum armis, quae in promptu habeo, fortiter exurgam; intelligit nimirum iambo, quibus ita se aggressurum esse ait maledicos, uti cornibus suis taurus sibi infestos aggredi solet. Non persistit igitur poeta in allegoria a canibus ducta, sed nova imagine se timendum facit maledicis; quae quidem imaginum mutatio et diversitas displicere omnino debet rem ad artis praecepta aestimantibus; cf. supra ad II. 5. 9. *Qual. Lycamb. spret. infido gen. A. ac. host. Bup.* qualem se Lycambae praebuit Archilochus, cum ille filiam suam iam Archilochi desponsatam concessisset alii; aut qualis iram suam effudit Hipponax in

An, si quis atro dente me petiverit,
Inultus ut flebo puer?

15

CARMEN VII

AD POPULVM ROMANVM.

Quo, quo scelesti ruitis? aut cur dexteris
Aptantur enses conditi?
Parumne campis atque Neptuno super
Fusum est Latini sanguinis?

Bupalum, quod is cum Anthermā Hipponactis imaginem, foeditate insignem, ridentium circulis exposuerat; vid. Plin. XXXVI. 5. Vterque autem poëta, Archilochus quidem Lycamben, Hipponax vero Bupalum et Anthermum, iamborum suorum acerbitate ad restim redegissee dicitur. — *inultus*, qui ob infirmitatem suam non ulcisci potest factam sibi iniuriam.

CARMEN VII.

Scriptum est hoc carmen sine dubio eo tempore, quo, cum, vieto Lepido et Sext. Pompeio oceiso, sopita aliquamdiu quievisset bella civilia, novum illud, quod Vrb. Cond. DCCXXI. contra Antonium parabat Octavianus, gliscare inciperet, et ignes doloso cineri suppositi iam iam prorumpere viderentur. Poëta igitur nova, quae patriae intendantur, animo concepiens pericula, populares suos a nefando isto bellum civile redintegrandi consilio ita detertere studet, ut primum mala et damna,

quae bella civilia iam intulerint, iis ante oculos ponat; deinde, quam coecus iste furor sit, quo se non contra hostem aliquem externum, sed saevis bestiis adeo immaniores contra semetipsos agi patiantur, graviter ostendat; denique fatalium, quae eorum scelera maneant, poenarum praesagitione eos perecellat.

v. 1—4. *Quo, quo scelesti ruit. quo tandem rapi vos patimini vestris, O cives, sceleribus? scelus (αἴσχος) admittunt, et ei expiando se obligant, qui sanguine, in bello civili fuso, inquinantur; hinc supra I. 2. 29. de bellis civilibus: Cui dabit partes scelus expiandi Jupiter? enses conditi, postquam nempe V. C. DCCXVIII. Pompeius Antonii iussu occisus fuerat, vid. Dio XLIX. 48. Vell. II. 79. ensibus huc usque in vagina conditis per aliquot annos a bello civili cessatum fuerat. campis atque Nept. sup. terra marique: supra II. 4. 29. de bellis civilibus: Quis non Latino sanguine pinguior Campus sepulcris impia proelia Testatur — quod mare Dauniae Non decoloravere caedes?*

Non ut superbas invidae Carthaginis

Romanus arces ureret :

Intactus aut Britannus ut descenderet

Sacra catenatus via :

Sed ut, secundum vota Parthorum, sua

Vrbs haec periret dextera.

Neque hic lupis mos, nec fuit leonibus,

Nunquam, nisi in dispar, feris.

Furorne caecus, an rapit vis acrior?

An culpa? responsum date.

v. 5—10. *Non ut superbas*, cett. non quidem ut Romani sanguinem illum contra hostes externos fundarent, et, sicut olim, vel superbam Carthagioem everterent, vel de Britannis perdomitis triumpharent, sed ut Romanum imperium ex voto Parthorum se suis ipsius viribus conficeret. *superbas*, refer ad Carthaginiensem de potentia sua superbiam. — *invidae*, summi imperii gloriam Romanis invidentis; hinc *invida Romani imperii aemula* Carthago dicitur apud Sallust. Cat. 10. *intactus aut Britanu.*) *intactus* dicitur Britannus, cum non adiectus imperio Romano (vid. supra III. 5. 3. et ibi not.) integris adhuc viribus resisteret Romanis. *descend. sacra catenata*, victus per viam Sacram ante currum triumphantis duceretur, et inde in carcerem (ubi supplicia a captivis sumebantur), *descenderet*. Laudant in hanc rem locum Ciceronis Verr. V. 30. *At etiam qui triumphant, eoque diutius vivos hostium duces servant, ut, his per triumphum ductis, pulcherrimum spectaculum, fructumque victoriae populus Romanus percipere possit; tamen eum de foro in Capitolium eorum fletore incipiunt, illos duci in*

carcerem lubent; idemque dies et victoribus imperii, et victis vitae finem facit. secundum vota Parth. ut optant imperio nostro infestissimi. Notus in hanc sententiam est locus Hom. II. I. 255. *Η κεν γηθήσαι Πρίαμος, Πριάμοιο τε παῖδες, Ἄλλοι τε Τρώες μάλα κεν χαράοιτο θυμῷ, Εἰ σφῶν τάδε πάντα πύλοισι παρναμένοισιν.* *sua Vrbs haec periret dextera*, similiter infr. Epod. XVI. 2. *Suis et ipsa Roma viribus ruīt.* Liv. in Proem. *legentium plerisque* — *festinantibus ad haec nova, quibus iam pridem praevaletis populi vires se ipsae conficiunt.*

v. 11, 12. *Neque hic lup. mos, nec fuit leon. cett.* Eiusmodi immane, quo cives in cives saeviunt, ingenium nec lupis nec leonibus esse solet, qui nunquam, nisi in dispar genus, saeviunt. Iuvenal. XV. 160. *quando leoni Portior eripuit vitam leo?* ubi in sententiam, *feras non saevie in sui generis feras*, plura exempla attulit Gl. Ruperi.

v. 13—16. *vis acrior*, divinitus, velut *noxa*, immissa mentis coecitas; *ἡσθησθα. culpa* (ἀν), delicta et scelera, quae perpetrata a maioribus nepotes luere et expiare debent.

Tacent; et ora pallor albus inficit,
 Mentisque percussae stupent.
 Sic est; acerba fata Romanos agunt,
 Scelusque fraternae necis:
 Vt inmerentis fluxit in terram Remi
 Sacer nepotibus cruor.

15

20

CARMEN VIII.

Rogare longo putidam te saeculo,
 Vires quid enervet meas?

cf. III. 6. 4. *Tacent*, tacendo mentem suam aperiunt, et se culpa obnoxios fatentur. Cic. in Catil. I. 8. *Quid est, Catilina? coquid attendis? coquid animadvertis horum silentium? patiuntur, tacent. stupent*, significanter pro tenui sunt.

v. 17—20. *Romanos agunt*, urgent et premunt. *scelusque fraternae necis*, scelus, quod Romulus fratris sui caede commisit. *Vt inmer. flux. in terr.* *Remi sac. nep. cruor*, postquam sanguis innocentis Remi in terram fluxit nepotibus sacer, h. e. expiandus, sive, postquam Romulus parricidium nepotibus expiandum perpetravit. *Bella civilia* ab hoc parricidio, tanquam prima Romanae gentis labe, repetit quoque Lucanus l. 95. *Fraterno primi maduerunt sanguine muri*. Sed Virgilius Georg. I. 502. *maiorum scelera, nepotibus per bella civilia expianda, altius a Laomedontis periuriis derivat*.

CARMEN VII.

In nullo carmine magis pudicitiae et honestatis leges migrasse videtur Horatius, quam in hoc, ubi turpem

libidinosae anus formam pudenda plane protervia descriptam dedit. Quae quidem protervia licet lectorum cuique, qui non omni honestatis sensu destitutus sit, displicere omnino et nauseam creare debeat, eadem tamen aetatis, qua hoc carmen scriptum est, licentia et ingenio excusari quodammodo posse videtur. Fortasse quinque totius huius carminis spurcities Archilocho vel alii poetae Graeco, quem Noster expressit, tribuenda est. — Pingit autem poeta, vetulam aliquam ex se quaesivisse, quid sit, quod ad libidinem secum exercendam laugere nunc et torpere incipiat? Respondet igitur ei in hoc carmine, et torporis sui causas, ab anili eius turpitudine petitas, petulanter aperit.

v. 1—6. *Rogare longo putidam te saec. cett.* Sensus et nexus: Tunc, cuius corpus longa amorum deturpavit aetate, rogas, cur ad rem tecum habendam nulla amplius stimulet libidine? quasi id rogare opus sit, cum sit tibi dens ater cett. *rogare te*, plenius: fieri potest, ut roges, vel simpliciter pro rogasne? ut passim apud Comicos. *longo saeculo putidam*, in grandi iam aetate, quae inportuna

- Quum sit tibi dens ater, et rugis vetus
Frontem senectus exaret;
Hietque turpis inter aridas nates
Podex, velut crudae bovis.
Sed incitat me pectus, et mammae putres,
Equina quales ubera;
Venterque mollis et femur tumentibus
Exile suris additum.
Esto beata, funus atque imagines
Ducant Triumphales tuum;
Nec sit marita, quae rotundioribus
Onusta baccis ambulet;
Quid? quod libelli Stoici inter sericos
Iacere pulvillos amant:

et invis est amatoribus, constitutam, turpem vetulam. Similis annosae vetulae descriptio est in Priapeis carm. LVII. 4. *Cornix et caries vetustaque bustum, Turba et putrida facta saeculorum.* cf. Mitsch. *vetus senect.* ut *veteres senes* apud Tibull. I. 8. 50. — *front. rug. exar.* cf. Virgil. Aen. VII. 417. *crudae*, quia cruda fere caro in macris bobus, praecipue inter nates, conspicitur.

v. 7—10. *Sed*, irrisioni inservit, ut alias videlicet. Multo minus, ait, me incitare potest pectus cett. *venter mollis*, languidus, opponitur firmo adhuc et succulento. *additum*, superimpositum.

v. 14—20. *Esto beata* cett. Sensus: Sis licet dives, et nobilis, nec ulla alia matrona pretiosioribus margaritis ornata incedat; imo sis docta et philosophiae dedita; nihilo minus tamen nervi mei, qui sunt illitterati, h. e. qui non mulierum doctrina, sed ea-

rum forma incitantur, rigent, fascinumque languet, quod quidem, cum illud anili tua forma provocari nequeat, alio modo tibi provocandum est. *imagines Triumphales*, maiorum scilicet, quibus triumphus honor contigit, adeoque nobilissimorum virorum imagines. *funus tuum ducant*, funeri tuo praeferrantur; quod non tantum in nobilium virorum, sed etiam nobilium matronarum funere fieri solebat; vid. Cic. de Orat. II. 55. *funeris* autem eo acerbius mentionem facit, cum ista anus, ut supra III. 45. 4. *Chloris*, maturo *funeri* propior esset. *rotundioribus*, in haccarum enim rotunditate earum pretium spectabatur; vid. Plin. IX. 35. *ambulet*, notionem superbiae et iactantiae habet; vid. supra ad Epod. IV. 5. *libelli Stoici*, facete animum libidinosam Stoicae philosophiae studiosam inducit! *amant iacere*, suaviter! quasi sic collocati

Inlitterati num minus nervi rigent?
 Minusve languet fascinum?
 Quod ut superbo provoces ab inguine,
 Ore adlaborandum est tibi.

20

CARMEN IX.

AD MAECENATEM.

Quando repostum Caecubum ad festas dapes,
 Victore laetus Caesare,
 Tecum sub alta, sic Iovi gratum, domo,
 Beate Maecenas, bibam,

mirifice sibi placeant. *nervi* dicuntur *illitterati*, quod non litteris, sed iis tantum, quae in sensus cadunt, tanguntur et feruntur. *fascinum*, de parte, qua viri sumus. *superbo*, superbe vetularum libidines repudiante.

CARMEN IX.

Cum primus de Antonio et Cleopatra, ad Actium ab Augusto splendide victis, Romam allatus esset nuncius; publicae illi, in quam omnes Romani incesserant, laetitiae non defuit Horatius. In hoc igitur carmine, gloriosissimae illi Augusti victoriae celebrandae consecrato, primum diem festum, quem apud Maecenatem inter generosioris vini pocula et inter mixtos tibiarum lyraeque cantus transacturus sit, indicit; deinde in Antonium, qui Romanae virtutis plane oblitus Cleopatrae se turpiter emancipaverit, nobili cum indignatione invehitur; mox laetitiae sensu ita abripitur, ut, quasi iam Antonii vi-

ctor, Augustus, cum pompa triumphali urbem ingreditur, in publicam illam acclamationem *Io triumphet* erumpat, et, quasi in media compositione iam liberius genio suo indulget, largiora pocula sibi afferri iubet. — Impetu quodam poeta in hoc carmine fertur, qui laetitiae, poetae animum confundentis magis quam perfundentis, magnitudinem egregie exprimit. — In eodem argumento vel in eadem Augusti de Cleopatra et Antonio victoria versatur quoque libri primi carmen trigesimum septimum, sed id serius scriptum est tum, cum Romani de nunciata Cleopatrae et Antonii morte laetarentur.

v. 4—6. *repostum Caecub. ad festas dapes*, similiter supra III. 28. 2. *reconditum Caecubum*, melioris enim vel, ut supra II. 3. 8. dicitur, *interioris notae* vinum ad laetiores dies celebrandos in cella vinaria reponi et recondi solet. *sub alta domo*, de turri Maecenatiana cf. supra ad III. 29. 6. et 10. *sic Iovi gratum*, sic enim, quod ipsi Iovi, Romani

Sonante mixtum tibiis carmen lyra,

Hac Dorium, illis Barbarum?

Vt nuper, actus quum freto Neptunius

Dux fugit, ustis navibus,

Minatus Vrbi vincla, quae detraxerat

Servis amicus perfidis.

Romanus, cheu! posterī negabitis,

Emancipatus feminae,

Fert vallum et arma miles, et spadonibus

Servire rugosis potest!

imperii custodi, gratum sit, faciemus; ex formula solenni *εὖρω Διὶ φίλον*. *beate*, refer ad Maecenatis opulentiam, praecipue ad altioris eius in hortis Esquilinis domus, ubi compositio fieri debebat, possessionem. — *Sonante mixt. tib. carm. lyra* h. e. lyra ad modos Dorios, tibiis vero ad modos Phrygios carmen sonantibus, ita quidem, ut utrumque carmen mixtum sit, h. e. vicissim se excipiat. Similiter supra IV. 45. 30. *Lydis remissa carmina tibiis*. — *Dorium*, modi Dorii fuerunt graves et severi; *Barbari*, h. e. Phrygii (ut *tibia barbara* apud Catull. LXIV. 265. ubi vid. not.), feri et furori iniiciendo apti.

v. 7—10. *Vt nuper*, cett. Vt ante quinque annos eiusmodi diem festum inter laeta pocula celebravimus, cum exercitus ille, quem a servis et fugitivis collectum, contra nos duxerat Pompeius, e freto Siculo fusus fugatusque est, navibus, quas Pompeius reliquerat, ab Augusto combustis. — *actus*, exactus, eiectus. *freto*, Siculo nempe, ubi pugnam illam prope Messinam commissam fuisse constat. — *Neptunius dux*, Scat. Pompeius, qui, ut narrat Aurel. Vict. de V. Illustr. c. 84. *cum mari feliciter uteretur*, Neptuni se filium confessus est,

eumque bobus auratis et equo placavit. cf. Dio XLVIII. 49. Eo salsius nunc eum, in mari perdomitum, *ducem Neptunium* vocat. *ustis nav.* Octavianum post pugnam illam magnam navium, a Pompeio relictarum et littori allisarum, numerum combussisse testatur Dio XLIX. 40. *Minat. Vrbi vincla, quae detr. servis amic. perfid.* pro tenui Romanorum imperium cum servorum perfidorum manu potestati suae subiicere tentans, *serv. amic. perfid.* invidiose et humiliter de Pompeio, quasi servis perfidis, e quibus illum exercitum suum supplevisse constat (vid. Vell. II. 13. Dio XLVIII. 49.), amicus adeo fuerit.

v. 11—16. *Emancipatus feminae*, mancipii instar subiectus feminae imperio, feminae quasi venditus. Plaut. Bacch. I. 4. 59. *Nunc, mulier, tibi me emancipo, tuus sum, tibi do operam*. *Fert vallum et arm. mil. et spadon. serv. rug. pot.* qui, ut fortem militem decet, vallum et arma fert, idem a se impetrare potest hoc, ut decrepitis eunuchis serviat! — Quod uni Antonio proprietribuendum erat, id toti simul eius exercitui, corrupto quasi et infecto ducis exemplo, tribuit. *Fert vall. et arm. mil.* Commode de hac militum Romanorum

Interque signa turpe militaria

45

Sol adspicit conopium !

Ad hoc frementes verterunt bis mille equos

Galli, canentes Caesarem ;

Hostiliumque navium portu latent

Puppes sinistrorsum citae.

20

Io Triumphè ! tu moraris aureos

Currus, et intactas boves ;

in bello laboris patientia afforunt locum Ciceronis Quæst. Tusc. II. 16. *Militiae nostri exercitus qui labor, et quantus agminis, ferre plus dimidiat mensis cibaria; ferre, si quid ad usum velint; ferre vallum. Nam scutum, gladium, galeam in onere nostri milites non plus numerant, quam humeros, lacertos, manus; arma enim membra militis esse dicunt. rugosis, decrepitis senibus, cf. Terent. Eunuch. IV. 4. 20. quædonibus, Marcionem inprimis magnæ in illis auctoritatis fuisse, ex Plutar. in Anton. p. 345. discimus. Interque signa turp. milit. sol adsp. conop. et Sol, nefanda quæque adspiciens, adspicit inter signa militaria turpe molitiei signum conopium; pro tenui: et inter signa militaria conopium animadvertere licet. conopium et conopeum, velum, quo Aegyptii ad arcendos culices utebantur; vid. Interpretes, et Jacobs in Animadv. ad Anth. Gr. V. III. P. I. p. 105.*

v. 17—20. *Ad hoc frementes, oh hoc indignantes; ad pro oh, propter; vid. Bentl. infra ad Sat. I. 6. 87. et Drakenb. ad Liv. XXXVII. 27. § 6. T. IV. p. 60. bis mille Galli equos verterunt, h. e. averterunt, ab Antonio defecerunt; canentes Caesarem, Caesarem salvere iubentes, h. e. ad Caesarem transeuntes; con-*

silium igitur illud, quo paucos dies ante pugnam Actiacam duo Gallograecorum s. Galatarum duces, Deiotarus et Amyntas ad Octavianum defecisse traduntur (vid. Plutarch. in Anton. p. 945. et Vell. II. 84.), salse poetæ a rei, Romanis inonestissimæ, indignatione repetit. *Hostil. nav. port. Lat. pupp. sinistr. cit. h. e. ut Boettig. hunc locum paulo impeditiorem expedire studuit: Et pars navium hostilium perfide, dum pugnabatur, a sinistra parte retrorsum actarum, in portu latent; puppes cit.) puppem ciere (πρὸς πρὸς ἀποβῆναι, Lat. remis inhibere) dicuntur, qui ad fugam vel defectionem dissimulandam, ita navem retro agunt, ut inverso cursu prora puppim, non puppis proram sequatur. sinistrorsum, nam cum Antonio, classe e portu in altum eecta, dextrorsum Italiam versusacies explicanda esset, nares pugnae se subducturae sinistrorsum in portum se recipere debebant.*

v. 21—26. *Io Triumphè, Triumphantem tanquam Deum appellat, eique morae impatientiam et cupiditatem suam, qua splendidissimi, per quem Augustus Urbem ingressurus sit, triumphi spectaculo inhiat, declarat. — aureos currus, ex chore enim et auro constructi fuerunt currus trium-*

Io Triumphe ! nec Iugurthino parem
 Bello reportasti ducem ;
 Neque Africanum , cui super Carthaginem 25
 Virtus sepulcrum condidit.
 Terra marique victus hostis , Punico
 Lugubre mutavit sagum.
 Aut ille centum nobilem Cretam urbibus ,
 Ventis iturus non suis ; 30
 Exercitatas aut petit Syrtes Noto ;
 Aut fertur incerto mari.
 Capaciores affer huc , puer , scyphos ,
 Et Chia vina , aut Lesbia ,
 Vel , quod fluentem nauseam coërceat , 35
 Metire nobis Caecubum.
 Curam metumque Caesaris rerum iuvat
 Dulci Lyaeo solvere.

phales; de auro laudat Boettigerus Philostr. in Vit. Sophist. I. 7. p. 488. — *intactas boves*, solemne Iovi Capitolino ab Augusto triumphante institutum sacrificium, mactando nempe boves intactas, h. e. nondum iugum passas, ut mos et ritus postulabat; Virg. Georg. IV. 540. *intactas cervice iuvenas*. nec Iugurth. par. bello report. duc.; Neque Afric. celt. nec Mario de victo Iugurtha, nec Scipioni Africano de eversa Carthagine tanti splendoris triumphus contigit; h. e. Augusti gloria omnium, qui unquam triumpharunt, gloriam superat. cui super Carthag. Virt. sepulch. condidit. Ad gloriae aeternitatem, quam virtute sua sibi paraverit Scipio, significandam suaviter ipsa Virtus, ut dea, sepulcrum sive monumentum super Carthaginem extruxisse fingitur.

v. 27—32. *Punico lugubre mutavit sagum*, inversa constructione pro

Sagum puniceum sive purpureum mutavit cum veste sordida, h. e. purpureo paludamento, imperatoris insigni, deposito, vestem, quae mutatam sortem indicaret, induit. — *cent. nobil. Cret. urb.* vid. supra III. 27. 33. *non quis*, h. e. non propitiis; Ovid. Metam. IV. 373. *Vota suos habuere deos*. cf. supra ad III. 44. 44. *Noto exercitatas*, h. e. Noto vexatas; cf. supra ad I. 22. 5.

v. 33—38. *Capaciores affer huc, puer, scyphos*, celt. iam laetitiae sensu ita impellitur et confonditur poeta, ut iam interesse sibi videatur indictae apud Maecenatem compositioni; cf. supra III. 49. 9. *quod fluent. naus. coërceat*, alvum fluctem adstringat. Hinc Athenaeus vinum Caecubum vocat αἰθροῦν. *metire*, per cyathos, vid. ad III. 8. 43. — *metumque Caesaris rerum*, sollicitudinem de rerum, quibus gerendis cum maxime Caesar operam dat, eventu.

CARMEN X

AD MAEVIVM POETAM.

Mala soluta navis exit alite,
 Ferens olentem Maevium.
 Vt horridis utrumque verberes latus,
 Auster, memento, fluctibus.
 Niger rudentes Eurū, inverso mari,
 Fractosque remos differat;
 Insurgat Aquilo, quantus altis montibus
 Frangit trementes ilices;

5

CARMEN X.

Maevio Horatius, homini sibi infestissimo, navi nunc iter in Graeciam facturo, naufragium imprecatur. Rogatis igitur ventis, ut tantam in mari Ionio tempestatem concitent, quantam olim Minerva in Aiacem concitasse dicitur, se, fracta Maevii nave, hircum et agnum tempestatibus immolaturum esse spondet. — Malum poetam Maevium fuisse ex Virgilio Eclog. III. 90. *Qui Bavium non odit, amet tua carmina, Maevi*, satis certo colligi posse videtur. Quodsi enndem ex malorum poetarum more petulantius Horatio insultasse statuas, causa, cur Vatiniano quasi poeta istum persecutus ait odio, facile apparet. — Caeterum si quis animi causa hoc carmen cum libri primi carmine tertio comparaverit, ubi Horatius Virgilio Athenas navigaturo felicem navigationem apprecatur, diversos tam pii amoris quam magni odii sensus non sine voluptate expressos animadvertet.

v. 4—4. *Mala alite*, infausto omjine, ut supra I. 45. 5. *mala avi. olentem*, gravi odore detestabilem; — *gravis* nempe *hircus*, ut infra, Epod. XII. 5. dicitur, in eius *hirsutis alis cubuisse* videtur; cf. ad Catull. LXIX. 6. nisi quis iam *olentem* simpliciter pro detestabilem explicare malit. — *utrumque latus*; sc. navis; *horridis*, saevis, tumidis. *Auster, Eurū, Aquilo*, scilicet ut eo gravior concitetur tempestas, plures ventos, qui simul ruant, et contra se pugnent, poetarum more in partes vocat; cf. Virgil. Aen. I. 85.

v. 5—14. *Niger*, caelum nigrum reddens et obscurans; ut supra I. 5. 7. *nigri venti*; contra *Notus albus* supra I. 7. 45. et *venti candidi* III. 7. 4. *inverso mari*, cum *imis vadis*, ut Virgil. Aen. I. 425. loquitur, *stagna refunduntur*. Cl. Mitsch. comparat Philipp. Thessal. XII. 2. Anth. Gr. T. II. p. 198. *Insurgat Aquilo, quantus*, irruat Aquilo tantus, quantus, h. e. tanto impetu, quanto cett. — *trementes ilices*, tremulo motu huc

Nec sidus atra nocte amicum appareat,
 Qua tristis Orion cadit; 10
 Quietiore nec feratur aequore,
 Quam Graia victorum manus:
 Quum Pallas usto vertit iram ab Illo
 In inpiam Aiakis ratem.
 O quantus instat navitis sudor tuis, 15
 Tibique pallor luteus,
 Et illa non virilis eiulatio,
 Preces et aversum ad Iovem;
 Ionius udo quum remugiens sinus
 Noto carinam ruperit! 20

illuc mutantes, ventorum impetu contremiscentes, ut supra III. 27. 23. *ripas verberare tremantes*; — pro *frangit* ex coniectura *Wakefieldius* in testum recepit *plangit*; « Statim, inquit, praecesserat vox fractos, et quorsum, sodes, tremere, si frangantur? » Sed ex meo sensu *rō frangit* bene respondet *rō fractos*, et multo illo gravior est; ut *frangit* enim Aquilo illice, ita *frangere* quoque debet remos; *franguntur* autem illices, dum tremunt. *sidus amicum*, intellige Dioscuros; supra IV. 8. 31. *Clarum Tyndaridae sidus ab infimis Quasvis eripiunt aequoribus rates.* cf. supra I. 3. 2. *Qua trist. Orion cadit*, qua Orionis occasus tristem tempestatem concitat; supra III. 27. 47. *Sed vides, quanto trepidet tumultu Promus Orion.* cf. supra ad I. 28. 21. — *tristes*, ut apud Virgil. Aen. XI. 259. *triste Minervae sidus*, de tristi tempestate a Minerva concitata. — *Quam Graia vict. man. Quum Pallas cett.* De hoc naufragio, Graecis a Minerva Cassandrae, ab Aiace Oileo in templo Palladis vitatae, causa ad cautes Euboicas immisso, uti de ceteris

Graecorum a Troiae excidio redeuntium fati narrat Diomedes apud Virgil. Aen. XI. 260 seqq. cf. Aen. I. 39. et ibi Heyn.

v. 15—20. *O quant. instat navit. sud. tuis cett.* Iam, ut vati cuidam *ἰνβοῦντάς οὐραν*, rei futurae eventus ante oculos versatur; videt naulas laboribus, quibus navem periculo eripiant, insudare; videt Mævium de vitae suae discrimine impallescere; audit enim muliebriter eiulare, et frustra Iovem precibus fatigare; conspicit denique eundem cum fracta navi perire! Similiter supra I. 15. 9. Nereus, vaticinium de futuris in bello Troiano pagnis edens: *Eheu! quantus equis, quantus adest viris Sudor! non virilis*, haud virum deoens, muliebris. *Preces et avers. ad Iov.* et quantae preces tibi instant, quibus frustra Iovis implorabis auxilium, h. e. quam irritas ad Iovem, te non audientem, preces iacies! — *aversum*, tibi iratum et aversum anro preces tuas respicientem. *Ionius udo qu. remug. sin. Noto ear. rup.* cum mare Ionium, Notis sonite et stridore rehoans, carinam fregerit; pro

Opima quod si praeda curvo litore
 Porrecta mergos iuveris;
 Libidinosus immolabitur caper,
 Et agna Tempestatibus.

CARMEN XI

AD PETTIVM.

Petti, nihil me, sicut antea, iuvat
 Scribere versiculos Amore percussum gravi:

vulgari: cum Notus in mari Ionio
 furens carinam fregerit. *Ionius si-*
mus. mare Ionium in sinus curvatum,
 ut *sinus Calabri*, supra I. 33. 16. —
sudo, pluviosam tempestatem ciente.

v. 21—24. *Opima quod si praeda*
curvo lit. cett. quodsi autem corpus
 tuum in littus eiectum et ibi porre-
 ctum mergis opima praeda contige-
 rit; tum ego voti mei damnatus
 caprum et agnam immolabo Tempe-
 statibus. — Quo quidem voto nihil a
 poeta acerbius addi potuit; acerbis-
 sime inprimis optat, ut Maevii cor-
 pus *opima praeda* mergis contingat,
 sive quod illi eiecta corpora tanquam
 opimam praedam depasci solcant,
 sive quod ipsi Maevio *opimum corpus*
 fuerit. *Tempestatibus*, de religioso
Tempestatum cultu vid. *Cerd.* ad Vir-
 gil. V. 772. ubi Aeneas quoque *agnam*
Tempestatibus immolari iubet.

CARMEN XI.

Quam parum firmitatis et constan-
 tia sibi sit in pervincendis amoris
 cruciatibus ingenue et familiariter
 amico suo et sodali Pettio aperit.
 Repetit igitur, quid sibi ante tres

annos in Inachiae amore acciderit,
 et quam turpiter se in capto eam
 deserendi consilio dederit. Qua re
 narrata se nunc Lycisci amore, a
 quo pariter nec amicorum consiliis,
 nec pueri illius iniuriis, expediri pos-
 sit, teneri profitens mollem suum et
 parum virilem animum baud dissi-
 mulat. — Talem igitur fere. semet
 ipsum in hoc carmine descripsit poeta,
 qualis apud Terentium in Eunuchu
 inducitur Phaedria, qui, quomodo
 amantium animi modum huc modo il-
 luc impellantur et agitentur, pro il-
 lustris exemplo haberi potest.

v. 1—4. *Petti, nihil me, sic. ant.*
inv. scrib. vers. Am. perc. gr. ex quo
 tempore amore excrucior, non am-
 plius, ut ante, Musarum studiis de-
 lector. *Amore percussus gravi*, hoc
 e. sauciatus a gravi deo, Amore;
 nam si *Amor*, ut sequentia postu-
 lant, ism deus est, qui sagittis suis
 hominum animos percussit, non *per-*
cussus cum *Mitsch.*, sed *percussus*
 cum *Benl.* legendum est. *percussus*
 et *percussus* in omnibus paene vete-
 rum scriptoribus librariorum impe-
 ritia temere permutata sunt; vid.
Benl. ad h. l. et *Drakenb.* ad Sil.

Amore, qui me praeter omnes expetit
 Mollibus in pueris aut in puellis urere.
 Hic tertius Decembris, ex quo destitit 5
 Inachia furere, silvis honorem decutit.
 Heu! me, per urbem (nam pudet tanti mali)
 Fabula quanta fui! conviviorum et poenitet,
 In queis amantem et languor et silentium
 Arguit, et latere petitus imo spiritus. 10
 Contrane lucrum nil valere candidum
 Pauperis ingenium? querebar, adplorans tibi;

Ital. II. 213. *gravis, est enim Amor* ὁὗτος βαρὺς, δεινός. *qui me praeter omnes expetit* — urere, eleganter pro vulgari: qui me imprimis urit. *mollib. in puer. aut in puell.* — de locutione urere in aliquo et aliqua, ut ardere et aestuare in aliqua, pro ob aliquam, vid. Heins. ad Ovid. Met. IV. 234. et Broukhus. ad Tibull. I. 7. 40.

v. 5—10. *Hic tertius Decembris* — *silvis honorem decutit*, ornate pro: tertius nunc est annus. *honorem, solia*. Virg. Georg. II. 404. *Frigidus et sibilis Aquilo decussit honorem.* — *Inachia furere*, ob Inachiam furere, furori, quo in Inachia me correptum tenebat, indulgere; *per urbem Fabula quanta fui!* quomodo per ora hominum traductus fui! — *fabulae* dicuntur, qui sermonibus omnium circumferuntur, ridentur, diffamantur; exempla vid. apud Heins. ad Ovid. Art. Am. II. 561. — *silentium*, de silentio, amoris signo, cf. Catull. LI. 9. cf. supra IV. 1. 35. 36. *arguit*, prodit, praebet, supra I. 13. 7. *humor et in genas Furtim labitur*, arguens, *Quam lentis penitus macerer ignibus.* *et latere petit. imo spirit.* ornate pro alta suspiria.

Cl. Mitsch. comparat Callimach. Ep. XLV. 1. Ελκος ἔχων ὁ ξείνος ἔλκευθαιεν ὡς ἀνθρώπων Πνεῦμα διὰ στήθεων, αἶδες, ἀννύαγγο.

v. 11—18. *Contrane lucrum cett.* Nexus et sensus huius paulo impeditioris et obscurioris loci, ut mihi videtur, est fere hic: Tu ipse, Petti, ante tres annos testis fuisti, quomodo contra Inachiam meum obdurarem animum; » Fierine potest, querebar apud te, cum vino incensus arcanos meos amores tibi retegerem, fierine potest, ut Inachia animi mei canderem ditiorum postponat muneribus? Quodsi igitur indignationi meae de Inachiae iniuria liberius nunc ita indulgere placet, ut ea, quae vana adhuc amoris mei somenta fuerunt, ex animo eiciam et missa faciam; ego, quem ante, se prae ditioribus contemni, pudebat, submoto nunc isto pudore, cum ditioribus, quibus impar sum, certare desinam. » — Copiose de hoc loco disputavit, sed eius sensum non satis perspexit Mitscherlichius. *Contrane luer, nil valere*, nota loquendi ratione pro fierine potest, ut nil valeat contra lucrum cett. *adplorans tibi*, dolorem meum tecum communicans; —

Simul calentis inverecundus Deus
 Fervidiore mero arcana promorat loco.
 Quod si meis inaestuât prae cordiis 15
 Libera bilis, ut haec ingrata ventis dividat
 Fomenta, vulnus nil malum levantia;
 Desinet inparibus certare submotus pudor.
 Vbi haec severus te palam laudaveram,
 Iussus abire domum, ferebar incerto pede 20
 Ad non amicos heu! mihi postes, et heu!
 Limina dura, quibus lumbos et infregi latus.
 Nunc, gloriantis quamlibet mulierculam
 Vincere mollitia, amor Lycisti me tenet:
 Vnde expedire non amicorum queant 25
 Libera consilia, nec contumeliae graves;

simul, simulac. inverecund. Deus, Bacchus, iam dicitur deus *inverecundus*, quod, qui eius munere, vino, incalescent, non raro ea, quae verecunde tesserant, liberius proferre et retegere solent. *arcana calentis fervid. mer. h. e. arcana mei*, qui calebam fervidiore mero, graviter et significanter pro simplice: mea, sive arcanos meos amores; verba *calentis fervidiore mero* statum animi, ex quo facilius aliquid promoveri et elici potest, bene designant. *promorat loco*, ex anima, quae latebant, protulerat; supra III. 24. 45. de vino: *Tus sapientium Curas et arcum iocoso Consilium retegis Lyaeo*. cf. supra I. 18. 16. infra Epist. I. 5. 16. et Asclepiad. Epist. X. 4. 2. Anthol. Graec. Tom. I. pag. 146. *Quod si me. inaest. prae cord. lib. bil.* quod si igitur nunc tam libera in animo meo fervet ira (*libera*, quae nullo amplius fomento suppressitur), ut ventis dividat, ut ventis diripienda tradam, h. e. missa faciam, haec fo-

menta, intellige spem, quae eius in Inachiam amorem adhuc nutrit, speraverat nempe, fore, ut Inachia candidum pauperis ingenium ditiorum muneribus praeferat; *ingrata*, nil proficientia, ipse explicat: *vulnus nil malum levantia*. *Desinet submotus pudor*, ego submoto illo pudore (vid. supra) desinam.

v. 19—28. *severus*, firmo et severo consilio. *laudaveram, iactaveram*. — *iussus sc. a te. abire domum*, meam nempe, non puellae domum. *ferebar incertus pede*, ego, qui modo certum consilium ceperam, labascere coepi, et redii ad domum Inachiae. Suaviter! Tribuit pedi, quod eius animotribuendum erat. Tibull. II. 6. 13. *Iuravi quoties, rediturum ad limina nunquam: Cum bene iuravi, pes tamen ipse redit. lumbos et infregi lat.* quod ei non intromisso ante ianuam iacendum fuit; ut supra III. 10. 20. *gloriant. quamlibet mulierculam. vinc. mollit. pueri mollissimi*. — *expedire*; cf. supra I. 27. 4. *ami-*

HOR. TOM. I

B b

Sed alius ardor aut puellae candidae,
Aut teretis pueri, longam renodantis comam.

CARMEN XII.

Quid tibi vis, mulier nigris dignissima barris?
Munera cur mihi, quidve tabellas
Mittis, nec firmo iuveni, neque naris obesae?
Namque sagacius unus odoror,
Polypus, an gravis hirsutis cubet hircus in alis, ⁵
Quam canis acer, ubi lateat sus.
Qui sudor vietis et quam malus undique membris
Crescit odor! quum, pene soluto,

eorum libera consilia, consilia liberius et apertius ab amicis data, h. e. sincera. *alius ardor*, novus amor; — *renodantis*, dissolventis, ut super humeros fluere; *humerus enim capillis sparsum*, ut Noster supra III. 20. 14. loquitur, placebat in pueris mollioribus; cf. IV. 40. 3.

CARMEN XII.:

Hoc carmen pariter ac supra Epodon carmen octavum, felle, quod in libidinosam quandam animum evomuit, turpiter inquinatum est. Hic quoque, vetulae cuiusdam, a qua ad libidinem cum illa exercendam se expetitum esse fingit, foeditatem foede describit, et, ut eo magis appareat, quantus fuerit istius mulieris in libidine furor, eam loquentem et inertiā sibi in re Venerea exprobrantem inducit.

v. 1.—8. *Quid tibi vis*, quantus libidinis te agitat furor. *dignissima*,

quae coëas cum *nigris barris*, h. e. elephantis, et foeditate tibi similibus, et libidini tuae explendae paribus. Non audiendi sunt, qui nostra aetate per *barras*, non elephantos, sed simiorum quoddam genus intelligendum esse probatum iecerunt, imo Horatius consulto elephantum ut animal nervosius posuit. *tabellas*, ceratas puta, in quibus, quid vellet, exaraverat vetula; *arcanas* eiusmodi *tabellas* vocat Ovidius Amor. II. 15. 15. *firmo*, valido ad munia comparis aequanda; *neque naris obesae*, qui nihil olfaciat, adeoque malum vetulae odorem facile perferre possit. *Polypus*, de gravi polypi foetore vid. Cels. VI. 8. et quos laudat Mitsch. *gravis hircus*, gravis odor, qualis est hircorum; ut *τρίγος* apud Graecos. Catull. LXIX. 5. *Lacdit te quaedam mala fabula*, qua tibi fertur Valle sub alarum trux habitare caper; vid. ibi not. — In voce *viens* penultimam Noster corripuit.

Indomitam properat rabiem sedare, neque illi
 Iam manet humida creta, colorque ¹⁰
 Stercore fucatus crocodili; iamque subando
 Tenta cubilia, tectaque rumpit.
 Vel mea quum saevis agitat fastidia verbis:
 « Inachia langues minus, ac me;
 Inachiam ter nocte potes; mihi semper ad unum ¹⁵
 Mollis opus: pereat male, quae te,
 Lesbia, quaerenti taurum, monstravit inertem;
 Quum mihi Cous adesset Amyntas,
 Cuius in indomito constantior inguine nervus,
 Quam nova collibus arbor inhaeret. ²⁰
 Muricibus Tyriis iteratae vellera lanæ
 Cui properabantur? tibi nempe;
 Ne foret aequales inter conviva, magis quem
 Diligeret mulier sua, quam te.

v. 9—12. *neque illi iam man. hum. cret.* neque in eius facie creta sudore liquefacta manet, sed defluit; ex creta nempe pigmentum parabatur, quo caudorem faciei conciliarent mulieres; Ovid. A. A. III. 199. *Scitis et induata eandorem quaerere creta*; cf. *Interpr.* colorque fucatus stercore crocodili, fucus ex stercore crocodili confectus. Plinius XXVIII. 8. *steras crocodili molestias in facie enascentes tollere* ait. *tenta cubilia* explicant de lecto sumibus tento; equidem *tenta* malim ad *subando* referre, ut ait: *subando* distantia et dissoluta. *te-ctaque*, explicant de integumentis et vestibus stragulis; malim per hyperbolen de ipso cubiculi tectu intel-ligere.

v. 13—20. *Vel mea quum saevis* cell. ad *vel* supple fere hanc sententiam: quam indomitæ libidinis ista mulier est, *quem* cell. *mea* su-

stidia saevis verbis agitat, meum in concubitu languorem exagitat bis asperis verbis: *Inachia*, apud Inachiam sive in *συννοσίῃ* cum Inachia, *langues minus, ac me*, minus atque apud me vires te deficient. — *potes*, suppresso, ait Mitscherlichius, ex verecundiae sensu, *subagitare*, sed ubi est in hoc carmine verecundia? imo ex usu loquendi hoc factum est, quem ipse Mitsch. bene exemplis adstruxit. *ad unum opus, συννοσίῃ*. *mollis*, idem, quod in versu sequente *iners*. *pereat male*, cell. abeat Lesbia in malam rem, quæ mihi nervosiorum et validiorum appetenti te hominem languidum et inertem adduxit.

v. 21—26. *Muric. Tyriis iter. vell. lan. cui properabantur?* Scin tu, cui ego studiose texui vestem bis colore purpureo tinctam (h. e. dibopham)? cf. supra ad II. 16. *mulier sua*

O ego infelix, quam tu fugis, ut pavet acres 25
 Agna lupos, capreaeque leones.»

CARMEN XIII

AD AMICOS.

Horrida tempestas caelum contraxit, et imbres
 Nivesque deducunt Iovem; nunc mare, nunc silvae
 Threicio Aquilone sonant; rapiamus, amici,
 Occasionem de die; dumque virent genua,
 Et decet, obducta solvatur fronte senectus. 5
 Tu vina Torquato move Consule pressa meo.

h. e. amica sua. ut pav. acres agn.
 lup. capr. leon. Theocrit. XI. 21. Φιλή-
 γις δ' ὥσπερ οἷς πολὺν λύκον ἀθρή-
 σκου. cf. supra Epod. IV. 1.

CARMEN XIII.

Amicos suos, quibuscum poëta
 pluviosum diem inter laeta vini po-
 cula transigere vult, unamquamque,
 quae laetioris vitae fructum offerat,
 occasionem cupide amplecti, sollici-
 tudinem de rebus futuris ex animo
 dimittere, et iuvenili, dum licet,
 aetate frui iubet. Cui quidem vitae
 praecepto, quod saepius Noster ami-
 cis suis proposuit, nunc pondus quod-
 dam addere studet auctoritate Chiro-
 nis, qui pariter alumnum suum
 Achillem, postquam satum, quod
 eum ad Troiam maneat, vaticinatus
 fuerat, curas vino pellere iusserit. —
 Ceterum computationes et laeta con-
 vivia pluviosis praecipue diebus insti-
 tuta fuisse, apparet quoque ex libri
 tertii carmine decimo septimo, ad
 Aelium Lamiam hoc nomine scripto.
 v. 1—5. caelum contraxit, pro nu-
 bes in caelo contraxit; — horrida

tempestas contractis in caelo nubibus
 imminet; — similia poëtarum loca, in
 tempestatis imminente descriptione
 versantia, collegerunt ad h. l. Inter-
 pret. deducunt Iovem, Iupiter
 enim ὕψιος (h. e. aër), dum pluit,
 in terram descendere vel se demit-
 tere fingitur. Threicio, cf. supra
 ad I. 25. 11. rapiamus, amici,
 occasionem de die, aegidum igitur,
 amici, de hoc pluvioso die, laetae
 computationi apto, statim usum ca-
 piamus; dumque virent genua, dum
 vigor adhuc inest genibus, dum iu-
 venilis adhuc in nobis viget alacritas,
 dum valemus; Theocrit. XIV. 70.
 πρὸς τὴν δαί, ἃς γένυ χλωρόν; cf.
 Mitsch. — In sententiam similiter
 Noster supra I. 9. 17. Donec virenti
 canities abest Morosa. Propert. IV. 5.
 57. Dum vernat sanguis, dum rugis
 integer annus. obduct. solv. front.
 senect. a fronte curarum nubibus quasi
 obducta dissolvatur senilis austeritas;
 frons contracta et ad severitatem com-
 posita exporrigatur; h. e. missis curis
 hilaritati indulgeatur.

v. 6—10. Tu vina Torquato mov.

Cetera mitte loqui : Deus haec fortasse benigna

Reducet in sedem vice. Nunc et Achaemenia

Perfundi nardo iuvat, et fide Cyllenea

Levare diris pectora sollicitudinibus.

10

Nobilis ut grandi cecinit Centauro alumno :

Invicte, mortalis Dea nate, puer, Thetide,

Te manet Assaraci tellus, quam frigida parvi

Findunt Scamandri flumina, lubricus et Simois;

Vnde tibi reditum certo subtemine Parcae

15

Rupere; nec mater domum caerulea te revehet.

Illic omne malum vino cantuque levato,

Deformis aegrimoniae dulcibus alloquiis.

Consule pressa meo; iam convivium accelerari iubet poeta, et quasi iam adsint amici, eorum aliquem vinum Consule L. Manlio Torquato secum natum (vid. supra III. 24. 4.) promere iubet; videtur nempe sarino esse de comotatione, ubi de symbolis biberetur. *move*, supra III. 24. 6. *moveri digna* (amphora) bono die, *Descende*. *Cetera mitte loqui*, supra I. 9. 9. *permittite divi cetera*. — *Deus haec fortasse benigna reduit in sed. vice*, ea, quae nunc animum iuvant macerant et cruciant, grata fortasse deus vicissitudine in pristinum statum revocabit. *Achaemenia*, cf. supra ad III. 4. 44. *nardo*, unguento pretiosissimo; cf. II. 44. 46. *fide Cyllenea*, lyra, quae ab eius inventore Mercurio (cf. I. 40. 6.) in Arcadiae monte *Cyllene* nato, *Cyllenea* dicitur. *diris*, exsecrabilibus.

v. 11—18. *Nobil. ut grandi cec.* *Centauro. alum.* quod quidem nobilis Centaurus quoque, Chiron, magno suo alumno suavit, cum hoc ederet vaticinium: — Chironem, cui, tam sapientiae quam virtutis gloria inter

Centauros conspicuo (vid. *Mitsch.*), filium suum Achillem Thetis educandum tradiderat (vid. Stat. Achill. 4. 100 seqq.), ad Pindari exemplum Pyth. IX. 88 seqq. iam vatem induxit poeta. *grandi*, suaviter Achilles iam puer talis representatur, qualis virtute sua evasurus erat. — *Assaraci tellus*, Troia, Assaraci olim imperio subiecta; sic apud Virgil. Aen. I. 284. *domus Assaraci*. *parvi Scamandri flum.*, Scamander enim, cuius fons in monte Ida est, intra parvum primum labitur alveum. — *lubricus*, epitheton ornans, cuius fluvio conveniens; alii explicant: tortuosus, sinuosus, anguis instar se provolvens. *certo subtemine*, inevitabili, quod semel Parcarum filis vel subtemine deductum et constitutum est, fato. De Parciis, fata Achillis nando deducuntibus, est locus suavissimus apud Catull. LXIV. 339 seqq. *Deformis aegrimoniae dulce.* *alloquiis*, gratissimis illis (vino nempe et cantu) malarum curarum fomentis; *alloquium*, ut *allocutio* apud Catull. XXXVIII. 5. de quovis solatii et lenimenti genere; vid. *Dra-*

CARMEN XIV

AD MÆCENATEM.

Mollis inertia cur tantam diffuderit imis
 Oblivionem sensibus,
 Pocula Lethaeos ut si ducentia somnos
 Arente fauce traxerim,
 Candide Maecenas, occidis saepe rogando:
 Deus, Deus nam me vetat

kenb. ad Liv. IX. 6. T. II. p. 682. et quae notavimus ad l. I. Catull. Et sic παραμύθιον et παραμύθιστος apud Graecos; vid. Wetstein. ad N. T. T. II. pag. 267. et T. Hemsterhus. ad Xenoph. Ephes. p. 453. Sed Bentleius, Latinitati hae explicationis timens, particulam et ante dulcibus iacerendam esse putat, suffragante Wakefieldio. At, cum recte cantus dici possit alloquium; per zeugma autem non opus sit, ut alloquium utrisque praecedentibus nominibus accommodetur; iam ea hac causa quomodo Latinitas offendatur, non video. deformis, aegritudo enim macie vultum deformat.

CARMEN XIV.

Maecenati, identidem Horatium roganti et cum eo expostulanti, cur iam diu datam fidem, se carmen iambicum cum illo communicaturum esse, nondum easolverit, respondet poeta in hoc carmine, dum omnis morae causam in Amorem, quo gravius, quam olim Anacreon, torreatur, confert. De summa autem Amoris vi ipsum Maecenatem, in pulcherri-

mae puellae amore eummaxime occupatum, facete testem facit.

v. 4.—8. *Mollis inertia* cett. pulchre et splendide pro vulgari: cur effluerit mihi plana ex animo, quod de carmine iambico quondam tibi promiseram, saepe rogando me enecas, candide Maecenas. *mollis inertia*, ignavum, quo quis molliter diffuit, otium. *Pocula Lethaeos ut si ducentia somnos arent. fauce trax.* quasi ego ex Lethe biberim; *arente fauce. traxerim*, avidè hanserim; sic Hercules vinum trahere apud Val. Flacc. III. 609. dicitur, et sic ἄλκυον et σπῆν apud Graecos; vid. Bergler. ad Alciaphr. I. 34. p. 449. *ducentia*, adducentia; *Lethaeos somnos*, talem torporem, quali, qui ex Lethe bibunt, obruuntur, h. e. omnium rerum oblivionem; *candide*, animi candorem, in quo vel maxime spectatur amicitia, familiariter Maecenati tribuit. *occidis*, enecas. — *Deus, Amor. nam*, ad hanc particulam supple fere haec: noli, quae-
 so, mirari, vel: non in causa est mollis inertia, nam cett. *me vetat* cett. supra Epod. XI. 1. *Petti, nihil me, sicut antea, iuvat Scribere versicu-*

Inceptos, olim promissum carmen, iambos
 Ad umbilicum adducere.
 Non aliter Samio dicunt arsisse Bathyllo
 Anacreonta Teïum; 10
 Qui persaepe cava testudine flevit amorem,
 Non elaboratum ad pedem.
 Vreris ipse miser; quod si non pulchrior ignis
 Accendit obsessam Ilion,
 Gaude sorte tua; me libertina, neque uno 15
 Contenta, Phryne macerat.

tos, amore percussam gravi. Incept. olim promiss. carm. iamb. inceptum illud, quod olim tibi promisi, carmen iambicum; possis quoque rē olim cum Wakefieldio ad inceptos referre. — Cl. Mitsch. in Argum. ad hoc carmen per inceptos iambos ipsum Epodon librum omnino intelligendum esse existimat; sed nolim iam promissum carmen de pluribus intelligere; haud dubia de peculiari quodam carmine sermo est. *ad umbilicum adducere*, ad finem perducere; *umbiliens* fuit bacillus teres, qui extremis voluminum oris ita adiungebatur, ut eius ope illa circumvolvi possent; prominentes utrimque partes, ex auro, argento vel alio metallo factae, dicebantur *cornua*; vid. Heyn. ad Tibull. III. 1. 43. liber igitur *ad umbilicum adducendus* debebat esse absolutus et ad finem perductus.

v. 9—16. *arsisse Bathyllo*, de locutione ardere aliqua vel aliqua vid. supra ad II. 4. 7. *Teïum*, hinc *fides Teïa* supra I. 47. 48. *non elaboratum ad pedem*, carminibus haud ad certos metripedes diligenter

exactis; paulo licentius nempe in permutandis iambis, anapaestis, spondeis cett. versatus est Anacreon, quod suaviter nunc tribuit eius animo, vehementius amoris affectu perturbato. *quod si non pulchr. ign. Accendit obsessam Ilion*; quodsi autem puella tua aequae pulchra est, atque illa, ob quam Troia obsessa et accensa est; h. e. quodsi autem puella tua ipsi Helenae non cedit pulchritudine; *ignis*, alias quoque pulchrae puellae ob amorem, quem in amantium animis accendunt, appellari solent *ignes*. Notissimus est locus Terentii Eunuch. I. 2. 6. *Accede ad ignem hunc, iam calentes plus satis*. Virgil. Eclog. III. 66. *At mihi sese offert ultro meus ignis Amyntas*. Sed multo significantius nunc *ignis* dicitur Helena, quippe quae non tantum Paridis animum amore erga se accendit, sed per hunc ipsum simul amorem accensae quoque Troiae causa exstitit. — *neque uno contenta*, Catullus quoque LXVIII. 135. *de amica sua: Quae tamen etsi uno non est contenta Catullo*.

CARMEN XV

AD NEAERAM.

Nox erat, et caelo fulgebat Luna sereno,
 Inter minora sidera,
 Quum tu, magnorum numen laesura Deorum,
 In verba iurabas mea,
 Arctius, atque hedera procera adstringitur ilex,⁵
 Lentis adhaerens brachiis;
 Dum pecori lupo, et nautis infestus Orion
 Turbaret hibernum mare,

CARMEN XV.

Neerae, quam sanctissimo iure iurando datam sibi in amore fidem fefellisse queritur, firmissimum animi sui consilium significat. Iuvenem autem a Neera nunc sibi praelatum, quamvis ille ditissimus, doctissimus et fornosissimus sit, eandem tamen apud Neeram perfidiam experturum esse, in doloris sui solatium anguratur.

v. 1—10. *Nox erat* cett. vide, quam egregie poeta exornaverit sententiam fere hanc: Luna lucebat in caelo sereno, cum inter arctissimos complexus iureiurando, ta semper meunum amaturam esse, et deos et me luderes! *Nox erat et caelo fulg. lun. ser.*, Noctem, Lunam et sidera saepe apud poetas amantes amoris sui conscia faciunt; conf. Meleag. LXXI. 1 seqq. Anth. Gr. T. I. p. 22. et plura in hanc rem a *Mitscherlichio* prolata exempla. *inter minora sidera*, supra I. 12. 47. *velut inter ignes Luna minores.* *magnorum numen deorum*, maiestatem magnorum deorum, magnos deos; intellige Venerem et alios

deos deasque; Tibull. I. 2. 79. *Num Veneris magnae violavi numina verbo?* — *laesura*, sic Phyllis apud Ovid. Heroid. II. 43. de laesis a Demophoonte per periuria numinibus: *Si de tot laesis sui numina quisque Deorum vindicta; in poena non satis unus erit.* *In verba mea*, in verba, quae ipse tibi praeibam. *Arctius, atque hedera cett.* iunge: *adhaerens lentis brachiis arctius, atque procera ilex adstringitur* (circumdatur) *hedera* (=b hedera), h. e. dum lentis tuis brachiis arctius meis amplexibus adhaerebas, atque (quam) hedera ilici adhaerere solet; *ilex adstringitur hedera*, exquisitius pro hedera adstringitur (h. e. annectitur) ad ilicem, h. e. ambit ilicem. *lentis*, flexibilibus, apposite de arcto amplexu. Ceterum de arctis amantium complexibus cum hedera, arboribus se applicante, comparatis conf. supra I. 36. 20. *dum pecori lupo*, particulam semper per res, quae semper natura sua sibi constant, tribus versibus circumscripsit; *lupo pecori* sc. infestus esset. *nautis inf. Orion Turbar. hibernum mare*, cf. supra I. 28. 21, III. 27. 18. et Epod. X. 10.

Intonsosque agitare Apollinis aura capillos,
 Fore hunc amorem mutuum. 40
 O dolitura mea multum virtute Neaera!
 Nam, si quid in Flacco viri est,
 Non feret assiduas potiori te dare noctes,
 Et quaeret iratus parem,
 Nec semel offensi cedit constantia formae, 45
 Si certus intrarit dolor.
 At tu, quicumque es felicior, atque meo nunc
 Superbus incedis malo,
 Sis pecore et multa dives tellure licebit,
 Tibique Pactolus fluat, 20

— *Intonsosque agit. Apoll. aura capill.* pro tenui: et intonsi Apollinis crines essent; designatur autem aeterna Apollinis iuventas, capillis intonsis spectabilis; Tibull. I. 4. 37. *Sola aeterna est Phoebus Bacchoque iuventas, Nam decet intonsus crinis utrumque deum.*

v. 44—46. *O dolitura mea multum virtute Neaera*, O Neaera, non sine magno dolore, me forte cepisse consilium, animadvertes. *virtute* iam de constantia, qua quis in capto aliquo consilio persistit. *dolitura*, Catull. VIII. 14. *At tu dolebis, cum rogaberis nulla, Seelista, nocte*, cf. Philodemi Ep. XX. Anth. Gr. T. II. p. 75. *Nam, si quid in Flacco viri est*; Terent. Eunuch. I. 1. 21. *sentiēt* (Tbais), *qui vir siēm. et I. 2. 74. Eu noner! laudo, tandem perdoluit: vir es. potiori*, conf. supra ad III. 9. 2. *parem*, aliam puellam pari fide in amore sibi uni addictam; Propert. I. 4. 34. *Sitis et in tuto semper amore pares. Nec semel offensi constantia, nec mea constantia, cum*

semel a te offensus et aliis postpositus fui, *cedet formae*, formae tuae venustate se vinci et immutari patitur; *offensi semel constantia*, brevi elegantia pro: mea, qua semel a te offensus me obduravi, constantia; similiter supra Epod. XI. 13. *calentis arcana*. Dedi nempe pro vulgari lectione *offense*, quae, sive hanc vocem active, « ubi me semel offendi, » sive passive, « ubi semel te offendero, » explicaveris, friget et dura est, cum Bentleio *offensi*. — *si certus intrarit dolor*, si certum firmiterque, quod dolor subdidit, cepero consilium.

v. 47—24. *At tu, quicumque es felicior*; Tibull. I. 5. 69. *At tu, qui potior nunc es, mea furta timeto; Versatur celeri Fors levis orbe rotae. — meo superbus incedis malo*, superbe me tibi a Neaera postpositum rides. — *Pactolus*, Lydiae fluvius, aureis arenis, quas vexisse dicitur, satis notus. *arcana*, recondita praecepta et dogmata; *Pythagorae renati*, conf. supra ad I. 28. 11. —

Nec te Pythagorae fallant arcana renati,
 Forma quae vincas Nirea :
 Eheu ! translatos alio moerebis amores :
 Ast ego vicissim risero.

CARMEN XVI

AD POPULVM ROMANVM.

Altera iam teritur bellis civilibus aetas,
 Suis et ipsa Roma viribus ruit.

Nirea, cf. III. 20. 15. *Ast ego vicissim risero*, comparant Asclepiad. XVIII. 3. Anth. Gr. T. I. p. 147. Plura in hanc sententiam vid. apud *Jacobz.* ad Straton. Epigr. XXXV. in *Animadv.* Vol. II. P. III. p. 83.

CARMEN XVI.

Cum nondum saevire desinerent bella civilia, imo novis nunc republicam terrent periculis; posita ruinae, quae per illa imperio immineat, cogitatione percussus eiusmodi Romanis in hoc carmine proponit consilium, quod ad eorum animos percellendos et a furore isto, quo contra semet ipsos ruant, avertendos egregie accommodatum est. Suadet nempe his, ut in re desperata Phocaeos imitentur, et, sicut illi, deserta patria, regionem exteram, in quamcunque tandem sors eos deferat, adeant. Quod quidem ut eo maiore melioris fortunae spe sequantur consilium, Fortunatas Oceani insulas, ut sedem auspiciorem, piis Romanis destinatas esse, comminiscitur. — Sententiarum nexus est fere hic: « Roma, quam nullus exterorum hostium vincere valuit, per bella civilia, in al-

teram iam aetatem producta, suis ipsis concitatur viribus! Roma in cineres collapsa solo aequabitur, et erutis Romuli ossibus insolentius insultabit barbarus! Fortasse, his malis nobis imminentibus, aut omnes, aut certe melior vestrum pars de salubriore dispicitis consilio! Saluberrimum autem haud dubie erit id, si Phocaeos in simili rerum desperatione imitati eamus, quocumque nos pedes ferent, et ventus vocabit, et, ne cui unquam in has terras redire velle in mentem veniat, sanctissimum iusurandum interponamus. Sumite igitur animum, conscendite navem, et (dicam vobis, quae fortunatiora loca nos maneant) divites insulas petite! Hic vobis omnium rerum sponte affluentibus copiis et summa vitae securitate atque felicitate frui licebit! Ipse Iupiter, postquam aetatem anream in aeream et deinde in ferream mutavit, haec littora a ceteris terris corruptis secrevit et pie genti destinavit; haec igitur, O pii, secundis auspiciis vobis adeunda sunt. » Quas quidem sententias qua arte Noster amplificaverit et exornaverit, lectores ipsi sentiant.

Quam neque finitimi valuerunt perdere Marsi,
 Minacis aut Etrusca Porsenae manus,
 Aemula nec virtus Capuae, nec Spartacus acer, ⁵
 Novisque rebus infidelis Allobrox;
 Nec fera caerulea domuit Germania pube,
 Parentibusque abominatus Hannibal:
 Inpia perdemus devoti sanguinis aetas;
 Ferisque rursus occupabitur solum. ¹⁰
 Barbarus heu! cineres insistet victor, et urbem
 Eques sonante verberabit ungula;

v. 4—10. *Altera aetas*, si hominum aetatem, γεινέειν, ad vulgarem rationem (vid. quos laudat *Albert.* ad Hesych. s. v. γεινέειν, T. I. p. 814. n. 48.) pro triginta annorum spatio accipimus, hoc carmen autem, ut huius libri septimum et nonum, anno V. C. DCCXXI. quo contra Antonium bellum pararet Octavianus, scriptum esse ponimus; bella civilia, inde ab anno V. C. DCLXVI. quo Sulla contra Marium hostiliter insurrexerat, repetita, iam quinquaginta et quinque annos in republica saevierant.— et ipsa, αὐτὴ, sponte, ut sexcenties; — *viribus suis ruit*, supra Epod. VII. 9. *Sed ut, secundum vota Parthorum, sua Verba haec periret dextera, finitimi valuerunt perdere Marsi*, designatur bellum Marsicum sive Sociale, de quo vid. supra ad III. 14. 48. — *Minac. aut Etrusca Porsenae manus*, bellum Etruscum cum Porsena ex Livio II. 9. satis notum. *Aemula nec virt. Capuae*, laudant Cic. in L. Agr. II. 32. *Maiores vestri — tres solum urbes in terris omnibus, Carthaginem, Corinthum, Capuam, statuerunt posse imperii gravitatem ac nomen sustinere. Spartacus acer*, bellum servile, quod concitavit Spartacus;

vid. supra ad III. 14. 49. *Allobrox*, Allobroges, Galliae populus, Rhodani a lacu Lemano ad Isaram usque accola; *novis rebus infid.*, crebras enim seditiones moverunt Allobroges, a Cn. Domitio Ahenobarbo V. C. DCXXXI. Romanorum ditioni subiecti; hinc Catilina quoque eos in partes suas trahere studuerat. *Nec fera caerulea*, *German. pub.* cf. supra ad IV. 5. 26. *parentibus abominatus*, de caesia nempe ab illo filiis; ut supra I. 4. 24. *belli matribus detestata*. — *Inpia perdem. devoti sanguinis aetas*, nos, quorum sanguis ad maiorum scelera expianda devotus est, Romam ad interitum vocabimus; conf. Epod. VII. 20. *rursus*, ut ante; loca, ubi nunc Roma atat, sola et vasta, ut ante urbem conditam, erunt; laudant Propert. IV. 4. 4. Ovid. Fast. V. 95. Tibull. II. 5. 25.

v. 11—14. *Barbarus — victor*, respicit barbaras gentes, quas Antonius sibi adiunxerat, Dacos, Aethiopes (III. 6. 44.) cett. *eques sonante verb. ungula*, ornate pro simplice: inequitabit, quod insolentiae adiunctam notionem habet; *Mitsch.* comparat Ovid. ex Pont. I. 2. 111. *Nec male compositos — Bistonii cineres*

Quaeque carent ventis et solibus, ossa Quirini,
 Nefas videre! dissipabit insolens.
 Forte, quid expediat, communiter, aut melior pars¹⁵
 Malis carere quaeritis laboribus.
 Nulla sit hac potior sententia; Phocaeorum
 Velut profugit execrata civitas:
 Agros atque Lares proprios, habitandaque fana
 Apris reliquit et rapacibus lupis: 20
 Ire, pedes quocunque ferent, quocunque per undas
 Notus vocabit, aut protervus Africus.
 Sic placet? an melius quis habet suadere? secunda
 Rate[m] occupare quid moramur alite?
 Sed iuremus in haec: Simul imis saxa renarint 25
 Vadis levata, ne redire sit nefas;

ungula pulset equi. Quaeque carent ventis et sol. ossa Quir., et ossa Romuli, quae nec ventis nec soli exposita sunt, h. e. condita et humata sunt, quaeque, tamquam rem sacram, oculis usurpare nefas est, insolens dissipabit. Sepulera enim iam per se religiose coli debebant (Cic. Quaest. Tusc. I. 12. ubi vide *Interpr.*), multo religiosius autem sepulcrum Urbis conditoris Romuli (laudant Claud. XXVI. 100 seqq.), quod, ut Cruquii Scholiast. ex Varrone docet, pro Rostis fuit; quae carent ventis, similiter supra III. 29. 23. *carentque Ripa vagis taciturna ventis; nefas videre*, apposite in hanc rem Mitsch. ex Pseudo-Phocyl. v. 94, 95. assert: Μὴ τύμβον φθιμένου ἀνορύξῃς, μήτ' ἀλυστα δαιῖος ἡλίου, καὶ δαίμωνιον χόλου ὄψεσθαι.

v. 15—24. Forte, quid expediat cett. h. e. fortasse aut communiter omnes, aut certe melior pars, nunc dispicitis, quid ad mala, quae vobis imminet, evitanda prosit inprimis

et conferat. Nulla sit hac potior sententia, si me auditis, nihil prius nobis faciendum est, quam ut Phocaeorum exemplum secuti camus, quocunque nos pedes ferent. Phocaeorum. *velut.* — Phocaei enim, graviter ab Harpago, Cyri duce, obsessi et iam ad deditionem paene adacti, cum patriam una cum coniugibus et liberis suis relinquendi cepissent consilium, priusquam discederent, massam ferri in mare inieciisse, et, se non prius, quam illa ex mari emerisset, redituros esse, inter execrationes iurasse traduntur; vid. Herod. I. 165. *civit. execrata agr. atque Lar.* se execrando et diis Manibus devovendo, si unquam rediret in patriam. *ire, pedes quocunque fer.* supra III. 11. 48. *I, pedes quo te rapiunt et aura.* protervus, conf. ad I. 26. 2. Sic placet? ex sententiam rogantis formula. *secunda alite*, bono omine.

v. 25—34. in haec, sc. concepta verba; ipse nempe praestitit carmen ex-

Neu conversa domum pigeat dare lintea, quando
 Padus Matina laverit cacumina;
 In mare seu celsus procurrerit Apenninus;
 Novaque monstra iunxerit libidine 30
 Mirus amor, iuvet ut tigres subsidere cervis,
 Adulteretur, et columba milūo;
 Credula nec rivos timeant armenta leones;
 Ametque salsa laevis hircus aequora.
 Haec, et quae poterunt reditus abscindere dulces, 35
 Eamus omnis execrata civitas,
 Aut pars indocili melior grege; mollis et expses
 Inominata perprimat cubilia.

sacrabile sive iurisiurandi formulam.
 — *Simul im. saxa renar. vad. lev. ne red. s. nef.* simulac haec saxa ex imo maris fundo emeruerint, tum in patriam redire nobis liceat et fas sit; ferri massae, quam Phocaei iusiurandum peragentes in mare iniectisse dicuntur, Noster saxa substituit; *levata renarint*, ornatè et significanter pro: in altum resurrexerint, emeruerint. — Ceterum quemadmodum Noster in carmine praecedente v. 6 seqq. *tò* semper per res, quae natura sua sibi semper constant, ita nunc *tò nunquam* per res, quae natura sua fieri nequeunt, sive per *ἀδύνατα*, circumscripsit, quāquam eum in iis cumulandis iuveniliter luxuriasse dixeris. — *neu pigeat*, et tum placeat; *conversa lintea domum dare*, domum renavigare. *Padus*, citerioris Galliae fluvius, *Matina laverit cacumina*, mutato cursu Matini, Calabriae montis, alluerit et superaverit cacumina; *seu*, sive quando; — *Apenninus*, mons longo tractu per Italiam porrectus. *mirus*, inauditus. *monstra iunxerit nova libidine*, diversae naturae animalia, novo iis

per miraculum quoddam iniecto instinctu, ad coitum stimularit: ut, ita, ut. *monstra* iam dicuntur animalia, quae prodigio quodam aliam naturam induunt. *subsidere*, se submittere, subiici maribus. Lucret. IV. 1191. *Nec ratione alia volucres, armenta feraeque, Et pecudes, et equae maribus subsidere possent.* *Adult. columba milūo*, *Mitsch.* comparat Lucian. DD. XXII. 1. *τράγος ποιχύνει αἴψα.* *credula*, de securitate sua persuasa; *rivos*, explicant: ravis oculis truculentos, sed. cf. ad III. 27. 3. *hircus laevis*, ex hircio piscis instar laevis factus; comparant Archiloch. XVI. 7 seqq. Anth. Graec. T. I. p. 44.

v. 35—38. *abscindere*, abrumpere, intercludere; *reditus dulces*, reditus in patriam, quae, ut Ovid. ex Pont. I. 3. 35. loquitur, *dulcedine quadam nos captos tenet.* *execrata*, iureiurando et execratione, se nunquam redituram esse, obstricta. *mollis*, prae mollitia et ignavia maritimi itineris labores fugiens; *expses*, abiectum animum ad melioris sortis spem haud attollens; *inomin. perprimat*

Vos, quibus est virtus, muliebrem tollite luctum,
Etrusca praeter et volate littora. 40

Nos manet Oceanus circumvagus, arva, beata
Petamus arva, divites et insulas;

Reddit ubi Cererem tellus inarata quotannis,
Et inputata floret usque vinea;

Germinat et nunquam fallentis termes olivae, 45
Suamque pulla ficus ornat arborem;

aebilia graviter pro: inauspicato domi
maneant.

v. 39—54. *muliebr. tollite luctum*, nolite sub discessu ex patria muliebriter lamentari, sed viri esote. Orationis colorem, observante Mitscherlichio, duxit Noster ex Archilochio (in Stob. Flor. Grot. p. 513.) ; ἐλπίτε, γυναικίον πένθος ἀποβάλλετε — *Etrusca praet. et volate litt.* celeri cursu mare Tyrrhenum transvecti Oceanum versus navigate; *volare*, de celeri navium cursu, vid. ad Catull. IV. 5. *Nos manet Oceanus circumvagus, arva*, Mitscherlichius, qui *arva* cum *circumvagus* iungit, hunc locum ita explicat: «qua arva ambit, adeoque insulas in Oceano sitas; pro vulgari: nos manent arva, Oceano circumflua;» mihi quidem locutio *circumvagus arva* pro: vagus circum arva, durissima videtur; ut nihil dicam, tam vim repetitionis *beata arva*, quam orationis gravitatem atque nexum perire, si *arva* priore loco posita ad *circumvagus* referatur. Supra I. 34. 9. *flumina* simpliciter dicebantur *vaga*; cur non aequè ad rem *Oceanus* simpliciter dici possit *circumvagus*? h. e. late diffusus. Sensus: Trans Oceanum circumvagam, qui nos manet superandus, petamus arva, et quidem beata arva et divites insulas. Sic fere apud Virg. Aen. VII. 225.

Oceanus refusus: — et si quem tellus extrema refuso Submovet Oceano. — *divites insulas*, Μακίπων νήσους, Fortunatas insulas, quo nomine apud veteres eas, quae nunc *Canariae* vocantur, designatas fuisse, iam alii probatum ivere. — Est autem harum insularum apud Plutarch. in Sertor. p. 520. edit. Reisk. et Pompon. Mel. III. 10. 10. ita comparata descriptio, ut poetam eas potissimum, in quas, quae poetae de aurea aetate sinxerunt, transferret, sibi delegisse, haud mireris. Observatum quoque fortasse poetae est, ut iam *Geenerus* in Praelect. II. de navig. extr. Column. Herc. p. 458. monuit, consilium illud, quod Sertorius V. C. DCLXXXIII. cum eius res in Hispania in summum discrimen adductae fuissent, in insulas Fortunatas traiciendi cepisse dicitur; vid. Plutarch. l. l. *reddit Cerer. fruges fert*; proprie quidem *Cerere* reddere dicitur ager cultus et aratus, qui semen sibi creditum cum foenore reddit, h. e. largas fruges ex semine profert; sed haec locutionis proprietas haud urgenda est. — Ceterum translata illam ex aurea aetate ad Fortunatas insulas de agrorum inaratorum fertilitate sententiam quatuor versibus poeta pulchre amplificavit. Comparanda autem cum Nostro ea poetarum loca, quae in

Mella cava manant ex ilice, montibus altis
 Levis crepante lympa desilit pede.
 Illic iniussae veniunt ad mulctra capellae,
 Refertque tenta grex amicus ubera; 50
 Nec vespertinus circumgemit ursus ovili;
 Nec intumescit alta viperis humus.
 Nulla nocent pecori contagia, nullius astri
 Gregem aestuosa torret impotentia.
 Pluraque felices mirabimur; ut neque largis 55
 Aquosus Eurus arva radat imbribus,

aureae aetatis descriptione versantur, in quoque fere poeta obvia. *ficus pulla*, fusi coloris, qualis est ficuum maturarum; *ornat suam arborem*, in sua nascitur arbore, non io frondibus peregrinis, h. e. per insitioois opus adoptatis; de ficuum insitione vid. Cato XLII. 4. Columell. V. 44. 7. *sua*, similiter apud Virgil. Georg. II. 82. *arbor novas frondes et non sua poma mirari dicitur. mella cava man. ex il.* cf. Tibull. I. 3. 45. Virg. Eclog. IV. 22. *crepante pede*, dulci murmure; Lucret. V. 273. et VI. 658. *super terras fluit agmine dulci, Qua via secta semel liquido pede detulit undas*; cf. Mitsch. *Illic iniussae ven. ad mulctra capell.* Virg. Eclog. IV. 24. *Ipsae lacte domum referunt distenta capellae Vbera.* — *amicus*, suaviter de grege, qui sponte et amanter quasi munera sua dominis offert. *Nec vespertinus circumg. urs. ovil.* Virgil. Georg. III. 537. *nec lupo insidiis explorat ovilia circum*; *Nec gregibus nocturnus obambulat*; cf. Eclog. IV. 30. et ibi *Cerda* — *Nec intumesc. alt. viper. humus*, oec terra alit vipers, vel viperis quasi gravida est; *intumescit* sublimius ad terram transfert, quod vi-

peris veneno tumentibus proprium est; *humus alta*, num, quia in terris altioribus vel locis acclivibus lustra sua habere solent viperæ? ut sit: nec mootosa ibi est humus, quæ viperis intumescat. Si statuere liceat, librariorum fortasse in epitheto voci *humus* addito peccasse, equidem pro *alta* malim *alta*, vel *atra*, ut, sicut *intumescit*, ad atrum viperarum venenum referatur. *Nulla nocent pecori contagia*, aer ibi spirat saluberrimus; *aestuosa impotentia*, nempe, ut supra III. 43. 9. dicitur, *flagrantis atrox hora Caniculæ.* — Ceterum versus 53 et 54. qui io editt. vett. post versum 62. apparent, iam ab aliis, ne omnem ibi sententiarum oexum turbareot, huc transpositi suot. Sed cum statim in versibus sequeotibus de mitiore aëris temperie agatur, oec hic quidem satis opportunum locum occupant. Facile igitur accesserim iis, qui hos duos versus, licet Horatio baud indignos, ab aliena manu importatos esse statuunt.

v. 55—58. ut, exempli causa, quod, — *nequ. larg. aquo. Eur. arva rad. imbr.* cett. nec crebrae pluviae hos agros vexent, nec siccitas eos exurat, h. e. media quaedam in his terris re-

Pingua nec siccis urantur semina glebis;
 Vtrumque rege temperante Coelitum.
 Non huc Argoo contendit remige pinus,
 Neque impudica Colchis intulit pedem; 60
 Non huc Sidonii torserunt cornua nautae,
 Laboriosa nec cohors Vlixei.
 Iupiter illa piaec secrevit litora genti,
 Vt inquinavit aere tempus aureum:
 Aerea dehinc ferro duravit saecula, quorum 65
 Piiis secunda vate me datur fuga.

gnet aëris temperies. Similiter fere de campis Elysiis Hom. Odys. IV. 567. Οὐ νεπέτος, οὐτ' ἄρ' χειμὼν πολὺς, οὔτε πόντ' ὄμβρος, Ἀλλ' αἰεὶ Ζεφύροιο λυγυρσιέοντας ἀήτας Ωκεανὸς ἀνέησιν, ἀναψύχων ἀνθρώπων. utrumque, pluviosam tempestatem et continuum solis ardorem.

v. 59—66. *Non huc Argoo celt.* Qui in his insulis vivunt, nullum cum peregrinis habent commercium, adeoque periculi, ne illorum vitiiis corrumpantur, immunes et expertes sunt. Ex his autem, qui longinquis per Oceanum usque navigationibus celebrati sunt, Argonautas, Vlysem, et Phoenices ponit. *pinus Argoo remige*, navis Argo: *impudica Colchis*, Medea, cum Iasone Graeciam versus navigans. *torserunt cornua*,

antennarum cornua s. antennas litori obverterunt, significanter pro appulerunt. *laboriosa*, multis laboribus et periculis in mare exercitata; conf. carm. seq. v. 16. *secrevit*, a ceteris terris corruptis excepit et destinavit *pieci genti*. *Obversatus Nostro est Hesiod. Epy. 167. Τοῖς δὲ δῖχ' ἀνθρώπων βίοντα καὶ ἔθε' ὀπίστας Ζεὺς Κρονίδης κατένασσε πατὴρ ἐς πάρατα γαίης. — Καὶ τοὶ μὲν νόστον ἀκηδία θυμὸν ἔχοντες ἐν μακάρων νήσοισι παρ' Ωκεανὸν βαθυδίην. Vt inquinav. aere tem. aere*, postquam Iupiter aetatem auream in aeream et deinde in ferream mutavit; *inquinavit*, corruptit; significanter pro: mutavit, tempus deterius fecit; — *quor. piiis secund. vat. me dat. fug.* quae quidem ferrea saecula fugere licebit piiis me vatem sequentibus.

CARMEN XVII

AD CANIDIAM.

HORATII.

Iam iam efficaci do manus scientiae
Supplex, et oro regna per Proserpinae,

CARMEN XVII.

Canidia, quam Horatius supra Epod. carm. 5. ut libidinosam anum at veneficam pessime tractavit, vario modo iram suam ob illud carmen ita in poëtam effudisse videtur, ut eum de integro contra se lacessitum ad hoc alterum carmen scribendum incitaret. Poëta igitur, se ipsum Canidiae artibus magicis petitem et saevissimis cruciatibus ab ea affectum esse, fingens, non sine magna irrisione, ut sibi nunc satis perdomito pareat, supplex eam orat et obsecrat. Ad eius animum autem placandum et mitigandum his utitur rationibus: Achillem quoque et Circei supplicibus precibus locum reliquiasse, ait; se nunc satis superque poenarum ei pro sua dedisse petulantia, et, quanta ait eius in arte venefica potentia, ingente dolore expertum esse; se ad omnes, quasunque iusserit, poenas exsolvendus, imo ad eius laudes ad caelum uque mendaci lyra extollendas paratum esse; Dioscuros quoque Stesichori palinodia, ut ei lumina redderent, permotos esse. Sed Canidia, quam respondentem inducit, se nullis precibus frangi posse, imo ab Horatio, qui eius aëra irraserit, et urbem eius nomine impleverit, crudelissimas poenas expetituram esse minatur et proficitur. — Sed longe

aliter de hoc carmine sentit *Mitscher-Bolius*. Tantum nempe huius eum Epod. carmine quinto nexum esse statuit, ut tela, in illo inchoata, hoc demum detexta at absoluta sit. Hinc a v. 1—51. non Horatium, sed Varum loqui ita sibi persuasum habuit, ut, expuncto Horatii nomine, Vari nomen huic carmini praefigendum curaret. Sed huic opinioni plura in hoc carmine obstant. Nam ut nihil de v. 39. *sive mendaci lyra Voles sonari*, dicam, quomodo ridiculus iste senex, Varus, v. 42—44. se eum Stesichoro comparare, vel Stesichori exemplum in causam suam laudare potuit? Et quomodo, quae Canidia v. 56 seqq. dicit: *Imultus ut tu riseris Cotytia Vulgata, aërum liberi Cupidinis? Et Aquilini Pontifex venefici Impune ut Urbem nomine implevis meo?* in Varum quadrant? Imo omnis huius carminis via et acerbitas ponenda est in ironia sive simulatione; nam dum palinodia, ut Stesichorus Dioscuros, Canidiam se placare velle simulat, eam acerbissime exagitat, et dum eam laudat, saepe eius scelera et flagitia notat et traducit.

v. 1—7. *Iam iam effic. do manus scien. supplex*, iam supplex ad genus tua provolvor, et artis tuae potentia me victum profiteor; *manum dare* sollemnis locutio de victis, victori se submittentibus. *regna per Proser-*

HOR. TOM. I

Cc

Per et Dianae non movenda numina ,
 Per atque libros carminum valentium
 Defixa caelo devocare sidera ,
 Canidia, parce vocibus tandem sacris ,
 Citumque retro solve, solve turbinem.
 Movit nepotem Telephus Nereium ,
 In quem superbus ordinarat agmina
 Mysorum, et in quem tela acuta torserat.
 Vnxere matres Iliæ addictum feris
 Alitibus, atque canibus homicidam Hectorem ,

5

10

pinæ, orat igitur per ea, quæ Canidiae, ut veneficæ, vel maxime cara et veneranda esse debebant; per Dianæ non movenda num., per Dianam haud sollicitandam et ad iram lacessendam; defixa, incantatione ligata et devota, sed quævis, incantata; nam cum sermo sit de arte magica, defigi autem propriis dicantur, quibus vis fit per artem magicam (vid. N. Heins. ad Ovid. Her. VI. 91. et Amor. III. 7. 29.); equidem defixa pro affixa caelo, explicare noli. caelo devoc. sidera, ut supra Epod. V. 45. lunam caelo deripere. — vocibus sacris, formulis vel carminibus magicis. Citumque retro solve, solve turb. et fac, ut licia, quibus nunc me ligas, resolvantur; retro ago turbinem sive rhombum magicum, h. e. vi magica, qua nunc vincior, me solve. Scilicet ut citissime agitat (citus) vel rotatus rhombus per Iliæ attracta et advoluta incantatos vi magica ligabat et vinciebat, ita idem retro actus per licia remissa et revoluta eos vi magica solvebat et liberabat; ut turbina sive rhombo magico vid. quos laudat Blassch. Hinc retro carmen agere dist. Val. Flacc. l. 781. seqq. iam iam exorabile retro. Carmen agens, neque enim ante levis ni-

ger avehit umbras Porcitor et vinotas (hæc enim unica vera est lectio, quam pro inepta cunctas, mira sagacitate supersens Flacco restituit Amicis. Jacobs.) primi stant faucibus Orosi.

v. 8—18. *Movit nepotem* cett. Facete ludit Canidiam, dum eam, ut mulierem abiectissimam, cum illustrissimis antiquitatis heroicis componit. *Telephus*, rex Mysorum, cum contra Achivos, ad elus oras ap-pulsos, exercitum duxisset, et vulneratus ab Achille, et eiusdem cura a vulnere sanatus esse dicitur; vid. Hygin. Fab. Cl. Hinc Ovid. Trist. V. 2. 15. *Telephus æterna convulsus tæbe perisset, Si non, quæ novit, dextra tulisset opem*, cf. Propert. II. 4. 65. — *nepotem Nereium*, mater enim Achillis, Thetis, Nerei filia fuit. — *vnxere matres addict.* cett. Achilles, quamvis Hectoris corpus alitibus et canibus destinaverat, tamen, ut illum sepeliendum suis redderet, Priami precibus adductus fuit. *Vnxere matres Iliæ*, corpora enim sepelienda, ut satis notum, lavari et ungi solebant. Virgil. Aen. VI. 218. de sepeliendo Miseno: *Pars salidos laticeos et aëna undantiæ flammis Expediunt, corpusque lavant frigentiæ et ungunt;*

Postquam relictis moenibus rex præcidit

Heu ! pervicacis ad pedes Achillei.

Setosa duris exuere pellibus

Laboriosi remiges Vlixæi,

Volente Circa, membra ; tunc mens et sonus

Relapsus, atque notus in vultus honor,

Dedi satis superque poenarum tibi,

Amata nautis multum et institoribus.

Fugit iuventas, et verecundus color

Reliquit ossa, pelle amicta lurida ;

Tuis capillus albus est odoribus,

Nullum a labore me reclinat otium.

Vrget diem nox, et dies noctem, neque est

Levare tenta spiritu præcordia.

ubi copiosissime de hoc ritu egit *Cerda*.

— *Hector. addit. fer. alit. atque can.*

Achilles enim, se corpus Hectoris alitibus et canibus proieturum esse, sæpe minatus fuerat. Hom. Iliad. XXIII. 483. *Εκτορα δ' οὐτι δώσω Πραξιμένην κρυπὶ δαντέμην, ἀλλὰ χύνομαι.*

— *homicidam, ἀνδρόπονον*, fortissimum.

— *Postquam relict. moen. rex præcid.* supra I. 40. 44. Priamus *Ilio*

relict, ut corpus Hectoris redimeret, per Mercurium ad Achillem ductus dicitur.

pervicacis, supra I. 6. 6. *Pelidas cedere necii.*

Setosa dur. exuer. pell. de Vlysiæ sociis a Circa in sues mutatis, et ab eadem, Vlyse deprecante, humanæ formæ restitutus vid. Homerum Odys. X. *setosa*

membra duris pellibus, setosorum porcorum formam.

laboriosi, multis laboribus et ærumnis exercitati; cf. Carn. anteced. 62.

notus honor, pristina humanæ formæ pulchritudo et dignitas.

v. 19—26. *Dedi satis superque poen. ubi*, intelligit cruciatus per Canidiæ

veneficia sibi injectos, quos ipse statim describit.

Amat. naut. mult. et *institor*. fecerat igitur olim Canidia cuique pro mercede sui copiam; supra

III. 6. 30. *Seu vocat institor, Seu navis Hispanne magister, Dedeorum pretionis emtor.*

Fugit iuventas cett. acerbè exagitat Canidiæ artem magicam, dum eius vi se nunc misere macerari et contabescere fingit;

— *verecundus color*, roseus nempe;

— *Reliquit ossa, pell. amict. lurid.* pulchre pro vulgari: mutatus est in luridum.

Tuis capillus albus est odoribus; tuis incantationibus canescere incipio; per odores intellige

herbas magicas, *φάρμακα*. Comparant Theocrit II. 88. qui prae amore

tabescentis imaginem adumbrat sic:

Καὶ μὲν χροῖς μὲν ὁμοῖος ἔγινετο πάλαι

Ἰαφῶ, Ἐόβην δ' ἐκ κεφαλῆς πᾶσαι

τρίχες αὐτὰ δὲ λουὰ ὄσσε' ἔτ' ἔς καὶ δέπμα. me reclinat, me

requiescere sinit, a labore, amoris aestu et cruciatibus; neque est, οὐδ' ἔστι, neque licet; levare tenta

Ergo, negatum, vincor, ut credam miser,
 Sabella pectus increpare carmina,
 Caputque Marsa dissilire naenia.

Quid amplius vis? O mare et terra! ardeo
 Quantum neque atro delibutus Hercules
 Nessi cruore, nec Sicana fervida
 Furens in Aetna flamma. Tu, donec cinis
 Iniuriosis aridus ventis ferar,
 Cales venenis officina Colchicis.

Quae finis? aut quod me manet stipendium?
 Effare: iussas cum fide poenas luam;
 Paratus expiare, seu poposceris
 Centum iuencos, sive mendaci lyra
 Voles sonari; tu pudica, tu proba

spiritu praecordia, ornate pro respirare.

v. 27—35. *Ergo, negatum, vinc.* ut cred. mis. ergo verum esse, quod antea de carminum magicorum efficacia negabam, miser ego, ut credam, experientia vincor. *Sabella carmina* et *Marsa naenia* dicuntur carmina magica, quod Sabini et Marsi artibus magicis deditissimi fuisse dicuntur; *pectus increpare*, eleganter pro impellere et commovere; — *dissilire*, prae dolore nempe et aestu; alias *angues carminibus magicis rumpi* et *dissilire* dicuntur; *Marsa naenia*, cf. supra Epod. V. 76. similiter Ovid. Art. Am. II. 402. *Non facient, ut vivat amor, Medeides herbae, Mixtaeque cum magicis naenia Marsa sonis.* — *Quant. neque atro delibut. Heroul.* Nessi cruor. supra Epod. III. 47. *Nec manus humeris efficacia Herculis Inarsit aestuosius*, ubi vid. not. *nec Sicana. fervida furens in Aetna flamma*, Catull. LXVIII. 54. *Cum tantum*

arderem, quantum Trinacria rupes, ubi plura de hac comparatione vide apud Vulp. et Stat. *Tu, donec cinis cett.* tu nulla mei miseratione tacta tamdiu venenis Colchicis in me miscendis et comparandis insudas, usque dum me in aridum cinerem, protervis ventis dissipandum, redegeris. *Cales officina*, exquisita pro: ea mihi quasi officina, quae calet venenis Colchicis.

v. 36—44. *stipendium*, redemptionis pretium, poena mihi victo tibi victrici pendenda; cf. supra ad IV. 8. 47. *centum iuencos*, hecatomben; *mendaci*, quae nempe mulier impudica et improba ut pudica et proba laudatur; *tu pud.*, *tu proba* *Perambulab. astr. sid. aur.* ego te carminibus meis ut pudicam et probam stellis inseram, h. e. ad caelum usque extollam; *perambulabis astra*, te inter cetera astra iactabis; *to perambulare* notionei superbiae et iactantiae habet; cf. supra ad Epod. IV. 5.

Perambulabis astra sidus aureum.
 Infamis Helenae Castor offensus vice,
 Fraterque magni Castoris, victi prece,
 Adempta vati reddidere lumina.
 Et tu, potes nam, solve me dementia,
 O nec paternis obsoleta sordibus,
 Nec in sepulcris pauperum prudens anus
 Novendiales dissipare pulveres.
 Tibi hospitale pectus, et purae manus:
 Tuusque venter Pactumeius; et tuo
 Cruore rubros obstetrix pannos lavit,
 Vtuncque fortis exsilis puerpera.

45

50

CANIDIA.

Quid obseratis auribus fundis preces?

— *Infamis Helenae Cast. offens. vice*
Frat. mag. Cast. Ut militem te mihi
 praebes, exemplo tibi sint Dioscuri,
 qui, quamvis Stesichoro ob probro-
 sum, quo Helenam diffamaverat,
 carmen graviter irascebantur, tamen
 eius palinodia, ut ereptum ei oculo-
 rum usum redderent, victi et per-
 moti sunt; de fabula Stesichori vid.
 supra ad l. 16. in *Argum. s. fin.* et
 quos laudat *Mitsch.* ad h. l.

v. 45—52. *potes nam*, δύνασαι
 γὰρ, ex solemnibus in precibus ad deo-
 rum numina formula. *nec obsole-
 ta*, h. e. despecta, res enim obsole-
 tae in despectu sere esse solent; *pa-
 ternis sordibus*, sordida origine. —
*Nec in sepulcr. paup. prud. an. noven-
 dial. dissip. pulveres*, nec es anus,
 quae calleas in pauperum sepulcris
 novendiales pulveres dissipare; cine-
 res nimirum in sepulcris religiose
 condi et servari, non loco suo mo-
 veri et dissipari, debebant, quod
 fiebat, si a sagis auferrentur; *sepulcr.*

pauper. nam ditiores sepulcris, ne
 cinerea a sagis auferri possent, cu-
 stodes addere solebant; vid. *Dorvil.*
 ad *Charit.* p. 429. edit. Lips. *noven-
 dial.*, qui ante novem dies, ut po-
 stulabat disciplina magica, conditi
 erant; de cinerum in re magica usu
 res nota; cf. *Satyr.* l. 8. 22. *Tuusque
 venter Pactumeius*, at filius tuus Pa-
 ctumeius, quem te, ut sagam, alii
 matri subripuisse suspicantur homi-
 nes, genuinus ventris tui foetus est,
 vere e ventre tuo editus est; *venter*
 pro filio; exempla vid. apud *Bentl.*
 Ceterum suspicionem illam, qua Ca-
 nidia filium suum Pactumeium alii
 matri per artem magicam subduxisse
 credebatur, tangit quoque supra E-
 pod. V. 5. miser ille puer a Canidia
 petitus: *Per liberos te, si vocata par-
 tubus Lucina veris alfuist.*

v. 53—59. *Quid obseratis auribus
 fundis preces?* ceti. Quo maior Cani-
 diae, quam sibi respondentem posita
 inducit, est ferocia et insolentia,

Non saxa nudis surdiora navitis
 Neptunus alto tundit hibernus salo. 55
 Inultus ut tu riseris Cotytia
 Vulgata, sacrum liberi Cupidinis?
 Et Esquilini Pontifex venefici
 Impune ut urbem nomine inpleris meo?
 Quid proderat ditasse Pelignas anus, 60
 Velociusve miscuisse toxicum?
 Sed tardiora fata te votis manent:
 Ingrata misero vita ducenda est, in hoc,
 Novis ut usque suppetas doloribus.
 Optat quietem Pelopis infidus pater, 65

et quo atrociores, quas ista facit, minae sunt, eo acerbior, quae eius artem magicam exagitat, est irrisio. — *Non saxa nud. surdior. navit. Neptun. alt. tund. hiber. sal. saxa*, quae fluctus marini tundunt, non surdiora sunt miserorum naufragorum precibus, h. e. quam surda esse solent saxa naufragis, tam surdae hures meae tuis precibus sunt; *inultis*, ab omni ope derelictis, in mare nempe, fracta navi, natantibus. — *Neptunus hibernus*, mota per Neptunum tempestas, *alto salo*, marinis fluctibus. *Inultus ut tu riseris* cett. Sensus: Egone patiar, ut tu inultus deriseris et evulgaveris veneficia mea, liberae Veneri sacra, et quae penes te, tanquam Pontificem, sacrotunt magicorum esset arbitrium et iudicium, impune me per ora hominum traduxeris? *Cotytia* (quae proprie fuerunt sacra nocturna, a Thracibus primum (Strab. X. p. 324.) in honorem *Cotyttus*, h. e. liberae Veneris et Licentiae instituta, unde additur *sacrum liberi Cupidinis*) nunc ideo magica sua sacra appellat Canidia, quod per ea infidini suae,

accessito nempe aene illo Varo, satisfacere voluerat; *vulgata, evulgata*, carmine illo contumelioso supra Epod. V. — *Et Esquil. Pontif. venefici*, et quasi praepositus esset sacris magicis; *Pontifex* enim sacra publicis et privatis praeerat; *veneficium* dicitur *Esquilum*, quia veneficae e monte Esquilino ossa et cinerea mortuorum ad artia magicam usum petere solebant.

v. 60—64. *Quid proderat ditasse* cett. Sensus et nexus: Quid, quaeso, si impune haec facere posses, profuisset mihi artes magicas non sine magna mercede apud anus Pelignas didicisse, aut praesentia venena miscuisse? Sed non inultus abibis, imo fata tardiora, quam optas, te manent; nam vita longa et misera trahenda tibi est eo fine, ut semper novis sufficiat et suppetiteris doloribus, h. e. novi semper te dolores excipiant.

v. 65—69. *Optat quietem* cett. *Canidia fata votis tardiora* id vers. 62. magis explicat; optabis quidem, ait, a cruciatibus tuis et laboribus liberari, sed aequo frustra optabis, ac

Egens benignae Tantalus semper dapis;
 Optat Promætheus obligatus aliti;
 Optat supremo conlocare Sisyphus
 In monte saxum; sed vetant leges Iovis.

Voles modo altis desilire turribus, 70
 Modo ense pectus Norico recludere;
 Frustraque vincla gutturi nectes tuo,
 Fastidiosa tristis aegrimonia.

Vectabor humeris tunc ego inimicis eques, 75
 Meaque terra cedit insolentiae.
 An, quae movere cereas imagines,

Tantalus, Prometheus, et Sisyphus a poenis infernalibus liberari optant. — *quietem*, poenarum remissionem. — *infidus*, Tantalus scim arcana, a Iove sibi inter epulas commissa, perfide evulgaverat. *egens benignae semper dapis*, largas quidem sibi appositae dapes videbat Tantalus, sed, cum eas illi non attingere liceret, *inter opes* (ut Nostrer supra III. 16. 28.) *inops* erat, h. e. inter medias dapes fame enecabatur; *obligatus aliti*, destinatus et devotus vulturi, qui tam in monte Caucaso, quam in Orco (cf. supr. II. 13. 37.) Promethei cor exederet. *Sisyphus*, cf. supr. II. 14. 20. *leges Iovis*, fata semel a Iove constituta.

v. 70—75. *Voles modo cetti*. Sensus: Quamvis tu autem vel saltu ex altis turribus, vel gladio in pectus adacto, vel laqueo gutturi annexo, vitam finire in animum induxeris, tamen a fastidiosa, qua maceraris, aegrimonia haud te liberare poteris, et tunc tibi has poenas exsolventi insolentius insultabo. *Norico*, epitheton ornans, ut supra I. 16. 9. — *tunc*, quando misere laborabis his doloribus, *ego vectab. eques humeris*

inimicis, ideoque itabo et insidebo humeris tuis mihi inimicis, tibi mihi infestissimo. Qui insolentius hosti insultant, equitis imagine adumbrari solent; cf. carm. anteced. v. 42. et sic *καδιννός* apud Graecos, cf. Mitsch. *Meaque terra cedit insolentiae*. Minus nunc placet huius loci, quam olim dedi, explicatio. Simplissimum videtur, si hic locus explicetur sic: mibique insolentius in altum enitenti terra cedit, h. e. ego te ex terra insolentius mecum in altum auferam. Canidia nempe, se, ut veneficam, potant dum, eius humeris insideat, insolentius secum in altum abripere et per aërem agitare velle, minatur. Qui terram relinquit, *ei terra cedit*.

v. 76—81. *An, quae movere cereas, imagines cetti*. Sensus: an ego, quae cereas imagines, ut exemplo quodam tibi ipsi paulo curiosiori probavi, animi motibus afficere, Lunam carminibus de caelo deducere, mortuos in vitam revocare, et philtrum miscere possim, nihil arte mea contra te efficiam? De *cereis imaginibus*, amantis effigiem in sacris magicis representantibus, cf. Theocrit.

Vt ipse nosti curiosus, et polo
 Deripere Lunam vocibus possim meis,
 Possim crematos excitare mortuos,
 Desiderique temperare poculum,
 \ Plorem artis, in te nil agentis, exitum?

80

II. 28. Virg. Eclog. VIII. 80. *cereas* imagines movere, iisdem, quibus amans afficitur, motibus implere; — *curiosus*, cum ex huius rei explorandae studio adesses mihi cereas imagines tractanti. *Deripere Lun. vocibus*, cf. supra Epod. V. 46. *desiderii poculum*, supra carm. laud. v. 38. *amoris poculum*, philtum. v. 81. vulgo legebatur: *Plorem artis, in te nil habentis exitum?* — *plorem artis*

explicabant: artis causa, vel de arte. Sed quis hoc durum loquendi genus ferat? Dedi igitur lectionem in edit. *Bent.* exhibitam, quae omnem difficultatem tollit. Eodem redit, quod coniecerat *Iacobius*: *Plorem artis, in te nil valentis, exitum?* — *artis exitum* pro ipsa arte, quatenus in ea exitus praecipue et effectus spectatur.

CARMEN SAECVLARE

PRO

INCOLVMITATE IMPERII.

Phoebe, silvarumque potens Diana,
Lucidum coeli decus, O colendi

Cum V. C. DCCXXXVII. ludorum saecularium instaret celebratio, et ad ritus, quos in iis celebrandis observari iubebant libri Sibyllini, pertineret quoque hic, ut puerorum puellarumque chorus hymnum in Apollinem et Dianam caneret; Augustus sane eo, quod huius hymni componendi munus Horatio, ut tradit Suetonius in eius vita, iniungeret, aeternam his ludis saecularibus paravit memoriam. Quandiu enim Musis honor suus stabit, tandiu in hoc Horatii carmine praestantissimo saecularium, quos Augustus instauravit, ludorum vigeat memoria. Elaboratissimis autem Horatii carminibus hoc carmen saeculare accensendum esse, vel inde intelligi potest, quod ad hoc rite canendum singulari carmine supra IV. 6. Apollinis opem imploravit et sibi expetiit. Nec mirum, si poeta in carmine publice in publica laetitia a puerorum puellarumque choro decantando omne studium posuerit, et omnes ingenii vires nervosque intenderit. — Quod

autem ad ludos saeculares attinet, cum in universum tam de eorum origine, quam de stato, quo celebrati sint, tempore nihil certi pronunciari possit (vid. quos de ludis saecularibus Roman. laudavit Mitsch. p. 643. in not. n. 3. et adde, quae nuperrime in hanc rem contulit Cel. Beckius in Commentatione: *Academicae Lips. in saeculi XIX. initiis pietatis monumenta Lips. apud Tauchnitz. 1801.*), Augustus eos ad Sibyllinorum oraculorum auctoritatem eo consilio, ut populus Romanus de magna, qua nunc frueretur, felicitate laetaretur, deosque de imperii incolumitate et perpetua prosperitate pie veneraretur, apparasse, tenere sufficiat. Iam vero cum Apollo et Diana non solum dii averrunci, ἀλιξῆται, ἀνερπύτοι, haberentur, sed etiam ut ii colerentur, quorum benevolentiae vel maxime deberetur tam aëris salubritas, quam agrorum fertilitas (ob causas physicas scilicet, sive ob vim, quam sol et luna in terram, adeoque in aëris salubritatem et fer-

Semper et culti, date, quae precamur

Tempore sacro :

Quo Sibyllini monuere versus,

5

Virgines lectas, puerosque castos,

Dls, quibus septem placuere colles,

Dicere carmen.

Alme Sol, curru nitido diem qui

Promis et celas, aliusque et idem

10

tilitatem habent), causa, cur eorum potissimum numina in ludis saecularibus adorarentur, et hymno celebrarentur, facile perspicitur. Tac. autem chorus in hoc hymno Apollinem et Dianam appellat, et ter singularibus precibus Romanum imperium eorum iulibus et favgi tradit et consecrat; primum quidem a versu 1 — usque ad v. 32. regat: ut Phoebus in toto terrarum orbe nusquam urbem Romae maiorem illustret, Diana vero sobolis ex legitimis coniugiis procreandae tantam curam habeat, ut exsuo CX annorum spatio iterum laeta intersit ludis saecularibus, a populo Romano, quovis felicitatis gegerit maestato, celebrandis; deinde a v. 33. usque ad v. 60. ut, Apolline et Diana Romanam tuentibus, Romana juventus mature in probitatis studio exerceatur, senectus placida tranquillitate perfruatur, totus populus Romanus omni prosperitate gaudeat, et imperium Romanum ad summum sub laetissimis Augusti auspiciis potentiae fastigium erectam virtutis adfuit neglectae cultu et honore exsplendescat, omnique rerum copia abundet; tum a v. 61. usque ad v. 72. ut propitia Apollinis et Dianae nomina vel Romanae felicitatem non solum in proximum lustrum pro-

gent, sed eam auctiorem adeo ad longissima usque tempora florere sinant. Quibus precibus finitis addit chorus epilogum, quo de certissimo precum suarum eventu Romanos sperare iubet.

v. 1 — 8. *silvarum potens*, supra III.

22. 1. *montium custos nemorumque*, ubi cf. not. *date, quae precamur, tempore sacro* celt. exaudite preces, quas fundimus ludis saecularibus, ubi secundum versus Sibyllinos puorum puellarumque chorus deos gentis Romanae tutelares hymno celebrare debet. *Sibyllini versus*, versus illi Sibyllini ad ludos saeculares spectantes exstant adhuc et apud Zusimum II. 6. inveniuntur; emendatiores eos in Argumento ad hoc carmen exhibuit Mitscherlichius. — *virgines lectas*, debebant enim tam virgines quam pueri esse patrimi et matrimi, h. e. quorum patres et matres adhuc superstites essent; eorum autem numerus, qui quoque in versibus Sibyllinis praescribitur, fuit ter novenus, ita, ut XXVII. pueri et totidem puellae essent. — *septem colles*, Roma.

v. 9 — 12. *celas*, sol diem celat et condit, quando occidit; *aliusque et idem nascetur*, et novus novo die, et idem (h. e. eodem, quo heri,

Nasceris; possis nihil urbe Roma
Visere maius.

Rite maturos aperire partus
Lenis Ilithyia, tuere matres:

• Sive tu Lucina probas vocari,
Seu Genitalis.

Diva, producas subolem, Patrumque
Prosperes decreta super iugandis

Feminis, prolisque novae feraci
Lege marita.

Certus undenos decies per annos

15

20

nitore) oris; possis nihil urbe
Roma vis. mai. utinam fiat, ut in
nullam urbem, Roma ampliotem, e
caelo despicias, h. e. fac, ut nulla
orbs in toto terrarum orbe Roma
sit potentior. Similis locus est apud
Virgil. Aen. VII. 218. regnis —
quae maxima quondam Extremo ve-
nitichs Sol adspicebat Olympo.

v. 43—32. Rite maturos cett. iam
chorus Dianam, ut deam, obstetri-
cis munere apud puerperas fungen-
tem, et quidem primum Graeco no-
mine, *Ilithyia*, deinde Latino *Lu-
cina*, seu *Genitalis*, appellat, et, ut
eius cura gens Romana legitimis
connubiis propagetur, obsecrat. —
lenis aperire maturos partus, Graece,
pro lenis in aperiendis h. e. proferen-
dis maturis partibus, tu, quae dextra
et benigna ades parturientibus s. a-
tero (ut supra III. 22. 2. de Diana
dicitur) laborantibus; aperit Diana
partus, dum partum edentibus ob-
stetricia sua opera succurrat; rite,
more suo. sive probas, sive ma-
vis. *Lucina*, Catull. XXXIV. 13.
Tu *Lucina* dolentibus luno dicta puer-
peris, ubi cf. not. et supra ad III. 22.
2. *Genitalis*, eadem, quae *Lu-
cina*, Graeco nempe homini *Ilithyia*

opponitur Latinum *Lucina*, s. *Ge-
nitalis*; nove autem iam *Genitalis*,
quae gignentes s. puerperas ope sua
levat, geniturae favet et se propi-
tiam praebet. *producas subolem*,
magis designat et explicat *Lucinae*,
subolem producentis, h. e. in lucem
protrahentis, munus. *Patr. prosp.*
decreta sup. iugand. respicitur lex
Iulia de *maritandis ordinibus*, quam
Augustus, cum ei ferendae iam V.
C. DCCXXVI. frustra dedisset ope-
ram, hoc ipso anno, quo ludi saecu-
lares celebrabantur, sensusconsulti
auctoritate populum accepturum esse
speraverat; sed vana tum quoque
fuit haec Augusti spes; perlata enim
illa lex demum est a M. Papio et Q.
Poppaeo V. C. DCCCLXII. vid. *Lipsium*
ad Tacit. Annal. III. 25. *Excurs. c.*
et quos laudat *Mitsch.* *prosperes*,
ratum esse iubeas; *prol. novae fer.*
lege marita) *lex marita*, h. e. lex
de *maritandis ordinibus* rogata ele-
ganter dicitur *ferax novae prolis*,
quia hac lege novae proli per legiti-
ma connubia procreandae, et sic
gerti Romanae casta matrum foe-
conditate augendae propagandaeque
prudenter prospiciebatur. *Certus*
undenos decies cett. Sensus: ut post

Orbis ut cantus referatque ludos,
Ter die claro, totiesque grata
Nocte frequentes.

Vosque, veraces cecinisse, Parcae,
Quod semel dictum est, stabilisque rerum
Terminus servat, bona iam peractis
Iungite fata.

Fertilis frugum pecorisque Tellus
Spicea donet Cererem corona;
Nutriant fetus et aquae salubres,
Et Iovis aurae.

25

30

centum et decem annos redeant ludi saeculares, per tres dies et noctes magna hominum frequentia celebrandi. *Certus orbis*, de tempore, quod intra certum vel dierum, vel mensium, vel annorum spatium et numerum circumvolvitur; Virgil. Aen. V. 46. *Annus exactis completur mensibus orbis*; iam de esaeo et circumvoluto, quod in libris Sibyllinis praestitutum fuit, tempore; *undecies decies per annos*, hic ipse CX annorum numerus in versibus Sibyllinis praescribitur; *cantus referatque ludos*, ludis saecularibus de integro institutis hymnum in Apollinem et Dianam puerorum puellarumque chorum decantare iubeat. *ter die claro totiesque cett.* tres enim dies et totidem noctes pariter ex librorum Sibyllinarum praescripto ludorum saecularium celebrationi dicari debebant. — *Vosque, veraces cecinisse, Parcae cett.* Sensus: et vos, o Parcae, quae veraci ore praedicistis id, quod semel constitutum est, et certus rerum eventus confirmat (h. e. immutabile est), agite, laeta peractis succedere iubete tempora; *veraces*

cecinnisse, Graece, quae deae esaei veraces in canendo h. e. praedicendo eo, *quod semel dictum est*, quod semel constitutum est; sic omnis, puto, qua in hoc loco expediendo se impediverunt interpretes, remota est difficultas; scilicet *dictum iam non est*: ore pronunciatum a Parcis, sed: constitutum, praefinitum, praestitutum sc. a fato. *Fertilis frugum cett.* Telluri quoque secundum versus Sibyllinos divinus in celebrandis ludis saecularibus honor praestari debebat; hinc chorus *Tellurem* ut deam appellat, cuius benignitate homines pecudesque alantur; inest autem his precibus fere hoc: gaudeant Romani tam secunda agrorum fertilitate, quam pecudis proventu largissimo; — *spicea donet Cererem corona*, notissimus in hanc sententiam est locus Tibulli L. 1. 4. 15. *Flava Ceres, tibi sis nostro de rure corona Spicea, quae templi pendeat ante fores.* *fetus*, agrorum fruges. Cicer. Orat. II. 30. *quod meliores ager fetus possit et grandiores edere.* *salubres*, tam ad aquae, quam ad aurae referri potest.

Condito mitis placidusque telo
Supplices audi pueros, Apollo:
Siderum regina bicornis, audi,

35

Luna, puellas.

Roma si vestrum est opus, Iliaeque
Litus Etruscum tenere turmae,
Iussa pars mutare Lares et urbem

Sospite cursu:

40

Cui per ardentem sine fraude Troiam
Custus Aeneas patriae superstes
Liberum muniuit iter, daturus

Plura relictis:

Di, probos mores docili iuventae,
Di, senectuti placidae quietem,
Romulae genti date remque prolemque

45

Et decus omne.

Quique vos bubus veneratur albis,

v. 33—48. *Condito mitis placidusque telo*, sagittis conditis sive arcu remisso incedit Apollo mitis et placidus, sagittis autem promittis, sive arcu adducto et tento, minas et iratus; conf. supra ad II 10. 20. *audi pueros* — *audi puellas*, puerorum enim puellarumque chorum vicissim in hoc carmine decantato se excepisse, sive alternis cecinisse, vis dubitari potest. *bicornis*, sic enim apparet Luna in primis novilunii diebus, et sic in ipsis iis vet. nummis, qui in memoriam horum ludorum saecularium excusi sunt, conspicitur; vid. Boettig. *Roma si vestrum est opus*, si auctoritate vestra vestrisque auspiciis Roma est condita; *litus Etruscum tenere*, Italiam, ut novam sedem ibi tenerent, adierunt; *iussa pars*, per appo-

sitionem; pars nempe illa Troianorum, qui Apollinis oraculo (Virg. Aen. III. 94 seqq. IV. 343—6. VI. 59.) iussi sunt *mutare Lares et urbem*, h. e. e patria fugere et novam sedem quaerere. *Cui Aeneas liberum iter muniuit*, cui parti dux fuit Aeneas; *per ardentem Troiam*, per ardentis Troiae flammam; hinc Aeneas apud Virgil. Aeneid. II. 633. *flammam inter et hostes Expedior, dant tela locum flammaeque recedunt*. — *sine fraude*, h. e. sine noxa, ut supra II. 19. 20. quod *iter liberum* magis explicat. *castus*, pius. — *plura relictis*, ampliora, quam quae relictia essent, h. e. regnum relicto maius et potentius. *Di*, Apollo et Diana. *remque*, opulentiam.

v. 49—60. *Quique vos bubus veneratur albis* cett. Et Augustus, qui,

Clarus Anchisæ Venerisque sanguis,
Imperet, bellante prior, iacentem
Lenis in hostem.

50

Iam mari terraque manus potentes
Medus, Albanasque timet secures;

Iam Scythae responsa petunt, superbi
Nuper, et Indi.

55

Iam Fides, et Pax, et Honor, Pudorque
Priscus, et neglecta redire Virtus
Audet: apparetque beata pleno

Copia cornu.

60

Angur, et fulgente decorus arcu
Phoebus, acceptusque novem Camenis,
Qui salutare levat arte fessos

Corporis artus,

albis bubus mactatis, nunc splendidum in vestrum honorem instituit sacrificium, summum porro leneat imperium, et hostium victor victis ac mitem et lenem praebeat. — Haec sententia multo magis favet gloriae Augusti, quam si cum Cruquio et Bontleio legeris: Quaque vos bubus veneratur (pro rogat) albis — Imperet. bubus albis, tale enim sacrificium exigebant versus Sibyllini. — Anchisæ Venerisque sanguis, hinc Augustus supra IV, 5. t. divis ortus dicitur, ubi vid. not. iacentem lenis in hostem, ad praeceptum Anchisæ apud Virgil. Aen. VI, 852. Tu regere imperio populos, Romane, memento, Hæc tibi erunt artes, pacisque imponere morem, Parcere subiectis et debellare superbos.

v. 53—60. Iam mari terraque cett. Vulgarem sententiam: «Iam hostibus terra marique victis aureae ætatis Romanam redit felicitas, et egregie ampli-

ficavit. Medus, cf. supra IV, 14. 42. Albanas secures, Romanos facies, h. e. Romanum imperium; Albanus pro Romanus; quia Alba Longa, unde Romam deducta est colonia, Romanorum quasi mater fuit. Iam Scyth. responsa pet. superb. nup. et Indi. cf. ad IV, 14. 42. Iam Fides cett. Caelicolæ enim, qui aurea ætate, ut Catullus canit LXIV, 385. præsentes domos castas invicere et accipius mortali coetui se ostendere soliti fuerint, ferrea ætate terram reliquisse linguntur; cf. Hesiod. Epy. 197 seqq. beata pleno copia cornu, cf. supra ad I, 47. 16.

v. 61—72. Angur; et fulgente decorus arcu cett. Quodsi igitur Apollo genti Romanæ propitius est, sospitet eam et ad felicissima tempora propaget; Diana autem, si genti Romanæ propitia est, preces quindecim viro- rum exaudiat, et ratas esse iubeat. — Angur, Apollinis laudes et virtutes,

Si Palatinas videt aequus arces;
Remque Romanam, Latiumque, felix
Alterum in lustrum meliusque semper
Proroget aevum.

65

Quaeque Aventinum tenet Algidumque,
Quindecim Diana preces virorum
Curet, et votis puerorum amicas
Adplicet aures.

70

Haec Iovem sentire, Deosque cunctos,
Spem bonam certamque domum reporto,

ut in hymnis fieri solet, cumulantur; laudatur igitur ille primum ut vates, *μῆτρης*, deinde ut arcitenens, *χρυσότοφος*, *ἀργυρότοφος*, tum ut Musarum praeses, *μουσάρχης*, denique ut deus salutaris sive artis medendi peritus, *ἰατρός*; eandem Apollinis laudes recenset Pindarus Pyth. V. 80 aeqq. iam a *Mitsch.* in *Analect.* p. 711. laudatus. Si *Palatinas videt aequus arces* cett. Equidem hunc locum ita explicandum puto: Si mitis ille preces, quae nunc in monte Palatino funduntur, audit; rem publicam Romanam et Latium in felix alterum lustrum et in melius semper aevum proroget. *Palatinas arces*, innuit templum, Apollini ab Augusto in monte Palatino splendidissime exstructum, vid. Dio LIII. 1. ubi hoc ipsum carmen saeculare decantatum est. — *Remque Romanam Latiumque*; ad illum versum Ennii: *Qui rem Romanam Latiumque augescere vultis.* — *prorogare aevum*, aetatem producere, ut infra Art. P. 346. et sic passim: *horam, diem, annos* cett. *prorogare*; vid. *Bentl.* Aliam explicandi rationem iniit Cl. *Mitsch.* qui *se felix* et *meliusque* ad *Latium* referendum esse

existimat; sed sic debebat scribi: *Rei Romanae Latique felix* — *meliorisque semper proroget aevum*; nam quomodo. vox *aevum* cum *Mitscherlichii* explicatione conciliari possit, equidem non video. *Quaeque Aventin.* cett. et *Diana*; quae in monte Aventino Algidoque colitur, si propitia est genti Romanae, quindecimvirorum preces respiciat cett. *Aventin.* de *Dianae* templo in Aventino vid. *Donat. Rom.* III. 13. *Algidumque*, in hoc monte enim propa Romam ad viam Appiam versari inprimis solebat *Diana*, cf. I. 24. 6. unde, sacra ei ibi facta esse, sponte intelligitur. *quindecimvir. preces.* quindecimviris enim, qui libris Sibyllinis praeerant, singularis sacerorum saecularium demandata fuit cura et administratio.

v. 73—76. iam chorus, decantato carmine, addit epilogum, et spem bonam certamque, se non solum ab Apolline et *Diana*, sed etiam a Iove cunctisque diis exaudiri esse, cum conclone communicat; quod quidem in audientium animis sensus excitare debebat laetissimos. *sentire*, audire, et, ut rata esse iubeat, permovere; *spem bon. cert. dom. reporto*

Doctus et Phoebi chorus et Dianae
Dicere laudes.

75

— *chorus doctus dicere* cett. chorus, ut saepe apud Tragicos, in singulari loquitur, pro: nos pueri puellaeque, qui carmen in Apollinis et Dianae

laudem dicere edocti sumus, nempe a chorodidascalo Horatio. Chorus scilicet, qui alternatim antea encinerat, coniunctim cecinit epilogum.



INDEX

CARMINVM QVAE IN HOC PRIMO VOLUMINE
CONTINENTVR.

Typographi Taurinensis Praefatio	Pag. v
Horatii vita	XVII
Notitia literaria	XXI

LIBER PRIMVS

CARM. I. Ad Maecenatem	Pag. 1
II. Ad Augustum Caesarem	4
III. Ad Virgilium	9
IV. Ad L. Sextium	12
V. Ad Pyrrham	15
VI. Ad Agrippam	17
VII. Ad Manutium Plancum	19
VIII. Ad Lydiam	23
IX. Ad Thaliarchum	25
X. Ad Mercurium	27
XI. Ad Leuconoën	29
XII. Ad Augustum	31
XIII. Ad Lydiam	39
XIV. Ad Rempublicam	41
XV. Nerei vaticinium de excidio Troiae	45
XVI. Palinodia	49
XVII. Ad Tyndaridem	53
XVIII. Ad Varum	56
XIX. De Glycera	59
XX. Ad Maecenatem	62
Hor. Tom. I	D d

CARM. XXI. In Dianam et Apollinem	Pag. 63
XXII. Ad Aristium Fuscum	65
XXIII. Ad Chloë	68
XXIV. Ad Virgilium	69
XXV. Ad Lydiam	72
XXVI. De Aelio Lamia	74
XXVII. Ad Sodales	76
XXVIII. Archytas	79
XXIX. Ad Iecium	84
XXX. Ad Venerem	86
XXXI. Ad Apollinem	87
XXXII. Ad Lyræ	90
XXXIII. Ad Albium Tibullum	91
XXXIV.	93
XXXV. Ad Fortunam	96
XXXVI. Ad Plotium Numidam	100
XXXVII. Ad Sodales	103
XXXVIII. Ad puerum	107

LIBER SECVNDVS

CARM. I. Ad Asinium Pollionem	Pag. 109
II. Ad Crispium Sallustium	113
III. Ad Dellium	116
IV. Ad Xanthiam Phocæum	119
V.	121
VI. Ad Septimium	124
VII. Ad Pompeium	127
VIII. Ad Barinæ	130
IX. Ad Valgium	133
X. Ad Licinium	136
XI. Ad Quinctium	138
XII. Ad Maecenatē	141
XIII. Ad Arborem	144
XIV. Ad Postumum	149
XV.	151

CARM. XVI. Ad Grosphum	Pag. 154
XVII. Ad Maecenatem	158
XVIII.	161
XIX. Ad Bacchum	165
XX. Ad Maecenatem :	169

LIBER TERTIVS

CARM. I.	Pag. 173
II.	178
III.	182
IV. Ad Calliopem	189
V.	198
VI. Ad Romanos	204
VII. Ad Asterien	209
VIII. Ad Maecenatem	212
IX. Carmen Amoebacum	216
X. Ad Lycen	219
XI. Ad Lyden	221
XII. Ad Nebulen	226
XIII. Ad Fontem Bandusium	228
XIV. In Augusti ex Hispania reditum	230
XV. Ad Chlorin	233
XVI. Ad Maecenatem	235
XVII. Ad Aelium Lamiam	240
XVIII. Ad Faunum	242
XIX. Ad Telephum	244
XX. Ad Pyrrhum	247
XXI. Ad Amphoram	249
XXII. Ad Dianam	252
XXIII. Ad Phidylum	253
XXIV.	255
XXV. Ad Bacchum	261
XXVI. Ad Venerem	263
XXVII. Ad Galateam	265
XXVIII. Ad Lyden	270

CARM. XXIX. Ad Maecenatem	Pag. 373
XXX.	379

LIBER QVARTVS

CARM. I.	Pag. 281
II. Ad Iulum Antonium	285
III. Ad Melpomenem	292
IV. Drusi laudes	294
V. Ad Augustum	303
VI. Ad Apollinem	308
VII. Ad Torquatam	312
VIII. Ad Censorinum	316
IX. Ad Lollium	320
X. Ad Ligurium	325
XI. Ad Phyllidem	326
XII. Ad Virgilium	329
XIII. Ad Lycen	333
XIV. Ad Augustum	337
XV. Augusti laudes	342

EPODON LIBER

CARM. I. Ad Maecenatem	Pag. 347
II.	350
III. Ad Maecenatem	357
IV.	360
V. Ad Canidiam teneficam	362
VI.	371
VII. Ad populum Romanum	373
VIII.	378
IX. Ad Maecenatem	377
X. Ad Maevium poetam	381
XI. Ad Pettium	383
XII.	386
XIII. Ad amicos	388

CARM. XIV. Ad Mæcenatem	Pag. 390
XV. Ad Neerum	392
XVI. Ad populum Romanum	394
XVII. Ad Canidiæm	401
Carmen sæculare	409



PRIMI VOLUMINIS FINIS.

Facultate obtenta.

